



MAISONNEUVE ET Cie  
45, quai Voltaire, à Paris.

A LA TOUR DE BABEL  
(Anc. maison TH. BARROIS)

Librairie orientale et européenne  
SS. Pères grecs et latins, Conciles  
Liturgie. Livres sur l'Amérique  
et les Beaux-Arts,  
Livres à figures, etc., etc.

70.

321

et de l'Esprit de Francis de Sales  
Paris.

4154



John Carter Brown.

Voy. Nicolas... l'Esprit de Francis de Sales  
et de l'Esprit de Francis de Sales  
et de l'Esprit de Francis de Sales



Waggoner's

Paris

C  
N.

Le 1<sup>er</sup> 648 56/

T. 130.

Gonara

Paris

1578

HISTOIRE  
GENERALE  
DES INDES OCCIDEN-

TALES ET TERRES NEUVES,  
qui iusques à present ont  
esté descouuertes.

*Traduite en françois par M. Furnee Sieur  
de Marly le Chastel.*



A PARIS,  
Chez Michel Sonnius, rue saint Iacques  
à l'enseigne del'Esku de Basse.

M. D. LXXVIII.  
AVEC PRIVILEGE DV ROY.



## EXTRAICT DV PRIVILEGE.

**P**Ar grace & priuilege du Roy, il est permis à Michel Sonnius, marchand Libraire iuré de l'Vniuersité de Paris, d'imprimer ou faire imprimer, mettre en vente & distribuer, vne fois ou plusieurs, vn liure intitulé *Histoire generale des Indes & terres neuues, qui iusques à present ont esté descouuertes*. Et faiçt defense ledict seigneur, à tous Libraires, Imprimeurs, ou autres de quelque qualité qu'ils soient, de non imprimer, ou faire imprimer, vendre, ou distribuer en ses pays, terres, & seigneuries, autres que ceux qu'aura faiçt imprimer ledict Sonnius. Et ce iusques au temps & terme de sept ans, à compter du iour & date que lesdicts liures seront acheuez d'imprimer, sur les peines contenues és lettres patétes dudit Seigneur. Dōnees à Bouloigne le 16. de Iuillet 1568.

Par le Roy.

Signé de Vabres, & scellé du grand seau  
en cire iaune.



A MONSEIGNEVR  
MONSEIGNEVR  
LE MARESCHAL  
*de Montmorency.*



ONSEIGNEVR, encor que iusques huy la puissance ne m'ayt permis de vous declarer par autres actions la bonne affection que i'ay de cōtinuer en vostre maison, le seruice encommencé dés long temps par feu Monsieur des Roches mon pere, sous Monseigneur le Connestable, que Dieu absolue: si est-ce toutefois que la bonne volonté esguillonnee par vne certaine passion n'a peu en rien estre refroidie, ains entant que l'aage l'a peu permettre a tousiours cherché les moyens de le vous faire paroistre, & même n'en ayant aujourd'huy autre que cestuy-cy, encor  
à ij

qu'il soit petit, si n'ay-ie osé le laisser. Ainsi, comme si ja i'auois esté receu en la continuation du seruice que ie pretends, ie n'ay peu à autre qu'à vous offrir ceste mienne traductiō, qui discourt des Indes Occidentales, & des terres neuues, qui iusques à present ont esté descouuertes: en attendāt que la fortune me presente vne occasion plus suffisante pour vous faire vn seruice plus agreable. Je vous supplie donc Mōseigneur, qu'il vous plaise receuoir ce mien œuvre comme auez accoustumé prendre tout ce, qui avec vne bonne intention part de l'vn des vostres. En ce faisant ie m'assure que ce liure courant par entre les mains des hommes soubs l'ombre de vostre grandeur sera mieux receu d'vn chacun, & me donnerez courage de continuer le seruice que ie vous doibs. Qui sera pour fin où Monseigneur ie prieray le Createur vous donner en santé longue & heureuse vie. De vostre maison de Marly le Chastel, ce septiesme de Septembre.

Vostre tres-humble & tres-affectionné  
seruiteur, M. Fumee.



## SONNET.

*Voulant ce monde en esprit compasser  
Par le moyen d'une vieille peinture,  
Ou bien par quelque ancienne lecture  
Ses degrez longs & larges amasser.  
Soit que tu vueilles quelque temps passer  
A rechercher les secrets de nature.  
Soit que tu vueilles veoir en esriture  
Harmonis par guerres civiles casser.  
Ce n'est pas assez de veoir vn Mela,  
Vn Ptolomee, Strabon, vn Sylla:  
Ce n'est assez de feuilleter vn Plin,  
Encor fault il pour contenter l'esprit  
Lire ce liure, qui au clair descrit  
Comme en rond cet vniuers se termine.*

## PROLOGVE DE L'AVTHEVR.

**L**E monde est si grand, si beau, & si diuersifié de choses différétes les vnes aux autres qu'il rauist en admiration celuy, qui le veult biē contempler: & y a peu d'hommes, s'ils ne viuent comme bestes brutes, qui quelques fois n'emploient leur esprit à considerer ses merueilles. Car le desir de sçauoir est vne chose naturelle à vn chacun. Il est biē vray qu'aucuns ont ceste enuie plus grāde que les autres pour auoir l'art & l'industrie conioincts à leur inclination naturelle. Tels personnages entendent beaucoup mieux les secrets, & causes des choses que nature procee. Mais encor qu'ils soient si subtils, & si curieux: si est ce qu'à la verité ils ne peuuent avec leur grand esprit, & sçauoir paruenir iusques aux œuvres merueilleuses que la sapience diuine a faictes avec de grands mysteres, & faict encor tousiours. A ce propos nous voyons le passage de l'Ecclesiastique estre veritable, où il est dict: Dieu a mis le monde en controuerse, & dispute entre les hommes, afin qu'aucun d'eux ne peust descouurir les œuvres que luy-mesme a faict & faict tous les iours. Mais encor que cela soit vray, ainsi que mesme le confirme le sage Salomon disant: Avec difficulté nous iugeōs des choses de ce monde, & avec vn grand travail espeluchons ce que nous auons, & voyons deuant nous, si est-ce que pour cela l'homme n'est point incapable, ny indigne d'entendre que c'est que du monde, & quels sont ses secrets. Car Dieu a creé le monde pour l'homme, & l'a mis en sa puissance, & sous ses pieds, & comme Esdras dict: Ceux, qui habitent la terre, peuuent cognoistre ce qui est en icelle. Puisque donc Dieu a mis le monde entre nous pour en pouuoir disputer, & nous a faict capables de pouuoir le comprendre, & nous a donné vne inclination volontaire, & naturelle pour sçauoir, ne perdons point nos priuileges, & les graces qu'il nous a faictes,



AV LECTEUR.



Ependât que ces derniers troubles auoient cours, pour soulager mon esprit greué de veoir un temps si calamiteux, ie prins ce liure en main, Amy lecteur, pour te le traduire, & te donner cognoissance de beaucoup de choses, desquelles on parle en l'air, & par un ouy dire seulement, qui oultrepassant tousiours ses bornes, selon la nature d'un bruiet volât, faiet biē souuēt chāger le vray en faux. Or ce qui me feit choisir ce liure entre autres, estoit que mon esprit atedie de longue maladie ne requeroit point un estude plus solide, & aussi qu'il cōuenoit biē au temps turbulent, auquel pour lors nous estions. Car le quatriesme liure discourt amplement sur les guerres ciuiles, qui sont aduenues entre les Espagnols pour la domination du royaume du Peru. D'auantage ie voyois nos histoires Françoises manquer de ceste cy. I'auois leu Ica Leon pour l'Afrique, François Aluarez pour l'Ethiopie, Louys Bertoman pour l'Arabie, Perse, & Indie Orientale, & Antoine Lopez de Castagneda, qui descrit de la descēte des Portuguais à Calicut. I'auois veu les obseruatiōs de Belō pour la Grece,



# AV LECTEV R.

*L'Asie mineur, Syrie, Palestine, & l'Egypte, & pour les mesmes pays la Cosmographie de Leuāt faicte par Theuet. Mais ie n'auois peu recouurer en nostre langue ny mesme en Latin aucune description des Indes Occidentales, que vulgairement par vn mot general nous appellons terres neuues. Il est bien vray que i'auois veu dix liures tournez en nostre lāgue de vingt-huiēt ou trēte, qu'auoit faict en Espagnol vn certain Cromiqueur du Roy d'Espagne touchāt les choses notables qu'il auoit veues en ces Indes. Mais toute son histoire n'est que de la seule isle Espagnole. I'auois veu aussi vn liure, qui parle des singularitez de la France Antarctique, où Monsieur de Villegagnon alla il y a treize ans. Mais, hors-mis la description du pays où noz François descendirent, la plus grand part de ceste histoire n'est farcie que de mēsonges, non pas forgees par l'Autheur, mais par des mariniers, qui luy en comptoient ainsi qu'il recite. Vous y verrez de beaux comptes des Amazones, des fautes en la situation des lieux, & des abuz, en l'interpretation de beaucoup de choses, comme quand il veult descrire la separation des terres du Roy d'Espagne, & du Roy de Portugal. Encor est-il à excuser, comme estant le premier, qui nous a donné cognoissance de ces Indes, & ne fault estimer tirer du premier coup la verité d'une chose. Voyant donc telle defaillance entre noz histoires ie pense par la traduction de cet œuvre com-*

AV LECTEUR.

posé par faire quelque profit au public, non pas tant pour les coustumes, religions, & façons de faire des Indiens qui sont comprises en ce liure, cōme pour la Geographie de toutes ces Indes descrite de poinct en poinct par l'Authheur aussi doctemēt qu'il est possible. Ainsi le Cosmographe, l'Historien, & le guerrier y apprendront, aussi fera le Philosophe s'il veut esplucher beaucoup de choses qu'il y trouuera. Quāt au style tu le trouueras rude pour les sentēces mal ioinctes. Et ceste façō d'escrire est si cōmune à nostre authheur, qu'il eust fallu chāger tout. Ce que si i'eusse faiēt, possible eust-il esté trouuē bō d'aucū, & mal des autres. Mais i'ay mieux aymē laisser le style de l'Authheur tel qu'il estoit, esperāt q̄ tu supporteras aussi aisēmēt ceste traductiō q̄ celle de beaucoup d'autres, q̄ soit en François, soit en Latin, ont traduiēt grossēmēt ce q̄ estoit aussi rudement couché par escrit. Encor ie m'assēure q̄ tu ne trouueras pas trop mauuais mō style doux, et simple. Au reste ie te veux aduertir, q̄ tu trouueras en ce liure des fautes, qui sont suruenues en l'impression tant aux mots qu'aux poinct̄s mal situez. Je t'ay remarqué les plus apparētes, et te cōseille de les corriger suynāt ma correction, denāt que tu te mettes à lire ce liure. Car autremēt tu te trouueras empeschē à beaucoup de passages. La necessitē, qu'auoit celuy, q̄ entreprint ceste impressiō d'aller en Flādres pour ses vrgēs affaires, lors q̄ la premiere feuille se ietta sur la presse,

# AV LECTEUR.

est cause de ce que tu as cet œuvre si mal poly. Il y a encor d'autres fautes, lesquelles ie n'ay cotees. Mais elles sont si legieres qu'elles ne retarderont la lecture, & ne te cacheront aucunement l'intelligēce de la lettre. Pour ceste cause ie m'asseure que tu les excuseras aisement. Tu trouueras aussi ces deux mots *Adelantado*, & *Pesant* assez frequens en ceste histoire, qui ne sont pas cognez à vn chacun. Ainsi voulant satisfaire à tous i aduertiray ceux, qui en sont ignorans, que ce mot *Adelantado* est vn nom de dignité appartenant proprement aux capitaines, qui courent la mer pour faire nouvelles cōquestes. Et ceste dignité, & tiltre de grād hōneur se baille à celuy, qui premier a descouvert ou subingué vn nouveau pais, suyuant l'interpretation du mot, qui descend du verbe Espagnol, qui signifie, non seulement passer, mais oultrepasser. Quāt au mot de *Pesant*, tu sçauras que *Pesant*, & *Castillan* est tout vn, & vn *Castillan* vault vn escu & demy. Dauantage, afin que tu ne resbahisses de ce que tu verras cet œuvre diuisé en cinq liures, sans toutefois veoir le nombre des chapitres finir à chasque liure, il fault que ie te declare mō intentiō. L'auther n'auoit fait qu'un liure de toute son histoire, & ainsi n'auoit fait aussi qu'un nombre de tous ses chapitres. De moy trouuant vne incōmodité grande pour le Lecteur de n'auoir où reposer son esprit, i'ay tranché son liure en cinq pour plus grāde facilité: ioinct que ie voyois la matiere du



# AV LECTEUR.

liure y estre disposee, ainsi que tu pourras iuger par la lecture: Car le premier ne parle que du monde, de l'entreprinse de Colomb, & de son execution, & descript seulement l'isle Espagnole sans toucher encor à la terre ferme. Au second l'Authheur commence sa geographie à la terre ferme, & la poursuit iusques au tiers, ou lors laissant la suite de ses Indes Occidentales faict un discours du voyage de Magellan aux isles des Moluques, qui sont vulgairement comprinses sous les Indes Orientales, & parle des espiceries, & du differēt, qui est entre l'Espagnol, & le Portugais pour la iouissance & seigneurie d'icelles. Au quatriesme il reuient à sa geographie, & toutefois la laisse dès le second chapitre pour descrire bien amplement les guerres ciuiles, qui entre les Espagnols ont duré dix ans au Peru. Ces guerres acheuees il reprend au cinquiesme ce, qui restoit de sa geographie. Par là tu iugeras que ie n'ay que bien faict, cōme au cōtraire tu dirois que i'eusse mal faict, si à chasque liure i'eusse recommencé nouveau nombre de chapitres. Car par ce moyen i'eusse osté la facilité au lecteur de conferer ma traduction à l'original. Encor n'auras-tu pas ceste histoire aussi bien complete, cōme i'eusse voulu. Car la description de ceste grande ville Themistitan, ou Mexique tāt desiree d'un chacun, & plus estimee que n'est Venise y default, par ce que l'Authheur la remettoit en un autre volume, où il vouloit particulièrement descrire les faictz & ge-

# AV LECTEUR.

sies de Ferdinand Cortes, qui la conquesta: & ne m'a  
 esté possible recouuer ce liure en Paris. Mais cela  
 n'empeschera point que tu ne repaisse ton esprit d'au-  
 tres choses, qui sont aussi notables en ce liure, & ce  
 pendât tu le retièdras en appetit iusques à la seconde  
 impressiō, où lors ie satisferay à ton desir. Reçois dōc  
 amy Lecteur, ce liure aussi amiablemēt que libera-  
 lement il t'est offert. En le lisant, il te seruira d'aide  
 (cōme il m'a faict en le traduisant) à pousser le tēps  
 avec les espaules durant ces guerres prochaines, qui  
 cruellement nous menacēt d'accabler nōstre Frāce.  
 Et de ma part, afin que ie ne sois vn otieux contem-  
 plateur de nōz miseres, ce pendât qu'un chaē met-  
 tra la main à la paste, ie feray comme Diogenes, qui  
 voyāt tous les Corinthiēs empeschez à la defense de  
 leur ville, & qu'on ne l'employoit en rien, print son  
 tōneau, & le porta au hault d'un collicule, & de là  
 le laissoit rouler en bas, & puis le remontoit, ay-  
 mant mieux faire continuellemēt cet exercice, que d'estre  
 ven seul oisif en sa ville, lors qu'un chacun travail-  
 loit. Ainsi ce pēdant q̄ tous serōt employez, les vns  
 pour la ruine, les autres pour la defense de ce roya-  
 me, ie remueray mō tōneau, & te descriray les guer-  
 res aduenues en la Transsylvanie, depuis cinquante  
 ans en ça entre le Roy de Polongne, l'Empereur, les  
 Roys de Hongrie, & le Turc. Ce que ie te presente-  
 ray apres que i'auray cogneu q̄ tu auras daigné gou-  
 ster à bon escient de ces premiers fruiets.



# PREMIER LIVRE DE

## L'HISTOIRE GÉNÉRALE DES

Indes, & terres neuues, qui iusques à present ont esté descouuertes.

*Qu'il n'y a qu'un monde & non plusieurs, comme aucuns Philosophes ont pensé. Chapitre I.*



Plusieurs, & grands Philosophes, qui ont esté person-  
nages tenuz en leurs temps  
pour doctes, & sçauâts, com-  
me ont esté Leucippe, De-  
mocrite, Epicure, Anaximã-  
der, & autres, ont eu ceste  
opinion, qu'il y auoit plu-  
sieurs mondes esquels tou-

tes choses s'engendroient & se creioient des Ato-  
mes qui sont certaines petites particules de rien  
comme celles que nous voyôs aux rayôs du soleil.  
Ces Philosophes disoient qu'il y auoit plusieurs  
mondes, &, comme seulement de vingt & tant de  
lettres se composoient vne infinité de liures : ain-  
si ne plus ne moins de ce peu, & de ces petits atomes  
si subtils se faisoient plusieurs, & diuers mondes.  
Ils tenoient ceste opinion assèurément, parce qu'ils  
croyoient que tout fut infiny : Aussi il sembloit à



Metrodore chose mal seante, & mal proportion-  
 nee n'auoir en cest infiny plus d'un seul monde, ain-  
 si comme ce seroit vne chose ridicule n'auoir en v-  
 ne grande vigne qu'un sep, ou en vne campagne  
 un espic seul. Orphæe pensoit que chascque estoille  
 fust un monde selon qu'escriit Galien en l'histoire  
 philosophicque. De ceste opinion ont estez Hera-  
 clides, & autres Pitagoriciés, selon que recite Theo-  
 doret en son liure de la matiere, & du monde. Se-  
 leuce philosophe (comme escriit Plutarque) ne s'est  
 contenté de dire qu'il y auoit infinis mondes: mais  
 encor disoit que chascque monde estoit infiny, cō-  
 me qui diroit que ce ne peut auoir commencemēt  
 où il prend sa fin. Je croy que le grand Alexandre  
 print de là enuie de conquerir, & assubiectir tout  
 l'vniuers, puisque, comme escriit Plutarque, il se  
 print à pleurer quād un iour il ouyt ceste question  
 estre debatue par Anaxarque, lequel demandant la  
 cause de telles pleurs iettees sans propos. Alexan-  
 dre respondit qu'il pleuroit non sans iuste & gran-  
 de raison, n'ayant sceu encor subiuguer un monde  
 de tant qu'il y en auoit, ainsi que disoit Anaxarque.  
 Ceste responce demonstre bien que, quand il cō-  
 mença sa conqueste de ce monde, il imaginoit plu-  
 sieurs mondes, & pretendoit de commander à tous,  
 mais la mort luy couppa chemin auant qu'il peult  
 subiuguer la moitié de cestui. Pline aussi disoit qu'il  
 y auoit infiniz mondes, & s'aduangoit de vouloir  
 mesurer le monde par paz, qui est vne chose pleine  
 de trop grande brauerē, encor qu'il die l'auoir fait  
 si subtilement, & avec si bon compte que ce seroit  
 honte à celuy, qui ne le croyroit. De l'opinion de



tous ces philosophes est sorty le prouerbe qui dit: que, quand on se trouue neuf en aucune chose, on semble estre en vn autre monde. Nous aurions estimé peu le dire de ces gentils, puisque, comme dit saint Augustin, ils s'embroient ainsi en vne infinité de mondes avec leurs folles, & vaines pensees, encor moins aussi celuy des hereticques dits Ophiens, & celuy des Tamuldistes, qui affirment auoir dix-neuf mille mondes, puis qu'ils escriuent contre l'Euangile, s'il n'y auoit des Theologiens, qui font mētion de plusieurs mondes. Baruch parle de sept mondes, comme dit Origene, & Clemēt disciples des Apostres dit en vne sienne Epistre, selon Origene, en son liure Peri arcon, que la mer Oceane n'est nauigable, & que les mondes, qui sont derriere iceluy se gouernent par la prouidence de Dieu. Semblablement saint Hierosme allegue ceste mesme autorité sur l'Epistre de saint Paul aux Ephesiens, où il est dit: tout le monde est mys en malice. En plusieurs passages du nouueau testament il est fait mention d'un autre monde, & IESVS CHRIST, qui est la mesme verité, disoit que son regne n'estoit point de ce monde, & appelle le Diable prince de ce monde: disant cela, il semble qu'il en y a d'autres pour le moins vn, & c'est ce qui fait errer les heretiques Ophiens, lesquels n'entendans pas bien l'escripture sainte inferoient par là qu'il y auoit innombrables mondes, & qui croyroit qu'il y eust plusieurs mondes comme le nostre il failleroit malheureusement avec eulx. Tout ce monde que Dieu a cree ciel, terre, eau, & les choses visibles, comme dit saint Augustin contre les Aca-

demiciens, se maintient l'un l'autre. Ce qui est approuvé par tous les philosophes Chrestiens, & mesme par les Gentils, si ce n'est Aristote avec ses disciples, qui fait le ciel different du monde, au traité qu'il en a composé. Cestuy-cy est donc le monde que Dieu a basti selon qu'il est tesmoigné par saint Iean l'Evangéliste, & plus amplement par Moysé, par ce que s'il y en avoit d'autres come cestuy-cy, ils ne l'eussent pas celé. Le Royaume de Iesus-christ, qui n'estoit pas de ce mode (afin que respondions à ce point) est spirituel, & non materiel, & l'appellons autre mode, ainsi comme nous disons vne autre vie, & l'autre siecle: ce que declare fort bien Esdras, disant: Le tout-puissant a fait ce monde pour plusieurs, & l'autre, qui est la gloire pour peu. Et S. Bernard appelle ce monde, inferieur, au regard du Ciel. Quant aux mondes que met Clemēt derriere l'Océan, ils se doiuent entendre & prédre pour climats & parties de la terre. Ainsi Plin & autres auteurs appellent la Scandienne, terre des Gots, & l'isle Taprobane, que maintenant ils appellent Zamotre. Epicure, selon que recite Plutarque, tenoit pour mondes semblables climats & parties de terre, separees de la terre ferme, comme est vne isle: Et parauēture telles portions de terre se doiuent prédre pour la rōdeur que l'escriture appelle des terres, & quād elle dit de la terre, ce doit estre tout ce mode terrestre. Or quant à moy, encor que ie croye qu'il n'y a qu'un mode, i'en nōmeray toutesfois souuent deux en ce mien œuvre, pour changer les noms en vne mesme chose, & pour micux m'entēdre, appelant nouveau monde les Indes desquelles i'escris.

*Que le monde est rond, & non plat.*

*Chap. 2.*

**I**L y a plusieurs raisons pour prouuer que le monde est rond, & non plat, mais la plus claire & plus vray-semblable est le tour rond que le soleil chaque iour luy donne avec vne incredible legereté. Estant donc tout le corps du monde rond, il est nécessaire que toutes ses parties soyent rondes, spécialement les elements, qui sont la terre, l'eau, l'air, & le feu. La terre qui est le centre du monde (ainsi que le demonstrent les Equinoxes) est fixe & stable, tant & si fort, & si bien fondée sur elle mesme, que jamais elle ne defaudra, ny ne flechira : & outre cela elle attire à soy pour ses extremitez la mer, laquelle encor qu'elle soit plus haute que la terre, & plus grande, si garde-elle sa rondeur au milieu de ce monde, & sur la terre, sans s'espandre, ny sans la couvrir, ne voulant rompre le commandement & les bornes qui luy ont esté baillees : mais environne, abbreuve, & raille en plusieurs lieux la terre, de telle maniere qu'elle ne se mesle aucunement avec elle, ce qui semble vn miracle. Plusieurs ont pensé qu'elle estoit comme vn œuf, ou vne pomme de pin, ou bien comme vne poire. Et Democrite l'a estimée ronde comme vn plat, mais non pas creusée. Anaximander, Anaximenes, & Lactance, & ceux qui nient les Antipodes, affirment que ce corps rond composé d'eau & de terre, est plat : ils l'appellent plat à comparaison de rond, encor qu'on voye plusieurs montagnes & valees. Quel homme de raison qu'on voudra prendre, encor qu'il n'ait aucunes lettres, trouuera incontinent le point où



errent tels personnages en faisant ce monde plat, & partant il n'est point necessaire de mettre en auant plus grande declaration.

*Que non seulement le monde est habitable, mais aussi habitée.* Chap. 3.

**L**A curiosité humaine ne se contente pas comme elle veut, soit que cela ainsi aduienne ou sçauoir d'auantage, ou pour n'estre ocieux, ou bien parce que comme dit Salomon, les hommes se veulent mettre en ie ne sçay quelle profondeur, & fatigue, pouuants neantmoins viure en repos. Il leur deueroit suffire que Dieu a fait le monde rond, & qu'il a separé la terre de l'eau, afin que les hommes vescuissent, lesquels encor veulent sçauoir si toute la terre est habitée ou non. Thales, Pythagoras, Aristote, & après luy toute l'escole Grecque, & Latine asseurent que la terre ne se peult habiter toute en aucune maniere, l'une partie pour estre trop chaude, & l'autre pour estre fort froide. Quât aux autres parties qui separét la terre en deux, qu'ils appellent hemispheres, ils disent qu'il n'y a point d'hommes en vne, & qu'il n'y en peult auoir. Mais que tous les hommes doiuent de necessité viure en l'autre, qui est la partie ou nous sommes. Par ainsi ils ostent trois tiers de cinq qu'ils donnent à la terre: de mode que selon eux les deux des cinq parties, esquelles est diuisee la terre, sont seulement habitables. Or afin que le vulgaire entende mieux cecy, qui est ia assez cogneu aux doctes, ie veux vn peu estendre ce discours pour prouuer que la plus grâde partie de la terre est habitable. On feint au ciel cinq ceintures, que les Latins appellent Zones, par lesquelles



on diuise la rondeur de la terre: Les deux sont froides, les deux tēperees, & l'autre chaude. Si vo<sup>9</sup> voulez sçauoir cōme s'imaginēt ces cinq Zones, mettez vostre main gauche entre vostre veuë, & le Soleil il se leue, mettāt la paulme vers vous. Probe Grammairien en vsoit ainsi. Tenez les doigts ouuers & estēduz, & regardans le Soleil entre voz doigts, faites vostre compte que chasque doigt fait vne Zone, le poulce est la Zone froide qui est vers la Tramountane, qui pour sa trop grande froidure est, inhabitable: l'autre doigt est la Zone temperee, & habitable, où est le tropique de Cancer: le grand doigt est la Zone torride, qui est ainsi appellee à l'occasion qu'elle brulle, & rotist, icelle est inhabitable: le doigt d'apres est l'autre Zone temperee, où est le tropique de Capricorne: & le petit doigt est l'autre Zone froide, & inhabitable, au dessoubs de laquelle est la terre, qui est au Sur ou bien Midy. Aiant bien comprins ceste diuision vous entendez quelle terre est habitable, ou inhabitable selon l'opinion de ceux cy. Pline diminuant encor la partie habitable escrit, que de ces cinq parties qu'ils appellent Zones, le Ciel non seulement en oste trois à la terre, qui sont celles qu'ō marque avec le poulce, le grand doigt, & le petit, mais aussi que des deux autres temperees la mer Oceane en desrobe encor quelque chose. Et en vn autre lieu il dit qu'il n'y a hommes aucuns qu'au Zodiaque. La cause qu'ils mettent en auant pour prouuer que les hommes ne sçauoient viure soubs ces trois Zones, est fondee sur le grand froid, qui est en la region, & climat des deux Poles, à raison de la longue distan-

ce, & absence du Soleil, & sur l'excessiue chaleur, qui est souz la Zone torride pour la viciniré & presence continue du Soleil. Le mesme est confirmé par l'Escot, & quasi par tous les autres Theologiens modernes : mesme Iean Picque de la Mirandolle, Seigneur fort docte, soustint en ses conclusions qu'il proposa à Rome, en presence du Pape Alexadre sixiesme, comme il estoit impossible que aucun homme peut viure, ny demeurer souz la Zone torride. Mais maintenant le contraire se prouue par le dire de ces mesmes escriuains, & par l'authorité des sages anciens & modernes, par la sentence de l'escriure sainte, & par l'experience. Strabon, Mela, & Pline, qui cōfirment ce que nous auons dit de ces cinq Zones, disent qu'il y a des hommes en Æthiopie, en la Chersonesse doree, & en Taprobane, que nous nommons aujourd'huy Guinee, Malaque & Zamotre, lesquels pais toutesfois sont sous la Zone torride. La Scandinanie, les monts Hyberbores, & autres terres, qui sont sous la Tramontane denotee par le ponce, sont peuples, & toutesfois selon Herodote en son Melpomene, & Solin en son Polyhistor, ces Hyperbores sont sous la Tramontane, combien que Ptolomee ne les mette si voisins du pole, il ne les met qu'à septante degrez de l'equinoxial, ce que nie Mathieu de Micoy. On s'esmerueille de Pline (auteur graue) de ce qu'en escriuant de ces cinq Zones, il s'est ainsi oublie, ou bien de son petit sçauoir en la Geographie & Mathematique. Le premier qui asseura que la terre estoit habitable du costé des Zones temperees, fut Parmenides, selon que dit Plu-

tarque. Solin recitant quelques auteurs anciens, met les Hyperbores où vn iour dure demy an, & vne nuit, vn autre demy: cela aduient, parce qu'ils sont à quatre-vingts degrez del'Equinoxial, viuans au reste sainemēt, & si long téps, que quand ils sont faouls de viure, ils se tuent eux-mesmes. Il dit aussi que les Arimphées qui sont en ce climat mesme, s'ot sans cheueux & sans bōnet. Ablaue historien Goth escrit que les Adogites, qui ont le iour de quarante iours des nostres, & la nuit de quarante nuits, à raison qu'ils sont loing du Sur septante degrez, viuēt sans mourir de froid. Galeote de Narue en son liure qu'il a fait des choses incongneues au vulgaire, assure qu'il y a de grāds peuples vers le quartier qui est pres & sous la Tramontane. Saxe grāmairien, & Olauu Goth, Archeuesque d'Vpsale, lequel i'ay hāte longuemēt à Bologne & à Venize, pour vne terre bien peulee mettēt la Scandinanie, qu'aujour d'huy on appelle Suece, laquelle est neātmoins fort Septentrionale. Albert le grand, qui tient pour mauuaise demeure le pais, qui est à cinquātesix degrez du Sur, croit qu'il est impossible qu'il y ait habitation sous la Tramontane: car où la nuit dure vn mois, la froidure, ce dit-il, est intollerable: Aussi Antoine Boufin en son histoire des Hōgres & Bohemes dit, que es Isles pres la mer glacée, les loups perdēt les yeux, à cause du froid. Quant à la Zone torride, plusieurs ont escrit qu'elle est peulee, & qu'elle se peut habiter. Auerrois le prouue par Aristote au 4. liure du Ciel & du mode. Auicēne en sa doct. 2. & Albert le grand au chap. 6. de la nature des lieux, ont voulu prouuer par raisons naturelles que la terre qui



est souz la Zone torride, est habitable: & d'auantage qu'elle est plus tēperée pour la vie de l'hōme, que les Zones des Tropicques. Heraclides, & plusieurs Pythagoriciens, selon que recite Theodorer, ont estimé que chasque estoille fust vn monde, & qu'il y auoit des hōmes qui demeueroient en icelle. Xenophanes cōme rapporte Lactance, disoit qu'il y auoit des hommes qui demeuroyent au sein & cōcauité de la Lune. Anaxagoras, & Democrite disoit qu'il y auoit en icelle des montagnes, valles, & des champs: & les Pythagoriciens y mettoient des arbres, & animaux quinze fois plus grands que la terre, & quelle estoit de couleur de terre: qu'elle estoit peuplée & pleine d'hommes comme nous. De là sont venues les nouuelles & fables que les vieilles comptent, estans accroupies à leur feu. Il y a eu semblablement des Stoiciens (comme dit Lactance, allegāt Seneque) qui ont douté s'il y auoit, ou non, des peuples au Soleil. Voyla comment les pēsees, & les langues des hommes s'extrauaguent, quand en toute liberté on ose proferer ce qui vient en la fantasie. Le Seigneur (dit Esaye prophete, au chap. 45.) n'a point créé la terre en vain, il ne l'a faite sinō afin qu'ō s'y habitast, & qu'on y peuplast. Et Zacharie dit au commencement de sa prophetie, qu'ils cheminerēt la terre, laquelle estoit toute peuplée & pleine de gens. Et si on croit que la mer soit pleine de poissons en tous lieux autant aux lieux froids & chauds, qu'aux temperez, la terre ne doit pas estre vaine, & vuyde d'hommes és Zones, que on feint estre intemperees: & moins le froid, quel ennemy il puisse estre à la vie humaine, les empes-



chent puis qu'ils y vivent longuement, & vôt teste nue à l'air, comme nous auôs dit des Hyperborees & Arimphées : car si la coustume naturelle de viure fait qu'on se conserue sain & entier, mesmes és lieux pestiferez, combien plus est-il aysé se conseruer en pais froid? Il est bien vray qu'il fait meilleur viure en la Zone torride, estant le chaut plus amiable au corps humain. Et par ainsi la terre n'est point depueplée pour le trop grand chaud, ou pour le trop grand froid, mais bien par faute d'eau & de pain. Outre ce que i'ay dit, l'homme estant fait de terre, peut viure en quelque partie de la terre qu'il voudra : attendu mesme que Dieu commanda à Adam & Eue qu'ils creussent, multiplias&ent & remplissent la terre. L'experience, qui se fait iournellement à nauiguer la mer si continuellement, & à voyager par terre, est si grande que nous sçauons comme toute la terre est habitable, & comme elle est habitee & pleine de gens. Gloire en soit à Dieu, & honneur aux Espagnols, lesquels en descourant & conquestant, ont cheminé par terre, & nauigué la grand mer Oceane, trauersans la Zone torride, & passans souz le cercle Artique, qui seruoÿt d'es-pouuentaux à nos anciens.

*Qu'il y a des Antipodes, & pourquoy ils s'appellent ainsi.* Chap. 4.

**O**N appelle Antipodes les hômes, qui cheminent sur la rondeur de la terre au côtraire de nous autres, ou au contraire de l'un de l'autre, lesquels semblent, encor' qu'il ne soit pas ainsi, tenir la teste basse & les pieds haults. Sur laquelle chose comme dict Plin, y a grand discord entre les do-

ètes, & personnes de lettre. Aucuns nyent ces Antipodes, autres les approuuent, aucuns asseurans qu'il y en a, afferment qu'ils ne se peuuent veoir, ny trouuer, & ainsi sont vacillant, & font troubler les autres. Strabon, & autres qui ont esté deuant, & apres les nient gaillardement, disans qu'il est impossible qu'il y ait des hommes en l'Hemisphere inferieur, où on les met. Laisant là les auteurs gentils, ie dis qu'il y a aussi des Chrestiens, qui nient qu'il y ait des Antipodes. Ceux qui tiennent la terre pour plate, les nient. Lactance Firmian y contredit aussi gentiment, croyant qu'il n'y a point d'hommes, qui marchent en terre au cōtraire de nous, par ce que si telle chose estoit vraye, ils chemineroient contre nature les pieds en hault, & la teste en bas: chose en son iugement faincte, & faicte pour rire. Et pour ceste raison on s'est moqué grandement de ceux, qui croyoient que le monde fust rond, & qu'il y eust des Antipodes. Sainct Augustin les nie pareillement au seizieme liure de la Cité de Dieu, chap. neuvieme, il les nie selon que ie croy pour n'auoir trouué en l'escripture sainte aucune memoire d'eux: & encor' pour s'oster hors de debat ainsi qu'on dict, par ce que s'il les eust confessez, il n'eust sceu prouuer qu'ils fussent descendus d'Adá & Eue, comme nous autres, qui demourons en ceste moitié du monde, & Hemisphere, lesquels il faisoit citadins, & voisins de sa cité de Dieu qu'il d'escriuoit. Aussi l'ancienne, & cōmune opiniō des Philosophes, & Theologiens de ce temps là, estoit qu'ēcor' qu'il y eust des Antipodes, ils ne pouuoiet toutesfois cōmuniquer avec nous autres, à cause

qu'ils deuoient estre en l'autre hemisphère, & en l'autre moitié de la rondeur de la terre, ou il est impossible aller ne venir pour la grande, & non nauigable mer, qui est entre deux, & pour la Zone torride, qui nous coupe le chemin, & passage. Notre saint Isidore en ses Erymologies dict, qu'il n'y a raison de croire qu'il y ait des Antipodes, par ce que la constitution de la terre ne scauroit comporter telle opinion, & aussi qu'il ne se peult prouuer par aucune histoire, sinon par les Poëtes, qui les ont inuentez pour auoir occasion de laiser. Laërte, n'Isidore n'ont eu aucune raison de les nier. Sainct Augustin a esté poussé à les nier pour la cause que j'ai dicté. Mais encore qu'on ne trouue en la Bible ce nom d'Antipodes, si n'est-ce pas vn argument, qui nous oblige à croire qu'il n'y en ait point, puis qu'il est escrit en la Bible mesme comme la terre est ronde, & comme le Ciel & le Soleil l'enuironnent: ce qu'estans ainsi tous hommes ont necessairement leurs testes droictes vers le Ciel, & les pieds sur la terre. Car en quel costé d'icelles les hommes soient, ils sont ne plus ne moins que les rayons d'une rouë d'une charette, qui se tiennent fermes au trou ou ils sont fichez, quand la charette est menee, sans qu'aucun d'eux soit en la rouë plus droict que l'autre ne plus hault, ny plus renuerfé. Quasi tous Philosophes anciens ont tenu pour certain qu'il y auoit des Antipodes selon que recite Plutarque en son liure des opinions des Philosophes, & selon Macrobe sur le songe de Scipion. Ce nom d'Antipodes est si commun que le nombre de ceux, qui ne l'ont congneu ne leur



doit estre bien petit, & croy qu'il a tousiours esté en bruit iusques icy depuis le deluge. Le premier, que ie scache, qui ait fait mention entre les Theologiens Chrestiens des Antipodes a esté Clement disciple des Apostres, selon que disent Origene & saint Hierosme, de maniere qu'il est tout certain qu'il y en a.

*Où, qui, & quels, sont les Antipodes. Chap. 5.*

**L'**Element de la terre, encor' qu'il soit party en plusieurs Isles, n'est qu'un corps, qui est rond en sa proportion, soit qu'il semble plat comme nous auons cy deuant dict. Thales Milesien vn des sept Sages de Grece, estoit de ceste opinion, & plusieurs autres Philosophes cōme l'escrit Plutarque. Mais Oecetes vn autre grādPhilosophe Pitagoricien fait deux terres de la nostre, & de celle des Antipodes. Theopompe historien, selon Tertulian cōtre Hermiogenes, dict que Silene affirmoit au Roy Midas qu'il y auoit vne autre rondeur de terre sans la nostre. Macrobe, pour abbreger, traicte bien au lōg de ces deux Hemispheres. Mais il faut scauoir, qu'encor qu'ainsi soit que tous facent bien de mettre deux parties de terre, chasque partie toutesfois ne faict pas vne terre, comme si s'estoient differētes terres: car il n'y a point plus d'un element de terre, sinon qu'il est taillé par la mer ainsi que parle Solin des Hyperborees: & qui contempera l'image du monde en vn globe, & mappemonde, il verra clairemēt comme la mer part la terre en deux parties quasi esgallement, qui sont les deux Hemispheres susdits Asie, Affrique, & l'Europe font vne partie, & les Indes l'autre, en laquelle sont ceux



qu'on appelle Antipodes. Il est tout certain que ceux du Peru, qui habitent en Lima, au Cuzco, & Arequipa sont Antipodes à ceux qui viuent à l'embouchement du fleuve Inde, à Calecut & Zeilan, isles & terres d'Asie. Les Molucques (isles des espieries) sont aussi Antipodes de l'Ethiopie, qu'aujourd'hui nous appellons Guinee: Et Pline dit fort bié que la Taprobane est des Antipodes, par ce que certainemét ceux de ceste isle sôt Antipodes des Ethiopiés, qui sont à la riue du Nil, entre sa source, & Meroe. Semblablemét les Nexicquains, encor que non du tout, sont Antipodes de ceux de l'Arabie heureuse, & de ceux qui habitent au Cap de bonne esperace. Outre les Antipodes, il y en a encor d'autres qu'on appelle Parecques & Antecques: Souz ces trois noms se comprénent tous les habitans du monde. Les antipodes sont dits, par ce qu'ils cheminent sur la terre directement l'un contre l'autre, comme ceux du Cuzco & de Calecut: Les Antecques de Guinee sont ceux du Calecut, & les Parecques de la mesme Guinee sôt ceux de Cuzco: iceux ne demeurent point en pais contraire comme les Antipodes, ny diuers côme les Antecques, ains demeurent en quartier de mesme temperament. Encor que Antecques & Parecques ne soyét proprement Antipodes, si se peuuent-ils ainsi appeller, & de faict on les y nomme, & ainsi on cõfond les vns avec les autres, ce qui est cause que j'ay remarqué pour Antipodes, de la nouuelle Espagne ceux du Cap de Bonne esperance, qui sont nos Antecques.

*Qu'on passe de ce pais aux Antipodes, contre la commune opinion des Philosophes. Chap. 6.*

**T**ous les anciens, i'entends les Philosophes gétils, nient qu'on puisse passer de nostre Hemisphere à celuy des Antipodes, à cause que la Zone torride est au meillieu, qui les separe: & aussi à cause de l'Ocean, qui empesche le passage, ainsi que plus amplement le traicte Macrobe, sur le songe de Scipion que cōposa Ciceró: Quand aux Philosophes Chrestiens, Clement dict qu'il n'y a homme, qui puisse passer l'Océa: & Albert, qui est des nouueaux le confirme. Je croy bien que iamais le chemin ne fut cogneu par eux, & puis les Indiés, qu'on appelle Antipodes, n'auoient point vaisseaux suffisans pour si longue, & si forte nauigation, cōme ont les Espagnols pour la mer Oceane. Mais le chemin est des-ia si frequenté, & cogneu que chasque iour les Espagnols y vont fort aisément, & ainsi l'expériēce est contraire à la Philosophie. Je veux laisser là le grand nombre de nauire, qui ordinairement vont d'Espagne aux Indes, i'en coteray seulement vne nommee la Victoire, qui donna la voltre à tout le rond de la terre, & qui abordant au pays des vus, & des autres Antipodes, demōstra l'ignorance du sçauoir ancien, & s'en retourna en Espagne, dedans le troisieme an qu'elle estoit partie, selō que plus amplement nous dirons quand nous traicterons du destroiēt Magelanicque.

*De la situation de la terre. Chap. 7.*

**I**L semble estre vne grande vanité de vouloir si-ruer la grandeur de la terre, & toutesfois c'est vne chose fort facile. Sa situation donc est au meillieu du monde, & la mer, qui l'enuironne, luy sert d'aïsses, ie ne le sçauois dire plus briuefement, ny plus

plus au vray . Mela pour signes notables , & pour les fins & limites , du ciel il marque , comme aussi faict David au Pſalme 106. l'Orient; le Ponent, le Septentrion , & le Midi, desquels meſmes ils bornent aussi la terre, & par le moyen d'iceux ils tiennent le compte des voyages qu'il conuiét faire par icelles. Eratoſthenes ne mettoit pour ſes aiſles que les deux poles, la Tramontane, & le Midi, diuiſant la terre ſeló le chemin du ſoleil. Marc Varro louoit fort ceſte partition à cauſe qu'elle eſt cõforme à la raiſon, qui nous dict que ces poles ſont fermes, ſtables, & immobiles, cõme ceux qui ſouſtiennent le ciel , & autour deſquels il prend ſon mouuement. Outre que ces ſignes ſuſdits, qu'vn chacú cognoiſt, pour entẽdre vers quel coſté du ciel nous ſommes, ils aidẽt encor' à entendre à combien eſt le deſtroit de Gibraltar, de la Tramontane . Mettons Eſpagne pour exẽple, elle eſt vers Tramontane, & à cinquante degrez d'icelle, ou pour mieux dire , du point de de la terre, qui eſt ou peult eſtre ſous la meſme Tramõtane, qui ſont neuf cens & quatre vingts lieuës: ſelon le cõmun compte des Coſmographes, & mathematiciens, elle eſt à trente ſix degrez de l'Equinoxial, ce qui reuiẽt à noſtre compte. Et à celle fin que de là en auãt on entẽde quelle choſe eſt degrez, ie veux dire ce qui en eſt. Il fault auſſi ſçauoir que les mariniers Eſpagnols prennent quatre mil pour lieuës, & les Italiẽs en prennent cinq, & nous prendrons touſiours quatre mil pour vne lieuë.

*Que ſont-ce degrez. Chap. 8.*

**A**Nciennement, on comptoit & on meſuroit la terre, & le monde par ſtades, paz, & pieds ſelon



qu'on lit en Pline, Strabō, & autres auteurs. Mais depuis que Ptolomee inuenta ces degrez, cent cinquante ans apres la passion de IESVS CHRIST, on laissa ce compte. Ptolomee donc partit tout le corps, & tour que faiēt la terre, & la mer en trois cēssoixāte degrez de lōgueur, & en autāt de largeur, car le monde estant rond, il est aussi large, que lōg, & donna à chacun degré soixante mil, qui font dix-sept lieuës & demye d'Espagne, de façon que le rōd de la terre, en chemināt droit par quelle part qu'on voudra des quatre sus-nōmees, a de circuit six mille deux cēs lieuës, qui sont vingt quatre mille, huit cents mille. Ce compte est si certain, que tous en versent & le louent, & est d'autant plus à louer celuy qui l'a trouué de ce que Iob, & l'Ecclesiastique ont estimé estre difficile qu'aucū peut trouuer la mesure, & largeur de la terre. On appelle les degrez de longueur ceux, qui se comptent d'un soleil a autre par equinoxial, qui tire de l'Orient à Ponent par le meillieu de la rondeur de la terre: Iceux ne se peuvent pas bien comprendre à cause qu'il n'y a point au ciel de ce costé là signe aucun, qui soit stable, & arresté par ce que le soleil, encor' que ce soit vn signe bien clair & euidēt, chāge. chasque iour quelque peu, & iamais ne repréd son cours par la voye mesme, par laquelle il a ia passé selon l'aduis de plusieurs Astrologiēs. On ne sçait le nōbre de ceux, qui se font tourmentes à chercher les moyens, de pouuoir comprendre, & remarquer les degrez de longueur, comme on remarque ceux de la largeur & haulteur, tant y a que personne n'a peu encor' trouuer ces moyens. Les degrez de haulteur, ou lar-

geur sont ceux qui se comprennent de la Tramontane, lesquels sont certains; & s'accordent de point en point, a raison que la Tramontanè est fermèe, & stable, & sert de blanc où on vise. Par ces degrez ie remarqueray la terre. Iceux se diuisent en quatre parties esgales, de la Tramontane à l'Equinoxial, il y a quatre vintgs dix degrez, de l'Equinoxial au Midy, il y en a autât, de Midy à l'Equinoxial encor' autât: & d'iceluy à la Tramontane s'en cõpte autant. Mais nous n'auõs aucune relation des terres, qui sont en yne si grãde distãce, cõme de celles, qui doiuent estre sous le Midy, qui est l'autre esseuil du ciel, de la veuë desquelles nous sommes priuez, car cõme il y a des hyperborees, il y a aussi des hypernocques, ainsi que dict Herodote, qui sont voisins du Midy, & parauenture sont ce ceux, qui habitèt es pays du destroit Magelanique, qui suit la voye de l'autre Pole, laquelle, n'est encor cogneu. Partant ie concluds que la rondeur, & grandeur de la terre ne sera entierement cogneue iusques au temps quelqu'un l'ait enuironné par dessus les deux Poles, comme Iean Sebastien de la Canel l'a entouree par dessous l'Equinoxial.

*Qui fut inuenteur de l'esguille marine. Chap. 9.*

**A**uant que commencer la description & cosmographie ie veux dire quelque chose de la navigation, par ce que sans icelle on n'eust rien sceu de ceste description. Car on n'expedie pas tant de chemin, ne si viste par terre, comme par eau, & sans les nauires iamais les Indes n'eussent esté trouuees, & les vaisseaux se fussent perdus en la mer oceane, s'ils n'eussent porté l'esguille; tellement que ceste es-

guille est la principale partie pour bien nauiguer. Le premier, ainsi qu'escriuent Blonde, & Malphee Girard, qui trouua ceste esguille marine & l'vlsance d'icelle fut Flaue, natif de Melphe, cité du Royaume de Naple, où encor aujourd'huy ils s'en glorifient, & non sans grande raison, puis qu'un de leur voyfins a trouué vne chose si necessaire, si profitable, & si subtile. Les anciens n'ont sceu trouuer ce secret, encor qu'ils eussent le fer & l'aymât qui sont les matieres pour cōposer ceste esguille. Ceux qui sont plus obligez à Flaue sōt les Espagnols, qui nauigent beaucoup. Ce secret fut inuété, peut estre, il y a deux cens cinquante ans : ou, tout au plus, trois cens ans. Aucun ne sçait la cause pourquoy le fer touché à l'aymant, regarde tousiours la Tramontane: rous l'attribuent à vne certaine proprieté occulte, aucuns en dōnent la vertu à la Tramontane, & les autres à la mixtion que font ensemble le fer, & la pierre. Si c'estoit proprieté de la Tramontane, il se feroit, cōme disent les Nochers, mutation en l'esguille quad le vent est de Nordest, qui est le vent Grec, hors de l'Isle troisieme des Azores à huit cēs mil d'Espagne, vers Ponēt l'est, ou est, c'est à dire Leuant, Ponēt. Encor moins aussi ceste esguille perdroit sa vertu quad on passe, comme dit Olanu, par deffous l'Isle d'Aymant, mais soit que ce soit, l'aymant regarde tousiours la Tramōtane, encor qu'on nauigue pres du midy. L'Aymant a pieds & teste, & encor dit-on qu'il a des bras: le fer qui y est suit la teste, iamais ne s'arreste qu'il ne regarde directemēt la Tramontane; ainsi fait-on les quadrants pour le soleil: les pieds seruent pour le midy, & le reste sert



pour les autres parties du ciel.

*Opinion que Asie, Afrique & Europe, ne sont que  
Isles. Chap. 10.*

Les anciens ont party nostre hemisphere en trois parties, Asie, Europe & Afrique. Ils ont separé l'Asie de l'Europe par le fleuve Tanais, ainsi que recite Isocrates en son Panegyricque, & ont diuisé l'Asie de l'Afrique, par le fleuve du Nil, & possible la diuision eust esté meilleure par la mer rouge, qui quasi trauerse la terre depuis la mer Oceane iusques à l'autre Meditteranee. Celuy qu'on nôme Berosé dit que Noé donna les noms à l'Afrique, l'Asie, & l'Europe, & les distribua à ses trois fils, Cam, Sem, & Iaphet, & qu'il vogua par la mer Meditteranee l'espace de dix ans. Nous demonstrerôs à la fin que ces trois susdites prouinces occupent la moitié de la terre. Tous en general afferment que l'Asie est plus grande qu'aucune des autres, & mesme que les deux autres ensemble: mais Herodote se moque en son Melpomene de ceux qui font l'Europe esgale à l'Asie, disant que l'Europe est esgale en longueur à l'Asie & Afrique, & les passe en largeur, ce qui n'est hors de verité: Mais laissant cela pour ceste heure, ie dis que Homere autheur fort ancien disoit que le rond, qui se diuise en l'Europe, Asie & Afrique n'estoit que vne Isle, comme racompte Pomponé Mela en son troisiésme liure. Strabon, au premier de la Geographie dict que la terre qui est habitee, est vne Isle toute enuironnee de l'Ocean. Higin, & Solin confirment ceste opinion, encor que Solin erre en l'imposition des noms de la mer, pensant que la mer Caspe fust partie de l'Ocean, qui

toutesfois est mediterranee, c'est à dire, entre des  
 terres, & ne participe en rien de la grand mer. Stra-  
 bon racompte comme au temps du Roy de Ptolomee  
 Euegetes vn certain Eudoxe nauigea trois ou  
 quatre fois de Caliz en Indie, qui a prins son nom  
 d'vn fleuve: & que les gardes de la mer Arabique,  
 qui est la mer rouge apporterent audit Roy vn Indien  
 en present. Le roy Iuba confirme ceste nauigation  
 selo que dict Solin, & a esté tousiours aurât  
 celebree comme aussi elle est notable, & encor  
 auourd'huy l'est elle plus qu'elle n'a esté, on faict  
 ce chemin par terre, passant par pays fort chauld,  
 mais il n'est point si penible, comme au contraire,  
 il est tresperilleux, & dangereux voguant par le costé  
 de la Tramotane, où sont les grâdissimes froids:  
 Aussi il n'est memoire entre anciens, qu'il soit venu  
 de l'Indie à Caliz par ce chemin plus d'vn navire  
 lequel, selon Mela, & Pline alleguans Cornelien  
 arriua en Allemagne. Et le Roy des Suanubes qu'aucuns  
 appellent Saxons, presenta certains Indiens de ce  
 vaisseau à Quinte Metelle Celer, qui en ce temps  
 la gouuernoit, la France sous le peuple Romain.  
 Mais possible ces gens estoient du pays de la-  
 beur, & les prindrent pour Indiens abusez de la  
 couleur, car on dict aussi que du temps de l'Empe-  
 reur Federic Barberousse certains Indiens arriuerēt  
 à Lubec en vne barcque. Le Pape Pie second dict  
 que la mer Sarmaticque & Scyricque est aussi cer-  
 taine que la mer Germanicque & Indicque: aujour-  
 d'huy nous scauons par experiēce certaine comme  
 on peult flotter depuis Noruegue iusques à passer  
 par dessous la Tramotane, & voguer le lōg & la co-

ste vers le midy iusques à la Cinna. Olan Goth me comptoit plusieurs choses de ces pays, & de ceste nauigation.

*Confins & limites des Indes par la voye de Tramontane. Chap. II.*

**L**E pays qu'on appelle l'Indie, est encores vne isle cōme est ce païs de deçà, il cōmence ses limites vers la Tramontane, qui est vn signe certain. Je compteray par degrez qui est le meilleur, & le pl<sup>us</sup> visité ie ne mesureray, ny n'approcheray de l'Europe, Afrique, & Asie, puisque plusieurs en ont assez escrit. Les confins donc, qui sont plus proches & plus remarquables vers le Septentrion, sont les isles d'Island, & Grœnlād. Islād est vne isle enuiron de cinq cēs mil, situee à septāte degrez de haulteur: mesmes il y en a quelques vns, qui la veulent mettre plus hault, disans que le iour y dure quasi deux de nos mois. Ce mot d'Islād veut dire isle, ou terre gelee, aussi à laverité non seulemēt la mer se gele à l'entour d'icelle, mais la gelee aussi est si forte au dedās de ceste isle, que la terre s'en esclate avec vn merueilleux bruit, tellemēt qu'il semble que ce soit vn grand nombre d'hommes brayants, & se lamentans: de là vient que les habitans pensent que le purgatoire soit là, ou bien qu'on y tourmēte quelques pauures ames. Il y a trois montaignes estranges, qui iettent le feu au pied, estants toutesfois tousiours geles à la cime. Aupres de l'vne d'icelles, qu'on nomme Hecla, sort vn feu, qui ne prend point à l'estoupe, & neantmoins brusle sur l'eau, & la consume. Il y a encores deux fontaines notables, l'vne, qui iecte certaine liqueur comme cire a demy fondue ou



caillee, & l'autre iette son eau bouillante, qui tourne en pierre tout ce que on y iette sans changer la forme & figure. Les ours y sont blancs, aussi sont les regnards, lieures, faucos, corbeaux, & autres oyseaux, & animaux féblables. L'herbe y croist haute & espaisse, & y en a tant qu'ils ne s'en souciét: aussi le bestial y profite merueilleusement, & est-on contraint de l'oster de pasturage de peur qu'il ne creue de graisse. La laine est grosse, mais le beurre est bon à perfection, lequel avec le poisson est le principal soudenemēt de tous les habitans. Les Baleines fréquentent fort le tour de ceste Isle: elle y sont si enragées qu'elles rompent & cassent les nauires. Ils ont fait vne Eglise des costes & os de ces baleines, & autres grands poissons. Les Islandois sont bien dispos de leurs corps, mais sont fort gourmands & sujets à leur bouche. Aucuns ont pensé que ceste isle fust Thylé, isle dernière de celles que les Romains subiuguèrent vers la Tramontane, mais ils s'abusent, par ce qu'il n'y a pas long temps qu'elle est descouuverte, & aussi est-elle plus grande & plus tirant vers la bize. Thilé proprement est vne petite isle, qui est entre les Orcades & Faré, tirant vn peu vers l'Occident & est à soixante-sept degrez, encor que Ptolomee ne la mette si haut, & Island est à cēt soixante mil, de Faré, & deux cens quarate de Thilé, & plus de quatre cens des Orcades. Vers la partie septentrionale d'Island est Gruntland, isle fort grande, laquelle est à cent soixate mil de Laponie, & vn peu plus de Finmarchie, qui sont pais de la Scandinanie, portion de l'Europe. Les Gruntlandois sont vaillans, & beaux hommes. Leurs vais-

seaux sont couuers de cuir, de peur du froid & des poissons. Gruntland, selõ aucuns, est à deux cés mil des Indes, vers le pais de Labeur : on ne sçait encor si ce pais est joint à Gruntland, ou s'il y a entre deux quelque destroit : si les deux se joignent, les deux ronds & hemispheres de ce monde se couplent au pres de la Bize, ou bien dessus, puis qu'elle n'est point plus de cent soixante mil, ou deux cens mil, de Finmarchie. Et encor qu'il y eust vn destroit, ces pais sont assez voyzins, puis que de celui de Labeur on ne compte selon le commun rapport des mariniers, que cent soixante mil iusques au Faial, qui est vne des isles des Azores, & deux mille mil iusques à l'isle d'Island, & deux mille quatre cens mil iusques en Espagne.

*De la situation des Indes.*

*Chap. 12.*

**L**E costé des Indes, qui est le plus Septentrional, est vers la partie de Gruntland, & d'Island. Il s'estend le long de sa coste huit cés mil iusques au fleuve de Neige, qui est à soixante degrez de hauteur : Ceste coste toutefois n'est encor gueres bien recongneue, de là il ya autre huit cens mil iusques à la plage des Molues, & toute ceste coste est quasi située sous le mesme soixantiesme degré, & c'est le pais qu'on appelle de Labeur : ceste coste enclost l'isle des Demons. Des Molues iusques au cap de Mars, qui est au cinquâte-sixiesme degré, on cõpte deux cés quarante mil : de là iusques au Cap de Gado deux cens mil : de ce cap, qui est à cinquante & quatre degrez de hauteur, suiuant la coste droit en Ponent on compte huit cens iusques à vn grand

fleuve dict saint Laurent, qu'aucuns croyent estre  
 bras de mer, & a on vogué dessus plus de 800. mil  
 en tirant contremont: de là est venu qu'on l'a ap-  
 pellé le destroit des trois freres. Il sy fait vn goul-  
 fe quasi quarré, qui tourne iusque à la poincte de  
 Baccalos plus de 800. mil. Outre ceste poincte, &  
 le cap de Gado, on voit plusieurs isles bié peuplées,  
 qu'on nomme Cortes Reales, lesquelles reserrent  
 & couurent ce goulfe quarré, C'est vn lieu en ce  
 quartier là fort notable. De la poincte de Baccalos  
 à la Floride on met 3440. mil, en comptant ainsi  
 par le menu: premieremēt de la poincte de Bacca-  
 los, qui est à 48. degrez & demy, on compte 286-  
 mil iusques à la plage du fleuve: & de ceste plage,  
 qui est vn peu plus qu'à 45. degrez, y a autres 280.  
 mil iusque à vne autre plage, qu'on nomme de Is-  
 leos, qui est quasi à 44. degrez de cest plage iusques  
 au fleuve Fonde on marque 280. mil, & de là en vn  
 autre fleuve qui s'appelle de Gammas, y à 240. mil, &  
 tous les deux fleuves sont à 43. degrez du fleuve de  
 Gammas, on compte 200. mil iusques au cap de S.  
 Marie, aupres duquel est le cap Bas à 160. mil, & de  
 là iusques au fleuve de S. Antoine on met plus de  
 400. mil: de ce fleuve on cōpte en tournant par la  
 coste à l'étrour d'un goulfe 320. mil, iusques au cap  
 des Arenes, qui est quasi à 39. degrez des Arenes au  
 port du prince, y a plus de 400. mil, & de là iusques  
 au fleuve Iourdan 280. & de ce fleuve au cap. S. He-  
 lene, qui est à 32. deg. y a 160. mil: de ce cap au fleuve  
 Sec y a autre 160. mil: de ce Sec, qui est à 31. degré,  
 on compte 80. mil iusques à la Croix, & de là à Câ-  
 naueral, qui est à 28. degr. y a autre 160. iusques à la



pointe de la Floride. La Floride est comme vne langue de terre, qui s'estend en la mer bien 400. mil droit vers le Midy. Et il a à l'opposite de soy loing enuiron de 100. mil l'isle de Cuba, & port de la Habane, & vers le Leuant ell' a les isles de Bahama & Lucaia. De la pointe de la Floride, qui est à 25. degrez, & qui tient 80. mil de lógueur, on cõpte 400. mil, ou plus, iusqs au goulfe bas, qui est à 200. mil, du fleuue Sec de Ponent en Leuât, qui est la largeur Floride. Du goulfe bas on met 400. mil iusqs à la riuiera des neiges : de là iusques au fleuue de fleurs, y a 220. mil, autant iusque à plage du saint Esprit, laquelle, par vn autre nom ils appellent la Culate, ell' a de costé 120. mil, de ceste plage qui est à 29. degrez, y a plus de 280. mil, iusques au fleuue des pescheurs: de ce fleuue, qui est à vingt huit degrez & demy on met 400. mil iusques à la riuiera des palmes, au pres de laquelle passe le tropicque de Cancer. De ceste riuiera iusques au fleuue Panuco, on compte plus de 120. mil, & de là à la Riche ville, ou bien, la vraye Croix, y a 280. mil, Almerie est comprise en cest espace de la vraye Croix, qui est à vingt-neuf degrez, y a plus de 120. mil, iusques au fleuue Alaurado que les Indiens appellent Papalapan: de ce fleuue à celuy de Coazacoalco on met 200. mil, de là au fleuue de Gritalua vers le cap ród y a 320. le long de la coste, en laquelle sont situez Ciampoton, & Lazaro, du cap rond à celuy de Cotocé, ou Iucatan on compte 360. & est enuiron à vingt & vn degrez, tellement que le tout bien cõpté, on trouue 3600. mil en costoiant tousiours la mer depuis la Floride iusques Iucatan, qui est vne

autre Promontoire, qui sort de terre, & s'auance en la mer vers la Tramôtane, & d'autant qu'il s'estend en l'eau d'autant plus il s'elargist. Il y a à deux cēs quarāte mil l'Isle de Cuba vers l'Orient, qui enferme le goulfe, qui est entre la Floride, & Iucatan. Aucūs appellent ce goulfe, le goulfe Mexicain : autres le goulfe de la Floride, quelques vns le goulfe de Cortes. La mer entre en ce goulfe, entre Iucatan, & Cuba, avec vn courant roide, & sort entre Cuba, & la Floride, & iamais ne monte au contraire. De Cortoce, ou Iucatan, y a 440. iusques au grand fleuue. Il y a en chemin la poincte des femmes, ou dames, & la plage de l'Ascension. De ce grand fleuue qui est à seize degrez & demy, on compte six cens mil, iusques au cap de Cameron, lesquels on diuise en ceste sorte. On en compte 120. depuis ledict fleuue iusques au port de Higueras, ou Fichoré : de Higueras, au port de Cauallios autant, & encor' autant de là, iusques au port du Triomphe de la Croix : & de là au port de Honduras, on en met trente, & de ce port au cap de Cameron 80. d'où on compte 280. iusques au cap de Graces à Dieu, qui est à 14. degrez : on voyt en ceste coste Carthage. De graces à Dieu on marque 280. mil, iusque à Scignato, qui vient du lac de Nicaragua : de là a Zorebaro y a 160. mil, & plus de 200. de Zorebaro, iusques au nom de Dieu : Veragua est au milieu. Ces 360. mil, sont à 9. degrez & demy, ainsi nous auōs 1960. mil, de Iucatan iusques au nom de dieu, qui est notable pour le peu de terre & le peu d'espace, qui est de là iusques a la mer, de midy. Du nō de Dieu y a 280. iusques aux Farellons de Darien,

qui sont a 8. degrez: le long de la Coste on voit Acla, & le port de Misas: & puis suit le goulfe d'Vraba, qui contient en son emboucheure 24. mil, & 56 de longueur. De ce goulfe on compte 280. mil, iusques a Carthagene. On trouue entre deux le fleuue de Zenu, & Caribana, d'où prennét nom les Caribes. De Carthagene on met 200. mil, a S. Marthe, qui est enuiron a 11. degrez de hauteur, sur la coste on voit le port de Zambre, & le grand fleuue de S. Marthe y a 200. mil, iusques au cap de la voile, qui est à 12. degrez, & à 400. mil, de S. Dominiq. de ce cap on cõpte 160. mil, à Coquibocõ, qui est vn autre cap de la mesme hauteur, au derriere duquel cõmẽce le goulfe de Venezuela, qui faict de tour 320. mil, iusques au cap de S. Roman: de ce cap au goulfe malheureux, où tõbe la Curiane, on met 200 mil. De ce goulfe à celuy de Cariari on met 400. mil, il est à 8. degrez, il contient le port de la Cane fistule, Ciribici, & le fleuue de Cumane, & la poincte de Araja, à 16. mil, d'Araja, est Cubagna, qu'ils appellét Isle des Perles: & de ceste pointe à celle des Salines on cõpte 240. mil, de la pointe des Salines au cap d'Anegat y a pl<sup>s</sup> de 280. mil, par le goulfe de Parias, qui se fait entre la terre ferme, & l'Isle de la Trinité. d'Anegat, qui est à 8. degrez, on met 200. mil, iusqs au fleuue doux, qui est à 6. degrez: de ce fleuue à celuy de Orellane qu'on dit le fleuue des Amazones, y a 440. tellement qu'on compte 3200. mil, le long de la coste depuis le nom de dieu iusques à la riuicre d'Orellane, laquelle entrant en la mer s'estend 200. mil, en largeur estant droict sous la ligne Equinoxiale. De ceste riuicre on cõpte 400. mil, ius-



ques à celle de Maragnon, qui s'espend en la mer avec vne esteduë de 60. mil, & est à 4. degrez de l'Equinoxial vers le Midy. De Maragnon au pays de Humos sur lequel passe la regle du departemēt, on compte autres 400. mil. De là iusques à l'Angle de saint Luc on en compte encor autant. De cet Angle iusques au cap premier y a encor 400. mil, & de là au cap de saint Augustin, qui est à 8. degrez & demy au delà de l'Equinoxial, on compte 280. mil: & à ce compte, d'Orellane iusques à ce cap on trouue 2100. mil. De toutes les Indes ce cap est le plus proche d'Afrique, & d'Espagne: car il n'y a de là iusques au cap verd, selon le commun recit des mariniers point plus de 2000. mil, encor en diminuent ils. Du cap de saint Augustin on met 400. mil, iusques à la plage de tous les saints, qui est à treize degrez suivant la coste vers le Midy: il y a au meillieu le fleuve de saint François, & le fleuve Royal. De tous les saints on compte 400. mil, iusques au cap de Apre, qui est à 18. degrez ou environ de ce cap iusques à celui, qu'on appelle froid on met 400. mil, le cap froid est quasi comme vne Isle: & de là y a 400. mil, iusques à la pointe du bon Abrigo, par laquelle passe le tropique de Capricorne: & la raye de la partition du bon Abrigo on compte 200. mil, iusques à la baye de saint Michel, & de là au fleuve de saint François, qui est à vingt six degrez, y a 240. mil. De saint François à la riuere de Tibiquiri, on met 400. mil, où est le port de Partos, & celui de Fariol, & autres. De Tibiquiri à la riuere de la Platte, ou d'Argēt, on marque plus de 200. mil, & ainsi on compte 2640. du cap de saint

Augustin iusques à ceste riuere, qui est à 35. degrez, elle tient d'emboucheure iusques à sainte Helene 260. mil, de là iusques aux grosses Arenes y a 120. & de ces Arenes aux rochers d'Annegats 160. & de là à la terre basse 200. & de ceste terre à la plage sans fond 260. de ceste plage qui est à 41. degrez, on met 160. iusques aux Arracifes des loups: de ces loups, qui est à 44. degrez, on compte 180. iusques au cap de saint Dominique, de ce cap iusques à vn autre qu'on nomme Blanc y a 240. qui est pres d'un fleuve nommé saint Iean le Serran, qui est à quarante neuf degrez, autres appellét ce fleuve des trauaulx, depuis lequel on cõpte 320. mil iusques au Promõtoire des vnze mille Vierges, qui est à 52. degrez & demy, & en l'emboucheure du destroit Magelanique, lequel dure 440. mil d'une mesme hauteur, & droit de Leuant en Ponent, & est à 4800. de Venezuela tirant de Midy vers la Tramontane, du cap Desiré, qui est à l'autre emboucheure de ce destroit en la mer de Midy qu'on nomme Pacifique, on cõpte 280. mil iusques au cap premier, qui est à 49. degrez, & de ce cap à la riuere des Salines, qui est à quarãte quatre degrez, on met plus de 620. mil. De ceste riuere on compte 442. mil, iusques au cap Solitaire, & de ce cap à la riuere de saint François y a 240. mil, de ceste riuere, qui est à quarãte degrez, au fleuve Saint, qui est 33. degrez, y a 480. mil: ce fleuve n'est loing de Ciriuara, qu'aucuns appellent le port Desiré de Chillé. De Ciriuara, qui est à 31. degrez, on nauigue quasi par la Tramõtane, & par le Midy par le moyen du fleuve de l'Argent. Du fleuve Saint y a 800. mil, iusques à Cinca & à la ri-

I. LIVRE DE L'HIST.

uiere depeuplee, qui est à vingt-deux degrez de ce  
fleuve y a 360, mil à Arequipa, qui est à dixhuit  
degrez. D'Arequipa, on compte à Lima 560. mil,  
qui est à douze degrez. De Lima iusques au cap de  
l'Anguille on compte plus de 400. mil, qui est à six  
degrez & demi, sur ceste coste on voit Trusilio &  
& autres ports. De l'Anguille y a 160. mil au cap  
Blanc, & de la au cap de sainte Helene 240. mil,  
Tombez, & Tumbamba sont au milieu, & l'Isle de  
la Pune. De sainte Helene, qui est à deux degrez  
de l'Equinoxial y a 280. mil iusqu'à Quigemis par  
où il passe sur la coste sont situez les caps de saint  
Laurent & de Passaos. On compte le long de ceste  
coste iusques au cap de saint Augustin 4000. mil:  
tout ce pays pour estre sous & aupres de la Zone  
torride est fort riche & opulent, comme bien l'ont  
demonstré les provinces de Colao, & de Quito,  
ainsi que dirons cy apres. De Quigemis y a 400.  
mil. iusques au port & fleuve de Peru, duquel a pris  
le nom la riche & fameuse Prouince & Royaume  
du Peru, en ce long traict on voit la plage de saint  
Matthieu, le fleuve de S. Iaques & celui de S. Iean  
du Peru, qui est à deux degrez de l'Equinoxial en ti  
rant en ça. De l'Equinoxial on comte plus de 280.  
iusques au goulfe de saint Michel, qui est à 6. de  
grez de l'Equinoxial, & a de tour 200. mil, & n'est  
qu'à 100. du goulfe d'Vraba. De saint Michel on  
met 220. mil à Panama, qui est à huit degrez &  
demi de l'Equinoxial en ça, & n'est qu'à 60. mil du  
nom de Dieu, si ceste espace estoit retranschee le Pe  
ru seroit vn Isle. Ce Royaume de Peru a de largeur  
mille lieues, & de l'ogueur 1200. & donnant trois  
mil



mil seulement pour vne lieuë (comme on compte par terre) la largeur seroit de 3000. mil, & la longueur de 3600: il y a de tour 4065. lieuës, & par ce que le circuit s'estend pour vne bonne partie sur la coste de la mer, nous compterons à la mode de la mer, qui est de quatre mil pour vne lieuë, tellement que le tour se montrera iusques à 16260. mil. De Panama suyuant tousiours la coste iusques à Tecoantepec on compte 2600. mil, en comptant en ceste façon. De Panama on mesure 280. mil, iusques à la poincte de la Guerre, qui est enuiron à six degrez, en ceste coste on trouue Paris, & Natan. De la Guerre à Borrique, qui est vn autre pointe de terre à huit degrez, y a 400. mil. de Borrique on compte autres 400. mil, iusques au cap Blanc, où est le port de la Ferrallerie, duquel on compte encor' 400. mil iusques au port de la possession de Nicaragua, qui est pres de douze degrez de l'Equinoxial. De la possession à la plage de Fonseca y a 60. mil: de là à Ciororega 80. de Ciorotega au grãd fleuue 120. & de ce fleuue à celuy de Guatimala 260. mil. De Guatimala à Catula y a 200. mil, & tout au pres est le lac de Cortes, qui contient 200. mil de lóueur, & trétedeux de large, de là au port Serre y a 400. mil, & de là à Tecoantepec 160. qui est tirant vers la Tramótane, & le midy avec le fleuue de Coazacoalco, & est vn peu plus qu'à treize degrez, tellement que iustement finissent les 2600 mil. Tout ce traict de pays est fort estroict d'une mer à l'autre, & semble que la mer d'une part & d'autre, ronge ces costes pour se ioinde ensemble, ainsi aussi elle nous monstre comme il seroit aisé

faire vn passage d'un costé à l'autre. De Tecoantepec à Colima on met 400. mil, on voit sur la coste Acapulco, & Zacatula. De Colima on compte 400. mil iusques au cap des Courans, qui est à vingt degrez : le port de Nouël est en ce quartier. Du cap des Courans y a 240. mil iusques à celui de Ciametlan, par lequel passe le tropique de Cancer : sur ceste coste sont situez les ports de Xalisco, & de Vandas. De Ciametlan y a 1000. mil iusques à l'estang ou fleuve de Miraflores, qui est quasi à trente-trois degrez : en ces 1000. mil on voit le fleuve de saint Michel, le Guayaual, le port de remede, le cap Roux, le port des ports, & le port du passage. De Miraflores à la pointe des Baleines, qu'autres appellent Califormia, y a 880. en passant par le port caché, par Belen, le port des Feux, & la plage de Canoa, & par l'Isle des perles. La pointe des Baleines est sous le tropique, & à 320. mil du cap des Courans, par lesquels entre la mer de Cortes, qui ressemble à l'Adriatique, & est quelque peu rouge. De la pointe des Baleines iusques à la plage de l'Abbe y a 400. mil, & de là on en compte autant au cap de tromperie, qui est loing de l'Equinoxial trente degrez & demy, aucuns y en mettent d'auantage, mais quant à moy ie suis la commune opinion : De la Tromperie au cap de la Croix y a quasi 200. mil, & de ce cap y a quatre cens quarante mil iusques au port des Sardines, qui est à trêsesix degrez : En ceste coste est situé le goulfe de saint Michel, la plage des Feux, & la coste blanche. Des Sardines au mont des neiges on compte 600. mil, passant par le port de tous les saints, le cap de la galere, le cap de neige, & la

des premiers. Le mont de neige est à quarante degrez, & est le dernier pais remarqué en ce quartier là, si est-ce toutesfois que le reste de la coste suit la Tramontane encor bien loing iusques à borner toutes les terres susdictes avec la terre de labeur, ou Gruntlandi en forme d'Isle, & ce reste monte iusques à 2040.mil: & par ainsi on costoye toutes les Indes de contree en cōtree iusques au dernier pais congneu & desconuert. Quāt à ce qui est congneu il contient de tour 9300. lieuës & plus, qui sont 37200. Il y en a 3375. lieuës par la coste de la mer de Midi, & 5960. par nostre mer tirant du Nort, qui est la Tramontane. Au surplus il faut entēdre que toute la mer de Midi croist, & diminue beaucoup, & en aucuns caps six mil, & iusques à perdre la maree: & au contraire la mer de Nort ne croist quasi point sinon depuis Parie iusques au destroit Magellanique, & en quelques autres endroits. Personne iusques auourd'huy n'a peu encor sçauoir ny comprendre le secret, ny la cause de la croissāce & décroissāce de la mer, & encor moins pourquoy c'est qu'en aucuns lieux elle croist, en autres, non. Partāt ce seroit chose superflue d'en traicter icy quelque chose. Le compte que ie prens des lieuës & degrez, est selon les cartes marines des Cosmographes du Roy, lesquels ne reçoient, ny ne font memoire d'aucune relation de quelque pilote que ce soit sās auoir receu le sermēt & bon tesmoignage. Ie veux bien dire encor qu'il y a autres Isles & pais en la rōdeur de la terre, sans ce que nous auons descrit cy dessus, entre lesquels est le pais du destroit Magellanique, qui regarde l'Orient, lequel est de grande



estenduë à ce qu'on en peut veoir, & est bien pres du pol Antartique, on pense qu'un des costez dece pays responde vers le cap de Bonne-esperance, & l'autre vers les Molucches, par ce que les pilotes du viceroy Anthoine de Mendozze rencontrerent vn pays de Negres, qui duroit 2000. mil, & croyoyët q ce pays se cōfinaït avec celuy que nous disons. Par ainsi on voit que la grandeur de la terre n'est point encor toute descouuerte, mais les pays que nous auons d'escriit font le corps de la terre, que nous appellons Monde.

*Comment les Indes furent descouuertes pour la premiere fois. Chap. 13.*

**C**omme vne Carauelle flottoit par nostre grãd mer Oceane, vint à s'esleuer vn vent d'Ost si fort & imperueux, & soufflant si continuellement que ladiëte Carauelle se trouua en vn pays inconnu, ny aucunement marqué en la Mappemonde, ou Carte marine. Elle retourna de la en bien plus long temps qu'elle n'auoit faict à aller, & quãd elle arriua de par deça elle n'auoit plus qu'un Pilote, & trois ou quatre Mariniers, lesquels estans arriuez malades, & de faim & de trauail moururët en peu de iours au port. Voila cōment se descouurirent les Indes, avec l'infortune de celuy, qui premier les vit, finissant sa vie auãt que iouir d'elles, & mesme sans laisser memoire de son nom, n'y d'où il estoit, ny en quel an il les trouua. Je croy bië que ce ne fut pas sa faute, mais cela aduint par la malice, & meschâceté d'autrui, ou bien par l'enuie de celle qu'on appelle Fortune. Ie m'esmerueille des histoires anciennes, qui de petits commencemens

nous racomptent de haults faicts, & grandes entreprifes, puis que no<sup>r</sup> ſçauōs, qui eſt celuy, qui depuis peu de temps en ça a deſcouuert les Indes, qui ſont ſi remarquables, & ſi nouuelles. Si le nom de ce Pilote au moins fuſt reſté, puis que tout a prins fin avec ſa mort. Aucuns font ce Pilote d'Audeluz, lequel lors que ceſte fortune luy aduint cōtractoit és Iſles de Canarie, & Madere: autres le font Biſcain negociant en Angleterre, & en France: & autres le diſent auoir eſté Portugays, qui pour lors alloit ou venoit de la Mine, ou Indie, ce qui accorde au nom que prendrent ces nouuelles lettres, auſſi il y en a qui diſent que ceſte Carauelle arriua en Portugal, & autres qu'elle arriua à l'iſle de Madere, où à vne autre des Iſles des Azores: mais pas vn n'aſſeure rien, ils ſ'accordent ſeulement en cela que ledict Pilote mourut en la maiſon de Chriſtoſte Colomb, en la puiſſance duquel demeurerēt les regiſtres de la Carauelle, & le raport de tout ce long voyage, avec la marque, & hauteur de ces terres nouuellement trouuees.

*Qui eſtoit Chriſtoſte Colomb. Chap. 14.*

**C**hriſtoſte Colomb eſtoit natif de Cugureo, ou comme aucuns veullent, de Nerui, vilage de la Seigneurie de Gennes, qui eſt vne cité de grand renom en Italie. Il deſcendoit des Pelleſtreli de Plaiſance en Lombardie. Au commencement il fut petit compagnon comme d'eſtre marinier, qui eſt vn meſtier auquel volontiers ſ'employent tous ceux de la riuiera de Gennes. Ainſi il n'auigua pluſieurs annees en Syrie, & en autres pays de Leuant: depuis il deuint maiſtre à faire des cartes marines,

d'où luy aduiat tout le bien, & la bonne aduventure qu'il rencôtra. Il vint en Portugal pour auoir congnoissance de la coste d'Afrique, qui regarde le Midi, & de tout le reste des pais qu'environnêt les Portugays par leurs nauigations. Or pour mieux faire, & pour bié vèdre ses cartes, il se maria en ce Royaume de Portugal, ou, côme aucuns veulent, en l'Isle de Madere, ou, à ce que ie puis croire, il demeueroit au temps qu'arriua la Carauelle cy dessus mentionnee: il receut en sa maison le patron d'icelle, lequel lui racompra tout le voyage qu'il auoit faict, & les terres neuues qu'il auoit veues, afin qu'il remarquast en vne carte marine qu'il achetoit de luy: ce pendant mourut ce patron, qui laissa par ce moyen à son hôte la relation, la marque & la hauteur de ces terres neuues. Voila comment Christofle Colomb eut congnoissance des Indes. Et afin que ie n'oublie rien, aucuns ont voulu dire que Colomb sçauoit la langue Latine, & qu'il estoit bié entendu en la Cosmographie, qui l'inciroit à chercher les pais des Antipodes, & la riche Cipanga, notee par Marc Paul, pour auoir leu Platon en son Timee, & en sô Cricias, où il parle d'une fort grâde Isle nommée Atlantea, & d'un pais couuert plus grand qu'Asie & Affrique. Et aussi pour auoir leu Aristote, ou Theophraste, qui dit côme certains marchâs Cartaginois nauigeâs du destroit de Gibaltar, vers Ponêt & Midi, descouurirêt, apres lôgues iournees, vne grande Isle depeuplee, bien pourueue toutesfois, avec riuieres nauigeables. Mais laissant là ces autheurs, ie dis que Christofle Colôb n'estoit point docte, ains seulemēt de bō iugemēt, & qu'ayant la cognoissâce



de ces nouveaux pais, par le rapport de ce Pilote mort, il s'informa de personnes doctes sur ce que les anciens disoyent des autres pais, & autres mondes: entre autres il communiqua fort avec vn frere Iean Peres de Marcene, qui demouroit au monastere de la Rabida: par telles cōmunications, il creut pour certain ce que luy auoit laissē de bouche, ou par es- crit, ce Pilote. Il me sēble que si Colōb eust cōgneu par sō sçauoir où estoyēt les Indes, beaucoup deuāt sans venir en Espagne, il eust traitē de cest affaire avec les Geneuois, qui couroyent tout le monde, mais iamais n'en creut rien, iusques à ce qu'il eust rencontrē ce Pilote Espagnol, lequel il trouua par la fortune de la mer, & par la volontē diuine.

*Combien trauailla Christofle Colomb, pour aller  
aux Indes. Chap. 15.*

**A** Pres que le Pilote & les Mariniers de la Cara- uelle susdite furēt morts, Christofle Colōb se proposa d'aller cercher ces Indes: mais autant que le desir estoit grand, d'autant la puissance de s'acheminer estoit petite. Car outre qu'il n'auoit les moyens de fournir vn nauire, il auoit encor be- soyn de la faueur d'un Roy, de peur qu'apres qu'il auroit descouuert la richesse qu'il imaginoit, on luy enleuast ce bien. Or voyant le Roy de Portugal estre empeschē à la conqueste d'Afrique, & à ses navigations en Orient, que pour lors il ne faisoit qu'encommencer, voyant aussi celuy de Castille empeschē à la guerre de Grenate, il enuoya sō frere Barthelemy (qui sçauoit aussi son entreprise) au Roy d'Angleterre Henry septiesme, qui estoit fort riche & opulent, & qui n'estoit occupē en au-

cunes guerres, pour negocier avec luy, tendant à fin qu'il luy donnast des vaisseaux pour descouvrir les Indes & qu'il print en sa protection, luy promettant, & l'assurant de luy apporter en peu de temps de grandiffimes thresors. Barthelemy rapportant mauuaise despesche, Christofle cōmença à traicter de ce negoce avec le Roy de Portugal Alfonso cinquiesme, avec lequel il trouua peu de faueur, & encoꝛ moins de deniers pour aller chercher ces richesses qu'il promettoit, par-ce que ces raisons estoient rebutees par le Docteur Calciadiglia Euesque de Viseo, & parvn certain maistre Roderic personnages estimez bien entéduz en la Cosmographie, lesquels assureoient qu'en l'Occident il ne pouuoit auoir Or aucun, ny autre richesse cōme affirmoit Colób. Cela le feist deuenir tout melancholique, & pensif, si est-ce que pour cela il ne perdit courage, ne l'esperāce de sa bōne fortune que depuis il eut. Il s'embarqua à Lisbonne, & s'en vint à Palos de Moguer, où il cōmuniqua avec Martin Alfonso Pinzon Pilote bien practiqué, & expert, & s'offrant à luy, luy racompta cōme il auoit entendu qu'en nauigeāt derriere le Soleil par la voye temperee, on trouueroit de grands & riches pays. Il communiqua aussi avec frere Jean Perez de Marcene Cosmographe, moine de l'ordre de S. François, auquel en secret il declara tout ce qu'il imaginoit en son esprit. Ce frere l'encouragea d'auantage en son entreprise, & le cōseilla de negocier, & cōferer de cest affaire avec le Duc de Medine Sidonie Héry de Cuzman, Seigñr grād & riche & avec dō Loys de la cerde duc de l'autre medine, surnōmee

Celi, qui auoit en son port de S. Marie vn bon appareil, pour luy donner vaisseaux, & gens necessaires: mais ces deux Ducs ne voulurent entendre a tel voyage, reputant que ce n'estoit qu'un songe, & vn compte d'un moqueur, comme auoient ia faict les Roys d'Angleterre, & de Portugal. Alors le mesme Cordelier l'anima d'aller à la Court des Roys Catholiques, qui prenoient grand plaisir à tels deuis: & pour cest effect il escriuit pour luy à frere Fernad de Teleuere confesseur de la Royné Isabelle, Christophe Colomb s'en alla à la Cour de Castille où il entra l'an 1486. & presenta aux Roys Catholiques Fernand, & Isabelle les memoires de son entreprise. Iceux en feirēt peu de cōpre, par ce qu'ils auoient leus esprits empeschez à chasser les Mores, hors le Royaume de Granate, il s'adressoit à ceux que l'on disoit estre fauoriz du Roy, & qui auoient quelque pouuoir pres le Roy sur les affaires: mais attendu qu'il estoit homme estranger, pauurement vestu, & sans aucun credit que celuy d'un moyne de l'ordre des Freres mineurs, ils ne luy donnoient aucune faueur, & ne le vouloient escouter: ce qu'il tourmētoit grandemēt en son esprit, il n'y auoit qu'Alfonse de Quintauille grand thresorier qui luy donnast à viure, & qui volontiers prestoit l'oreille à ces choses qu'il promettoit de ces pays incogneuz: ce qui luy seruoit d'entretien pour ne point perdre l'esperāce de traicter quelque iour de cest affaire avec les Rois Catholiques. Par le moyē, donc, d'Alfonse de Quintauille, Colōb eut entree, & audience, avec le Cardinal Gōzalez de Medozza Archeuesque de Toledē, qui estoit fort fauorisē, &



auoir grande authorité pres la Royne & le Roy. Ice-  
 luy le presenta deuant eux, lesquels apres l'auoir  
 diligemmēt examinē, & bien entendu son dessein,  
 commencerent à luy prester l'oreille, & prindrent  
 ses memoires, & encor' qu'au commencement ils  
 eussent pour vne chose vaine, & faulſe, tout ce qu'il  
 promettoit, luy dōnerēt toutesfois esperāce d'estre  
 depeschē à son ſouhait apres qu'ils auroient mis fin  
 à la guerre de Granate qu'ils auoiēt pour lors entre  
 les mains. Auec ceste bonne responce Colomb cō-  
 mença à esleuer les penſees encor' plus hault, & à e-  
 stre en estime, & ouy de tous les courtisans, qui ius-  
 ques à ceste heure s'estoient tousiours mocquez de  
 luy, & ne se ſoucioit aucunemēt de ſon affaire, puis  
 qu'il auoit trouuē occasion. La guerre de Granate  
 acheuee: il pourſuiuit ſon affaire de telle façō, qu'ils  
 luy donnerent ce qu'il demandoit pour aller cher-  
 cher ces terres neuues, où il promettoit trouuer de  
 l'or, argent, perles, pierreries, espiceries, & autres  
 choses riches. D'auantage ils luy donnerent la di-  
 xieme partie des reuenus, & daces Royalles, en tou-  
 tes les terres qu'il d'escouueroit, & gaigneroit, ſans  
 preiudice, toutesfois, du Roy de Portugal. La capi-  
 tulation de ce negoce fut paſſee en la Cité de Sain-  
 tē Foy, & le priuilege accordē en la Cité de Gra-  
 nate le 30. d'Auril en l'an meſme que ceste Cité fut  
 reconuerte des Mores. Et parce que le Roy n'auoit  
 pour lors aucuns deniers pour depeschier Colomb,  
 ayant eſpuisé ſon threſor en ceste longue guerre,  
 qui dura dix ans. Louis de Sainct Ange ſon Secret-  
 taire luy presta ſix comptes de Marrauedis qui ſont  
 ſeize mille ducats d'or. Sur cecy nous noterōs deux

choses l'une, comme avec si peu de comptant le reuenu de la couronne d'Espagne est creu en tant cōme vallent aujourdhuy les Indes, l'autre qu'aussi tost que la guerre des Mores, qui auoit duré plus de 800. ans, print fin, celle des Indiens commença, afin que les Espagnols combataissent tousiours contre les Infidelles, & ennemys de la Sainte Foy de Iesus Christ.

*Comme Christofle Colomb descouurit les Indes.*

*Chap. 16.*

**C**hristofle Colomb equippa trois Carauelles en Palos de Moguer aux despens des Rois Catholiques en vertu de la prouision qu'on auoit obtenue d'eux. Il mit en icelles six vingts hommes, tāt mariniers que soldats. Il bailla la charge de l'une à Martin Alphonse Pinzon, de l'autre à François Martin Pinzon, avec son frere Vincent Ianes Pinzon, & quant à luy cōme grand Capitaine de toute l'armee il se mit avec son frere Barthelemy, qui estoit marinier fort adextre, en la plus grande, & meilleure des trois. Il mit les voiles au vent, & commença à sortir du port vn védredi, troisieme iour d'Aoust mille quatre cents quatre vingts & douze. Il passa par Gomere, qui est vne des Isles des Canaries, où il print raffreschissement, de là suiuit sa route qu'il s'estoit imaginé, & apres plusieurs iournees, rencontra tant d'herbe, qu'il sembloit que ce feust vn pré, ce quiluy donna vne peur, encore qu'il n'y eust aucun danger: & dict on qu'il sen vouloit retourner, si d'aventure il n'eust veu bien loing de luy certaines petites cases, qui luy donnerent assurance que la terre n'estoit

pas loing de luy: & aussi tost vn Marinier de Lepe, & vn autre nommé Salzedo, apperceurent vne lumiere: & le iour ensuiuant, qui fut l'vnzieme d'Octobre du mesme an, Roderic de Triane comença à s'escrier, terre, terre. Au son d'vne si douce voix, vn chacun commença à s'esleuer pour voir si l'autre disoit verité, & comme ils veirēt que ce n'estoit point moquerie, se meirent tous à genoux, & chäterent Te Deum, pleurans d'aïse: & aussi tost feirēt signe à leurs compagnons, qui estoient plus loing, qu'ils se resiouissent, & redissent graces à Dieu, qui leur auoit faict la grace de veoir ce que tant ils desiroient. Il faisoit lors bon veoir les plaisirs extremes que les mariniers ont accoustumé de faire, les vns baisoient les mains à Colób, autres s'offroient à luy pour seruiteurs, autres luy demādoïēt graces. La premiere terre qu'ils apperceurēt fut Guanahā, qui est vne des Isles de Lucaios, entre la Floride, & l'isle de Cuba. Ils prindrent aussi tost terre, & possēssion des Indes, & de ce nouueau monde pour le Roy d'Espagne. De Guanahan ils vindrent à Barucoa port de Cuba, où ils prindrent quelques Indiens, & se retirans en arriere borderent de Hayti, ils iettent les ancras au port que Colomb nomma Royal, ils descendirent incontinent en terre par ce que la Capitaineſſe auoit touché à vn rocher tellement que elle s'estoit ouuerte, sans toutesfois qu'aucun homme fut perdu. Les Indiens les voyans descendre en terre s'enfuyrent en grand haste auecques leurs armes, de ce costé vers les montaignes pensans que ce feussent Caribes, qui estoient venuz là pour les manger: les nostres coururent apres eux,



mais ils ne peurent prendre qu'une femme toute nue, à laquelle ils donnerent pain, vin, & confitures, & une chemise, & autres vestemens, & puis l'envoyerent appeller les autres. Elle s'y en alla, & leurs dist, & compta tant de choses de ces hommes nouvellement arrivez qu'aussi tost ils commencerent à venir d'où ils estoient fuiz, & à parler aux nostres sans s'entendre l'un l'autre, sinon par signes comme s'ils eussent esté muets: Ils apportoint oiseaux, pain, fruit, or, & autres choses, pour changer avec des sonnettes, couronnes de verre, esguilles, bourses, & autres telles petites choses: ce qui fut un grand plaisir à Colomb. Ils saluèrent Colomb & le Roy Guacanagari, où comme ils l'appellent le Cacique de ce pays, & se donnerent presens l'un à l'autre, en signe d'amitié. Les Indiens apportèrent leurs barques pour en leuer ce qui estoit en la capitainesse, qui estoit rompue. Ces pauvres gens estoient si humbles, si bien nez, & aussi seruiables, que s'ils eussent esté esclaves des Espagnols. Ils adoroient volontiers la Croix, & se frapportoient la poitrine, se mettoient à genoux à l'Aue Maria, comme les Chrestiens, Colón leur demandoit l'Isle de Cipayo, où il y avoit beaucoup d'or eux entendoient Cibao, & respondoient en leur langue Cibao montrant l'endroit où elle estoit située. Colón pensoit aussi qu'ils feissent réponse à sa demande, & ainsi s'en resjouissoit gradement, pensant avoir trouvé: ce qu'il demandoit, come il s'imaginoit aisément pour la grande montre d'or qu'il voioit desja en ce pais. Voyant donc la richesse si grande en ce pays, & le peuple simple & traitable ne songeoit plus qu'à retourner en Espa-

gne pour rapporter les nouuelles aux Rois Catholiques de tout ce qu'il auoit veü: & deuant que partir fist en peu de iours vn petit fort de terre & de bois, avecques la volontr   du Cacique, & mesme avecques l'aide de ses vassaux, dedans lequel il laissa trente hui  t espagnols, sous le capitaine Roderic d'Arene natif de Cordube, tant pour apprendre la l  gue que pour d  couvrir les secrets du pays, & de ce peuple: & les laissa l  , iusqu'   tant qu'il fust retourn   d'Espagne. Ce fut la la premiere demeure pour peupler que firent les Espagnols aux Indes. Colomb prit dix Indiens, quarante perroquets, plusieurs Coqs, Connils, qu'ils appellent Hurias, Batatas. Axies. Il emporta aussi du Maiz, duquel ils font leur pain & autres choses estranges & differentes des nostres, pour tesmoignage de ce qu'il auoit d  couuert: Il mit semblablement dedans ses vaisseaux, tout l'or qu'il uoit trouu  , ou qu'il auoit eu par eschange. Il despescha trente hui  t compagnons qui demureroient l  , & dict,    Dieu, au Cacique, qui pleuroit pour sa departie, s'en allant avec deux Carauelles, & tous les autres compagnons, faisant voile du port Royal, & avecques vn temps    souhait arriua en cinquante iours au port de Palos: Voila comme les Indes furent d  couvertes par Colomb.

*De l'honneur & grace que les Roys Catholiques firent    Colomb, pour auoir d  couuert les Indes. Chap. 17.*

**L**ors que Colomb se desbarqua en Palos, & se mettoit en chemin pour aller    la court, le Roy & la Royne estoient    Barcelone: & encor que le voyage fut long, & que les eschanges qu'il auoit faict

faict par delà fussent grâdes, si se mit il en chemin. Ce voyage luy estoit honorable, par ce qu'un chacun sortoit dehors pour le voir, à raison du bruit qui couroit là par tout, comme il auoit descouuert vn nouveau monde, d'où il apportoit grandes richesses, & amenoit des hommes de nouuelle forme & d'autre couleur. Aucuns disoyent qu'il auoit trouué la nauigation qu'autrefois les Carthaginois auoient prohibee & deffendue: Autres que c'estoit celle que Platō en son Critias met pour perdue avec fortune: Autres disoyent qu'il auoit acōply ce que Senecque en sa Tragedie de Medee auoit deuinee, c'est à sçauoir, qu'il viendrait par cy apres vn tēps auquel on descouuertiroit de nouveaux mondes, & qualors l'isle de Thillē ne seroit pas la dernière. En fin il entra à la court bien venu & bien souhaitté, & avec grande assemblée de tous qui venoyent au deuant de luy: Ce fut le troisiēme d'Auril vn an apres qu'il en estoit party. Il presenta au Roy, l'or & tout ce qu'il auoit apporté de l'autre mode, ce qui feist esmerueiller vn chacun, voyāt toutes ces choses nouuelles excepté l'Or. Ils louoyent les Perroquets pour estre de fort belle couleur: les vns estoient verts, autres rouges, autres jaunes, avec trete sortes de plumes de diuerses couleurs, & peu d'iceux ressembloyent à ceux qu'on apporte d'autre pais. Les Hurias, autrement conills, estoient petits, ayans les oreilles & la queue de souris, & estans de couleur cendree: Ils esprouuerent l'axies, qui est vne des sortes d'espece qu'vsent les Indiens, laquelle leur brusloit la langue: Ils taterent aussi des Batatas, qui sont racines douces: Ils mangerent aussi des



Coqs du pays, qui sont meilleurs que nos pans & poules. On s'esmerueilloit qu'en ce pays il n'y auoit point de grain, & que tous mangeoient du pain fait de Maiz. Ce qu'ils regardoient le plus, estoit les hommes qui auoient en leurs nez, & en leurs oreilles des pierres pendantes, qui n'estoient ne blâches, ne noires, n'oliuastres, mais estoient de couleur de pomme de coing cuicte: ils estoient fix, qui furent baptisez, le Roy & la Royne estoient par-rins, & le prince dom Iean, pour authentifier d'auantage en la personne de ces Indiens premiers Chrestiens le S. Baptême: tous les autres que Colomb auoit amené, moururēt deuât qu'arriuer à la court. Le Roy, & la Royne estoient fort attentifs au recit que leur faisoit Colomb de tout ce qu'il auoit veu. Ils s'esmerueilloient d'ouyr que ces Indiens n'auoient aucuns vestemens, ny lettres, ny monnoye, ny fer, ny grain, ny vin, ny aucun animal plus grād qu'un chien, ny aucuns nauires que petites barquettes, faites à la semblance d'esquifs, tels que les vendageurs vsent à Rome, faits tout d'une piece: mais quand ils entendirent qu'en ces Isles & terres neuues, les hommes se mangeoient l'un l'autre, & qu'ils estoient tous Idolatres, ils ne le peurent endurer ny supporter, & aussi tost firent promesse à Dieu que s'il leur donnoit vie, ils osteront ceste grand' cruauté, & desracineroient par toute l'Indie, ceste idolatrie abominable, s'ils pouuoient auoir vne fois commandement sur eux: un veu, certes, d'un Roy tres-Chrestien. Ils firent grand honneur à Christofle Colōb le faisant seoir en leur presence, qui est un signe de grande faueur, & amitié, par-ce que pour l'honneur

& reuerence de l'autorité Royale, c'est vne ancienne coustume d'Espagne, que tous vassaux & seruiteur, soient tousiours debout deuât leur Roy. Ils luy confirmerent la dixieme partie des reuenus Royaux, & luy dōnerēt le tiltre & office de grād Admiral des Indes, & feirēt son frere Barthelemy Colōb Adelantado Christofle Colōb mit à l'entour de l'Escu de ses Armes, que le Roy luy auoit donnees, ces deux vers en langue Espagnole:

Por Castiglia, y por Leon.

Nueuo mundo halla Colon. qui veulent dire en François.

Pour Castille & Leon, Colombe

A descouuert vn nouueau Mōde. De là on soupçonnoit que la Roynie fauorisoit plus ce descouurement des Indes, que non pas le Roy. Mesme elle ne permettoit que pas vn autre de ses Castillās passast aux Indes, & si quelq Arragōnois y vouloit aller, il falloit qu'il eust cōgé expres d'elle. Plusieurs deceux, qui auoiet acōpagné Colōb en ces voyages, demāderēt grace, laquelle le Roy n'octroya à tous, dequoy fasché le marinier de Lepe, se retira en Barbarie, où renia sa foy, tāt pour ce que Colōb ne luy dōna rien, que pour n'auoir obtenu sa grace du Roy, encore que deuuant nul autre il eust veu aux Indes le premier la lumiere.

*Pourquoy on appelle tout ce pays Indie:*

*Chap. 18.*

**A**uant que nous passions plus auant, ie veux dire ce qu'il me semble de ce nōm Indie, par-ce qu'aucuns croyent que ce pays s'appelle ainsi, à raison que les hommes sont semblables en couleur à

ceux de l'Indie Orientale. Mais il m'est aduis qu'ils sont bien differens, & en couleur, & en façon de faire: & soit que de ces Indes ce pais soit dict Indie, Indie toutesfois est proprement ceste grande province d'Asie, où Alexandre le Grand feist la guerre, laquelle print son nô du fleuve Inde, & se diuise en plusieurs Royaumes, qui sont aux environs de ce fleuve. De ceste grande Indie, qu'on appelle Orientale, sont sortis grandes compagnies d'hommes, qui descendirent, ainsi que recite Herodote, pour se peupler en l'Æthiopie, qui est entre la mer Rouge & le Nil, ce qui aujourdhuy est en la puissance de Prete Ian. Ils furent si forts en ce pays qu'ils chagerent les anciennes coustumes de ce pays en les leurs. De là vint que l'Æthiopie s'appella aussi Indie: ce qui a meu plusieurs, & mesme Aristote, & Senegue, de dire que l'Indie estoit pres d'Espagne. De ces Indes, donc, de Prete Ian, où là negotioient les Portugays a prins le nom d'Indie ce pays, par ce qu'à dire vray, la Carauelle premiere, qui avec vn vent impetueux fut pousse en ce pays venoit ou alloit à ces Indes, & quand le Pilote vit ces terres neuues, il les appella Indes, & ainsi Christoffe Colomb les a tousiours depuis appelees. Ceux, qui font Colomb pour grand Cosmographe, disent qu'il les appella Indes pour l'Indie Orientale, croiât que ces terres neuues fussent l'isle de Cipango qu'il cherchoit, laquelle est viz à viz de la Cina, ou Catay, & si auoit plustost le Soleil derriere soy que nô pas deuant: plusieurs, toutesfois, croient que ceste Isle de Cipango n'est point. Or soit pour telle raison qu'on voudra que ce pais s'appelle Indie, si s'appelle il aujourdhuy ainsi.



*La donation des Indes que feist le Pape aux Roys  
Catholiques.*

*Chap. 19.*

**A**Vssi tost que les Roys Catholiques eurent ouy Christofle Colomb, despescherent vn courier à Rome, qui portoit la relation de ces terres nouvellement trouuees pour la bailler à ses Ambassadeurs, qui quelques peu de moys deuant estoient partis pour aller prester l'obedience au Pape Alexandre sixiesme, ainsi qu'ont accoustumé faire tous les princes Chrestiens. Le courier arriué les Ambassadeurs presenterent au Pape les lettres de leur Roy, & de leur Royne avec la relation de Colôb. Ce fut certainement vne grâde nouuelle, à laquelle sa Sainteté, les Cardinaux, & toute la Court prirent grand plaisir, & s'esmerueilloient d'ouïr choses si estranges & si rares, tant de ce que les Romains, qui ont gouverné tout le môde, n'en auoient iamais rien entendu, que de ce que les Espagnols auoient faict ce descouurement. Le Pape de sa propre volonté, & de son seul mouuement, & avec le consentemēt des Cardinaux dōna de grace au Roy d'Espagne toutes les isles, & terre ferme qu'ils descouueroiēt vers l'Occident, aux charges & conditions qu'en les cōquerant, ils enuoiroient des precheurs pour cōuertir les Indiens de leur idolatrie. Je descriray icy la bulle du Pape, à fin que tous la lisent, & qu'un chacū sçache cōme ceste cōqueste, & cōuersion des Indes, que font les Espagnols, est avec l'autorité & donatiō du grād vicaire de Iesuschrist.

*La bulle & donation du Pape.*

**A**lexandre Euesque seruiteur des seruiteurs de Dieu à nostre trescher fils en Iesuschrist Ferdi-

I. LIVRE DE L'HIST.

nand Roy, & à nostre treschere fille en Iesu-Christ  
Isabelle Royne de Castille, de Leon, d'Aragon, de  
Sicile, & de Granade salut, & benediction Apo-  
stolicque.

Entre tous les œuvres agreables à la majesté di-  
uine, & que desirōs le pl<sup>r</sup> est que la foy catholique  
& la religion Chrestienne soit principalemēt en no-  
stre tēps exaltee, & par toute amplifiée & espādue,  
& que le salut des ames soit procuré d'un chacun,  
& que les nations barbares soyēt subiuguees & re-  
duites à la foy: ce qui est cause que nous estās parue-  
nus par la seule diuine clemence, & non pour nos  
merites, à ceste sacree chaire de S. Pierre, nous de-  
uons à bon droit de nostre bon gré, & avec toute  
faueur vous donner les moyens & occasions pour  
mettre à execution, & pour poursuiure de iour en  
iour avec un ardāt courage en l'hōneur de Dieu, &  
de l'Empire Chrestien, un si louable & si saint œuvre  
qu'avez encōmencé par l'inspiratiō de Dieu immor-  
tel, cōsiderans que, cōme vrayes roys & princes Ca-  
tholiques, tels que nous vous auons tousiours cō-  
gneus, & cōme assez est notoire à tout le mōde par  
vos grādes entreprises, vous n'avez point seulemēt  
un tel desir que nous, mais qui est d'auātage, que de  
toute vostre puisāce, soing, & diligēce executez vo-  
stre bon vouloir sans espargner aucuns traualx, sās  
auoir esgard à aucune despence, sans vous soucier  
d'aucuns perils, mesme en espendant vostre propre  
sang, & que vous avez voüé tout vostre cœur, tou-  
tes vos forces dès long tēps à cela, comme assez le  
demōstre le recouuremēt qu'avez n'aguere fait du  
royaume de Granade d'être la tirānie des Sarrazins

avec vne si grãde gloire de vostre nom. Nous auõs entẽdu cõme par cy deuant vous auiez proposẽ de faire cercher quelques isles & terres fermes lointaines & incongneuës, & non encor par aucuns descouuertes pour reduire les habitans d'icelles à faire profession de la foy, & recongnoistre nostre redẽpteur: mais que n'auiez peu cõduire ceste sainte & loüable deliberation à sa fin pour la guerre de Grana-  
nade, en laquelle estiez pour lorsempechez, & que du depuis, ce Royaume estant recouuert par la permission diuine, auiez, non sans grands perils & despences, enuoyẽ sur ceste grande mer, où personne n'auoit encor voguẽ: Christofle Colomb, homme digne & recommandable, & propre à vn tel affaire, pour diligemmẽt cercher ces terres fermes & isles loingtaines & incongneuës: lesquelles, apres auoir singlẽ tout au trauers cet Ocean, il auroit trouuees par sa grãde diligẽce avec l'aide de dieu, toutes peuples & rẽplies d'hommes, viuãs paisiblement ensemble, se tenans nuds, & se nourrissans de chair, & qui, selon le rapport de vos ambassadeurs, croyent qu'il y a vn dieu createur au ciel, & qui sẽblent estre assez idoines & capables pour embrasser la foy catholique, & estre instruits ẽs bõnes mœurs: ce qui nous dõne esperãce q̃ le nom de nostre sauueur Iesus-christ seroit facilmẽt espandu parmy ces terres & isles, si les habitans d'icelles estoient endoctrinez. D'auãtage nous auõs estẽ aduertis cõme ledit Colomb en vne principale de ces isles a basti vn fort, dãs leq̃l il a mis quelques Chrestiens qui l'auoyẽt suiuy, tãt pour le garder q̃ pour s'enquerir des autres isles & terres fermes qui luy estoient encor incõgneuës, &



qu'il a rapporté qu'és Isles qu'il a ià descouuertes, on trouuoit de l'or, des espiceries, & plusieurs autres choses precieuses. Ce qu'estât par vous diligēment considéré, principalement ce qui concerne l'exaltation & ampliacion de la foy Catholique, (cōme il appartient à Roys Catholiques) vous auez proposé, suiuant la bonne coustume de vos predecesseurs Roys d'eternelle memoire, de subiuguer avec l'aide de la diuine clemence toutes ces terres, isles susdites, & to<sup>s</sup> leurs habitās, & les ramener à la foy Chrestienne. Voyans vostre deliberation telle, nous, qui affectuēsement desirons qu'une si saincte & loūable entreprīse soit bien encommencee, & encor miēx acheuee, & qui souhaittons grandemēt que le nom de nostre Sauueur soit presché en ces pais incongneus, vous enhortons par le saint Baptēisme (par lequel estes obligez aux commandemēs apostoliques) & vous sommōs par l'interieur de la misericorde de nostre Seigneur Iesus-Christ, que quand avec vn bon zeile de la saincte foy, vous cōmēcerez ceste expedition, vous vueillez induire les habitans de ces isles & terres fermes, à receuoir la religion Chrestienne, sans que les perils & trauaux vous en puissent iamais destourner, vous fians asseurement que le Dieu tout-puissant conduira en route prosperité vos entreprinſes. Et afin que par la largesse apostolique vous entrepreniez plus volontiers & d'un plus grand courage la charge d'une si haute entreprinſe, de nostre propre mouuement, sans auoir égard à aucune requeste qui par vous ou par autrui nous pourroit auoir esté presentee, mais seulement esmeus par nostre pure &

franche liberalité, & pour quelques secretes causes, nous vous dōnons toutes les isles & terres fermes, qui ont ja esté trouuees, & qui sōt encor à trouuer, qui sont descouuertes & à descouurir, vers l'Occident & le Midy, tirāt vne ligne droit du pol Arctique au pol Antarctique, soit que ces isles & terres fermes trouuees & à trouuer, soit vers l'Indie, ou vers quelque autre quartier. Nous entendons toutesfois que ceste ligne soit distante cent lieuës vers l'Occident & le Midy des isles, que vulgairemēt on appelle Azores, ou du Cap verd. Nous dōc par l'autorité de Dieu tout-puissant, qui nous a esté baillee en la personne de S. Pierre, & de laquelle nous iouissons en ce mōde cōme vicaire de Iesus-christ, vo<sup>o</sup> dōnons avec leurs seigneuries, villes, chasteaux, lieux, villages, droicts, iurisdiccions, & toutes autres appartenances & dependances, toutes les isles & terres fermes trouuees & à trouuer, descouuertes, & à descouurir depuis ladicte ligne vers l'Occidēt & le Midy, qui par autre Roy ou prince Chrestien n'estoyent point possedee actuellemēt iusques au iour de Noel dernier passé, auquel cōmence la presente annee 1493. lors que quelques vns des isles susdites ont esté trouuees par vos Lieutenans & Capitaines. Lequel don nous estendons en la personne de vos heritiers & successeurs Roys de Castille & de Leon, & les en faisons seigneurs avec pleine & libre puissāce, autorité & iurisdiccio sur icelles, ne voulās neātmoins desroger au droit d'aucun prince Chrestien, qui actuellemēt en auroit possedé quelques vnes iusqu'au iour susdit de la natiuité nostre seigneur Iesus-christ. D'auātage nous vous mādons

que suiuant la sainte obedience que vous nous deuez, & suiuant la promesse que vous nous auez faicte (laquelle nous ne doutons point que ne gardiez entieremēt pour la grande deuotion & royale majesté qui est en vous) vous enuoyez aux susdites isles & terres fermes des gens de bien, craignans Dieu, doctes, sçauans, & experts, pour instruire les habitans susdits en la foy catholique, & pour les abreuer de bonnes mœurs, vous enchargeans de vous employer songneusement aux choses susdites. Et d'autre part nous deffendons sur peine d'excommunication à toutes personnes de quelque dignité que se soit, fuisse Imperiale, & Royale de quelque estat, degré, ordre, ou condition qu'elles soyēt d'aller ou enuoyer sans auoir permission de vous, de vos heritiers & successeurs susdits, à aucunes de ces isles & terres fermes qui sont ja descouuertes, & sont encor à descouurir vers l'Occident & le Midi, suiuant ladite ligne que nous entendons passer du pol Arctique, au pol Antarctique cēt lieuës loig des isles des Azores, ou du cap verd, vers Occidēt & Midi, nonobstāt toutes autres cōstitutions, & ordonnances apostoliques à ce cōtraires: ayans bonne confiāce que celuy qui est distributeur des empires & seigneuries, conduira vos actions, si vous poursuiuez vne si sainte & louable entreprise, & vos labeurs & traux auront en brief vne fin tres-heureuse qui aportera vne grāde gloire, & vne felicité nōmpareille à tout le peuple Chrestien. Mais parce qu'il seroit difficile que ces presentes fussent portees aux lieux où il seroit besoing, nous voulōs que pareille foy soit adioustee cōme à ces presētes,



aux copies, qui seront signees par main de notaire public, sur ce appellé & scellées du scel de quelque personne, constituée en dignité ecclesiastique, ou de quelque court d'Eglise. Qu'aucun donc ne soit si temeraire d'enfreindre & venir au contraire de ce, qui est porté par cet nostre mandemēt, exhortation, requeste, donation, cōcession, assignation, cōstitution, decret, deffence, inhibition, & volonté. Et si quelqu'un soit si hardy d'attenter au contraire, qu'il fasseure d'écourir l'indignation de Dieu tout puissant & des apostres S. Pierre & S. Paul, donné à Rome à S. Pierre l'an de l'incarnation de nostre Seigneur 1493. le quatriesme des nones de May, & le premier an de nostre pontificat.

*Le second voyage que feist Colomb aux Indes. Chap. 2.*

**L**Es Roys Catholiques ayans si bonne responce du Pape, resolurēt de renvoyer Christoffe Colomb avec grand nombre de gens pour peupler ce nouveau païs, & pour cōmencer la conuersion de ces Idolatres, suiuant la volonté, & mandemēt du Pape. Ils cōmanderēt à Iean Roderic de Fonsèque Doyen de la cité de Senile qu'il assemblast vne bōne armee de mer, & feist prouision de viures, & de tel nōbre de vaisseaux qu'ils fussent capables pour recevoir mil cinq cens hommes. Le Doyen suiuant ce commandement equipa iusques à dixhuiēt nauires & carauelles, & de là en auant il eut tousiours l'œil sur les faciendes des indes, & vint à estre president du conseil d'icelles. Ils cercherent douze Prestres lettrez & de bonne vie pour prescher & conuertir ce peuple, iceux suiuyoient frere Bueil Catalan de l'ordre de S. Benoist, qui avec vn brief fen

alloit par de-là comme vicaire du Pape. Au bruiet des richesses de ces Indes, & pour estre l'armee bone, & pour plaire au Roys Catholiques, plusieurs Cheualiers, & courtisans se hazarderent à ce voyage. Plusieurs autres gens aussi de mestier mecanique se ietteret avec ceste armee, comme Orfeures, Charpentiers, Cousturiers, Villageois, & autres. On achepta aussi aux despens du Roy force lumés, Vaches, brebis, cheures, porcs, truyes, asnes, pour en auoir de la race, par ce qu'il n'y en auoit point par de-là. Aussi on acheta grande quantité de grain d'orge, de legumes pour semer, de vignes, cannes douces de succe, & plantes de fruiets doux, & aigres, des briques & de la chaux pour bastir, & plusieurs autres choses necessaires pour edifier & entretenir les villes qu'on bastiroit. Le Roy feist grande despence en ces choses, & en la soulde de ces mille cinq cens soldats qui estoient en ceste armee, laquelle Christofle Colomb feist sortir de Caliz le 25. de Septembre 1493. Et par ce qu'en naugeant selon sa route il panchoit routesfois plus à gauche qu'il n'auoit fait au premier voyage, s'approchant plus pres de l'Equinoxial, il vint à reconnoistre premierement vne isle qu'il appella Desirée, à laquelle il ne s'arresta, & vint surgir au port de l'Argent, qui est en l'Isle Esgagnole, & de là aussi tost se rendit au port Royal, où il auoit laissé trente-huict Espagnols. Or ayât entédu là come les Indiens auoyent tué tous ces Espagnols, par ce qu'ils vouloyent prendre ou forcer leurs femmes, & leur faisoient autres desplaisirs, ou bien par ce qu'ils ne s'en alloyet point, ny ne s'en vouloyent aller, il s'en

retourna pour peupler en l'isabelle, qui est vne cité faicte en la memoire de la Roïne, & feist bastir vne forteresse és mines de Cibao, où il mit pour Capitaine le commandeur dom Pierre Marguerite. Il depescha aussi tost Antoine de Torres avec douze vaisseaux, afin qu'ils ne fussent d'auenture perdus, demeurans là trop longuement, pour porter la nouvelle de la mort du capitaine d'Arane & de ses compagnons, & plusieurs grains d'or, entre lesquels y en auoit vn pesant huit onces, qu'Alphose d'Ogede auoit trouué : Il enuoyoit aussi aucuns Perroquets fort beaux, & certains Indiens Caribes, qui mangent les hommes : Iceux sont naturels d'une Isle nommee Ajay, qui aujourd'huy se nome sainte Croix. Quāt à luy il s'en alla avec trois Carauelles pour descouurer plus de pais, comme les Roys luy auoyent commandé. Il descouurit l'isle de Cuba vers le Midy, & la Iamaicque, & autres petites isles, & estāt retourne il trouua plusieurs Espagnols morts de faim, autres malades, & plusieurs tout decoulourez de faim : Il usa de grande rigueur contre aucuns qui auoyent desobey à ses freres Barthelemy & Diegue, & qui auoyent faict mal aux Indiens. Il feist pendre Gaspar Ferriz Arragõnois, & en feist foueter quelques vns si cruellement que tous les autres l'en blasmoient. Estāt ainsi rigoureux, encor que ce fust par voye de iustice, frere Bueil grand vicaire, pour obuier à la mort d'autres Espagnols, & pour oster le deshonneur qui s'en ensuiuoit, interdift Colób : mais il ne se soucioit de telles raisons, ny des autres prestres. Ceste querelle ainsi s'enflāba de plus en plus, & l'un & l'autre en escriuerent aux Roys Catholiques, les



quels enuoyerét par delà leã Agnade pour les amener en Espagne côme prisonniers, afin de rédre raison de leur différent deuant leurs maïestez. Aucuns disent que le frere, & les autres querellans vinrent deuant, qui informerent mal le Roy & la Royne. Christofle Colomb arriua à Medine du champ, où pour lors estoit la Cour, & apporta au Roy plusieurs grains d'or, & aucuns pelans quinze, & vingt onces, & plusieurs grandes pieces d'Ambre, grande quantité & nacre de perles, plumes, & manteaux de cotton, desquels se vestoient les Indiens: il leur feist son rapport de ce qu'il auoit descouuert de nouveau, & leur loua grandement ces Isles si riches, & si esmerueillables de ce qu'en Decembre, quãd l'hyuer est en Espagne, les oyseaux font leurs nids aux arbres par la campagne, & en Mars les raisins sauvages se meurissent, le grain semé au moys de Ianuier, est meur en soixante & dix iours, les melons sont bons en quarante iours, les racines, & laitues en moins de vingt iours viennent à perfection: La chair des Pigeonneaux sent comme muse, & celle des Cocodrilles, qui sont en grãd nombre en chaque fleuve: Les habitans peschent en la mer de fort grands poissons avec vn petit instrumēt qu'ils appellēt Gaycã, les Espagnols le nômēt riuersõ, en outre leur dit, côme il pẽsoit qu'il y eust en ce pays de la canelle, girofle, & autres espices, à cause del'odeur doux, & suaue, qui sorroit de plusieurs vallees. Apres tout ce discours il presẽta les proces des Espagnols qu'il auoit mis en iustice. Les Roys catholicques pour mieux & plus àplemēt le descharger, le remerciẽt pour les seruices qu'il leurs auoit faits, & pour

les peines, & fatigues qu'il auoit enduré, le reprendrent seulement de la trop grande seuerité, & & chastiment, duquel il auoit vûé, l'admonnestant de ce gouuerner par cy apres avec plus grãde modestie avec les Espagnols, qui pour le seruice de leurs maiestez se hazardoiét d'aller en pays si lointains. Ils feirent armer huit nauires, avec lesquels voulurent qu'il retournast à descouurir encor d'auantage de pays & emmener gens, armes, vestemens & autes choses necessaires.

*Le troisieme voyage que Colomb feist aux Indes.*  
*Chapitre 21.*

**D**E ces huit nauires que Colomb auoit armées & equippees aux despés du Roy, il en enuoya deuant deux sous la cõduite de son frere Barthelemi, & luy avec les six autres se partit de saint Luc de Barramede à la fin de May en l'an 1497. Au bruit des richesses qu'on apportoit des Indes quelques corsaires François se ietterent vers ce quartier. Ce qu'ayant entendu Colomb se retira en l'Isle de Madere, d'où il enuoya par le droit chemin à l'Isle Espagnole trois vaisseaux avecques trois cens homes qui estoient là confinez, & luy s'en alla avec les trois autres aux Isles de cap verd pour prendre son voyage plus pres de l'Equinoxial. En ce voyage il tōba en de grands accidents rencōtrāt la mer calme avec grandissime chaleur. En fin il arriua en terre ferme des Indes, vers le quartier qu'on appelle Paria, & de là iusques au cap de la Voile costoya tousiours la terre par l'espace de 1320. mil, & puis se mit à trauerser la mer tirāt à S. Dominique ville que son frere Barthelemy auoit fondee là a riuere du

fleue d'Ozame, ou il fut receu pour gouuernieur selon la forme de la prouision qu'il portoit, ce qui ne fut sans grand murmure de plusieurs, qui estoient fort mal contens & de son frere Adelantado, & de Diego Colomb, qui en son absence auoient le maniement de tout, soit en temps de paix ou en temps de guerre.

*De la faim, maladie, guerre, & victoire qu'ont eu les Espagnols pour se deffendre. Chap. 22.*

**L**es Espagnols ont esprouué l'air, & le pays avec plusieurs sortes de maladies, entre autres ils en ont essayé deux, qui les ont plus longuement tourmentez: l'une estoit des bubes, laquelle maladie ils ne cognoissoient aucunement, l'autre estoit d'un changement de couleur en iaulne, de sorte qu'ils sembloient estre en safranez. On pensoit que ceste couleur vint d'auoir mangé des serpens, qui se repaissent des petits lezards, & plusieurs autres meschantes choses non acoustumées, la necessité les y contraignoit. Il mourut aussi de faim plus de cinquante mille Indiens parce qu'ils ne semoiēt point de maiz, pēsans par ce moyen chasser les Espagnols n'ayans rien à manger. Ce qu'ils faisoient à raison qu'ils preuoyent ia bien le mal, & la perte qu'il leur deuoit aduenir. Or comme ils les voyoient fortifiez en Isabelle, & en la forteresse de S. Thomas de Cibao, d'oū ils faisoient saillie sur eux pour emporter viures, & enleuer leurs femmes, qui leur donnoient ce mal de bubes, ou mal François, les Ciguayos assiegerent ceste forteresse de S. Thomas, pour venger l'iniure faicte à leurs femmes, & filles, pensans les tuer cōme ceux de Guacanagari auoiēt



fait du Capitaine d'Arene. Mais ils leuerent le siege vn mois apres qu'ils l'y auoient mis, & s'en retournerent, parce que Colomb venoit au secours. Alphonse d'Ogeda, qui estoit capitaine de ce lieu apres Marguerite, feit des saillies sur eux, ou il en tua plusieurs. Colomb aussi tost qu'il fut arriué, enuoya le mesme Ogeda pour traiter la paix avec le Cacique Coanabo, à qui estoit ceste contree: il negocia si bien, & avec si grande astuce qu'il amena ce Cacique dedans la forteresse, encor que pour lors il eust avec luy plusieurs Ambassadeurs d'autres Caciques, qui luy offroyent gens, & provisions pour tuer ou chasser de l'Isle les Espagnols. Christofle Colomb le feit prisonnier par ce qu'il auoit tué plus de vingt Espagnols. Ce pédant qu'il tenoit ainsi prison vn sien frere assembla cinq mille hommes pour le deliurer, desquels la plus part estoient garnis de fleches, & d'arcs. Alphonse d'Ogeda se mit en campagne au deuât d'eux avec cent soldats Espagnols, & quelques chenuaux que Colón luy auoit donnez. Le frere de Coanabo encor qu'il marchast en bon ordre & qu'il combatist comme vaillant Capitaine, si fut il rompu & prins prisonnier avec grand nombre des siens. Par le moyen de ceste victoire les Espagnols furent de la en auant plus crains, & mieux obeis en ceste contree. Aucuns disent que ceste guerre fut faicte en l'absence de Christofle Colomb & en la presence de son frere Barthelemi, lequel depuis ceste bataille vainquit encore Guarionex accompagné de quatorze Caciques, qui auoient plus de quinze mille homes en campagne pres du village de Bouao, les ayant

affrontez de nuict par ce que iamais ils ne combattent de nuict, il y en eut grand nombre de tuez, & quatorze cariques prins avec Guarionex. Mais ils furent tous mis en liberté sous la promesse qu'ils feirent d'estre amys, & tributaires des Rois Catholiques. Ceste victoire, & ceste liberté donnee à ces caciques feirent estimer, & craindre les Espagnols, qui des lors commencerent à commander aux Indiens, & iouyr du pays.

*L'emprisonnement de Christofle Colomb.*

*Chap. 23.*

**B**arthelemy Colomb s'enorgueillit tant de la victoire de Guarionex, & du cours, qu'il voyoit si heureusement succeder en routes ses affaires, & en celles de son frere, qu'il commença à n'vser plus enuers les Espagnols de la courtoisie qu'il souloit faire. Ce qu'irrita grandement Roldam Ximenez grand preuost de l'Admiral, tellement qu'il l'empechoit d'vser de sa puissance absoluë comme il vouloit, de là il vindrent à atoir parolles aigres ensemble, & commencerent à se desdaigner l'un l'autre. Encore dit-on que Barthelemy Colomb s'enflamba iusques à là de le toucher, où que mesme il le toucha. Ainsi Roldan se separa de luy avec soixante & dix soldats qui aussi estoient irritez cõtre Colomb. Mais ce fut en protestant par deuant Notaires tous ensemble qu'ils ne se separoiẽt point pour s'exempter du seruice qu'ils deuoient, ny pour cõtreuenir au commandement du Roy, & que ce n'estoit que pour ne pouuoir supporter l'orgueil des Geneuois. Ce fait ils s'en allerent à Xaragua, où ils demurerent quelques annees. Vn peu apres Christofle

Christophle Colôb appella Roldan pour venir faire sa charge, ce qu'il refusa. Ainsi Colomb l'accusa cômme desobeïssant, traïstre, & mutin par lettres que pour ce fait il escriuit aux Rois Catholiques, adioustant qu'il voloit les Indîes, forçoit les Indîenes, les tourmentoit & faisoit maux infinis, & qu'il auoit arresté deux carauelles, qui s'en retournoient chargées en Espagne, qu'il auoit retenu les hommes, qui estoient dedans, par belles parolles, & par tromperie. D'autre part aussi Roldan, & ses compagnons escriuirent à leurs maiestez vne infinité de mauux de Christophle Colomb, & de ses freres, les assésant comme il se vouloit rebeller avec tout le pays, & se faire seigneur de tout, qu'il ne vouloit éduquer qu'aucun autre que ses seruiteurs & amys fouillassent les mines, & enleuassent l'Or, qu'il traïtoit mal les Espagnols sans aucune raison, qu'il faisoit iustice à son plaisir, que l'Amiral auoit caché le descouuremēt des perles qu'il auoit trouuées en l'Isle de Cubagia pour les enleuer pour luy seul, sans en faire part à aucun, encor que pour acquerir telles richesses ils soient tombez en grandes maladies, & soient monstrez vaillans. Le Roy ayant entendu tout ce fait, fut biē fâché de ce que les affaires des Indes estoient en tel estat, & encor l'estoit plus la Reuyne. Ils despecherent incontinent Christophle de Bouadila Cheualier de l'ordre de Calatrua pour estre gouuerneur de ces pays avec puissance & autorité de chastier, & enuoyer prisonniers en Espagne ceux qu'il trouueroient coupables, Il s'en alla en l'Isle Espagnole avec quatre carauelles l'an 1499. Il feit informer à S. Dominique selō la com-



mission qu'il portoit, & feist prendre prisonniers Christofle Colomb, & ses freres Barthelemy, & Diego, & les enuoya en Espagne en deux carauelles. Comme ils arriuerent à Caliz, le Roy, & la Roine en furent aduertis, qui aussi tost enuoyèrent vn courrier pour les deliurer, & les laisser venir à la court: où estans arriuez les Roys Catholiques receurent amiablement les excuses que mit en auant Christofle Colomb meslees de larmes, & pour la peine qu'il deuoit endurer, où pour obuier à telles contentions, & telles nouueautez, où afin qu'il ne pensast qu'il deust tousiours auoir le gouuernemēt de ces Indes, ils le luy offerent: ce qui luy fut vn grand desplaisir, aussi luy fust vne grande faueur de le laisser retourner estants ces affaires en si mauuais point.

*Le quatrieme voyage que feist Christofle Colomb aux Indes. Chap. 24.*

Christofle Colomb demeura trois ans en Espagne, à la fin, qui fut l'an 1502. il eut aux despēs du Roy quatre carauelles, avec lesquelles il passa en l'Isle Espagnole, & quand il arriua pres le fleuue de Ozame, Nicolas d'Ouando qui pour lors gouuernoit en l'Isle, ne le voulut laisser entrer en saint Dominique. Ce qui luy despleut assez, & manda seulement que, puisque on ne le vouloit laisser entrer en la ville qu'il auoit peuplee, il s'en alloit chercher vn port, où il fust à seureté. Et ainsi s'en alla au port Caché, & de là voulant trouuer vn destroict, qui passast de l'autre costé de l'Equinoxial, comme il auoit donné à entendre aux Roys Catholiques, s'en alla droit tirāt vers Ponēt iusques au cap de Higue-

ras, & puis se mit à suiure la coste de Midy, & la courut iusques au nom de Dieu, d'où il tourna voyle à l'isle de Cuba, & de là à Iamaïque, & là perdit deux carauelles, qui luy estoient restées des quatre que le Roy luy auoit baillees pour faire ce descouurement, tellement qu'il demeura sans vaisseau, & ainsi ne peut regagner Saint Dominique. Il lui aduint de grâdes infortunés, plusieurs Espagnols deuindrent malades, & ceux, qui estoient sains, luy firent la guerre, & les Indiens luy enleuerent ses prouisions. François de Porras capitaine de l'une des carauelles, & son frere Didaco de Porras, qui tenoit le registre de l'armée, se mutinerent contre luy, & prirent sur les Indiens autât de Barques qu'ils appellent Canoaz, qu'ils peurent pour passer en l'Espagnole. Comme ceux de l'isle veirét ceste entreprise, ils ne voulurent plus donner aucune prouision à ceux de Colomb, ains pourpésoient de les massacrer tous, Alors Christofle Colomb appella aucuns d'iceux, les reprit du peu de charité qu'ils auoient, les pria qu'ils luy vendissent des prouisions, & les menaçoit, s'ils faisoient au contraire, qu'ils mourroient tous de peste, & que pour monstrier que cela ainsi aduiendroit, ils verroient en vn tel iour la Lune toute pleine de sang. Alors voyans la Lune ecclipsée en la mesme heure, & iour qu'il leur auoit dit, adioustèrent foy aux menaces de Colomb, par ce qu'ils n'auoient aucune cognoissance de l'Astrologie, & luy demanderent pardon pleurans à chaudes larmes le priants qu'il ne fust plus indigné contre eux. Ils luy apporterent tout ce qu'il demandoit, & le prièrent qu'il les mit en la

bône grace de la Lune. Par ce moyen avec le bon traitement, & service des habitans les malades prindrēt guerison, & fūrēt prests à combattre contre les deux freres de Porras, & leurs alliez, qui ne pouuans passer la mer, en si petits vaisseaux ne faisoient que tourner, & voltiger pour voir s'ils pourroient aggraffer sur Colomb quelque vaisseau si d'auenture il luy en estoit venu de puis. Comme ils tournoiēt ainsi Barthelemy Colomb saillit à l'encontre d'eux, ils combattirent, il y eut quelques vns de tuez, plusieurs blesez, les deux freres Diego, & François furent prins. Ce fut là la premiere guerre ciuile, qui aduint entre les Espagnols aux Indes. En signe de ceste victoire Christophle Colomb nomma ce port Sainte Gloire, qui est en Senille de la maique, où il fut vn an iusques à ce qu'il eut moyē de passer à saint Domīnique.

*La mort de Christophle Colomb.*

*Chap. 25.*

**A** Pres que ceste dissention fut finie Christophle Colomb s'en vint en Espagne, afin qu'il ne fust noté, & accusé comme, à l'autre fois, & aussi pour rēdre compte de ce qu'il auoit depuis descouuert, & comme il n'auoit point trouué de destroit. Il arriua en Valladolid, & là mourut en May. 1506. On enleua le corps pour le porter au monastere de la Cueue de Senille. C'estoit vn homme de bône stature, membru, de visage long, roux, piqué, & enflābé, cruel, il supportoit fort bien les peines, & travaux. Il fut quatre fois aux Indes, & en reuint autāt de fois. Il descouurit bien au long la coste de terre ferme. Il conquist, & peupla vne grande partie de



L'Isle Espagnole que communement on appelle  
saint Dominique. Il trouua les Indes encor que ce  
fust aux despés du Roy. Il employa beaucoup d'an-  
nées à les chercher, & pour sçauoir comment on  
pouuoit les aborder. Il s'aduentura de flotter sur ce-  
te grande mer, & en pays qu'il ne cognoissoit au-  
cunement, seulement par le dire, & relation d'un  
pilote: & si c'eust esté de son inuention, comme au-  
uns ont voulu, il meriteroit plus grande gloire.  
Mais soit q̃ ce soit qui l'ait meu, & incité si a il fait  
chose, qui merite grádissime gloire, & telle que ia-  
mais son nom, & sa renommee sera mise en oubly,  
& ne l'Espagne cessera de luy rendre graces, & lou-  
anges d'un trauail si glorieux: Aussi les Roys Ca-  
tholiques dom Fernand, & dame Isabelle, au nom  
desquels ce descouuremēt fut fait, pour  
reconnoissance de ces seruices luy dōnerent le til-  
tre, & estat de grand Admiral perpetuel des Indes,  
& reuenu conuenable à tel estat, & tel que le serui-  
ce qu'il auoit fait, & l'honneur qu'il auoit acquis  
requeroient. Entre ces bōnes fortunes il eut aus-  
si certaines aduersitez ayant esté deux fois prison-  
nier, & en l'une il fut mis à la cadene: il fut mal vou-  
lū de ses soldats, & mariniers, qui fut cause que Rol-  
land Ximenez & les freres de Porras, & Martin Al-  
fonse Pinzon se mutinerent. Au premier voyage  
qu'il feist il combattist contre ses propres soldats,  
en tua aucuns en la bataille qu'il eut cōtre Fran-  
cois, & Didaco de Porras. Il plaida contre le Fisque  
du Roy sur ce qu'il s'en retournoit en Espagne  
sans veoir la terre des Indes n'eust esté les trois  
freres Pinzons. Il laissa deux fils, desquels l'un

nommé dom Diego Colombe espousa Dame Marie de Toledé fille de dom Fernand de Toledé grâd commandeur de Leon. L'autre nommé dom Fernand Colomb vescu en liberté sans se marier: il estoit fort studieux, & laissa vne fort belle librairie, ou il y auoit douze à treize mille liures, laquelle est maintenant en la possession des Iacobins de saint Paul de Senille: ce fut vne chose memorable, & d'un fils digne d'un tel pere.

*La situation de l'Isle Espagnole. & autres particularitez.*

*Chap. 26.*

**A** V langage de ceux de ceste Isle elle s'appelle Hayti, & Quisqueia. Hayti veult dire aspreté, & Quisqueia terre grande. Christoffe Colomb la nomma Espagnole, maintenant on l'appelle saint Dominique, ayant prins ce nom de la ville, qui est la plus principale dedans icelle. Ceste Isle contient en longueur de Leuant en Ponent 600. mil, & de large 240. elle a de tour 1600. mil, & est de l'Equinoxial vers la Tramontane à dixhuit, & vingt degrez. Elle a par les costez vers le Leuât l'Isle de Boriquen, qu'on appelle saint Iehan, & vers Ponent l'Isle de Cuba & Iamaica: vers la Tramontane elle a les Isles des Canibales, & au Midy elle regarde le cap de la voile, qui est en terre ferme. Il y a en icelle beaucoup de ports qui sont bons, de grands fleues fort profitables comme Hatibanico, Iuua, Ozome, Neiua, Nizao, Nigua, Hayua, & Iaques, chacun entre en la mer: il y en a d'autres moindres comme Macorix, Cibao, & Cotui, de ceux-cy le premier est riche en poisson, & les autres en or. Il y a deux lacs notables l'un pour sa bonté, l'autre

tre pour estre estrange. Il est aux montagnes, d'où  
sourd la riuiera de Nizao, il ne rend aucun prof-  
fit, & est tout couuert, & bien peu le voyent, l'au-  
tre s'appelle Xaragua, il est salé encore qu'il reçoie  
plusieurs ruisseaux, & riuieres d'eau douce, qui  
est cause qu'il est fort peuplé de poisson, & entre  
autres il y a de grandes tortues & des flammet-  
tes, est pres de la mer, & à de tour cinquante  
quatre mille. Outre les salines du port sauage,  
& du fleuve Yaques, il y a vne haulte montaigne  
de sel en Vaiuoia, lequel on tire comme à Cardo-  
ne de Catalogue. Il y a force azur, qui est bien fin,  
& vne infinité de Bresil, beaucoup de cotton,  
& ambre, des mines d'or fort riches, lequel enco-  
re ils recueillent dedans les lacs, & fleuves: il y a  
aussy de l'argent, & autres metaux. La terre est bien  
fertile, aussy y auoit en ceste isle plus d'un million  
d'hommes: la plus grand part n'auoient aucun ve-  
stement, & estoient tous nuds, & fils auoiét quel-  
que robe estoit de cotton. Ils sont de couleur de  
Chastaine claire, de moyenne stature, replets, ils  
ont vn mauuais regard, les dens laides, les nascaux  
ouuerts, & le front large, ce que les meres ou sages  
femmes font tout expres par certain art pour gen-  
tilese, & force, tellement que si on leur donne vn  
coup sur le front l'espee se rompera plustost que  
l'os du front aye mal. Les hommes, & femmes  
ont tous la peau lisse, & reluisante, aucuns disent  
que c'est par art: tous ont les cheueux longs, polis,  
& noirs.

*La religion de l'Isle Espagnole.*

*Chap. 27.*

c iiij



**L**E principal Dieu, qu'ont ceux de ceste Isle est le Diable, lequel ils depeindēt en chascue contrée en telle forme qu'il s'est apparu à eux. Il s'apparoist à eux assez souuent, & parle à eux. Ils ont encor vne infinité d'idoles, qu'ils adorēt differemment, & les appellēt chascun par son nom propre, & leur demandent ce qu'ils pensent qu'ils ont en recommandation. A l'un ils demandent de l'eau, à l'autre du maiz à vn autte santé, & à vn autre victoire. Ils les font de croye, boys, pierre, & de cotton. Ils alloiēt en pelerinage à Loaboina, qui estoit vne grotte, où ils adoroient deux statues de boys, qu'ils appelloient Marobe, & Bintatel, & leurs offroient tout ce qu'ils pouuoient porter sur leur doz. Ils estoient tant enchantez du diable qu'ils croioient tout ce qu'il disoit: il s'en alloit quelque fois entre les femmes, en forme de Satyre, & cōme sont ceux qu'on appelle Incubes, & qu'aussi tost qu'il les auoit touchée au nôbril, il n'apparoissoit plus: mesmes il disent, & racōptent encor qu'un Idole nommé Conocotto, que souloit adorer le Cacique Guamarer, sortoit de son petit oratoire, où il estoit lié, pour aller bâqueter, & se recreer avec les fēmes de la ville, & d'enuiron, lesquelles puis apres acouchoiēt de fils, qui portoiēt deux courōnes, en signe qu'ils auoient esté engédrez par leur Dieu. Ils adioustēt encor que le mesme Idole s'eschappa par dessus le feu, cōme la maison du Cacique brusloit: Ils cōptent aussi cōme vn autre Idole qui estoit au mesme Guamarer qu'ils appelloient Epilguanit & qui auoit quatre pieds comme vn chien, s'en alloit parmy les môraignes quād ils l'irritoient, & alors le

retournoiét querir en belle processió, d'où il le rap-  
portoïét sur leurs espaules. Ils tenoiét pour grande  
relique vne coquille, de laquelle ils disoient que la  
mer estoit sortie avec tous ses poissons: ils croyoiét  
aussi que d'une certaine grotte le Soleil, & la Lune  
feussent sorti, & d'un autre le premier hôme, & la  
premiere femme. Il seroit trop lóg à reciter sembla-  
bles folies, & moins ie l'eusse escrit, si ce n'eust esté  
pour faire quelq mōstre de leur superstitiō, & cōme  
ils estoïét aveuglés, & pour oster aux Indtēs de terre  
ferme, specialement aux Mexicains, le goust de ceste  
cruelle, & endiablee religiō. On peut bié pēser q̄ tels  
estoiēt les prestres du diable, ils les appelēt Bohitis.  
Ils sont mariez cōme les autres, à plusieurs femmes,  
& ne differēt des autres qu'ē habits. Ils sōt en grāde  
reputatiō, par-ce qu'ils sont medecins, & deuins, en  
cor' qu'ils ne respōdēt pas tousiours pertinēmēt, ny  
ne guarissent. Quād ils veulēt deuiner, & respōdre à  
quelqu'un, touchāt ce qu'il demāde, ils mangēt vne  
herbe qu'ils nōmēt Cohoba, ou la pillēt, ou biē, en  
prēnent la fumee par le nez, & puis sōt troublez du  
cerueau, & se represente à eux mille visiōs: ceste fu-  
rie passēe, & la vertu de l'herbe appaisēe, il recite ce  
qu'il a veu & entendu au conseil des Dieux, & dict  
que ce sera ce qu'il plaira à Dieu, sans iamais  
respondre à propos de ce, de quoy on l'a requis,  
ou bieu il respondera en tels termès qu'on ne les  
pourra entendre par ses parolles, qui est le stille du  
pere de toutes tromperies. Pour medeciner, ils  
prennent encore de ceste herbe Cohoba, qui n'est  
point en nōstre Europe. Ils s'enfermēt avec le mala-  
de, l'ēuirōnēt trois ou quatre fois, luy mettēt de leur

salive en la bouche, font mille tours avec la teste, soufflent sur le patient, & puis le fussent par le col, du costé droict, disant qu'il luy ostent par là, tout son mal: en apres il passe ses mains legerement sur tout son corps, iusques à la plante des pieds. Alors son entreprinse sort effect, & iette le mal hors de la maison. Aucunes fois il monstre vne pierre, ou vn os, ou vn morceau de chair qu'il auoit caché en sa bouche, & luy faict à croire qu'il guerira incontinent, puis que c'estoit cela, qui caufoit le mal. Les femmes gardent, avec leurs reliques, soingneusement ces pierres pour enfanter plus à l'aise. Si d'auenture le patiét meurt, ils n'ont point faute d'excuse, nō plus que nos medecins, par ce que la mort n'aduient point quelque cause. S'il se trouue quelqu'un qui ne ieune point, & qui ne garde point les Ceremonies requises en tel cas, les Bohitis le chassient. Il y auoit plusieurs vieilles, qui estoient medecines, qui donnoient les medecines, & drogues avec leurs bouches par certains petits canaux. Les hommes, & femmes sont fort deuots, & gardent les festes religieusement. Quand le Cacique celebroit la feste de son Idole principal, tous venoient à l'office, ils asseoient leur Idole ioliment, les prestres se mettoient comme en vn rond, le Roy, ou Cacique estoit aupres, à l'entree du temple avec vn tabourin à son costé, puis venoient les hōmes peints de noir, rouge, bleu, & d'autres couleurs, courōnez de chapeaux de fleurs, de plumes, & coquilles, ayās aux bras & iambes, des sonnettes: Les femmes aussi venoient avec semblables sonnettes, mais nues, & si elles estoient vierges, elles n'estoient point pein-



êtes, & si elles estoient mariees elles auoient seulement des cottes, ou brayes, elles entroient en dansant au son de ces coquilles, & comme elles entrêt, le Cacique les salue avec son tabourin: estans tous entrez au temple, vn chacun vomist, se mettât vne baguette au gosier, pour monster à leur Idole qu'il ne leur reste aucune chose mauuaise en leur estomac, puis on s'asseoit à terre comme font les cousturiers, & chacun faisoit sa priere entre ses dents, tellement qu'il sembloit que ce fussent mouches à miel en l'air, tant estoit estrange ce bruiet. Apres arriuoient d'autres femmes avec panniens pleins de gasteaux, & de pains qu'elles portoient sur leurs testes, force roses, fleurs, & herbes odoriferantes par dessus. Elles enuironnoient ceux, qui prioient, & commençoient à chanter en l'honneur de ce Dieu vne vieille chanson, alors vn chacun se leuoit pour respondre: Ceste chanson finie, ils changeoient de ton, & en disoient vn autre en la louange du Cacique, & puis offroient, les genouls en terre, du pain à cest Idole, les prestres les prenoient le benissoient, & le departissoient, comme nous faisons du pain beneist, & ainsi finissoit la feste. Ils gardent ce pain tout l'an, & estiment la maison malheureuse, & subiecte à plusieurs inconueniens, qui est sans auoir de ce pain.

*Les Coustumes. Chap. 28.*

**L'**Ay desia dit comme les habitans de ce pays sont tousiours nuds avec le chaud, & la bonne temperature du pays, encor' qu'és montaignes il face froid. vn chacun se marie avec autant de femmes qu'il veut, ou qu'il peut, & le Cacique Behecio

auoit trente fēmes, mais il y en a vne qui est la principale & legitime pour le fait de la succession: elles dorment toutes ensemble avec le mary en vne chambre, cōme font les poulles avec vn coq. Ils ne gardent point le lyen de parētage, sinon, avec la mere, la fille & la sœur, & encor n'obseruoient ce lien entre telles personnes, que pour crainte qu'ils auoient, croyans pour certain que celuy mourroit d'une mort mal-heureuse, qui en prendroit quelqu'une d'icelles. Aussi tost que l'enfant est né, ils le lauent & plongent en eauē froide, afin que la peau se renforcisse, & deuienne dure, ce qu'ils font souuent, & n'en aduient aucun mal à l'enfant. Ils estiment aussi estre peché dormir avec l'enfant qu'on nourrit encor. Quand il n'y a point d'enfans, les neueux, fils de la sœur sont heritiers, disans que ceux-là sont parens plus certains que les autres, qui est vn argument qu'il y a bien peu de foy & chasteté en leurs femmes: aussi la compagnie d'une femme n'est pas bien difficile à auoir en ce pais là. Ils sont pires que corbeaux & viperes, laissant là leur sodomie, de laquelle ils sont grandement entachez. Ils ayment à trauailler peu, & prendre plaisir. Ils sont grands menteurs, ingrats muables, & deshonestes. De toutes leurs loix la plus notable est qu'ils empalent les larrōs pour quelque larrecin que ce soit. Ils abhorrent aussi les auaricieux: ils enterrent avec les hommes, spécialement avec les seigneurs, aucunes de leurs femmes, & les plus-aymees, ou les plus belles, ce qu'ils font pour vn grand honneur & faueur. Quelques vnes s'enterrent elles-mesmes avec leurs maris, pour l'amour qu'elles leurs ont porté.

L'enterrement est magnifique : ils mettent le mort assis en sa sepulture, & à l'entour de luy ils mettent de l'eau, du pain, du sel, du fruit, & des armes. Ils ne font pas souuent la guerre, si ce n'est pour les confins, ou pour les pescheries, ou avec les estranges, & alors ils n'entreprennent rien sans auoir responce de leurs Idoles, ou de leurs prestres, qui se meslent de deuiner. Leurs armes estoient pierres & bastôs, qu'ils leurs seruēt de lāces & d'espee, lesquels ils appellent Macanas. Quand ils veulent combattre ils s'attachent au front de petites images ou idoles, & allās à la guerre ils se teindēt avec xagua, qui est vn suc de certain fruit, qui les fait pl<sup>o</sup> noirs qu'ambre noir, & avec de la bize qui est encor vn autre fruit d'arbre, duquel les grains s'attachēt cōme de la cire, & font vne couleur cōme bole arménique. Les femmes se teignent de ceste couleur, par ce qu'elle reserre la chair, pour dācer & baller leurs Areytos. (Areito est comme la zambra des Mores) elles vont dācant & chantant des Romās, ou chansons en la louāge de leurs Idoles & de leur Roy, & en memoire des victoires & des choses aduenues le passé, n'ayans autre histoire que ces chansons : Ils dācent beaucoup ensemble, & sont longuement sur ces Areytos, & quelquefois tout vn iour, & toute la nuit : Ils finissent leurs chansons par yurongnerie, s'enyurans d'vn certain vin, qu'on leur donne à boire ce pendant qu'ils ballent. Ils sont fort obeissans à leurs Caciques, iusques à là, que de ne semer sans leur volonté, ny pescher, ny chasser, qui sōt les principaux offices à quoy ils s'emploiet, mais la pesche est pour leur manger ordinaire, &



pour ceste cause ils demeuroident tousiours pres les riuages des lacs, & des riuieres, desquelles le pays est bien garny: Aussi estoient ils grâds nageurs autant les femmes, que les hommes. Au lieu de grain ils mangent du Maiz: Ils font aussi du pain de Yuca, qui est vne grande racine blanche comme vne raue, laquelle ils grattent, & espreingnent pour en oster le ius, qui est veneneux. Ils ne cognoissoient point la vertu des raisins, encor' qu'ils eussent de la vigne, & au lieu ils faisoient du vin de maiz, & de fruit, & d'autres bonnes herbes, que nous n'auons point par-deça, comme caimitos, caiaguas, figués, auzubas, guanabanos, guiabos, iarumas, & guazumas. Les fruités, qui ont noyau, sont hobos, hica-cos, macaguas, guaibaras, & mameyes, qui est le meilleur de tous. Ils n'ot point de lettres, ny poix, ne monnoye, encor' qu'ils ayent grand nombre d'or, d'argent, & autres metaux: ils ne sçauoiét que c'estoit que fer, il se seruoient au lieu d'une pierre aguisee au feu, & pour n'estre trop long, ie veux clorre ce chapitre, & dire toutes leurs choses sont autant differentes des nostres, que leur terre est nouuelle à nous autres.

*Que le mal des bubes, ou mal Francoï, est venu des Indes.*

*Chap. 29.*

**C**Eux de ceste Isle Espagnole, sont tous pleins de bubes, & comme les Espagnols auoient affaire avec les Indiennes ils furent incontinent saisis de ce mal, qui est vne maladie fort contagieuse, & tourmente la personne avec douleurs cruelles. Plusieurs infectez de ce mal, se sentans ainsi tourmentez, & ne recepuoir aucun allegement s'en re-

tournerent en Espagne pour se guarir, autres pour leurs affaires, lesquels feirent part incontinent de leur mal à des femmes, & courtisannes, & elles apres en abreuerent d'autres hommes, qui passerent en Italie, à la guerre de Naples, sous le grand Capitaine en la faueur du Roy Ferdinand second, contre les François. Par ce moyen ce mal s'attacha, & s'estendit par de la, en fin ce print aussi aux François: & comme ce mal aduient en vn mesme temps les François pensoient l'auoir prins des Italiens, & de la l'appellerent le mal de Naples, & les autres l'appellerent mal François, croyant que les François leur eussent donné. Autres l'ont nommé rongne d'Espagnes. Iean de Vico medicin, Antoine Sabellic historiographe, & autres font mention de ce mal, disans qu'il commença à estre aperceu, & diuulgué en Italie l'an 1494. & 95. Louis Bertanuan escrit qu'au temps mesme ce mal de bubes, ou verolle se print en Calcut, maladie, laquelle ils n'auoient point encor' veüe, & en feit mourir grand nombre de personnes. Or comme ce mal est venu des Indes, le remede aussi en a esté apporté, qui est vn autre argument vray semblable, que son origine est de la. Ce remede est le boys sainct, qu'on appelle aux indes Gualacan, les mōtaignes sont couuertes de ce bois. On guarist aussi ce mal auéc la racine, & bois d'esquine, qui doit estre le mesme Gualacan, & est tout vn. Au commencement ce mal estoit bien violent, infect, & deshoneste, mais au iourd'huy il n'est si rigoureux, ny si deshoneste.

*Des cocuyos, & Negas, petits animaux, l'un bon,  
& l'autre mauvais. Chap. 30.*

**L**Es cocuyos ont quasi la forme de mouche & sont plus petis que chaulue souris, ils ont quatre estoilles, qui luy sent à merueilles: les deux leurs seruent d'yeux, & les deux autres sont sous les aïlles, elles rendent si grande clarté, qu'à la lueur d'icelles on file, on faiët de la toyle, on peinct, on balle, & faiët-on de nuit autres telles choses, mesmes les habitans chassent avec ces petites bestes de nuit aux Hutias, qui sont comme nos conrils, & peschent, & vont par pais les portans attachees au gros ortueil de leurs pieds, & aux mains, cōme vne torche & flambeaux faits de bois de pin. Les Espagnols lisoyent leurs lettres avec ces bestes, & ce qui est le plus difficile à croire, ils s'en seruoient pour tuer les mousches que nous appellōs cousins, qui leurs donnoyēt grande fascherie, & ne les laissoyēt reposer, & pense qu'ils les auoyēt plus tost en leurs maisons pour cest effect, que pour en receuoir clarté. Ils les prēnent avec vn tison de feu, & les appellent par leur nom, & viennent plustost à la lumiere, que nō pas au siflet, cōme aucūs croiēt. Ils les prennēt aussi avec des rameaux, où volōtiers ils se viennent ietter, & puis on les secoue, & estās tombez à terre, pour estre lourds, ils ne se peuuent leuer. Si on s'oiugt les mains, ou le visage avec ces petites estoilles, il semble qu'on brusle, Ice qui estoit beaucoup de gēs: si on les distiloit ie croy qu'il en sortiroit de l'eau merueilleuse. La Nigua est cōme vne petite pulce, qui saute, elle ayme fort la poudre, elle ne mort point, sinō es pieds, où elle se fourre



fouirre entre peau & chair, & aussi tost elle iette des lentilles en plus grande quantité qu'on n'estimerait, attendu sa petitesse, lesquelles en engendrent d'autres, & si on les y laisse sans y mettre ordre, elles multiplient tant qu'on ne les en peut chasser, ne y remedier si non avec le feu, ou le fer : mais si on les oste de bonne heure elles font peu de mal. Le remede pour les empescher d'entrer ainsi és pieds chauffez, ou bien enuveloppez. Aucuns Espagnols pour ce mal, ont perdu les doigts des piedz, autres les pieds entiers.

*Des poissons qu'on appelle en l'isle Espagnole Manati.*

*Chap. 31.*

**M**Anati estvn poisson qui n'est point en nostre mer, il s'engendre, & en la mer, & aux riuieres. Il ressemble à vne peau enflée ayant deux piedz seulement, avec lesquels il nage, & ceux qu'il a sur les espaules s'espandent par le meillieu iusques à la queue. Il a la teste comme celle d'un beuf, mais plus descharnee, & le poil plus groz & rude, les yeux petits, il est de couleur cendree, il a la peau dure & couuue de quelques petits poils, il est long de vingt piedz, & gros de dix, il est si lourd qu'il n'est possible de plus, il a les pieds ronds avec quatre ongles ronds comme ceux d'un elefant. La femelle rend ses petits comme vne vache, aussi a elle deux mamelles pour les alaiter. En le mangeant, il semble plus tost estre chair que poisson, quand il est frais vouseriez que ce seroit veau, si il est salé il ressemble à la tonine, & est meilleur toutesfois, & se garde beaucoup mieux. Le beurre qu'on en tire est fort bon, ne rancist point, ny ne sent iamais le viel. Avec

I. LIVRE DE L'HIST.

ce beurre mesme on conroye la peau, qui puis apres sert pour faire souliers, & autres choses. Ce poisson a certaines pierres en la teste, desquelles on se sert contre les douleurs de la pierre, & contre le mal de costé. On le tue ce pendant qu'à la riuée des riuieres ou de la mer il paist de l'herbe on le prend aussi avec le retz quád il est petit. Le Cacique Caramataxi en print vne fois vn encor bien petit, & le nourrit vingt-six ans en vn lac, qu'on appelle Guainabo, aupres duquel il demeuroit. Cet animal deuint si fin, si doux, & amiable qu'ó l'eust prins pour vn des daulphins, desquels les anciens font si grand cas, il mágeoit tout ce qu'ó luy bailloit de la main: il venoit abord quand on l'appelloit Matto, qui veut dire en langue Indienne Magnifique: mesme il fortoit de l'eau pour venir manger en la maison, il se iouoit sur le bord du lac, avec les petits enfans, & autres, il faisoit apparence de prendre plaisir quand quelqu'un chantoit, il enduroit qu'on monstast sur luy, & passoit sur son dos les personnes d'un bord à l'autre sans les iecter dedans l'eau, il en portoit par fois dix sans affoiblir, en ce faisant il seruoit de grand passetemps aux Indiens. Vn Espagnol vn iour voulant sçauoir si l'auoit la peau si dure comme on disoit l'appella Matto, Matto, & l'ayant aperceu luy lança vn dard, qui luy feist mal encor' qu'il n'entraist dedás, cela fut cause que puis apres il ne voulut plus sortir de l'eau quád il voyoit des hommes barbez, & habillez comme les Chrestiens, on auoit beau l'appeller c'estoit pour neant. Il aduint que le fleuve Hatibonico s'ēssa fort haut, tellement qu'il sortit hors ses riuages, & entra dans

le lac Guainabo, qui donna moyen au gentil Marto de se retirer en la mer d'ou il estoit venu, de quoy les Caranetexiens resterent mal contents.

*Des gouverneurs de l'Isle Espagnole.*

*Chap. 32.*

**C**hristophe Colôb gouverna huit ans ceste isle, durant lesquels luy, & son frere Barthelemy Colomb conquererent la plus grand partie d'icelle, & la peuplerent. Il despartit le pays, & plus d'un million d'Indiens, qui estoient là, entre ses soldats & ceux qu'il auoit menez pour peupler, & quelques officiers du Roy, & ses freres. Tels Indiens demeuroient vassaux, & tributaires à ceux à qu'ils estoient despartis, ou leurs seruoient aux mines, ou aux fleuves, ou estoit l'or. Il en retrancha la cinquieme ou quatrieme partie d'iceux pour le Roy, de façon que tous trauailloient pour les Espagnols. Quand François de Bonadilla fut enuoyé en ce pays pour gouverneur, apres qu'il eut enuoyé en Espagne Christophe Colomb, & ses freres prisonniers, il demeura trois ans en son gouuernement, ou il se porta sans plainte. Roldan Ximinez se rendit à luy avec ses cōpagnons. En son temps on tira grande quantité d'or. Nicolas de Ouádo luy succeda en ce gouuernement. Iceluy passa en ceste isle l'an 1502. avec cent voeles, & grand nombre de gens. François de Bonadilla, mit en ces vaisseaux plus de cent mil poix d'or fin pour le Roy, & pour quelques particuliers, qui est la plus grande richesse qu'on ait veüe de ce pais ensemble. Il mit encor plusieurs grains d'or, & en d'autres un pour la Royne, qui pesoit trois mille trois cens Castillans d'or pur, un castillan vaut un



ducat, & vn tiers de ducat d'or. Vne Indienne de Michel Diaz Arragonnois auoit trouué ce grain. Il s'ébarqua en vn fort mauuais temps, & aussi il se perdit en la mer avec plus de trois cens personnes, entre lesquels estoit Roldan Ximinez, & Antoine de Torres capitaine de l'armée, il n'eschappa point six nauires, de toute l'armée & ces centmille poix, & ce grain d'or furent perduz. Nicolas d'Ouando gouerna sept ans catholicquement en homme plein de toute iustice & equité. Il croy que de tous ceux qui deuant, & apres luy ont eu charge aux indes, de la iustice, du gouuernement, & des guerres, il n'y en a point qui mieux ait gardé les commandemens du Roy, & sur tout defendoit rigoureusement qu'aucun homme suspect de la foy, ou qui fust fils, ou nepeü d'un qui auroit esté condamné par l'inquisition, ne fust si hardi d'entrer en ceste isle. Il cōquist les prouinces de Hignei, de Zanana, de Ygnacaia- rima, qui estoient pleines d'hōmes brutaux, qui n'auoiēt ne maison pour se retirer & se defēdre des iniures du temps, ny aucun pain pour se sustenter. Il pacifica celle de Xaragna ayant fait brusler quarante Indiens des principaux, & fait pendre le Cacique Guaorecuya, à la barbe duquel il feist aussi pēdre Anacaona, qui fut femme de Coanabo, fēme dictē, la plus dissolue, qui fust en ceste isle. Il feit de grands peuplades de Chrestiens par ceste isle, il enuoya en Espagne au Roy grāde somme de deniers: & pour retourner il fut contrainct emprunter argent encor qu'il eust plus de huiēt mille ducats de reuenü par an, sans l'estat qu'il auoit du Roy, ce qui monstre bien à vn chacun comme il estoit net,

& non souillé d'avarice. Il estoit deuant qu'aller en ceste isle commandeur de Larez, mais il en reuint grand commandeur de Alcantara. Depuis luy, ce gouvernement tomba entre les mains de Dô Diego, Colomb grand Admiral des Indes, qui l'eut six, ou sept ans. Il auoit le docteur Marc d'Aguilar, pour son grand preuost. Il fut reuocqué, & appellé en Espagne, pour les plainctes qu'on faisoit de luy au Roy Cathoque. Estant de retour il plaida quelques ans, cōtre le Fiscque, sur les priuileges, & prerogatiues de son office de grand Admiral, & pour ses reuenuz. Frere François de Cizneros Cardinal, & Archeuesque, de Toledo, qui pour la mort du Roy Catholique, & pour l'absence de Dom Charles gouernoit l'Espagne, enuoya en ceste isle Espagnole pour gouuerneurs des moynes, frere Louis de Figueora, frere Alfonse de S. dominicque, prieur S. Iean d'Oregne, & frere Bernardin de Manzanedo, tous de l'ordre de S. Hierosme: Lesquels eurent pour assesseur, le docteur Alphonse de zuazo: & prindrent pour officiers du Roy, & pour resider les docteurs Marcel de Villalobos, Iean Vrtiz de Matucuzo, & Luc Vasques de Villon, qui seroient iuges l'appel. Ces freres osterent les Indiens aux Espagnols tāt à ceux qui estoiet presens qu'absēs par ce que leur seruiteur en l'absence de leurs maistres les traittoient mal, & les renuoyerent par le pays pour estre mieux endoctrinez. Mais il eust mieux esté, si on ne les eust messé pour peupler avec les Espagnols, par ce qu'ils donnerent par telle communication, la verolle qui estoit vne maladie toute nouvelle, qui en feit mourir beaucoup. Du temps de

ces freres l'industrie de faire le sucre creut, & l'augmenta grandement. Depuis que ces freres retournerent en Espagne, on erigea en ceste isle vne Rotte ou Parlement, ou fut mis le seau Royal. Les premiers auditeurs de ceste Rotte furent Marcel de Villalobos, Iean Vrtiz de Matieuzo, Luc Vascquez de Villon, Christophle Lebron: quelques ans apres on enuoya Sebastie Ramirez de Fuen Real pour y presider, & tousiours depuis ceste isle a esté regie, & gouuernee par auditeurs, & presidens.

*Que ceux de ceste Isle Espagnole, auoient pronostique la destruction, & abolition de leur religion, & liberté.*

*Chap. 33.*

**L**Es Caciques, & Bohitis, entre lesquels demeurant tousiours de main en main tout ce qui s'est faict, & dict anciennement, racomptioient à Christophle Colomb, & aux Espagnols, qui allerent avec luy, qu'une fois le pere du Cacique Guarionex, & vn autre petit Roy voulurét demâder à leur Zemi, & idole du diable, ce qui deuoit auenir apres leurs iours, & que pour en auoir respõce il auoyét ieusné cinq iours entiers sans mâger ne boire chose aucune. Il festoient lamentez, & macerez à merueilles encensans leurs dieux, ainsi que la ceremonie de leur religion le requeroit. Ces ceremonies acheuees ils eurent respõce qu'encor' que les dieux tinssent en secret les choses, qui doibuent aduenir aux hommes pour leur meilleur, neantmoins ils leur vouloient bien declarer pour la sainte religion qu'il voyoient en eux: Ils deuoient donc sçauoir, que deuant qu'il fescoulâst gueres d'annees, viendroient en ceste isle certains hommes, qui



porteroient la barbe longue, & auroient tout le corps couuert, qu'iceux tailleroiēt vn homme iufques au milieu avec leurs efpees luisantes, qu'ils porteroient attachees à leur ceinture, qu'ils ietteroient par terre leurs anciens dieux, reproüuans leurs anciennes coustumes, & ceremonies: qu'ils espanderoient le fang de leurs enfans, ou les nourriroient en toute mefchanceté. Pour memoire de ceste espouuentable refponce, ils compoferent vne chanfon qu'ils appellent Areytos, & la chantoient aux feftes triftes, & lamentables. Suiuant cefte refponce ils fuyoient quād il voyoient des Caribes, par ce que c'eftoit la couftume de ceux cy de tuer, & manger les hommes qu'ils rencontroient qui n'eftoient de leur pays. Le tout aduint de poinct en poinct cōme la refponce portoit, cōme ces prestres le cōptotent, & chantoient. Car les Espagnols feirent mourir grand nombre d'indiens tant par le malheur de la guerre, que par le cōtinuel trauail des mines, & meirent par terre leurs idoles, fans en pardonner à pas vne, ils defendirent rigoureuſemēt l'vſance de toutes leurs ceremonies, & ſuperſtitioſs. Ils les feirēt eſclaues, & ſerfs, au departemēt qu'ils feirent du pays. Eſtās ainſi traictez, & plus tourmētez qu'ils n'auoient de couſtume, les vns moururēt, les autres furēt tuez, tellemēt que d'vn million de perſonnes & plus, qui eſtoient en cefte iſle, il n'y en a pas pour le iourd'huy 500. Aucuns ſont morts de faim autres de trauail, pluſieurs de la verolle, aucūs ſe ſōt faits mourir avec du ius de yuca, autres avec telles herbes veneneuſes, quelques vns ſe pendoirēt aux arbres, les femmes faiſoiēt comme leurs maris

elles se faisoient accoucher auant terme, à fin que leurs enfans, ne vinssent point vif en lumiere, ne voulans point qu'ils seruissent à des hômes estrangers. Telles miseres bien considerees on iugera que Dieu les enuoioit pour chastier leurs pechez abominables, cōbien que toutesfois ces premiers conquerans soient grandement à reprendre pour les auoir si mal traictez, pour vne pure auarice, sans auoir aucun esgard à son prochain.

*Des miracles aduenuz, en la conuersion des Indiens. Chap. 34.*

**F**Rere Buel, & les douze prebstres qu'il mena pour compagnee avec luy commencerent la conuersion des Indes. On pourroit toutesfois dire que ce furent les Roys Catholiques, puis qu'ils furent parrins des six Indiens, qui furent les premiers baptisez en la cité de Barcelone. Pierre Xuarez de Deza, qui fut le premier Euesque de la Vegue, continua ceste conuersion avec Alexádre Girardin Romain, qui fut second Euesque de S. Dominique. Le premier n'y fut point, qui fut frere Garcia de Padilla, de l'ordre de S. François, par ce que il mourut deuant qu'il passast par delà. Plusieurs autres prebstres, & moynes s'employèrent à ceste conuersion, & baptiserent tous ceux de ceste isle, qui au commencement n'estoient point encor' morts. Ils leurs osterent par force leurs idoles, & les ceremonies qu'ils auoient, ce qui fut cause qu'ils presterent l'o-reille, & adiouterent foy à ces prescheurs, qui continuellement les preschoient, & ainsi ils creurēt incontinent en nostre Seigneur Iesus Christ & se firent Chrestiens. Le precieux corps sacramental de

Iesus Christ qu'on meit en plusieurs Eglises y opera grandemēt, par ce que sa presence dechassoit les diables, cōme aussi faisoit le signe de la Croix, tellement que le zemi ne parloit plus aux Indiens cōme il souloit, ce qui les rendoit bien estonnez. Il y en eut beaucoup de gueriz par le moyen du saint boys & de la bonne deuotion qu'ils auoient à la Croix que Christophle Colomb en son second voyage auoit laissée en la Vegue, qu'ils surnommerent pour ceste cause de la vraye Croix. Les Indiens prenoient de ceste Croix quelques copeaux, lesquels ils gardoient cōme reliques precieuses. Ceux qui faisoient la guerre aux Chrestiens s'efforcerent de l'enleuer, ce qu'ils ne peurent. Le Cacicque de la vallee de Caonau voulant essayer qu'elle estoit la force, & sainteté de la nouvelle religion des Chrestiens, voulut auoir la compagnee d'une femme, qui faisoit son oraison en l'Eglise. Elle le prie ne vouloir souiller la maison de Dieu, autrement qu'il se courrouceroit contré eux. Quand à luy il respond qu'il ne se soucie de si grāde sainteté, vsant de blasphemés au deshonneur du saint sacremēt, & qu'il ne luy challoit que Dieu se courrouçast. Il accomplit son desir, & aussi tost deuient muet, & estropié de ses membres. Ce mal si soudain le fait repentir, avec deliberation de ne sortir iamais de ceste Eglise, & ne voulut de puis que autre que luy la nettoiyast. Les Indiens eurent ce faict pour grand miracle, & visitoient souuent ceste Eglise. Quatre Indiens vne fois se cachèrent en vne grotte pour le tonnerre, & la pluye qui estoit forte. Vn d'entre eux se recommandoit à nostre dame, les autres se



mocquoient d'un tel Dieu, & d'une telle priere. Le tonnerre les tua, ne faisant aucun mal à celuy, qui si deuotieusement s'estoit recommandé. Les lettres missiues que les Espagnols escriuoient les vns aux autres ont beaucoup aydé à telle conuersion. Par ce que les Indiens croyoient que les Espagnols eurent l'esprit de prophetie, puis qu'ils s'entendoient l'un l'autre sans se veoir, & sans parler, ou bien ils pensoient que la missiue parlaist, ainsi qu'il aduint au commencement, vn Espagnol enuoyoit à vn sien compaignon vne douzaine de hutias cuiets, & froids, a fin qu'ils ne se corrompissent point au chault: l'Indien qui les portoit s'endormit, ou se reposa par le chemin, & estant trop long temps à arriuer où on l'enuoyoit, la fin le print, tellement que ces deux hutias il en mangea trois. La responce qu'il r'apportoit en vne lettre à celuy qui l'auoit enuoyé, contenoit que l'autre le remercioit de neuf hutias. Aussi tost que l'Espagnol eut leu ceste lettre, il se colere contre l'indien, qui soustenoit en auoir baillé douze, mais pensant que ce fust la lettre qui parlaist, il confessa la verité, demeurant tout honteux, & aduertissant ses compaignons comme les lettres parloient, à fin qu'ils s'en gardassent. Au lieu de carte, & d'encre, on escriuoit en feuilles de Quibara & Copei, avec vn poinçon ou esguille. On faisoit aussi des cartes à iouër des feuilles de ce Copei, qui sôt assez fortes pour estre marquées.

*Les choses de nostre Espagne, qui sont pour le iourd'huy  
 en l'Isle Espagnole. Chap. 35.*

**E**N tout le pays de ceste isle il n'y a gueres d'Espagnols, & esclaves Negres, qui trauaillent és mines, au sucre, apres le bestail, & autres telles affaires, par ce que, comme j'ay dict, il n'y a que bien peu d'Indiens, qui mesme viuent en liberté, & avec tel repos qu'il vueillent prendre. Ce que l'Empereur leur a donné de grace, à fin que ceste nation, ne fust du tout perduë, & que le langage de ce pays demeurast, qui à tant accru le domaine du Roy d'Espagne. La plus noble ville de ceste isle est Saint Dominicque, qui fut fondée par Barthelemy Colomb, en la riuere du fleune d'Ozame. Il luy donna ce nom par ce que il arriua en vn Dimanche, qui s'appelle en Latin Dominica, auquel iour estoit aussi la feste de S. Dominiq, & aussi pour ce que son pere s'appelloit dominique, tellemēt que trois causes concurrerent ensemble pour luy dōner nom. En ceste ville est assis le parlement de la Rotte Royale: c'est aussi le siege Archiepiscopal, & est vn passage pour toutes les indes, qui à esté cause que toute l'isle a prins son nō de ceste ville. Le premier euesque fut frere Garzia de Padilla cor, & le premier Archeuesque fut Alphonse de Fuen Maior natif de Yanges l'an 1548. En ceste Isle il n'y auoit aucuns animaux à quatre pieds, si non trois sortes de connils, où pour mieux dire, gros rats, qu'ils appellent hutias, cory, mohuy, & quemis qui sont cōme lieures, & petits chiens de diuerses couleurs, qui ne lappoient, ny abbayoient: ils chassoient avecques ces chiens, & puis apres estre deuenuz gras, ils les mangeoient. Mais maintenāt il y a en ce pays toutes sortes de bestes, qui seruēt pour le māger, &

pour porter. Les vaches y ont tât multiplié, qu'on bailloit la chair pour auoir la peau: Le Doyen Roderic de Bastidas a eu d'une seule vache quatre vingts peaux en vingt six ans. Elles ont tous les ans des veaux, & le plus souuent elles en ont deux par an, elles vellent dans dix moys si elles sont ieunes, les iuments font de mesme. Les chiens qu'on y apportez, & qui s'y sont procréez, & nourriz par les montagnes, & deserts sont deuenuz plus carnassiers que les loups, & font grād dōmage aux cheures, & moutons. Les chats qu'on y a portez d'Espagne ne crient pas tant comme ils font par deçà, ils n'attendent point le moys de Ianuier, pour entrer en chaleur, mais tous les moys de l'an sont en amour sans faire aucū bruiēt, & sans grōder. Il y auoit en ceste isle de la vigne, qui portoit des grappes, desquelles ils ne font du vin, de quoy ie m'estonne, attendu que ceste nation est fort subiecte à feniurer. On a apporté de la vigne d'Espagne, les raisins se meurissent à Noël, & toutesfoys on n'en fait poinēt encor' de vin. Je ne scay pourquoy si ce n'est pour la paresse, & nonchalance des hommes, ou pour la force du pays. Le grain y profite fort bien encor' qu'on s'y addōne peu, à raison que le maiz est plus facile à cultiuer, & plus seur à recueillir, & fait vn pain plus materiel, & aussi qu'il sert de vin. Au cōmencemēt que on sema du grain il iettoit le tuyau fort, & l'espy si groz, qu'il y en auoit tel, qui rēdoit deux mille grains: on ne vit iamais telle multiplication, ce qui dōne à cognoistre que ce pays est fort graz: & par là aussi on peut iuger que les oliuiers, & autres fructiers, qui ont noyau, doibuent estre ste-



riles, & sans fruit: mesme il y en a quelques vns  
cōme pēches, & tels autres, qui ne veulent prendre  
racine. Les palmiers toutesfoys rendēt leurs dattes  
meures, mais elles n'ont point de bōté, Au cōtraire  
les arbres, qui ont pepin ou semēce y profitēt fort  
bien: aucunesfoys ils portēt leur fruit doux, aucu-  
nesfoys aigre. Il y a plusieurs sortes d'arbres portās  
cannes, cōme cassē naturelle, mais ils ne vallēt rien.  
Les cassiers qu'o a esleuē de grain apportē d'Espa-  
gne sont fort excellēs, & ont multipliē grandemēt:  
les formis y font grand dōmage: Toutes les herbes  
de iardinage, qu'on a apportē d'Espagne croissent  
en abondāce, & sont deuenues si vitieuses, que rien  
ne sçauroit greuer la personne d'auantage, cōmme  
sont des laitues, ciboules, persil, choux, carottes,  
raues, & cōcombres. Ce qui a le plus multipliē est  
le sucre, tellemēt que pour le faire & affiner il y a ia  
plus de trente engins, & la traficque en est fort ri-  
che. Le premier, qui planta ces cannes doulces, fut  
Pierre d'Acienza. Celuy, qui premier le tira des can-  
nes fut Michel arbalestrier Catalā: & celuy, qui pre-  
mier en feit vne charge de cheual, fut le docteur  
Gonzalle de Velosa. Ils ont encor' en ceste isle du  
baulme bastard, qu'ils prēnent d'un arbre appellē  
Goaconax, qui rēd vne odeur suauē, il brusle cōm-  
me du suc de pin. Le premier qui en print fut An-  
toine de ville saincte, par l'aduis de sa femme qui  
estoit indiēne. Ils tirēt encor' de ce baulme d'autres  
endroits: Il n'est si bon que celuy d'Egypte, ou lu-  
dee, il sert aux plaies, & s'applique aux douleurs. Il y  
a grand nombre d'oiseaux en ceste isle, qui ne sont  
point en Espagne, & y en a aussi beaucoup des no-

stres. Il n'y auoit de paons, ny de poulles. Les paõs sont difficiles à esleuer, mais les poulles y profitent à souhait, sans estre differetes de celles de par deça, si non que les coqs ne chantent point à minuit. Les choses qu'on apporte de ce pays pour marchandise en Espagne sont sucre, bresil, baulme, casse, cuire, & azur d'outre mer fort fin. l'ay escrit ce chapitre, à fin qu'un chacú cogneut quel aduantage fait, & quel secours done ce pays pour le iourd'huy y ayât meslé de nouueaux habitãs. l'ay esté du mō papier à escrire plusieurs particularitez de ceste isle, parce que le suiet de l'histoire le requeroit, & aussi qu'elle a esté la source d'où est sorty le reste du descouurement qu'on à fait de ces Indes, pays, & regions si grandes comme auez peu entendre par nostre geographie, au chap. 12. La troisieme cause aussi est pour l'amour de ceux, qui vont aux Indes, lesquels en faisant leur chemin prennent port à cet Isle, & y descendent, ou l'approchent de si pres qu'ils la touchent, ou pour le moins en passant la regardent.

## LIVRE SECOND DE

L'HISTOIRE GENERALE  
des Indes.

*Comme les Espagnols ont trouué toutes les Indes. Cha. 36.*



Comme il estoit notoire à un chacú cōbien grãds estoient les pays que Christofle Colōb auoit trouuez, plusieurs suiuant ce chemin se meirent sur mer pour en trouuer encore d'autres, aucū à leur propres couts

& despés, autres aux despés du Roy, pésans to<sup>o</sup> s'en richir, & aquerir gloire, & faire mieux leurs affaires avec celles du Roy. Mais toutesfois aucuns n'ont rien fait que descouvrir des pays, & se consommer & si n'est demeuré memoire de tous que ie sçache, pour le moins de ceux, qui ont floté vers la Tramontane costoyants les pays de Baccaleos, & de labeur, qui ne sont gueres riches. Le mesme est aduenü à ceux, qui ont vogué vers la partie de Paras depuis l'ã 1495. iusques à 1500. Je discoureray seulement de ceux, desquels ay peu entédre quelque chose, sans auoir esgard à aucun, assurant en premier lieu que toutes les Indes ont esté trouues par les Espagnols, excepté la part que descouurit Colomb, ce que ie dis, affin que les Roys Catholiques sçachent qu'elles ont esté, & qu'elle est la propriété qu'ils en ont en ayants prins possession de toutes avec la licence, & ottroy du Pape.

*Terre de labeur. Chap. 37.*

Plusieurs ont costoyé le pays de labeur pour sçauoir iusques où il s'estendoit, & si on ne trouueroit point passage pour aller aux Moluques, & gaigner les espiceries, qui sont comme nous dirons ailleurs sous la ligne Equinoxiale, pensants accourcir le chemin de beaucoup. Les premiers, qui ont cherché ce passage ont esté Castillans, parce que les Isles des espices est de leur departement. Les Portugaloys ont fait le semblable, pour tousiours interrompre ceste nauigation, si d'aventure ce passage fust trouué, & pour rendre immortel debat qu'ils ont sur ces Isles & n'en



venir iamais à bout. Pour ceste cause Gaspar Cortes Real sy en alla avec deux carauelles l'an 1500. Il en peut trouuer le destroit qu'il cherchoit. Il laissa son nô à des isles qu'il récōtra à la bouche du goulfe Quarre à plus de 50. degrez. Il print esclaués environ de soixante hommes, & s'en reuint tout ennuié, & desespéré de son entreprinse pour les grandes neiges & glaces, qui sont quasi continuelles en ce quartier, ou mesme la mer se congele. Les hommes de ce pays sont bien dispos : ils sont Mores, & bons au trauail. Ils se chargent de peinture par galanterie, & se mettēt aux oreilles des pendans d'argent. Ils se vestent de peaux de Martre, & d'autres animaux : l'hyuer ils mettent le poil en dedans, & l'esté par dehors. Ils se serrent le ventre, & les cuisses avec des cordons de cottō, & nerfs de poisson, où d'autres animaux. Ils mangent plus de poisson que d'autre chose, & specialement du Saulmon encor qu'ils ayent force oyseaux, & fruits. Ils font leurs maisons de bon bois, duquel ils ont grande quantité, & les couurent avec peaux de poisson, & d'autres animaux au lieu de tuille. Ils disent qu'il y a en ce pays des grifons, & des ours, avec plusieurs autres animaux, & oiseaux tout blancs. En ce pays, & és isles prochaines vont, & demeurent les Bretons, le pays desquels est en mesme hauteur, & temperature que celle de ce pays. Des gens de Noruegue y sont aussi allez avec le pilote Iehan Scolue, & les Anglois avec Sebastien Gauoto.

*Pour quelle cause l'auteur commence à ce quartier là à discourir sur le descouurement des Indes. Chap. 38.*

I'ay

J'ay commencé à reciter le descouurement des Indes du cap de Labeur pour suyure l'ordre que j'ay gardé en descriuant leur situation, m'estant aduis que c'est le meilleur moyen, & le plus cler tant pour escrire que pour le donner à entendre. Car suivant vn autre stile ce ne seroit qu'une confusion. Il est bien vray que ce seroit vn bon ordre si on suiuoit les temps, esquels elles ont esté trouuees.

*De Baccalos.*

*Chap. 39.*

Il y a vne grande estendue de terre, qui se iette en poincte dans la mer, laquelle on appelle Baccalos sa plus grãd' haulteur est de 44. degrez & demy. On appelle ce pays Baccalos à l'occasion d'aucuns poissons, qui sont là en si grãde abondance, qu'ils empeschent le cours des nauires. Celuy, qui apportra plus certaines nouuelles de ces ges cy, fut Sebastien Gauoto Venitien, lequel equippa en Angleterre aux despēs du Roy Héry septiesme deux vaisseaux, ayant grãd enuie de negocier aux espices come faisoient les Portugais. Aucuns disent qu'il arma ces nauires à ses propres despēs, & qu'il promit à ce Roy Henry d'aller au Catay par la Tramontane, & ramener de là des espices en moindre temps que ne faisoient les Portugais allans par le Midy, & qu'il entreprint ce chemin pour sçauoir quel pays c'estoit que les Indes, & pour y bastir. Il mena avec soy trois cens hommes, & print la route d'Island' au dessus du cap de Labeur iusques à ce qu'il se trouua à 58. degrez & par delà. Il racomptoit que le mois de Iuliet estoit si froid, & les glaçons si grands, qu'il ne fut assez hardy de passer outre: que les iours estoient fort longs quasi sans nuit, & pource peu qu'y en

auoit encor estoiet elle fort claire. C'est vne chose certaine qu'à 60. degrez les iours sôt de 18. heures. Gauoto sentant le froid, & voyant la rudesse de ce quartier, tourna vers Ponët, se rafreschissant à Baccalos: & puis flotta le long de la coste iusques à 38. degrez, & de la rebroussa son chemin en Angletterre. Les Bretôs & Danois font le voyage de Baccalos, & François Cartier, qui estoit François y a esté deux fois avec trois galeons: la premiere fut l'an 1534. & l'autre l'année d'apres. Il esprouua le terroir, & le trouua cômmodé à demeurer depuis le 45. degré iusques au 51. Il disoit qu'il failloit se fortifier en ce lieu là, par ce q̄ le terroir estoit aussi bô que celuy de Frâce, & qu'il estoit cômun à tous, principalemēt à ceux, qui premiers l'occupoient.

*Le fleuue de saint Antoine. Chap. 40.*

L'An 1525. Estienne Gomez pilote s'en alla en ce pays avec vne carauelle armee aux despens de l'Empereur. Ce pilote vouloit chercher vn destroit qu'il auoit promis trouuer au pays de Baccalos, par lequel on peut passer aux espices parvn chemin plus court que pas vn autre, & rapporter cloux de girofle, canelle, & autres espiceries, & medecines qu'on apporte de là. Cet Estienne Gomez auoit ià quelque fois nauigué aux Indes, & auoit esté avec Magellanes au destroit Magellanique. Il auoit esté à l'assemblee que les Castillâs, & Portugais auoient fait à Vedaioz pour leur differēt qu'ils auoient ensemble sur les isles de Moluques. Sur ceste dispute il trouua vn bon expedient si on eust peu trouuer vn destroit en ceste partie. Pour ceste cause Christophle Colomb, Ferdinand Cortez, Gilles Gonzalez de Auila, & autres n'ayans peu trouuer ce des-



troit depuis le goulfre de Vraba iufques à la Floride, ce pilote conclud de paffer outre, mais il ne fut poffible de le trouuer, par ce qu'auffi il n'y en a point. Il coftoya vn long traict de pays, qui n'auoit encor eſté deſcouuert d'aucun, encor que Sebaſtien Gaueto euſt eſté premierement vers ce quartier là. Il print autant d'Indiens qu'il en peut mettre en ſa carauelle, & les emmena avec ſoy, contre la volonte du Roy. Il retourna à Corona & ne fut que trois mois à faire ſon voyage. Quand il entra au port il dit qu'il amenoit des eſclauos qui ſ'appellent en Eſpagnol eſclauos: vn bourgeois de la ville n'ayāt entendu qu'à demy, penſoit qu'il vouluſt dire des cloux, qu'on appelle en leur langue clauos, qui eſt ce que nous appellons cloux de girofle, leſquels à ſon partement il auoit promis d'apporter. Ce bourgeois ayant ainſi mal entēdu ce mot, print la poſte pour aller des p̄miers à la court, & acquerir la grace du Roy luy diſant qu'Eſtiēne Gomez amenoit des cloux. Ceſte nouuelle fut incontīnēt diuulguee par toute la court, avec reſiouiffance de tout vn chafcun. Mais vn peu de iours apres eſtant la verité connue cōme ce bourgeois auoit entendu des cloux pour des eſclauos, & cōme le pilote ne rapportoit rien de ce qu'il auoit promis, on ſe print à rire de la grace que ce bourgeois demandoit, & l'eſperance eut perdue de pouoir trouuer ce deſtroit que tant on deſiroit, & ceux qui auoient fauoriſé Eſtiēne Gomez pour faire ce voyage rougirent de honte.

*Les Iſles Leucaies. Chap. 41.*

Es Iſles Lucaies, où Lucaies ſont vers la Tramontane au deſſoubs de Cuba, & Haiti, autre-

ment Espagnole . On dit qu'il y a plus de 400. de ces Isles, toutes petites, exceptee Lucaia, de laquelle toutes les autres ont prins le nom. Elles sont situées à 17. & 18. degrez : entre icelles on compte Guanahani, qui fut la premiere terre veüe par Colomb, Mangua, Guanina, Zuguareo. Les gés de ces Isles sont plus blancs, & mieux dispoz que ceux de Cuba, & de Haiti, & specialement les femmes : la beauré desquelles estoit cause que beaucoup d'hōmes de terre ferme comme de la Floride, de Chicoré, de Iucatam alloient viure en ces Isles, ce qui rendoit la ciuilité d'entre eux plus grande, qu'en pas vne autre Isle, & y auoit diuersité de langage. Je croy que de là est venu le bruiet qu'il y auoit là des Amazones, & qu'il y auoit vne fontaine, qui faisoit raieunir les vieilles personnes. Ceux de ces Isles sont tousiours nuds fils ne vont à la guerre, à la feste, où aux dâses. Car alors ils se couurent d'un vestement fait de coton, & de plume bien agéece avec vne certaine industrie, & sur la teste ils mettēt de grands pennaches. Les femmes marices, & celles qui se sont esbatuës avec les hommes, se couurent les parties honteuses depuis la ceincture iusques au genouil avec certains petits mâteaux: mais les vierges ne portent qu'un petit rets de coton, qui a dedās la maille des fucilles d'herbe, encor ne portent elles ce rets que quād elles ont leurs moys, autrement elles vont toutes nuës. Et quand leurs moys viennent, elles inuitent leurs parens & lamys, faisans vne feste, comme ils feroient au iour des nopces. Il y a en ces Isles vn Seigneur, qui a le soin de la pesche, de la chasse, & des semēces, & ordon-

ne à vn chascun ce qu'il faut qu'il face. Ils enterrér le grain, & les racines qu'ils recueillent en leurs champs, ou en ceux du Roy, & puis on le diuise à vn chascun selon la grandeur de leur famille: ils ayment fort à se resiouir. Leur richesse cōsiste en coquilles de perles, & en autres coquilles rouges, qu'ils pendér à leurs oreilles: en pierres precieuses, comme rubis si estincelants, qu'ils semblent ietter vne flâme. Ils les tirent de la teste de certaines huîtres qu'ils prénent en la mer, & qu'ils magent pour vne viande delicate. Ils portent des couronnes, carcants, & autres choses, qu'ils se liét au col, aux bras, & iambes, & encor qu'elles soiét de petite valeur, les trouuans par le sable, si donnent elles bonne grace aux femmes qui sont nues. En la plus part de ces Isles, ils n'ont point de chair, aussi n'en magent ils point. Leur repas est de poisson, pain de maiz, racines, & fruiçts. Les hômes des Isles qu'on menoit à S. Dominique, ou à Cuba mouroient apres auoir mangé de la chair: pour ceste cause les Espagnols donnoient à ces Indiens peu de chair, ou point du tout. En quelques vnes de ces Isles il y a tant de pigeons, & autres oiseaux, qui font leurs nids sur les arbres, que ceux de terre ferme, de Cuba, & Haiti y viennent s'y en fournir, les emmenât en leurs pays à pleines barques. Les arbres, où ils font leur nid ressemblét à grenadiers: ils ont l'escorce quasi comme canelle quant au goust, mais elle est forte comme gingembre, & à la sentir semble cloux de girofle: elle n'est point toutesfois au ranc de l'espicerie. Entre plusieurs sortes de fruiçts, ils en ont vn nommé Iaruma, qui est de bõ goust, & qui est sain: l'Ar-



bre est semblable au noyer, & a la fucille de figuier. Les petis rameaux, & fucilles de ce Iaruma pilles, & appliquees avec son ius sur quelque playe, la guerissent, tant vieille qu'elle soit. Vne foys deux Espagnols ayans mis la main à l'espée l'un contre l'autre, l'un couppa le bras à son compagnon, os & tout, vne vieille de Lucaia rassemblant l'os en vn, le guarit seulemēt avec le suc & fucilles de cest arbre. Vn Lucaios charpétier, estant à S. Dominique, prisonnier, en prison libre toutesfois, creusa vn tronc de Iaruma, qui est aussi aisé à creuser que le figuier, le faisant en forme de barque, & ayant mis dedans sa prouision de maiz, & de l'eau dedās des cruches, se iette en mer dedans ceste petite barquerole avec de ses parés, qui le suiuiot à nage, mais apres qu'il eut ia trauerse la mer, l'espace de cinquante lieuës, des Espagnols le rencontrèrent, qui le remenerent à saint Dominique. Les Espagnols en vingt ans ont enleué de ces Isles plus de quarante mille personnes. Ils abusoient ces pauures gens, leur faisant à croire, qui les meneroient en Paradis: ce qui leur estoit aisé à persuader, par ce qu'ils croioiēt ia, qu'ils deussent estre purgez de leurs pechez, au pays froid de la Tramontane, & puis de là, entrer en Paradis, lequel ils pensoient estre vers le Midy. Par ce moyé les Espagnols ont ruiné les Lucaiots, en menant la plus grand part d'iceux à leurs mines. On dict que tous les Chrestieës, qui se sont ainsi saisis de ces pauures Indieës, ou qui les ont fait mourir de travail, ont finy malheureusement, ou qu'ils n'ont iouy de ce qu'ils auoient ainsi gaigné.

*Du fleuue Iourdan, qui est au pays de Chicoré. Chap. 42.*

**S**Ept bourgeois de S. Dominique, entre lesquels estoit le Licentié Lucas Vasquez d'Aillon, auditeur de ceste Isle, equipperent deux nauires au port de l'Argent, l'an 1520. en intention d'aller enleuer des Indiens, aux Isles Lucaies: mais ne trouuâs personne à qui chager leurs denrees, & pour prendre, & emmener à leurs mines, ou pour penser leurs troupeaux de bestes, & seruir à leurs céses, & maisons, delibererent de monter plus vers la Tramontane pour chercher pays nouueaux, & de ne retourner sans en trouuer. Suiuant ceste deliberatiō aborderent en vn pays nommé Chicoré, & Gualdapé, qui est à 32. degrez. C'est le pays qu'aujourd'huy on appelle le Cap de S. Heleine, & fleuue de Iourdan. Aucuns disent toutesfois que ces Bourgeois n'entreprendrent ce voyage de leur bon gré, mais par la contraincte des vents. Or soit cōme on voudra, il est certain que les Indiens acoururent vers la marine pour veoir ces Carauelles comme chose à eux toute nouuelle, & nō encor' veüe: car leurs barques sont fort petites, encor' aucuns pésoient que ce fussent quelques mōstrueux poissons. Mais quād ils veirent descendre à terre des hōmes barbuz & vestuz, s'enfuirēt incontinent le plustost qu'ils peurent. Les Espagnols, qui estoient des-embarquez, coururent apres, & attrapperent vn hōme, & vne femme, lesquels ils vestirēt à la façō d'Espagne, & les renuoierent appeller les autres. Le Roy du pays les voyāt aīsi vestuz, s'esmeruilloit de cest habit, parce que les siēs alloiēt tout nuds, ou avec des peaux de quelques animaux, Il enuoya cinquāte hōmes avec des viures, vers les vaisseaux. Avec ceux-cy, plusieurs

Espagnols s'en allerent par deuers le Roy, qui leur donna vn guide pour veoir le pays, & par tout où ils alloient, on leur donnoit à manger, & de petits presens de peaux, de petites perles, & de l'argent. Apres que ces Espagnols eurent veu la richesse, & qualité du pays, & eurent bien considéré la façon de faire des habitans, & la suffisance des viures, & l'abondance d'eau, ils inuiterent les Indiens à venir veoir leurs nauires, ce qu'ils feirét, & entrèrent dedans, sans penser à aucun mal, alors les Espagnols leuerent les ancrs, & feirent voile, & avec ceste prinse de Chicorans s'en retournerent à S. Dominique. Mais vne des Carauelles se perdit par le chemin, & les Indiens qui estoient dedas, l'autre, moururent en peu de temps, de melancholie, & de faim, par ce qu'ils ne vouloient, en façon aucune, manger de ce q̃ les Espagnols leur presentoient, ains mangeoient plustost des chiens, des asnes, & autres bestes mortes qu'ils trouuoient le long des murailles. Lucas Vasquez d'Aillon, avec la relation de toutes ces choses vint à la Court, & amena avec soy vn Indien de ce pays nommé François Chicoré, lequel racôptoit choses merueilleuses de ce pais. Ce Lucas demâda la cōqueste & gouuernement de Chicoré. L'Empereur luy dôna ce qu'il demâdoit, & en outre le feit Cheualier de S. Iaques. Estât retourné à S. Dominique, il arma certains vaisseaux, l'an 1524. & se meist en chemin avec intétion d'y bastir, ayât esperâce d'y trouuer de grâds trespors: mais la Capitainesse de ses nauires se perdit au fleuve Iourdâ, avec plusieurs Espagnols, & en fin luy mesme eut pareille mort, sans auoir faict chose aucune digne de memoire.



Ceux de Chicoré sont de couleur brune, hauts de corpulence, ayans peu de barbe: Ils ont les cheveux noirs, & longs iusques à la ceinture: les femmes les ont plus lōgs, mais elles les ont tous entortillez. Ceux de la prouince de Duaré, qui est proche de ceste cy, les portent iusques aux pieds. Leur Roy nommé Datha, estoit grand comme vn Geâr, & sa femme de mesme: il auoit aussi vingt-cinqu enfans d'une grâdeur non-pareille. Quand on leur demandoit pourquoy ils croissoyent tant, ils respondoyēt que cela aduenoit pour māger certaine viande faicte comme vne farce de plusieurs herbes enchanrees, autres disoyēt qu'on leur attédriſſoit les os avec certaines herbes cuites, & puis qu'on les estendoit. C'estoyent quelques Chicorans qui auoyent esté baptisez, qui rendoyent telles raisons: mais ie croy qu'ils bailloyēt ces bourdes en payemēt pour dire quelque chose: par ce qu'en montant contre-mōt le fleuve de Iourdan on voit les hōmes si grās qu'ils ressemblent à Geans à cōparaison des autres. Leurs prestres sōt habillez differēment des autres, & n'ont point de cheveux: ils en laissent seulement venir deux petits floquets sur les tempes qu'ils attachent sous le menton. Ces prestres pilent certaines herbes, & du suc d'icelles aspergēt les Soldats: Ils ont la charge de beneistre ceux qui vont à la guerre, & de pēter les bleſsez, & d'ēterrer les morts: Ils ne mangent point de la chair humaine comme les autres: Aucun n'a recours à autre medecin qu'à certaines herbes, les proprietiez desquelles ils congnōisēt à quelles maladies & playes elles sōt bōnes: Avec vne herbe nōmee guai ils vomissent la colere,

## 2. LIVRE DE L'HIST.

& tout ce qu'ils ont en l'estomac, & pour ce faire, ils la mangent, ou la boient, elle est fort cogneue, & est si salutare, que par la vertu d'icelle, ils vivent longuement, & se tiennent sains & forts. Les Prestres sont fort spirituels à faire plusieurs sortes de fascinationis, tellement qu'ils redent tous leurs gés estonnez, & esmerueillez de ce qu'ils font: Ils ont deux petits Idoles, lesquels ils ne montrent en public que deux fois l'an, l'une fois en tēps de semence, & lors ils font grand feste: le Roy tout le long de la nuit de la veille de telle feste ne bouge d'aupres telle image, & le matin venu, apres que le peuple est assēblē, mōstre d'un lieu haut exaucē ses idoles, masle & femelle, lesquels tout le peuple adore se protestans en terre, & crians à haute voix, misericorde. Cela fait le Roy descend à terre, & donne des riches robes de cottō embellies de ioyaux à deux cheualiers, qui portent ces idoles au champ, ou doit aller la procession: Il ne demeure aucun, qui n'aille à telle procession, si ne veut estre reputē peu deuotieux: vn chacun porte la meilleure robe, qu'il ait: aucuns se teignent: autres se couurent de feuilles: quelques vns se font des masques avec des peaux: les hommes & les femmes chantent, & dansent, les hommes sont pour le iour, & les femmes pour la nuit, passans ceste feste avec prieres, chansons, dances, oblations, perfuns, & telles choses. Le iour ensuiuant on reporte ces idoles en leur chappelle avec semblable pompe. Ils pensent par le moyen de ceste ceremonie recueillir bon nombre de grain. En vne autre feste ils portent aussi en vn champ vne statue de bois avec mesme solēnitē,

& gardans pareil ordre, & puis la fichent là sur vne grosse piece de bois, qu'ils mettent de bout en terre, l'enuironnant tout à l'entour de peaux, coffres, bancs, & sieges : Tous les mariez, sans qu'aucuns y faille, viennent offrir quelque chose, & mettent leurs oblations dans ces coffres, ou sur ces bancs, ou les pendent à ces peaux: les prestres, qui sont deputez à cest office remarquent l'oblation de chacun, & à la fin disent, qui est celuy, qui a fait plus riche offerte, à fin qu'un chacun en ait la cognoissance. Cestuy là est fort honoré de tous tât que l'â dure, cela est cause que plusieurs font leur oblacion à l'enuie l'un de l'autre : Les principaux, & les autres aussi mangent du pain, du fruiçt, & des viandes qu'on a offert, le reste est distribué entre les seigneurs, & les prestres. Ils descendent puis apres leur statue quand la nuit est venue, & la plongent dedans la riuere, ou dedans la mer, si elle est pres, afin qu'elle s'en aille avec les Dieux de l'eau. Le lendemain de leurs festes, ils deterrēt les os d'un Roy, ou d'un Prestre, qui a esté en grande estime, & bōne reputation, & les mettent sur un eschaufaut dressé en la campagne, les femmes seules le pleurent, tournans à l'entour, en forme d'une dāce rōde, & offrēt ce qu'elles veulent, ou ce qu'elles peuuent. Le iour d'apres on reporte ces os en leur sepulture, & lors un prestre fait vne oraison en la louāge de cestui là: de qui ils sont, & dispute de l'immortalité de l'ame, traicte de l'éfer, du lieu ordōné pour les peines, lequel les dieux ont establi en un pays, & terre tresfroide, où se doiuet purger les pechez. Il traicte aussi du Paradis, qui est en vne terre fort tēperee, possedee



par Quezuga, grâdseigneur, doux, & boiteux, lequel donne grand passe-temps aux ames, qui vôt en son Royaume, les laissant danser, chanter, & prendre plaisir avec leurs amoureuses. Par telle ceremonie, ces os demeurent canonisez, & le harangueur donne congé à ses auditeurs, & en fin prend par les narines de la fumee faicte d'herbes, & gommcs odoriferantes, soufflant cōme vn enchâteur. Ils croyēt qu'il y ait beaucoup de gens au ciel, & autant sous terre, & qu'il y a des Dieux en la mer: & de tout ce cy les prestres en ont des chansons qu'ils chantent. Quand vn Roy meurt, ces prestres font certains feuz, comme rayons, donnans par là à entendre, & voulans faire à croire, que ce sont les ames qui sont sorties du corps, lesquelles montent au ciel, & enterrent le corps avec de grandes clameurs, & complainctes. La reuerence qu'ils font à leur Cacique, est plaisante, ils luy touchent le nez avec les mains, & le frottent, & puis les passent depuis le front, iusques derriere le col, alors le Roy tourne la teste vers l'espaule gauche, sil veult faire hōneur à celuy, qui luy faict la reuerence. Vne veufue ne se peut remarier, si son mary est mort naturellement: mais elle peut se remarier sil est defaict par iustice. Ils ne laissent point demeurer les filles avec celles qui sont mariees. Ils iouēt à la pyle, & s'exercent de l'art comme font les Turcs, aussi tirent ils bien, & visent fort droict: Ils ont de l'argent, des perles, & autres pierres: Ils ont plusieurs cerfs qu'ils nourrissent en leurs maisons, & les enuoyent paistre aux champs, & ne faille de retourner au soir en leurs maisons. Ils font du fromage du lait de leurs femmes.

**A** Dix-sept degrez, & à cent mil de l'Isle Espagnole, vers le Ponent, est située l'Isle Boriquen, surnommée par les Chrestiens Saint Iean. Elle a en longueur deux cents mille, & en largeur elle en a septante deux, sa longueur est de Levant en Ponent. Le quartier qui regarde la Bize est riche en or, & celuy qui tend au Midy, est fertile en pain, fructs, herbes, & poissons. On disoit que ces Boriquins ne mangeoient point de chair, mais cela se deuoit entendre d'animaux à quatre pieds: car ils mangent force oiseaux, & mesme des chaulue-souris peleez en eauë chaude. Quant aux choses qu'ils auoient anciennement, & quant à ce qu'ils ont naturellement, ils sont de mesme condition que ceux de l'Isle Espagnole, & mesme pour le iour d'huy c'est encor tout vn. Ils sont seulement en ce differents que les Boriquins sont plus vaillants que les autres, & s'aydent d'arcs & fleches, sans toutefois les enuenermer d'herbe. Il y a en ceste isle vne Góme, qu'ils appellent Tabunuco, qui est mortelle, & coulle cōme suif, d'icelle meslee avec de l'huy-le, on oinct les nauires, à cause de son amertume, elle se defend biē cōtre les vers qui ont acoustumé de s'engendrer en la pourriture du bois, & des aiz des vaisseaux. Il y a aussi grande quantité de Guaïacan, qu'on appelle bois saint, qui sert à guarir le mal François, & autres maladies. Christoffe Colomb descouurit ceste Isle en son second vōyage. Iean Ponce de Leon, sy en alla l'an 1509. avec cōgé du gouuerneur Ouando, en vne Carauelle qu'il auoit à Saint Dominique, par ce quelques Indiens

luy auoient dit que c'estoit vne Isle estimee riche. Il descendit au quartier ou dominoit Agueibana, lequel le receut en toute amitié, & se feist Chrestien avec sa mere, freres & seruiteurs, & si luy donna vne sienne sœur pour amie, estant telle la coustume des seigneurs, qui veulent faire honneur à autres grâds personages, qu'ils veulent receuoir pour amys, & hostes. Apres il le mena sur la coste de la mer vers la Tramontane pour recueillir de l'or, qu'ils trouuerent en deux ou trois fleues. Iean Ponce laissa certains Espagnols avec Agueibana, & s'en retourna à S. Dominique avec la monstre de l'or, & avec quelques Indiens de là. Mais voyât que le gouverneur Nicolas d'Ouando s'en estoit retourné en Espagne, & que l'Admiral Dom Diego Colomb estoit gouverné, il s'en retourna à Boriquen avec sa femme, & toute sa maison, & luy donna le surnom de S. Iean : & delà escriuit au grand commandeur Ouando qu'il feist pour luy enuers l'Empereur que il eust le gouvernement de ceste isle, sous le commandement toutesfois du Viceroy, & de l'Admiral des Indes: ce qu'il obtint, & alors assembla gés, & guerroya contre ceux de ceste Isle. Il fonda la ville de Caparra, qui se depeupla puis apres pour estre mal saine, estant situee en vn marets. Il peupla encor' à Guaniqua, qui fut aussi incontinent deshabitee pour le grand nombre, & importunité de certaines petites mouches, & de pulces, & alors il peupla au dessous de Major, & fonda quelques autres villes. La conqueste de ceste Isle a cousté la mort de plusieurs Espagnols, par-ce que les habitas estoient courageux, & appellerēt les Caribes pour



leur defenſe. Iceux tiroient des fleches enuenimees avec vne herbe ſi mortelle qu'elle ne reçoit aucun remede. Ils penſoient au commencement que les Eſpagnols fuſſent immortels : & pour en ſçauoir la verité, Vraioa Cacique de Yaguaca print ceſte charge avec l'accord, & conſentement de tous les autres Caciques, afin qu'il fuſt ſecouru de tous ſi pour cela il luy aduenoit mal. Il commanda à quelques vns de ſes ſeruiteurs qu'eſ passant le fleuve de Guarabo, ils iettaſſent vn certain Eſpagnol nommé Salcede, qui eſtoit logé en ſa maiſon, dans l'eau. Le portans donc ſur leurs eſpaules comme fils l'euiſſent voulu paſſer le fleuve, ainſi qu'ils auoient de couſtume, le iettent au milieu, où le compagnon ſe noya. Le voyant ainſi noyé, creurent que tous les autres eſtoient mortels: ce qui leur donna courage de ſ'associer enſemble, & ſe rebellerent, & tuerent plus de cent Eſpagnols. Entre ceux qui ont eſté à ceſte conqueſte le plus remarqué de tous eſt Diego de Salazar. Les Indiens auoient tât de peur de luy, qu'ils ne vouloient combattre où il eſtoit, & pour ceſte cauſe encor' qu'il fuſt tout eſtropiat du mal des bubes, ou mal François, ſi le portoit on au cāp, afin que les Indiens ſceuſſent qu'il y eſtoit. Les Indiens de ceſte iſle, ſouloient dire à vn Eſpagnol, qui les menaçoit: Je n'ay point peur de toy, pourueu que tu ne ſoyes Salazar. Ils auoiēt auſſi grand peur d'vn chien ſur-nommé Vezerrillo rouge, & metiz, qui gaignoit la ſoulde autant qu'vn arbaleſtrier & demy. Ce chien aſſailloit les Indiens ſièrement, & avec diſcretion: Il cognoiſſoit les amis, & ne leur faiſoit aucun mal, encor' qu'on le touchaſt,

il congnoissoit si tel estoit Caribe, ou non: Il pour-  
suiuoit viuemēt celuy qui fuyoit, iusques au milieu  
du cāp de l'ennemi, ou le mettoit en pieces, si seu-  
lement on luy eust dict, or sus viste, va le chercher: il  
ne s'arrestoit iusques à ce qu'il eust fait tourner vi-  
sage à celuy qui s'enfuyoit. Ce chien asseuroit tant  
nos gens, qu'ils osoyent affronter les Indiens aussi  
hardiment que fils eussent eu trois hōmes de che-  
ual avec eux. Ce chien mourut estant blessé d'une  
fleche enuenimee, nageant apres vn Caribe. Tous  
les habitans se sont faicts Chrestiens, & leur pre-  
mier Euesque fut Alphonse Máso, 1511. Apres Iean  
Ponce de Leon, plusieurs ont gouuerné ceste Isle  
sous l'Admiral, & ont eu plus d'esgard à leur profit  
qu'à celuy des habitans.

*Le descouurement de la Floride. Chap. 45.*

**L'**Admiral osta incontinent le gouuernemēt de  
l'Isle de Boriquen à Iean Pōce de Leon. Alors  
se voyāt riche & sans gouuernemēt, equippa deux  
nauires, & se mist à chercher l'Isle Boiuque, où les  
Indiens disoyent qu'estoit la Fontaine qui faisoit  
raieunir les personnes vieilles. Il fut long temps en  
ce voyage comme perdu, & endura grand trauail  
bien l'espace de six moys entre plusieurs isles, sans  
trouuer aucune marque de telle fontaine: Il entra  
en Vimini, & descouurit la Floride le iour de Pas-  
ques Flories, l'an 1512. & pour ceste occasion, don-  
na ce nom au pais. Or pensant trouuer de grandes  
richesses en ceste Floride, il s'en vint en Espagne,  
où il eut du Roy catholique tout ce qu'il deman-  
doit par le moyen de Nicolas d'Ouando, & de ce-  
lui à qui il auoit esté page, qui estoit Pierre Nugnez  
de

de Guzman gouverneur de l'Enfant Dom Ferdinand, qui pour le iourd'huy est Roy des Romains. Par l'intercession de ceux-cy, il eut le tiltre d'Adelantado de Vimini, & eut le gouvernement de la Floride. Ayant sa prouision, il arme en la ville de Seuille trois nauires l'an 1515. & arrinè à Guacana, qu'on appelle aujourd'huy Guadalupé, il met de ses gens à terre, pour prendre de l'eauë & du bois, il fait aussi descendre quelques femmes pour blanchir leur linge. Mais les Caribes, qui s'estoient embusquez dedans vn bois, saillent, & tirent contre les Espagnols leurs fleches enuenimees, la plus grand part de ceux, qui descendirent en terre furent tuez, & les lauandieres prises. Iean Pöce voyant si mauuais commencement se retire de ceste Isle, & de là prend terre à la floride, où estant descèdu avec ses soldats, & cherchant quelque ville cōmode pour peupler, les Indiens vindrent à se mettre au deuant pour empescher l'entree, & telle demeure: ils combattent si vaillamment qu'ils le deffont, & tuent beaucoup d'Espagnols, & le blecent avec vne fleche, de laquelle atteincte il mourut en l'Isle de Cuba. Voila cōmēt il finist ses iours. Il cōsomma en ce voyage grāde partie de la richesse qu'il auoit assemblée en l'Isle de Boriquen. Ce Iean Ponce estoit passé en l'Isle Espagnole, avec Christoffe Colomb, l'an 1493. Il fut vaillant soldat aux guerres, qui se font meüs en ceste Isle, & fut depuis Capitaine en la prouince de Higueli sous Nicolas de d'Oando, qui la cōquesta. Mais pour reuenir à nostre floride, c'est vne poincte de terre, cōme vne lāgue, il'est assez remarquee aux Indes, & assez cogneuë



pour plusieurs Espagnols, qui sont morts en icelle. Elle est selon le commun bruiet, riche & bien pourueüe de toutes prouisions. Encor' que les habitans soient si vaillans hommes, Ferdinand de Sotto en demanda toutesfois la conqueste & le gouuernement. Ce Ferdinand auoit esté Capitaine au Peru, & s'estoit faict riche à la prise d'Atabalipa, ayär eu bone part au butin, cōme estant homme de cheual, & Capitaine, aussi eut-il le couffin couuert de grosse perles, & ioyaux, sur lequel estoit assis ce riche, & puissant Roy. Il s'en alla à ceste Floride avec bonne troupe de gens, & fust cinq ans ne faisant que chercher des mines, par ce qu'il pensoit que ce pays fust comme celuy du Peru. Il ne peupla aucune ville, & ainsi en ces pourchats il mourut, & ruina tous ceux qui l'auoiēt suiuy. Iamais tous ceux qui se meslent de conquerir par deçà, ne feront bel acte, si deuant toute autre chose ils ne s'employent à peupler quelque ville sur la mer, spécialement aux pays où les Indiens sont si adroits de leurs arcs, & sont si brusqs, & prompts. Apres la mort de Ferdinand de Sotto, la court estant à Valladolid, 1544. plusieurs demanderent ceste conqueste, entre lesquels furēt Iuliä de Samano, & Pierre d'Ahumada, freres personages suffisants pour entreprēdre tel affaire, & mesme Ahumada, qui est de bon iugemēt bien expert en plusieurs choses, noble, & vertueux, avec lequel j'ay bone amitié. Mais l'Empereur, qui estoit en Allemagne, & son fils le Prince Dom Philippe, qui gouvernoit les Espagnes, ne la voulurent donner à personne, cōseillés de ceux qui sont ordōnez pour le conseil des Indes, & d'autres personnes,

qui avec vn bon zele; ainsi que leur sembloit y cō-  
tredisoient, & au lieu y enuoyerent frere Louys  
Cancel de Baluastre; avec autres Iacobins, qui  
festoient offerts de gagner ce pays, & conuertir le  
peuple à la foy Chrestienne; & les attirer au serui-  
ce de l'Empereur, seulement de parolle. Ainsi ces  
Moynes s'en allerent aux despés de l'Empereur, l'an  
1549. Frere Louys avec ses quatre compagnōs sort  
en terre, & avec quelques mariniers sans armes, par  
ce qu'il deuoit ainsi commencer sa predication, plu-  
sieurs Indiens accoururent à la marine, mais sans  
l'escouter le massacrent avec deux de ses cōpagnōs,  
& les mangent: ainsi ces trois moynes endurent  
martyr, pour prescher la foy de Iesus Christ, les  
deux autres se reiecterent dedans leur vaisseau, ay-  
mants mieux se garder pour confesseurs, comme  
on dict. Ceux qui fauorisoient l'entreprise de ces  
moynes cognoissent biē maintenant qu'on ne scau-  
roit attirer ces Indies à nostre amitié par telle voye,  
encor' moins à nostre foy, encores que possible ce  
fust le meilleur. Vn Page aussi de feu Ferdinand de  
Sotto, se vint vn peu apres sauuer dans le mesme  
vaisseau, lequel assura comme les Indiens a-  
uoient pendu en leur temple la peau, & couronne  
de la teste de ces moynes; & qu'il y auoit là aupres  
des hommes qui mangeoient du charbon.

*Du fleuue des palmes.*

*Chap. 46.*

**A**vant pas vn autre Espagnol François de Garay  
costoya la coste, qui est depuis la Floride ius-  
ques au fleuue de Panuco. Ceste coste à 2000

mil. mais par- ce que ce François ne feit pour lors que courir la coste, ie n'escriray autre chose de luy. & parlerons de Pamphile de Naruaez, qui s'en alla en ceste coste, pour la côquerir, & pour la peupler, estant fait Atlantado, & gouuerneur. Le fleuue des Palmes est au dessus de Panuco, six vingt mil tirás vers la Tramontane. L'an 1527. Pamphile de Naruaez partit du port de Saint Lucar de Barrameda pour aller à ce fleuue avecques neuf nauires, dans lesquels il menoit six cens Espagnols, cent cheuaux, grande prouision de viures, d'armes, & de vestemens. Il auoit dressé si bon equippage, par ce qu'il auoit expérimenté les dangers, esquels estoient rōbez d'autres armées maritimes à faute de telle prouision. Il eut en son vōyage beaucoup de peine par- ce qu'il ne sçauoit pas bien son chemin pour l'ignorance de Miruelo, & autres mariniers de l'armée qui ne recongneurent point le pays. Il descendit à terre avec trois cens soldats, & quasi avec tous les cheuaux, n'ayant plus que bien peu de prouision, & enuoya les vaisseaux pour chercher le fleuue des Palmes. Ce pendant qu'on les cherchoit il perdit quasi to<sup>9</sup> s'esgés & cheuaux: ce qui luy aduint pour n'auoir peuplé aussi tost qu'il mit pied à terre, ou pour auoir pristerre où il ne deuoit pas, & qui ne peuplera, iamaïs ne fera bōne côqueste, sans la quelle le pais iamaïs ne se cōuertira à nostre foi, tellement que la principale maxime qu'il fault auoir quand on veut conquerir pays en ces Indes, est de peupler en diligence en quelque bon port, ou sur vn fleuue, qui soit pres de la mer. Naruaez veid de l'or à quelques Indiēs, & leur demādāt d'où ils tiroient



cet or, ils luy respōdirēt que c'estoit de Aplacē. S'en allāt en ce lieu, il rencōtra vn cacique nōmé Dulciācelin, qui en chāge de sonnettes & patenostres, luy donna vne peau de cheureul peincte iolyment, laquelle il portoit sur son dos. Ce Cacique estoit portē sur les espauls d'un Indīē ayāt bōne cōpagnēe de gens, la plus grāde partie desquels iouoyēt de petis fiffres faicts de cannes. Aplacē a enuiron quarante maisons de paille, c'est vne ville fort pauvre de ce qu'ils cherchoient, mais abondāte d'autres choses, elle est plaine, aquaticque, & sablōneuse. Ils veirent là des lauriers, & quasi tous les arbres que nous auons, mais ils sont là plus hauts. Ils veirent aussi des lyons, des ours, des cheureaux, de trois sortes & certains animaux fort estranges, qui ont vne faulse poiētrine qui s'ouure, & ce ferme cōme vne bourse dans laquelle ils portent leurs petits quand ils veulent courir, & se sauuer de ceux qui les poursuīēt. Il y a aussi là toutes les sortes de nos oyseaux, comme cicongnes, faulcons, & autres de rapine. Mais avec tout cela, c'est vn pays d'oū il vient grād nōbre de fleches. Les hommes sont dispos, & forts, & si legers qu'ils aconsuient vn cerf, & courent tout vn iour sans se reposer: ils ont leurs arcs long de douze paulmes, gros comme le bras, & en tirent deux cents pas loing, ils en percent certaines cuyrasses, & vn gros aiz, & autres choses plus fortes: les fleches sont pour la plus part de cannes, & en lieu de fer ils y mettent vne pierre: ou caillou esguizē au feu, ou biē vn os: les cordes sont de nerfs de cheureaux. De Aplacē nos gens s'en allerent à Antē, & plus auant, où ils trouuerent les

maisons meilleures & les personnes plus ciuiles & courtois. Ceux-cy ce yestent de peaux de cheureux peinctes & marquetees, il y en a de si fines & si odoriferantes de leur naturel, que les nostres s'en esmerueilloient. Ils portent encor des manteaux de gros fil, & des chapeaux forts haults, & amples, ils donnent vne fleche en signe d'amitié, & la baissent. Aupres de ce lieu, il y a aussi vne isle, qu'on appelle Malhado, qui a quarante huit mil de tour, & est à six mil de terre. Les habitans d'icelle mangerent certains Espagnols, desquels les noms sont Pantoxa, Sotto Mayor, Ferdinand d'Esquiuel natif de Vadaioz. En terre ferme aussi en vn lieu nommé Xanabo ils en feirent autant de Diego Lopez, Gonzallo Ruyz, Corral, Sierras Palacios, & d'autres. En ceste isle de Malhado, les habitans vont tous nuds, les femmes mariees se couurent leurs parties honteuses avecques vn voile faict d'escorce d'arbre, qui est si deliée qu'il semble que ce soit de la laine: les filles se les couurent avec des peaux de cheures & autres. Les hommes se percent vne mammelle & aucuns se les percent toutes deux, & trauesent par les trous certaines petites cannes de la logueur d'une paulme & demie. Ils se percent aussi les fesses & y pendent de semblables cannes qu'à leurs mammelles. Ce sont gens de guerre, & les femmes travaillent fort, ils se marient avec vne seule femme, mais les medecins en ont deux & plus fils veulent. l'espoux ny ses parens n'entrét point le premier an de ses nopces au logis de son beau-pere, ny ne luy donne à manger en sa maison, ny ne parlent à luy ny ne le regardent en face encore qu'on amene de

sa maison l'espouse: il ne mâge que ce qu'il a prins à la chasse, ou à la pefche, Ils couchent par ceremonies dans vne peau sur vn matelats. Quand à leurs enfans, ils les nourrissent avec grandes mignotises, & si d'aventure ils viennent à mourir, ils entrêt en grande cholere & fascherie, & les enterrêt avec grandes plaintes. Ce courroux & tourment dure vn an, & tous ceux de la ville pleurent trois fois le iour, & durant que cest an dure, les peres, & les parens ne se lauent point. Ils ne pleurent point les vieillards quand ils meurent. Ils enterrêt tous ceux qui meurent excepté les medecins, lesquels ils brulent par hôneur, & ce pendant que le corps brulle, ils dancent & chantent: ils laissent consommer les os, & en gardent la pouldre, laquelle les parens & la femme du deffunct boient au bout de l'an, & en outre pour memoire, ils se decouppent. La cure de ces medecins est avec du feu, en soufflant la playe. Ils couppent le lieu qui est interessé & succent ce qu'il ont couppé, ils guerissent le malade de telle façon, & sont bien payez. Les Espagnols estans là il mourut quelques Indiens de douleur de estomach, & croyoit-on que ces medecins en fussent cause, mais ils s'excuserent: autres mouroient de froid, de faim, & des mousches qui les mangeoient tous vifs, par ce qu'ils alloient nuds: cela anima derechef les Espagnols contre ces medecins, & les vouloient tuer, mais ils se contenterent de leur faire rigoureux mandement de penser les malades. Eux peur de la mort commencerent à y pourueoir, adioustant à leurs medecines des oraisons & signes de la croix, & ainsi ils guerirent tous



ceux, qui tóboient en leurs mains, ce qui leur fait  
 acquérir grand bruit, & de medecins sçauans. Or  
 pour reuenir à nos gens, de Malhado ils passerent  
 par plusieurs villes, & arriuerent en vne qu'on ap-  
 pelle Iaguazzi, les habitans d'icelle sont grands  
 menteurs, larrons, yrongnes, & deuineurs. Ils  
 tuent leur propre fils s'ils songent quelque mal: ils  
 tuerent Esquiuel pour telle resuerie. Ils courront  
 vn cheureul iusques à ce qu'ils l'ayent tué tant ils  
 sont legers à la course. Ils ont les mammelles per-  
 cees, & les leures. Ils sont adonnez au peché de So-  
 domie. Ils changent leur demeure comme les Ara-  
 bes de Barbarie, & portent vne sorte de natte, de  
 laquelle ils reuestent le dedans de leurs maisonnet-  
 tes. Les personnes vieilles, & les femmes se vestent  
 & chaussent de peaux de cheures, & de vaches, qui  
 en certain temps de l'an, viennent en leur pays de  
 deuers la Tramontane, elles ont le col tortu, le poil  
 long, la chair en est fort bonne. La viande de ces  
 habitans sont areignes, fourmys, vers, petites le-  
 zardes, serpens, petits coppeaux de boys, de la ter-  
 re, & autres telles choses, & encores qu'ils soyent  
 si pauvres, & si mal nourriz, ils sont neâtmoins cō-  
 tens, allegres, dispos, tousiours dansans, & chan-  
 tans. Ils acheterēt de leurs ennemis des femmes pour  
 vn arc de deux fleches, ou pour vn rets à pescher, &  
 tuent les filles qu'ils font, à fin de ne les donner à  
 leurs parens, ny à leurs ennemis. Ils sont tous nuds  
 & si piquez de mousches qu'ils semblent estre la-  
 dres, encores qu'ils leur fassent tousiours la guerre.  
 Ils portent des tisons de feu pour les espouuenter,  
 ou font du feu de boys verd, ou mouillé à fin que

la fumee les deschasse, & ainsi ils sont perpetuellement assailliz de ces mousches, où enuironnez de fumee, qui est vn autre mal insupportable, mesmement aux Espagnols, qui ne faisoient que plorer: Au pays d'Auanares Alphonse de Castille, guarit plusieurs Indiens du mal de teste, soufflant sur eux comme vn enchanteur, & pour son loyer ils luy donnerent des tunes, qui est vn espece de bon fruit, & de la chair de cheureul, & vn arc, & des fleches. Il guarit aussi cinq estropiats ne faisans que forces signes de la croix non sans grande admiration des Indiens, & mesme des Espagnols, tellement qu'on l'adoroit comme homme celeste. Au bruiet de si belles cures les Indiens venoient de toutes parts deuers les Espagnols, & ceux de Susola le prierent d'aller avec eux pour guarir vn quidam, qui auoit esté blecé. Alvaro Nugnez, Cabezza de Becca, & André Dorantes, qui se mesloient aussi de faire telles cures, y furent: mais quād ils arriuerent, celuy qui estoit blecé estoit desia mort, se confians toutesfois en Iesus Christ, qui donne la santé, à qui il luy plaist, pour conseruer leur vie entre ces barbares ils feirent le signe de la croix sur ce corps mort, & Alvaro Nugnez souffla dessus par trois fois, & aussi tost il reprint vie, qui fut vn grād miracle. Ain si luy mesme le no<sup>r</sup> à dict, & racópté. Ils furēt quelque tēps entre les Albardaos, qui sōt fins guerriers, & combattent de nuit, & avec vne grāde astuce, ils tirerōt cōtre vn autre estāt debout, en parlāt, & sautant d'vn costé & d'autre, afin q̄ ils ne soiēt touchez de leurs ennemis: ils se baissent fort contre terre, & s'ils voyent quelque couardise en leur ennemis ils

les assaillent viuement: au contraire fils y voient de la prouesse, & du courage, ils se mettent en fuitte: ils ne poursuiuent point leur victoire, ny ne courent apres leur ennemy. Ils ont fort bonne veüe, & bon sentimēt: ils ne dorment point ny n'ont communication avec les femmes enceinētes, ny avec celles qui sont acouchees iusques à ce que deux ans soient passez. Ils repudiēt leurs femmes si elles sont steriles, & se marient avec d'autres. Les femmes allectent leurs enfans iusques à l'aage de dix, & douze ans, & iusques à ce qu'ils puissent chercher à māger: Quād les maris sont en debat l'un contre l'autre, les femmes font l'accord. Aucun ne mange de ce que les fēmes, qui ont leurs fleurs, ont accoustre. Quand ils ont faict cuire leur vin, fils ne bouchent bien le vaisseau, en le transportant en leurs celliers, où sont les autres grands vaisseaux, dedans lesquels ils le versent, ils s'en yurent eux & leurs femmes, & alors ils les traictent mal. Ils marient vn homme avec vn autre quād il sont impuissans ou eunuques, & tels sont accoustrez comme femmes, & seruent, & font l'estat qu'ont accoustumé faire les femmes, & ne peuuent tirer, ny porter arc. De là nos gens passerēt par certains peuples, qui sont assez blancs, mais il sont louches, ou bicles des le ventre de la mere: Les hommes se fardent. Il prenoient force viures, & n'en mangeoient si premierement les Chrestiens n'eussent faict dessus le signe de la croix, ou qu'ils y eussent soufflé. Apres ces Espagnols arriuerent en vn pays où par coustume, ou bien pour reuerence, qui leurs portoient, les habitans ne pleuroient, ny ne rioient. Il y eut vne femme, qui



d'adventure se print à pleurer, elle fut picquée, esgratignée avec certaines petites dents, par le derrière depuis le talon iusques à la teste. Ils receuoient les Espagnols en tournant la venie vers la muraille, & tenans la teste baissée, en iettans leurs cheueux sur les yeux. En la vallée, qu'on appelle des Corazons pour six cens peaux de cheures, que les Espagnols leurs donnerent, ils eurent quelques fleches, qui auoient au lieu de fer des pointes d'esmeraudes assez bonnes, & eurent aussi des turquoises, & des pennaches. Les femmes portēt en ce pays des chemises de cotton fin, garnies de leurs manches, & des corttes plissées, trainātes iusques en terre, faictes de peaux de cheureaux bien conroiees, & ouuertes par deuant. Ils prennent ces cheureaux leurs dressans quelques appaz avec du miel aux fosses où ils viennent boire. De là noz Espagnols s'en allerent à sainct Michel de Gulhuacan, qui est, comme i'ay dit, en la coste de la mer de Midy. Des trois cens Espagnols, qui sortirent en terre avec Pamphile de Naruaez ie croy qu'il n'eschappa qu'Aluaro Nunez, Cabezza de Bacca, Alphonse de Castille, Maldonado, André Dorantes de Veggjar, & Estienne d'Azamor, lesquels furent espars ça & là tous nuds, & fameliques durant l'espace de plus de neuf ans, se pourmenans par les villes, & pays cy dessus declarez, & par plusieurs autres, où ils guarirent plusieurs Indiens des fiebures, & ceux qui estoient estropiats, & blecez, & resusciterent vn mort, selon qu'ils ont rapporté. Ce Pamphile de Naruaez est celuy, qui vainquit, print & tira vn œil à Ferdinand Cortes en Zempoallan de la nouuelle Es-

pagne, comme plus amplement ie descriray en l'histoire de la conqueste de Mexique. Vne More d'Homacios luy dit que son armee auroit mauuaise fin, & que peu eschapperoient de ceux qui sortiroient en terre.

*De Panuco.*

*Chap. 47.*

**A** Pres que Iean Ponce de Leon, qui descourrit la Floride fut mort, François de Garay arma trois caruelles en l'Isle de Iamaïque l'an 1518. & s'en alla à la Floride pensant que ce fut vne isle, parce que pour lors ils aimoient mieux peupler es isles que non pas en terre ferme. Il met ses gens en terre, qui aussi tost sont rompuz par les Indies bleçans, & tuans grand nombre d'Espagnols. Ce qui fut cause qu'il ne s'arresta iusques à ce qu'il fut arriué à Panuco, qui est loing de la Floride en costoyant la coste de 2000. mil. Il contempla bien ceste coste, il ne la costoya pas toutesfois de si pres, ne si à loisir comme on fait aujourd'huy. Il voulut faire quelques eschanges en Panuco, mais les habitants, qui sont vaillans, & grands bouchers d'hommes, n'en voulurent point. Ains le traicterent mal en Cila, où ils mangerent quelques Espagnols que ils auoient tuez, & si les escorcherent & meirent leurs peaux apres qu'elles furent seches, en leur temple pour memoire, & pour vn trophée. Ce país toutesfois luy sembla bõ, encor qu'il luy eust mal succedé. Il retourna à Iamaïque, & equippa de rechef ses vaisseaux, il se garnit de gens, & de provisions, & retourna l'an d'apres, où il luy aduint pis que deuant. Autres disent qu'il n'y fut qu'une fois, mais qu'on en compte deux pour le long temps qu'il y

fut. Soit qu'il y ait esté vne ou deux fois, il est certain qu'il s'en retourna fort content de la grande despenſe qu'il auoit faiſte, & auſſi de ce peu qu'il auoit fait, meſmement pour ce qu'il luy eſtoit aduenu avec Ferdinād Cortes en la ville de vraye Croix ainſi que i'eſcriray en la conqueſte de Mexique. Mais pour amender le default, & pour acquerir bruit tel que celuy de Ferdinand Cortes, qui eſtoit ia tāt renommé, & parce qu'il tenoit ce pays de Panuco fort riche, il poſtula le gouuernement d'iceluy à la court par lean Lopez de Torralua ſon faſſeur, remonſtrant combié il auoit deſpendu, pour le deſcourir. Ce qu'ayant obtenu avec tiltre d'Adelantado, arma, & equippa de toutes prouiſions onze vaiſſeaux l'an 1523. penſant par ſa riſſeſſe venir en concurrence avec Ferdinand Cortes, Il meit en ſes nauires plus de ſept cens Eſpagnols, cent cinquante quatre cheuaux, & pluſieurs pieces d'artillerie, & ſ'é alla à Panuco où il ſe perdit avec ſon grād apparat, car luy il mourut à Mexique, & les Indiens luy tuerent plus de quatre cens Eſpagnols, deſquels pluſieurs furent ſacrifiez & mangez, & leurs peaux penduës en leurs temples, eſtant telle leur cruelle religion, ou bien leur cruauté religieuſe. Ces habitans ſont grands Sodomites, & ont publiquement des bordaux d'enſans, & hommes, ou la nuit ils ſ'aſſemblent plus de mille, plus où moins ſelon la ville. Ils ſarrachent les poils de la barbe, & ſe percent les narines, & les oreilles pour y pendre quelque choſe. Ils ſe liment les denſ avec vne lime tant pour la beauré que pour leur ſanté. Ils ne ſe marient point qu'ils n'ayent quarante ans encor que



les filles des l'aage de dix, où douze ans, soyent ia faictes femmes. Nugno de Guzman fut depuis en ce pays gouverneur l'an 1527. & si en alla seulemēt avec deux, où trois nauires, & quatre vingts Espagnols. Iceluy chastia ces Indiens pour leurs pechez, & les fait tous esclaves.

*De l'Isle Iamaïque. Chap. 48.*

**L'**Isle Iamaïque qu'aujourd'huy on appelle S. Iaqués, est située entre le 17. & 18. degré, & est à 100. mil de Cuba vers la bize, & autant de l'Espagnole vers le Levant. Elle a 200. mil de longueur, & vn peu moins de 80. en l'argeur. Christophle Colomb la descouurit au second voyage qu'il feit aux Indes, son fils dom Diego l'a conquestee gouvernât l'Isle de S. Dominique par Jean de Squiuel, & autres Capitaines. Le plus riche gouverneur de ceste Isle a esté François de Garay, qui arma en icelle tant de vaisseaux cōme i'ay dit, qui est cause que ie la descris maintenant. Iamaïque en toute chose ressemble à Haiti, les Indîes aussi y ont prins pareille fin qu'en l'autre. Elle produit l'or, & du cotton fort fin. Depuis que les Espagnols l'ont possedee, il y a force bestail de toute sorte, & les porceaux sont icy meilleurs qu'en autre lieu. La principalle ville s'appelle Seuille. Le premier Abbé qui y fut est Pierre Martyr d'Angleria Milanois, lequel a escrit en Latin plusieurs choses de ces Indes, estant chroniqueur des Roys Catholiques. Aucuns ont voulu dire qu'il a mieux escrit en la langue Espagnole. Il est à louer de ce qu'il a esté le premier, qui a mis nostre lāgue en beau stile, & nous a inuité à le suiure. On pourra verifiser beaucoup de choses que ie dis

par ses escrits, & auoir recours à luy, & à autres de ce que i'obmets.

*La nouuelle Espagne. Chap. 49.*

**A**Vssi tost que François Hernandez de Cordube fut arriué à saint laques avec les nouvelles de ce riche pays de Iucatan, comme nous dirons tantost, Diego Velasquez gouverneur de l'Isle de Cuba deuint auaricieux, & conuoiteux de telles richesses, & y enuoya tât d'Espagnols qu'ils peussent faire resistance aux Indiens, afin qu'il peust eschanger avec leur or, argent, & autres bonnes drogues qu'ils auoient. Et pour cet effect esquipa quatre caruelles, & les donna à lean de Grijalua son neveu, lequel meit dedás deux cens Espagnols, & feit voile de Cuba le premier iour de May, l'an 1518. tirant droit à Acuzamil. Il auoit Alaminos pour pilote, qui auoit esté avec Hernandez de Cordube, d'Acuzamil ils voioient Iucatan, ils tirerent à gauche pour l'environner, pensant que ce fust vne Isle, parce que lediçt Hernandez auoit des-ia flotté par le costé droict, & c'estoit ce qu'ils desiroiēt le plus, par ce que plus aisément ils pouuoient aslubiectir, & manier ceux des Isles, que les habitans de terre ferme. Ainsi costoyans ce pays ils entrerent en vn goulfre qu'ils appellerēt baye, où plage de l'Ascension, à raison de ceste feste, qui escheut ce iour là. Ce fut alors que ce traict de terre, qui est depuis Acuzamil iusques à ladite plage fut descouuert. Or voyás noz gens que ceste coste suiuiroit, retournerēt en arriere, & l'accostás de la terre, arriuerent à Ciampotó, où ils furent aussi mal receuz que François Hernádez, parce que seulemēt pour auoir de l'eau,

qui luy defailloit, il luy cōuint combattre avec les habitans, ou mourut Iean de Guetaria, & y eut cinquante Espagnols blecez, & Iean de Grijalua eut vne dent rompuë, & deux coups de fefche. Pour cet accident, qui aduint ainsi à Grijalua, & pour celuy, qui aduint auffi à Hernandez on appella ceste plage mauuaife escarmouche. Nos gens partant de là, & cherchans vn port leur surgirent deuant vn qu'ils nommerent Desiré. De là s'en allerent en vne riuere, qu'ils nommerent du nom de leur capitaine Grijalua, où il eut encontreſchange les choses, qui s'enſuiuent : trois mafques de bois doré taillez à la mofaique, & enrichiz de turquoifes, vn autre mafque doré tout plein, vne teſte bien couuerte de pierres faulſes, vne teſtiere de bois doré avec la cheuelure & les cornes, quatre plateaux de bois doré, & au autre, qui auoit quelques pierres enchafſees à l'entour d'vn Idole, qui eſtoit enleué deſſus cinq greues faites d'eſcorde & dorees, deux eſcarcelles de bois couuertes de fueilles d'or, & autres choses comme des forces, & ſept raſoirs de pierre, où caillou eſguiſé, vn miroir double garny d'vn cercle d'or, cent dix chappelets de croye dorez, ſept verges de fin or, deux pendans d'or, deux rondelles couuertes de plumes avec leur petit rond au milieu qui eſtoit d'or, deux pennaches fort gentils, & vne autre faite de cuir, & d'or, vne camifole de plume, vne piece de cotton teinte en couleur, & quelques manteaux de meſme. Il donna pour tout cela vn iuppô de velours verd, vn bonnet de ſoye, deux autres bonnets de friſe, deux chemiſes, deux chauffôs, vn cœuurechef, vn pigne, vn miroir, des ſouliers à vſage



à vſage de paſteur, trois couteaux, des forces & ciſeaux, pluſieurs chappelllets de verre, vne ceinture avec ſes pendans, & du vin, mais il n'en voulurent point boire: il n'y a eu toutesfois aucun Indien qui en ait reſuſé que ceux cy. De ce fleuve Grijalua il ſ'en alla à ſainct Iean de Vlhua, d'où il print poſſeſſion au nom du Roy pour Diego Velasquez, comme eſtant ceſte terre encor toute neuue, & freſchement trouuee. Il parla menta là avec des Indieiés qui eſtoient bien veſtuz à leur mode, & ſe monſtroient affables & de bon entendemēt. Il eut d'eux pluſieurs choſes en contr'eſchange, comme quatre grains d'or, vne teſte de chien faiçte de pierre Calcedoine, vn idole d'or avec des cornes & pendans, & au nombril il auoit vne pierre noire, vne medaille de pierre garnie d'or avec ſa couronne de meſme, où il y auoit deux pendans, & vne creſte, quatre bagues pour attacher aux oreilles, qui eſtoient de certaines turquoïſes à chacune deſquelles y auoit huit pendans d'or, vn collier riche, vne cheueleure d'or, dix chappelets de croye, vn carcant avec vne grenouille, ſix coliers, ſix grains, trois grâds bracelets, trois chappelets de pierre fine, toutes ces choſes eſtoient d'or, cinq maſques dorez, & fraits à la moſaique, pluſieurs euantaux & pennaches, ie ne ſçay quantes chemiſes & manteaux de cotton. Pour recompenſe Grijalua donna aux chemiſes, deux ſayes bleuz & rouges, deux bonnets noirs, deux chaulſſons, deux cœurechefs, deux miroirs, deux ceintures de cuir avec leur bourſe, deux forces, quatre couſteaux, qu'ils eſtimerent beaucoup les ayans eſprouuez, quatre ſouliers faits à l'antique,

deux fouliers de femme, trois pignes, cent espingles, douze esguilles, trois medailles, deux cens patenostres, & beaucoup d'autres choses de moindre valeur. En fin de leur foire ils apporterét pour dernier mets des pastéz de chair, avec force rousty, & des paniers plein de pain tendre, & vne ieune Indienne pour le capitaine estant tel l'vsage des Seigneurs de ce pays. Si Iean Grijalua eut peu cognoistre la bonté de ce pays, & embrasser sa fortune, & qu'il se fust employé à peupler là comme ses compagnons l'en prioient, c'eust esté possible vn autre Cortes. Mais ce bien ne luy deuoit point aduenir, aussi n'auoit il point charge d'y peupler. Il enuoya de ce lieu en vne carauelle Pierre d'Aluara-do avec les malades & blecez, & tout ce qu'il auoit eu de ces Indiens, à Diego Velasquez, afin de n'estre mis en coulpe, & pour l'aduertir de ce qu'il auoit fait. Et quant à luy ayant fait leuer ses ancrs il ne feit que costoyer la terre plusieurs mil montans vers la Tramontane sans prendre terre, & estimant qu'il auoit descouuert assez de pays, & ayant peur du courant de la mer, & du temps, parce qu'il estoit en vn quartier, où au mois de Iuin il voyoit toutes les montaignes couuertes de neige, se voyât aussi court de prouisiōs, par le cōseil, & à la requeste du pilote Alaminos tourna voele, & vint surgir au port S. Antoine pour prendre du bois, & de l'eau, où il demeura six iours, contractant ce pendant avecques les habitans desquels il eut au lieu de quelques petites merceries quarante haches de bronze, avec lequel y auoit de l'or melle, qui reuint à deux mille castiglians, trois tasses où coupes

d'or, vn vase fait de plusieurs pierres, & autres choses de peu de valeur, qui estoient toutesfois fort bien elaborees, Les espagnols voyans ceste richesse, & la douceur de ces Indiens, receurent vn grand plaisir, & eurent bien voulu peupler là, mais Grijalua ne voulut point, ains se partit incontinent, & s'en vint à la plage qu'il appellerent des Termes entre le fleuve de Grijalua, & le port Desiré, où sortans pour puiser de l'eau trouuerent entre des arbres vne petite image d'or, & plusieurs autres de croye, deux hommes de bois l'un sur l'autre, & vn autre de terre cuite, qui avec les deux mains tenoit son membre descouvert cōme font quasi tous les Indiens de Iucatan, plus des hommes sacrifiez. Ceste rencontre ne contenta gueres nos Espagnols comme estant vne chose vilaine, & cruelle. Ils partirent de là, & prindrent terre à Ciampoton pour prendre de l'eau, mais ie croy qu'ils n'eurent point courage de veoir ces Indiens si bien armez, & si vaillans qu'ils ne craignoient se jeter en la mer iusques au col pour tirer apres eux leurs flesches, & si estoient si hardis, qu'ils osoient bien approcher leurs petites barquerolles, qu'ils appellent canoas, pour combattre les carauelles. Ainsi ils feirēt quitter à noz gens ce pays, qui s'en retournerēt à Cuba cinq mois apres qu'ils en estoient sortis. Jean de Grijalua cōsigna entre les mains de son oncle Diego Velasquez ce qu'il apportoit de change, & bail-la le quint aux officiers du Roy. Voila comment toute la coste depuis Ciampoton iusques à S. Jean de Vlhua, & plus auant fut descouuerte. Tout ce traict est riche, & bon.



**I**Amas on n'a descouuert si grand monstre de richesses és Indes, ny faiët de telles eschanges en si peu de temps, depuis qu'elles ont esté trouuees, qu'au pays de Iean de Grijalua à costoyé: aussi vn chacun depuis commença à tirer en ce quartier là. Mais Ferdinand Cortes fut des premiers, lequel y fut avecques cinq cens cinquante Espagnols en onzé vaisseaux, il parresta en Acuzamil: il print Tausasco, il fonda la ville de la vraye Croix, il gaigna la ville de Mexique, que vulgairement nous appellôs Themistitan, & print le puissant Roy de Moteczuma: Il conquesta, & peupla la nouuelle Espagne & plusieurs autres Royaumes. A l'imitation de Polybe, & de Saluste, desquels l'un a d'escrit les gestes de Marius, & l'autre ceux de Scipiô, i'escriray à part de ce Cortes pour les grâdes guerres qu'il a fait, lesquelles, sans preiudice d'aucun Espagnol, qui air esté par delà, ont esté les meilleures, qui ayant esté faiëttes en ce nouveau monde, i'en escrits aussi à part pour l'amour de ceste nouuelle Espagne, qui est la plus riche, & meilleure contree de toutes ces Indes, bien peuplee d'Espagnols, & remplie de forces Indiens naturels, qui se sont tous faiëts Chrestiens, & aussi pour traicter plus amplement de l'estrange cruauté, de laquelle les habitans vsoient en leur ancienne religion, & de leurs coustumes tant anciennes, que modernes. Ce qui donnera plaisir, & admiration tout ensemble au lecteur.

**L'**Isle de Cuba fut surnommee par Christoffe Colomb Ferdinandine en l'honneur, & me-

moire du Roy Dom Ferdinand, au nom duquel il la descourit. Nicolas d'Ouando commença à la conquerir par Sebastien de Ocampo. Depuis au nom de l'Admiral Dom Diego Colomb, Diego Velasquez de Cnegliar la conquesta toute, la départit entre les siens, la peupla, & la gouerna iusques à la mort. Cuba est faicte comme vne fueille de feugere, elle a en lógueur 1200. mil, & est large de deux cens ostante mil, elle n'est pas droicte, mais elle est quelque peu courbee: son estédue est de Leuant en Ponent, & le meillieu d'icelle est quasi au 21. degré, elle a ses costez vers Orient l'Isle de Haiti, qui est 60. mil vers le midy elle a plusieurs Isles, la plus grande desquelles est Iamaïque, vers l'Occident elle regarde Yucatan, & vers la Tramontane elle est au dessous de la Floride, & des Lucages. Cuba est vn pays aspre, rude, hault & montueux: en beaucoup d'endroits la mer est blanche. Les fleuues ne sont pas grands, mais ont vne bonne eau, & sont riches en or, & poisson. Il y a aussi plusieurs lacs, & estangs, desquels y en a aucuns, qui sont salez. Le pays est fort temperé, encor que y sente vn peu le froid. Les hommes de ceste Isle en leurs façons de faire sont en tout semblables à ceux de l'isle Espagnole, & pour ceste cause nous ne redirons point vne chose deux fois. Toutesfois ils sont differens en cecy, c'est que leur langue est toute differente, ils vont tous nuds hommes & femmes. Aux nopces vn autre est l'espoux, & par ainsi si l'espoux est Cacique, tous les Caciques, qui sont inuitez à la feste couchent avec l'espousee deuant l'espoux, s'il est marchand, les marchans y cou-

l'ichér, si l'est citadin, bourgeois, où laboureur, le seigneur couche le premier, où quelq prestre, & apres que tous y ont couché l'esponsee est repute vaillante, & courageuse. Il repudient leurs fêmes pour cause bié legiere, & elles pour cause aucune ne peuuent abandonner leurs maris; mais sous couleur de mariage elles font de leurs corps ce qu'elles veulent, par ce que leurs maris sont sodomites. De ce que la femme va toute nuë, cela inuite bien, & prouoque fort les hommes, & de ce que les maris s'abandonnent à ce peché abominable fait deuenir les femmes meschantes. Voila comment les femmes fort aisément se laissent aller. Il y a en ceste isle force or, mais il n'est pas fin, il y a de fort beau bronze, force grains, & diuersité de couleurs. Il y a vne fontaine, où mine, qui rend vne paste comme poix, avec laquelle meslee avec de l'huyle, où du suif ils poissent les nauires, & tout ce qu'ils veulent. Il y a aussi vne veine de cailloux ronds, qui sans les accoustre autrement qu'on les tire, seruēt de balle pour les arquebouzes & y en a de gros pour les bombardes. Les serpens de ce pays sont grands, mais doux, & sans venin, lourds, & pensans. Ils les prennent legerement, & sans crainte aucune les mangent. Ces serpens se repaissent de Guabiniquinazes, & en a esté pris tel, qui auoit en sō vêtre huit de ses animaux ses Guabiniquinazes ressemblent à vn lieure, & renard, si non qu'il a les pieds de connil, la teste de belette, la queue est de renard, le poil est gros & grand comme d'un taifon, la couleur est roussastre, la chair est sauoureuse, & saine. Ceste isle estoit fort peuplee d'Indiens,



maintenant il n'y a que des Espagnols, tous se feirent Chrestiens, & puis la plus part sont morts de faim, de trauail, & de verole, & plusieurs s'en sont allez à la nouuelle Espagne de puis que Cortes la surmonta, & ainsi il n'en est demeuré icy race aucune de ces Indiens. La principale ville est Saint Iacques. Le premier Euesque fut Hernando de Messa Iacobi, il y eut quelques miracles faits au commencement que ceste Isle fut pacifiée, ce qui feit plustost conuertir ces Indiens à nostre foy, & la vierge Marie apparut plusieurs fois au Cacique, par ce qu'il l'inuoquoit, & l'appelloit. Le fait mention icy de Cuba, & non sans cause puisque d'icelle sont sortis ceux, qui ont descouuert, & ont conuertit la nouuelle Espagnole à la foy de Iesus Christ.

*De Iucatan.*

*Chap. 52.*

**I**Vcatan est vne pointe de terre, qui est au vingt vn degré, c'est vne Prouince, qui est fort grande. Aucuns l'appellent presqu'-Isle, par ce qu'elle s'eslargist d'autant plus qu'elle s'estend en la mer, encore à l'endroit, où elle est plus estroicte, elle a quatre cens mil de large: car on en compte autant depuis Xicalanco, où plage des termes, iusques à Cetemal, qui est situé en la plage del'Ascension: & les cartes marines, qui l'estreignent d'auantage par cest endroict faillent. François Hernandez de Cordube à descouuert ceste Prouince l'an 1517. nō pas du tout, & fut en ceste façon. François Hernandez de Cordube, Christophle Morât, & Lopez Ocioa de Caizedo equipperēt à leurs despens à saint Iacques à Cuba, trois nauires pour

aller descourir pays, & faire quelques eschanges, autres disēt que c'estoit pour enleuer quelques esclaves des illes de Guanaxos pour les mettre en leurs mines, & à leurs labeurs: car ils n'auoient plus d'Indiens naturels, & aussi qu'on leur defendoit de les faire plus trauailler aux mines. Ceux de Guanaxos sont aupres de Honduras, & sont homes doux, simples, qui ne s'amusent qu'à pescher: ils n'ont point d'armes, aussi ne sont ils point guerriers. Or de ces trois vaisseaux Hernandez estoit capitaine, il menoit cent dix hommes, & auoit pour pilote Antoine Alaminos de Palos de Moguer, & pour controleur pour le Roy il auoit Bernardin Iniguez de la Calzada, encor dit-on qu'il menoit vne barque appartenant au gouverneur Diego Velasquez, dans laquelle il portoit son pain, des ferremens, & autres choses necessaires pour les mines, afin que s'ils eussent trouué quelque chose le gouverneur en eut eu sa part. François Hernandez partit donc voyant vn temps si à propos qu'il ne le voulut laisser eschapper, où soit qu'il eust ceste volonté d'ainsi partir pour descourir nouuelles terres, & s'en aller droit en vn pays incogneu ny aucunement encor veu des nostres, ou il trouua des salines en vne pointe qu'il surnomma des Femmes, parce qu'il y veit des tours de pierre avec degrez, & des chappelles couuertes de bois, & de paille, dedans lesquelles estoient arangez en tel ordre plusieurs Idoles, qui ressembloient à des femmes. Les Espagnols s'esmerueillèrent de veoir des edifices de pierre, qui n'auoiēt point encor esté veuz par delà, & aussi de ce que les habitans estoient si richement, & si

honnêtement vestuz : ils auoyent des chemises, & des manteaux de cotton fort blancs, & de couleur aussi, les testes couuertes de beaux pennaches, les oreilles enrichies de pendás, & ioyaux d'or, & d'argent. Les femmes auoient le visage, & le sein caché. Hernandez ne s'arresta point là, & s'en alla à vne autre pointe qu'il nomma Cotohe, où y auoit certains pefcheurs, qui de peur s'enfuirent, & comme les nostres les appelloient, ils respondoient Cotohe, c'est à dire maison, pėsans, que noz gens leur demádassent qu'elle ville c'estoit, ce qu'ils voioiēt comme si ils y eussent voulu aller, & eux respondoient que ce n'estoit qu'une maison, & non vne ville. De là ce nom est demeuré à ce cap. Vn peu plus auāt ils trouuerent d'autres hōmes, à qu'ils ils demáderent comme s'appelloit ceste grande ville, qui estoit là apres, ils respōdirent Tectetan, Tectetan, qui veut dire, ie n'entens point. Les Espagnols penserent qu'elle s'appelloit ainsi, & corrompans ce mot, l'ont tousiours depuis appelée Yucatan. Il trouuerent en ce pays des croix de leton, & de bois sur les morts, de là quelques vns prindrent argumēt, que plusieurs Espagnols s'estoient enfuis en ce pays, lors que l'Espagne fut destruite, & ruinee par les Mores du temps du Roy dom Roderic, mais ie n'en croy rien, puisque és Isles cy dessus descrites ne s'est trouuee aucune de ces croix, par lesquelles toutesfois il faut necessairement passer auant qu'arriuer icy, qui y veut venir d'Espagne, & n'est pas vray-semblable qu'ils eussent laissé tāt de bon pays, qui est en ces Isles pour passer iusques en ceste Province. Quand nous traicterōs de l'Isle d'Acuzamil,



ie parleray plus au long de ces croix. De ceste ville de Yucatan Hernandez s'en alla à Campeze, qui est vne place grâde, laquelle il nomma Lazare parce qu'il arriua là le Dimanche du Lazare, qui est en Karesme: il sortit en terre, où le seigneur & luy se caresserēt en amis: il eut en eschāge des mâteaux, des plumes, des coquilles grandes, d'escreuisses de mer enchassees en argent, & en or. On luy dōna des perdrix, tourterelles, oisons, coqs, lieures, cerfs, & autres animaux bons à manger, force pain de maiz, & du fruiēt. Ces habitans s'approchoient des Espagnols, aucuns leur touchoient la barbe, autres leurs robbes, leurs espees, tous changeoient de couleur à l'erour d'eux. Il y auoit en ce lieu vne tour de pierre carree, avec des degrez, au haut d'icelle y auoit vn Idole, qui auoit à ses costes deux bestes cruelles, pourtraictes en telle façon comme si elles l'eussent voulu deuorer. Il y auoit aussi vn grand serpent long de quarante sept pieds, & gros comme vn Bœuf, qui deuoroit vn Lyon, le tour estoit fait de pierre. Cest Idole estoit tout barbouillé du sang des hommes, qu'on luy auoit sacrifiez, selon qu'est la coustume de tout ce pays. De là Hernandez s'en alla à Ciampoton, qui est vne grande ville, le Seigneur de laquelle s'appelloit Mociocoboc, il estoit homme de guerre, & courageux: Il ne voulut permettre que nos gens eussent rien de luy en eschange, encores moins leur donna il viures, on feit presens, ny mesmes voulut leur laisser puiser de l'eauē, sinon en eschange de leur sang. Hernandez pour ne se monstrier couard, & pour scauoir qu'elles armes, & quel courage, & quelle

adresse auoient ces Indiens : fait faillir en terre les soldats, les mieux armez qu'ils peurent, & commanda que les mariniers puisassent de l'eauë, mettant ses gens en ordre prests à combattre, si ces Indiens les vouloient empescher. Mocio-coboc voulant faire reculer nos gens de la mer, affin qu'ils n'eussent leur refuge si pres d'eux, leur feit signe qu'ils allassent derriere vne colline où estoit la fontaine. Nos gens eurent peur, voyant ces Indiens depeints de couleur, chargez de fleches, & ayants bonne contenance de vouloir combattre : ils feirent mettre le feu à l'artillerie des vaisseaux pour les espouuenter. Les Indiens s'ermueruillerent bien de ce feu, & fumeë, & s'eslourdirent quelque peu pour le bruit, & tonnerre de ces bouches à feu, mais ils ne s'enfuirent point pour cela, ains affronterent, & assaillirent nos gens courageusmēt, & tous d'une mesme promptitude, cryans horriblement, & iettans des pierres, dards & fleches : les nostres marcherent pausēment à petit pas, & estants pres d'eux, d'esbaderēt leurs arbalēstres, desgainerēt leurs espees & en tuerēt grād nōbre de coups d'estocade, & mesme du trēchāt, qui ne trouuāt que la chair nue, leur fendoit quasi la teste, & le corps en deux, taillans les mains, auallās les bras, couppans les iambes. Les Indies encor qu'ils n'eussent iamais essayē tels coups, si soustindrēt ils la bataille, stimulez par la presence & courage de leur Seigneur & Capitaine, iusques à ce qu'ils l'eussent gaignee, poursuyuans viuement les nostres, desquels en tuerent vingts, cōme ils s'embarquoier à la foule, & en blecerēt pl<sup>s</sup> de

cinquante, & en prindrent deux, qu'ils sacrifierent depuis. Hernandez demeura avec trente blecez, & fut contrainct s'embarquer en grande cholere, & durant son retour fut tousiours pensif, & melancholique, & arriua à saint Iaques, tout confus, rapportans, toutesfois bonnes nouuelles de ce nouveau pays qu'ils auoit descouuert.

*La conqueste d'Yucatan. Chap. 53.*

**F**RANÇOYS de Montejo natif de Salamanque eut la conqueste & gouuernement d'Yucatan, avec le tiltre d'Adelantado. Il auoit demandé à l'Empereur ce gouuernemēt, à la persuation de Hierosme d'Aguilare, qui auoit demeuré long temps en ce pays, & disoit que c'estoit vn bō pays & riche: mais il en estoit autrement, ainsi que l'issue l'a démontré, Montejo auoit esté bien party en l'Espagne nouvelle, & estoit deuenu riche, tellemēt que l'an 1526. il meit en mer, à ses despens, trois nauires, dans lesquels il auoit plus de cinq cens Espagnols pour commencer son entreprinse. Il arriua en Acuzamil, qui est vne Isle de son gouuernement, & n'ayant aucun truchement n'entendoit, n'y n'estoit entendu, sinon avec vne grande peine. Vn iour comme il alloit pescher vn Indien s'approcha de luy, qui luy dist Ciucana, c'est à dire, cōme vous appelez vous? il escriuit aussi ceste parolle, à fin qu'il ne l'oubliait, & demandant par ce mot comme s'appelloit toute chose, il commença à entendre les Indies, non toutesfois sans grande peine. De ceste Isle, il s'en alla en terre ferme, où il print terre pres de Xamāzal, il feit sortir ses gens dehors, ses cheuaux, & l'artillerie, & feit mettre dehors ses vestemens, prouisions, ses



merceries, & autres choses pour eschâger avec les habitâs, ou bien leur faire la guerre. Son commencement fut doux, & paisible. Il s'en alla à Pole, à Mochi, & de ville en ville à Couil, d'où les seigneurs de Cinaca sortirent au deuant pour le veoir, comme s'ils eussent voulu son amitié: mais ils le voulurent outrager avec vn dard qu'ils auoient prins à vn petit More, sil ne se fust defendu avec vn semblable baston. Il leur desplaisoit de veoir en leur pays des gens estranges qui estoient de guerre, & estoient merueilleusement despitez des moynes, qui iettoient par terre leurs Idoles. De Couil Môtejo s'en alla à Aqui, & commença la conqueste de Tauasco, il y demeura deux ans, par ce que les habitans ne le vouloient aucunemét receuoir. Il peupla là vne ville, qu'il nomma Sainte Marie de la Victoire. Il employa six ou sept ans à pacifier ceste prouince: durant lesquels il endura grande famine, eut beaucoup de trauaux, & eschappa de grands dangers: entre autres quand il cuida estre tué à Cöremal, par Gonzalle Gueriero, Capitaine des Indiens, lequel y auoit plus de vingt ans qu'il estoit marié en ce pays avec vne Indienne, s'estant deguisée à la façon du pays, il auoit les oreilles percees, ses cheveux coupez en couronne, il estoit venu en ce país avec Aguilar, mais il ne voulut retourner avec luy par deuers Cortes. Montejo peupla en outre les villes de S. François, de Campeze, de Marida, de Valladolid de Salamâque, & de Seuille, & se comporta bien avec les Indiens.

Ceux d'Yucatan sont courageux: ils combattent avec la fronde, les dards, la picque, l'arc, l'espee, la rondelle, portans vn cabasset de bois en teste, & des cuyrasses de cotton: Ils se peignent ordinairement le visage, les bras, & tout le corps de rouge & de noir: en temps de paix ils vont sans armes, & sans vestement, ils ne portent que de grâds pennaches, qui leur seent fort bien: Ils ne donnent point vne bataille, que premierement ils ne fassent de grandes expiations, avec plusieurs ceremonies: ils se percent les oreilles, & se taillent les cheveux par deuant, en rond, tellement qu'ils semblent estre chauue, & tressent ceux de derriere, lesquels ils portent longs, & les lyent sur le derriere de la teste: ils se taillent la pellicule, qui couure la glande de leur membre, ceste coustume toutesfois n'est pas si generale, qu'il n'y en ayt quelques vns, qui s'en abstiennent, ils ne desrobent aucunement, & ne mangent point de la chair humaine, encor' qu'ils sacrifient des homes à leurs Idoles, qui n'est pas peu de chose, eu esgard à la meschante coustume de ces Indiens: ils s'estudient fort à la chasse, & à la pesche, ayâs leurs pays abondant à tel exercice: ils nourrissent grâde quantité de mouches à miel, aussi ont ils beaucoup de miel, & de cire: mais il ne sçauoient en faire de la bougie, iusques à ce que les nostres leur ayent enseigné: ils batissent leurs temples de pierres, & la plus part de leurs maisons, sans aucun instrumēt de fer, duquel ils ont faute. Peu sont sodomites, mais tous sont idolatres, sacrifiaſs à leurs Dieux: quelq̄ fois le diable s'apparoist à eux, specialemēt en Acuzamil, & à Xicalanco, & mesmes depuis qu'ils sont Chrestiens

encor en ont ils esté trompez assez de fois, mais ils s'en sont chastiez. Les lieux les plus reuerez qu'ils eussent, estoient en Acuzamil, & Xicalanco, aussi toutes les autres villes auoient là quelque petit Temple, ou autel particulier, ou les habitans desdites villes alloient adorer leurs Idoles : parmy icelles il y auoit plusieurs Croix de leton ou de cuire & de bois, qui donnoient à penser à quelques vns, que plusieurs Espagnols s'en estoient fuiz en ce pays, du tēps de la destruction d'Espagne, aduenüe sous le regne de Dom Roderic. On celebroit aussi vne grande feste à Xicalanco, où de loingtains pays venoient plusieurs marchands pour y traffiquer, qui rendoient ce lieu fort renommé. Ces Yucatanens viuent long temps : Alquimpech, qui estoit le grand Prestre du peuple, ou aujourd'huy est Merida, a vescu plus de six vingts ans, lequel encor' qu'il fust fait Chrestien, pleuroit neantmoins la venue, & alliance des Espagnols, & racõtoit à Môtelo, cõme il y auoit quatre vingts ans passez, qu'il vint vne influence pestilentielle sur les hommes, telle qu'ils creuoient, pour la grãde abondance de vers, qui s'engendroient en leurs corps, & que de là vint vne autre mortalité d'avec vne puãtour incredible, & que quarante ans, auant que les nostres entrassent en ce pays, il y auoit eu deux batailles, esquelles estoient morts plus de cent cinquante mille hommes, mais que les habitans sentoient la domination des Espagnols plus griefue que toutes ces choses passees, par-ce qu'ils n'auoient point d'esperance, qu'ils bougeassent iamais de là.



**L'**An 1502. Christophle Colomb descouurit biē  
 Lenuiron 1500. mil de coste depuis le grād fleu-  
 ue d'Higueras,iusques au Nom de Dieu. Mais il y  
 en a d'autres, qui disent que Vincent Iannes Pin-  
 zon,& Iean Diez de Solis,qui ont esté grands des-  
 couureurs, auoient faict ce descouuremēt trois ans  
 deuant. Lors que Colomb feit ce chemin, il auoit  
 quatre Carauelles, & cent septante Espagnols de-  
 dans : il cherchoit quelque destroict de mer, pour  
 passer vers la mer de Midy, pensant qu'il y en eust  
 en ce quartier là, & ainsi l'auoit il diēt au Roy Ca-  
 tholique:mais il ne feit autre chose que descouurer  
 du pays,& perdre ses vaisseaux, ainsi qu'il a esté dit  
 en vn autre chapitre. Il nomma le port de Caxinas  
 qu'auioird'huy on appelle Honduras. François de  
 la Case, y fonda la ville de Trusilio, l'an 1525. au  
 nom de Ferdinand Cortes, lors que luy, & Gilles  
 Gonzalles,tuerent Christofle d'Olid,qui les tenoit  
 prisonniers,festant rebellé cōtre Cortes, ainsi que  
 nous desduirons plus au long en la conqueste de  
 Mexicque, parlāt du penible voyage que feit Cor-  
 tes à Higueras. Honduras est vn pays fertile en  
 toutes prouisions. Il est riche en cire, & miel. Les  
 habitans ne se meubloient point d'or, ny d'argent,  
 encor qu'ils eussent de riches mines, de ces deux  
 metaulx,ils n'en tiroient point,& moins l'auoient-  
 il en estimation. Leur manger est pareil à celuy des  
 Mexiquains : ils se vestent comme ceux de Castille  
 de l'or: Ils participent és coustumes & superstitiōs  
 de Nicaragua, qui est quasi la mesme Mexique. Ils  
 sont méteurs,cupides de nouuelletez,faietsneants,  
 fort obeissāns à leurs Maistres,& Seigneurs,ils sont  
 grande-

grandement addonnez à paillardise. Ils ne se marient communement qu'à vne seule femme, mais les Seigneurs en prennent autant qu'ils veulent. Le diuorce est facile entr'eux, ils estoient grands idolatres, maintenant ils sont tous Chrestiens, le docteur Pedrazza est leur Euesque. Quand aux gouuerneurs de ce pays il y en a eu plusieurs, Lopez de Salcedo pour vn, qui fut empoisonné en vn pasté par les siens. Vasco de Herrera fut en sa place, qui aussi fut tué à coups de poignard, & estranglé. Diego de Albitez eut apres luy le gouuernement, il fut de mesme empoisonné en vn pasté. Estās tels troubles entre les gouuerneurs, & leurs soldats au lieu de peupler le pays, ils despeuplerent, & ruinerent tous les habitans. Apres ceux-cy André de Cerezede fut gouuerneur, & luy estant mort, François de Montejo, Adelantado de Yucatan eut le gouuernement, il s'y en alla l'an 1535. avec cent septante Espagnols tant soldats, que mariniers: il assiegea la forteresse de Cerquin, & la gaigna en sept mois non sans la perte de ses gens. Ceste place estoit merueilleusement forte, & les Indiens courageux au possible. Ils perdirent ceux qui faisoient la sentinelle, par ce qu'ils s'estoient endormys à l'heure que l'assault fut donné plus viuement, ce fut vn chastiment faict en gés de guerre. Ce Montejo print encor' par famine la forteresse de Iamala leur ayās esté bruslé quinze mille iournaux de mayz par Marquillos vray more. Il peupla en plusieurs lieux, & entr'autres à Cumayagua, & S. George en la vallee de Vlanco, & remeit dessus autres places, qui estoient ruinees comme Trusilio, & S. Pierre, au-

pres duquel il y a vn Lac, ou les arbres avec leur terre selon le vent, se changent de lieu en autre. Ce sont petites Isles, qui se font sur l'eau par l'amas de petites buchettes, & bourries qui se lient ensemble par le moyen du lymon que iette l'eau, & par succession de temps elles se fortifient si fort, que des arbres y prennent racines sans s'enfoncer dans le lac.

*De Veragua, & Nom de Dieu. Chap. 56.*

**V**eragua à le bruiet d'estre pays riche, Christophle Colomb le descouurit l'an 1502. depuis Diego de Niquefa en demanda la conqueste, & gouuernement au Roy Catholique, il équippa au port de la beata de S. Dominicque sept vaisseaux, tant nauires que carauelles, & deux brigantins. L'an 1508. il s'embarqua avec plus de sept cens octante Espagnols, & pour aller à Veragua il tira premièrement à Carthagena, de laquelle il auoit cognoissance pour puis apres suiure la coste, sans faillir sa navigation. Quand il arriua à Carthagena il trouua là son amy Alphonse de Hoieda, qui vn peu deuant estoit party de S. Dominicque pour aller à Vraha, rompu, & deffait. Il les consola du trauail, & faicherie qu'ils auoient pour la mort de Ieá de la Cosa, & de septâte Espagnols que les Indiens auoient tuez en Caramairi, & s'accorda avec luy pour venger telle perte. Ainsi ils s'en allerent de nuict pour surprendre leurs ennemys à la despourueuë, où la bataille auoit esté donnee. Il y auoit vn village qui contenoit enuiron cent maisons : Ils enuironerent ce village, & y meirent le feu: il y auoit dedans plus de troys cens habitans, & beaucoup plus de femmes & d'enfans, ils prindrent six enfans, & tuerent



quasi tout le reste tât de leur glaiue q̄ par le moyen du feu: Le feu esteinct, ils espādirent les cendres, & trouuerent vn peu d'or à despartir entr'eux. Ce chastiement ainsi acheué, Niquesa partit pour aller à Veragua en passant il s'arresta avec le seigneur Carrete, & de là s'en alla deuant sa flotte avec les deux brigantins, & vne carauelle, commandant aux autres qu'ils eussent à le suiure iusques à Veragua. De ce despartement ne luy aduint que mal, par ce que sa carauelle où il estoit outrepassa Veragua bien loing, sans le veoir, & Lope de Olano Capitaine d'vn des brigantins s'approcha de terre, & demandant où estoit Veragua, on luy respōdit qu'il estoit derriere, il tourne la proüe & rencontre Pierre de Ombrie, qui estoit en l'autre brigantin, ils communiquent ensemble, & s'en vont au fleuue de Ciagré qu'ils surnommerēt des lesards, poissons & Cocodrilles, qui mangent les hōmes, ils trouuerent en ceste riuere le reste de la flotte, & tous ensemble s'en allerēt à Veragua. Or pensans que Niquesa y fut, ils iettent les ancrs à la bouche du fleuue, Pierre de Ombrie se met avec douze mariniers en vne barcque pour aller veoir quelque descēte propre. La mer estoit haulte, & si enflée qu'il se perdit & tous ses compagnōs hors mis vn qui eschappa à force de nager. Les autres plus sages au peril d'autrui sortēt en terre dedās les brigatins, & nō dedās les barques. Ils tirēt aussi tost dehors les cheuaux, l'artillerie, les armes, le vin, biscuit & toutes autres choses de guerre, & font frapper leurs nauires de trauers contre terre, à fin de les brizer, afin que les compagnōs n'eussent plus d'esperāce de retourner.

Ils esleurent pour Capitaine & gouverneur Lopez de Olano iusques à ce que Niquefa fut venu. Olano feist faire vne carauelle des pieces des autres, à fin qu'il peust euitier les dangers qui luy pourroient aduenir, & feist bastir vn petit chasteau sur la riué du fleuve de Veragua. Il courut vn peu le pays, & feist semer du mayz, & du grain, en intention d'y peupler, & d'y demeurer si Diego de Niquefa l'eust voulu, ou si l'n'eust cõparu. Cependant qu'il estoit attentif à telles choses, & à descouurir le pays, & sa richesse avec l'intelligence des Indiens, trois Espagnols arriuerent en l'esquif de la carauelle de Niquefa qui luy dirent comme leur gouverneur estoit demeuré à Zorobarro sans sa carauelle, laquelle il auoit perdue par vne tempeste, & comme il s'obstinoit de trauerfer tousiours pays sans auoir apparoißance de chemin, sans trouuer aucune personne, ne trouuant que deserts, montagnes & paluz: qu'il y auoit troys moys qu'il ne mangeoit que des racines, herbes, & fueilles d'arbres, & fruißt, ne beuuant que de l'eau, qui mesme quelques fois n'estoit guere bonne, & quand à eux qu'ils s'en estoient venus sans son congé. Olano enuoya incontinent vn brigantin avec ces trois Espagnols pour oster Niquefa hors de danger, & le ramener à son armee, & en son gouvernement. Diego de Niquefa receut vne grãde ioye, voyant ce brigantin, dedans lequel il s'embarqua, & à son arriuee feist prisonniers Lopez de Olano pour le salaire de si bon œure, l'accusant de trahison pour auoir vsurpé cest office, & preeminence: pour auoir brizé les nauires & pour n'estre allé deuant que faire autre cho-

se, le chercher. Il se monstra courroucé contre plusieurs, & despit de tout ce qu'ils auoient fait, & de là à peu de iours publia son partement. Tous le prierent qu'il attédist iusques à ce qu'on eust cueilly ce qu'on auoit semé puis qu'il deuoit meurir en peu de temps: car en quatre moys le grain se seme, se meurist, & se cueille: mais il leur feit respōce que il valloit mieux perdre le pain que la vie, & qu'il ne vouloit point demeurer en vn pays si mauuais. Je croy que ce qu'il en feit n'estoit que pour oster la gloire qu'auoit ia acquise Lopez de Olano. Il partit donc de Veragua auec autant d'Espagnols qu'il en peut entrer dedans les brigantins, & la carauelle neuue, & s'en alla au port beau, qui pour sa bonté eut ce surnom de Christophle Colomb, & estans là tous arriuez, ainsi qu'ils cherchoient du pain, & de l'or, les Indiens en tuerent vingt auec leurs fleches enuenimees. Niquefa laissa là la moitié de ses Espagnols, & s'en alla auec le reste au cap de Marmol, où il feit bastir vne petite forteresse pour se remparer contre les Indiens archers, & l'appella Nom de Dieu. Voila comment print commencement ceste fameuse ville: mais auât qu'auoir acheué son œuvre tant par le trauail du chemin, de la faim, que des continuelles escarmouches des Indiens il ne lny resta cent Espagnols des sept cens octante qu'il auoit emmené. Son armee estant deuenue à telle diminution les soldats d'Alphonse de Hojeda l'appellerent, afin qu'il gouuernast Vraba, par ce qu'en absence de Hojeda ils haïssoiēt Vasco Nuguez de Valua, & Martin Fermendez de Enciso, & ne pouuoient endurer leurs cōmandemens,



& pour euitier plus grand inconuenient s'accorderent toutesfoys tous d'appeller cestuy-cy. Niquefa rendit graces telles que meritoient ces nouuelles à Roderic Enriquez de Colmenares, qui estoit venu à luy avec vne carauelle, & vn brigantin. Ce remerciement ne se feit pas sans pleurs, & lamentations de son mal'heur. Ainsi sans considerer autres choses, il se meit sur mer avec ce Roderic menant soixante Espagnols en vn brigantin qu'il auoit encoꝝ. Or ce pendāt qu'il estoit sur mer à faire ce voyage, en racomptant toutes ses calamitez, & le mauuais conseil de quelques vns des siens, commēça à parler trop inconsiderement contre ceux, qui l'appelloient pour estre capitaine general, disant que pour mieulx asseurer son estat il conuenoit en chastier quelques vns, oster les offices & charges aux autres, prendre leurs personnes, & leurs biens, puis qu'ils ne les pouuoient retenir sans la volonte de Hojeda, ou de la sienne qui estoient esleus gouuerneurs par le Roy. Quelques vns de la compaignee de Colmenares penserent que ces parolles s'adressoient à eux & les rapporterent en Vraba entre les soldatz. Encizo, qui tenoit la partie de Hoieda comme estant son grand preuost & Valuoā chāgerent d'aduis, & eurent peur de le receuoir: ainsi non seulement ils ne le receurent, mais, qui plus est, l'iniurierent, & le menacerēt hardimēt, & mesmes aucūns veulent dire qu'ils ne le laisserēt point desembarquer. Cecy ne pleut gueres à plusieurs de Vraba, qui estoient gens de biē, mais il n'eussent sceu en faire autre chose, ayans peur du conseil, lequel Valuoā auoit ia irritē contre Niquefa, Ainsi le pauvre Ni-

quesa fut cōtrainct s'en retourner avec ses soixante soldats fort ennuié, & triste, se complaignāt grandement de Valua, & de Enciso. Il partit de Darien le premier iour de Mars l'an 1511. en intētion de tirer droict à S. Dominicque, pour se plaindre d'eux aux iuges de la Rotte : mais il fut perdu par le chemin & les poissons le mangerent. Autres pensent qu'apres auoir prins terre pour prendre des prouisiōs, & pour puiser de l'eau, il aye esté mágé des Indiens: par ce q depuis on a trouué escrit en vn arbre ces mots : Par cy a passé perdu le malheureux Diego de Niquefa, mais il se peult faire qu'il ayt escrit cecy quand il estoit en Zorobaro. Voila la fin de Diego de Niquefa, & de son armee & de la riche cōqueste de Veragua. Ce Niquefa estoit de Baeza: il auoit passé en ces Indes avec Christophle Colomb lors qu'il feist son second voyage. Il perdit l'honneur, & tant qu'il auoit gagné en l'Isle Espagnole, en entreprenant ce voyage de Veragua. Il descouurit 260. mil de pays à compter depuis le Nom de Dieu iusques aux roches de Dariē, il nomma le port de Misas, qui est à la riuiera de Pito. De tant d'Espagnols qu'il auoit menez avec luy, en troys ans n'en demeura soixante viuans & encor' ces soixante fussent morts de faim s'ils ne s'en fussent allez du port beau à Darien, ils mangerent en Veragua tous les chiens qu'ils auoient. Il y a eu tel chien, qui a esté achepté vingt castillans d'or, & encor' à vn ou deux iours de là ils feirent bouillir la peau, & la teste sans auoir horreur de ce qu'elle estoit puante, & pleine de yers & en vendoient l'escullee de brouet vn castillan. Vn Espagnol feit

bouillir deux crappaux de ce pays de ceux qu'ont  
 accoustumé manger les Indiens, & les vendit avec  
 grands prieres six ducats à vn malade. Autres Espa-  
 gnols magerent vn Indien qu'ils trouuerent mort  
 en chemin comme ils alloient chercher du pain,  
 duquel ils auoient grande disette, & ne trouuoient  
 point de maiz par la campagne, & les Indiens ne  
 leur en vouloiēt point bailler. Ces Indies vont tous  
 nuds, & appellent l'homme Ome, les femmes sont  
 couuertes depuis le nombril, iusques en bas, & por-  
 tent des pendans aux oreilles, & des bracelets &  
 chaines d'or. Philippe Gutierrez de Madrid, de-  
 manda le gouuernement de Veragua par ce que  
 c'estoit vn pays riche: Il sy en alla avec plus de qua-  
 tre cens soldats, l'an 1536. & la plus-grād part mou-  
 rut de faim, ou pour mager des herbes enuenimees.  
 Ils mangerent les cheuaux, & les chiens qu'ils au-  
 oient menez, Diego Gomez, & Iean d'Amputia  
 d'Alofrin, mangerent vn des Indiens qu'ils auoient  
 tuez, & comme la rage de la faim leur faisoit de  
 plus en plus oublier toute honte, aussi les rendoit  
 elle plus cruels: tellement qu'un iour plusieurs, qui  
 estoient enragez de faim, se vindrēt ietter sur Her-  
 nando Arias de Seuille, qui estoit malade, & le tue-  
 rent, & mangerent: vn autre iour aussi, ils mange-  
 rent vn nōmé Alphonse Gonzalez, mais ils furent  
 en fin tous chastiez de telles inhumanitez. Les sol-  
 dats de ce Philippe Gutierrez tomberēt en tel mal-  
 heur, & disgrace de Dieu, qui est tout iuste, que  
 Diego d'Ocampo pour ne demeurer sans sepulture,  
 s'enterra vif luy mesme en vne fosse qu'il voioit  
 faicte pour vn Espagnol mort. Depuis l'Admiral



Dom Loys Colomb enuoya l'an 1546. peupler & conquerir ce pays donnant la charge de ceste conquête au capitaine Christofle de Pegua, avecques bonne troupe de soldats Espagnols. Mais il ne luy est pas mieux adueni qu'aux autres : & ainsi ce pays est demeuré indomptable. En l'accord, qui fut fait entre le Roy & l'Admiral, sur ses priuileges on luy donna ce pays de Veragua, avecques tiltre de Duc ; & en oultre on le feist Marquis de Iamaïque.

*Darien. Chap. 57.*

L'AN 1502. Roderic de Bastidas, arma à Calix, à ses despens, & aux despens de Jean de Ledesme, & de quelques autres ses amis deux Carauelles, & print pour pilote Jean de la Cosa voisin du port de sainte Marie, marinier fort expert, lequel comme j'ay nagueres racompté fut tué des Indiens, & s'en alla à descouurir pays, il flotta longuement par les terres de Christofle Colomb, finalement il descourrit de nouueau le long de la coste 600. mil, à compter depuis le Cap de la voile, iusques au goulfes d'Vraba & Farallons de Darien. En ce long trait de pays on marque vers le Leuant Caribana, Zenu, Carthagenas, Zamba & S. Marthe. De là il vint à S. Dominique, où il perdit ses Carauelles de pourriture, & fut prins par François de Bouadilla, à cause qu'il auoit prins de l'or en eschange, & qu'il auoit prins quelques Indiens cōtre les ordonances du Roy, & fut enuoyé en Espagne avec Christofle Colob. Mais les Rois Catholiques luy firent grace, & luy assignerēt de reuenue annuel sur Darien deux cents ducats pour salaire du seruice qu'il leur auoit fait.

en ce descouurement. Toute ceste coste, qui a esté descouuerte par Bastidas, & Niquefa, & celle qui est du cap de la voile, iusques à Paria est d'Indiens, qui mangent, les hommes, & tirent de fleches enuennimees. On les appelle Caribes, à cause de laprouince de Caribana pour estre braues, & hardis, & bien respondans à leur nom : & par-ce qu'ils estoient si inhumains, cruels, sodomites, & idolatres, ils furent mis en proye pour les rendre serfs, ou pour les tuer & massacrer, s'ils ne vouloient renoncer à leurs abominables pechez, & prendre l'amitié des Espagnols, & se faire baptiser en la foy de Iesus Christ. Le Roy Catholique Dó Ferdinand feit cest ordonnance avec l'aduis de ceux du cōseil, & des Theologiens sçauans. Il donna plusieurs conquestes avec telle permission à Diego de Niquefa, & Alphonse de Hojeda, qui furent les premiers conquerans en terre ferme. Le Roy feit vne loy contenant dix ou douze chefs pour ceux qui iroient à ces Indes, que premierement on preschast l'Euangile, que on fist venir les habitans à appoinctemēt. Le 8. chef estoit que s'ils vouloiēt la paix ils fussent libres, bien traictez, & priuilegez par sus les autres. Le neuuiesme que s'ils perseueroient en leur idolatrie, & en leur inhumanité de manger les hommes, on les fait prisonniers, qu'on les tuast franchemēt, à quoy il n'auoit consenti iusques à l'heure. Alphonse de Hojeda natif de Cuença, qui fut vn des capitaines de Colomb contre Conabo, l'an 1508. equipa à saint Dominicque quatre nauires à ses despens, & meit dedans trois cens hommes, & laissa le bachelier Martin Fernandez d'Enciso son grād preuost, pour

conduire apres luy vn autre nauire, avec cent cinquante Espagnols, & amener des viures, artilleries, arquehouzes, lances, arbalestes, munitions, grain pour semer, douze bestes caualines autât de truyes, & verats pour peupler, & s'en alla du port de la Beata au mois de Decembre, Il arriua à Carthagena, il presenta la paix aux Indiens, lesquels la refusans, furent par luy defiez, tuez, & beaucoup de prins. Il eut d'eux quelque peu d'or en ioyaux, & autres paremens, mais l'or n'estoit pas fin, il se repent de cela, & entra plus auant en pays, iusques à quinze mil, menant pour guide ses prisonniers. Il arriua en vne petite ville, qui pouuoit cōtenir cent maisons, & trois cens habitans, il leur liura le cōbat mais il ne peut prendre ceste villette, par ce que les Indiens se defendirent si brauement, qu'ils tuerent 70. Espagnols, & Ieã de la Cosa, qui estoit la secōde personne apres le capitaine Hojeda, & les mangerent tous: Ils auoient des espees de bois, & de pierre, des fleches, qui auoient au bout vn os, ou vn caillou trempé au ius d'une herbe mortelle: ils auoient aussi certaines verges longues, & pointues, que ils iectoient comme dards, des pierres, & autres sortes d'armes offensives. Or comme Hojeda estoit là, Diego de Niquesa arriua là avecques son armee, ce qui resiouit l'autre grandement, & tous ses foldats. Ils s'vnirent ensemble & s'en allerent par vne nuit à ceste petite ville: ils l'enuironnent, & y mettent le feu, qui brussa incontinent tout, par ce que les maisons estoient de bois, & couuertes de fucilles de palme. Quelques Indiens eschapperent soubz l'obscurité de la



nuict: la plus part toutefois passerent par le feu, ou par le tranchant de l'espee des Espagnols, qui ne pardonnerent sinon à six petis enfans. Ainsi fut véegee la mort de ces septante Espagnols. Ils trouuerent soubz la cendre de l'or, mais non pas tant comme ils eussent bien voulu. Cela faict ils s'embarquerent tous & Niquefa print le chemin de Veragua & HoIeda, celuy de Vraba, passant par l'isle nommee Forte, il print sept femmes, & deux hommes, & eut deux cens onces d'or en bracelets, pendans, & colliers. Il print terre à Caribana, terroir des Caribes, qui est à l'entree du goulfe de Vraba. Il met ses soldats à terre, ses armes, cheuaux, & toutes autres choses de guerres, avec les prouisiōs, qu'il menoit, & commença aussi tost vne forteresse pour s'asseurer au mesme lieu ou quatre ans deuant Iean de la Cosa l'auoit encōmencee. Ce fut la premiere place qu'eurent les Espagnols en terre ferme. Hojeda voulut à son arriuee attirer les Indieus à la paix suiuant le commandement du Roy, pour peupler & viure en plus grande seureté. Mais eux estans haultains, & se confians sur eux mesmes, & estans ennemis mortels des estrangers, contemnerent l'amitié, & communication des Espagnols. Ce qu'ayant enten du Hojeda, tira à Tiripi, qui est à douze mil de la mer, pour le bruit qu'auoit ce lieu d'estre riche, luy liure l'assault, mais en vain, par ce que les habitās le feirēt fuir avec dōmage, & perre de ses gens, & de sa reputation, tant enuers les Indiens, qu'enuers les Espagnols. Le Seigneur de Tiripi iettoit de l'or par dessus la muraille, & les siens tiroient de leurs arcs sur les Espagnols, qui s'abbaissoient pour le re-

cueillir, & celuy, qui estoit nauré de leurs fleches, mouroit comme enragé. Il vsoit de ceste ruse cognoissant leur auarice. Les nostres sentoient ia les prouisions leur defaillir, & ainsi necessité les feit aller à vn autre lieu, où les prisonniers leurs disoient qu'il y auoit force prouisions. Ce qu'ils trouuerent veritable, & en enleuerent grande quantité de victuales, & amenèrent des prisonniers. Le capitaine eut de là vne femme, le mary vint pour traicter de sa liberté, & promect d'apporter le prix qu'on demandoit: il s'en va, & retourne avec huit autres cōpagnons archers, & au lieu de bailler l'or qu'il auoit promis, ils blecerent le capitaine en vne cuisse, mais les soldats les tuerent tous huit, avec leur Capitaine. Ce fut vn faict d'homme courageux, & nō barbare, si l'issue eust esté telle que le commencement. Durant ce temps arriua là Bernardin de Talabera, avecques vn nauire chargé de prouisions, & de soixante hōmes qu'il auoit pris à saint Dominique, sans que l'Admiral, ny la iustice en sceut rié. Il apporta grāde cōsolatiō avec telle abōdance de munitiōs, & viures à Hojeda, qui estoit en necessité & pauureré grande. Pour tel réfort, toutesfois ses soldats ne laissoient pas à murmurer, & se plaindre de luy, de ce qu'il les auoit amenes à la boucherie, & qu'il leur tenoit les mains liees, & le courage sans s'en pouuoir aider. Le capitaine les tenoit tousiours en esperāce de secours, & de nouuelles prouisions que le docteur d'Enciso deuoit amener, & s'esmerueilloit de sa demeure. Quelques Espagnōls s'accorderent de se saisir de deux brigantins de Hojeda, & s'en retourner à

sainct Dominique, ou bié s'en aller avec les soldats de Niquefa. Hojeda ayant ouy le vent de ceste entreprinse, pour paruenir, & s'excuser de telle mutinerie, & desdaing, qui s'esleuoit entre ses gens, se meit au nauire de Talabera laissant François Pizarre pour son lieutenant, & promettant de retourner dans cinquante iours, & que sil ne retournoit, que il les deliuroit de leur serment, & que puis apres ils s'en iroient où bon leur sembleroit. Ainsi se partit Alphonse de Hojeda de Vraba, tant pour guarir sa playe qu'il auoit receuë en la cuisse, que pour chercher le docteur d'Enciso, ioinct aussi que tous ses gens se mouroient. Il feit voele de Caribana en assez mauuais temps, & s'en alla cheoir en Cuba, pres le cap de la Croix. Il costoya ce pays, endurât grâd faim, & trauail: il perdit quasi tous les siens, à la fin il arriua à S. Dominique fort malade de sa playe, pour la douleur de laquelle, ou pour ne trouuer quelque aprest, qui luy donnast moyen de retourner en son gouuernement, & suruenir à son armee, il demeura là: mesme aucuns disent qu'il se rendit cordelier, & qu'il mourut en cest habit.

*La fondation de l'antique de Varian.*

*Chap. 58.*

**A** Pres que les cinquante iours furent passez, dedâs lesquels deuoit retourner Hojeda avec secours d'hommes, & de prouisions, ainsi qu'il auoit promis: François Pizarre, & septante Espagnols qu'il y auoit encor de reste s'embarquerēt en deux brigantins qu'ils auoient. Car la famine, & maladie les contraignoit de vuidier ce pays, & laisser ceste petite ville qu'ils commençoient à peupler. Or



comme ils estoient en mer, il aduint vn malheur que l'un des brigantins s'enfendra: vn grand poisson en fut cause, qui, à raison que la mer estoit esmeue, se tempestoit sur l'eau, & s'approchant de ce brigantin s'appuyoit contre, leuant la teste comme fil l'eust voulu engloutir, & donna vn tel coup de sa queue qu'il rompit & mit en pieces le timon. Ceste fortune les estonna d'auantage, considerans que l'air, la mer & les poissons les poursuioient comme la terre. François Pizarre s'en alla avec son brigantin à l'isle Forte, où les habitans, qui sont Caribes, ne voulurent aucunement consentir qu'il desembarquast. Il tourne vers Carthagena pour puiser de l'eau, par-ce qu'ils mouroient de soif, & rencontra pres Cochibocoa le Docteur Enciso, qui amenoit vn brigantin, & vn nauire chargé de gens, & de prouisions, au capitaine Hojeda: ils cōptent incontinent leurs fortunes bien par le menu, & tout le succez, & comme le gouuerneur s'en estoit allé. Enciso ne vouloit pas aisément croire Pizarre doutant qu'il s'en fut fuy avec quelque larcin, ou pour quelque autre delict. Mais voyant comme l'autre iuroit, & comme ils estoient tous pauurement vestus, les faces ternies, pales & defaictes pour la mauuaise nourriture qu'ils auoient eue, ou pour l'amour de l'air, il adiouta foy à ses sermens, & eut grand desplaisir de ce malheur ainsi adueni. & leur commanda qu'ils s'en retournassent avec luy d'où ils estoient partis. Pizarre & ses trentecinq soldats qu'il auoit encor' vouloient donner à Enciso deux mille onces d'or qu'ils auoient, afin que il les laissast aller à S. Dominique, ou bié là où estoit

Niquefa, & qu'il ne les ramenast point à Vraba. Mais il ne les voulut point laisser, & furét cōtraints, aller avec luy. Il print terre à Caramairi pour puiser de l'eauë, & recalfeutrer sa barque. Il feit sortir en terre enuiron cent soldats, par-ce qu'il sçauoit bien que les habitans estoient Caribes. Mais les Indies ayans entendu que ce n'estoit point Niquefa, ny Hojeda, au lieu de tacher à luy nuyre, luy dōnoiet du pain, du poisson, du vin de maiz, & du fruit, & si le laisserét demeurer, & faire tout ce qu'il voulut dequoy s'estonnoit fort Pizarre, de là ils s'en allerent à Vraba, à l'entree du goulfe, le nauire toucha en terre, par la faute de celuy qui gouuernoit le timon, & du pilote les cheuaux, & les porcs, furent perdus, & aussi toute les prouisions, & munitions, & tout ce qu'il y auoit dedans, & fut beaucoup faict de sauuer leurs personnes. Alors Enciso creut les disgraces, & malencontres aduenues au capitaine Hoieda, & tous eurent peur de mourir de faim, ou d'herbes enuenimees. Ils n'auoient point armes suffisantes pour soustenir les fleches des Indiens, encor' moins de vaisseaux pour leur retourner: ils mangeoient des herbes, des fruits, des dattes, & quelques porcs sauuages qu'ils prenoient à la chasse. Ce porc est petit, n'ayant point de queue, ses pieds de derriere ne sont point fendus, & n'ont point d'ongle: En telles perplexitez & miseres Enciso se resolut de seruir plustost de pasture aux hommes que mourir de faim, & suiua ceste deliberatiō, entre avec cent cōpagnons en pays pour chercher viure, & récōrrer quelques habitās. Il trouue trois Indiens garnys de leurs arcs, & fleches, qui les attendirent

tendirent de pied coy sans peur, & deslacherent leurs fleches sur les nostres, desquels y en eut quelques vns blecez, & coururent aussi tost appeller vne grande bande de leurs compagnons. Iceux estās venuz, liurerent la bataille, disans mille villenies aux nostres qui eurent du pire. Enciso tourna arriere, mauldissant le pays, qui produisoit si meschante herbe, laissant quelques Espagnols morts, & se delibera de chāger de fortune. Il informa de certains prisonniers, quel pays estoit dela le goulfe, & ayāt entendu qu'il estoit bon & abundant en riuieres, terres de labeur, s'y en alla & commença à edifier vn lieu qu'il nomma la ville de la Garde, par ce qu'il auoit bon besoing de se garder des Caribes. Les Indiens voisins de ce lieu furent au commencement paisibles regardans ces personnes estranges, mais voyans qu'ils bastissoient sans leur congé en leur pays, ils s'en fascherent, Cimaco seigneur de là osta hors de sa ville l'or, & tout ce qu'il y auoit de valeur, & le mit en vn lieu plein de cannes, & rouseaux fort espez, & se plāta sur vne coline avec cinq cens hommes bien armez à leur mode, & de là il menaçoient les nostres desferchans leurs fleches, & crians à haulte voix qu'ils ne vouloient point endurer qu'une nation estrange vint peupler en leur pays, & qu'ils les tueroient. Enciso meit ses gens en ordre & leur fait prester le serment que iamais ne s'en fuioient & luy fait vn vœu d'enuoyer certaine quantité d'or & d'argēt à nostre dame del'Antique, qui est en la ville de Seuille, si Dieu leur donnoit victoire, & de faire vn temple de la maison du Cacique, & le dedier de nostre Dame, & de nom-



mer la ville Sainte Marie de l'Anticque. Il feit son oraison à genoux avec tous ses compagnôs, & puis assaillirent leurs ennemis, ils combattirent comme gens qui en auoient bon besoing, & avec l'ayde de Dieu ils furent les vainqueurs, Cimaco, & les siés, s'enfuirent loing dedans le pays ne pouuans supporter les coups des espees de nos gens, qui entrerent en la ville de ce Cimago, où ils assommerent avec force pain, vin & fruiçt, qui estoit là dedans, la cruelle faim, qui les detenoit. Ils prindrent prisonniers quelques Indiens nuds, & des femmes vestues depuis la ceinture iusques en bas. Le lendemain ils coururent le long de la riuere, & en cherchât cōtremōt le fleuue, trouuerent les biens, & bagaige qu'on auoit caché dedans les cannes, & rouleaux. Il y auoit de grands fardeaux de couuertures de liçts, & de manteaux, grande quantité de vases de croye, & de boys, & autres vtēiles de maison, deux mille liures d'or en colliers, bracelets, pendans, & autres ioyaux dextreiment elabourez. Ils rendirent graces à Iesus Christ, & à sa benoiste mere pour ceste victoire, & encor' pour auoir trouué si riche pays, & si abondāt. Enciso enuoya là quatre vingts Espagnols, qui estoiet demeurez à Vraba, à fin que laissant ceste pointe de terre si malheureuse aux Espagnols, ils s'en alassent estre habitans du Darien, en ceste ville qu'ils auoient prise, laquelle ils nōmerēt l'Antique, ce fut l'an 1509. Enciso faisoit l'office de capitaine, & si estoit grand preuost suiuant la prouision qu'il en auoit du Roy. Plusieurs en murmuroient cōme estās faschez qu'ils fussent gouuernez par vn docteur. Pour cela, ou pour quelque autre

passiõ Vasco Nugnez de Valuoã cõtredit à Enciso, nyât sa prouisiõ estre sortie du Roy, allegât en oultre qu'ils n'estoiët pl<sup>9</sup> à Hojeda, duquel il estoit seulement grãd preuost. Il suborna plusieurs autres qui estoïët aussi aisez à facher que luy, & voulut empêcher la iurisdiction de Enciso, & mesme ne le vouloit recognoistre pour capitaine. En ceste façon ce peu d'Espagnols qui estoient à l'Antique de Darien se diuiserent en deux. Valuoã estoit chef des vns, & Enciso des autres, & furent vn an en ce debat.

*La partialité, & inimitié, entre les Espagnols de Darien. Chap. 59.*

**R**oderic Enriqués de Colmenares partit du port de la beata de S Dominique avec deux carauel les pourueüs d'armes, & d'hômes pour donner secours à Hojeda, parce qu'ils auoiët eu nouuelles à S. Dominique de la grãd faim qu'il endureoit. Sa navigation fut dâgereuse : quãd il arriua à Garia il meit en terre cinquãte-cinq Espagnols avec leurs armes pour prendre de l'eau, parce qu'il en auoit faute. Auât que puiser leur eau, ils se coucherët sur la terre pour se reposer, ne se donnans autrement garde de leurs vies, & aussi tost vindrët à l'impourueü huit cens Indiens se ietter sur eux avec leurs acres & fleches aiât bõne volõté de mâger ces Chrestïés, & les sacrifier à leurs Idoles. Ils en tuerent quarante sept, & en prindrent vn, meirët la barque en pieces, & menacerent les nauires auant que les nostres se peussent mettre en ordre. Les sept, qui eschapperët de ceste meslee se cacheërt dãs le creux d'vn arbre, & quand le matin fut venu ils allerent veoir s'ils trouueroient les carâuelles, mais elles estoient ia

parties, & furent puis apres mangez des Indiens . Colmenares ayma plustost endurer la soif que la mort, & ne s'arresta qu'il ne fut à Caribana, il entre au goulfe de Vraba, & vint surgir où il pésoir trouver Hojeda, & Enciso, mais ne trouuât point aucun vestige de ceux, qu'il cherchoit, il eut peur q'ils fussent morts. Il feit sur les pl<sup>s</sup> hauts lieux de là aupres de grâdes fumees, & feit deslacher tout en vn coup l'artillerie des deux carauelles, affin qu'ils entendissent sa venuë si d'auenture ils festoient retirez ailleurs en pays . Ceux de l'Anticque ayant entendu le tonnerre de telle artillerie respondirent avec des feuz : Ce signe estant apperceu par Colmenares, s'en alla à l'Anticque: Iamais Espagnols ne s'embrasserét avec tât de pleurs pour le plaisir qu'ils receuoïét de s'estre rencôtrez côme feirét ceux cy. Ils se refeirét avec la chair, le pain, & vin que ces vaisseaux auoient apporté, & se vestirent de nouveau, n'ayans plus que des lâbeaux, & pieces des accoustremēs qu'ils auoiét portez, & renouuellerét leurs armes . Avec les soixâte de Colmenares ils estoient quasi cēt cinquâte Espagnols, & desia n'auoiét plus peur des Indiēs, ny de la fortune puis qu'ils auoient deux nauires, & deux autres brigâtins, ils ne se soucioïét aussi plus du Roy festās bādez les vns contre les autres. Colmenares, & quelques Espagnols gēs de bien vouloient enuoyer à Diego de Niqueſa, à fin qu'il viat prendre le gouuernement, puis qu'il estoit pourueu par le Roy de tel estat, encor, que ce ne fust en ce pays, & oster tous les differēs, & appaiser les indignatiōs, qui estoïét entre les Espagnols, Enciso, & Valuoane ne vouloiét point qu'autre iouist



de leur labeur, & industrie, & disoient que nō seulement eux, mais beaucoup d'autres aussi de la compagnie pouuoient estre capitaines & chefs de tous aussi bien & mieux que Niquesa. Encores toutes-fois qu'il despleut à ces deux si l'enuoyerent ils querir par Roderic de Colmenares en vn brigatin, qui appartenoit à Enciso. Colmenares alla donc chercher Niquesa, qui estoit au nom de Dieu en tel equipage que i'ay cy dessus récité tout flacque, decoulouré, à demy nud, ayant avec soy soixante compagnons à demy morts de faim, & defaicts. Tous se prindrent à pleurer quand ils se veirent, les vns de ioye, les autres de compassion. Colmenares consola Niquesa, & luy feit entendre la charge que luy auoient baillee ces soldats, & gens de bien de Darien, & luy donna grande esperance de remettre sus les pertes, & dommages receuz sil vouloit se re tirer en vn si bon pays, le priant de vouloir ainsi faire. Diego de Niquesa qui n'auoit iamais pensé à cela, luy rendit graces telles que meritoit vn tel amy, considéré mesme le malheur, où il estoit tōbé. Il s'ēbarqua dōc avec ces soixante soldats en vn brigatin, & feit voele avec Roderic de Colmenares, mais aussi tost il s'enorgueillit plus qu'il ne deuoit, & pēfant desia estre capitaine general de trois cents Espagnols, & d'vne ville commença à sortir hors les bornes de raison disant, plusieurs choses cōtre Val- uoa, & Enciso, & autres, qu'il en chastiroit les vns, qu'il osteroit les charges aux autres, & les dōneroit à d'autres, puis qu'ausi bien il ne les pouuoient tenir sans l'autorité de Hojeda, ou de la sienne. Ces parollès si follement iettees, furent ouyes par plu-

fleurs, qui estoient allez avec Colmenares, & à qui  
 ces menaces touchoient tant a eux qu'à leurs com-  
 pagnons, si en feirent ils le recit en conseil incont-  
 nent, qu'ils furent arriuez à l'Antique & possible a-  
 uec l'aduis de Colmenares, à qui telles menaces &  
 paroles temeraires n'auoient semblé bonnes. Tous  
 ceux de l'Antique s'enflâberent grandement contre  
 Niquefa, spécialement Valuo & Enciso & ne vou-  
 lurent permettre qu'il descendit à terre, où bien le  
 feirent remonter en son vaisseau avec ses compai-  
 gnons, l'iniuriant vilainemēt sans qu'aucun les re-  
 print, de façon que le malheureux Niquefa fut con-  
 trainct s'en aller, ou il se perdit. Apres que Niquefa  
 fut deslogé ceux de l'Antique demeurerēt en aussi  
 grande dissentiō que deuant, & en grāde necessité  
 de prouisiōs, & de vestement. Valuo estoit plus  
 fort en la ville qu'Enciso parce qu'il auoit attiré  
 Colmenares de son costé, tellement qu'il fut assez  
 hardi de faire prisonnier Enciso, & l'accuser d'auoir  
 vsurpé l'office de iuge sās aucune prouisiō du Roy,  
 surtelle accusatiō il cōfiska tout ce qu'il auoit, &  
 encor le vouloit faire fouëtter, s'il n'eust esté épes-  
 ché par prieres & intercessiōs de qlques vns. Il me-  
 ritoit mieux ceste peine qu'Enciso: car luy mesme  
 rōboit en la faute, de laquelle il coulpoit l'autre, se  
 faisoit iuge, capitaine & gōuērneur: il est vray que  
 Enciso aussi meritoit ceste peine pour la faute qu'il  
 auoit faite de chasser, & ne receuoir, & de mal trai-  
 ter Diego de Niquefa. Enciso ne pouuoit mōstrer  
 sa prouisiō de grād pōist pour l'auoir perdue quād  
 son nauire toucha en terre, & se rōpit à Vraba & e-  
 stat le pl<sup>us</sup> foible il ne luy appartenoit pas de cōrester,

& se deliurer par force. A la fin par priere il fut deliuré, & s'embarqua pour aller à S. Dominique, encor' que de la part de Valuoá on le priaist de demeurer avec l'estat de grand Preuost, de S. Dominique. Il s'é vint en Espagne, ou il feit toutes ses plainctes au Roy, & presenta des informations contre Vasco Nugnez de Valuoá l'an 1512. Ceux du conseil des indes prononcerent vn arrest fort rigoureux contre Valuoá: Mais il ne fut executé pour les seruices qu'il feit depuis au Roy au descouurement de la mer du Midy, & en la conqueste de Castille de l'or comme nous dirons cy apres.

*De Panquiaco, qui donna nouuelles de la mer de Midy.*

*Chap. 60.*

**A**Vssi tost que Valuoá se veid seul à commander, il festudia à bien gouuerner les deux cens cinquáre Espagnols, qu'il auoit en la ville de l'Antique. D'iceux il en prend six vingt & dix avec soy & Colmenares aussi, & s'é alla à Coibaia pour chercher à mager pour tous, & de l'or sans lequel ils ne prenoiét aucun plaisir. Il demáda au seigneur Carera, autres l'appellent Cimal, des prouisions, & parce qu'il n'en vouloit bailler il le mena prisonnier à Dariá avec deux de ses femmes, ses enfans, & seruiteurs, & pillá sa ville, dedans laquelle il trouua trois Espagnols de Niquesa, lesquels seruirent tellement quellement de truchement, & feirent recit du bon traictement, qu'ils auoient receuz en sa maison de Careta, qui pour ceste cause fut deliuré avec sermēt qu'il dōneroit secours, & aide cōtre Pōca son propre ennemy, & pourueoir son cāp en ce voyage: ce pendant ils despescherent Valdiuia



fort affectionné à Valuoā, & Zamudio pour aller à Sainēt Dominique, tant pour auoir gēs, pain, & armes, que pour porter vn proces, & informatiōs cōtre Martin Fernand d'Enciso. Valuoā entre plus de soixante mil en pays soubz la fāueur de Careta, & faccage vne ville, où ils trouuerent quelque chose d'or, mais ils ne peurent trouuer le seigneur Pōca, par ce qu'il s'en estoit fuy, & auoit mené avec soy tout ce qu'il auoit peu. Il ne luy sembloit bon de faire guerre si auāt en pays, principalemēt pour gēs qui ne doiuent guerres abandoner la coste de la mer. il s'en alla à Comagre, & feit paix avec le seigneur par le moyen d'un des gens de Careta. Comagre auoit sept fils d'autant de femmes : sa maison estoit de bois, fort ample, & bien bastie, ayant vne sale large de quatre vingt pas, & longue de cent cinquante: il auoit vne caue réplie de grands vaisseaux pleins de vin fait de grain, & de fruit, blāc, & rouge, doux, il y en auoit aussi d'aigre fait de dattes, le doux ressembloit à du moust, ou vin cuit. Ceste rencōtre pleut fort à nos Espagnols. Panquiaco fils aîné de Comagre donna à Valuoā septante esclauēs, faits à leur coustume, pour seruir les Espagnols, & quatre mille onces d'or en ioyaux, & autres pieces subtilement elabourees. Valuoā feit fondre tout cest or avec celuy qu'il auoit desia eu par le chemin & puis en osta le quint, qui appartenoit au Roy, & despartit le reste entre les soldats, & cōme il pesoit les parts, & portiōs à vn poix, qui estoit attaché à la porte du Palais, quelques Espagnols qui n'estoient point cōtēs de la part qu'on leur auoit fait cōmēcer à quereller, alors Pāquiaco donna du poing sur

la balance où estoit le poix, & feir choir tout l'or à terre, leur disant : ô Chrestiens si i'eusse sceu que vous deussiez quereller sur mon or, ie ne le vous eusse pas donné: car i'aime paix, & cōcorde, & m'esmervueille bié comme vous estes si aveuglez, & despourueuz de sens d'auoir rompu ces ioyaux, qui estoient si dextrement elabourez, pour en faire ie ne sçay quelles pieces, qui ressemblent à petits copeaux de bois, & encor plus ie m'estonne comme vous, qui estes tant amis ensemble, querellez pour vne chose si vile, & de si peu de valeur. Il vous seroit meilleur ne bouger de vostre pays, qui est si loing d'icy, si les hōmes y sont si sages, si honnestes, & si prudens, comme vous vous en vantez, que venir faire des querelles en ce pays estrange, où nous autres viuons contens, encor que vous nous appeliez grossiers, & barbares. Mais si l'auarice, & conuoitise d'auoir de l'or vous cōmande tāt que pou. iceluy acquerir vous vo'trauaillez si fort, & mesme tuez ceux, qui en ont, ie vous mōstreray vn pays ou possible vous vous en soullerez. Nos Espagnols admirerent grandement le iugement, & les parolles de ce ieune Indien, & encor plus la liberté avec laquelle il les proferoit. Les trois Espagnols de Niquefa, qui sçauoient vn peu la langue du pays luy demanderent comme s'appelloit ce pays, il le nomma Tumanama, & leur dit qu'il estoit loing de six iournees, mais qu'ils auoient besoing de plus grande compagnees pour passer certaines montagnes, où les Caribes faisoient leurs demeurance, auant qu'arriuer à leur mer. Quand Valuo auyt ce mot d'autre mer, il l'embrassa, le remerciant des bonnes

nouvelles qu'il luy auoit dictes, & le pria de se faire Chrestien. Ce que l'Indien accorda & fut baptizé, & nommé dom Charles, du nom du Prince d'Espagne, que nous voyons aujourd'huy estre Empereur. Dom Charles Panquiacó fut tousiours amy des Chrestiens, & promit d'aller avec eux à l'autre mer de Midy bié accompagné d'hommes de guerre, pourueu qu'ils fussent mille Espagnols. Car il ne luy estoit pas aduis qu'on peust vaincre les autres Caciques, ny gagner Tumanama avec plus petit nombre. Il leur dit encor que, si ils ne se fioient de luy, ils le menassent lié, & garrotté, & si ce qui leur auoit dit n'estoit vray qu'ils le pédissent à vn arbre. Mais certainement il dit vray : car par le chemin qu'il monstra on trouua vn riche pays, & la mer de Midy, qui tant auoit esté desirée par ceux, qui festoiét meslez de descouurir ces pays. Panquiacó fut donc le premier, qui donna cognoissance de ceste mer, encor' qu'aucuns veulent dire que Christophle Colomb en eut nouvelles dix ans deuant, quád il fut au port Beau, & au cap de Marmol, que nous appellons au iourd'huy le nom de Dieu.

*Les guerres que feit Vasco Nugnez, de Valuoá au  
goulfe de Vraba. Chap. 62.*

**V**Aluoá s'en retourna à Darien plein de grande esperance d'estre riche quand il auroit trouué la mer de Midy, esperant y trouuer force perles, ioyaux & or, & pensoit bien faire, comme aussi il feit, seruice au Roy tel qu'il seroit recognu, & qu'en outre il aquetroit vn grand bruiet. Il communiqua à tous la cause de sa resiouissance, & donna aux autres Espagnols, qui n'auoient esté avec luy en ce



voyage la part de l'or qui leurs appartenoit. Mais elle estoit plus petite que celle des soldats qu'il auoit menez avec luy, & enuoya quinze mille pesans d'or au Roy pour son quint, avec la relation de Panquiaco, afin qu'il luy enuoyast mille hommes, il donna ceste charge à Valdiuia, qui desia estoit de retour de S. Dominique ayant apporté quelque peu de viures. Mais il n'arriua point en Espagne, mesme il ne vint pas iusques à Haiti, & selon le bruit, sa carauelle se perdit aux Viuores pres Iamaïque, ou à Cuba pres le cap de la Croix, & luy aussi & tous ses gens, & l'or qu'il portoit pour le Roy, & pour quelques particuliers. Ce fut la premiere perte notable d'or qu'o eust tiré de terre ferme. Valuo, & les autres Espagnols de Darié auoient grande nécessité de pain, parce qu'un grand cas d'eau auoit arraché, & noyé tout le maiz qu'il auoient semé. Or pour pourueoir à ceste necessité il delibera de costoyer le goulfe, & aussi pour scauoir s'il estoit grand, & riche. Il esquippa donc un brigantin, & plusieurs barques, dedans lesquelles il mit cent Espagnols: il s'en alla se ietter dans un grand fleuve qu'il surnomma de saint Iean, & nauigea contre-mont ce fleuve bien quarante mil. Il trouua plusieurs villages sur la riuie tous desgarniz d'hommes, & de prouisions, par ce que le seigneur de là, qui s'appelloit Dabaida, s'en estoit fuy pour la crainte que luy auoit donné Cimaco de Darien, qui se vint sauluer icy, quand il fut vaincu par le docteur Enciso. Il feit chercher par les maisons, où il trouua grands monceaux de rets à pescher des couuertes, & d'autres vtenfilles de maison,

force trouuée de fleſches, d'arcs, de dards, & autres armes, & trouua encor de ſix à ſept mille peſas d'or en diuerſes pieces, & ioyaux. Il ſ'en retourna avec cela aſſez mal content de n'auoir trouué du pain, il luy auint vne fortune qu'il perdit vne barque avec les gens, qui eſtoient dedans, & pour la tempeſte fut contrainct ietter en la mer quaſi tout ce que il portoit excepté l'or, ils ſ'en retournerent tous piquez de chauueſouriz, qui ſont en ce fleuue auſſi grandes que tourterelles. Roderic de Colmenares alla par vn autre fleuue vers le Leuant avec ſoixante compagnons & ne trouua que de la caſſe. Valuo ſe ioingnit avec luy, & ne pouuans plus viure ſans maiz entrerent tous deux par vn autre fleuue qu'ils appellerent Noir. Le ſeigneur de là ſ'appelloit Abenamaquei, lequel ils prindrent avecques quelques autres des principaux, & depuis qu'il fut prins vn Eſpagnol luy couppa le bras par ce qu'il l'auoit blecé en l'eſcarmouche qu'ils feirent pour le prendre. Ce fut vn acte vilain, & indigne d'un Eſpagnol. Valuo laiſſa là la moitié de ſes Eſpagnols, & avec l'autre moitié ſ'en alla vers vn autre fleuue d'Abibeiba, où il trouua vne logette baſtie ſur vn arbre, de quoy ſe prindrét fort à rire nos Eſpagnols comme de choſe nouuelle, par ce qu'il ſembloit que ce fut vn nid de Cicongne, l'arbre eſtoit ſi haut qu'on n'eut ſceu ietter vne pierre par deſſus à plein bras, & ſi gros qu'à grand peine huit hommes ſe tenans en rond par les mains l'euffent peu embraffer. Valuo requiſt de paix le Cacique Abibeiba, qui ſ'eſtoit retiré en cet arbre, & s'il ne la vouloit, luy diſt qu'il mettroit ſa maiſon à bas.

Mais ce Cacique se confians en la hauteur, & gros-  
seur de son arbre, respondit rudement, & comme il  
voyoit qu'on commençoit à le couper par le pied  
avec des haches, il eut peur de tomber, & ainsi fut  
côtraint faire la paix, & dit qu'il n'auoit point d'or,  
encore moins en vouloit il auoir puis qu'il ne luy  
apportoit aucun profit, & qu'il n'en auoit que faire.  
Mais comme on le pinçoit pour luy faire dire  
verité, demanda terme pour en aller chercher, &  
ne retourna depuis par ce qu'il se retira vers vn au-  
tre seigneur nommé Abraibe, qui estoit là aupres,  
avec lequel il se complaignit du deshonneur qu'o  
luy auoit fait, & pour le recouurer s'accorderent  
ensemble d'assaillir les Espagnols, qui estoient au  
fleuve Noir, & les tuer. Ils allerent d'oc là avec cinq  
cens hommes, mais pensans faire mal, à autrui ils  
se le feirent estans combattus, & ayans perdu la  
bataille, ils s'enfuirent eux: mais les leurs furēt qua-  
si tous où morts, où prins. Ils ne furent point en-  
cor chastiez pour ceste fois, ains subornerent tous  
leurs voisins, & ces trois coniurerēt ensemble, c'est  
à sçauoir, Cimaco, Abibeiba, & Abemanaquei, qui  
auoit esté remis en liberté, d'aller à la riuere de  
Darien brusler la ville qu'auoient faicte les Chre-  
stiens, & les manger, ils estoient cinq principaux,  
tellement qu'avecques ces trois il y en auoit en-  
cor d'eux, qui en equipperent tous chascun vingt  
barques, & mille hommes chacun, qui iroient par  
terre. Ils assignerent Tiquiri moyenne ville pour  
amasser les armes, & victuailles necessaires pour  
le camp. Ils partissoient des-jà entre-eux les testes,  
& les biens des Espagnols, qu'ils deuoient tuer, &



accorderent du iour, auquel ils deuoient donner l'affault, mais leur coniuration fut descouuerte en ceste façon. Vasco Nugnez auoit pour femme, & espouse vne Indienne la plus belle de toutes celles qu'il auoit prinſes, vn ſien frere ſeruiteur de Cima-co, qui ſçauoit toute la coniuration, la venoit veoir ſouuent, vn iour il print le ſerment d'elle de ne reueler ce qu'il luy diroit, & puis luy compta tout le diſcours de ce qui ſe deuoit faire, & la pria qu'elle ſ'en allaſt avec luy, & qu'elle n'attendist point le danger, auquel elle pourroit tomber. Elle ſ'excusa qu'elle ne pouuoit pour lors ſ'en aller, ce qu'elle faiſoit ou pour le dire à Valuoà qu'elle ay moit, où bien à cauſe qu'elle péſoit qu'il baſteroit pour lors plus mal aux Indiés qu'il ne ſembloit. Elle deſcouurit toute l'entreprinſe, afin qu'ils ne mouruſſent pas tous. Valuoà attendit que ceſt Indien fut venu comme il ſouloit venir veoir ſa ſeur, eſtant venu il le prend, & le met à la torture, il confeſſe tout. Valuoà auſſi toſt ſe met en pays avec ſeptante Eſpagnols pour aller chercher Cima-co, qui eſtoit à neuf mil de là. Il ne le trouua point, il amene ſeulement force Indiens priſonniers avec vn parent de Cima-co. Roderic de Colmenares ſ'en alla à Tiquiri avec ſoixante compagnons en quatre barques, menant pour guide ceſt Indié, qui auoit deſcouuert la coniuration, il arriua là deuant qu'il fuſt apperceu, & ſaccagea la ville, & print pluſieurs priſonniers, & ſe fit pendre celui qui auoit la garde des armes, & des prouiſions, à vn arbre que luy meſme auoit planté, & le feiſt tirer à coups de fleſches avec quatre autres des principaux. En ces deux ſacs les Eſpa-

gnols se munirent de bonnes prouisions, & espou-  
uenterent leurs ennemis de telle façon qu'ils n'ose-  
rent plus depuis ourdir de telles toiles. Il sembla à  
Valuoa, & aux autres voisins de l'Antique que ia ils  
pouuoient mader au Roy comme ils auoient con-  
quis la prouince d'Vraba, & s'assemblerent pour  
nommer des procureurs qui iroient pour tous en  
Espagne, & pour faire vn conseil, & vn gouuernement,  
mais ils ne se peurent accorder en plusieurs  
iours par ce q̃ Valuoa y vouloit aller, & tous l'em-  
peschoient, aucuns pour la peur qu'ils auoient des  
Indiens, autres pour la peur aussi de celuy, qui luy  
succederait. Finalement ils esleurent Iean de Qui-  
zedo officier du Roy, qui auoit là sa femme qui es-  
toit vn gaige assez responible pour les asseurer  
de son retour, & considerans qu'il auroit plus gran-  
de autorité enuers le Roy, & qu'il seroit pluſtoſt  
creu, ils luy donnerent pour compagnee Roderic  
de Colmenares, qui auoit esté tousiours capitaine  
aux guerres, & entreprinſes qu'on auoit faictes en  
ce pays. Ces deux procureurs partirent de Darien  
en Septembre l'an 1512. en vn brigantin avec la re-  
lation de tout ce, qui auoit esté fait, portés de l'or,  
& ioyaux, pour demander au Roy renfort de mille  
hommes pour descouurir, & peupler la mer de Mi-  
dy, si d'aduéture Valdiuia n'estoit arriué à la court.

*Le descouurement de la mer de Midy. Chap. 62.*

**V**asco Nugnez de Valuoa estoit homme, qui ne  
pouuoit demeurer en repos, encor qu'il eust  
peu de gens, attendu le nombre que dom Charles  
Panquiacco disoit estre necessaire. Ainsi sans auoir  
esgard à ce peu d'hommes qu'il auoit se delibera

d'aller descouurer la mer de Midy, afin qu'un autre ne le preuint en telle expedition, & ne luy enleuast la benediction qu'il esperoit recepuoir d'une entreprinse si renommee. Il le faisoit aussi pour adoucir le Roy, qui estoit irrité contre luy. Il meit donc en ordre une petite carauelle, qui un peu deuant estoit arriuee de saint Dominique, & dix barques chacune faicte d'un tronc d'arbre selon l'usage des Indiens, Il s'embarqua dedans ces petits vaisseaux avec neuf vingts Espagnols d'élite, & laissant le reste bien pourueu, partit de Darien le premier iour de Septembre l'an 1513. Il s'en alla à Carata, où il laissa les barques, & autres vaisseaux, & quelques soldats pour les garder. Il print quelques Indiens pour le guider, & seruir de truchement, & se meit au chemin des montagnes, desquelles Panquiaco luy auoit parlé. Il entre au pays de Ponca, qui s'enfuit comme à l'autrefois, deux Espagnols le poursuivent avec deux autres Caretans, ils l'amenerent avec sauf conduict, estant venu, Il fait paix, & amitié avec Valua, & ses compagnons, & en signe d'affurance il donne cent dix pesans d'or en ioyaux, & en recompense il prend deux haches de fer, & des couronnes de verre, des sonettes, & autres choses de peu de valeur, lesquelles toutesfois il estimoit precieuses, il donna en outre grand nombre d'hommes, qui ont accoustumé porter la somme, & d'estre employez à trauailler, afin qu'ils ouurissent les chemins, qui sont fort estroits, & n'ont iamais esté plus larges, par ce qu'on ne contracte point avec ces Montagnars, & encore tels, & si estroicts qu'ils sont, ils n'ont esté faits que par les bestes, qui hantent



hantent en ces montaignes. Avec l'aide donc de ces gës les nostres feirët ouuerture à force de bras, & du fer à trauers les montaignes & forers, & feirrent des ponts sur les riuieres, nō sans endurer grād faim: à la fin ils arriuerent à Careca, d'oū estoit seigneur Toreccia, qui sortit dehors accompagné de beaucoup de gens assez bien armez, pour les empêcher d'entrer en son pays. Il demanda qu'ils estoient, ce qu'ils cherchoient, & où ils alloient: ayāt entendu qu'ils estoient Chrestiens, qu'ils venoient d'Espagne, qu'ils preschoient yne nouuelle religion, qu'ils cherchoient de l'or, & qu'ils alloient à la mer de Midy, il leur dit qu'il s'en retournassent d'oū ils venoient sans toucher à chose qui luy appartint sur peine de la mort, & voyant que les nostres n'en vouloient rien faire, liura le combat courageusement, mais il y fut tué avec six cens des siës: les autres s'enfuirēt tant qu'ils peurēt pensans que les arquebouzes fussent tonnerres, & que les balles fussent le coup du tōnerre: aussi estoier̃ ils estōnez de veoir tant de gens tuez en si peu de temps, les corps d'aucuns sans bras, autres sans iambes, autres fendus par le meillieu. En ceste bataille il fut prins vn frere de Torruccia en habit de fême royale, aussi, nō seulement en l'habit, mais en tout le reste du corps il estoit fême, sinon qu'il ne conceuoit point. Valuoā entre en Careca, où il ne trouue ne pain, ny or, par ce que Toruccia auāt que se presenter pour cōbatre l'auoit enuoyé to<sup>o</sup> de hors. Il trouua aucuns esclāues noirs, il demāda à ceux du pays d'oū estoient ces noirs, mais il n'ē peut autre chose sçauoir, si non qu'il y auoit là aupres des gens de

ceste couleur, avec lesquelles ils auoient ordinairement la guerre. Ce furent là les premiers noirs, qui ayent esté veuz aux Indes, & si ie croy qu'il n'en a point esté veuz d'autres. Valuoā chastia cinquante Sodomites qu'il trouua là, & les feit brûler, fessant premierement deuëinēt informē de leur peché abominable. Les voisins de ce pays ayants entendu ceste victoire, & ceste iustice, luy amenoïēt plusieurs Sodomites pour estre depeschez comme les autres: & ainsi qu'on dit, les Seigneurs, & ceux qui les suiuēt sont fort adonnez à ce vice, & non le commun peuple, ils faisoient chere aux chiens, pensans qu'ils fussent les executeurs de iustice des delinquans, à cause qu'ils les voyoient mordre. Depuis que Toruccia fust si tost vaincu, & ses gēs mis en piecēs les Espagnols n'auoient que trop d'hommes. Valuoā laissa à Careca les malades, & ceux qui estoient laz, & avec soixante, & sept, qui estoient sains, gaillards, & dispos, monta vne haute montagne, du hault de laquelle on voyoit la mer de midy, ainsi que disoient les guides. Vn peu deuant qu'arriuer en haut il commanda que son Squadron s'arrestast, & luy courut vistement en hault, pour voir le premier ceste mer que tant on desiroit. Aussi tost qu'il fut en haut il regarde vers le midi, il voit la mer, & s'agenouille à terre rendant graces à Iesus Christ de luy auoir fait ceste faueur. Il appelle ses cōpagnōs, & leur montre la mer, & leur dit: voyez amis ce que tant nous desirioīs voir, rendōs graces au seigneur Dieu, qui a gardé, & reserué pour nous tāt de bien, & chōneur, demādōs luy ceste grace de nous aider, & nous guider pour conquerir ce pays, & ce-

ste nouvelle mer que nous descouurons, qui n'a iamais esté veüe de Chrestiens, afin qu'on y presche son saint Euangile, & qu'on y espanse le baptesme: & vous autres faiçtes que soyiez tels qu'auiez accoustumez d'estre, & me suiuez: car avecques l'aide de Iesus Christ vous ferez les plus riches Espagnols, qui ayent passé en ces Indes, vous ferez plus grand seruice au Roy, qu'oncques vassal ou seigneur ne feit, & aurez l'honneur, & prix de tout ce, qui se descourira, conquestera, & conuertira à nostre sainte foy Catholique en ce quartier. Tous les Espagnols, qui estoient avec luy feirent leurs prieres, & rendirent graces à Dieu, embrasserent Valua, luy promettans de ne luy manquer. Ils ne se pouuoient contenir de ioye pour auoir descouvert ceste mer, laquelle tant auoient desirée. Et à la verité ils auoient bonne raison d'estre ioyeux, & cõtens pour estre les premiers, qui l'auoiēt decouverte, & qui par ce moyē faisoit au Roy vn seruice remarquable, pour auoir ouuert le chemin, par lequel on deuoit porter en Espagne tant d'or, & richesses comme de fait on en a depuis apporté du Peru. Les Indiens demurerent estonnez de veoir entre nos gens si grande ioye, & encor plus quand ils les veirent faire de grands monceaux de pierre qu'ils faisoient avec leur aide, en signe de la possession qu'ils prenoiēt de ce pays pour le Roy, & pour en laisser quelques marques à la posterité. Valua veit la mer de Midy le 25. iour de Septembre l'an 1513. à Midy. Il descēdit la mōtagne faisant marcher, ses gens en bō ordre, & arriua à vn lieu appartenāt à Ciape, Cacique fort riche, & homme de guerre. Il



le pria par truchement de le laisser passer en paix, & qu'il voulust luy donner des provisions, & luy dit que s'il vouloit accepter son amitié, il luy reuele-  
 roit de grands secrets, & luy feroit beaucoup de  
 graces de la part du puissant Roy d'Espagne son  
 Seigneur. Ciape respondit qu'il ne vouloit point  
 luy donner passage, ny aucuns viures, & qu'il ne se  
 soucioit de son amitié, & se mocquoit quand il  
 oyoit dire qu'on luy feroit des graces, & disoit que  
 telle offre n'estoit qu'une couleur pour en deman-  
 der d'autres, & voyant si peu d'Espagnols les me-  
 naçoit avec force brauades s'ils ne s'en retournoient  
 il sortit incontinent en campagne avec un gros es-  
 quadron bien armé, & prest à combattre. Valuo-  
 a fait deslacher les chiens, & tirer les arquebuzes, &  
 les assaut de bon courage, & en peu d'espace de  
 temps les fait fuir & les poursuit, & en prend plu-  
 sieurs, lesquels il defend aux siens de tuer, afin d'ac-  
 querir le bruit d'estre doux, & d'auoir pitié mesme  
 de ses ennemis. Les Indiens fuyoient de peur des  
 chiens, ainsi qu'ils confessoient, & principalement  
 de peur du tonnerre que faisoient les arquebuzes,  
 & de la fumee, & odeur de la poudre, qui leur ve-  
 noit au nez. Valuo- a meit en liberté quasi tous ceux  
 qu'il auoit prins en ceste bataille, & enuoya avec  
 eux deux Espagnols, & quelques carecans pour fai-  
 re venir Ciape, & luy dire que s'il venoit ils le rece-  
 ueroient pour amy, & garderoient son pays, & sa  
 personne, & s'il ne venoit qu'ils ruineroient toutes  
 ses semences & fruits, ils mettroient le feu en leurs  
 villes, & tueroient les hommes. Ciape eut peur, aus-  
 si ceux de Careca l'intimiderent luy recitans la vail-

lantise, & inhumanité des Espagnols : Cela le feit venir, & se donna au Roy d'Espagne pour vassal, & donna à Valuoà quatre cens pesans d'or en cœure, & au lieu on luy donna quelques choses qu'il estima beaucoup pour luy estre nouuelles. Valuoà demeura la iusques à ce que les Espagnols qu'il auoit laissez malades à Careca fussēt arriuez. Ils sē alla apres à la marine, qui estoit encor loing de là, il prit possession de ceste mer en la presence de Ciapē avec tesmoins, & en print acte de notaire. Ceste possession fut prinse au goulfe de saint Michel, que ainsi il nomma, par ce que ce iour estoit dedie à la feste de saint Michel.

*Comme les perles furent descouuertes au goulfe de  
saint Michel. Chap. 63.*

**N**OS Espagnols se recreerent à ceste feste de saint Michel le mieux qu'ils peurent pour solennizer d'auantage l'acte de possession. Valuoà laissa là quelques Espagnols pour asseurer le derriere, & trauersa vn grand fleuue avec neuf barques que Ciapē luy fournit, & s'en alla avec quatre vingts Espagnols, se seruant de Ciapē pour guide, à vne ville, de laquelle le seigneur s'appelloit Coquera, qui se meit en armes, & en defense, il combattit, & fut mis en fuite. Mais par le cōseil, & prieres de ceux de Ciapē, qui furent par deuers luy pour le prier de la paix, il se feit amy des nostres, & donna à Valuoà six cens cinquante Castillans d'or en ioyaux. Par le moyen de ces deux victoires les Espagnols acquirent grand bruidt en ceste coste, & voyans qu'ils auoient Ciapē, & Cōquera amis ils penserent auoir à leur deuotion tous les

voisins, de façon que Valuoá s'enhardissoit de plus en plus. Il feit emplire ses neuf barques de viures, & s'en alla avecques quatre vingt Espagnols costoyer ce goulfe, pour veoir comme estoient les riués, quelles Isles y auoit, & quels rochers. Ciápe le pria de n'entrer point en ce goulfe, par ce qu'en ceste lune, & les deux suiuanes il souloit courir de grandes tempestes, des vents forts & impetueux, qui venoient de terre à trauers ce goulfe. Mais Valuoá luy respondit que pour cela il ne laisseroit point d'étré, par ce qu'il auoit fendu des mers plus grandes, & plus enflées que celle là, & que Dieu, la foy duquel se deuoit publier par luy, l'aideroit. Il s'embarqua, & Ciápe se iecta dans le vaisseau avecques luy, affin qu'il ne fust reputé couard, & peu amy. A peine auoient ils abandonné la terre, qu'ils se trouuerent entre les vagues si hautes, & si terribles que l'on ne pouuoit manier les barques, ny reculler en arriere, ny pousser en auant ils pensoient bien tous perir. Mais Dieu voulut qu'ils arriuent en vne Isle, où ils reposerent ceste nuit: ce pendant là maree se haulsa tant que l'Isle fut presque couuerte, ce qui rendoit noz gens fort estonnez, par ce qu'en l'autre goulfe d'Vraba, & en la coste Septentrionale la mer ne croist point, où si elle croist c'est bien peu. Le matin ils voulurent decamper avecques la maree, qui s'abbaissoit desia fort, mais ils ne peurent par-ce qu'ils trouuerent les barques plaines de sablon, & autres choses, qui estoient tombees dedans. Le premier iour ils eurent grand peur de mourir en l'eau, mais à cestuy iour ils eurent plus grand peur de perir en terre,



par ce qu'ils n'auoient que manger. Mais avec ce-  
ste peur ils vuiderent les barques, raccoustrent  
auec escorce d'arbres, celles, qui estoient rompues,  
& les recalfeutrent auecques des fueilles, & puis  
allèrent prendre terre en vn lieu couuert, où com-  
parut aussi tost le seigneur de là, nommé Tumaco  
auec bon nombre d'hommes armez pour sçauoir  
quels gens c'estoient, & ce qu'ils vouloient. Valuo  
luy enuoya dire par quelques seruiteurs de Ciape,  
qu'ils estoient Espagnols, qu'ils cherchoiēt du pain  
pour mâger, & de l'or en cōtrechange d'autre cho-  
se de mēme valeur. Tumaco les voyās en petit nō-  
bre repliqua auec vne hardiesse, & les tenant desia  
comme prins, il leur liura le combat où Valuo fut  
vainqueur. Tumaco s'enfuit aussi hardiment qu'il  
auoit parlé. Quelques Espagnols, & Ciapesiens, al-  
lerēt apres luy pour le prier de s'en venir à nos bar-  
ques, & se faire amy du capitaine, luy dōnant la foy  
pour assurance, & des ostages. Il ne voulut venir,  
mais y enuoya vn sien fils, lequel Valuo vestit, &  
luy dōna de petites choses, cōme coronas, forcetes,  
sonnettes, miroirs, & luy faisant autres grandes ho-  
nestetez le pria qu'il feist venir son pere. Ce ieune  
fils s'ē retourna gay, & gaillard, & à trois iours de là  
amena son pere. Tumaco fut bien receu, & estant  
interrogué de l'or, & des perles que portoiēt quel-  
ques vns des siēs, enuoya vn peu apres six cens qua-  
torze pēsans d'or, & deux cens quarāte grosses per-  
les, & grande somme d'autres petites. Ce fut vn  
present riche, qui feist sauter plusieurs Espagnols  
d'aïse. Tumaco voyāt qu'ils le louoyent tāt, & que  
ils estoïēt si ioyeux auec ces perles, cōmanda à quel-

ques vns de ses seruiteurs d'en aller pescher: il rapportèrent douze liures de perles en peu de iours, lesquelles encore il donna à nos gens, qui furent merueilleusement estonnez de veoir tant de perles, & comme les Seigneurs en faisoient peu de cas, par ce que non seulement il les donnoient, mais encore ils les portoient attachees comme cousues à leurs aurons, ce qu'ils faisoient, à ce que ie croy, pour gentillesse, ou pour monstrier leur grandeur. Aussi, comme on a sceu depuis, le principal reuenue, & la plus grande richesse de ces Seigneurs: est la pesche des perles. Valua dict à Tumaco qu'il auoit vn pays riche, s'il sçauoit bien s'approprier de ce qui estoit en iceluy, & qu'à son retour il luy en diroit quelques bons secrets: Mais l'autre, & Ciape luy feirent responce que sa richesse n'estoit rien à comparaison de celle du Roy de Terarequi, qui est vne isle abondante en perles, qui est là aupres, que les perles estoient plus grosses qu'un œil d'homme, apres qu'elle estoient tirees de l'huitre, ou de la mere-perle laquelle estoit grosse comme vn chapeau. Les Espagnols eurent bien voulu incōtinēt passer en ce quartier là, mais craignāt vne fortune pareille à la dernière, ils le laisserēt pour le retour. Ils se desirerent de Tumaco, & vindrēt se reposer au pays de Ciape, lequel, à la priere de Valua, enuoya trente de ses vassaux pour pescher. Iceux, en la presence de sept Espagnols qui estoient allez avec eux pour veoir leur façon de pescher, tirerēt six petites pannerees d'huitres, qui estoient toutesfois petites, par ce qu'attendu qu'il n'estoit pas la saison de telle pesche, ils n'entroient gueres auāt en la mer,

& n'alloient pas au fond, où estoient les plus grosses. Ils ne peschent point, non seulement au mois de Septembre, mais ny aux autres trois suivans. Ils ne se mettent point aussi durant ce temps sur mer, par-ce que les vents, qui courent sur ceste mer, durant ces mois, sont impetueux, & les Espagnols se gardent bien de flotter par là, en tel temps, encor' qu'ils ayent de plus grâds vaisseaux. Les perles que ces Indiens tiraient, n'estoient pas plus grosses que poix, mais fines, & blanches. Aucunes de celles de Tumaco estoient noires, autres verdes, autres azurées, & d'autres iaulnes, ce qui deuoit estre par art.

*Ce que Valua fit à son retour de la mer du Midy.*

*Chap. 64.*

**V**asco Nugnez de Volua, laissa Ciapè, qui pleuroit de ce qu'il s'en alloit : il luy recommanda certains Espagnols qu'il luy laissoit, & s'en alla bien aise de tout ce qu'il auoit fait, & trouué, avec deliberation de retourner aussi tost qu'il auroit visité ses compagnons qui estoient à l'Antique de Darien, & qu'il auroit escrit au Roy de toutes ces nouvelles. Il passa vn fleuve sur des petites barquerolles, & s'en alla veoir Teoca Seigneur de ce fleuve, qui receut les Espagnols en toute allegresse, pour leur prouesse, & grand renom, & leur donna vingt liures d'or en œure, & deux ces grosses perles, qui n'estoient pas trop blanches, à cause qu'auant arracher les perles, ils mettent au feu les coquilles pour manger l'huitre, qu'ils estiment estre vn manger singulier, & meilleur que nos huitres. Il leur donna encor' force poisson salé, & des esclaves pour porter le bagage, & leur bailla vn de ses fils, pour les



mener iusques à vne ville appartenant à Pacra qui estoit vn tyran, grand seigneur, & qui estoit son enemy. Ils passerent par des montagnes, haultes, & rudes, où ils endurerent de la soif. Ceux de Teoca auoient grand peur des Tygres, & Lyons qu'ils recontroient. Pacra sentant la venue des Espagnols, s'enfuit avec tous les siens. Nos gens entrerent dedans la ville, où ils ne trouuerent pas plus de trente liures d'or en diuerfes pieces. Valuoá le feit par truchement requerir de paix & d'amitié, ce qu'il refusa plusieurs fois, ayant peur de ce qui luy aduint puis apres. A la fin il vint s'assurant qu'on vseroit de clemence en son endroict, comme on auoit fait à Tumaco, & Ciape. Il amena avec soy trois Seigneurs de ses vassaux, & apporta vn present. Pacra estoit le plus brutal, & vilain hōme, qui fut en tout le pays, grand Sodomite, & retenoit par force plusieurs femmes, filles d'autres Seigneurs, avec lesquelles il exerçoit son peché de Sodomic: en somme, ses œuures accordoient bien à sa trongne. Valuoá estant deuëment informé de telle vie, le meit prisonnier avec les trois gentilshōmes qu'il amenoit, par-ce qu'ils n'estoient pas meilleurs que luy. Aussi tost autres Seigneurs, & gentilshommes de la prouince vindrent avec riches presents veoir les Espagnols, la renommee desquels s'estédoit par tout. Ils prierent Valuoá que ce tyran fut chastié, mettans en auant mille plaintes contre luy. Valuoá le meit à la torture, puis que les menaces ne les prieres ne suffisoient, affin qu'il confessast son delict, & qu'il descouurit son thresor, & où il tiroit l'or. Il confessa son peché, & quant à l'or il dict que

les seruiteurs de son pere qui le souloient aller que-  
rir aux montaignes, estoient tous morts & & que  
luy il ne se soucioit de ce metal, comme n'en ayant  
que faire. Sur ceste responce on le donna aux  
chiens, & ses autres trois Seigneurs aussi, qui fu-  
rent incontinent mis en pieces, & apres on les  
brusla. Ce chastiment pleut fort grandement à  
tous ces Seigneurs, & aux femmes du pays, & tous  
les Indiens venoient vers Valuoà, comme au Roy  
de tous ces pays, & leur commandoit en toute li-  
berté, & comme il vouloit, Bononiamà seruit de  
beaucoup, & amena les Espagnols qui estoient de-  
meurez avec Ciapè, & dóna vingt liures d'or, qu'il  
meit entre les mains de Valuoà, luy rendant graces  
de ce qu'il auoit deliuré le pays d'un tel tyran. Val-  
uoà demeura en la ville de Pacra vn mois, & luy  
imposa le nom de to<sup>o</sup> les Saints, ou les Espagnols  
se recreerent pour mettre en oubli les trauaux pas-  
sez, se faisans d'autre part riches d'or & de perles,  
attirans à eux les Indiens. Ils eurent seulement de  
ce lieu trente liures d'or. De Tous-les-Saints  
Valuoà chemina longuement par vn pays sterile,  
desert, & marescageux, passant trois iours avec-  
ques peine & trauail : en fin ayant la faute de pain  
arriua à vn lieu du Cacique Bucquebucà, qu'il trou-  
ua desert, & sans viures. Il enuoya vn truchement  
pour chercher le Seigneur & luy dire qu'il vint sans  
peur, & qu'il seroit receu comme amy. Buquebu-  
cà feit responce qu'il ne s'en estoit point fuy pour  
peur qu'il eust : mais de honte seulement, n'ayant  
le moyen de receuoir & traicter si grans persona-  
ges : & que pour ceste cause on luy pardonast, &

qu'en signe de tout deuoir, & obeissance, il prioit d'accepter telles pieces d'or, qui estoient des vases dextrement elabourez: ils eussent mieùx aymé du pain, que de l'or. Ils passerent chemin cherchans du pain pour manger, & en passant, ils veirent à la tra- uerse certains Indiens, crians: ils attendirent pour veoir ce qu'ils vouloient, & quels gens c'estoient. Aussi tost qu'ils furent arriuez ils saluerent le Cap- itaine Valua, & dirent, selon que le truchement rapportoit: Nostre Roy Corizo, ô hommes de Dieu, nous a enuoyé pour vous saluer de sa part, ayant entendu combien vous estes courageux, & inuin- cibles, & comme vous chastiez les meschâs: & vous mande qu'il eust esté bien aisé si vous eussiez peu prendre vostre chemin par son Royaume, pour luy faire quelque seruice en son Palais, & aussi qu'il auoit bonne enuie de veoir vos barbes, & la façon de vos vestemens. Mais puis que maintenant il ne vous est pas possible, attendu que vous auez desia laissé son Royaume derriere vous, il sera trescon- tent de sçauoir que pour le moins vous le receuiez pour vostre amy, s'offrant à vous pour tel: en signe dequoy il vous enuoye ces trente plats d'or fin: & en outre vous offre tout ce qu'il y a de reste en sa maison, s'il vous plaist y aller. Il vous veut bié aussi faire entendre, qu'il a vn voisin, grand & riche Sei- gneur, qui est son ennemy, qui tous les ans luy cour sus, brulle, & pille tout son pays, ayant bonne espe- rance que contre iceluy vous pourriez monstrier la rigueur de vostre iustice, & la force de vos bras, si vous vouliez luy donner secours & ayde: & en ce faisant vous vous enrichiriez, & nostre Roy seroit



mis en liberté. Les Espagnols eurent grand plaisir de veoir ces Messagers nuds, parler si bié, & de voir les courtoisies & gracieusetez, desquelles ils auoient vûé en presentant ces plats d'or. Le Capitaine Valuoá respondit qu'il acceptoit Corizo pour amy, & qu'il l'auoit tousiours reputé pour tel, qu'il luy des- plaísoit grandement de ce que pour le present il ne pouuoit s'acheminer vers luy, pour le voir, & pour donner quelque remede aux ennuiz que son ennemy luy caúsoit : mais qu'il luy promettoit, si Dieu luy donnoit santé, de faire en brief ce qu'il demandoit, amenât avec soy plus gráde compagnee d'hómes, & que pour ceste heure il luy pardonnast s'il ne pouuoit luy donner secours, & que pour me- moire de l'amitié qui estoit entr'eux deux il print ces trois haches de fer, & autres petites choses de verre, de laine, & de cuir. Les Indiens s'en allerent bien ioyeux avec tels presens. Les Espagnols n'estoyent pas moins contens avec leurs plats d'or, qui pesoient quatorze liures. De là nos gens s'en allerent à la ville de Pocorosa, où ils'eurent suffi- samment à manger, & encor' en eurent pour por- ter par le chemin. Valuoá print l'amitié de Poco- rosa : & pour quinze liures d'or, & certain nombre d'esclaués, il dóna en eschänge quelque petite mer- cerie. Il laissa avec ce Seigneur quelques Espagnols malades & debiles, par- ce qu'il deuoit passer par le pays de Tumanama, de la vaillantise, & richesse duquel Dom Charles Panquiaco luy auoit faict grand recit, & adressa sa parolle aux soixante au- tres, qui estoient sains, & dispos, leur donnant cou- rage de s'acheminer, & de combattre valheureuse-

ment en la guerre qu'on deuoit attēdre de ce pays. Tous les soldats feirent responce qu'il ne se souciast de rien, qu'il marchast seulement, & il verroit ce qu'ils feroient. Ils marcherēt par deux iours serrez, & par sentiers cachez, affin de n'estre aperceuz, ayants des guides que Pocorosa auoit fourny. Ils assaillirent sur la mi-nuiēt la maison de Tumanama, le prindrent prisonnier avec deux bardaches, & quatre vingts femmes, qui luy seruoient à deux endroits. Ils peurent aisément faire ceste executiō, par-ce qu'ils estoient arriuez secrettement sans estre descouverts, & aussi par ce que toutes les maisons de la ville estoient separees les vnes des autres, tellement qu'on pouuoit facilement approcher de la maison du Cacique sans que les autres en sentissent rien. Valuo le lendemain matin, eut autant, & plus de plainctes de Tumanama, qu'il auoit eu de Pacra, aussi estoit il inhumain, & vſant du peché contre nature, comme l'autre: mais non pas si publiquement: Il auoit hommes, & femmes, se seruāt autāt des vns, comme des autres. Valuo le reprit asprement, & le menaça cruellement, luy faisant demonstration de le vouloir noyer dās la riuere: mais ce n'estoit que feincte pour contenter les complaignans, & enleuer le thresor qu'il auoit, par-ce qu'il l'aymoit mieux vif, & amy, que mort. Tumanama toutefois se tenoit constant, & ne vouloit descourir son thresor, ny declarer le lieu où estoient ses mines, où par-ce qu'il n'en ſçauoit rien luy meſme, ou de peur qu'ō luy ostast son pays à cause d'icelles & si estoit ioyeux, & facetieux, faisant à croire d'autres choses à Valuo, & à tous, & leur donna enui-

son cent liures d'or en ioyaux, & tasses. Ce pendant les Espagnols qui estoient demeurez avec Pocorosi arriuerent, & là celebrerent tous ensemble la feste de Noël, en toute allegresse. Puis s'escarterent ça & là, pour veoir s'ils ne trouueroient point quelques marques ou vestiges de mines. Ils remarquerent en vne montaigne quelque apparence de mine d'or: ils feirent vne fosse creusée de deux paulmes, & passerent la terre, parmy laquelle ils trouuerent de petits grains d'or menus comme l'étilles, ils feirent le mesme essay en vn autre costé & en recuillerent de l'or. Cela non seulement les resiouit grandement, mais aussi les estonna de ce que avec si peu de trauail on trouuoit ce metal. En somme ils trouuerēt Panquiaco veritable en tout, excepté que Tumanama estoit du de deça les monts, & non de là comme il auoit dict. Tumanama donna vn de ses fils à Valuo, afin qu'il fut nourry entre les Espagnols, & qu'il apprist leurs coustumes, leur langage, leur religion, & pour se maintenir tousiours en leur amitié. Aucuns disent que les Espagnols enleuerent de ce pays par force grande quantité d'or, & des femmes, & s'en vinrent à Comagre. Les Indiens portoient Valuo sur leurs espauls, par-ce qu'il estoit malade de fièvre. Ils portoient aussi les autres Espagnols malades. En fin ils arriuerent au pays duquel dom Charles Panquiaco estoit seigneur, qui leur dōna toutes sortes de prouisions, & à la departie leur donna encor' vingt liures d'or en ioyaux de femmes, de là ils repasserent par chez Ponca, & entrerēt en l'Antique de Darien le 19. de Ianuier 1514.



**V**asco Nugnez de Valuoā fut receu avec les processions en toute ioye pour auoir descouuert la mer de Midy, d'où il apportoit si grande quantité d'or, & de perles. Il fut aussi bien aise de ce qu'il trouua en ceste ville les Espagnols en bon poinct, bienournys de viures, & accreuz de nombre, par ce qu'au bruiet de ce descouurement il venoit tous les iours gens de S. Dominique en ceste ville. Il employa quatre moys & demy à aller & venir, & executer tout ce que i'ay recité sommairement cy dessus. Il endura des trauaux & la faim le pressa plusieurs foys. Il rapporta, sans les perles, plus de cent mille Castillans d'or fin, avec esperance d'en rapporter bien plus grande richesse, si Dieu luy donnoit la grace d'y retourner, demeurant ce pendant pour telle aduenture fort content de son voyage, & courageux au possible pour y retourner. Il laissa plusieurs seigneurs, & villes en la grace & seruice du Roy, qui ne fut pas peu de chose. Il ne perdit pas vn de ses gens pour quelque bataille qu'il ayt eue, encor' qu'il en ayt donné beaucoup, lesquelles il a toutes emportees, & si iamais il ne fut blecé : Ce que luy mesme estimoit à grand miracle : on rapportoit ceste grace aux prieres, & veuz qu'il faisoit iournellement. Quand aux peuples qu'il a descouverts ils se tenoient nuds, exceptez les seigneurs, les courtisans, & les femmes. Ils mangent peu, ils ne boient que de l'eau, encor' qu'ils ayent du vin (qui n'est pas toutesfois de vigne) ils ne s'aydent point de tables, ny de nappes, ou seruiettes

niettes pour manger, & s'essuyer,, excepté le Roy, tous les autres s'essuyent les doigts à la plante de leurs pieds, ou à leurs cuisses, voire aux bourses de leurs testimoings, & quelquesfoys à vne piece de corré. Ils sont au reste fort nets, par ce que par iour ils se baignent souuent, ils sont fort subiects à la paillardise, & sont Sodomites publiques. Le pays est pauvre en prouisiôs, mais riche en or, ce qui fut cause de luy donner le nom de Castille de l'Or. Ils recueillent deux, & trois foys l'an du mayz, aussi n'en gardent-ils point en leurs greniers. Valuo, apres qu'il eut mis à part le quint, qui appartenoit au Roy, departit entre ses compagnons l'or, qu'il auoit apporté. Chascun en eut beaucoup, mesme le chien Leoncillo, fils du Chien Vezerrillo, qui fut tué à Boriquen, & qui gaignoit plus qu'un arquebuser, eut pour son butin plus de cinq cés Castillás d'or, il appartenoit à Valuo, il meritoit bien cela, selon qu'il combattoit les Indies. Valuo despescha apres vn nauire pour enuoyer Arbolancia de Viluo en Espagne avec lettres au Roy, & à ceux qui auoient la superintendence sur le gouuernement des Indes, adioustât vne longue narratiô de tout ce qu'il auoit fait. Il enuoya aussi vingtmil Castillans d'or pour le quint du Roy, & deux cens grosses perles fines. Il enuoya quât & quât des plus grosses coquilles, à fin qu'on veid en Espagne d'où on tiroit les perles: Il enuoya aussi la peau d'un tygre masse remplie de paille pour monstrier la cruauté d'aucuns animaux de ce pays. Ceux de l'Antique auoient prins ceste beste en vne fosse, qu'ils auoient faite sur le chemin, par où ell'auoit accoustumé

de passer, n'ayans autre astuce pour la prendre, elle auoit mangé plusieurs porcs dedans la ville, vaches moutons, iuments, & mesme les chiens, qui gardoient les troupeaux. En fin elle tomba en ce piege, elle iettoit des cris, & hurlemens espouuentables, elle brisoit avec les pattes, & avec les dents autant de picques, & autres bastons qu'on luy tiroit, elle fut ruce d'un coup d'arcbouze. Ils l'escorcherent, & puis la magerent, ie ne sçay si ce fut par necessité, ou par friandise, la chair sembloit à celle de vache, & estoit de bon goust. Ils suiuirent la trace pour sçauoir où elle auoit accoustumé de se retirer: ils trouuerent deux petits faons sans la mere, ils les attacherent avec deux chaisnes par le col, & les laisserét là à fin que la mere les nourrist, & qu'après qu'ils seroient plus grands, ils les enuoiasent au Roy. Mais quand ils retournerét pour les prendre, ils ne trouuerent que les chaisnes entieres, ce qui les estonna, par ce qu'il estoit impossible de les oster de leurs testes sans les rompre, & estoit incredible que la mere eust mis en pieces ses petits. Le Roy Catholique eut grand plaisir de veoir ces lettres, ce present & son quint, & d'entendre le recit du descouurement de la mer de Midy, laquelle il desiroit tant: & pour recompése il reuqua l'arrest donné contre Valuoá, & le feit Adelantado de ceste mer.

*La mort de Valuoá. Chap. 66.*

**L**E Roy Catholique dom Ferdinand feit gouverneur de Castille de l'or Pedrarias de Auilla, qui auoit esté escrimeur natif de Segouie, avec le consentement du conseil des Indes, par ce que les



Espagnols de Darien demandoient iustice, & si vouloient auoir vn Capitaine, qui fust pourueu de ceste charge & en eust lettres du Roy: Il estoit aussi necessaire de peupler, & conuertir ce pays. Valuoia estoit pour lors mal renommé, & mal voulu pour les informations, & plaintes du docteur Enciso, encor' que Zamudio Procureur de Darien le defendist le mieux qu'il peut. Ils n'appetoient point aussi en Espagne ces pays de Veragua, & d'Vraba, par ce qu'en iceux ils estoient morts plus de mil cinq cens Espagnols, qui y estoient allez sous la charge de Diego de Niquefa, d'Alphonse de Hojeda, de Martin Fernandez de Enciso, de Roderic de Colmenares, & d'autres: Mais par la venue & rapport de Iean de Quizedo, & du mesme Colmenares Valuoia fut grandement loué, & ce pays desiré d'un chascun, tellement qu'il y eut des principaux cheualiers de la court, qui demanderent au Roy ce gouuernement, & la conqueste, & n'eust esté Iean Roderic de Fonseca Euesque de Burgos president des Indes, le Roy l'eut osté à Pedrarias, & l'eut donné à vn autre, & est certain qu'il l'eut mis entre les mains du mesme Vasco Nugnez de Valuoia, si vn peu deuant Arbolancia fut arriué à la court. Le Roy doncques donna à Pedrarias ceste charge avec vn ample, & suffisant mandement, & lettres patentes, & luy fait bailler toutes choses necessaires pour conduire mille soldats que demandoit Valuoia, & luy commanda de garder estroitement les instructions, qui auoient esté baillees à Hojeda, & Niquefa, & sur tout entre plusieurs choses, desquelles il le chargea, il luy recommanda

la conuersion, & bon traictement des Indiens, & luy defendit de mener aucun homme, qui se meslast de la loy, afin que les proces ne prindrent racine là où il peupleroit, qu'il sommast les Indiens de paix auant que leur denoncer la guerre, qu'il dit tousiours vne bonne partie de ce qu'il voudroit faire à l'Euesque, & aux prebstres, Ieā Cabedo Cordelier predicateur du Roy, fut enuoyé pour estre Euesque de l'Antique de Darien. Ce fut le premier prelat institué en la terre ferme des Indes. Pedrarias partit de S. Lucar de Barrameda le 14. de May, 1514. avec dixsept nauires, dedans lesquels il menoit mil cinq cens Espagnols, douze cens aux despens du Roy, & troys cens qui y alloient à leurs fraiz. S'il y eust eu encor d'auantage de vaisseaux, il y en fust allé encor plus de mille, par ce qu'au bruiet de ce pays de Castille de l'Or, il couroit tant de gés qu'il n'y auoit pas place pour la moitié. Pour pilotes il menoit Iean Vespuce Florentin, & Iean Serrano, qui desia auoit esté à Carthagena, & Vraba. Il arriua sans aucune perte de ses vaisseaux à Darien le 21. de Iuin. Valua fut au deuant plus de trois mil avec tous les Espagnols chantans *Te Deum*. Il le logea en sa maison, & luy feit recit de tout ce qu'il auoit fait, de quoy Pedrarias s'esmerueilla grandement, & fut bien aise de trouuer la plus grand part du pays pacifiée, pour pouuoir plus facillemēt peupler, où bien luy sembleroit, & pour plus aisément guerroyer les autres Indiens, ayant bonne volonté de les rencontrer & faire quelques exploicts, qui le peussent recommander, comme ia auoient fait les guerres de la ville, & Royaume d'Oran, qui est en

Barbarie, où il auoit esté. Mais il ne peut si bien faire comme il s'imaginoit. Il commença à peupler à Comagre, Tumanama, & Pocorosa. Il enuoya Iean de Ayora avec quatre cens Espagnols à Comagre. Cestuy-cy pour auarice, & conuoitise de tirer d'auantage d'or traicta mal les Indiens de dom Charles Pâquiaco vassal du Roy, & amy des Espagnols, auquel on est obligé pour le descouurement de la mer de Midy, & tourmenta quelques Caciques, & feit autres cruantez, qui causerent la rébellion des Indies, & la mort de plusieurs Espagnols. Craignant d'estre reprins il s'enfuit avec ses despouilles en vn nauire, non sans la coulpe de Pedrarias, qui auoit tousiours dissimulé telles meschancetez. Gonzallo de Badajors s'en alla au Nom de Dieu, avec quatre vingts Espagnols, & de là tyra à la mer de Midy avec Louys de Mercado, où il feit ce que nous dirons quand nous parlerôs de Panama. François Vezera print le quartier du fleuue d'Auaia accompagné de cent cinquante soldats, d'où il reuint les mains à la teste comme on dict en proverbe. Le capitaine Vallejo s'en alla avec septante Espagnols à Caribana, mais il tourna bréde incontinent, ayant perdu quarante huit des siens, qui furent tuez par les Caribes archers. Barthelemy Hurtado s'en alla avec bone compagnee pour peupler à Acla, & demanda pour secours des Indiens à Carreta, qui festant faiët Chrestien, s'appelloit dom Fernand, & estoit vassal du Roy, par l'industrie, de Valuo: Ces Indiens contre droit, & raison furent depuis par ledict Barthelemy vendus pour esclauues. Gaspar de Morales mena cent cinquante compa-



gnons à la mer de Midy, comme nous dirons en lieu plus propre, & passa en l'Isle de Terarequi pour auoir des perles par eschange. Sans ceux-cy que nous auons nommez, Pedrarias en enuoya d'autres pour peupler à sainte Marthe, & en autre quartier. Les affaires du gouuerneur ne succedoiēt pas trop bien, de quoy Valuoā se mocquoit, & si encor' ne vouloit approuuer l'autorité grande qu'il se donnoit, par ce qu'il auoit la charge de la mer de Midy, & en estoit Adelantado. Pedrarias au contraire le desprisoit, abbaissant le plus qu'il pouuoit ces hauts faicts, en fin ils ne peurent se contenir qu'ils ne querellerent ensemble. L'Euesque Cabedo toutesfoys les remeit en amitié, & Valuoā espousa la fille de Pedrarias. On pensoit que ce deust estre vn moyen pour les contenir en ceste amitié, parce q̄ tous deux le debuoiēt ainsi desirer, mais vn peu apres ils se desdaignerent l'vn l'autre plus que deuant. Valuoā estoit à la mer de Midy, d'où il estoit Adelantado, avec quatre carauelles qu'il auoit faict faire, pour descouurir, & conquerir d'auantage. Pedrarias l'enuoya querir, aussi tost qu'il fut arriué à Darien, on le met prisonnier, on luy faict son proces, il est condamné, & luy coupe-on la teste, avec cinq autres compagnons. Les charges, informations estoient, selō qu'auoient iuré les tesmoings, qu'il auoient dict à ses troys cens Espagnols qu'il se despartissent de l'obeissance du gouuerneur, & qu'ils s'en allassent en lieu où ils viuiroient comme seigneurs en toute liberté, & si on leur vouloit faire desplaisir qu'ils se defenderoient. Valuoā toutesfoys nia tout cela, & en iura le contraire. Aussi la

verité est de son costé, par ce que si telles depósitos eussent esté veritables il ne se fust pas rédu prisonnier, & moins eust comparu deuant le gouuerneur encor' qu'il eust esté plus que son beau pere. On adioustoit à ses charges la mort de Diego de Niquesa avec ses soixaté soldats, l'emprisonnemēt du docteur Enciso, & en outre on luy obiectoit qu'il estoit querelleux, tumultueux, cruel, & mauuais aux Indies. Il est certain que, s'il n'y a eu autres causes secretes, il fut executé sans raison aucune: voila la fin de Vasco Nugnez de Valua, qui a decouuert la mer de Midy, d'où tant de perles, d'or, & d'argēt, & autres richesses sont venues en Espagne, qui a esté vn de ceux qui a faict grands seruices à son Roy. Il estoit de Xerez de Badajodz, noble, & yssu de parés honorables, il se feit de son autorité priuee chef de faction à Darien. Il alloit de grand cœur à la guerre, & s'y deuouoit, il fut fort aymé des soldats, qui eurent grād desplaisir à sa mort, & le regretterent puis apres non sans en auoir bon besoing. Les vieux soldats abhorroient Pedrarias, qui depuis fut reprins de sa charge en Espagne, & priué de son gouuernemēt: il est biē vray qu'il demādoit d'ē estre deschargé, mais c'estoit qu'il se voioit hors de faueur. Il peupla la ville du Nom de Dieu, & Panama, & ouurit le chemin, qui va d'vne ville à l'autre, c'est à scauoir d'vne mer à l'autre avec grād peine, & subtilité par ce q̄ ce n'estoiēt que môtaignes grādes, & hauts rochers, qui estoiēt pleins de lyōs, tygres, ours, Leopards, & d'vne si grāde quantité de cinges de diuerses façons, q̄ par leurs criz, ils rédoiēt sourds ceux, qui trauailloient à trēcher le chemin.

Ces meschantes bestes portoient d'en bas des pierres aux haults des arbres, & de là les iettoient contre ceux, qui passioient. Il y en eut vn qui rompit vne dent à vn arbalestier, mais de hazard il tomba mort auec sa pierre: car cōme il iettoit sa pierre l'arbalestier laschoit aussi sō arbaleste. S. Marie de l'Antique de Darien fut peuplée par le docteur Enciso grand preuost de Hojeda, auec le vœu qu'il feit d'y bastir, si l vainquoit Cemaco seigneur de ce fleuve. Elle se depeupla puis après par ce qu'elle estoit mal seine, humide, & si chaulde que iettant de l'eau par la place pour la ballier il s'engédroit des crappaux, & si elle estoit sterille en provisions, subiecte aux tygres, & autres animaux cruels. Les Espagnols, qui y demeuroient deuenoient tous iaulnes. Ceste couleur aduient bien à tous ceux qui demurēt en terre ferme, & au Peru, mais non pas si mauuais qu'à ceux qui demeuroient à Darien. Ce teinct leur peut aduenir pour le grand desir qu'ils ont apres l'or. D'auantage le pays de Darien n'est point commode pour y semer du grain, à raison des tempestes, & grands tas d'eaux du ciel, qui y tombent souuent noyans toutes les semences. Le tonnerre y tombe ordinairement, & brusle les maisons, & les habitans. L'Empereur Charles le quint enuoya pour estre en la place de Pedrarias Lopez de Sosa de cordube, qui pour lors estoit gouuerneur de Canarie. Cestuy mourut arriuant à Darien l'an 1520. on y enuoya apres Pierre de los Rios de Cordube, & Pedrarias s'en alla à Nicaragua. Le docteur Antoine de la Gama y alla pour estre syndic, & depuis fut enuoyé pour gouuerneur François de Barrio



Nueuo cheualier de Sturie, qui auoit esté soldat à Boricquen, & capitaine en l'Isle Espagnole contre le Cacique dom Henry. On y enuoya encor depuis le docteur Pierre Vesquez, & depuis le docteur Robles, qui rendoit iustice en toute équité, laquelle auoit esté rare deuant luy.

*Les fruiçts, & autres choses, qui sont à*

*Darien.*

*Chap. 67.*

**I**l y a des arbres fruiçtiers en grád nombre & fort bons comme Mamays Guauabanos, houos & Guaiabos. Mamay est vn tel arbre, verd comme le noyer, haut & touffu comme le cypres, il a la fucille plus lōgue que large, le boys est madré, son fruit est rond & gros, il a le goust de presse, sa chair ressemble à celle de pomme de coing, il a trois & quatre noyaux ensemble, & d'auātage, comme les pepins d'vne poyre, qui sont amers au possible. Guauabo est vn arbre gentil, & hault, son fruit est gros comme lateste d'vn homme, qui à la peau marquée en façon d'escailles douces, & lissees, & est tendre, la chair est blanche, & coriastré encorès qu'elle se fonde en la bouche comme feroit du caillé, & blāc manger: elle a bon goust, & est bonne à manger, si elle n'auoit point tant de fillets, qui donnent empeschement à macher: elle est froide, & pour ceste cause on la mange quand il faiçt grand chault, Houuo est vn arbre hault, & frais, aussi son ombre est fort plaisante pour s'y reposer. Les Indiens couchēt à son ombrage, & les Espagnols aussi. Desbourgeoïs on faiçt de l'eau odoriferante pour lauer les iambes, & pour seruir de fard: on en faiçt aussi de l'escorce, qui est propre pour reserrer les porres, la

chair, & la peau: on en fait des bains pour cet effect. Elle sert bien à ceux, qui sont lassez d'aller à pied: car en enfrottant les iambes elle oste ceste lassitude. Si on coupe la racine de cet arbre il en sort de l'eau, qui est singuliere à boire. Sô fruit est iaulne, petit, & a le noyau gros comme vn prune: mais a bien peu de chair à l'entour, il est sain, & de facile digestion, mais fascheux au dents pour les filers qu'il a. Guayabos est vn arbre plus bas que les autres, qui rend vne bonne ombre, & porte vn bô bois, il ne dure pas longuement, il a sa fucille comme celle de laurier, mais plus espaisse, & plus large, sa fleur ressemble à celle de l'orengier, ou citronnier & sent plus doux que celle de l'assemin. Il y a plusieurs sortes de Guayabos, & autant de diuersité de fruits son fruit est coustumierement comme vne passe pomme d'Espagne, les vns sont rôds, les autres non, mais tous sont verds, ils ont par dehors petites coronnes, comme les nesses, dedans ils sont blancs, ou rougeastres, ayās quatre quartiers, comme les noix, & en chasque quartier y a plusieurs grains, Quand le fruit est meur il est fort bô, mais estant verd il est fort aspre, il estrainct comme les cornes. S'il est trop meur il pert sa couleur, & saveur, & sy engendre force vers. Il y a aussi en ce pays des palmes de neuf, ou dix sortes, la plus part d'iceux rend vn fruit gros comme œufs, mais le noyau est gros, ce fruit est aspre au manger, mais au lieu ils en font du vin, qui est passable. Les Indiens font leurs piques, & fleches de palme, par ce que le bois en est si fort que sans le parer aucunement ny y mettre vn caillou esguisé au feu comme

ils ont accoustumé, il entre aisément où on veut. Il y a des palmiers, desquels le tronc ressemble à la teste d'un ongnō, estant plus gros au milieu qu'en haut, le bois en est fort tendre, & pour ceste cause le pyuerd y faict plustost son nid, le creusant avec son bec. Cet oiseau est comme un griue rayé ayant une raye verte de trauers, & une autre noire tirant un peu sur le iaulne, il a le col rouge, & quelques plumes de la queue. Les Espagnols l'appellent Carpinero, c'est à dire charpentier. Il n'est gueres differēt du pyuerd, duquel parle Plinē, qui creuse & fait son nid au tronc des arbres, & qui voyant le trou de son nid bouché apporte une certaine herbe, qui par sa vertu & propriété occulte le destoupe: autres disent que c'est le pyuerd mesme, qui a ceste vertu. Il y a aussi grāde quantité de perroquets de plusieurs sortes de grās, de petits, de verts, de bleuz, de noirs, de rouges, & de meslez: ils sont beaux à veoir, & causent assēz: ils sont bons à māger: il y a encor' des coqs tāt priuez que sauages, ils ont les crestes longues, & se changent en diuerses couleurs. Il y a des chausuefouris aussi grosses que cailles, qui mordēt asprement sur la nuit: elles tuent les coqs, si elles les mordent à la creste, & encor' dit-on que l'homme mourroit, qui en seroit mordu, le remede est de lauer la playe avec eau de mer, où y mettre le feu. Il y a grande quantité de punaises, qui portēt des ailles des lesardes d'eau, autremēt apellez cocodrilles, qui māgēt les personnes, les chiēs & toute autre chose viuāte. Il y a des porcs, q' n'ōt poīt de queues, des chas qui ont la queue grosse, & des animaux, qui ensei- gnēt à leurs petits à courir, des vaches, qui ressemblēt



en quelque chose à des mules n'ayants point l'ongle fendu, & ayās de grādes oreilles, & ainsi qu'on dict, elles ont vn long muffle comme l'elefant, elles sont grizastres, & ont la chair bonne. Il y a des leopards: & tygres: qui sont animaux cruels si on les irrite, car autrement ils sont paoureux, & pesants à courir. Les lyons n'y sont point si mauuais comme on les depeinct: plusieurs Espagnols les ont attenduz, & les ont tuez sur le champ, voire vn homme seul en à defait vn, & les Indiens en auoiet sur leurs portes les testes, & les peaux, pour monstrier leur vaillantise, & courage.

*Les coustumes de ceux de Darien. Chap. 68*

**L**Es Indiens de Darien, & de toute la coste du goulse de Vraba, & non de Dieu sont de couleur entre iaune & tanné, encor' qu'ils s'en soyent trouuez, comme nous auons dict, en Careca d'aussi noires que les habitans de Guinee. Ils sont de bōne statue, ils ont peu de barbe, & de poil hors la teste & les sourcils, spécialement les femmes. On dit qu'ils l'arrachent où les font mourir avec vne certaine herbe, & vne poudre d'animaux petis comme formiz. Ils vont tous nuds, pour le moins ils ne portent iamais rien en la teste, ils enferment leur mēbre dās vne grāde coquille de lymaçō, ou dedās vne cāne: aucūs pour brauade fōt ceste cāne d'or, & laissāt pēdre les tesmoins par dessous. Les seigneurs se couurēt de mâteaux de cotton blanc, où de couleur, à la façō des Bohemiēs. Les fēmes se cachēt de la ceinture iusques au gen ouil, & si elles fōt nobles, elles se couurēt iusqs au bas des pieds, & portēt pēdus à leurs māmelles des filers, & carcās d'or pelās

aucunes fois deux cens castillans bien ouurez, & re-  
leuez de fleurs, poissons, herbes, & autres choses, &  
encor' elles ont des pédas à leurs oreilles, & des a-  
neaux en leurs nez, & à leurs leures. Les seigneurs  
se marient avec autant de femmes qu'ils veulent, &  
les autres avec vne, ou deux, toutes fêmes leur sont  
permises pour espouser excepté la seur, la mere, & la  
fille, ils ne veulent point aussi espouser des estran-  
geres, encor' moins leurs inferieures. Ils laissent, &  
châgét, & mesme védét leurs femmes si elles ne peu-  
uent cœueoir, ils s'en abstienēt quād elles ont leurs  
mois, & quād elles sont grosses: les maris s'or ialoux  
& les fêmes bōnescōmeres. Ils ont des bordeaux pu-  
blics de fêmes, & mesme d'hōmes en plusieurs lieux  
qui se vestēt, & seruēt cōme les fêmes sans auoir au-  
cune hôte, & se meslāt de ce mestier ils s'excusēt s'ils  
veulent d'aller à la guerre. Les filles, qui sont folle  
de leurs corps, & en deuient grosses, se deschar-  
gēt de leur fardeau avec vne herbe qu'elles māgent  
sans autre chastiment, & sans honte aucune. Ces  
Indiens changent de lieu cōme les Arabes de Bār-  
barie. Ceste mutation si frequente est cause de ce  
qu'ils sont si peu. Les seigneurs vestus de leurs mā-  
teaux sont portez sur les espaules de leurs esclauēs  
cōme en vne liètiere, ils sont fort reuerez, & si trai-  
ctent mal leurs subiers, ils font la guerre à tort & à  
droict, pour accroistre leur seigneurie. Auant q̄ cō-  
mēcer la guerre ils en demādent l'auis aux prestres  
apres qu'ils sont bien eniurez, & parfumez d'vne  
certaine herbe. Les femmes vont souuent avec  
leurs maris à la guerre, & s'y employent à tirer de  
l'arc aussi bien qu'eux encor' qu'elles y aillent plu-

stor, pour les seruir, & pour plaisir que pour autre  
 chose. Tous se peignent quand ils vont à la guer-  
 re les vns de noir, les autres de rouge, les esclaves  
 sont peints depuis la bouche en haut, & les autres  
 se peindēt au contraire depuis la bouche en bas. Si  
 en cheminant ils se lassent, ils se piquent aux talons  
 avec vne lancette de pierre, où d'vne canne bien  
 pointuë, où de dents de serpens, où bien se lauent  
 d'eau faicte de l'escorce de l'arbre nommé Houo.  
 Les armes, desquelles ils vsent, sont arcs, fleches, pi-  
 ques longues de vingt palmes, dards faits de canne  
 garnies au lieu de fer de quelque pointe d'un bois  
 fort dur, où d'un os de quelque beste, où d'une es-  
 pine de poisson. Ils ont en outre des masses, & bou-  
 cliers, ils n'ont que faire de testiere, ou cabasset, par  
 ce qu'ils ont le test si fort, que l'espee rompt si on  
 leur donne dessus du tranchant: ils portent au lieu  
 pour braueté de grands pennaches. Ils ont des ta-  
 bourins pour soner l'alarme, & faire marcher leurs  
 gens en ordre, & de certaines grandes coquilles de  
 lymaçons, desquelles ils sonnent au lieu de trom-  
 pettes. Celuy, qui est blecé en la guerre est reputé  
 noble, & iouist de belles franchises. Ils n'ont point  
 d'espies entre eux pour descouurir les entreprin-  
 ses des vns des autres, à cause qu'on les tourmente  
 cruellement si d'auenture on en prend. Celuy, qui  
 est prins en guerre est marqué au visage, & luy ar-  
 rache-on vne dent de deuant. Ces Indies sont fort  
 enclins au jeu, & au larrecin, & aiment le bon réps.  
 Aucuns s'emploient à negocier, allans de ça de là  
 aux foires pour eschanger des marchādises à d'au-  
 tres: car ils n'ont point de monnoye: ils vendent les



femmes, & les enfans. Tous ceux qui demeurent sur les riuieres, où sur la mer ne font que pescher au rets, par ce qu'ils viuent par ce moyen sans grãd trauail, & ont abondance de viures. Ils nagent souuerainement bien tant les femmes que les hommes. Ils ont accoustumé de se lauer deux, ou trois fois le iour, specialement les femmes, qui frequent l'eau, autrement elles puroient comme elles mesme confessent. Les dances, 'lesquelles ils vsent sont Areytos, & leur jeu est la plotte. Leur religion depend de leurs prestres, qui sont aussi leurs medecins, qui est cause, qu'ils s'ot fort estimez, & aussi de ce qu'ils parlēt au diable. Ils croyēt qu'il y a vndieu au ciel, c'est à sçauoir le Soleil, & que la Lune est sa femme, & suiuant ceste resuerie ils adorēt ces deux planettes. Ils craignent le diable, & l'adorent & le peignent cōme il s'apparoist à eux. Pour ceste cause on le voit peint en diuerfes figures. Ce qu'ils offrent à leurs dieux est pain, parfum, fruiçt, & fleurs, ce qu'ils font en grande deuotion. Le plus grand deliçt, qui soit entr'eux est le larrecin, & est permis à vn chacun de chastier le larron, qui desrobbe du maiz, luy couppant les bras, & les luy attachant au col, ils terminēt leurs proces en trois iours, & executent leur iustice promptement. Ils enterrent generalement les morts, en aucunes villes toutesfois comme à Comagre ils dessēchent les corps de leurs Rois, & seigneurs au feu petit à petit, iusques à ce que la chair soit toute consommee, & puis les rotissent. Voila leur façon d'embaumer: ils disent que par ce moyen les corps se gardent longuement. Apres qu'ils les ont ainsi accoustrez ils les parent

de leurs plus beaux vestemens d'or, de pierreries & plumes, & les mettent aux oratoires de leurs palais appuyez contre la muraille. Il y a aujourdhuy en ce pays bien peu d'Indiens, & ce qui est resté s'est fait Chrestien. On impute la cause de leur mort aux gouuerneurs, & à la cruauté des soldats, & capitaines, & de ceux qu'on y auoit entoyez pour peupler.

## Zenu. Chap. 69.

**C**E qui s'appelle Zenu est vn fleuve, vne ville, & vn port ample, spacieux, & seur. La ville est loing de la mer 30. mil, il se fait en icelle grande traffique de sel & de poisson, & y voit on de beaux ouurages d'or, & d'argent, estans ces Indiens bons orfeures ils ouurent encore en bois, & puis le dorrent par le moyen d'une certaine herbe, ils recueillent de l'or ou ils veulent & quand il pleut beaucoup ils tendent des rets deliez en ceste riuere, & en d'autres, & quelquefois ils enleuerôt des grains d'or pur, & fin aussi gros qu'œufs. Roderic de Bastidas comme i'ay delia dit a descouuert ceste province l'an 1502. Deux ans apres Jean de la Cosa entra & l'an 1509. le docteur Enciso y alla cherchant Alphonse de Hoieda. Il meit ses gens en terre tant pour faire quelques eschanges avec les habitans, que pour recognoistre leur langage, & emporter de là quelque monstre de la richesse du pays. Aussi il se presenta grand nombre d'Indiens armez avec deux capitaines faisans contenace de vouloir combattre, mais le docteur Enciso leur feit signe de paix, & par le moyen d'un truchement que François Pizarre auoit amené d'Vraba, leur feit remon-  
strer

strer comme luy, & ses compagnons estoient Chrestiens Espagnols, gens pacifiques, comme ils auoient longuement flotte sur la mer, & qu'ils auoient difette de viures & d'or, que pour ceste cause il les prioit qu'ils luy en feissent part par eschange d'autres choses de grans pris qu'ils n'auoient point encore veuz. Ils respondirent qu'il pouuoit bié estre qu'ils estoient gens de paix, mais qu'ils n'en auoiét point la mine, qu'ils se retirassent incontinent de leur pays, par ce qu'ils ne pouuoient endurer d'estre moquez d'aucun, & moins supporter les prieres, & requestes que les estrangers ont accoustumé de faire avec leurs armes en pays estrange. Enciso repliqua de rechef qu'il ne s'en pouuoit aller si luy mesme ne parloit à eux. Ce que luy estant accordé il leur feist vn long narré, qui en somme ne tendoit qu'à leur cōuersion, & à l'exaltation de nostre foy, & pour les faire recevoir le baptesme, leur donnât cognoissance, comme il n'y auoit qu'un Dieu seul createur du ciel & de la terre, & des hommes en fin il leur recita comme le Pape vicaire de Iesus Christ en tout le monde, à qui estoient absolument re-cōmandez les ames, & la religion, auoiét donné ces pays à vn puissant Roy d'Espagne son seigneur, & qu'il en estoit venu prendre possession, qu'il ne les chasseroit point toutesfois de là s'ils vouloient se faire Chrestiens & vassaux d'un Prince si puissant, en payant seulement quelque tribut d'or tous les ans, ils feirent responce en riant qu'il trouuoient bon ce qu'il auoit dit touchant vn seul Dieu, mais toutesfois qu'ils ne vouloiét point laisser leur religion, ny en disputer, que le Pape deuoit estre



moult liberal de ce qui appartenoit à autrui, ou que c'estoit vne personne rioteuse, qui ne demandoit que dissention, puis qu'il donnoit ce qui n'estoit pas sien, & que leur Roy estoit quelque pauvre homme puis qu'il demandoit: & quant à eux qu'ils estoient bien hardis puis qu'ils menaçoient ceux qu'ils ne cognoissoient point, & que s'ils s'approchoiét pour enuahir leur pays, qu'ils mettroiét leurs testes à vn bois à la semblace de plusieurs autres leurs ennemis qu'ils monstroient avec le doigt pres leur ville. Enciso les requist encor' vne, & plusieurs fois qu'ils voulussent le recevoir avec les conditions susdictes, & en ce cas leur promettoit de ne les tuer, ny de les faire prisonniers, ny les rendre esclaves pour les vèdre. Pour abbreger ils vinrēt aux mains: il y eut deux Espagnols tuez de leurs fleches envenimees, & grand nôbre d'Indiens tuez, la ville fut saccagee, & beaucoup de prisonniers: ils trouverent par les maisons forces panniers, & corbeilles faictes de palmiers plaines de grain, des limaçons sans coquilles, des cicades, des grillons, des lāgoustes seches, & salees pour les porter par les marchās aux foires pour eschāger à autre chose, & apporter de l'or, emmener des esclaves & autres choses, desquelles ils ont necessity.

*Carthagena.*

*Chap. 70.*

**I**ean de la Cosa voisin de Sainte Marie de port Pilote de Roderic de Bastidas l'an mille cinq cents quatre, equippa quatre caravelles avecques l'ayde de Iean de Ledesme de Seuille & d'autres, ayant premierement impetré permission du Roy, luy donnant à entendre qu'il vien-

droit à bout des Caribes. S'estât ietté en mer il vint aborder à Carthagena, où, comme ie croy, il trouua le capitaine Loys Guerra. Eux deux ioints ensemble feirent la guerre aux Indîes Caribes, & leur feirent tout le mal qu'ils peurent. Ils assaillirent l'Isle de Codego, qui est vis à vis du port, & prindrent six cens personnes, ils coururent la coste, pensants trouuer de l'or, & puis entrerent au goulfe d'Vraba, où Iean de la Cosa trouua de l'or en vn certain lieu sablonneux: ce fut le premier or, qui ait esté présenté au Roy de ce pays. Ils auoient leurs vaisseaux remplis de ces habitans, ils tournerent la prouë, & s'en retournerent à S. Dominique parce qu'ils ne trouuoient que chāger, & encor' moins à manger. Alfonso d'Hojeda fut en ce pais par deux fois, à la derniere ils luy tuerent septâte Espagnols, Pierre d'Heredia natif de Madril l'an 1532. passa à Carthagena en estât fait gouuerneur, & mena avec soy cent soldats, & quarante cheuaux en trois carauelles estant bien garny d'artillerie, & fourny de viures, & autres munitiōs. Il despeupla, defeit, & tua ces Caribes, & ne perdit que deux Espagnols. Durant son gouuernement il eut des enuieux, qui luy meirent à sus quelques choses, pour lesquelles luy, & son frere furent menez prisonniers en Espagne, & furent quelques annees suiuans en grād peine, & trauail le conseil des Indes à Valladolid, Madril, & Aranda de Duero. Les premiers, qui descouurirēt ceste Prouince luy imposèrent ce nom, par ce qu'il le a vne Isle à l'entree du port comme, à la ville de Carthage, qui est en Espagne. Ceste Isle s'appelle Codego, elle a enlōgueur six mil, & en largeur deux

elle estoit peuplee de pescheurs, au temps que les capitaines Christofle, & Louys Guerra, & Iean de la Cosa l'assaillirent. Les homes, & femmes de ceste Prouince sont plus dispos, & allegres, & mieux formez, que ceux qui habitent les Isles. Ils vont aussi nuds qu'ils sont sortis du ventre de leur mere : les femmes toutefois se couvrent leur nature d'un drap-pieu de coton. Elles portent leurs cheveux longs, & ont des pendans à leurs oreilles, & portent des anneaux au poulce, & à l'orteil, & se percent le nez, où ils mettent à trauers vne petite verge d'or dessus leurs mamelles elle mettent certaine placque d'or. Les homes se coupent les cheveux au dessus des oreilles : ils ne leur vient point de poil au menton, encor qu'il y ait aucuns lieux on voye homme barbus. Ils sont vaillans & belliqueux : ils s'aident dextrement de l'arc, ils tirent tousiours contre leur ennemy de fleches veneneuses, & aussi quand ils sont à la chasse. La femme combat aussi bien que l'home. Le docteur Enciso en print vne, qui n'estoit aagée que de vingt ans, & auoit tué vingt huit Chrestiens. En Cimitao les femmes vont à la guerre avec le fuseau, & la quenouille. Ils mangent leurs ennemis qu'ils tuent, & encor y en a, qui achètent des esclaves pour les manger. Ils enterrent avec les corps force or, plumes, & autres choses de grand pris. Il s'est trouué du temps du gouuerneur Pierre d'Heredia vn sepulchre dedans lequel y auoit vingt cinq mille pesans d'or. Il y a en ce pays grande quantité de bronze, il n'y a pas tant d'or, & celui qui y est, est apporté des autres pays par eschange d'autres choses. Tous les Indiens, qui sont au iourd'huy Chrestiens, & ont un Euesque.



**R**Oderic de Bastidas descourit Saincte Marthe & en fut gouuerneur : Il y alla l'an 1524 . Il la peupla , & conquesta quasi toute auec la perte de sa vie , pour telle occasion : Les soldats s'irriterent contre luy à Taibo , ville riché , de ce qu'il ne leur vouloit permettre de la saccager , & emporter le butin : murmurans contre luy & se mal-contentés , comme s'il eust voulu plus de bien aux Indières , qu'à eux . Sur-cela , Pierre de Ville-forte , natif d'Ecija , lequel Bastidas s'efforçoit d'aduâcer , & l'honoroit tât que de luy descourir ses secrets , & s'asseurer sur luy de tout son bien : deuint tellement ambitieux , qu'il s'imaginoit , que Bastidas estât mort , il demeu-  
reroit gouuerneur , puis que ja il auoit entre les mains les affaires , tant de la guerre , que de iustice , puis les gouttes , & autres maux , qui enuironnoient la personne de Bastidas , l'asseuroient d'auantage en son entreprise . Suiuant telles meschantes pensées , & trahisons si detestables , il tente quelque soldats , & les trouuant prests à suiure sa volonté il propose de tuer Bastidas . Il dresse sa coniuration avec cinquante Espagnols , entre lesquels les principaux estoient Montefinos de Lebrixa , Montaluo de Guadajara , & vn nommé Porras . Vne nuit il s'en alla auec iceux en la maison du gouuerneur , & luy donna cinq coups de poignart , en son liêt comme il dormoit , desquels coups il mourut sur le champ . Depuis les Adelantades Dom Pierre de Lugo , & son fils Alphonse furent gouuerneurs , & s'y porterent , non sans estre notez de grande auarice . Alphonse de Hojeda beaucoup deuant

qu'il allast à Vraba pacifia le Cacique Iaharo, lequel  
 avoit esté pillé par Christofle Guerra, qui depuis  
 fut tué par les Indiens. Comme Pedrarias d'Anila  
 s'en alloit à son gouvernement de Darien il voulut  
 prendre ce port de S. Marthe, & se saisir de la ville.  
 Et pour cet effect il feir, approcher ses nauires de  
 terre pour assurer ses gens, qui dedans les barques  
 failloient en terre. Il accourut aussi tost grand nō-  
 bre d'Indiens sur la greue avec leurs armes pour  
 defendre leur pays, par-ce qu'ils estoient ja ani-  
 mez contre tels vaisseaux, ou bien, par-ce qu'ils  
 estoient afriandez au goust de la chair des Chre-  
 stiens. Ils commencerent à desbander leurs arcs,  
 ietter pierres, & lancer leurs dards contre les nau-  
 ires, & s'enflamberent si fort en ceste meslee, qu'ils  
 se iettoient dedans l'eau iusques à la ceinture,  
 poursuiuans les nostres, & plusieurs en nageant  
 deschargeoient leurs trouffes, à force de tirer, tant  
 estoit grād leur courage. Les nostres mettoient rou-  
 te peine pour se sauuer de ces fleches enuenimees,  
 & ne sceurēt si bien faire, qu'il n'y en eut deux ble-  
 cez, qui depuis en moururēt. Ils tirerēt l'artillerie cō-  
 tre ces Indiēs, qui en eurent plus grād peur, qu'ils n'e-  
 receurēt dōmage: ils pēsoient que de ces vaisseaux  
 sortissent des tōnerres, & esclairs sēblables à ceux  
 que nous oïōs en l'air par-my les nuës. Lavailłati-  
 se de ses Indiēs estoit si grāde, que Pedrarias ne sca-  
 uoit que faire, & tint cōseil pour sçauoir s'il estoit  
 bō sortir en terre, ou se retirer en la mer: il y eut di-  
 uerses opiniōs: en fin, la hōte hōneste eut plus de-  
 pouuoit, q̄ la sage peur. Ils sortirēt, dōc, to<sup>r</sup> enterre,  
 & chasserēt to<sup>r</sup> les Indiēs de la marine, & aussi tost

gagnerent la ville d'où ils enleuerent force bien, or, & des enfans, & des femmes. Aupres de Sainte Marthe est Gayra, où il fut tue à Roderic de Colmenares cinquante cinq Espagnols. Il y a à Sainte Marthe grãde quãtité d'or, & de bronze, que les Indiens dorent avec le ius d'une herbe, duquel ils l'e frottent, & puis leschét au feu, & tant plus qu'ils le frottent, tant plus prent-il de couleur, & deuiét si beau, que beaucoup d'Espagnols en ont esté au commencement trompez, On y trouue aussi de l'ambre, du iaspe, des Calcidoines, des saphirs, des esmeraudes, & des perles: La terre est fertile, & est aqueuse: Le maiz, la iuca, les battatas, & axies, y multipliét à foison. La yuca, qui est és Isles de Cuba, Hayti, & autres, est mortelle estât cruë, & en ce pays elle est saine: Ils la mangét cruë, rostie, bouillie en pots, & en quelle façon qu'on la voudra accoustre, elle est de bon goust: On la plante, & ne se seme point: pour la planter, on fait certains monceaux de terre assez grãds, & puis on les trêche cõme si on vouloit plâter de la vigne, en chascun monceau on fiche vn brin de ceste herbe, iusqs à la moitié. Ce plâtaz estât prins tout ce q la terre couure, deuiét cõme les raues de Galice, il croist comme vn ftade, ou peu mois: la cãne est massiue grosse & noueuse, elle tire sur la couleur cédree, la fueille est verde, & ressemble à celle de chanure: il y a de la peine à la semer, & à la nettoyer: mais aussi elle est seure, attédu que le fruiet cõsiste en la racine. Elle met vn an à venir à maturité, si on la laisse deux ans en terre elle est meilleure. Les axies, & battatas sont quasi vne mesme chose au goust, encor q les battatas se-



blent plus douces, & delicates. On plante les battatas comme la yuca, mais elles ne croissent pas ainsi, parce que la tige ne sort pas plus haut de terre, que la couleuree. & iette ses fueilles semblables au lierre. Il les faut attendre six mois pour les auoir bonnes, elles ont le goust de chastaignes accoustrees avec du sucre, ou bien de machepain. Le mestier à quoy ceux de ce pays s'employent le plus, est à pescher avec les rers, & de teistre de la toille de cotton, sur laquelle ils agencent des plumes fort proprement à l'occasion de ces deux mestiers, il se faisoit de grandes foires: Ils s'estudient d'auoir leurs maisons bien en ordre, & bien parees de nattes faites de ioucs, ou de palmes teinctes, ou peintes: Ils ont aussi des tapisseries de corro releuees d'or, & de petites perles, de quoy s'esmerueilloient fort les Espagnols. Ils pendent au haut de leurs lits, des coquilles de limaçons marins, pour les sonner s'ils ont besoin de quelque chose. Ces coquilles sont de plusieurs façons, & belles à voir, elles sont grandes, & plus reluisantes, & fines que la nacre de perles. Les habitans de ce pays sont tous nuds, ils cachent seulement leur membre dedans vne petite gourde: ou bien, portoient de petits chiens faits d'or, dedans lesquels ils l'enfermoient, & les femmes se ceignent certains panneaux. Les Dames portent en leurs testes des diademes hauts, faits de plumes, qui pendent sur les espauls, & iusques au meillieu du corps. Il les fait beau veoir avec cest accoustrement, & semblent plus grandes qu'elles ne sont, aussi sont elles belles, & bien disposees. Les Indiennes en general ne sont pas plus petites que nos femmes, mais

elles le semblent, par ce quelles ne portent point des mules hautes, comme la paulme de la main, comme font les nostres, encor' moins des fouliers ou escarpins. Il y a de l'esprit, & de l'art à faire leurs diamans, les plumes sont de tant de couleurs, & si vives, qu'ils esblouissent la veüe. Il y a beaucoup d'hommes, qui vestent des camisoles estroictes, & courtes, ayans les manches courtes. Ils ceignent par dessus des mantilles plissées, qui traînent iusques à leurs talôs, & lient sur leur poitrine de petits oreillers. Ils sont grands sodomites, & si sont gorre de ce vice, par-ce qu'aux colliers qu'ils portent à leurs cols, comme nous faisons des chaines, ils y figurēt en bosse le Dieu Priapus, & deux hommes l'un sur l'autre: il y a telle piece, où ils fōt ces belles figures, qui poise trente Castillans d'or. En Zamba que les Indiens appellent autrement, Nao, & en Gayra, les Sodomites laissent venir leurs cheveux, & se couurent les parties honteuses comme les femmes, & les autres portent leurs cheveux faict en corone, & pour ceste cause on les appelle coronnez. Les filles, qui gardent virginité, frequentent fort la guerre avec l'arc, & les fleches: elles vont seules à la chasse, & peuuent sans craincte d'aucune peine, tuer celuy qui la vouldroit requerrir de son honneur. Ils prenoient les enfans de leurs ennemis, par-ce qu'ils estoient plus tendres à manger. Ceux de ce pays sont Caribes: ils mangent chair fraiche & sale: ils attachent aux portes de leurs maisons les testes de ceux, qu'ils sacrifient & tuent, & en portent les dērs pendues au col, pour plus grande brauade: aussi à la verité, ils sont gens belliqueux au possible, & cruels

de meſme : Au lieu de fer , ils mettent à leurs fleſches vn os d'vn poiſſon nommé Raggia, qui de ſa nature eſt plein de meſchant venin , & l'oiſignent avec du ius de pommes veneneuſes, & avec vne autre herbe mixtionnee parmy d'autres drogues. Ces pommes ſont de la groſſeur , & de la couleur de coings, ſi vn homme, ou vn chien, ou quelque beſte que ce ſoit , en mange , il deuiet tout en vers, leſquels croiſſent , & ſ'engendrent en ſon corps en peu de temps , & rongét toutes les parties interieures ſans aucun remede . L'arbre qui les produit eſt aſſez hault, & fort commun, ſon ombre eſt ſi peſtilentieuſe , qu'auiſſi toſt elle engédre vne douleur de teſte à celuy qui ſe met deſſous , & ſ'il y reſoſe quelque temps la veuë luy vient trouble , & ſ'il y dort il pert la clarté. Les Eſpagnols , qui eſtoient blecez de telles fleſches, mouroient, & encor' enrageoient auant que mourir, n'y pouuans trouuer remede aucun , aucuns toutesſois guariſſoient , applicans ſur la playe , le feu, & de l'eauë de mer. Les Indiens ont vne autre herbe, de la racine d'icelle ils expriment le ius, duquel ils ſe ſeruent contre ceſte meſchante drogue , & contre ces pommes, faiſans par le moyen d'iceluy reuenir la veuë, & guarir tout le mal , qui aduiet aux yeux : Ceſte herbe cy eſt en Carthagena. On dit que c'eſt l'herbe nommee Hyperbaton, avec laquelle Alexādre le grand guarit Ptolemee, & n'y a pas long temps qu'elle eſt cogneuë en Catalongne, par l'induftrie d'vn eſclau mort, & l'appellent Eſcorze noire.

*Comme on deſcouurit les eſmerandes*

*Chap. 72.*



**P**our aller à la nouuelle Granade, il faut entrer par le fleuve qu'on appelle Grand, bien auant iusques à quarante mil de S. Marthe. Or comme le Docteur Gonzale Ximenez estoit Lieutenant de l'Adelantado dom Pierre de Lugo, gouuerneur de ceste prouince, il s'en alla par ce fleuve tyrant contremont pour descouurir pays, & pour conquerir vne ville qu'il nomma S. Gregoire, où on luy donna quelques esmeraudes, il demanda d'où ils les auoient, & ayant entédu quelques enseignes où on les trouuoit, il monta encor' plus auant par ceste riuere, & estant à la valee des Alcazares, il trouua le Roy Bogota, hōme d'esprit, qui pour chasser de son Royaume les Espagnols les voyant auares, & audacieux, donna au Docteur Ximenez plusieurs ourages d'or, & luy dict que les esmeraudes, qu'il cherchoit, estoient au pays de Tunja. Ce Roy Bogota auoit quatre cens femmes, & vn chascū de ses subiects en pouuoit auoir autāt qu'il vouloit, pourueu qu'elles ne fussent point parentes: toutes ces femmes s'accordoient bien, qui n'estoit pas peu de chose. Bogota estoit fort reueré, il faillloit, quand on parloit à luy, tourner les espaules de peur de le veoir en la face, & quand il crachoit, les principaux de sa court, qui estoient à l'entour de luy, se iettoient à genoulx pour recueillir sa saluie en vne touaille de cotton blanche, à fin qu'elle ne cheust point en terre, qui est vne ceremonie de grand Prince. Ces habitās sont plus affectiōnez à la paix qu'à la guerre, encor' qu'en ce tēps là, ils eussent souuēt la guerre avec les Pāces. Ils n'vſent point de ceste herbe veneneuse, de laquelle les Caribes frottēt leurs fleſches,

& si ne sont gueres bien garniz d'armes. Deuant que commencer la guerre ils font des expiations grandes, & demandent à leur Idoles & Dieux récompence du succez, qui en aduiendra. Ils dressent leur armee en plusieurs bataillōs pour combattre plus d'une fois. Ils gardent les testes de ceux qu'ils font prisonniers : ils sont grands idolatres, & dressent leur idolatrie dans les bois, ils adorent le Soleil. Sur toutes autres choses, ils sacrifient des oyseaux, ils bruslent des esmeraudes, & parfumēt leurs idoles d'herbes. Ils ont des oracles, ausquels ils demādent cōseil pour les guerres, pour les maladies, mariages, & autres choses scēblables. Ceux qui ont la charge de demāder ce conseil s'appliquent sur les ioinctures de leurs corps, des herbes qu'ils appellent Iop, & Osca, & en font aussi de la fumee qu'ils reçoieēt par le nez, & la bouche. Tous ieusnent deux mois l'an, cōme on fait par de-ça vn Carefme, & durant ceste diete, ils ne leur est permis de s'accoster d'aucune femme, ne manger du sel. Ils ont certaines maisons, comme monasteres, où on enferme par quelques annees les ieunes garçons, & les petites filles. Ils chastient seuerement les offenses publiques, comme le larrecin, l'assassinat, & la sodomie: ils couppent les oreilles, le nez, aux malfaicteurs, & les pendent : aux nobles on coupe les cheueux pour chastiment, ou on leur rompt les māches de leurs robes peinctes qu'ils ceignent. Les femmes portent sur leurs testes des couronnes de fleurs, & les Gentil-hommes des coiffes faictes en façō de rets: ils portent aux oreilles des pendans, & autres

ioyaux en plusieurs endroits du corps, & faut que tous demeurent en ces maisons faictes en monasteres, deuant que d'estre mariez: les freres, & nepeueuz sont heritiers, & non les enfans: on enterre les Rois, & principaux du pays, en sepultures toutes enrichies d'or. Le Docteur Ximenez estant parti de Bogota, passa par le pays de Conzota, qu'il nomma la vallee du Saint Esprit, & s'en alla à Turmeque, qu'il appella la vallee de Trompette. Delà il tira à vne autre vallee sur-nommee de Saint Iean, & en leur langage Cenusucia, où il parla avecques le Seigneur Sodomondo, à qui est la mine des esmeraudes, qui n'estoit qu'à vingt & vn mil: il s'y en alla, & en tira vn bon nombre. Le mont, où est la mine de ces esmeraudes est haut, raz & pelé, sans auoir aucune herbe, ou arbruste, & est à cinq degrez de l'Equinoxial en comptant vers nous. Quand les Indiens en veulent tirer, ils font premierement force enchantemens, pour sçauoir où est la meilleure veine. Les Espagnols meirent tout en vn mouceau les esmeraudes, qu'ils auoient tirees, pour en oster le quint, qui appartenoit au Roy, & pour les departir: il s'y en trouua mille huit cens, tant grandes que petites, sans celles qui furent cachees, & ceelles. Ce fut vne richesse n'ompareille, & admirable, & ne veid-on iamais tant de pierres fines ensemble. On en a trouué beaucoup d'autres depuis en ce pays: mais ce fut là le commencement, l'honneur duquel appartient au Docteur Ximenez. Les Espagnols ont remarqué comme en ceste montagne y a vne grande benediction de Dieu d'y auoir entassé en telle richesse, & comme le pays au reste



est si sterile que les habitans sont contrains nourrir des fourmis pour leur manger, estans si simples, & idiots, de n'aller vers leurs voisins querir du pain en eschange de leurs pierres si précieuses. Ximenez encor' en son voyage qui fut fait en peu de tēps, eut trois cens mille ducats d'or, & si gagna l'amitié de plusieurs Seigneurs qui s'offrirēt d'estre subiects, & vassaux de l'Empereur, & luy faire service. Les coustumes, la religion, les habits, & armes de ceste province, qu'on appelle aujourdhuy la nouvelle Granade, sont pareilles à celles de Bogora, encor' qu'il y ayt quelque peu de difference. Les Pances, ennemys de Bogora, vsent de grands pauois legiers, & tirent de l'arc, & enuient leurs flesches comme les Caribes: ils mangent tous les hommes qu'ils prennent prisonniers apres les auoir sacrifiez pour vengeance. Depuis qu'ils ont commencé la guerre, ils ne veulent iamais ouir parler de la paix, ny d'aucun accord, & pensent que cela leur importe, & les deshonne. Les fēmes au lieu interueniēt pour ceste affaire: ils portent leurs Idoles à la guerre par deuotion, ou pour dōner courage aux combatans. Quād les Espagnols leur ostoient ces Idoles, ils pensoient au commencement que ce fust par deuotiō, mais ils ne les prenoiēt que pour-ce qu'ils estoient d'or, & pour les rompre. Ces habitans enterrent les morts avec grande quantité d'or en ourages, aussi y a on trouué des sepulchres fort riches. Le dot qu'apportent les femmes en mariage, cōsiste seulemēt en meubles, par-ce qu'elles n'ont point d'immeuble, & n'ont point d'esgard à aucune parenté. Ils portent à la guerre les hōmes morts,

qui ont esté vaillás, pour rēdre les soldats plus courageux, & pour leur donner exemple, à fin qu'ils ne fuyent point plus que ceux-cy, & qu'il s'efforcent d'empeschier que l'ennemy ne'n iouisse. Ces corps sont sans chair, ils ont seulement les os ionctz ensemble par les ioinctures. S'ils sont vaincuz, ils pleurent, & lamentent, demandans pardon au Soleil, pour l'iniuste guerre qu'ils ont encommencee. Si aussi ils vainquent leurs ennemys, ils font mille allegresses, ils sacrifient les petits enfans qu'ils prennent, ils retiennēt les femmes captiues, & tuent les hommes encor' qu'ils se rendent : ils arrachent les yeux aux Capitaines, & leurs font mille outrages: ils adorent plusieurs choses, & entre autres le Soleil, & la Lune: ils leur offrent de la terre, ayans premierement faict sur icelle plusieurs ceremonies, & tours de la main: leurs parfums sōt d'herbes, & brûlent en leurs temples de l'or, & des esmeraudes, ce qu'ils font pour vn sacrifice deuot: ils sacrifient encor' des oyseaux pour barbouiller leurs Idoles de sang. Le plus grand, & saint sacrifice est en temps de guerre, quād ils sacrifient les prisonniers, ou les esclaués qu'ils achetēt de loingtain pays: ils liēt les malfaiçteurs à deux bois par les pieds, les bras, & cheueux: ils ferōt la guerre seulemēt pour la chasse. On dit qu'il y a en ce quartier vne cōtree, où les fēmes regnēt, & cōmādēt. Pour reuerēce qu'ils portēt au Soleil, ils ne l'oseroiēt regarder, autāt en font-ils à leur Seigneur: ils reprenoient les Espagnols de ce qu'ils regardoient asseurément leurs capitaines. En vn pays qui est à 450. mil de la mer, en montant cōtre mōt la riuiera, on fait le sel de coppeaux de

palmiers, & d'vrine hōme, & sont les personnes de toutes les Indes, qui achètent, ou vendent ce qu'ils veulent, avec moindre bruiēt. C'est vn pays où la robe ne nuit point sur le dos, ny le feu pareillemēt encor qu'il soit situē pres la Zone torride. L'ā 1547 l'Empereur establist vne Rotte, ou Parlement en ceste nouuelle Granade, semblable à celuy de la vieille qui est en Espagne, y ordonnant seulement quatre auditeurs.

*Venezuela.*

*Chap. 73.*

**T**Out ce qui est depuis le Cap de la voele, iusques au goulfe de Paria, a esté descouuert par Christofle Colomb, l'an 1498. Le long de ceste coste sont situez Venezuela, Curiana, Ciribici, & Cumana, & plusieurs autres fleuues, & ports. Le premier gouuerneur, qui passa à Venezuela, fut Ambroise d'Alfinger Alemand, au nom des Belzeres, marchans fort riches, ausquels l'Empereur auoit engagé ceste contree. Il y alla l'an 1528. par le moyē des soldats qu'il auoit mené, il amassa quelques biens, veinquit grand nombre d'Indiens: mais à la fin il fut tué d'un coup de fleches enuenimee, que les Caribes luy ietterent en la gorge: & puis ses gēs vindrent à telle disette, qu'ils mangerēt leurs chiēs & trois Indiens. George de Spire, qui estoit aussi Alemand, fut son successeur l'an 1535. La Roynne Ysabelle ne vouloit point permettre qu'aucun autre que de ses vassaux passast aux Indes, sinon avec grāde importunité. Apres qu'elle fut morte le Roy Catholique permit a ses vassaux du Royaume de Arragon, d'y aller. L'Empereur apres auoir ouuert la porte à ses Alemans, & autres estrangers, en l'ac-

cord



cord qu'il feît avec les Belzeres : on prend garde toutesfois soigneusement aujourdhuy qu'autres n'aillent à ces Indes, que les Espagnols. Venezuela est vne Euesché, Roderic de Bastidas en fut le premier Euesque, nō pas celuy qui la descouurit, mais vn autre. Elle s'appelle Venezuela par vn diminutif de Venise, par ce qu'elle est bastie dedās l'eau, dessus vne roche plate : ce lac s'appelle Maracaibo en la langue du pays : les Espagnols le sur-nomment de nostre Dame. Les femmes de ce pays sont plus gentilles que les autres: elles se peignent la poitrine, & les bras: elles vont toutes nues : elles couurent leur nature d'un filet, & ce leurs est vne grand' honte si elles ne le portent, & on leur faiēt grand' iniure si quelqu'un leur oste. Les filles sont cogneues en la couleur, & grāeur du cordon qu'elles portent, est vn signe certain de leur virginité. Au Cap de la voe-  
le elles portent par dessus vne bande faiēte de cotton large de trois droigs. A Tarare elles portēt des robes trainantes iusques aux pieds, ayāt vn capluchon: elles sont d'une seule piece sans aucune cousture. Les hommes en general enserrent leur mēbre dedans certains petis chiens faits d'or, ou d'autre chose, & les Enotēs lient la pellicule pour couvrir la glande. Il y a en ce pays beaucoup de Sodomites, qui ressemblent en tout aux femmes, & ne different que par les mammelles, & de ce qu'ils n'engendrent point. Ils adorent les Idoles & peignent le diables en la forme qu'ils le voyent, ils se chargent aussi de couleur: celuy qui a vaincu, prins, ou tué soit en guerre, soit par defiance, pourueu que ce ne soit en trahisō, pour la premiere fois se peind

vn bras, à l'autre la poitrine : la troisieme il se fait vne raye depuis les yeux iusques aux oreilles, & cela montre sa vaillantise. Leurs armes sont fleches enuenimees, picques longues de vingt cinq palmes, espèces de cannes, masses, frondes, boucliers grands faits d'escorce, & couuers de cuir. Les Prestres sont medecins: ils demandent premierement au patient fil croit qu'ils ont la puissance de le pouuoir guarir, & puis font couller leur main par dessus le lieu où est la douleur, la playe, ou l'apostume. En après ils iettent des criz, & fissent vne paille par vn bout & mettent l'autre sur la playe : si le malade ne guarit, ils iettét la coulpe sur luy, ou sur les Dieux. Ainsi font aussi tous les autres medecins. Si vn de leurs Seigneurs meurt, ils le pleurent toute nuit : mais leurs pleurs est chanter ses prouesses, & puis ils rotissent le corps, le mettent en pieces, le pillent en telle façon qu'ils le font deuenir comme en boullie, & le iettent dedans vn grand vase plein de vin, où ils le detrempent, & puis le boient. Quand ils font ceste ceremonie, ils estimét auoir fait vn grád honneur à leur Seigneur. A Zompaciay ils enterrent leurs Seigneurs avec force or, ioyaux, & perles & dessus la sepulture ils fichent quatre gros bois en quarré, les reuestifans tout à l'entour de maçonnerie, & là dedans pendent des armes, pennaches, & autres choses propres pour manger, & pour boire. A Macarabaybo on void des maisons basties sur l'eauë, par dessous lesquelles passent les barques. François Martin apprint à ceux de ce pays, de guarir avec des parfums, & à souffler sur le patient, & iecter des soupirs & gemissemens.

*Comme les perles furent decouuertes.**Chap. 74.*

**A**uant que nous passions plus auât ; puis qu'on trouue des perles tout le long de ceste coste, qui contient plus de deux mille mil, à compter depuis le cap de la voele, iusques au goulfe de Paria: il sera bon de parler vn peu de celuy qui les a decouuertes. Au troisieme voyage que feit Christofle Colomb aux Indes, l'an 1498. ou selon aucuns. 97. il arriua en l'Isle de Cubagua, qu'il sur-nomma des Perles. Estant là il enuoya vne barque avec certains mariniers, pour arrester vne barque de pescheurs, voulant scauoir ce qu'ils peschoient, & quels gens c'estoient. Les mariniers poursuiuirent ceste barque, qui s'enfuyoit de peur que ces pescheurs eurent voyans les grâds vaisseaux. Ils ne le peurent aconsuiure, & yindrent arriuer au lieu où ils auoient veu ces Indiens, apres estre descendus, tirer leur barque apres eux. Ils les trouuerét sur la riue sans estre estônez, & sans appeller secours: mais au cōtraire monstroient signe d'estre ioyeux voyans nos gens barbuz, & habillez en mariniers. Vn des mariniers les voyans ainsi simples préd vne escuelle faite de terre de Malaga, & la met en pieces, & avec vne il sort en terre pour la changer avec eux & pour voir leur pesche. Ce qui l'auoit incité d'auantage, estoit qu'il auoit veu à vne femme de ces pescheurs vn collier de perles pendu à son col. En eschange de la piece de son plat, il eut ie ne say quants les filets de perles blanches, & avec icelles il s'en retourna bié ioyeux vers les nauires. Colomb, pour en estre plus asseuré, enuoya autres mariniers avec des sonnettes,



esguilles, ciseaux, & pieces de plats faicts de terre Valencienne, puis qu'elles leur plaisoit, & en faisoient cas. Ces mariniers rapporterent pour leurs denrees plus de six liures de perles, tant grosses que menues. Le vous assure, dict Colomb pour lors à ses soldats, que nous sômes en vn pays le plus riche du môde. Il s'esmerueilloit de ce que les perles menues estoient si grossettes, & d'en veoir tant comme il en voyoit. Il sceust que les Indiens ne faisoient compte des menues, par ce qu'ils en auoient assez de grosses, ou par ce qu'ils ne les pouuoient percer. Colomb laissa l'isle, & s'approcha de terre ferme, par ce qu'il ne pouuoit contenir ses gens qu'ils ne saillissent sur la greue pourueoir s'ils ne trouueroient point encor des perles. Estant pres de terre, toute la coste fut incontinent couuerte d'hommes, de femmes, & enfans, qui venoient veoir les nauires, comme vne chose estrange. Le seigneur de Cumana, ainsi s'appelloit le Seigneur de ce pays, enuoya prier le capitaine de se desembarquer, & qu'il seroit bié receu, mais encor que messagers feussent cōrenâce d'amitié, il ne voulut bouger, ayât peur de quelque tromperie, ou craignant que ses gens, n'auroient la patience de l'attendre, par ce qu'il y auoit là autant de perles qu'en Cubagua. Il vint d'autres Indiens aux nauires, qui entrerent dedans, & s'esmerueilloient des accoustremens, des espées, & barbes des Espagnols, & des pieces d'artillerie, & de tout l'autre appareil des vaisseaux. Les nostres aussi s'esmerueilloient de ce qu'ils voyoient tous ces Indiens porter des perles à leur col, & aux poulces de leurs mains. Colomb leur demandoit par

signes, où ils les peschoient: ils monstroient avec la main l'Isle, & la coste. Alors il enuoya en terre deux barques avec bõ nombre d'Espagnols, pour auoir plus grãd preuue de ce nouueau pays, & d'vne telle richesse, parce qu'aussi tous l'en importunoient. Il y eut si grande affluence de peuple pour veoir ces hommes estrangers qu'ils ne se pouuoïot tourner. Le seigneur les mena a vne sienne ville en vne maison ronde, qui sembloit vn temple, il les feit asseoir sur des escabelles de palmier noir bien taillées, & feit seoir avec luy vn sien fils, & quelques autres, qui deuoïent estre des principaux de sa court. On apporta aussi tost force pain, des fruiçts de diuerfes sortes, du vin blanc, & rouge fort bon, & delicat faiçt de dattes, de grain, & de plusieurs racines en fin au lieu de confitures on leur donna des perles. On les mena apres au palais pour veoir les femmes, & la magnificéce de la maison. Il n'y auoit aucune d'icelles, encor' qu'il y en eust beaucoup, qui n'eust des bracelets d'or, & chaisnes de perles, en se promenãs par le palais avec elles y en eut, qui se donnerent de l'esbatemēt, elles estant fort aïsees à mettre en amour, & estant facile d'en iouir, par ce qu'elles estoient toutes nues, elles sont blanches, & discrettes pour estre Indiennes. Celles, qui vont à la campagne sont noires pour l'amour du Soleil. Nos gens puis apres s'en retournerent bien estonnez d'auoir veu tant de perles, & d'or. Ils prièrent Colomb qu'il les voulust laisser là, mais il n'e voulut rien faire, disant qu'ils n'estoient trop peu pour peupler, & feit incontinent leuer les voiles, & se print à courir la coste iusques au cap de la voele.

## 2. LIVRE DE L'HIST.

De là il s'en vint à S. Dominique en intention de retourner à Cubagua apres auoir mis ordre aux choses, qui touchoient son gouuernement. Il dissimuloit la ioye qu'il auoit d'auoir trouué tant de richesses, & n'en feit point certain le Roy, pour le moins il ne luy en escriuit point iusques à ce qu'il fust sceu d'un chascun en Espagne. Ce fut vne des plus grandes occasions, qui esmeurét le Roy à firriter contre luy, & de commander qu'on l'amenast prisonnier en Espagne ainsi que nous auons recité cy dessus. On dict que ce qu'il en feit estoit pour composer de rechef avec le Roy, pensant auoir en son despartement ceste riche Isle, par ce qu'il estimoit qu'elle ne seroit descouuerte au Roy, mais les Roys ont plusieurs yeux. On dict encor' que ce qu'il le retarda d'en escrire, fut l'empeschement que luy causa Roldan de Ximenez s'estant reuolté de luy.

*D'un autre eschange de perles. Chap. 75.*

**L**A plus grand part des mariniers, qui furent avec Christophle Colomb quand il trouua les perles, estoient de Palos. Iceux estans de retour à S. Dominique s'en retournerent promptemét en Espagne, & racontèrent à ceux de leur ville ce qu'il auoient descouuert, & leur monstrent de quoy, allerent encor à Seuille vendre leurs perles, de là toute la court fut abreuee de ceste nouuelle. A ce bruiet plusieurs commencerent à dresser vaisseaux, entre autres les Pinzós, & les Niguos. Les premiers furent plus long tēps à se ietter en mer, par ce qu'ils vouloient equipper quatre carauales, & puis s'en allerent au cap de S. Augustin comme nous dirons



cy apres. Les autres ne songeant qu'à l'auarice des-  
pescherent aussi tost vn nauire, duquel ils feirent  
capitaine Pierre Alphonse Niguo. qui eut permis-  
sion du Roy d'aller chercher des perles, & descou-  
uir d'autres pays, aux charges, & cōditions de n'ē-  
trer aux pays qui auroiēt ia esté descouuers par Co-  
lomb, ny a deux cens mil apres. Il s'embarqua donc  
au mois d'Aoust l'an 1499. avec trentetrois com-  
pagnons, aucuns desquels auoient ia esté avec Co-  
lomb. Il nauigua iusques à Paria, & rechercha la  
coste de Cumana, Marcapana, le port de Fleciado,  
& Curiana qui est pres de Venezuela. Il sortit en  
terre, & vn gentilhomme Indien accompagné de  
cinquante hommes vint sur la mer par deuers luy,  
& le mena amiablement en vne grande ville pour  
prendre del'eau & se rafraeschir de tout ce qu'il au-  
roit à faire, & faire les eschanges qu'il cherchoit. Il  
se rafraeschit là, & en vn instant eschangea des peti-  
tes merceries qu'il auoit à quinze onces de perles.  
Le iour d'apres il feit approcher sō nauire viz à viz  
de la ville. Il sortit incontinent vn grand nombre  
d'Indiēs sur la riue pour veoir ce nauire, & pour es-  
changer, ceste troupe estoit si grande que les Es-  
pagnols n'osoient saillir en terre, & les inuitoient  
de venir faire leurs eschanges dedans le vaisseau, &  
les Indiens au contraire leurs faisoient signe de ve-  
nir à terre: à la fin ils meirēt pied en terre, parce que  
les Indiens se mettoient dedās les barques sans ar-  
mes, & aussi qu'ils les voyoient doux & simples, &  
en bonne volonté de les mener encor' en leur vil-  
le. Nos gens furent 20. iours, en ceste ville amassans  
force perles. Ces Indiēs dōnoient vnpigeō pour vne

esguille, vne tourterelle, pour vn dizain, vn faisant pour deux, vn coq pour quatre, ils donnoient pour ce mesme pris vn connil, & vn quartier de cheureul. Les Espagnols leurs demandoient à quoy leur seruiroient les esguilles, puis qu'ils n'auoient rien à coudre allans tous nuds. Ils feirent responce qu'elles pouuoient leur seruir pour oster les espines de leurs pieds, par ce qu'ils alloient nuds pieds, il n'y auoit chose, qui leur pleüst plus que les sonnettes & miroirs, aussi pour ces deux choses ils bailloient en eschange tout ce qu'on vouloit. Les hommes portoient des anneaux d'or, & ioyaux enrichiz de perles faictz à façon d'oiseaux, de poissons, & d'autres bestes. Les nostres leur demanderent, d'où ils auoient l'or, ils respondirent qu'ils l'apportoient de Canceto, six iournees loing d'eux. Il y allerent, mais ils ne rapporterent que des cinges, & des perroquets: il y veirent des testes d'hommes attachées aux portes des maisons. Ceux de ce pays de Curiana ont des pierres pour toucher l'or, & des poix pour le pezer, ce qui n'auoit point esté veu en autre lieu des Indes. Les hommes vont nuds, ils couurent seulement leur membre dedans des petits chiens tels que nous auons descris, où dedans des coquilles de grands lymaçons: aucuns le lient par entre les fesses. Ils portent les cheueux longs, & vn peu crespeluz: ils ont les dents fort blanches, à cause d'une herbe qu'ils portent tousiours en la bouche, encor' qu'elle sente mal. Ils font de beaux vases. Les femmes labourent la terre, & les hommes n'ont soing que de la guerre, & de la chasse & s'ils ne s'emploient à l'un, où à l'autre, ils se donnēt du

plaisir. Ils boiuent du vin fait de dattes, ils nourris-  
sent en leurs maisons des connils, pigeons, tourte-  
relles, & autres oiseaux. Leur terre produict du  
grain, & de la casse. Alphôse de Niguo chargea son  
vaisseau de ces deux choses, & s'en retourna en Es-  
pagne en soixante iours, il apporta en Galiz qua-  
tre-vingt seize liures de perles, entre lesquelles, y  
en auoit grande quantité de fines perles orientales  
rondes, & de cinq, a six carats chacune, & aucunes  
plus, mais elles n'estoient pas bié percées, qui estoit  
vn grand defect. Sur le chemin ils eurent quelques  
parolles sur le departement de ces perles, tellemēt  
qu'apres qu'ils furent arriuez, quelque mariniers  
accuserēt Alphonse Niguo deuant Ferdinád de Ve-  
gua seigneur de Grajales, qui pour lors estoit lieu-  
tenant de Roy en ceste prouince, disans qu'il auoit  
caché grand nombre de perles, & qu'il auoit fraudé  
le Roy en son quint, & qu'il auoit faict ces eschan-  
ges en Cumana, & autres pays, où Colomb auoit ja  
esté. Sur ceste accusation Niguo fut arresté prison-  
nier, mais on ne luy feit autre mal que de le tenir  
longuement en cest estat, où il consōma beaucoup  
de ses perles, il disoit qu'il auoit costoyé douze  
mille mil de pays en tirant vers Ponent ce seroit  
comme à aller à Higueras.

*Cumana, & Marcapana. Chap. 76.*

**C**Vmana est vne riuere, qui donne son nom à la  
prouince, où certains moynes de l'ordre de  
sainct François feirent vn monastere, duquel estoit  
gardien frere Iean Garzes l'an 1516. au temps que  
les Espagnols estoient enflambez apres la pefche  
des perles de Cubagua. Vn peu apres trois Iacobins



qui alloient en ceste isle, furent iettez à Piritu de Marcapana, qui est à quatre vingt mil de Cumanavers Ponét. Ces moynes commencerent à prescher en ce quartier, comme les Cordeliers faisoient en l'autre, mais des Indières les māgerent. Leur mort, & martyre estāt cogneu, il sy en alla encores d'autres moines du mesme ordre, & fōderētvn monastere en Ciribrici pres de Marcapana, & le nōmerent S. Foy: ces religieux, qui estoiet en ces deux monasteres feirēt grād fruiēt en la cōuerſion de ces Indières: Ils apprenoient aux enfans des seigneurs, & des principaux du pays à lire, & à escrire, & à respondre à la messe. Pour lors les Indiens aimoient tant les Espagnols qu'ils les laissoient aller seuls par tout le pais, voyre iusques à quatre cents mille loing de leur demeure. Ceste conuerſion, & amitiē ne dura que deux ans, & demy, parce que vers la fin de l'an 1519. tous les Indières par leur propre mauuaistiē se reuolterent, ou à cause qu'on les faisoit trop trauailler apres la pesche des perles. Les marcapanesiēs tuerēt en vn moys cent Espagnols, qui estoient là freschement venus pour changer. Les chefs de ceste rebellion furent deux ieunes gentilshōmes du pais nourriz à Saincte Foy, où ils exercerent leur plus grāde cruauté. Car ils tuerēt tous les moynes cōme ils celebroyent la Messe, & massacrerent tous les Indiens qu'ils trouuerent dedans le monastere, & toutes les bestes iusques aux chats, ils bruslerent leurs maisons & l'Eglise. Ceux de Cumana bruslerent aussi le Monastere de S. François, ruinerent leurs maisons, rōpirent la cloche, meirēt en pieces le crucifix & le ietterēt sur le chemin en telle façō qu'il sēbloit

que ce fust vn homme executé par iustice: ils taillèrent & descouperent le iardin : mais les moynes se sauuerent dedans vne barque emportans avec eux le S. Sacremēt, & s'en allerēt à Cubagua. Il y en eut vn toutesfois nommé frere Denys, qui demeura estât troublé tellement qu'il ne sceut ou ne peut entrer dedans la barque avec ses cōpagnōs. Il fut six iours caché entre des grosses pierres, sans manger attendant que les Espagnols vinissent. Il sortit avec la faim & ayant esperance que les Indiens ne luy feroient aucun mal, parce qu'il y en auoit plusieurs d'entre eux, qui estoient les enfans à cause de la foy, & du baptesme qu'ils auoient receu de luy. Sous ceste fiance il s'en alla a la ville, & se recommanda, ils luy donnerēt à manger par trois iours sans luy faire ny dire aucū mal: ce pēdāt il estoit tousiours à genoil priāt Dieu, pleurāt selō que depuis ont cōfessē les meurtriers, ils furēt en grād debat sur sa mort, parce qu'il y en auoit aucūns qui le vouloiēt tuer, autres le vouloient sauuer, mais à la fin luy meirēt la corde au col pour l'estrangler par le conseil d'vn, qui s'estāt fait Chrestien l'appelloit Ortega, & luy donnerent des coups de pied, luy faisans d'autres vituperes. Il se meit à genoux faisans ses prieres, & lors on luy donna vn coup de masse sur la teste pour l'assommer, ainsi que luy mesmes les en auoit priez, à fin qu'ils ne le feissent point tant languir. Quand l'Admiral Dom Diego Colomb, le parlement, & les officiers du Roy, qui estoient à saint Domini- que eurent entendu ce fait, ils despēcherēt incontinent Gonzalle d'Ocampo avec 300. Espagnols. Il s'en alla à Cumana l'an 1520. pour surprendre

les malfaiçteurs, il vſa de grande aſtuce. Auſſi toſt qu'il fut deuant Cumana avec ſes vaiſſeaux, il com-  
 manda qu'aucun ne dit qu'il venoit de ſainct Do-  
 minique, afin que les Indiens entraſſent plus har-  
 diment dedans ſes nauires, & que par ce moyen il  
 les print ſans dâger, & effuſion du ſang-de ſes gens.  
 Les Indiens ne failirent pas de leur demâder d'où  
 ils venoient, ils feirent reſponce qu'ils venoient  
 d'Eſpagne: les autres n'en vouloiét rié croire, & di-  
 ſoient Haiti, Haiti, & non pas d'Eſpagne. Les Eſpa-  
 gnols repliquoiét d'Eſpagne, d'Eſpagne, & les inui-  
 toiét devenir en leurs nauires, il y enuoierét q̃lques  
 vns pour veoir ſil eſtoit vray ſous pretexte de leur  
 porter du pain, & autres choſes pour châger. Gon-  
 zalle feit cacher les ſoldats au fons des vaiſſeaux diſ-  
 ſimulant touſiours bien ſon entreprinſe, les remer-  
 ciant de leur venue, & de la bonne prouiſion qu'il-  
 luy auoient apportee, les priant de continuer, &  
 d'en apporter d'auantage. Les Indiens alors penſe-  
 rêt qu'à la verité ces Eſpagnols venoient tout freſ-  
 chemêt d'Eſpagne les voyans ja auoir neceſſité de  
 pain, & qu'ils n'auoient aucuns ſoldats. Cela incita  
 beaucoup d'autres de retourner à ces nauires, &  
 entre autres pluſieurs de ceux qui auoient eſté re-  
 rebelles ayans bonne eſperance d'attirer ces Eſpa-  
 gnols en terre, & puis les tuer. Mais Gonzalle d'O-  
 campo feit ſortir ſes ſoldats, & arreſta priſonniers  
 les Indiens, il les feit interroger, & confeſſerent la  
 mort des Eſpagnols, & le bruſlement du monaſte-  
 re: il les feit tous pendre aux antennes de ſes nau-  
 res, & ſ'en alla à Cubagua. Les autres Indiens, qui  
 eſtoient demeurez ſur la greue, reſterêt bien eſton-



nez, & ayans grand peur. Gonzalle asseit son camp à Cubagua, d'où il faisoit courses à Cumana, par le moyen desquelles il tua beaucoup d'Indiens, & en print grãd nombre qu'il feit executer par voye de iustice. Ces pauvres Indiens se voyans perduz si la guerre duroit, demanderent paix, & pardon, ce qu'Ocampo leur octroya, & au Cacique dom Diego, qui au lieu l'aida à bastir la ville de Toledé, qu'il edifia sur le fleuve à deux mil de la mer.

*La mort de plusieurs Espagnols. Chap. 77.*

**D**V temps que les monasteres de Cumana, & Cribici florissoient, il y auoit vn prestre en l'Isle de saint Dominique nommé Barteley de la Casse, qui estoit docteur. Iceluy ayant entendu la fertilité de ce pays, la simplicité, & douceur des habitants, & l'abondance des perles, vint en Espagne, où il demanda à l'Empereur le gouvernement de Cumana, & luy feit entendre comme tous ceux qui gouvernoient les Indes le trompoient, luy promettant d'ameliorer & accroistre les reuenuz royaux. Iean Roderic de Fonsecque, le docteur Louys Zapata, & le secretaire Lope de Gunciglios, qui auoient la superintendence sur les affaires des Indes, luy contredisoient, ayans fait vne information à l'encontre de luy, & l'estimoient incapable d'vne telle charge, attendu qu'il estoit prestre, & mal renommé, & qu'il ne cognoissoit gueres bien le pays, & qu'il n'entendoit point ce qu'il demandoit. Alors il se meit sous la faueur de monsieur de Nansau premier gentilhomme de la chambre de l'Empereur, & d'autres Flamens, & Bourguignons, par le moyen desquels il eut ce qu'il pretendoit portant

la mine d'estre bon Chrestien, disant qu'il conuertiroit plus d'indiens que nul autre par vn certain ordre qu'il y mettroit, & aussi qu'il promettrait de rendre le Roy plus riche, & luy enuoiroit grande quantité de perles. On apportoit pour lors force perles des Indes, la femme de Monsieur de Xeures en eut cent soixante liures du quint qu'on apportoit à sa maiesté. Ce docteur ne demandoit que des villageois pour mener avec soy, alleguant pour ses raisons qu'ils ne feroient pas tant de mal que les soldats, qui sont auares, & desobeyssans, & vouloit en outre qu'on les armast comme Cheualiers, & qu'on leur donnast l'esperon d'or, & vne Croix rouge differente de celle que portent les Cheualiers de l'ordre de Calatraua, afin qu'ils fussent frâcs, & anoblis. On luy fournit à Seuille aux despens du Roy des vaisseaux, des prouisions, & toutes autres choses necessaires à son voyage, & partit l'an 1520. pour aller à Cumana avec trois cens villageois tous croisez, & arriva au temps que Gonzalle d'Ocampo fondoit la Cité de Toledé, il fut bien mary de trouuer là tant d'Espagnols enuoyez par l'Admiral & par le parlement de l'Isle de S. Dominique, & de voir le pays autre qu'il ne pēsoit. Il presenta sa prouisiō à Ocāpo, & le sōma de luy laisser le pays libre pour le peupler, & gouverner. Gōzalle de Ocāpo luy feit responce qu'il vouloit obeir, mais qu'il valloit mieux pour la maiesté de l'Empereur de ne luy obeir, & ne luy pouuoiet obeir sans le cōmādemēt du gouverneur, & des auditeurs de la Rotte de S. Dominique qui l'auoient là enuoyé. Il se moquoit fort de ce prestre, par-ce qu'il l'auoit cogneu en

la Vegua, & ſçauoit qu'il eſtoit: il ſe mocquoit auſſi de ces nouueaux Cheualiers, & de leurs croix fai-ctes comme celles qu'on portoit contre les Lutheriens. Ce preſtre ſe deſpitoit grandement, & luy faſchoit de ce qu'on luy diſoit la verité, il ne peut entrer dedans Toledé, & au lieu feit vne maiſon de croye, & de bois pres le lieu où eſtoit le monaſtere des Cordeliers, & meit dedans ſes villageois, les armes, merceries, prouiſions, & ſ'en alla à ſaint Dominique pour faire ſa plainte. Ocampo ſ'y en alla auſſi, iene ſçay ſi ce fut pour l'amour de ce docteur, où par-ce qu'il ſ'eſtoit faſché contre quelques vns de ſes compagnons: mais apres qu'il fut party, tous ſes gens ſ'en alerent auſſi, & ainſi Toledé demeura deſerte, & les villageois ſeuls. Les Indiens, qui eſtoient bien aiſes de voir ces contentions entre les Eſpagnols, aſſaillirent ceſte maiſon de croye, & tuerēt quaſi tous ces Cheualiers dorez. Ceux, qui peurent eſchapper, ſ'embarquerēt dedans vne carauelle, & ainſi ne demeura en toute ceſte coſte de Perles aucun Eſpagnol. Barthelemy de la Caſe ayant ſceu la mort de ſes gens, & la perte qu'il auoit fai-cté au Roy, ſe rendit Moyne au conuent de ſaint Dominique: & par ainſi il n'accrut aucunement le reuenu du Roy, ne moins anoblit ſes villageois, ny enuoya des perles aux Flamans comme il leur auoit promis.

*La conqueſte de Cumana, & comme*

*l'isle de Cubagua fut peuplée.*

*Chap. 78.*

**L**E Roy perdoit beaucoup ne iouyſſant plus de Cumana, parce q̃ la peſche des perles de Cuba



bagua cessoit. Or pour la gaigner, l'Admiral, & le  
 parlemēt y enuoierent laques Castellon avec bon  
 nombre d'Espagnols, d'armes, & d'artillerie. Ce ca-  
 pitaine fournit au defaut de Gonzalle d'Ocampo,  
 de Barthelemy de la Case, & d'autres, qui y estoient  
 allez avec charge. Il feit la guerre aux Indiens forr,  
 & ferme, & recouura la ville, & pays : il remeit sus  
 la pesche des perles, & remplit Cubagua, & S. Do-  
 minique d'esclaves. Il edifia vn chasteau à l'embou-  
 cheure du fleuve pour asseurer, & defendre la ville,  
 & estre maistre de l'eau. De ceste annee 1523, recom-  
 mença la pesche des perles à Cubagua, on com-  
 mença aussi à peupler la nouueille Caliz. Cubagua  
 fut nommee par Colomb l'Isle des Perles, elle con-  
 tient de tour douze mil, & est quasi à douze degrez  
 & demy de l'Equinoxial tirant en ça. Elle a pres de  
 soy à quatre mil vers la Tramōtane vne Isle nom-  
 mee Marguerite, & vers le Midy à seize mil elle re-  
 garde la pointe d'Araya. Ceste Isle est vn pays biē  
 garny de sel, au reste sterile, & sec, encor' qu'il soit  
 plat & vny, sans estre couuert d'aucuns arbres, sans  
 estre abreueuē d'eau, n'ayant autres bestes que des  
 cōnils, & oiseaux de mer. Les habitās sont peincts,  
 mangent les huytres des perles, vont querir leur  
 eau pour boire en terre ferme en eschange de per-  
 les. Il est encor' asçauoir qu'il y ayt vne Isle si pe-  
 tite que ceste-cy, qui fournisse autant de reuenue, ny  
 qui face ses voisins si riches. Les perles qu'on y a  
 peschees depuis qu'elle a esté descouuerte ont val-  
 lu deux milliōs d'or, mais aussi elle a coustē la mort  
 de plusieurs Espagnols, d'esclaves negres & d'une  
 infinitē d'Indiens. Auioird'huy les habitans de ce-  
 ste

ste Isle prennent leur bois à l'Isle de Marguerite, & l'eau à Cumana, qui est à 22. mil. Les porcs qu'on y a menez sont deuenuz differés aux autres : car les ongles leurs sont venuz grands d'une palme & demie montans contremont. Il y a vne fontaine, qui rend vne liqueur odoriferante, & medicinale, & court plus de douze mil se iettans en la mer. En vn certain temps de l'an la mer deuiet fort rouge: on dit que cela aduient à cause des huitres, qui sont leurs œufs, où bien que c'est le temps, auquel elle se purgent comme les femmes, ainsi que les habitans recitent. Ils disent aussi, si ce n'est mésonge, qu'au pres de ceste Isle il y a des poissons, qui depuis le millieu iusques à la teste ressemblent aux hommes ayans barbes, cheueux, & bras.

*Costumes de Cumana. Chap. 79.*

Ceux de ce pays sont de couleur brune, ils sont tout nuds, ils cachent leur membre avec des coquilles de grands lymaçons, où dedans des cannes, ou bandes de cotton, aucuns le cachent dedans des fourreaux faits d'or, ou bien le lient par entre les cuisses. En temps de guerre ils se seruent de manteaux, & de pennaches, & aux festes ils se peignent, où s'oiignent d'une certaine gomme, ou vnguent fort gluant, & puis se couurent de plumes de diuerses couleurs, n'ayans point mauuaise grace en tel equippage, ils se couppent les cheueux iusques au dessus de l'oreille, & si d'auenture il leur vient quelque poil au menton ils l'ostent avec les pincettes, & ne veulent endurer aucun poil par tout le corps, estans aussi naturellement sans barbe. Ils s'efforcent d'auoir les dents fort noires, & appel-

lent ceux là femmes, qui les entretiennent blâches, & estiment celuy là beste faulxage, qui laisse venir du poil au menton. Ils font leurs dents noires avec du suc, ou de la pouldre des fueilles d'un arbre que ils appellent Hay. Quand ils ont quinze ans, lors que le sang comméce à bouillir dedás leurs corps, ils prennent ceste fueille dedás la bouche, & la portent iusques à ce que leurs dents deuiennent aussi noires que charbon. Ceste couleur puis apres dure iusques à ce qu'il meurent, & les preseruent de se gaster, ou pourrir, & de toute douleur. Ils meslent ceste poudre avec vne autre faite d'une autre espee d'arbre, & y meslent encor de la poudre de coquilles de lymaçons bruslees, & concassees, qui ressemble à de la chaux, aussi au commencement elle brusle la langue, & les leures. Ils gardét ceste poudre dedans des estuits faicts de cannes, pour le vendre, & le changer avec des marchans, qui viennent tout expres de loingtain pays avec de l'or, esclaves, & autres marchandises. Toutes les filles sont nuës, elles portent à leurs genouils des iartieres, qui leur serre la iambe, afin qu'elles ayent les cuisses, & les iambes plus grosses estimás que ce soit vne de leurs beautez. Elles ne se soucient autremét de leur virginité. Les femmes mariees portent certains calzons, ou brayes, elles viuent en toute honnesteté, si elles font faute, on les repudie, & celuy qui a les cornes peut chastier l'adultere. Tous les seigneurs, & hommes riches peuuent auoir autant de femmes qu'ils veulent, & en donnent la plus belle à celuy, qui vient loger chez eux: les autres n'en prennent qu'une. Les gentils-hommes enferment leurs



filles en leurs maisons deux ans deuant qu'elles soient mariees, & ne les laissent sortir dehors, elles ne se couppent point leurs cheueux durant qu'elles sont ainsi enferrees. Quand on les marie, on inuite tous les parens, voisins & amis. Les femmes inuitées apportent de quoy faire le banquet, & les hommes apportent la maison, c'est à dire, que les femmes apportent tant d'oiseaux, de poisson, de fruit, de vin, & de pain à l'espouze, qu'il y en a assez pour dresse le banquet, & les hommes apportent tant de bois & de paille, qu'ils en font vne maison, où ils logent l'espoux. Les femmes menent la mariee dancer, & les hommes le marié: vn homme coupe les cheueux au mary, & vne femme coupe ceux de la mariee: on ne coupe que ceux de deuant seulement, & ne touche-on point à ceulx de derriere mais on les leur lie, & accoustre à leur façon. Au banquet ils boient & mangent tant qu'ils deuiennent saouls, & yures, & aussi tost que la nuit est venue, ils liurent par la main à l'espoux son espouse. Celles, qui sont mariees avec telles ceremonies sont les femmes legitimes, & les autres qu'entretient le mary leur portent honneur & reuerence, & les recognoissent comme leurs superieures. Les prestres qu'ils appellent Piaces qui sont hommes saints, & religieux ne dorment point avec celles-cy comme nous dirons cy apres, mais bien avec les autres, lesquelles on leur baille à despuçeller suiuant la coustume, laquelle ils estiment honnesté & louable. Ces reuerends peres prennent en gré ceste peine pour ne point perdre leur preeminence, &

deuotion, & l'espoux par ce moyen oste tout le soupçon qu'il pourroit auoir de sa femme s'il ne la trouuoit telle qu'il penseroit. Les hommes, & les femmes portent des bracelets, colliers, & pendans d'or, & de perles s'ils en ont, & au cas que non, ils portent au lieu des coquilles de lymaçons: plusieurs portent des coronnes d'or, où chappeaux de fleurs. Les hommes portent certains anneaux au nez, & les femmes se courent la poitrine de grâdes plaques avec lesquelles elles soustiennent leurs mamelles pour plus aisement courir, sauter, nager, & tirer de l'arc, duquel elles tirent aussi dextrement que les hommes, quand elles accouchent elles ne se tourmentent, ny ne se passionnent tant que les autres. Les sages femmes enferment la teste de l'enfant entre deux petits coussinets de coton, & le pressent doucement peu à peu, & longuement pour luy eslargir le visage, estimans estre vne de leur beauté auoir le visage large, & estendu. Les femmes labourent la terre, & ont soing des affaires domestiques, mais les hommes chassent, où s'emploient à pescher, quand ils ne sont point empeschez à la guerre, ils sont plains de vaine gloire, vindicatifs, & traistres. Leurs armes principales cōsistent en fleches enuenimees & en tirent seurement: aussi des ieunesse les hommes, & les femmes sont instruits à tirer à vn but avec des bales faictes de terre, de bois, où de cire. Les personnes riches mangent des belettes, chaufouris, sauterelles, aragnees, vers, mouches, pouls cruds, cuits, & friz: ils ne pardonnent à aucune chose viuante pour satisfaire à leur bouche, & sont plus à esmerveiller de manger choses si or-

des, & si meschantes. Ce qu'ils ont de bon est pain, vin, fruit, poisson, & chair, les vapeurs du fleuve de Cumana engendrent des petites nues aux yeux: aussi les habitans ont la veüe courte. On ne sçait toutesfois si ce mal leur aduient à cause des meschantes choses qu'ils mangent. Ils enferment leurs iardins & leurs terres d'un fillet de cotton, ou de bexuco seulement, & est grand peché d'entrer en telles clostures, & tiennent pour certain que celuy la meurt incontinent, qui rompt vn tel fil.

*La chasse, & pescherie des Cumanois.*

*Chap. 80.*

**L**Es Cumanois sont fort adextres à chasser, & sy emploient cōtinuellement. Ils tuent lions, tygres, cheureuls, porcs-espics, & toute autre beste à quatre pieds avec leurs arcs, rets, & laqs qu'ils sçauent bien tendre à propos. Ils courent souuent vne beste, qu'ils appellent Capa, qui est fort peluë, noire, & vn peu plus grande qu'un asne: cest animal est fier, encor qu'il s'enfuye de l'homme: il a la pate comme la main, & les pieds de derriere faict comme vn escarpin François, aiguz derriere & large deuant, & vn peu ronds, il poursuit les chiens, & vne fois il y en eut vn, qui en tua trois ou quatre ensemble. Ils font vne chasse plaisante parmy les montagnes apres vne beste nommee Aranata, qui pour raison de sa physionomie, & de ses ruses, & finesse doit estre du genre des cinges. Il est aussi grand qu'un leurier, & ressemble à l'homme quant à la bouche, pieds, & mains. Il a l'aspect beau, la barbe de cheure: ces bestes vont en troupe, & buglent fort, elles ne mangent point de chair, elles montent par



les arbres comme chats, elles sont si rusées qu'en fuyant elles eviteront le coup du chasseur, & puis soudain elles prennent la fleche, & la repoussent doucement contre celuy, qui l'a descoché: ils chassent avec les filets apres vne beste, qui se nourrist de formis: elle n'a qu'un trou au lieu d'une bouche, & sa langue est aussi longue que la paulme, elle se tient communement dedans les creuz d'arbres, & aupres des fourmillieres. Quand elle veut prendre sa refection de son gibier accoustumé, elle tend sa langue, sur laquelle incontinent se jettent les formis, & puis la retire auallant sa proye. Parmy les montagnes ils tendent des laqs à certains chats sauvages ressemblans aux cinges: les petits donnent grand passetemps, vous voirez les meres les porter sur leur doz, & saulter d'arbre en arbre ainsi chargees. Ils ont encor' vn autre animal, apres lequel ils chassent, qui a vn laid regard: il a la teste approchante à celle de renard, son poil est comme celuy d'un loup rongneux, il est fort puant, & iette parmy ses excremens des serpens deliez, & longs, qui ne vivent gueres. Les Iacobins en nourrissoient vn à S. Foy, mais ne pouuans supporter la puanteur, le tuerent, & veirét remuer par la place les petits serpens qu'il iettoit, qui aussi tost mouroient, & encor qu'il fut tel, si est-ce neautmoins que les Indiens en mangeoient. Il y a en ce pays vne autre beste cruelle, de laquelle ils ont grand peur, & pour l'espouuâter ils portét des tizons de feu la nuit au lieu où ils pésent qu'elle soit. Iamais on ne la voit le jour, & bien peu la nuit, elle se met par les rues, & chemins, & lors elle se prend à braire, & crier comme

vn petit enfant pour tromper les personnes, & si  
quelqu'un sort pour veoir ce qui crie ainsi, elle ne  
faut point de l'attrapper, & le manger : Elle n'est  
pas plus grande qu'un leurier, ainsi que frere Tho-  
mas Ortiz, & autres Iacobins nous ont compté.  
Parmy ces Indes il y a tant d'Yaguauas, qu'ils per-  
dent tous les lardins, & les semences, ils sont friands  
des melons qu'on a apporté d'Espagne, aussi en  
tuë-on grand nombre aux melonnières. Pour reue-  
nir à nostre chasse ces Cumanois sont experts à pré-  
dre des oiseaux avec la glu, les filets, pantieres, &  
avec leurs arcs, & encor qu'il y chassent tant, il y en  
a toutesfoys si grand nombre, spécialement des  
perroquets qu'on ne s'en peult assez esmerveiller.  
Il y a des corbeaux, qui ont le bec d'aigle, & grand  
comme celui d'un oye, ils sont pesans à voler,  
& viuent neantmoins de racine, ils sentent le musc.  
Ils ont des chauuesfouris, qui sont grandes, &  
meschantes, elles mordent asprement, & suc-  
cent le sang. Il aduint vn cas estrange, à propos  
de ces chauuesfouris, à sainte Foy de Ciribici,  
y auoit vn seruiteur des moynes, qui auoit la  
pleuresie, on ne peut trouuer la veine pour le sei-  
gner, & ainsi on le laissa pour mort, il vint de nuit  
vne chauuesfouris, qui le mordit pres du talon,  
qu'elle trouua descouvert, & en tira tant de sang  
qu'elle s'en saoula, & puis laissa encor la veine ou-  
uerte, de laquelle il faillit autat de sang qu'il estoit  
besoing pour remettre le patient en santé. Ce fut  
vn cas gracieux, & plaisant à ce pauvre malade : les  
moynes le recitoient pour vn miracle. Il y a encor

quatre especes de mousches dangereuses, les plus petites sont les plus mauvaises: Les Indiens craignans d'en estre touchez, quand ils couchent en la campagne, se couurent d'herbe, ou de feuilles d'arbres. Ils ont deux sortes de guespes, qui sont meschâtes l'une se tient aux champs, & l'autre ne bouge des lieux habitez, ils ont aussi trois sortes de mouches à miel, les deux sont en leurs ruches de fort bon miel: la troisieme espece est petite, noire & sauvage faisant son miel par les arbres sans cire. Leurs aragnees sont plus grandes que les nostres, & sont de diuerses couleurs, qui les rendent belles, elles font leurs toiles si fortes, qu'on ne les rond pas aisémēt. Il y a en ce pays des salemandres grandes comme la main, qui tuent en mordant. Ils peschent en diuerses façons avec des ameçons, des rets, & avec leurs flesches, & du feu. Il n'est pas permis à vn chacun de pescher, ny en tout lieu. A Auontal, où fut Antoine Sedeguo, celuy, qui pesche sans le congé du seigneur est mâgé des autres pour sa peine. Quād ils veulēt pescher les bons nageurs s'assemblent tant pour là pescher des poissons que des perles, ainsi que les pescheurs s'assemblent en Biscaye pour prédre les baleines, où en l'Andelouzie pour la tonine. ils se iettent dedans la mer, & se mettent de rang nageans de ca de là, & bastans l'eau, & puis environnent les poissons, & les enferment comme les pescheurs font avec leur seine, & peu à peu les iettent en terre en si grande quantité qu'il ne seroit aisé à croire. C'est là la plus estrange maniere de pescher que i'aye encor' entendue, elle est dangereuse, eux estans ainsi dedans l'eau



les cocodrilles les mangent, ou tombent lourdement, & sont souuēt ouuers & effondrez par les gros poissons, qui s'efforçans de s'esauuer leur donnent avec vne impetuosité grande contre le ventre, ils ont encores vne autre façon de pescher plus seure, & l'appellent la pesche des Cheualiers, ils se mettent de nuit dedans leurs barques avec des tisons de feu, & des flambeaux faits de pain, à ceste lueur les poissons acourent, & deuiennent elourdis, & puis les tirent avec leurs arcs, & les agraphent avec des crampons qu'ils iettent dessus: ils prennent les grands poissons par ceste façon de pescher, & puis les salent, où sechent au soleil tous entiers, ou par pieces: aucuns les font rostir, afin qu'ils se conseruent mieux, autres les font bouillir, & puis les pressent, & les accoustrent si bien à leur mode qu'ils les gardent vn an deuant que les vendre, ils prennent des anguilles, ou cōgres si grands que de nuit ils montent sur les barques, & sur les nauires, & tuent les personnes, & les mangent.

*Comme on fait la poison, avec laquelle les  
Indiens frottent leurs fleches.*

*Chap. 81.*

**L**Es femmes, cōme j'ay dit, ont pour la pluspart le soin du labeur, elles semēt le maiz, l'axi, gourdes & autres legumes, elles plâtēt les battatas, & les arbres & les arrousent ordinairement, mais le plus grand soin qu'elles ont est de Hay pour l'amour des dērs. Elles esleuent les Tunes, & autres arbres, lesquels estants piquez rendent vne liqueur blanche cōme lait, & se tourne en gōme, delaquelle ils se seruent à parfumer, & encenser leurs Idoles. Ils ont vne

autre arbre, duquel distile vn humeur, qui se fait comme des quaxadiglias, & est fort bonne à manger. Il y a aussi en ce pays vn arbre qu'aucuns appellent Guarcima, son fruit ressemble à la meure, & encor' qu'il soit dur si est il bon à mâger, ils en font du moult cuit pour rechauffer vne morfondure: de son bois estant sec ils s'en seruent pour allumer du feu avec le caillou. Il y a encor' icy vn arbre, qui est fort hault, & odoriferant, qui ressemble au cedre: son bois est propre à faire des casses, ou coffres à garder des habillémés pour le bon odeur qu'il a, mais si on y mettoit du pain dedans il deuiendroit si amer, qu'il ne seroit possible de le manger: il est bô aussi à bastir des vaisseaux par ce que la pourriture ne s'y accueille pas aysémēt. Ils ont vn autre arbre, qui porte le guy, avec leq̃l ils prennēt les oiseaux, & s'en frottēt, & puis se couurent de plumes: cest arbre est grand, & ne dure que dix ans. Ils ont aussi des cassiers, mais ils ne mâgēt poit le fruit, par ce qu'il ne cognoissent point la vertu. Ce pays en outre est si couuert de roses, de fleurs, & d'herbes odoriferantes, que l'odeur nuist à la teste, estât plus fort q̃ le musc. Il y a tât de sautereles, oruguas cocos aragnées, & autre vermine, que les fruits, & les semées en font toutes rōgées: il n'est pas les teignes, qui ne rongent le maiz. Il y a en ce pays vne veine de lymon glueux, qui estant mis au feu bruste, & ard & dure autant que du feu gregeois: ils se seruēt de ce lymon en beaucoup de choses. Ils tirent leurs fleches, ils ayans premieremēt empoisonnées, d'vn certain poison, lequel ils composent de plusieurs drogues, ils en ont aussi de simple comme du sang

de serpens qu'on appelle aspics, vne herbe, qui ressemble à vne sye, vne gomme d'un certain arbre, des pommes veneneuses surnommées de sainte Marthe. Le plus mortel poison se fait du sang, de la gomme, de l'herbe, & des pommes, le tout meslé ensemble en y adioustât des testes de certains formis, qui sont plains de venin. Pour composer ceste meschante drogue ils enferment vne vieille, & luy donnent les matieres, & le bois pour faire cuire, & bouillir ensemble tous ces simples. Ceste concoction est bien deux, & trois iours sur le feu auant qu'elle vienne à la perfection. La vieille meurt de la puanteur, & de la fumée veneneuse que rend ce bouillon, & si elle en meurt, ils louent grandement ceste poison: mais aussi si elle ne meurt point, ils la iettent dehors, & la chastient seueremēt. Ceste poison doit estre celle, de laquelle vsent les Caribes, & contre laquelle les Espagnols ne trouuoient aucun remede, & si d'auanture quelqu'un en eschappoit, il ne viuoit qu'en douleur, & sur tout se deuoit donner bien garde de ne s'accoster de femmes, par ce que la playe se renouueloit: il se deuoit aussi garder de boire, ou de trop trauailler principalement en temps de pluye. Les fleches sont faictes de ioncs fort durs passez par le feu: ie pense qu'on en porte en Espagne pour faire des potences aux gouteux, & vieilles gens. Au lieu de fer on y met vn caillou bié esguisé, & approprié, ou des os de poisson durs & pointus. Les instrumens, desquels ils se seruēt en la guerre, & aux dances sont hautsbois faits d'os de cheures, & de bois gros cōme la iābe. Ils ont aussi des cornets faits de cannes, des tabourins de bois



peints, & de grandes cougourdes, & s'aident de coquilles de limaçons pour faire aussi des cornets & des sonnettes, ils sont cruels en guerre: ils mangent leurs ennemis qu'ils tuent, où qu'ils prennent, & les esclaves, qu'ils acheptent: s'ils sont maigres, ils les engraisent comme les chapons: ils pratiquent en plusieurs lieux ceste brutalle cruauté.

*De leurs dances, & Idoles. Chap. 82.*

**L**es habitans de ce pays se delectēt fort en deux choses à dancer, & à boire. Ils fouloient employer huit iours entiers, & consecutifs à baller, & banqueter: ie ne parle point des dances, & assemblees qu'ils font ordinairement: mais quād ils veulent faire vn Areitos, à des nopces, ou à vn couronnement d'un Roy, ou seigneur ils s'assemblent vn bon nombre des plus gaillards, les vns avec couronnes, les autres avec des pennaches, les autres avec des plaques sur l'estomach, mais tous ont des coquilles de lymaçons aux iambes, pour faire retētir le lieu comme nous faisons avec des sonnettes. Ils se peignent, & figurēt le corps de diuersitez de couleurs & celuy-là leur semble mieux en point, qui est accoustre le plus sortement: ils dancent separément, ou se tenans, par les mains allans en tournāt, ou se mettāt en forme d'arc, ou se tiēnt en rōd dancās en auāt, en arriere faisans des passages à leur mode, sautās, & voltigeans. Ce pendant que les vns dancēt, les autres se tiēnt en vne place coys, chātās, les autres en vn autre lieu criēt, & ce qui est notable, c'est, qu'encor' qu'ils soient beaucoup, le ton, leurs pas, & des marches s'accordēt. Quād ils cōmēcēt à chāter vous diriez que ce n'est q̄ dueil, & tri-

steffe, mais la fin est plein de folies. Ils dâcēt six heures sans se reposer, aucuns en perdēt leur vêt: celuy est en plus grâd estime qui dance le plus lôguemēt. Ils ont vne autre sorte de dance, qui est belle à veoir, & à quelque apparence d'une guerre. Plusieurs ieunes compagnons pour donner esbar à leur Cacique s'assemblent, & font nettoyer le chemin, & la place si nette, qu'il n'y demeure aucune paille, ny herbe: Vn peu deuant qu'arriuer au palais, ils commencent à chanter bas, & à descocher leurs fleches par vn certain ordre, & puis peu à peu haussēt leurs voix, iusques à s'escrier tât qu'ils peuent. Il y en a vn qui châte seul, & to<sup>o</sup> les autres luy respondent, & changent, & transmuēt les paroles, tellement que si le premier dict: Nous auons vn bon Seigneur, les autres respondront: Vn bon Seigneur nous auons, Celuy qui guide la dance va deuant cheminant en telle sorte qu'il aduance tousiours vne espaule deuant l'autre, tellement que vo<sup>o</sup> diriez qu'il chemine des espaules: aussi tost qu'il est entré à la porte du Palais, les autres y entrent aussi, faisans tous mille sottises, & mommeries, l'vn contre-faiēt l'auetgle, l'autre le boiteux, l'vn faiēt semblant de pescher, l'autre de teistre, l'vn rid, l'autre pleure, & vn recitera les prouës du seigneur, & de ses ancestres. Apres cela tous s'asseoient comme les cousturiers, & là banquettent auecques vne silence grande, & boient iusques à s'enyurer, aussi celuy qui en auale le plus, est le mieux estimé & reputé par le seigneur, plus vaillant que les autres. Le banquet leur est faiēt par le seigneur.

Aux autres festes, où ils ont accoustumé s'en-yurer, ils menent leurs femmes, & filles, à fin qu'estans ainsi yures elles les rement en leurs maisons. Ils boient les vns aux autres, selon l'ordre qu'ils sont assis, qui est quasi comme on fait en France, c'est tousiours vne femme, qui leur verse à boire. Au commencement ils crient, & puis apres que le breuage leur a monté aux cornes, ils se plaudent à coups de poing, & se disent mille vilannies s'appelans coquuz, couards. Il n'y a celuy en la troupe, qui ne s'en-yure, & puis se mettent à deuiner les choses futures, & prophetisent comme les Piaces. Plusieurs vomissent pour en aualler d'autre. Leur breuage est fait de palmes, d'herbes, de grain, & de fruiçts, selon l'abondance qu'ils ont. Ils tirent par le nez la fumée d'une herbe qui les rend stupides, & leur oste le sens. Les femmes chantent des chansons tristes, & melancoliques, quand les maris les emmenent en leurs maisons, & y adioustent de tels tons qu'ils prouocquent les personnes à pleurer. Ils sont grands idolatres: ils adorent le Soleil, & la Lune, les reputans pour Dieux souverains, & pensent que l'un soit le mary, & l'autre la femme. Ils ont grand peur du Soleil quand il tonne & esclaire, pensans que lors il soit courroucé contre eux: Ils ieusnent quand il vient vne Eclypse, spécialement les femmes, qui encor' s'arrachent les cheveux, & avecques les ongles s'escorchent le visage: & les filles se tirent du sang des bras, avecques arestes de poisson. Quand la Lune est pleine ils croyent qu'elle soit frappee du Soleil pour quelque courroux qu'il ait contre elle. S'ils voyent vne



Comete au ciel, ils font vn grand tintamare avec leurs trompettes, & tabourins, iettans des criz, pensans par ce moyen la chasser, ou la consommer, car ils sont merueilleusement estonnez quand ils voyent ces signes, pensans qu'ils denotent de grâds maux prests à venir. Entre plusieurs idoles, & figures, qu'ils adorét pour Dieux: ils auoient vne Croix faicte comme celle de Sainct André, & vn signe faict comme nous voyons ceux des notaires, principalement Apostoliques, qui sont quarrez, serrez, & faicts avec des croix Bourguignonnes, trauesantes les vnes dans les autres: Par le moyen de ceste Croix, ils se munissoient contre les visions nocturnes, & la mettoient sur les enfans qui n'aïssent.

*Des Prestres, Medecins, & Negromantiens.*

*Chap. 83.*

**O**N appelle leurs Prestres Piaces. En ceux-cy repose l'honneur des filles qu'on marie: ils ont la science de guarir les maladies, & de dire les choses cachées & secrettes aux hommes: en somme, ce sont vrais magiciens, & negromantiens. Les medecines desquelles ils vsent sôt herbes, & racines crues cuittes, & pillées avec de la graisse d'oiseaux, de poissons, & d'autres animaux, du bois, & autres choses incogneuës aux vulgaires, adioustés dessus des parolles estranges que mesme le medecin n'entend point, côme est la coustume des enchanteurs: ils leschent, & succér le lieu, où est la douleur, pour en tirer les mauuais humeurs, qui causent le mal. Si la douleur s'augmente, ou que la fiebure croisse, ou autre mal, ils disent que le patient a des esprits

dans le corps, & lors ils font couler leur main par  
 tout le corps, prononcent des parolles d'enchan-  
 teurs, lechent quelques ioinctures du corps, & les  
 sucent fort & ferme, donnans à entendre qu'ils in-  
 uoquent, & tirent l'esprit dehors, puis ils prennent  
 vn morceau de bois d'un certain arbre, duquel au-  
 tre que ces Piaces ne cognoist la vertu, & s'en frot-  
 tent la bouche, & le mettent si auant dedans le  
 gosier qu'ils vomissent tout ce qu'ils ont en l'esto-  
 mach, & plusieurs fois, pour l'effort qu'ils font, ou  
 que telle soit la vertu de cest arbre, ils iettent du  
 sang, & puis souspirent, crient, & ce prennent à tré-  
 bler, frappans du pied en terre faisans autres mille  
 gestes, tellemēt qu'ils en suent deux heures à gros-  
 ses gouttes, & la sueur est plus grande sur la poi-  
 trine, en fin ils iettēt par la bouche vn flegme fort  
 epais, au milieu duquel on voit vn petit boulet dur  
 & noir, lequel ceux de la maison prennent, & iet-  
 rēt dehors disans, allez vous-en diables, allez vous  
 en. Si le malade guarist il donne au medecin tout  
 ce qu'il a, mais s'il meurt ils disent que son heure e-  
 stoit venue. Ces Piaces donnēt responce de ce que  
 on leur demande, pourueu que la demande soit  
 d'importance, comme si on demandoit si nous  
 aurons guerre, ou non, & si nous l'auons quelle en  
 sera la fin, si l'an sera fertile, ou si la cherté regnera,  
 si la pesche sera bonne & si elle se vendra bien. Ils  
 aduertissent le peuple des Eclipses futures & des  
 Comettes, qui sont à aduenir, & predisent beau-  
 coup d'autres choses. Vne fois les Espagnols estās  
 en necessité, & desirans fort sçauoir sil leur vien-  
 droit bien tost secours, ils leur respondirent qu'en  
 vn tel

vn tel iour il arriueroit vne carauelle auecques  
autant d'hommes, chargee de telles prouisions,  
& aussi mesmement de telles marchandises: ils ne  
furent point trouuez menteurs: car au mesme iour  
qu'ils auoient remarqué, ceste carauelle arriua char  
gee de tout ce qu'ils auoient predict, ils inuoquent  
le diable en ceste façon. Le Piacé voiant vne nuit  
fort obscure entre dedans vne grotte, ou chambre  
recluse, & secrete, & mene auec soy quelques ieunes  
compagnons hardis pour faire les demandes  
sans se saisir d'aucune peur. Quant à luy il se sied  
sur vn banc, & les autres se tiennent debout, il crie,  
il inuoque, il chante des rithmes, il sonne des son  
nettes, ou coquilles de limaçons, & se préd à pleu  
rer auec vn ton de mesme, & repete souuent ces pa  
les: prororure, prororure, qui signifient des prieres:  
alors si le diable ne compare point, il recommence  
ses crieries, il chante des vers pleins de menaces se  
monstrant courroucé, & iette de grands souspirs, &  
si le diable lors vient (ce qui se cognoist par les cris  
merueilleux qu'il faict) le Piacé redouble sa voix  
plus fort, se remeste, & tombe à terre, donnant à  
entendre que le diable est pres de luy seló les tours  
& les mines qu'il faict: alors vn de ces ieunes cōpa  
gnons s'approche de luy, & luy demande ce qu'il  
veut, & il leur respōd. Vn iour frere Pierre de Cor  
dube, & frere Dominique voulurēt descourir tel  
les diableries: quād ils s'ceurēt que le Piacé estoit tó  
bé en terre, ils prindrent vne croix, vne estoille, &  
de l'eau beneiste, & entrerent dedans auec plusieurs  
Indiens, & Espagnols. L'vn ietta la moitié de son es  
tolle sur le Piacé, & feit sur luy plusieurs signes de



la croix, le conjurant en langue Latine, & vulgaire. Ce Prestre endiablé, & enchanté, respôdoit en langue Indienne bien à propos : on luy demanda, où alloient les ames des Indiens, il respondit, que leur retraicte se faisoit en enfer, & la dessus print fin ces belles sorceleries, demeurant le moyne satis fait & estonné, & le Piacé tout endormy, & se pleignant du diable, qui l'auoit si longuement detenu. Voila la saincteté de ces reuerends Piacés : ils prennent prix pour guarir les malades, & pour deuiner, ce qui faict qu'ils sont fort riches : ils vont aux banquets : mais ils ont leur table à part, & s'en-yurent terriblement, & disent pour leur defence que tant plus qu'ils boient mieulx deuinent : ils iouyssent de la virginité des filles : car ils essayent premiers les espouzees. Aucun ne s'ose mesler de medeciner s'il n'est Piacé. Ils apprennent la medecine, & leur magie aux enfans : & ils n'employent que deux ans à leur donner l'intelligence d'une si belle science, durant lesquels ils les enferment dedâs des bois, & ce pendant ne mangent chose qui ayt sang, ne voyent aucune femme, ny mesme leur mere, ny leur pere, & ne sortent de leurs demeures, & grottes. Les maistres, & Piacés vont de nuit à eux, pour les enseigner, & quand ils ont acheué de leur môstrer, ou que le temps du silence, & d'estre seuls est passé, ces escolliers en prennent attestation de leur maistre, & commencent à guarir, & donner responce de ce qu'on leur demande comme leurs docteurs, ainsi que nous auons dict. Tout ce que i'ay deduiet cy dessus a esté recité pour chose certaine en plain conseil des Indes par frere Thomas

Ortiz, & autres Iacobins, & Cordeliers. On y ad-  
iousta foy, par ce qu'il est certain que les diables  
entrent quelque fois aux corps des hommes, &  
donnent responces telles que bien souuent sont  
trouuees vrayes; Nous parlerons maintenant de  
leurs sepultures, lesquelles, comme elles nous me-  
nent tous à la fin, aussi dōneront elles fin à ces cou-  
stumes de Cumana. Quād donc quelques vns sont  
morts, on chante les prouës, & actes genereux  
qu'ils ont faicts en leurs vies, & puis les enterrent  
en leurs maisons, ou bien les font deseicher au feu,  
& puis les pendent, & gardent soigneusement. Ils  
pleurent amèrement vn corps freschement mort.  
Quand ils font le bout de l'an, si celuy qu'on a en-  
terré est seigneur, ou Cacique, grand nombre de  
personnes s'assemblent, qui pour cet effect sont ap-  
pellez, & inuitez, & chascun porte ce qu'il veut  
manger; & la nuit estant venue ils deterrent le  
mort pleurans tous, & demenans vn grand dueil,  
& prennent les pieds & les mains, & mettent la  
reste entre les iambes, & puis se mettent en rond,  
& tournent à l'entour. Apres ce tour ils se desas-  
semblent, & frappent des pieds en terre, esleuent  
leurs yeux au ciel, & iettent des pleurs crians haults  
le plus qu'ils peuuent. En fin ils bruslent les os, &  
donnent la reste à la plus noble, & legitime femme  
du defunct pour la garder en relique, & pour la  
memoire de son mary. Ils croient que l'ame soit  
immortelle, & qu'elle se retire en vne campagne,  
où elle mange, & boit, & que c'est l'Echo, qui res-  
pond à celuy, qui parle, & crie.

*Paria.*

*Chap. 84.*

t ij

**C**Hristophle Colomb arma six nauires aux despens du Roy Catholique, sans en compter deux qu'il bailla à Barthelemy Colomb son frere, & partit de Caliz l'an 1497. Aucuns adioustent vn an. Il laissa la route des isles de Canarie, pour craincte de certains Corsaires François, qui en ce quartier guettoient ceux, qui venoient des Indes, & de ces isles, & au lieu print le droict chemin de l'isle de Madere, qui est tirant plus vers la Tramontane: de là il enuoya trois carauelles à l'Isle Espagnole, & luy avecques les trois autres vaisseaux se ietta vers le cap verd avec intention de rencontrer la zone torride nauigant tousiours droict au midy, pour scauoir quels pays estoient situez sous ceste zone. Il fit voile de l'isle de Bon-regard, & ayant couru plus de 800. mil vers le vent Leuece, il se trouua à cinq degrez de l'Equinoxial sans vent aucun: C'estoit au moys de Iuin, & faisoit vne chaleur si vehemete qu'on ne la pouuoit supporter, elle faisoit petiller les muyz, & corrompre l'eau, le grain mesme brusloit, & de peur que le feu ne print aux vaisseaux, le ietterent en la mer avec plusieurs autres biens, encor' pensoient bien tous perir, remettans en memoire l'opinion des anciens, qui asseuroient que la zone torride rostissoit, & brusloit les hommes, & que partant elle estoit inhabitable. Ils se repentoient d'auoir esté là. La mer demeura ainsi calme avecques ceste grande chaleur huit iours, le premier fut clair, & les autres pluuieux, mais avec ceste pluye l'ardeur s'augmentoit, comme faict la fournaise d'vn mareschal. A la fin Dieu ayant pitié d'eux leur enuoya vn vent d'enre solaire & midy,



qui les poussa en vne Isle que Colomb surnomma la Trinité par deuotion, ou par ce qu'il auoit faict tel veu à la diuine maiesté estant en si grande perplexité, ou bien par ce que en vn mesme instant il apperceut troys haultes montagnes. Il s'approcha pres de terre pour puiser de l'eau, par ce qu'ils mouroient de soif, & vint surgir dás vn fleuve entre des grands palmiers, mais l'eau estoit salee, & mauuaise à boire: & pour ceste cause il nōma ce fleuve Salé. Il enuironna l'Isle, & ne trouuant rien à propos se ietta dedans le goulfre de Paria par vne emboucheure qu'il nomma Dragon. Il trouua là de l'eau, du fruit, des fleurs, force oiseaux, & animaux estranges. Ce pays leur estoit si fraiz, & si odoriferāt que ils pensoient tous que ce fust le paradis terrestre: ainsi Colomb l'asseuroit quand il fut emmené prisonnier en Espagne. Il disoit en outre qu'il auoit veu par ceste nauigation que le monde n'estoit pas rond cōme vne balle, mais qu'il estoit faict en forme d'une poire: puis qu'en tout son voyage il auoit tousiours flotté contremont, & que Paria estoit le puiot du monde, puisque là on ne voyoit point la Tramontane. Il disoit trois choses notables si elles eussent esté vrayes. Mais il est certain q̄ la terre comprenant la mer est rōde, ainsi que Dieu l'a prudemment au commencement formee: car autrement le soleil ne la pourroit enluminer de sa clarté cōme il faict tous les iours tournoyant à l'entour. Le secōd point est aussi peu credible, q̄ Paria soit plus haulte qu'Espagne, car en vne figure rōde il n'y a point de point plus hault que l'autre, encor' que vous la torniez de quelque costé que vous voudrez. Et si le

monde est rond, il est donc par tout esgal, & partâc nostre Espagne est aussi pres du ciel que Paria, il est bien vray qu'elle n'est pas si directement sous le soleil. Plusieurs hommes ignares, & sans lettre ont fuiuy l'opinion de Colomb, & pésoient veritablement qu'ils allassent d'Espagne aux Indes contre-mont, & qu'ils en venoient tirant cōtre bas. Quand au tiers poinct que Paria estoit le paradis terrestre, ie croy bien qu'à la verité il luy estoit aduis que ce pays estoit vn paradis, attendu la grande necessité, en laquelle il l'estoit veu, & la grāde affection qu'il auoit de rencontrer terre : & qui ne l'eust reputé pour paradis, sortant d'un si eminent danger ? Aucun n'a esté si hardy de marquer ce paradis en vn certain lieu. S. Augustin sur Genese dit que toute la terre est le paradis de plaisir. Plusieurs autres ont esté de son aduis. Mais cela n'est qu'interpreter le sens de l'escriture au pied de la lettre : Autres prennent ce paradis par vne allegorie pour l'Eglise, autres pour le ciel, & autres pour la gloire. Or pour reuenir au voyage de Colomb il nomma l'entree du goulfre de Paria Dragon, par ce que ceste emboucheure luy representoit vn Dragon, & par ce qu'il pensa estre submergé, & englouty à ceste entree où le courant est fort, & vehement. La mer en cet endroit cōmence à croistre iusques au destroict Megelanicque, & croist bien peu en tous les autres pays que nous auons descrys cy dessus. Le terroir, la temperature, & fertilité de Paria est semblable à celle de Cumana. Les coustumes aussi, & la religion sont de mesme, ce qui sera cause que ie n'en diray icy autre chose. L'an 1530. Antoine Sedegua

l'en alla avec deux carauelles & septante Espagnols à la Trinité pour en estre gouuerneur, & Adelanrado, mais il mourut miserablement. Apres sa mort on y enuoya Hierosme Artal de Sarragoce avec cent trente Espagnols pour gouuerner ce pays, & pour le peupler. Il peupla à Cumana à S. Michel de Neueri, & en autres lieux. Christophle Colób costoya tout ce q est depuis Paria iusques au cap de la voile, & descourrit Cubagua, l'Isle des perles qui le meit en mauuaile reputatiō à la court. Ce descouuremēt fut le premier, qui fut fait desterres fermes.

*Le descouurement que feit Vincent Yanes Pinzon.*

*Chap. 85.*

IL me souuient auoir cy dessus recité cōme avec les nouuelles du descouurement des perles qu'auoit fait Colomb, vne auarice aussi tost entra au cœur de plusieurs, qui leur donna courage de traueser tant de mers pour satisfaire à leur cōuoitise. Mais comme on dict en Espagne ils y allerent avec la toison, & en reuindrent tousez. Entre ceux-cy furent Vincent Yanes Pinzon, & Arias Pinzon son nepueu, qui meirent sus quatre carauelles à leurs despens. Ils les equipperent à Palos, lieu de leur naissance, & les pourueurent de gens, d'artillerie, de viures, & de marchandises pour changer. Ils pouuoient faire ceste despence aisément, par ce qu'ils festoient enrichiz aux voyages qu'ils auoient faitz avec Colomb. Ils eurent permission du Roy Catholique pour descourir, & eschanger en lieu où Christophle Colomb n'eust point esté. Ils partirent donc du port de Palos le 13. de Nouembre l'an 1499. pensans bien apporter force perles, or,



ioyaux, & plusieurs autres choses riches. Il tira à l'isle de Saint Iaques, qui est pres le cap verd, & de là, sçachât que Colób n'auoit trauerſé la Zone torride, & qu'il en auoit seulement approché, se mit à la trauerſer, & vint surgir pres vn cap qu'il furnôma de S. Augustin. Ces descouureurs sauterent en terre à la fin de Ianuier, & là se refreschirent d'eau, & se pourueurét de bois, & remarquerét la haulteur du soleil. Ils escriuirent leurs noms, & le iour, qu'ils arriuerent, aux arbres & rochers, & en signe de possession ils y marquerent aussi les nōs du Roy & de la Roine. Ce premier iour ils furét vn peu estōnez de n'auoir trouué personne pour sçauoir quel estoit le lāgage du pays, & quelle richesse y auoit. La nuit d'apres ils veirent quelques feux, nō loin d'eux: du grād matin ils sy en allerent, & voulurét faire quelques eschāges avec ceux, qui estoient à l'entour de ces feux. Mais ces Indiens ne voulurét accepter tel le traficque, ains vouloient plustost cōbattre avec leurs arcs, & lāces: Les nostres aussi refusoiet venir aux mains, par ce qu'ils estoient estonnez de la grādeur de leurs ennemis, qui surpassoient en haulteur les plus grands Alemans, & estoient d'vne moitié plus hauts qu'eux, ainsi que les Pinzons ont rapporté. Cela les feir desloger, & allerét surgir en vn fleuve, qui n'auoit pas le fond assez creuz, au dessus duquel sur vne colline ils auoient apperceu des Indiens. Ils sortirent en terre avecques les barques, & vn Espagnol sauauça, qui ietta au deuant d'eux vne sonnette pour les attirer, les Indiés, qui estoient bien armez ietterent vn boys doré, & comme Espagnol sabbaissoit pour le ramasser, quelques vns

de leur troupe, coururent au deuant pour luy trancher chemin, & l'arrester les autres Espagnols accoururent incontinent pour secourir leur compaignon, & ainsi se commença vne meslée, ou huit Espagnols furent tuez, & furent poursuiuis iusques en leurs nauires par ces Indiens, qui mesme avec vn courage, & hardiesse grande, s'estoient iettez dedans le fleuve pour combattre, & rompirent vn esquif. Il pleut à Dieu qu'ils n'auoiét point de poison: car s'ils eussent eu leurs flesches enuenimees, comme ont les Caribes, tous ceux, qui furét blesez fussét demeurez morts. Vincét Yanes Pinzon cogneut lors quelle difference il y a entre combattre, ou manier vn tymon. En vn autre fleuve nommé Mariatamba ils prindrent trente six Indiens, & coururent toute la coste iusques au goulfede Paria. Ils toucherent le cap premier, l'Angleg de Sainct Luc, pays de Humos. Ils passerent par le fleuve de Maragnon, d'Oreillan, par le fleuve doux, & autres lieux. Ils employerent dix moys à aller, & venir. Ils perdirent deux carauelles avecques tous ceux, qui estoient dedans, ils amenèrent vingt esclaués, trois mille liures de bre-sil, & de Sandal, & grand nombre de ioncs, qui sont estimez en Espagne, grande quantité de gluz blanche, des escorces de certains arbres, qui ressemblent à la canelle, & apporterent vne peau de vne beste, qui porte ces faons en vne poche qu'elle a en l'estomach, & quand ils furent arrivez ils racomproient pour vne chose bien merueilleuse d'un arbre que seize hommes n'eussent sceu embrasser.

**L**E fleuve d'Oreillan, si l'est tel qu'on le dict est le plus grand des Indes, & de tout le monde, encor qu'on y mette le Nil. Ancuns l'appellét mer douce, autres disent que c'est vne branche du fleuve de Maragnon, qui prend sa source à Quito près de Mullubamba, & entre en la mer iusques à 1200. mil de Cubagua, mais ceste opinion n'est pas bien encore asseuree, & pour ceste cause nous y mettrôs difference. Ce fleuve doncq prend tousiours son cours quasi dessoubs l'Equinoxial, & s'estend en longueur six mil mil, & plus, selon le recit d'Oreillâ, & de ses cōpagnōs, par ce qu'il fait plusieurs cōcours, & destours, coulant en façon de serpēt. Car du lieu d'où il sourd iusques à la mer il n'y a que 2800. mil, il faict grand nombre d'Isles. La maree monte cōtre mont plus 400. mil, avec laquelle les poissons nommez Manatis, Bufeos & autres montent loing de la mer plus de 1200. mille, il peult estre qu'il croist en certain temps comme fait le Nil, & le fleuve d'Argent, mais cela n'est pas encore descouvert, par ce qu'il n'est pas encore peuplé. Je pense qu'aucune personne n'a tant navigué sur fleuve quel qui soit qu'a faict François d'Oreillan sur cestuy cy. Et croy qu'il n'y a grand fleuve, duquel l'origine, & l'entree en mer ait esté cognüe plustost que de cestuy cy, tellement que la source à esté aussi tost descouverte que l'emboucheure. Les Pinzōs l'ont descouvert l'an 1500. Oreillan la couru quarante & trois ans depuis ce qui luy aduint parvn hazard tel: Il sen alloit en la compagnie de Gonzalle Pizarre à la conqeste, qu'on a surnommee de la canelle,



de laquelle nous traicterons cy apres. Vn iour pour tirer quelques prouisiōs d'vne Isle de ce fleuve il se ietta dedans vn brigantin, & quelques Canoas, ou barquerolles du pays avec cinquante Espagnols, & ayant nauigué quelques iours, se voiant loing, & escarté de son Capitaine, se laissa couler aual le fleuve emportant avecques soy de l'or, & esmeraudes, & autres richesses, desquelles on s'estoit reposé sur luy, s'excusant toutesfois sur le courant de l'eau, qui l'emmenoit d'un destroict, où il s'estoit trouué, & qu'il ne pouuoit remōter. Des Canoas il feit vn autre brigatin, & se desobligeāt soy mesme, & tous ses cōpagnōs du sermēt qu'ils auoient fait à Gōzalle fut esleu chef, & capitaine, & voulat essayer la fortune & arresta en ceste entreprise de vouloir sçauoir quelle estoit la richesse de ce fleuve, & où il prenoit sa fin, ce qu'il executa tellement qu'il entra en la mer suiuant tousiours le fleuve. Mais il ne peut passer tant de pays sain, & entiet. Il perdit vn œil en combatant contre les Indiens. Pour conclusion il vint en Espagne, & presenta au conseil des Indes, qui pour lors estoit à Valladolid, vne lōgue narratiō de son voyage, laquelle ainsi qu'on a sceu depuis, ne conceuoit que des menteries. Il demanda la cōqueste de ce fleuve, qui luy fut dōnée avec le tiltre de Adelantado. Il despēdit incontinent l'or, & les esmeraudes qu'il auoit apporté, & quand se vint à retourner avec vne armee, il n'auoit plus de pouuoir par-ce qu'il estoit pauvre. Se voyāt en cest estat, cherchant les moynes pour recouurer argēt, il se marie, & emprunte des deniers de ceux, qui vouloient aller avecques luy, leur promettant des

charges, & offices en son armee, & en son gouvernement. Il employa quelques annees à chercher ces moyens, & à faire ses apprests : à la fin il assembla cinq cens hommes en la ville de Seuille, & meit la voile au vêt. Mais il fut prevenu de mort sur la mer, & puis ses gens & vaisseaux s'escarterent deçà delà, & ainsi demeura ceste fameuse cōqueste qu'on surnommoit des Amazones, parce qu'entre toutes les nouvelles, ou menteries qu'il racomptoit du pays, où il auoit esté, il disoit qu'il auoit veu sur ce fleuve des Amazones, avec lesquelles il auoit combattu, qu'elles manioient tousiours les armes, & dōnoïent les combats, que elles se brusloient, ou couppoient la mammelle droicte pour tirer de l'arc, qu'elles tueoient, ou confinoient en prison les enfans males qu'elles procreoient, qu'elles estoient sans hommes ou mariz. Quant à ce qu'il disoit de ses femmes, qui combattoient, ce n'estoit pas grand merueille, par-ce qu'en Paria qui n'est pas loing de là, & en plusieurs autres lieux des Indes les femmes ont ceste coustume, mais tout le reste estoit faux: car on les voit aussi bien tirer del'arc avec leurs mammelles que les hommes, & toutes les Indiennes sont si adonnees à leur plaisir charnel qu'il est incroyable qu'elles se puissent contenir sans la compagnie des hommes. Aussi tous ceux, qui apres Oreïllan ont parlé de ceste baye des Amazones, n'ont rien veu de tout cecy, & croy qu'on n'en verra iamais rien. Ce fleuve toutesfois comme les premiers nomvolontiers demeurent, a esté surnommé depuis, & marqué és cartes marines au nom des Amazones.

*Du Fleuve de Maragnon. Chap. 87.*

**C**E fleuve est trois degrez par dela l'Equinoxial : il a de largeur soixante mil, il enuironne plusieurs isles fort peuplees, ou on trouue grande quantité d'encés fort bō, & plus grenellé, & mieux fourny que celuy d'Arabie. Les habitans font cuire leur pain avec du baume, ou pour le moins avec vne liqueur, qui luy ressemble fort. On a trouué en ce fleuve des pierres fines & vne esmeraude aussi large que la paulme de la main, fine au possible: les Indiens disent qu'il y en a des rochers en contremont le fleuve, on y a trouué aussi des apparences d'or, & d'autres richesses: Ils font leur breuusage de plusieurs choses, & entre autres, de dattes, qui sōt aussi grandes & grosses que coings. Ils portent des pendans à leurs oreilles, & trois ou quatre anneaux à leurs leures, & encor qu'ils n'y mettēt des anneaux ils ne laissent pas à les percer, estimans que ce soit vne grande beauté. Ils couchent dedans des liēts qu'ils pendent en hault, & ne dorment point sur terre. Ces liēts ne sont qu'une couuerture faicte en façon de rets, laquelle ils attachent à deux panx ou arbres, & n'ont autre chose pour les couvrir. Ceste façon de coucher est generale par toutes les Indes depuis le Nom de Dieu iusques au destroit Magelanique. Le long de ce fleuve est subiect à de mechātes mouches, & Niguas, qui font perdre les pieds aux personnes quand elles y entrent si on ne les tire bien tost dehors, comme i'ay escript en vn autre chapitre. Aucūns disent, cōme i'ay recité à l'autre chapitre que ce fleuve & celuy d'Oreillan ne sont qu'un, & qu'il prend sa source au Royaume



de Peru. Plusieurs Espagnols sont entrez en ce fleuve depuis qu'il fut descouvert par Vincent Pinzon l'an 1499. encor' qu'il n'y ayent peuplé. L'an 1531. Diego de Ordas, qui auoit esté capitaine sous Ferdinand Cortes en la conquête de la nouvelle Espagne, y fut enuoyé pour en estre gouverneur; & Adelantado: mais il n'arriua point iusques là, parce qu'il mourut sur mer, où son corps fut ietté apres. Il menoit en trois nauires six cens Espagnols, & trêre cinq cheuaux. Apres on y enuoya l'an 1534. Hierosme Artal avec cent trente soldats, il n'arriua point encor là: Car il demeura à Paria, & s'employa à peupler Sainct Michel de Neueri, & autres lieux, comme i'ay desia dict.

*Le cap de Sainct Augustin. Chap. 88.*

**C**E cap est situé 8. degrez & demy par de là la ligne Équinoxiale. Vincēt Yanes Pinzon le descourrit l'an 1500. au mois de Iauier avec quatre carauelles qu'il auoit equippees au port de Pâlos deux mois deuât. Les Pinzōs ont esté grās descouureurs, & ont par plusieurs fois voyagé aux Indes. Mesme Americ Vespuce Florétin les remarq pour tels: Ice-luy fut en ce mesme cap, & le nomma Saint Augustin l'an 1501, ayant trois carauelles que luy donna dō Emanuel Roy de Portugal, qui l'enuoioit pour chercher en ce quartier quelq passage pour gagner les Molucques. De ce cap il nauigua iusques à 40. degrez par de là l'Equinoxial. Plusieurs reprénér, & blasment les cartes marines de cet Ameri cōme on peut voir en quelques Ptolomees imprimez à Lyō en France. Je croy qu'il a nauigué beaucoup: mais ie m'assure que Vincent Pinzon, & Iean Diaz de

Solis l'ont outrepassé. Le ne parle point de Chusto  
 fle Colomb, ny de Ferdinād Magellan: car vn cha-  
 cun sçait ce qu'ils ont descouuert. Le parle encores  
 moins de Sebastien Gauoto, & de Gaspar Cortes  
 Reales, desquels le premier estoit Italien, & l'autre  
 Portugais, & si pas vn de ces deux n'entreprint ces  
 voyages pour nos Rois d'Espagne. Mais il fault re-  
 uenir à nostre cap. Aucuns comptent depuis Mara-  
 gnon iusques à ce cap 2000. mil, autres y en adiou-  
 stent. En ceste coste est la pointe de Humos, par où  
 passe la raye, qui denote la diuision qui fut faicte  
 des Indes entre les Espagnols, & Portugais, laquel-  
 le est vn degré & demy par de là l'Equinoxial, &  
 est cinq degrez loing du cap premier, qui ainsi a e-  
 sté nommé, par ce qu'il semble premier à ceux, qui  
 vôt par delà. On n'a point peuplé en ce pays pour  
 le peu d'apparoissance d'or, ou d'argēt. Le croy tou-  
 tesfois qu'il ne soit pas si sterile, comme on le fait,  
 attendu qu'il est situé soubs vn bon air, & de bōne  
 temperature. Ils laisserent encores ce pays par ce  
 qu'il appartenoit au Roy de Portugal suiuant la di-  
 uision, de laquelle nous auōs parlé plus amplemēt  
 en vn autre lieu.

*Le fleuue de la Plata, autrement dict de l'Argēt. Chap. 89.*

**D**V cap de S. Augustin, qui est à huit degrez de  
 l'Equinoxial, on cōpte 2800. mil, de coste ius-  
 ques au fleuue de la Plata. Americ dict qu'il s'en al-  
 la là par le commandemēt de Dom Emanuel Roy  
 de Portugal l'an 1501. pour chercher passage plus  
 court pour aller aux Moluques, & à l'espicerie. Iean  
 Diaz de Solis natif de Lebrixa costoya toute ceste  
 coste de mil en mil, l'an 1512. à ses propres despēs.

Il estoit grād Pilote du Roy. Il leua vne permission de son maistre, & se meit sur mer suivant la route de Pinzon. Il arriua au cap de Saint Augustin, & de là print le chemin de Midy, & costoyant tousiours la terre, se trouua à quarante degrez, & là il attacha des croix aux arbres, qui sont fort grands, & haults en ce quartier là, & puis arriua à vn grand fleuve que les habitans appellent Parauaguazu, c'est à dire mer, où grāde eau. Il aperceut en iceluy quelque monstre d'or, & le surnomma de son nom, le pays luy sembloit beau, & bon, & les habitans de mesme, il y veid force bresil, & puis s'en retourna en Espagne, où il feit recit au Roy de tout ce qu'il auoit descouuert, & demanda la conqueste, & gouuernement de ce fleuve, laquelle luy estant accordée, il arma trois nauires à Lepe, & meit dedans bon nombre d'hommes pour guerroyer, & peupler. Il s'en retourna au moys de Septembre l'an 1515. par la mesme route qu'il auoit tenue. Estant arriué il se mect en terre avec cinquāte Espagnols pensant que les Indiens le receutoient en paix, cōme à l'autre fois, & comme mesme ils en faisoient encores le semblant. Mais il fut trompé: car sortāt de la barque il fut assailly par des Indiens, qui estoient embusquez dedans vn bois, & fut tué, & mangé avec tous les autres Espagnols, qui s'estoiēt mis en terre, la barque mesme fut mise en pieces. Les autres, qui estoient aux nauires contemploiet le conflict, & feirent leuer les voiles, & les ancras sans auoir la hardiessē de venger la mort de leur capitaine. Ils se chargerent de bresil & de gluz blanche, & s'en retournerent en Espagne tous honteux,



& perduz. Sebastien Gauoto allât aux Molucques passa par ce fleuve l'an 1526. avec quatre caravelles, & deux cens cinquante Espagnols. L'Empereur le fournit de vaisseaux, & d'artillerie, & les marchans, & autres personnes, qui allerent avec luy, luy donnerent ainsi qu'on dict mille ducats à la charge, qu'il departiroit à vn chacun le gain, & profit au pro rata. De ces deniers il pourueut son armee de victuailles, & de merceries pour changer aux Indiens. Il arriua en fin à ce fleuve, & par le chemin il rencontra vn nauire François, qui negocioit avec les Indiens du goulfe de tous les Saints. Estât entré en ce fleuve il feit flotter son armee contremôt 160. mil, & arriua au port de S. Sauueur, qui est assis sur vn autre fleuve, qui entre dedans cestuy-cy. Les Indiens luy tuerent deux Espagnols, & ne les voulurent manger, disans qu'ils estoient soldats, & que ils auoiét desia esprouué en la personne de Solis, & de ses compagnõs quelle estoit leur chair. Gauoto se partit de là sans faire aucune chose digne de memoire, & s'en retourna en Espagné tout fâché. Ce ne fut pas tant par sa faute, ainsi qu'on dict, comme par celle de ses soldats. Apres cestuy-cy Dom Pierre de Mendoza, voisin de Guadix, alla à ce fleuve l'á 1535. avec douze nauires, & deux mille hommes. Ce fut le plus grand nombre d'hommes, & de vaisseaux que capitaine eust mené aux Indes. Il partit malade, & retournant par de ça à cause de sa maladie il mourut sur mer, l'an 1541. on y enuoya pour gouuerneur, & Adelâtado Aluaro Nugnez Cabeza de Vaca natif de Xerez, c'estoit celuy, qui autrefois parmy les Indiens auoit faict des miracles comme

## 2. LIVRE DE L'HIST.

J'ay dit en vn autre lieu. Il mena quatre cens Espagnols soldats, & quarante six de cheual, il eust peu faire quelque chose de bon, mais il ne sceut se gouverner avec les Espagnols que Dom Pierre de Mandoze auoit laissez là, & encor moins avec les Indiens, tellement qu'il fut enuoyé prisonnier en Espagne avec vne informatiō de toutes ses actiōs. Ceux, qui le menoient estant arrivez demanderent vn autre gouverneur, on leur donna Iean de Sana-bria de Medellin, lequel s'obligea de mener avec soy à ses despens trois cens hommes mariez, qui tant pour eux que pour leurs femmes, & enfans luy auoient promis sept ducats & demy pour homme. Mais il mourut à Seuille dressant son equippage, & le conseil des Indes commanda que son fils continuast l'entreprinse. Plusieurs font cas de ce gouvernement par ce qu'il y a ja beaucoup d'Espagnols demeurans là, & accoustumez à l'air, qui scauent fort bien la langue du pays, & ont basti vne ville, qui contient deux mille maisons, en laquelle demeurent avec les Espagnols grād nombre d'Indiens, & Indiennes, qui se sont faits Chrestiens. Elle est assise à quatre cens mil de la mer sur ce fleuve vers le Midy en vn pays nommé Quirandies, où les hommes sont grands comme Geans, & si legiers à la course qu'ils prennēt avec la main les cheureux, ils vivent cent cinquante ans. Tous les habitans de ce fleuve mangent chair humaine, & vont quasi tous nuds. Mais nos Espagnols depuis qu'ils ont eu vſé leurs chemises, & accoustremens, se sont vestus de peaux de cheures conroyez avec gresse de poisson: ils ne mangēt quasi que du poisson, duquel ils

ont grande quantité, & est fort gras. C'est la principale viande des Indiens encor' qu'ils prennent à la classe des cheureux, sangliers moutons comme ceux du Peru, & autres bestes. Ils sont grands guerriers, & ont accoustumé de porter à la guerre vn gros pommeau attaché à vne longue, & grosse corde, lequel ils iettent sur leur ennemy ou au col, ou aux iambes avec telle dexterité qu'ils ne faillent à l'entortiller de ceste corde, & puis avec vne force grande le tirent à eux & puis le sacrifient à leurs dieux, & le mangent. Le pays est tresfertile, ainsi que Sebastien Gauoto essaya, ayant semé au mois de Septembre cinquâte & deux grains de froment, qui en rapporterent au mois de Decembre cinquante mille. Il est aussi fort sain combien qu'au commencement les Espagnols y furent malades, mais on n'é donne la cause au poisson, duquel ils se repaïssoient plus que d'autre chose: si est ce toutes-fois que depuis ils s'engraïssoient & profitoient avec la mesme viande. Il y a en ce fleuve des poissons, les vns ressemblans entierement des porcs les autres des hōmes. Il y a aussi sur terre des serpens qu'on nōme sonnettes par ce qu'ils rendent vn son en se maniant. On y trouue pareillement de l'argēt des perles, & autres ioyaux. Ce fleuve a esté nōmé la Plata, & de Solis en memoire de ceux, qui l'ont descouuert: il contient en largeur cent mil, car on en compte autant du cap de saincte Marie iusques au cap Blanc, qui tous deux sont à trente cinq degrez de l'Equinoxial vn peu plus, ou moins. il fait plusieurs isles, il croist comme le Nil, & pense que ce soit en vn mesme temps: il prend sa source au



Royaume du Peru, & s'enfle par le moyen des fleuves, qui entrent dedans, nommez Auançai, Vilcas, Purina, & Xauxa, qui ont leur source en Bombon, qui est vn pays haut. Les Espagnols, qui habitent sur ce fleuve l'ont couru contremont si auant, que plusieurs sont arriuez au Peru, cherchans les mines de Porossi.

*Le port de Pattos. Chap. 90.*

**C**E seroit vne chose trop longue, & prolix de vouloir reciter par le menu les fleuves, les ports, les pointes qui sont depuis le cap de saint Augustin iusques au fleuve de l'Argent, & par ainsi ie me contenteray d'escire seulement les nös pour remarquer la coste: On voyoit donc comme en vn grand goulfe esgal le goulfe de tous les Saincts, le cap des Basses, qui est à dixhuißt degrez, le cap Frio, qui est quasi comme vne isle ayät 280. mil de tour, la pointe du bon Abrigo, par où passe le tropique de Capricorne, & la ligne & raye de la diuision, de laquelle nous auös cy dessus parlé, qui est vne chose à noter. Le Roy de Portugal a, selö nostre cöpte, en ce quartier, pres de mil 500. mil de pays à cöpter de la Tramötane à Midy, & pres de cinq cës quatre vingts mil de Leuant en Ponët, & plus de deux mil huißt cës mil de coste de mer. Tout ce pays est fort chargé de bresil, mesme on y trouue des perles, selon qu'aucuns recitent. Les habitäs sont de grande corpulëce, & d'vn mesme courage, ils mägent chair humaine. Quäd au port de Patos il est situé à vingt huißt degrez, & a au deuant vne isle nommee sainte Catherine. Nos gens trouuerët en ceste isle des oisons noirs sans plume, ayäs le bec de corbeau, &

estans fort gras, s'engraissans ainsi du poisson qu'ils mangent. L'an 1538. Alphôse de Cabrera, qui estoit parti pour aller au fleuve de l'Argêt, & servir là de cōtroller pour l'Empereur, se trouua en ce port où il trouua trois Espagnols qui entédoiêr, & parloient disertement la langue du pays. Ceux-cy festoient perdus au tēps que Sebastie Gauoto vint en ce quartier. Vn peu apres frere Bernard d'Armēta, qui estoit commissaire, & autres quatre cordeliers cōmencerent à prescher la foy de Iesus Christ, faidans de ces trois Espagnols pour se faire entendre, & si bien profiterēt en ce peu de tēps qu'ils baptizerēt, & marierēt à nostre mode grād nôbre d'Indiens. Ils cheminerent par le pays en plusieurs endroits preschans, & conuertissans le peuple, estans humainemēt receuz par tout, où ils vouloiēt aller, par ce que trois ou quatre ans deuāt vn saint Indié nommé Origuara auoit couru par tout ce pays preschant, ou biē annonçāt cōme en peu de tēps arriue roiēt en ce pays des Chresties pour les prescher, & que s'ils vouloient biē faire, il s'apprestassent à receuoir leur loy, & leur religiō, qui estoit sainte, & que ils donnassent congé à tant de fēmes, qu'ils auoiēt entre lesquelles ils auoiēt mesme leurs seurs, & parentes, & qu'ils s'abstinsent des vices, qui leurs estoient coustumiers. Et afin que telles remonstrances, & aduertissemens demeurassent en la memoire, de ces peuples il en composa des rythmes, & chansons qu'encor' auiourd'huy on chante par les ruess & maisons en la louange de l'innocence de cest Indié. Il cōseilla en outre de biē traicter les Chresties, & s'en alla du pays en lieu, d'où depuis on n'eut  
f iij

2. LIVRE DE L'HIST.

nouvelles de luy. A raison de telles admonitions ce peuple fut aussi tost enclin à recepuoir la parolle de Dieu, & à se baptiser. Mesme deuant la venuë de ces religieux ils auoient porté grand honneur aux Espagnols, qui s'enfuyās d'une meslée, qu'ils auoiēt euë avec les Indiens du fleuve de l'Argent, s'estoiēt retirez à sauueté en ce pays. Ils leurs netoyoient le chemin, leurs presentoiēt à manger, leur donnoient des pennaches, & offroient de l'encens comme à leurs dieux.

LIVRE TROISIEME DE  
L'HISTOIRE GENERALE  
des Indes.

*La negociation de Magellan sur l'espicerie.*  
Chap. 91.

**E**rdinād Magellan, & Ruy Falero vinrent de Portugal en Castille pour traicter au conseil des Indes d'une affaire, qui estoit telle, que moyennant quelque bon party, ils s'offroiēt de descouurir vne nauigation aux Isles des Moluques, qui produisent les espices, par vn nouveau chemin plus court que n'est celuy des Portugays passans par Calecut, Mataca, & Sina. Le Cardinal frere François de Zisueros gouverneur de Castille, & ceux du conseil des Indes leur rendirent graces pour vne si bonne volonté, & vn tel auidis, & leur donnerent esperance qu'ils feroient bien re-



ceuz par le Roy Dom Charles quand il seroit arri-  
ué de Flandre, & qu'aussi tost ils seroient despes-  
chez. Auec ceste responce ils attendirent la venue  
du Roy, & ce pendant ils feirent entendre ample-  
ment leur entreprinse à l'Euesque Roderic de Fon-  
seque President des Indes, & aux Auditeurs. Ruy  
Falero estoit bon cosmographe, & bien versé es  
lettres humaines, & Magellan estoit pilote fort ex-  
pert, & hardy, il disoit & asseuroit que par la coste du  
Bresil, & par le fleuve de l'Argent on trouueroit vn  
passage pour aller aux isles des espices, qui seroit  
plus court, que d'aller par le cap de Bonne-esperá-  
ce, & que pour le moins il ne failloit point tirer iuf-  
ques à septante degrez comme marquoit la carte  
marine, cōposée par Martin de Boheme, qui estoit  
par deuers le Roy de Portugal. Cesté carte toutes-  
fois ne marquoit aucun passage tel qu'ils donnoient  
à entendre, encor' qu'elle designast bien les Molu-  
ques selon leur situation, si elle ne mettoit pour  
passage le fleuve de l'Argent, ou quelqu'autre grád  
fleuve de ceste coste. Magellan monstroient encore  
vne lettre missiue de François Serran Portugais  
son amy, & parent, datée des Moluques, par laquel-  
le il le prioit qu'il s'en allast par delà si il vouloit in-  
continent deuenir riche, & l'aduertissoit comme il  
estoit venu de l'Indie à Iaua, où il s'estoit marié, &  
depuis qu'il estoit venu en ces Moluques pour la  
negociation de l'espicerie. Il auoit aussi pour lors  
par deuers luy le discours du voyage de Louis Ber-  
roman Boulongois, qui d'Italie apres auoir passé  
toute la Grece, l'Egypte, l'Arabie, Perse, Calecut,  
estoit allé à Bandan, Borney, Bacion, Tidoré, & au-

## 3. LIVRE DE L'HIST.

tres isles des espices, qui sont sous l'equinoxial, bien loing de Malaca, Samotra, Ciantan, & la coste de la Sina. Il auoit encor' auec luy vn esclau qu'il auoit autres-fois amené de Malaca, lequel on appelloit Héry de Malaca, & si auoit vne femme aussi esclauue, qui estoit natifue de Samotra, qu'il auoit eue aussi à Malaca, ceste femme entendoit beaucoup de lagages de ces isles. Il imaginoit aussi d'autres choses pour estre plustost creu, & faisans des cōsiderations telles: que ce pays deuoit tourner vers le Ponent, comme le cap de Bonne-esperance tournoit vers le Leuant, puis que ia Jean de Solis auoit flotté par là iusques à quarante degrez par de là l'Equinoxial, leuant la prouë vn peu vers le Ponët: & asseuroit en outre qu'au cas qu'il ne trouueroit passage en ceste endroit, costoyant toute la coste il viendroit à surgir à vn cap, qui respondroit à celuy de Bonne-esperance, & que là il descouueroit de grands pays, & le chemin de l'espicerie. Ceste nauigation estoit tres-longue, trespangereuse, & penible, & de grands coups: plusieurs ne la pouuoient comprendre, autres n'en croyoient rien du tout, la plus grand part toutesfois y adioustoit foy, cōme prouenāte de l'esprit d'vn qui auoit demeuré sept ans en l'Indie, où se fait la traicte des espiceries. Il y auoit vne autre raison qui incitoit les cœurs des personnes à les croire, encor' qu'il n'y eust pas grande assēurance de verité: c'estoit qu'ēcor' qu'ils fussēt Portugais, ils disoient neātmoins que Samotra, Malaca, & autre pays plus oriētaux, où on traffiquoit, estoient assises les foires de l'espicerie, appartenoiēt au Roy de Castille, comme estans situez au dedans

de la portion qui luy estoit escheuë par la diuision, de laquelle nous auons parlé cy dessus, & que la ligne, ou raze deuoit passer plus de trois cens soixâte lieuës vers le Ponent, loing des isles du Cap Verd ou Azores. Ils asseuroient d'auantage que les Moluques n'estoient pas fort loing de Panama, & du goulse de S. Michel que descouurit Vasco Nugnez de Valua. Ils disoient encore qu'en ces pays & Isles qui appartenoient au Roy de Castille on y trouuoit les mines & le sablon d'or, & des perles, & ioiaux, outre la canelle, girofles, poiure, noix muscades, gyngébre, rheubarbe, sandal, camphre, ambre, musc, & plusieurs autres marchâdises de tres-grâd pris, tât pour la medecine, que pour le goust, & plaisir des personnes. Le Roy Dó Charles, qui n'estoit pas encor' Empereur, estant arriuë en Espagne, ceux du Conseil des Indes, apres auoir bien considéré toutes ces choses luy conseillerent de mettre à execution ce que ces Portugais propoisoient. Et ainsi pour leur donner meilleur courage, le Roy les feit Cheualiers de l'ordre de S. Iaques, avec la Croix, & leur donna les gens desquels ils auoiët besoing, autant de vaisseaux qu'ils demandoient, non-obstant que les Ambassadeurs du Roy de Portugal luy dirent plusieurs meschancetez d'eux, comme estans desloiaux, & traistres à leur Roy, & qu'ils le tromperoient. Mais les autres s'excuserent amplement, & contenterent le Roy, se cõpleignans du Roy de Portugal. Il est bië vray qu'ils promeirent à ces Ambassadeurs de n'aller aux Moluques par la voye que tenoient les nauires de leur Roy, ce qui contenra vn peu le Roy de Portugal, qui estimoit qu'ils ne



trouueroyent iamais passage ny autre nauigation pour aller aux espices que celle par où les siens passoient. En fin, ils firent despescher les prouisions, & lettres patentes de leurs charges à Barcelone, & de là s'en allerent à Seuille, où Magellan se maria avec vne fille de Duardo Barbosa Portugais Chastelain des Atarazanes, & Ruy Falero deuint fol & incensé par-ce que perpetuellemēt il pensoit à son entreprinse, laquelle il croioit ne pouuoir sortir effect, & là dessus se tourmentoit de ne pouuoir accomplir ce qu'il auoit promis. Autres disent que ceste folie luy aduint d'une pure melancholie qu'il eut pensant à sa desloyauté, & à la trahison qu'il commettoit contre son Roy. Cela fut cause qu'il n'alla aux Moluques.

*Du destroit de Magellan. Chap. 92.*

**C**Eux qui ont la charge de la maison de la negociation de Indes, equipperent cinq nauires, & les pourueurent de biscuit, de farine, de vin, de huyle, de fromage, de iambons & autres choses propres à manger, & d'armes, & de merceries, & enrollerent deux cens soldats : Le tout au despens du Roy. Avec vn tel aprest Ferdinand de Magellan partit de Seuille, & du port de S. Lucar de Barrameda au moys d'Aoust, 1519. quasi trois ans apres qu'il fut venu de Portugal en Espagne pour negotier ceste entreprinse. Il mena deux cens trête-sept hommes, tant soldats, que mariniers, entre lesquels y en auoit quelques vns Portugais. Le nauire Capitaine se nommoit la Trinité, les autres auoient ces noms, Victoire, S. Antoine, la Conception, & S. Iaques. Iean Serran seruoit de grand Pilote à ceste

armee, c'estoit vn marinier bien entendu, expert, & fort exercité en son art. De S. Lucar, donc, Magellá s'é alla à Tenerefe, qui est des Canaries, & de là aux Isles du cap Verd, & puis au cap de S. Augustin prenant son chemin entre Midy, & Ponent, par-ce que son intention estoit de suiure ceste coste iusques à tant qu'il rencontrast vn passage, ou qu'il en veid le bout cestoyant tousiours la terre de pres. Ils s'arrestèrent beaucoup de iours és pays, qui sont situez à vingt-deux, & vingt-trois degrez oultre l'Equinoxial, mangeans en ce pays là des cannes de miel, desquelles on fait le sucre, & des bestes que les Indiens appellent Autas, qui ressemblent à des vaches. La meilleure chose qu'ils peurent tirer de ce pays en contre eschange furent des perroquets. Ces habitas m'agent d'un pain fait d'un bois graté, & de la chair humaine. Ils se vestent d'accoustremens faits de plumes ayans de grandes queuës, ou bien ils vont nuds. Ils se percent les naseaux, les leures de desso<sup>us</sup>, & les oreilles pour porter des ioyaux & autres choses tailles en os. Ils se peignent tout le corps, les hommes ne portent point de barbe, & les femmes n'ont sur elles aucun poil, par ce qu'elles l'arrachent avec vn certain art. Ils couchent en leurs Hamacques (ainsi appellēt-ils leurs lits) cinq à cinq & mesme dix à dix avec leurs femmes: ce qu'ils font, tant par leur coustume ancienne, que pour entretenir leur fraternelle amitié: ils ont accoustumé de vendre leurs fils. Les femmes suiuent leurs maris chargees de pain, & de flesches, & les enfans portent les rets, & fillets. A la fin de Mars, nos gens arriuent à vne plage qui est à 40. degrez, où ils hyuernerent

les cinq mois ensuiuās iusques en Aoust, parce que le soleil ne faisoit pour lors son cours par là, le froid la glace, & les neges regnent en ce quartier durant ce temps. Ce pendāt aucuns Espagnols allerēt voir quel pays c'estoit, & porrerēt des miroüers, sonetes, & autres choses pour chāger. Les Indiens vindrent sur la marine esmerueillez de veoir des vaisseaux si grands, & des hommes si petits: ils mettoient & estoient par dedans leur gosier vne fleche pour esto-  
 ner nos gens ainsi qu'ils demonstroient: Aucuns disent qu'ils ont accoustumé de faire ainsi voulās vomir quād ils sont trop saouls. Ils auoient leurs cheueux taillez en couronne comme ceux des prestres, & entortillez avec vn cordon de fil, auquel mesme ils attachent leurs fleches quand ils vont à la chasse ou à la guerre. Ils auoient des souliers de pasteurs, & estoient vestus de peaux d'animaux. Si vous cōfidez tels accoustremens en la personne de quelque geant, tels cōme sont ceux cy, vous direz qu'ils la rendent plus formidable, & admirable, comme aussi à la verité ils rendoient ces habitans. Ils commencerent avec signes (car le parler ne seruoit de rien) de s'acoster l'un l'autre: Nos gēs les inuitoier de venir veoir les nauires, & eux inuitoient nos gēs à leurs maisons. En fin sept arquebouziers allerent iusques à six mil dedans le pays en vne maison couuerte de peaux, & qui estoit au milieu d'un bois fort espaiz. Ceste maisō estoit partie en deux, l'une pour les hōmes, & l'autre pour les femmes, & enfans. Ils vindrēt en icelle cinq geās, & 13. fēmes, & enfās tous plus noirs que ne requeroit la fragilité du pays. Ils donnerent pour soupper à nos gens vne Anta mal



roftie, ou bien vn aïne fauage fans leur donner à boire vne goutte, & puis leur donnerent à chacū vne pliffe pour coucher, & se rangerēt à l'entour du feu sans dormir toutefois, ayans peur les vns des autres. Au matin nos gens les prierēt fort qu'ils vins- sent avec eux voir les nauires, & saluer le capitaine, & n'en voulans rien faire, ils les prindrent pour les mener par force, à fin que Magellā les veid. Les In- diens fachez de telle hardieſſe faiſans ſemblant de vouloir marcher entrerent dedans le logis des fē- mes, & vn peu apres sortirent, ayans les viſages vi- lainemēt depeint de pluſieurs couleurs, & eſtās cou- uers de plumes eſtrāges iuſques à my iābe avec vne fierté manioiēt leurs arcs, & leurs fleches menaçās les Eſpagnols ſils ne ſ'en alloiēt de leur maiſō. Nos gēs pour les eſpouuēter deſlacherent par haut vne arquebouze. Ces geans alors demāderent paix, eſtō nez d'vn tel bruit, & de la flāme. Et par ce moiē trois d'entr'eux vindrent avec les Eſpagnols. Ils chemi- noiēt ſi à grād pas, que les noſtres ne les pouuoient ſuiure, encor' il y en eut deux qui eſchaperēt faiſant ſemblār de vouloir aller tuer vne beſte, qui paiſſoit pres le chemin. Mais l'autre qui ne peut eſchapper, fut mené deuant Magellā, qui le traiçta doucemēt, affin qu'il print nos gens en amitié. Ceſt Indien print pluſieurs qu'on luy presenta, avec vn viſage routesfois triſte, il beut bien du vin, & eut peur de ſe veoir dedans vn mirouer qu'on luy donna: on voulut eſprouuer quelle force il auoit, huit Eſ- pagnols ne le peurent lier. On l'enchaina, mais depuis il ne ſeit que crier, & pleurer, & par vn deſpit grand ne voulut plus manger, & ainſi

mourut. On en print la mesure pour la porter en Espagne, puis qu'on ne pouuoit y porter le corps : il auoit onze palmes de hauteur, on dit qu'il y en a qui en ont treize, qui est vne hauteur tres-grande. Ils ont les pieds fort difformes, pour laquelle cause on les appelle Patagonis, ils parlent du gosier : ils mangent beaucoup, selon leur corpulence, & à raison de la température de l'air : ils sont mal vestus pour viure en vn pays si froid, ils lient leur membre en dedás par entre les fesses : ils teignent leurs cheueux de blanc, par-ce que ceste couleur leur plaist : ils se frottent les yeux, & se peindēt le visage de iaune, marquans en chascque iouē vn cœur : finalement ils sont accoustrez, & parez d'une telle sorte que vous ne diriez pas que ce fussent hommes. Ils sont adextres à tirer de l'arc, ils ne font que chasser : ils prennent à leur chasse des autruches, des regnards, des cheures chaudiages qui sont fort grandes, & autres bestes. Magellan sortit en terre, & fait cāper ses gens : Mais par-ce qu'il n'y auoit aucunes villes ny personnes, qui pour le moins comparussent en ce quartier : ils tomberēt tous en vn piteux estat, endurās si grand froid, & telle famine qu'aucuns en moururēt. Magellan mettoit vne reigle estroicte aux viures, à fin que le pain ne defaillist point, voyant le defaut, la necessité, & le danger, & que les neiges, & le mauuais temps duroient tousiours. Les Capitaines de l'armee, & plusieurs autres le prierent qu'il voulust retourner en Espagne, & qu'ils ne les feir point mourir là tous si miserablement, cherchans ce qui n'estoit point, & qu'il se contentast d'estre venu en lieu où iamais Espagnol n'auoit mis le pied. Magel-

lan leur feit responce que ce leur seroit vne grâde honte de s'en retourner pour si peu de trauail, de la faim, & du froid qu'ils auoient enduré, sans veoir le passage qu'il cherchoit, ou la fin de ceste coste, & que le froid se passeroit bien tost, & remedieroit à la faim par vn bon ordre qu'il y dôneroit, & qu'on la pouuoit reprimer par la pesche, & par la chasse: qu'ils prissent courage d'endurer encor' le trauail de la mer pour quelques iours, que le prin-temps seroit bien tost, qu'ils pouuoient flotter aisément iusques à septante-cinq degrez, puis qu'on nauigue en Escoce, Noruegue, & Islâde, & que mesme Americ Vespuce estoit ia parueni iusques à là, & au cas qu'il ne trouueroit en ce degré ce que tant il desiroit, qu'il s'en retourneroit. Non-obstant toutes-fois telles remonstrances, la plus grand part iettans larmes, & & souspirs, le requirent vne, & plusieurs fois que sans aller plus auât il rebroustast chemin. Mais Magellan entrant en grande cholere, & grinçant les dents côme vn hôme courageux, & d'honneur, en feit prédre quelques vns qu'il feit chastier: Ce qui anima d'auantage les soldats contre luy, disans que ce Portugais les mènoit à la mort pour rentrer en grace avec son Roy. Avec vn si mauuais accord ils s'embarquerent tous avec Magellan, & des cinq nauires il y en auoit trois qui ne vouloiêt point obeir, ce qui luy donnoit vne grand' peur qu'ils ne l'assailissent, ou luy feissent quelque mal. Estant en telle peine, vn de ces trois vaisseaux repoussé par les flots de la mer vers la riue, sans que les mariniers y prissent garde, par-ce qu'il estoit nuict, & qu'il estoit desencré, vint se ietter sur le



### 3. LIVRE DE L'HIST.

sien au moyen dequoy il se saisit incontinent d'une grand peur mais aussi tost il cogneut la faute. Il arresta ce nauire sans coup frapper, & sans s'esmouvoir. Les autres deux voyans cestuy cy en l'obeyssance du Capitaine se vindrēt aussi renger vers luy. Il feit pendre Louys de mendoza, & Gaspar Casado, & quelques autres, & meit, & laissa sur terre leā de Carthagene, & vn Prestre, qui excitoit vn chacun à discorde leur laissant seulement leurs espees, & vn petit sac plein de biscuit, affin qu'ils mourussent là, ou qu'ils fussent mangez des Indies, publiās qu'ils auoient voulu le tuer. Tel chastiment cruel, & inhumain adoucit les cœurs des autres, & puis Magellan partit de ce lieu qu'il nomma S. Iulien le iour de S. Barthelemy, & cōtemplant attentiuemēt tous les destours des plages qu'il rencontroit pour voir si ce n'estoient point quelques passages, ilardoit beaucoup en chaque quartier, où il arriuoit, & vn iour estant vis à vis de la pointe de S. Croix vint en vn instāt s'esleuervn tourbillon de vent, qui emmena sur des roches le plus petit vaisseau des cinq, ou il fut brisé, & mis en pieces, les hommes toutefois, & tout ce qui estoit dedans fut sauué. Magellā eut de rechef vne grand peur, & perdoit son sens, & son esprit comme celuy, qui s'en alloit perir: le ciel estoit troublé, l'air remply de tonnerres, & tēpestes, la mer enflée, la terre glacée: si est ce qu'avec tout cela il ne laissa a courir cent vingt mil, & arriua à vn Cap qu'il surnōma des Vierges, par ce que c'estoit le iour de Sainct Vrsule. Il mesura à la hauteur du Soleil, & se trouua à cinquante deux degrez & demy de l'Equinoxial, & estoit pour lors six heures de nuit

nuict, ou la mi-nuict. Cest endroit luy sembla estre vne grãde descente ou courante d'eaus & pensant que ce fust le destroiect qu'il cherchoit, enuoya les nauires pour s'en informer plus au vray, & leur cõ-manda que dedans cinq iours ils retournassent en ce mesme lieu. Les deux reuindrent, & comme la troisieme, nommee S. Antoine tardoit trop, les autres feirent voile : Mais estant puis apres de retour en ce lieu des Vierges, & ne trouuant les autres Aluaro de Meschita qui en estoit capitaine, & Estienne Gomez Pilote, feirent delascher l'artillerie, & faire des feux pour scauoir des nouuelles de leurs compagnons, & attendirent quelques iours. Aluaro vouloit entrer au destroiect, disant que son oncle Magellan auoit prins ce chemin : Mais Gomez & quasi la plus part vouloient retourner en Espagne, & sur ce different il donna vn coup d'espee à Meschita & le meit prisonnier, le chargeãt d'auoir conseillẽ Magellan d'exercer telle cruautẽ sur Cartagene, & sur le Prestre, & qu'il estoit cause de la mort d'autres Castillans : & puis fait voile en Espagne. Ils emportoient avec eux deux geãs qui moururent sur mer. Ils arriuerẽt en Espagne huiect mois apres qu'ils se furent departis d'avec Magellan, qui ce pendant tarda beaucoup à passer le destroiect : Mais quand il eut veu l'autre Cap, il rendit infinies graces à Dieu, & ne se pouuoit contenir de ioye d'auoir trouuẽ vn passage pour aller en la mer de midy, par laquelle il croioit bien tost gaigner les Molucques, & la dessus festimoit l'hõme le micux fortunẽ, qui eust iamais estẽ, il s'imaginoit des grãdes richesses, il attẽdoit receuoir des graces infinies

du Roy dom Charles pour vn seruice si remarquable. Ce destroit a de long 440. mil. aucûs en comtent 520. il va de Leuât en Ponent, & ses deux emboucheures sont en vne mesme hauteur de 52. degrez & demy, il a en largeur huit mil, & en aucuns endroiçts d'auantage, il est fort profond, il croist plus qu'il ne diminue, & court vers le midy, il est couuert de plusieurs isles, & est garnie de bôs ports: ces deux costes sont tres-hautes, reuestues de hauts rochers. La terre & le pays est sterile, par-ce qu'il n'y a aucun grain, & le froid, & les neges durent quasi tout l'an. Il y en a aucuns, qui disent qu'en certains endroiçts on a veu de la nege de couleur celeste: mais ce n'est que moquerie, ou bien l'erreur peult estre venu de quelque terre qu'on a veu de ceste couleur. On voit ce pays couuert de grands arbres, de cedres hauts, & de certains arbres q portent vn fruit resëblant à des noisettes. Il y a des autruches, & autres grands oiseaux, plusieurs autres estranges animaux. La mer est fertile en sardines, & arôdelles de mer, qui vollent, & se magent l'un l'autre. On y veoit aussi force loups marins, de la peau desquels les habitâs se vestët, des baleines, des os desquelles ils font des barques. Ils en font aussi d'escorces d'arbres, & les calfeutrent avec de la fiante d'antas.

*La mort de Magellan.*

*Chap. 93.*

**A** Pres que Magellan eust passé le destroiçt, il feit tourner les prouës à main droicte, & tira son chemin quasi par derriere le Soleil, pour reprendre l'Equinoxial, par-ce que dessous iceluy sont situez les Moluques qu'il cherchoit. Il fut quarante iours & plus sans veoir terre. Durant ce téps il eut grand



faute de pain, & d'eau : ils ne mangeoient que par mesure, & chascun n'auoient qu'une once de pain: ils beuuoient l'eau se bouchant le nez, à cause de la puanteur, & faisoient cuire leur ris avec l'eau de la mer. Avec tout cela il leur vint encor' vn autre mal aux machoires qui leur vindrét enflées, il en mourut vingt, & en demeura autant de malades. Ils deuiendrent tous tristes à merueilles, & plus mal contents qu'ils n'estoient deuant qu'ils eussent trouué le destroit. Avec telle misere ils arriuerent à l'autre Tropique, & à certaines Isles, qui leur feit perdre entierement courage, & les nommerent malheureuses, par-ce qu'elles estoient toutes desertes, sans qu'aucun y habitast, & sans y trouuer prouision aucune. Ils passerent l'Equinoxial, & puis arriuerét à Iunagaua, qu'ils nômerent l'Isle de Bon-Signe, où ils se repeurent abondammét. Ceste isle est à onze degrez, ils y trouuerét du coral blâc. Apres ils rencontrerét tant d'isles ensemble qu'ils les nômerent la mer Archipelago, mais ils dônerent vn nom particulier aux p̄miers, les surnômans les Isles des Larçons, par-ce q̄ les habitans desrobent aussi subtilement, côme font les Bohemiés, ou Égyptiés, entre nous: aussi ils disoient qu'ils estoient descendus d'Égypte, ainsi q̄ donnoit à entédre ceste esclaué qu'auoit Magellan, qui bien les entédoit. Les hommes de ceste Isle s'estudient à auoir les cheveux longs iusques au nôbril, & les dents noires, ou rouges, & les femmes les portent iusques au talõ, & les lient à l'entour de leurs corps en forme de ceinture. Ils portét des chappeaux hauts esleuez, faicts de fueilles de palme, & les brayes de mesme. Pour conclur

## 3. LIVRE DE L'HIST.

sion nos gës d'isle en isle arriuerët à Zebur , que les  
 autres appellët Subo. Magellã feit tédre vne ensei-  
 gne de paix, & pour môstrer l'obeissance, il feit tirer  
 quelques pieces d'artillerie, & enuoya par deuers le  
 Roy de ceste isle ses Ambassadeurs avec vn prefët,  
 & autres choses pour changer. Hamabar (ainsi s'ap-  
 pelloit le Roy) print grand plaisir de son arriuée, &  
 luy enuoya dire qu'il sortist dehors à la bõne heure.  
 Magellan, donc, saillit en terre, & feit sortir de ses  
 vaisseaux bon nombre d'hommes, avec quelque  
 mercerie. Ils dresserent sur la greue vn grand taudis  
 avec les voiles des nauires, & force rameaux pour  
 chanter la Messe solennellemët, par-ce que c'estoit  
 le iour de la resurrection de Iesus Christ. Le Roy  
 bien accompagné, y assista, escoutant attériuemët,  
 & y prenant grand plaisir. La Messe dictë, nos gens  
 armerët vn hõme depuis la teste iusques aux pieds,  
 & puis frapportoient dessus avec leurs espees, & hal-  
 lebardes, à fin de monstrier que ny le fer, ny force  
 aucune n'estoit assez suffisante contr'eux. Les habi-  
 tans s'en esmeruilloient assez, mais non pas tant  
 comme les nostres pensoient. Magellan donna à  
 Hamabar vne robbe longue de soye violette, &  
 iaune, vn bonnet teinct en grene, deux verres, &  
 quelques couronnes de mësme matiere. Il donna  
 aussi à vn sien nepueu, & hëritier vn bonnet, vne  
 custode, & vne couppe de verre qu'il estima gran-  
 dement, pensant que ce fust quelque chose bien fi-  
 ne. Il leur feit quelques admonitions touchant la  
 religion par le moyen de son esclau Henry, qui  
 seruoit de truchemët, & confirma l'amitié en com-  
 mancee touchant dedans la main du Roy, & beu-

uant à luy. Hamabar feit le semblable, & feit present de ris, de mil, figues, melons, miel, succe, gymbre, pain, du bruuage fait avec du ris, quatre porceaux, cheures, poulles, & autres choses pour manger, & force fruit, qui n'a son pareil en Espagne, & luy donna aduertissement des Moluques & de l'espicerie. Puis le pria à disner, & fut le banquet solennel. L'amitié, par telle familiere conuersation, fut telle entr'eux, que Hamabar voulut estre baptisé avec plus de huit cés personnes. Il fut nommé Charles comme l'Empereur, la Roynie fut nommee Ieanne, la princesse Catherine, & le nepueu, & heritier Ferdinand. Magellan guarit vne autre nepueu du Roy de la fiebure, qui le tenoit il y auoit ia deux ans, encor' aucuns disent qu'il estoit muet, & que pour ce miracle tous les habitans de Zebut se baptiserent, & huit cés autres, qui estoient de l'isle de Masana. Le Seigneur de laquelle fut nommé Iean, & sa femme Isabelle, & vn More, qui alloit & venoit en Calecut, fut nommé Christophle. Ce More certifia, & asseura d'auantage Hamabar de la puissance de l'Empereur dom Charles Roy d'Espagne, & que c'estoit luy qui estoit Roy de Portugal. Hamabar enuoya messagers aux Isles circonuoisines à la requeste de Magellan, les priant qu'il vinssent prendre amitié avec des hommes si bons, & si parfaicts comme estoient ces Chrestiens. Ils vindrēt quelquesvns des petites isles prochaines pour voir le nepueu du Roy guaray, & pour veoir celuy qui l'auoit guaray avec des paroles seulemēt, & de l'eau, reputans cela à vn grand miracle, & s'offrirent au Roy d'Espagne. Mais ceux de Mautan, qui est vne



autre isle à seize mil de Zebut ne voulurent venir,  
 ou n'oserent pour l'amour de Cilapulapo leur Sei-  
 gneur, auquel Magellá auoit enuoié pour le prier,  
 & sommer qu'il vint, ou qu'il enuoyast quelqu'un  
 pour recognoistre en son nom l'Empereur pour  
 son souuerain Seigneur, & qu'il enuoyast quelques  
 espiceries, & victuailles. Cilapulapo respôdit qu'il  
 n'obeiroit à celuy qu'il n'auoit iamais veu, ny mois  
 à Hamabar : mais afin qu'on ne l'estimast reculé de  
 toute humanité il luy enuoiôit ce peu de cheures  
 & pourceaux qu'il demandoit. Megellan pensant  
 perdre sa reputation s'il laissoit ainsi Cilapulapo,  
 passa avec quarante soldats en Mautan, où apres  
 quelques aproches faictes il brusla Bulaya petite  
 forteresse de Mores. Les habitâs voyât tel exploict  
 eurent peur d'une plus grande vengeance, & pour  
 ceste cause, en cachette & en secret, enuoyerent à  
 Magellan quelque nombre de cheures, le prians  
 qu'il leur pardonnast, puis qu'ils ne pouuoient fai-  
 re d'auantage à cause de Cilapulapo, qui contredi-  
 soit au traité de la paix, & qu'il tournast ses armes  
 contre luy, ou bien qu'il leurs enuoyast quelques  
 Espagnols bien armez, qui feissent resistance à son  
 ennemy, & que sans faute ils luy liureroient l'Isle.  
 Magellan ne se doutant point de la tromperie, &  
 d'une telle ruse, s'en retourna, & reuint la nuit a-  
 vec soixante soldats en bon ordre dedâs trois bar-  
 ques, il amenoit aussi Hamabar qui auoit trente  
 barques pleines de ses subiects. Il eust bien voulu  
 cōbatre incontinent, mais par-ce qu'il s'estoit obli-  
 gé deuât à Cilapulapo, par vn traité qu'ils auoient  
 faict ensemble, de se defier l'un l'autre deuant que

venir aux mains si d'adventure ils venoient à auoir quelque guerre ensemble, il luy enuoya dire par Christophle le more, fil vouloit estre amy ou enemy. Mais Cilapulapo luy feit vne responce hardie, & pleine d'iniures, & aussi tost feit sortir trois mille hommes en campagne les regeant en trois esquadrons, & s'approcha de l'eau se tirant à costé pour euitier l'artillerie qui tiroit, en la scopterie des archuizers. Magellan ce pendât sort de ses barques avec cinquâte soldats, se iettant en l'eau iusques au genouil, par ce que les barques ne pouuoient approcher pres terre, à raison que la riue estoit toute pierreuse, & puis alla charger sur les ennemys, mais aussi tost qu'il les veid arrestez, & sans se mouuoir. l'attendâs de pied-coy, & qu'ils n'auoiét receu aucun dômage de son artillerie, & de l'archuizerie, il se iugea incontinent perdu, & eust tourné le dos si la honte ne l'eust retenu. Son iugement ne le trompa point: car combattant il voyoit la perte des siens, il leur commâda de se retirer. Les Mautanois combattoient vaillâment, ils tuerent aucuns Zebutins, & huit Espagnols avec Magellan, & en blecerent vingt, desquels la plus part estoiet frappez avec flescches enuenimees aux iambes par ce qu'ils ne tiroiet qu'en ceste partie, qu'ils voioiet desarmée. Magellâ fut tué d'un coup de flescche qu'on luy tira au visage apres auoir pdu sa salade qu'on luy auoit fait sôber à coups de pierre, & de picq. Il fut aussi frappé en la iâbe, & eut encor' vn coup de picq depuis qu'il fut par terre, qui le pçoir tout outre. Voila cômét Magellâ meit fin à sa vie, & à son entreprinse si braue, & si glorieuse sans iouir du bien qu'il deuoit

esperer des trauaux, qui luy auoient tât cousté, ceste récontre fut le vingtseptiesme iour d'Auril, l'an 1521. Apres la mort de Magellá les Espagnols esleurent pour leur Capitaine Jean Serran grand pilote de l'armee, & avec luy, selon aucuns, Barbosa. Ce Barbosa s'efforça par tous moyens d'auoir le corps de Magellan son gendre, mais ils ne voulurent le bailler encor' moins le móstrer. Car ils vouloient le garder pour seruir de memoire à la posterité. Ce fut vn mauuais augure pour ce que depuis aduint, s'ils l'eussent bien entendu. Nos gens s'amusoient à changer avec les habitás quelques merceries à de l'or, du sucre, du gyngembre, de la chair, du pain, & autres choses pour aller aux Moluques, & ce pendant les blecez se guarissoient, & fondonient les moyens de conquerir Mautan. Et côme pour l'une, & l'autre entreprinse l'esclau Henry estoit necessaire ils le pressoient de se leuer, mais estât blecé d'une fiesche enuenimée il ne pouuoit se leuer pour la grande douleur qu'il sentoit, ou bien ne vouloit selon qu'aucuns pësoient. Serran se tépestoit contre luy, Barbosa le menaçoit, aussi faisoit dame Beatrix sa maistresse femme de Magellá, en fin ou pour l'amour des menaces & iniures, ou pour auoir liberté il parla en secret avec Hamabar, & le cõseilla fil vouloit demeurer seigneur de Zebut de tuer les Espagnols, disant q'c'estoient gens auares, & qu'ils vouloiët avec son secours, & ayde faire la guerre à Cilapulapo & q'puis apres ils vsurperoiënt encore son isle, faisans ainsi par tout où ils auoient entree, Hamabar le creut, & incontínét inuita à disner Serran, & tous les autres, qui y vouldroiët aller, disant



qu'il luy vouloit bailler vn presët pour l'Empeur  
puisqu'ils s'en vouloient aller. Ainsi Serran & trête  
Espagnols s'en allerent à la bonne foy au palais du  
Roy, sans pëser à aucü mal, & estäs tous au meillieu  
du disner ils furent tuez à coups de picques, & d'es-  
pee excepté Serran, qui s'estoit sauué. On arresta  
tous les autres, qui estoient parmy l'Isle, & d'iceux  
y en eut huiët depuis venduz à la Sina, & meit on  
par terre les croix, & les images que Magellä auoit  
faict dresser sans auoir esgard au Baptisme qu'ils a-  
uoient receu, & moins à la promesse qu'ils a-  
uoient faicte.

*De l'Isle de Zebut. Chap. 94.*

L'Isle de Zebut est grande riche & abondante en  
toutes choses, elle est destournée de l'Equino-  
xial dix degrez vers nous : elle produict de l'or, du  
sucre & du gyngembre, ils ont des porcellaines  
blanches qui ne peuuent endurer aucun venin. Ils  
ont de l'argille qu'ils font recuire de cinquante ans  
en cinquante ans, & aucune fois d'auantage. Les ha-  
bitans de ceste isle vont nuds, pour la plus part ils  
s'oinnent le corps, & les cheveux avec de l'huile  
de coco, & s'estudient à auoir la bouche, & les dëts  
rouges, & pour les faire rougir, ils machent d'vne  
areca, qui est vn fruiët ressemblant à vne poire, &  
des fueilles de Iassemin, & d'autres herbes. La Roi-  
ne portoit vne robbe lögue de toile bläche, & vn  
chappeau de palme, sur leql elle auoit vn hault dia-  
deme de mesme estoffe, ayans la bouche, & les dëts  
rouges, ce quine luy seoit pas mal: Le Roi Hamabar  
se vestoit de toile de cottö, & auoit en teste vne coif-  
fe bië ouuree, il auoit vne couröne passée en sö col,

### 3. LIVRE DE L'WIST.

& portoit des pendans d'or enrichiz de perles, & de pierres fines. Il iouoit d'un instrument faict cōme vn lut, qui auoit les cordes faictes de cuiure, & beuuoit dedans vn vase de porcelaine avec vne cāne, qui estoit vne chose qui aprestoit à rire à nos gens. Ils ont en ceste isle del'orge, du Mil, du Panic, & du riz. Ils mangent du pain faict de Palmes grattées. Ils font vne sorte de breuuage avec du riz qui est blanc, & clair, & qui eniure aussi bien que le vin. Ils perçent encor' les Palmiers, & autres arbres pour boire ce qui en distille. Il y a en ceste isle vn fruiēt qu'ils appellent Cocos, qui est comme vn melon estant plus long que gros, il est enueloppé dedās plusieurs petites pellicules aussi deliees que celles, qui enuironnēt le noyau d'une datte: ils font du fil de ces pellicules aussi bon, & aussi fort que sil estoit faict de chanure. Ce fruiēt à l'escorce comme vne courge seiche, mais bien plus dure, laquelle estant bruslee, & mise en poudre sert de medecine: Sa chair ressemble a du beurre estant ainsi blanche, & molle, & est tressauoureuse & cordiale. Ce fruiēt leur sert en plusieurs façons, s'ils en veulent auoir d'huile, ils remuent, & tournent sans dessus dessous par plusieurs fois, & puis le laissent reposer quelqs iours, la chair se tourne en vne liqueur comme huile fort douce, & salutaire, avec laquelle ils s'oingnēt souuent. S'ils le mettent dans l'eau, ceste chair se conuertist en sucre. S'ils le laissent au Soleil, elle se tournera en vinaigre. L'arbre est quasi comme la palme, & porte son fruiēt comme vne grappe de raisin. Ils fōt vn trou au pied d'une fucille, & recueillent songneusement en vne canne

grosse cōme la cuisse, la liqueur, qui en distille: c'est vn breuuage fort plaissant, & gracieux tressain, & autant estimé entr'eux, comme est le bon vin entre nous autres. Il y a en ceste isle des poissons qui volent, & de certains petits oiseaux, qu'ils appellent Laganas, lesquels se iettent dedans la bouche de la baleine, & se laissent deuorer, & se sentans dedans, luy mangent le cœur, & ainsi la font mourir, ils ont des dents dedans le bec, ou pour le moins chose, qui leur ressemble, ils sont bons à manger.

*Du Syripada Roy de Borney. Chap. 95.*

**C**Eux, qui estoient restez dedans les vaisseaux, quand ils entendirent le massacre qu'on auoit fait de leurs compagnons leuerent les ancres, & les voiles, & s'en allerent de là sans prendre Iean Serran, qui crioit apres eux à la riue de la mer, ne voulans retourner vers terre, de peur de sentir sur eux vne semblable trahison, encor' que ce fust leur capitaine & pilote, qui demeurast. Ainsi ces pauvres soldats, & mariniers dolens, & melancoliques se departirent pleurans & se complaignans de leur infortune, estans accompagnez d'une peur de tomber en quelque autre plus grand accident, & malheur. Ils n'estoient en tout que cent & quinze, tellement que ce nombre n'estoit suffisant pour gouuerner, & deffendre trois nauires. Ils s'arrestèrent incontinent en Cohol, & là bruslerent vn de leurs nauires, & racoustrent les deux autres. Cela fait ils s'approcherēt de l'Equinoxial par ce que on disoit que sous iceluy estoient situées les Molucques. Ils aborderent à plusieurs isles de Negres, & en passant par Calennado prindrent l'alliance



avec Calanar Roy de ceste isle qui la cōfirma en ceste façon : il tira du sang de sa main gauche, & s'en toucha la face, & la lague. Ils ont ceste façō en toutes ces isles, & pais. De Galénado ils vinrēt surgir à Borney, qui est à cinq degrez, i'entēds le port où ils arriuerent: car l'autre bout de l'Isle est sous l'Equinoxial. Deuāt qu'arriuer ils feirēt signe tel que doiuent faire ceux, qui demandent paix, & demāderēt permission d'entrer dedans le port, & descēdre en terre. Ils vinrēt à nos vaisseaux certains gētilshōmes dedans des barques, qui auoient les proues, & les pouppes dorees, embellies de beaux estendars, & pēnaches, & auoiēt des tabourins, & fleutes, qui ne iouoiēt pas mal, il faisoit certainement bon voir tel apparat. Quand ils furent arriuez ils embrasserent les nostres, & puis leur dōnerēt quatre cheures avec force poules, six vaisseaux d'un breuusage tres-gētil fait de riz, six vaisseaux de cānes de sucre, & un grād pot de terre plein d'areca, & de fleurs de iassemīn, & de orēgers pour colorer la bouche, & la faire deuenir rouge. Il en vint incōtinent d'autres, qui apporterent des œufs, du miel, de la cōserue, & plusieurs autres choses, & dirēt à nos gēs que leur Roy, & seigneur Siripada prédroit grād plaisir qu'ils descēdisent en terre pour changer leurs marchandises, & pour se fournir d'eau, & de boys, & de tout ce qui leur seroit necessaire. Huit Espagnols allerent avec ceux cy baiser la main du Roy, & luy presenterēt vne robbe de velours verd, yn bōnet teinct en greine, trois aulnes & demye de drap rouge, vne coupe de verre couuerte, yn escritoire garny de tout ce qu'il luy faut, & cinq guitermes faictes seulemēt de

carte. Ils presenterent à la Royne des escarpins faits à la Valentienne, vne couppe de verre pleines d'esguilles de Cordube, & deux aulnes & vn tiers de drap iaulne: ils donnerent au gouuerneur vne tasse d'argent, deux aulnes & vn tiers de drap rouge, & vn bonnet. Ils porterent aussi plusieurs autres choses, qu'ils donnerent à quelques vns de la court. Ils soupperent, & coucherent sur des matelats de cotton en la maison du gouuerneur deuant que veoir le Roy, par-ce qu'ils arriuerent tard. Le lendemain on les mena au palays, douze soldats môtez sur des elefans marchoiēt deuant, & les rues estoiet pleines d'hōmes armez avec espees, picques, & targes. Ils monterent à la grand salle, où il y auoit grad nōbre de gentils-hōmes vestus de robbes de foye de couleur, portans force aneaux d'or avec pierres fines, & des poignards enrichiz d'or, de perles & ioyaux. Ils assirent là sur vn tapiz, & apres auoir esté la lōg temps, il vint vn quidā par deuers eux, qui leur dit qu'ils ne pouuoient entrer ny parler au roy mais qu'ils luy disent ce qu'ils vouloient. Les Espagnols luy feirent entendre le mieux qu'ils peurēt, & puiscestuy cy le dit à vn autre, & cet autre à vn tiers qui le dit par vne sarbatane a trauers vn treillis à vn, qui estoit dedans la salle du Roy, lequel avec vne grande reuerence rapporta au Roy l'ambassade de nos gens, qui estoient bien ennuyez de telles ceremonies, attendu mesme que les Espagnols sōt costumieremēt fort coleres, & la pl<sup>r</sup> part d'etr'eux ne se pouuoiet cōtenir de rire. Siripadacōmāda qu'on les feit approcher de sa chambre, Ils passerēt par vne autre salle quarree tendue de tapisserie de foye

où les fenestres estoient sôptueusemēt couuertes de tappiz pour s'appuyer dessus. En icelle y auoit trois cens hommes, qui estoient debout ayans chacun vne espée, ceux cy estoient pour la garde du Roy. De ceste sale ils approcherent pres vn grand treillis, qui respondoit dedans la salle du Roy: à trauers lequel ils virent disner le Roy avec certaines femmes, & avec son fils. Il estoit seruy seulement par des femmes, & n'y auoit dedans ceste sale autre homme que le Roy, son fils, & vn autre qui estoit debout, qui estoit celuy, qui rapportoit au Roy ce qu'on luy vouloit faire entendre. Nos Espagnols voyans vne si grand maiesté, tāt de richesses, & apparat, n'osoient esleuer les yeux hors de terre, & se trouuās tous hôteux d'auoir apporté vn present, si vil, & de si petite valeur disoient bas entr'eux: quelle difference il y a entre ceste nation, & celle des Indes? & prioient Dieu qu'il les voulust oster de là sans receuoir aucun mal. Pour conclusion estās venuz ainsi pres de ce treillis, ils feirent trois reuerences esleuans leurs mains par dessus la teste tous ensemble, par ce qu'on leur auoit ainsi commandé, ils feirent leur ambassade de la part de l'Empereur tāt pour auoir paix avec luy, que pour auoir viures, & moyen de negotier ensemble. Le Roy respondit à celuy, qui luy rapportoit les parolles des Espagnols qu'on leur feit, & qu'on leur donnaist tout ce qu'ils demandoient, & s'esmerueilla de la nauigation si longue qu'auoient faicte noz gens avec leurs vaisseaux. Alors ils descouurirent leur present non sans rougir de honte pour auoir veu tant d'or, d'argent, de soyes, & autres richesses, & sumptuositez en ce



palais, & sur la table du Roy, & puis s'en retournerent rapportans chacun vne piece de toille d'or, qu'on leur auoit mise sur l'espaule gauche par vne ceremonie, qu'ils ont en ce pays. On leur appresta la colation de cannelle, & clouz de girofle confits, & les ramena on à cheual en la maison du gouverneur, qui les festoya deux nuits, avec vn apparat nō moins esmerueillable que magnifique. On leur apporta du Palais douze plats, & escuelles de Porcelaine plaines de fruiçts, & viandes, mais la sumptuosité du gouverneur ne sembloit point enrichie pour cela. La table fut couuerte de trente plats & plus, & y auoit tréte vases plains de breuuage fait de riz, qu'ils distillent en certains petits vaisseaux, toute la chair estoit rostie, ou mise en paste. Les saues estoient accoustrées les vnes auec de l'espice, les autres auec vinaigre, autres auec citrons, & toutes auec sucre, il y auoit encor' des poissons tres-delicats que noz gens ne cognoissoiēt point, aussi peu de cognoissance auoiēt ils des fruits qu'o leur presenta en grande quantité: entre iceux toutesfois ils recogneurent des figues lōgues. Il y auoit pour esclairer des lampes & des grands chandeliers d'argēt auec des flambeaux de cire. Tout le seruice fut fait en or, argent, & porcelaine, & les seruants estoient bien en ordre, & propremēt vestuz selon leur façō. Ces Espagnols rapportoiēt, qu'ils ne pensoiēt pouoir estre Roy, qui fust mieux seruy que ce gouuerneur. Pour reuenir à la flotte, ils passerent la ville sur des Elefans, & veirent parmy la ville plusieurs choses notables, qui seroient trop longues à racōpter. Le Roy leur dōna deux sommes d'espicerie

tant que pouuoient porter deux Elefans, & force viures, & le gouuerneur les informa amplement des Moluques, & leur dit qu'ils les auoient laiffées en arriere vers le Leuant. Voila ce qui aduint à nos gens. Quant à ceste isle elle est fort grande, & riche selon qu'auiez entédu, elle ne porte point de grain, de vin, ny de moutons. Au contraire elle est fort abondante en riz, succe, cheures, porceaux, chameaux, busles & elefans, elle porte la cannelle, le gyngembre, le canfre, qui est vne gomme d'un arbre nommée Copei, les mirabolans, & autres medecines. Il y a certains arbres, desquels les fueilles rōbantes en terre se tournent en vers. Les habitans vont cōmunement quasi tous nuds, ils portēt tous des coiffes de cotton. Les Mores sont circoncis, & les Gentils pissent en s'accroupissant cōme les femmes, les Mores sont Mahometistes, & les Gentils Idolatres. Ces deux religions sont quasi espandues par tout l'Orient. Ils se baignent fort souuent ils se nettoient le derriere avec la main gauche, reseruās, ce disent ils, la main droicte pour la bouche: ils escriuent dedans l'escorce d'arbre, comme les Tartares, qui ont couru iusques icy. Ils estiment grandement le verre, la toile, la laine, & le fer pour faire des clefs, & ferrures, les armes, l'argent vis pour s'en frotter, & les medecines. Ils ne desrobbent point, ny ne tuent, iamaïs ne refusent leur amitié à ceux qui la demandent: ils combattent peu souuent, ils abhorrent le Roy, qui est guerrier, & pour ceste cause le mettent au premier ranc de la bataille. Il ne sort iamaïs, si ce n'est pour aller à la chasse, où à la guerre, personne ne parle à luy si ce n'est par farbatane

barane excepté la femme, & les enfans. Ceux qui idolatrent pensent qu'en ce monde il n'y a rien que naistre & mourir, qui est vne pauvre bestise. La ville ou demeure le Roy a vn grand circuit, & est toute dedans la mer, les maisons ne sont que de bois excepté le Palais, quelques temples & maisons des Seigneurs.

*L'entree de noz gens és isles des Moluques. Chap. 96.*

**N**Oz Espagnols partirēt de Borney biē ioyeux du bon traictement qu'ils auoient la receu, & pour estre ia pres des Moluques qu'ils cherchoiēt avec vn si grād trauail. Ils arriuerent à Cimbubon & s'arrestèrent en ceste isle plus d'un mois racoustrās là vn de leurs nauires, au lieu de poix ils se seruiōēt de glu, & trouuerēt là des cocodrilles, & plusieurs poissons estrāges, qui sont to<sup>r</sup> d'un os, & ont sur l'eschine vne selle, ils ont grād vêtre, & la peau fort dure, & sans escailles, ils ont le groin de porc, & ont deux os sur le front cōme deux cornes droictes, en somme ils ressemblēt à vn mōstre. Ils y trouuerēt des huiſtres qui portēt les perles, ils y en trouuerēt quelques vnes si grādes que leur chair peſoit vingtcinq liures, & en eurent vne qui en peſoit quarāte quatre, mais elles n'estoiēt pour lors chargées de perles, ils demāderēt cōbien deuoiēt estre grandes & grosses les perles de si grādes coquiles, on les assēura qu'elles sont grosses comme œufs de pigeōs, & mesme de poule, qui est vne grosseur incredible, & qui n'a iamais esté veuē. De Cimbubō noz gēs furēt à Sarāgan, où ils prindrēt des pilotes pour les cōduire aux isles des Moluques, ils entrerent à Tidorē, qui est l'une d'icelles, le huiſtieme



iour de Nouembre l'an 1521. ils desflacherent l'artillerie pour saluer la ville, ietterent les ancrs, & armerent les nauires. Almanfor Roy de Tidore ayât ouy le bruiet de l'artillerie vint en vne barque voir que c'estoit estant seulement vestu d'une chemise ouuree d'or avec l'esguille, mais c'estoit vn œure beaucoup plus riche pour la façon excellente que pour la matiere: il auoit encor vn drap blâc de soye ceint, qui pendoit iusques à terre, & auoir les pieds nuds, il auoit sur la teste vn voile de soye haut esleué en façon de mitre, il tourna avec sa barque à l'en tour des nauires & commanda aux mariniers qui accoustroient les cordes des ancrs, qu'ils descédissent dedans sa barque, & leur dit qu'ils estoient les bien venuz, & plusieurs autres bonnes parolles. Puis il entra en vne des nauires, & se boucha le nez pour l'odeur des saleures. Les Espagnols luy baïserent la main, & luy dōnerent vne chaire de velours cramoyssi, vne robbe de velours iaulne, vn saye de faulse toille d'or, deux aulnes & vn tiers d'escarlate vne piece de damas iaulne, vne autre de toille, vne feruiette piquee de soye, & d'or, deux coupes de verre, six chapelets de mesme, trois miroirs, douze cousteaux, six paires de ciseaux, & autât de peignes. Ils feirent present aussi à vn sien fils, qu'il auoit amené avec luy, d'un bonnet, vn miroir, & de deux cousteaux, & donnerent autres choses à autres gentilshommes, & seruiteurs, qui auoient accompagné, & suiuy le Roy. Ils feirent puis apres leur ambassade de la part de l'Empereur, & demanderēt permission de negotier en son isle. Le Roy leur feit respōce qu'ils estoient venus à la bōne heure, & qu'ils pou-

uoiet aussi facilement negotier parmy son isle cōme  
sils estoiet en pays de l'Empereur, & que sil y auoit  
aucū, qui les fachast, ils le tuassent. Il demeura long  
tēps à cōtēpler vne bāniere, qui auoit les armes de  
l'Empereur: il demanda la figure de l'Empereur, &  
voulut qu'on luy mōstrast de la mōnoye, & especes  
d'or, les poix, & mesures qu'auoiet nos gēs, & apres  
auoir le tout bien cōsidéré il leur dit, comme estāt  
bien entendu, & versé en l'art d'Astrologie, qu'ils  
deuoient venir en ce pays par le commandemēt de  
l'Empereur des Chrestiens pour chercher l'espicerie,  
qui croist en ces Isles, & que, puis qu'ils estoient ve-  
nus, ils s'en chargeassent cōme ils voudroient, estāt,  
& se rendant amy de l'Empereur, & puis print cōgé  
d'eux, souleuant vn peu sa mitre, & les embras-  
sant. Aucūs disent qu'il ne sçauoit point ce qu'il di-  
soit par science d'Astrologie, mais qu'il auoit songé  
deux ans deuant qu'il voyoit venir par la mer cer-  
tains vaisseaux, & hōmes, qui ressembloient en tout  
à ces Espagnols, pour subiuguer ces isles, & estre sei-  
gneurs de la negociatiō des espices. Quāt à moy ie  
croy qu'il ne disoit cela que par coniecture sçachāt  
la traicte qu'en faisoient les Portugais à Calecut,  
Malaca, Samotra, & à la coste de la Sina. Les nostres  
apres descēdirēt en terre pour auoir des espices par  
eschange, & pour voir les arbres, qui les produisent:  
Ils furēt plus de cinq mois à Tidorē cōuersans pai-  
siblement, & amiablement avec les habitās. Il vint  
là vn neueu d'Almanfor nommé Corala seigneur  
de Terrenat, qui se meit soubz la puissāce de l'Em-  
pereur. Cestuy-cy, qu'encor aucuns appellēt Colā,  
auoit en sa maison quatre cens femmes, qui estoiet

### 3. LIVRE DE L'HIST.

veritablement Gentiles & de loy, & de leurs personnes. Il en auoit encor cent, qui luy seruoient de pages, il y vint encor vn autre nommé Luz, Roy de Gilolo grand amy d'Almanfor, cestuy auoit six cens fils, si on ne s'abuse au compte, car cōme on dit autant peut on faire valoir huit comme octante. Si n'est il pas impossible toutefois d'auoir tant d'enfants si on peut auoir tant de femmes. Plusieurs autres seigneurs vinrent encor par les prieres d'Almáfor, pour offrir leur amitié, & se faire tributaires du roy d'Espagne Dom Charles Empereur. Almanfor auoit vingt-six fils, & filles, & deux cents femmes, quand il estoit à son soupper il cōmandoit que celle qu'il vouloit, allast se coucher en son lit. Il faisoit bien du ialoux, ou le faisoit pour le respect des Espagnols, qui pour tromper vne femme font de grandes admirations, iertent des souspirs, & se feignent amoureux au possible, vne partie des habitans portent des brayes, les autres sont tous nuds. Almanfor iura sur son Alcorá qu'il demeureroit tousiours amy de l'Empereur Roy d'Espagne, & accorda que toutes & quâtesois que les Espagnols aborderoient en son Royaume, il bailleroit vne somme de cloux de girofle en contre-eschange de dixhuit aulnes de toile, douze aulnes de drap rouge, & quatre de iaulne, & les autres espices selon ce prix. On trouue en ceste isle certains petits oyseaux qu'ils appellent Mamucos, lesquels ont moins de chair que le corps ne demonstre, ils ont les iambes longues d'une palme, la teste menuë, le bec fort long, ils ont le plumage d'une couleur singulierement belle, ils n'ont point d'ailes, aussi ne volent ils point, mais



sont portez par l'air estans legers, & ayants les plumes si subtiles, qu'il n'est possible de plus, iamaï on ne les void sur terre que morts, il ne se corrompēt ny ne se pourrissent aucunemēt, on ne sçait d'où ils sortent, ny où ils s'esleuēt, ny dequoy ils se nourrissent. Les Mores, qui sont Mahometistes croient qu'ils facent leur nid en Paradis, par-ce que leur Alcoran leur compte des fables pareilles, & encor moins vray. semblables que ceste cy. Nous autres nous pésons qu'ils se nourrissent, & maintiennēt de la rosée, & des fleurs des espices. Mais soit que ce soit il est pour le moins tout certain qu'ils ne se corropēt aucunemēt. Les Espagnols serrent soigneusemēt les plumes pouden faire des excellēs pénaches, & les Moluchiēs s'en seruēt pour guarir les playes.

*Des cloux, de girofle, cannelle, & autres espices. Cha. 97.*

**L**es isles que cōmunemēt nous appellōs Moluques sont appellees par les habitans Molucos, elles sont en grand nombre, mais toutes petites, & non gueres distantes les vnes des autres. Entr'autres on nōme Tidoré, Terrenate, Mate, Matil, & Macien: Elles sont situées deffous, & aux enuiron de l'Equinoxial, & à plus de cent soixāte degrez de nostre Espagne. Aucuns disent que l'Isle de Zebut en est loing 180. & que par telle supputation elle faict & marque le meillieu du chemin du monde si vous suiuez la route du soleil cōme feirēt ces Espagnols. Toutes ces isles produisent les cloux de girofle, la cannelle, le gyngembre, & noix muscates, mais chascque Isle ne produit pas ces espices esgalemēt: car l'une porte plus de cloux que l'autre, & une autre plus de gyngēbre. Matil fournit plus de canelle

que d'autres espices. La cannelle vient d'un arbre, qui ressemble fort au grenadier, l'écorce se fend, & se creue par la force du soleil, puis on l'arrache, & la nettoie on au soleil. On tire de l'eau des fleurs de cest arbre, qui est bien plus excellente que celle qu'on fait de fleurs d'orenges, ou citrons, il y a force cloux en Tidore, Mate, & Terrenate, autremēt Terrate où mourut Iean Serran amy de Magellan, & capitaine de Corala sept mois deuant qu'arriuaissent ces deux vaisseaux. L'arbre, qui nous produit les cloux est grand, & gros, il a sa feuille comme celle de laurier, & l'écorce comme celle d'un olivier. Il porte ses cloux par grappes comme fait le lierre, ou l'épine vinette: au commencement ils sont verds, & puis incontinent ils deuiennēt blācs, & en se meurissāns ils rougissent, & estants secs ils semblent noirs. Quand on les a cueillis on les laue dedans l'eau de mer, & puis on les garde dedās les magazins. Cest arbre demande les colines, & engēdre au dessus de luy vne & plusieurs fois vne petite nuē, qui l'environne. Si on le plante en des vales il ne profite point, pour le moins il ne porte aucun fruit, encores moins si on le met en vne plaine, & pour ceste cause c'est vne chose vaine de penser en apporter du plan par deça en Espagne, comme aucuns s'imaginoient encores qu'il y faict chault. Le gyngembre est vne racine, qui ressemble à la garāce ou safran. On en pourroit possible biē transplanter par deça, l'arbre, qui porte les noix muscates ressemble au roure, aussi porte il ses noix cōme du glād, ou cōme ces dattes, qui ôt du mastic.

*Des fameux nauire nommé Victoire. Chap. 98.*

**N**Oz Espagnols ayans leurs vaisseaux pleins de cloux de girofle, & autres especes meirent ordre à leur départemēt pour retourner en Espagne, & receurent les lettres & presens qu'Almanfor & autres seigneurs enuoyoiēt a l'empereur Roy d'Espagne. Almanfor les pria qu'à leur retour ils amenassent bon nombre d'Espagnols pour venger la mort de son pere, & pour enseigner en ce pays les coustumes Espagnolles & instruire vn chacun en la religiō Chrestienne. Noz gens ne peurēt auoir plus ample informatiō de ces Isles, à faute d'vn truchemēt, encor qu'ils feissent leur deuoir de visiter presque toutes les Isles pour les attirer à la deuotion de l'Empereur, & pour sçauoir si les vaisseaux des Portugais flottoient iusques icy. Ils entendirēt d'vn qui rençotrèrent à Bandan, nommé Pierre Alfonso, comme vne carauelle Portugaise auoit esté iusques là ou par eschange d'autre marchandise elle festoit chargee de cloux de girofle. Ils partirent donques de Tidore fort ioyeux tāt pour le descouurement qu'ils auoient faict de ces Isles, que pour la charge qu'ils auoient faicte de cloux de girofle, & autres espiceries. Ils porterent encor pour l'Empereur des especes du pays & des Mamucos, des perroquets rouges & blancs, qui ne sont point aptes à parler, du miel d'abeilles, qui pour estre fort petites sont appellees mousches. La carauelle capitaineſſe nommee la Trinité tiroit grande quantité d'eau. Ils accorderent ensemble que Iehan Sebastien de Cauo natif de la ville de Guetaria, qui est la prouince de Biscaye s'en iroit en espaigne dedans le vaisseau nommé Victoire, duquel il estoit pilote, par



le chemin que font les Portugais, & que la Trinité estant rabillée, & calfeutree de peur d'autre inconuenient prédroit vne nauigatiō plus courte, & plus seure passant seulemēt par les terres de l'Empereur, & s'en iroit surgir à Panama, ou prendre port en la coste de la nouuelle Espagne. Cest accord fait Iean Sebastien partit de Tidore le treizieme d'Auril avec soixante cōpagnons, entre lesquels y en auoit quelques vns de Tidore. Il passa par plusieurs isles. Cōme il prenoit du sandal blanc à Timor il s'esleua vn tumulte avec les habitans ou on vint aux mains, & en fut tué quelques vns de nos gens. De là ils furent à Eude, où ils se chargerent d'auantage de cānelle, puis passerent pres de Samorra tirans droict au cap de Bonne-esperance, lequel ils doublerent, & arriuerent à Saint Iacques, qui est vne des isles du cap verd. Le capitaine feit descendre dedans l'esquif treize cōpagnons pour aller puiser de l'eau, qui luy defailloit, & pour acheter de la chair, & du pain, & louer des negres pour oster la sentine de l'eau, parce que le nauire tiroit ia de l'eau, & n'estoit restez des soixāte cōpagnons, que trente vn, desquels la plus part estoient encor' malades. Le capitaine Portugais, qui estoit là, arresta prisonnier ces treize voulant sçauoir où ils s'estoient chargez de ces espiceries. par ce qu'ils luy auoient dit qu'ils vouloient payer en cloux de girofle ce qu'ils acheteroient, & arresta aussi l'esquif, & encore en vouloit autant faire du nauire: mais le pilote vaillant, & accort feit aussi tost leuer les ancres, & les voyles, & en peu de iours arriua à S. Lucar de Barrameda le sixieme iour de Septēbre l'an 1522. avec dixhuiēt

Espagnols seulement les plus defaiçts, & rompus qu'il estoit possible. Les treize qui furent arrestez à sainct iacques, furent incontinent deliurez par le commandement du Roy de Portugal. Outre ce que nous auons recité, ils comptoient encore de leur nauigation comme ils auoient obserué que iettans dedans la mer vn corps d'vn Chrestien il flottoit sur les reins, & iettans celuy d'vn Gentil, il nageoit sur le ventre, & comme il leur auoit esté plusieurs fois aduis que le Soleil, & la Lune faisoient par de là leur tour au contraire de celuy qu'ils font de ça. Telle opinion leur procedoit, par ce qu'ils mettoient tousiours l'esguille vers le Midy. Car il est tout certain que ceux qui viuēt à trente degrez par delà l'Equinoxe voyent le Soleil leuer à main droicte pourueu qu'ils regardent la Tramontane, ils employèrent à aller, & reuenir trois ans moins quatorze iours, ils faillirent à leur compte, & par ce moyen il aduint qu'ils mangerent de la chair à vn Vendredy, & celebrerent Pasque le Lundy. La faulte aduint de ce qu'ils ne compterent point le biffexte, combien qu'il y en ait aucuns, qui philosophent la dessus, mais ils errent plus que les mariniens. Ils feirent plus de 10000. lieuës, & selon leur compte plus de 14000. qui reuiennent (à prendre quatre mil pour vne lieuë selon les mariniens Espagnols, & non à prendre cinq mil comme font les mariniens Italiens) à 56000. mil. On feroit bien le voyage plus court, qui feroit sa route droicte. Mais ils furent contrainçts faire plusieurs tours : ils passerent six fois par dessous la Zone torride sans se brusler contre l'opinion des anciens. Ils demeure-

rent cinq mois à Tidore, où demeurent les Antipodes de Guinee, & par cela on preuue contre les anciens que tous les Antipodes peuuent communiquer ensemble. Ils perdirent de veüe la Tramontane, si se gouuernoient ils tousiours par son moyë par-ce que l'esguille, ou calamite estant mesme a quarante degrez vers le Midy ne laissoit non plus à la regarder que si elle eust esté en la mer Mediterance, il est bien vray qu'aucuns disent qu'elle pert vn peu de sa vertu. Pres le Midy ou Pole Antartic ils voioient tousiours vne petite nuë blanche, & quatre estoilles en croix, & trois autres aupres, qui ressemblent à nostre Septentrion. Ces estoilles denotent l'autre esueil du ciel, lequel on appelle Midy. La nauigation que feirent les vaisseaux de Salomon estoit grãde, mais celle des nauires de l'Empereur dom Charles est beaucoup plus grande. La nauire de Iason nommé Argos tant reclamé des poëtes, & historiens feit peu en comparaison de ce vaisseau, qui deuroit estre mis pour triomphe, & memoire en l'arsenac de Seuille. Les travaux, & dangers d'Vlysses ne furent rien au respect de ceux de Iean Sebastien, aussi il meit en ses armes la figure du monde, & autour ces parolles, *Primus circumdedit me*, c'est à dire, tu m'as le premier enuironné, ce qui est bien cõforme à sa nauigation. Telles armes seruiron d'vn grand trophée à sa posterité, aussi à la verité il tourna tout le monde.

*Du different qui est entre les Espagnols, & Portugais pour le traffic de l'espicerie. Chap. 99.*

**L**Empereur receut vn contentement, & vn plaisir nonpareil quand il eut entédu que ses gens



auoient descouuert les Moluques, & isles des espices, & qu'on y pouuoit aller par ses pays mesmes sans porter preiudice aux Portugais, & aussi de ce qu'on luy rapporta qu'Almãfor, Luzfu, Coralla, & autres seigneurs de l'espicerie s'estoient réduz ses amis, & tributaires. Il rendit infinies graces à leã Sebastião pour les trauaux, qu'il auoit soufferts, & pour les seruices qui luy auoit faits, & luy dõna des presens en estreine d'une bõne nouuelle, qui luy auoit rapportee: c'est que ces moluques, & autres isles encor' plus riches, & plus grandes estoient situées en la part que le Pape luy auoit distribuée par sa bulle. Ces nouuelles sceuës par tout, le different qui ja auoit esté meü pour le departemēt qu'auoit fait le Pape, des Indes, & du nouueau monde, se renouvela entre les Portugais par la venue de Sebastien de Cauo, qui encor' soustenoit que iamais Portugais n'estoit iusques huy entré en ces Isles. Ceux du conseil des Indes suaderent aussi tost à l'Empereur qu'il feist continuer la nauigation, & trafic de l'espicerie, puis qu'il estoit sien, & qu'on auoit trouué passage par ses Indes, luy remonstrans que ce seroit vn moyen pour receuoir de grands deniers, & s'asseurer d'un reuenü inestimable, que ses royaumes, & subiects avecques cela s'enrichissoient sans faire grande despense. Comme ce conseil estoit vray, aussi le trouua il bon, & commanda de continuer ce trafic. Quand Dom Iehan Roy de Portugal eut entendu la determination de l'Empereur, & le soing qu'en prenoient ceux de son conseil, & ayant ouy le rapport qu'auoient fait Iean Sebastião tant de son chemin que de tout ce qu'il auoit veu,

il s'enfloit d'un despit grand, maugreoit, & enrageoit, & tous les siens vouloient, comme on dit, rauer le ciel à belles mains, s'asseurans bien de perdre ce trafic, & commerce si les Castillâs vne foys l'entreprenoient. Pour ceste cause le Roy de Portugal supplia l'Empereur qu'il n'enuoyast aucune armee aux Moluques que premierement on n'eust aduisé, & cōclud, à qui elles appartenoyent, & qu'il ne voulust luy faire ce tort de luy oster ceste negotiation, ny donner occasion aux Castillans, & Portugais de s'entretuer en ces Isles quand les armées se rencontreroient les vnes les autres. L'Empereur encor' qu'il veid bien que ce n'estoit que pour dilayer, voulust qu'on y aduist, & que le tout fust resolu par iustice pour iustifier d'auantage sa cause. Et ainsi tous deux furēt d'accord que le tout seroit verifié par hommes entēduz en la Cosmographie & par pilotes experts, promettans auoir pour agreable, & garder ce, qui seroit ordonné par ceux, qui pour ce fait seroient nommez, & outre la promesse faicte, par escrit ils le iurerent encor'.

*Departement des Indes, & du nouveau monde entre les Espagnols, & Portugais. Chap. 100.*

**C**este affaire des espiceries estoit de grande importance pour la grande richesse, qui s'enfuiuoit. Pour decider le different, qui s'en estoit meü, il estoit necessaire de mesurer le nouveau monde des Indes, & pour ce fait il failloit auoir des personnes doctes, & bien versez tant en la nauigation, qu'en la science de cosmographie, & és mathematiques. L'Empereur pour son regard nomma pour iuges le docteur Acagua, qui estoit de son conseil

royal, le docteur Barrientos, qui estoit du conseil des ordres, le docteur PierreManuelo Auditeur de la Chancellerie de Valladolid. Ceux-cy estoient nommez pour adiuger la possession, & pour vuidier le fond, & la propriété, il nomma Dom Ferdinand Colób fils de Christophle, le docteur Sácio Salaya, Pierre ruiz de Villegas, le moyne ThomasDurand, Simó d'Alcazana, & Iean Sebastié de Cauo. Il feit son aduocat en ceste cause Iean Roderiguez de Písa, & son procureur fiscal le docteur Riuera, & pour secretaire il esleut Barthelemy Ruic de Castagneda & cōmanda que Sebastié Gauoto, Estiéne Gomez, & Nugno Rihero, pilotes tresexcellens, & maîtres à faire cartes marines, seruissēt pour produire globes, mappemōdes, & autres instrumens necessaires pour la declaratiō de la situatiō desmoluques. Ceux cy ne deuoient entrer en l'assemblée, s'ils n'estoient appelez. Tous ces deleguez, & autres s'en allerent à la ville de Vadaioz, & les Portugais vindrēt à Elbes en aussi grād nombre, & plus, par ce qu'ils auoient deux Aduocats, & deux Procureurs: les principaux estoierēt le Docteur Alfonse d'Azenedo Cotino, Didaco Lopez de Sequira Almotacen, qui auoit esté gouverneur en Indie, Pierre Alfonse d'Aguiar, François de Melo Prestre, Simó de Tauria: ie ne sçay les noms des autres. Auāt qu'ils s'assemblassent, & que ils se veissent. Les Portugais demurerent à Elbes, & les Espagnols à Vadajoz: ce pendāt ils employēt le temps à plusieurs ceremonies pour sçauoir où se feroit la premiere veüe où ils s'assembleroient, & qui parleroit le premier, par ce q̄ les Portugais arrestēt fort sur tels petits differēs, cōme si leur auto-



rité & grandeur en dependoient. A la fin ils s'accorderent de se veoir & se saluer à Caya, qui est vn ruisseau qui sert de borne aux Royaumes de Castille, & de Portugal, & est au meillieu du chemin de Vadajoz à Elbes. Depuis ils s'assembloient vn iour à Vadajoz, & l'autre iour à Elbes. Ils prindrent le sermēt les vns des autres, & vn chascun promeit de dire verité, & iuger en toute equité. Les Portugais recuserēt Simon d'Alcazana, par-ce qu'il estoit Portugais, & frere Thomas durand, par-ce qu'il auoit esté prescheur du Roy de Portugal. Simon fut par sentence osté de la compagnee, & au lieu d'iceluy, M. Antoine d'Alcaraz entra: mais pour casser le Moyn on ne trouua cause aucune suffisante. Ils furent plusieurs iours à cōtempler les globes, & cartes marines, & rapports des pilotes, & cōme chaque partie proposoit ses raisons, les Portugais disoient que les Moluques & autres Isles des espices estoient de leur conqueste, & estoient situees dedās la part qui leur estoit escheuë, & qu'ils y estoient allez, & en auoient prins possession beaucoup deuant que Iean Sebastien les veid, & que la raye se deuoit mettre sur l'Isle de Bon-regard, ou sur celle du Sel, qui sont les plus Orientales de celles du cap Verd, & non sur celle de S. Antoine, qui est plus Occidētale, & est separee loing des autres 360. mil, mais l'un & l'autre estoit du tout faux. Ils cogneurent alors la faute qu'ils auoient faicte de demander que la raye fust mise plus vers le ponent des isles du Cap Verd enuiron 1480. mil, & de ne s'accorder à la diuisiō que vouloit faire le Pape, qui nettoit la raye vers le Ponent desdictes Isles qu'en-

uiron 400. mil. Quant aux Espagnols ils disoient & remonstroient que non seulement Borney, Gilolo, Zebut, & Tidore avec les autres Moluques: mais aussi Samotra, Malaca, & vne grande part de la coste de la Sina, estoient de Castille, & de leur conqueste, par-ce que Magellan, & Jean Sebastien furent les premiers Chrestiens, qui les maistriserét, & acquerirent au nom de l'Empereur, ainsi qu'il se verifie par les lettres, & presens d'Almanfor: & encor' que les Portugais, y eussent esté les premiers, il est certain que ce fut depuis la donation du Pape, & fils vouloiét mettre la raye sur l'isle de Bon-Regard, les Espagnols en estoient contens: car ainsi, comme ainsi les Molucques, & l'espicerie, appartenoient tousiours au Royaume de Castille: & si y auoit d'auantage, c'est que par ce moyen les Isles du Cap Verd tomboient encor' en la possessiõ des Espagnols, puis que mettant la raye sur Bon-Regard, elles demeuroident au dedás de la partie qu'eux mesmes adiugeoient à l'Empereur. Ils furent bien deux moys sans pouuoir prendre aucune resolutiõ, par-ce que les Portugais dilaoient le plus qu'ils pouuoient en ceste affaire refusans de donner sentence, amenans des excuses & raisons froides pour rompre ceste assemblée sans donner aucune conclusiõ, car il leur estoit necessaire de faire ainsi. Les Iuges Espagnols qui estoient cõmis pour la proprieté marquerét la raye par le meillieu du globe à 1480. mil de S. Antoine, qui est l'isle la plus Occidentale de celles du Cap Verd, suiuant la capitulatiõ q'auoit esté faicte entre les Roys Catholiques, & les Roys de Portugal, & là dessus pronõcerent sur le port de

Caya vne fêrêce, dônâs toutesfois delay aux autres iusq̃s au moys de May 1524. Les Portugais ne pouuoient empescher ceste sentence, aussi ne vouloiêt ils l'approuuer encor' qu'elle fust iuste, disans que le proces n'estoit encor' entier, & parfaict pour estre en estat d'estre iugé, & se departirent avec menaces de faire mourir tous les Castillâs qu'ils trouueroient aux Moluques. Ces menaces n'estoient point iectées à l'estourdy. Car ils scauoient desia bien comme les leurs auoient arresté le nauire de la Trinité, & prins prisonniers tous ceux qui estoiet dedans. Les nostres s'en retournerent à la court, où ils feirêt entédre à l'Empereur tout ce qu'on auoit fait, & luy monstrent la marque qu'ils auoient faicte sur le globe. Suiuant ceste declaratiô se marquent & se doiuent marquer tous les globes, & mappemondes, que font les bons Cosinographes, & ainsi la ligne doit passer vn peu plus ou moins par la pointe de Humos, & du bon Abrigo, comme aussi j'ay desia dict en vn autre lieu, & par ce moyen il sera tref-euident que les Isles de l'espicerie, & mesme l'isle de Samotra appartient à la couronne de Castille. Aussi par tel departement il est certain que le Roy de Portugal est seigneur du pays de Bresil, où est le Cap de S. Augustin, lequel s'estend depuis la poincte de Humos, iusques à celle du bon Abrigo, & contient de coste 3200. mil, tirant de la Tramontane au Midy, & de Leuant en Ponent, on racompte de largeur 800. mil. Auant que finir ce Chapitre, ie reciteray pour resiouir le Lecteur, ce qui aduint sur ce fait aux Portugalois. Comme François de Melo, Diego Lopez de Sequeira



queira & autres venoient à ceste assemblée, & passoient la riuiere de Guadiana, vn petit enfant qui gardoit du linge que sa mere auoit lauë, & là estendu pour secher, leur demanda s'ils estoient ceux qui deuoient venir pour departir le monde, avec l'Empereur, & comme ils luy respondirent qu'ouy, il leua le derriere de sa chemise, & leur monstra ses fesses, leur disant, mettez la ligne par le meilleu de ce lieu. Cela fut incontînét diuulgué par tout, & en la ville de Vadaioz, & mesme en l'assemblée de ces messieurs : Les Portugais en estoient scandalisez, mais les autres ne s'en faisoient que rire. I'ay eu grande familiarité avec Pierre Ruiz de Villiegas, natif de Burgos, qui aujourd'huy de tous ceux de ceste assemblée est resté seul, avec Gauoto, qui, & de sang, & de meurs, est veritablement noble, fort, curieux, ouuert & deuot qui aime grandement à garder l'antiquité, portât tousiours barbe longue, & les cheueux de mesme: il est fort docte és Mathematiques, & grand Cosmographe, & bien entendu és affaires d'Espagne, tant du temps passé, que du present.

*La cause pour laquelle les Indes furent departies.*

*Cha. 101.*

**L**es Espagnols & Portugais auoient grandement cōtesté ensemble pour la mine d'or, qui auoit esté descouuerte en Guinée l'an 1472. du temps qu'Alphonse cinquieme regnoit en Portugal. Ce differend ne s'estoit point esmeu pour des nestes comme on dict. Car c'estoit vn trafic tres-riche, & opulent, par ce que les Negres pour choses de petite valeur bailloient en eschâge de l'or à pleines.

mains. Il y auoit encor' entre ces deux Rois vne au-  
 tre occasion de quereller, c'estoit à raison du Roy-  
 aume de Castille, lequel le Roy de Portugal pretē-  
 doit estre sien, à cause de sa femme Ieanne, qui fut  
 vne femme si excellente en son tēps, que la poste-  
 rité en collaudera tousiours le nom. Mais ces que-  
 relles prindrent fin par la bataille que gaigna Fer-  
 dinand Roy de Castille contre ce Roy Alphonse à  
 Temulos, pres la ville de Toro. Et quant à la mine  
 de Guinee il la quicta aimant mieux guerroyer les  
 Mores de Granade, que traffiquer avec les Negres  
 de Guinee. Ainsi le Roy de Portugal demeura fei-  
 gneur de ceste mine, & de tout ce qu'il pourroit cō-  
 querir en l'Afrique au dela du destroit de Gibal-  
 tar, sur la grand mer. Ce qui estoit raisonnable: car  
 le cōmencement de ces conquestes, fut par l'infant  
 Dō Henry de Portugal, fils du Roy Dō Iean le Ba-  
 stard, & maistre de l'ordre des Cheualiers d'Auis. Le  
 Pape Alexandre 6. Valentinois, ayant entendu les  
 descouuremens faicts de nouuelles terres, par ces  
 deux Roys, & les differens qui s'estoient meuz en-  
 tr'eux pour la domination d'icelles de son propre  
 mouuement, & de sa pure volonté dōna aux Roys  
 de Castille, les Indes, & aux Rois de Portugal toute  
 la coste d'Afrique, à la charge de conuertir les ido-  
 latres, & Gētils, à la foy de Iesus Christ. Et afin que  
 l'vn n'entreprint rien sur l'autre cōmanda de tirer  
 sur le globe vne ligne tombāre de la Tramōtane au  
 Midy, qui passeroit vers le Ponent plus de 400. mil  
 loing de l'vne des Isles du cap verd, à fin qu'elle ne  
 touchast point sur l'Afrique, qui appartenoit au  
 Roy de Portugal. Ceste ligne trāchoit en deux rout

le monde, & seruoit de borné aux côquestes de ces deux Rois. La partie qui estoit par delà la ligne estoit aux Espagnols, & celle de deçà aux Portugais. Quâd le Roy de Portugal D<sup>s</sup> Ieâ, secôd de ce nom eut leu la bulle & donatiô du Pape, encor' q' ses Ambassadeurs eussent supplié sa saincteté de faire ainsi, si est- ce neantmoins qu'il ne se peut contenir d'entrer en colere, & se tēpēster pour telle diuision, se cōplaignant des Rois Catholiques qui couppoiet par là chemin à ses conquestes, victoires, & richesses. Il appella de ceste bulle, & demâda qu'outre les 400. mil, la ligne fut mise plus vers le Ponēt à 1200 mil, & aussi tost depeſcha des vaisseaux avec Pilotes, & Cosmographes experts pour costoyer, s'il estoit possible toute l'Afrique. Les Rois Catholiques Isabelle, & Ferdinand ayās le cœur genereux, ne feirent semblant aucun de telles plainctes: mais se proposerent parce qu'il estoit leur parent, & que ils auoient plus d'enuie de le cōseruer que de le ruiner, de luy cōplaire, & accorder ce qu'il demâdoit: & pour ceste cause enuoyerēt à leurs Ambassadeurs memoires pour en dresser vn accord deuant le Pape accordans qu'outre les 400. mil, la ligne seroit mise plus vers Ponēt à 1080. mil. Cecy fut depuis cōfirmé en la ville de Tordeſiglias le 7. de Iuin, l'an 1494. Nos Rois pēsans perdre du pays par l'octroy qu'ils auoient faiēt de ces 1080. mil, gaignerent au contraire les Molucques, & plusieurs autres Iſles tres-riches, & le Roy de Portugal par sa demande se trompa, ou fut deceu par les siens mēsmes, qui ne ſcauoiet pas encor' où estoiet situées les isles des espiceries. Car il luy eust mieux valu que ces 1080.



mil. luy eussent esté retranchees vers le Leuant tirant pres le Cap Verd : & encor' avec tout cela ie doute si les Moluques se fussent trouuees en sa partie selon que comptent, & mesurent les pilotes, & Cosmographes. Voila comment ces Rois pour obuier à tous differens departirent entr'eux les Indes, avec l'autorité du Pape.

*La seconde navigation aux Molucques.*

*Chap. 102.*

**A** Pres que l'assemblée de Vadaioz eust esté rompue comme nous auons dict, & qu'on eust déclaré où se deuoit mettre la ligne, qui separoit les Portugais des Espagnols, l'Empereur feit dresser deux armées pour enuoyer aux Molucques l'une apres l'autre. Il enuoya semblablement Estienne Gomez avec vn nauire pour chercher vn destroit en la coste de Baccaleos & de Labeur, qu'il promettoit trouuer, & qu'il disoit estre plus court chemin pour aller aux espices ainsi que nous auons recité en ce lieu. Il commanda aussi que la maison de ce trafic seroit establie à Corugna, encor' que la ville de Seuille s'y opposast, par ce que c'estoit vn bon port & tres, appropos aux vaisseaux qui reuenoient des Indes pour estre incontinent deschargez, à raison qu'il est plus pres de Flandre, d'Alemagne, & autres pays Septétrionaux, qui mangét force espices. On depescha donc à Corugna aux despens del'Empereur sept nauires qu'on feit venir de Biscaye, & les chargea-on de plusieurs marchandises, comme de toiles, de draps de merceries, d'armes, & d'artillerie. L'Empereur nomma Garzi Ioffre de Loaisa cheualier de l'ordre de S. Iean, natif de la ville Realle, ca-

piraine general de ceste armée, & luy donna quatre cens cinquante Espagnols, desquels estoient capitaines Dom Roderic de Acugna, Dom George Manricho, Pierres de Vera, François Hozes de Cordube, & Gueuara, & enuoya pour grand pilote, & lieutenant du general Sebastien de Cauo. Le Cheualier Loaísa feit le serment entre les mains du Cōte Dom Henand d'Andrada gouuerneur du Royaume de Galice, & les autres capitaines le feirent entre les mains de Loaísa, & chaque soldat entre les mains de son capitaine, & puis on beneit l'estendart Royal. Cela faict ils leuerēt les voiles avec vne allegresse grande, & partirent au mois de Septembre l'an 1525. Ils passerent le destroit de Magellan tous ensemble: mais aussi tost ils se desbanderent, & se diuiserent. Le plus petit vaisseau nommé Pataca, ou Pataxa vint surgir en la nouuelle Espagne, autres se perdirent par vne tempeste. Le General mourut sur mer au mois de Iuillet, & le mois de Ianuier ensuiuant 1527. son vaisseau nommé Victoire arriua à Tidore, ou le Roy Raxamira, qui pour lors regnoit receut courtoisement les Espagnols, à fin qu'ils luy donnassent secours contre les Portugais, qui luy faisoient la guerre. Ferdinād de la Torre natif de Burgos feit incontinent bastir vne forteresse en Gilolo ayant avec soy cent cinquante Espagnols. Dom George Manricho vint prendre port en l'isle de Viceya: Le Roy de ceste isle nommé Coroneo feignāt estre amy entra en son vaisseau avec quelque nombre de ses gens, & là le tua avec son frere Dō Diego les naurāt avec glaiues empoisonnez, & arreſta tous les autres Espa-

gnols prisonniers. En Candiga vn autre vaisseau se perdit. En fin tous nos gés tōberent entre les mains de ces insulans, & des Portugais, desquels pour lors estoit capitaine Garzia Enríquez de Euora, qui faisoit la guerre de Terrenate, où il auoit vn fort, à Raxamira, & aux autres, qui ne se vouloient rendre au Roy de Portugal, ny moins luy dōner des espices. Nos gens sceurent là comme le vaisseau de Magellan nommé la Trinité, qui estoit demeuré à Tidoré pour le racoustrer auoit prins la route de la nouuelle Espagne, & cōme cinq moys apres qu'il fut party il fut reiecté par vents contraires à Tidoré mesmē le capitaine d'iceluy se nommoit Spinosa. Quād il fut ainsi reiecté il trouua en ceste isle cinq vaisseaux Portugalois sous Antoine de Britto, qui luy enleua de son vaisseau iusques mille quintaux de cloux de girofle. Il veid là Gonzallo de Campos, Louis de Moline, & trois ou quatre autres qui estoient demourez avec Almanzor. Ce Britto enuoya prisonniers à Malaca quarante huiēt Espagnols, & demeura à Terrenate pour bastir vne forteresse. Ce fut vn acte qui meritoit bien estre chastié en Portugal quand on le sceut en Castille.

*D'autres Espagnols, qui ont cherché l'espicerie.*

*Chap. 103.*

**L'**An 1528. Ferdinand Cortes par le commandement de l'Empereur enuoya de la nouuelle Espagne Aluaro de Saiauedra Ceron avec cent hommes, & deux vaisseaux pour chercher les Moluques, & autres Isles, qui portoient les espices, & autres richesses, & aussi pour trouuer vn passage plus court que celuy de Magellan, esperant en ou-



tre rencontrer des pays, ou Isles tresriches, mais iusques à present que ie sache on n'a rien descouvert de ce qu'il s'ymaginoit. Vn long temps apres l'an 1542. Dom Antoine de Mendoza Viceroy de Mexicque, enuoya le capitaine Villalobos du port de la Nariuité, qui est en la nouuelle Espagne. Cestuy-cy descourit des Isles qu'il surnōma de Corral, où il feit ses besongnes: de là s'en alla à Mindanao, où auoit esté aussi Sejauedra Ceron, & puis fut à Tidore, & à Gilolo, ou il fut bien receu des Roys, qui aimoient micux les Espagnols que les Portugais. Il perdit là par tempeste ses vaisseaux, & ses gens tomberent entre les mains des Portugais. En ce mesme temps Bernard de la Torre natif de Granade s'en retournant à la nouuelle Espagne rencontre vn pays, qui duroit 2000. mil pres de l'Equinoxial des Negres, & apres des isles des blancs: Sebastien Gauoro l'an 1526. quand il retourna du fleuve de l'Argent comme i'ay desia dict, pensoit en ce voyage aller aux Molucques, & de là porter ses espices à Panama, ou à Nicaragua deuant cestuy cy l'an mil cinq cens vn. Americ Vespuce par le commandemēt du Roy de Portugal alla chercher les Molucques avecques quatre carauelles, ce fut lors qu'il descourit le cap de saint Augustin. Mais il n'arriua iamais où il pretendoit, mesme il ne paruint pas iusques au fleuve de la Plata. L'an 1534. Symon d'Alcazana alla aux Molucques avec deux cens quarante Espagnols, mais il ne sceut se comporter avec les siens, ny les gouverner, & ainsi fut massacré à coups de poingnard par douze de ses compagnons au cap de S. Dominicque, qui est quasi à

l'entree du destroiët de Magellan. L'annee suiuañte Dom Guiterrez de Vargas Euesque de Plaisance par le conseil de son coulin Dom Antoine, & pensant s'enrichir plus que les autres y enuoya des nauires, mais ils se perdirent tous auant qu'y arriuer. Il y en eut vn, qui outrepassa le destroiët, & vint surgir à Arequipa. Ce fut le premier qui attesta, & donna assurance de la coste, qui est depuis le destroiët iusques à Arequipa du Peru. Il y en eut encor' d'autres, qui se hazarderët d'aller chercher ces isles par la Tramontane, entre autres Gaspar Cortes Reales, Sebastien Gauoto, & Estienne Gomez, ainsi que nous auons recité cy dessus.

*Des passages qu'on pourroit essayer pour aller en plus brief temps aux Molucques.* Chap. 104.

**C**omme ie discourois vn iour avec personages, qui auoient long tēps hanté les Indes, & avec autres Cosmographes de la longue & penible nauigation, qui se fait d'Espagne aux Molucques par le destroiët de Magellā, nous descourismes vn bō passage, encor' qu'il fut de coust, lequel non seulement seroit proffitable, ains aussi apporteroit grand hōneur à celuy, qui le feroit faire. Ce passage se deueroit faire en la terre ferme des indes couppāt la terre d'une mer à l'autre en l'un de ces quatre endroits, ou par le fleuue des Lesards, ou Cocodrilles qui est en la coste du Nō de Dieu, & prēd sa source à Cagre, qui n'est qu'à douze mil de Panama par où les chariots passent ordinairement. L'autre endroit est par le fleuue de Xaguator, qui entre dedās le lac de Nicaragua, par leq̃l entrēt, & sortēt fort grādes barques, & le lac n'est pas plus de douze mil loin de

la mer. Par lequel que vous voudrez de ces fleuves, le passage est desia à demy fait. Il y a encor vn autre fleuve de la vraye Croix à Tecoantepec, par lequel ceux de la nouvelle Espagne font passer des barques d'une mer en l'autre. Du Nom de Dieu iusques à Panama on compte 51. mil, & du goulfre de Vraba iusques à celuy de S. Michel 75. ce sont les deux autres endroiçts, & les plus difficiles à ouvrir pour les haulies montagnes, qui sont entre-deux. Il y a toutesfois des mains, qui les pourroient trancher, & en venir à bout. Qu'on me donne des gens pour besongner, & ie les rédray faicts. Le courage ne default point quand les deniers ne defaillent: & ne sçauroient defaillir, par ce que les Indes, à la commodité desquelles se feroient ces passages fourniront de deniers. Cecy se monstre impossible, mais pour vne navigatiõ des espiceries, pour la richesse des Indes, & pour vn Roy d'Espagne, il est possible. Il sembloit impossible, cõme à la verité il estoit de pouoir abreger cent mil de tour de mer qu'on compte de Brindezze à la Vellone, si est-ce toutefois que Pirrhe & Marc Varron l'essayerent pour aller par terre de Italie en Grece. Nicanor aussi comméça bien à ouvrir plus de 300. mil de pays, sans compter les fleuves pour trouuer les moyens de faire transporter tousiours par eau les espices, & autres marchandises de la mer Caspic à la mer Majeur, autremét dicte Ponticque, qui tombe à Constantinople: ce qu'il eust acheué comme il est vray semblable si Ptolomee Ceran ne l'eust tué. Pour le traffic de mesmes espices Nicocles, Sef ostre, Darie, Ptolomee, & autres Roys ont essayé de ioindre la



mer rouge au Nil faisoit faire ouuerture avec le fer, affin qu'on amena de la grand mer Oceane en la mer Mediterrance toutes les marchādises de Leuāt sans changer de vaisseaux. Ceste entreprise eust esté par eux executee, & acheuee s'ils n'eussent eu peur que la mer eust inondé toute l'Egypte, ou qu'elle eust creué & emmené les digues & leuees, qui contiennēt le Nil, & que par-ce moyen elle n'eust aussi englouty le fleuue, sans lequel l'Egypte nevaudroit pas l'Arabie deserte. Si ce passage que nous auons remarqué se faisoit, on abregeroit ceste navigation des trois parts, & ceux, qui y iroient aux Moluques partans des Canaries suiuroient tousiours le Zodiaque, & vne route en laquelle ils n'endureroient aucunes froidures, & si passeroient tousiours par les mers, & pays, qui appartiennēt au Roy d'Espagne sans approcher des terres de leurs ennemis. Ce passage seruiroit mesme grandement à nos Indes, par-ce que les mesmes nauires, qui partiroiēt d'Espagne, passeroiēt par le Peru, & autres Prouinces, & en ce faisant on euiteroit de grādes despēses, & se soullageroit on de infinis trauaux, & dāgers.

*Comme l'Espicerie fut engagee. Chap. 105.*

**L**E Roy de Portugal Dom Iean troisieme de ce nom ayant entēdu que les Cosmographes Espagnols auoiēt marqué la rāye de leur departemēt par où nous auons dict, & voyant qu'il ne pouuoit nyer la verité de ce faict, eut peur de perdre ceste negociation des espices, pour ceste cause il supplia l'Empereur de n'enuoyer point aux Moluqs Geofroy de Loaisa, ny Sebastie Gauoto, afin que les Espagnols ne s'afriandassēt point apres ceste negocia-

tion des espiceries, & qu'aussi ils ne veüssent point, ny n'entendüssent les maux qu'auoiét faict les Portugais à ceux de Magellan en ces Isles. Il cououroit, & pallioit le mieux qu'il pouuoit le faict des siens, & si offroit de payer la despée de ces deux armées, Mais il ne peut obtenir ce qu'il demandoit, par ce que l'Empereur estoit bié informé de tout. Vn peu de temps apres l'Empereur espousa Dame Isabelle seur de ce Roy de Portugal: & ce Roy reciproquement espousa dame Catherine seur de l'Empereur. Par telles alliâces le negoce de l'epicerie se refroidist vn peu, & le roy de Portugal poursuiuoit tousiours sa requeste offrant de beaux partis. L'Empereur sceut d'vn Biscain, qui auoit suiui Magellan ce que les Portugais auoiét faict aux Espaignols à Tidore, ce qui l'irrita grandement, & feit confronter ledit soldat aux Ambassadeurs de Portugal, qui le dementoient hardiment, l'vn d'eux estoit capitaine general & gouuerneur en l'Indie quand les Portugais constituerent prisonniers les Espaignols à Tidore, & desroberent le clou de girofle, la canelle, & autres marchandises qu'ils auoiét dedâs le vaisseau de la Trinité. Mais comme le Roy denioit fort cest acte, & qu'il n'estoit autrement verifié, estant l'Empereur d'autre part necessiteux, voulant neâtmoins dresser vn grand apparat pour aller en Italie se faire couronner, il engagea l'an 1529. les Moluques, & tout le traffic de l'epicerie pour la sôme de 350000 ducats d'or sans adiouster à l'obligatiô aucun tēps, demeurant le proces en mesme estat qu'il estoit demouré au Pôt de Caia. Le Roy de Portugal chastia le docteur Azenedo de ce qu'il auoit pmis les

deniers sans terminer autrement l'obligation. Cest engagement fut fait en cachette, & en secret contre la volonté des Espagnols, auxquels l'Empereur se rapportoit de cet affaire, par ce que c'estoient personages, qui entendoient bien le profit, & la richesse de ceste negociation, qui pouuoient tous les ans, ou bien, qui pouuoient en deux, quatre, ou six voyages rendre plus de deniers que n'en bailloit le Roy de Portugal. Pierre Ruiz de Villegas estat appelé par deux fois à ce contract, l'une en la ville de Grenade, & l'autre à Madril disoit qu'il estoit plus expediât engager la prouince de Stremadura, & la Serena, ou plus grand pays, que les Moluques. Samorra, Malaca, & autres riuieres Oriëntales tresriches, qui n'auoient pas encor' esté bien descouuertes, à cause que ces Prouinces se pouuoient avec le temps rachepter, ou par alliance se recouurer, mais que les autres n'estoient si faciles à rauoir, par-ce qu'elles estoient situées bien loing de nous. Pour conclusion l'Empereur ne consideroit pas bien ce qu'il engageoit, & encor' moins le Roy de Portugal scauoit ce qu'il prenoit. On a plusieurs fois depuis dict à l'Empereur qu'il desengageast ces isles, puisque par le gain de peu d'annees on pouuoit recueillir plus que n'auoit baillé le Roy de Portugal, & mesme l'an 1548. les procureurs de la Diette se trouuans à Valladolid voulurent demander à l'Empereur, qu'il donnast à ferme pour trois ans au Royaume ce traffic des espices à la charge qu'ils rembourceroient le Roy de Portugal des 350000. ducats qu'il auoit baillez, & qu'ils deschargeroient toutes les espices au port de la Coru.



gna, comme sa maiesté auoit commandé au commencement, & les troys ans expirez sa maiesté les continueroit, ou bien en iouiroit cōme elle voudroit, mais elle commada de Flandres où pour lors elle estoit, que on ne parlast aucunement de cet affaire, ce qui rendit beaucoup de gens estonnez.

*Comme les Portugais ont eu le trafic des espiceries.*

*Chap. 106.*

**L**Es Portugais faisans la guerre aux Mores du Royaume de Fez en Barbarie, commencerent à costoyer, & guerroyer les frontieres de l'Afrique pres le destroiët de Gibraltar vers la mer Oceane, & voyans que la guerre les fauorisoit, s'employèrent à pourfuyure continuellemēt leur entreprinse, spécialement Dom Henry fils du Roy, Dom Iean le bastard: & premierement descourrirent en la Guinee la mine d'or, & commencerēt à traffiquer avec les Negres, l'an 1475. Ce fut du tēps du Roy Dom Alphonse cinquiesme du nom. Cestuy cy voyant que ces armées flottoiēt par ceste mer sans aucune rencōtre se delibera d'enuoyer vne armee à la mer rouge, & emporter le trafic de l'espicerie. Mais deuant que dresser ses vaisseaux, pour estre mieux acertené il enuoya l'an 1487. Pierre de Conillan, & Alphonse de Payua par terre en Leuant pour scauoir où estoient situez les pays, desquels on apportoit les espices & medecines, qui venoient de l'Indie en la mer Mediterranee par la mer rouge. Il enuoya ces deux cy par ce qu'ils entendoient, & parloient fort bien la langue Arabique, se desiant du rapport que luy auoient fait d'autres qu'il auoit enuoyez ignorans ceste langue. Il leur feit compter

### 3. LIVRE DE L'HIST.

argent, & leur donna lettres de creance, & vne carte, suiuant laquelle ils se deuoient gouuerner, laquelle auoit esté extraicte d'une mappemonde de Martin de Boheme par le docteur Calzadiglia Euesque de Viseo, & le docteur Roderic, par maistre Moyse, & Pierre de Alcazana: il leur donna vn memoire qui auoit esté à Christofle Colomb. Ils s'en allerent en Hierusalem, & au Caire, & de là à Aden, à Ormuz, à Calecut, & autres riches villes, & foires tant d'Ethiopie, Arabie, Perse, qu'Indie. Payua mourut incontinent allant par le costé qu'il auoit pris, & Conillá ne peut reuenir, par ce que le Prete Ieá le retint en sa cour, mais escriuit au Roy tout ce qu'il auoit entendu. Rabi, Abraham, & Ioseph de Lamego allerent en Perse, & enuoyerent nouuelles au Roy du trafic des espiceries. Il les feit retourner pour chercher Conillan. Ils rapporterét ses lettres & tous ses aduertissemens. Le Roy Dom Iean second du nom, qui auoit succedé à Alfonso receut ces lettres, & l'an 1494. enuoya ses carauelles armées pour chercher l'espicerie, mais elles ne passerent point le cap de Bonne-esperance. L'an 1497. Vasco de Gama le passa, & arriua à Calecut, qui est vne ville, où se faict tref-grand trafic d'espiceries, & de medecines, qui estoit ce qu'ils cherchoient. Il chargea ses vaisseaux de ces marchandises à bon prix, & rapporta nouuelles avec grande admiration de la grandeur, & richesse de ceste ville, & du grand nombre de nauires, qui estoient au port. Il disoit y en auoir veu quinze cens, qui tous estoient là arriuez, pour le trafic de ces especes, mais il racóptoit qu'ils estoient petis, & qu'ils n'estoient point propres à faire

nauigatiōs, s'ils n'auoient le vent droict en pouppe ny suffisans pour cōbatre contre nos vaisseaux. Ce qui dōna occasion aux Portugais de s'enhardir iusques là, que de entreprendre ceste negociation, il adioustoit encores qu'ils n'auoient point l'v'sance de la calamité, & qu'ils n'auoient point de bonnes ancrs, ny voiles au respect des nostres. L'an 1500. le Roy dom Emanuel enuoya douze carauelles à Calecut soubs la charge de Pierre Aluarez, d'où il apporta en la ville de Lisbonne ceste negociation & depuis acquist Malaca estendant sa nauigation iusques à la coste de la Sina. Le Roy Dom lean son fils à grandement amplifié ces nauigatiōs. Voila comment le traict des espiceries a esté apporté en Portugal, & comme par ce moyen a esté renouuëe, & mise à sus la nauigation qu'anciennemēt les Espagnols exerçoient en Ethiopie, Arabie, Perse, & autres villes d'Asie pour le faict de marchandise, & principalement, ainsi que ie croy, pour les espices, & medecines.

*Les Roys, & nations, qui ont iouy de trafic  
des espiceries. Chap. 107.*

**L**es Espagnols anciēnemēt apportoier par deçà, non pas en si grāde quantité cōme ils font au iourd'huy, les espiceries, & medecines de la mer rouge, Arabique, & Gagentique, portans par delà marchandises de nostre Espagne. Les Egyptiens ont iouy longuement de la negociation de ces espices, odeurs, medecines, & drogues Orientales, les acheptans des Arabes, Perses, Indiens & autres peuples de l'Asie, & les vendans aux Scythes, Allemands, Italiens, François, Grecs, Mores,



& autres peuples de l'Europe. Ce traffic valloit to<sup>u</sup> les ans au Roy Ptolomee Auletes pere de Cleopatra douze talés, ainsi qu'escrit Strabon, qui vallent sept millions de nostre monnoye. Les Romains avec le Royaulme se saisirent de ceste negociation, qui depuis leur vallut beaucoup d'avantage : mais elle declina entre leurs mains avec leur Empire, & à la fin la perdirent depuis les marchans, qui pour gaigner courent la mer, & la terre, apporterent ce traffic à Capha, & en quelques autres villes de Tanais : mais le travail, & la despenſe estoient fort grands, par-ce qu'il falloit apporter ces especes par le fleuve d'Inde au fleuve Oxo trauersant Bacter, qui estoit anciennement Bactriane, & d'Oxô, qu'aujourd'huy on appelle Camu, par chameaux les faillloit transporter en la mer Caspie, & de là on les disperseoit en plusieurs lieux, mais la plus grâde quantité venoit à Citraca, qui est située sur le fleuve de Rha appellé pour le present Volga, & ceux, qui y venoient estoient Armeniens, Medes, Parthes, Persiens, & autres nations. De Citraca le long du fleuve de Volga on les conduisoit en Tartarie, qui au parauant s'appelloit Scythie, & puis de là on les apportoit par sommes de cheuaux à Capha, que les anciens nommoient Theodosia, & en autres ports pres de Tanais, où les alloient enleuer les Alemas, Latins, Grecs, Mores, & autres nations de nostre Europe : encor' n'y a pas long temps que les Venitiens, Geneuoys, & autres Chrestiens y alloient pour ce mesme traffic. Depuis de ceste mer Caspie on les apportoit à Trebizonde, les faisant descendre par le fleuve de Phasis, en la mer Ponticque : Mais ce  
traict

traict s'est perdu avec l'Empire que les Turcs ont ruiné. Il n'y a encores guerres, & mesme cela ce continue pour le present qu'on les apportoit par contremiôt le fleuve d'Euphrates, qui tombe en la mer Persicque, & de là on les chargeoit sur des sommiers, qui les amenoient à Damas, Alepe, Barut, & autres ports de la mer Mediterranee. Les Souldans du Cayre ont autresfois ramené les especes en la mer rouge, & à Alexandrie par le moyen du Nil comme par le passé: mais non pas en si grâde abondance. Les Roys de Portugal jouissent maintenant de ceste negociation par la maniere que vous avez entendue, & en ont estably le siege à Lisbonne, & à Anuers non sans l'enuie de plusieurs meschans auaricieux, qui ont importuné le Turc, & autres Roys de leur enleuer ceste richesse, & leur donner empeschement, mais avec l'ayde de Dieu ils n'ont peu venir à bout de leur attente. Paul Centurion Geneuoys s'en alla expres à Moscouie l'an 1520. pour persuader au Roy Basile qu'il entreprint ceste negociation, luy promettant de grandissimes gains avec peu de despense, mais le Roy ne voulut seulement l'essayer, c'estoit bien loing de faire ce que l'autre disoit, ayant entendu les longs, & penibles voyages qu'il conueuoit faire. Car il falloit amener premierement ceste marchandise par la riuere d'Inde en Bater, & de là sur des chameaux la transporter sur le fleuve de Camu, & par ce fleuve la côduire à Estraua, & puis à Citraca, qui sont tous situez aux deux extremittez de la mer Caspie: de Citraca les failloit amener par le fleuve Vloga dedans le grand fleuve Occa, & de ce fleuve entrer dedans

celuy de Moscouie. Et la grand peine, qui estoit en cecy, c'est qu'il failloit tousiours monter contre mont par les plus grands fleuues, qui sont Inde, Volga, & Occa. Et apres estre entré dedans le fleuue Moscouu, on descendoit iusques à la ville de Moscouie, & de là les failloit porter par son pays à la mer Germanique, & Venédique, où sont situees Ribalie, Rigue, Dantzic, Rostoc, & Lubec, qui sont villes de Liuonie, Polonie, Frisie, & Saxongne, où demeurent des peuples, qui consomment fort de telle marchandise, en leur viure. Les espices qu'on apporteroit par ceste voye seroiét bié plustost corrompues, & esuëtees, que non pas celles, qui viennent par les carauelles de Portugal, qui ne sont aucunement maniees depuis qu'elles sont chargees en l'Indie iusques à ce qu'elles soient arriuees en Lisbonne. Je ne dis pas cecy sans cause: car ce Geneuoys vouloit faire acroire le contraire. Solyman le grand seigneur a mis peine aussi de chasser les Portugalois hors d'Arabie, & de l'Indie, pour se saisir de ceste trafficque, mais il n'a peu encor que par mesme moyen il se soit efforcé d'endommager les Perses, & d'estendre ses armes, & son nom en ces quartiers pour les intimider. Il y enuoya Solyman Eunucque Bassa, qui de la mer Mediterranee feit passer par le Nil ses galeres iusques auprès du Cayre, & de là par chameaux les feit transporter par pieces en la mer Rouge, & l'an 1537. avec son armee assiegea la ville de Dio pres le fleuue d'Inde, & la battit furieusement, mais ne la peur prendre, par ce que les Portugais la deffendirent valeureusement faisant merueilles par mer, & par terre. Ce Bassa



estoit peureux, & d'un petit courage, mais au lieu trescruel. Il porta en Constantinople à son retour les oreilles, & les nez des Portugais, qu'il auoit tuez, pensant se monstrier par là vaillant, & courageux, ce ne fut qu'un œuure, & un acte digne d'une beste brute.

# LIVRE QUATRIESME


## DE L'HISTOIRE GENERALE

### rale des Indes.

*Comme le grand Royaume du Peru fut descouvert.*

*Chap.*

108.



DE 5200. mil, qui sont de coste en coste depuis le destroit de Magellan iusques au fleuue du Peru, il y en a 2000. qui sont à compter depuis le destroit iusques à Cirinara, où chili, qui ont esté descouuers par vne galiote de dom Gutierrez de Vargas Euesque de Plaisance en Espagne l'an 1544. Les autres mil ont esté par plusieurs annees descouuers par François Pizarre, Diego d'Almagro, & par leurs capitaines, & soldats. Pour descrire ce descouurement, & ces conquestes i'eusse bien voulu suiure l'ordre que i'ay obserué iusques

#### 4. LIVRE DE L'HIST.

icy parlant des guerres, qui ont esté faictes en ce pays en chasque coste, & contree, gardant l'ordre de Geographie : mais pour ne repeter point vne chose plusieurs fois ie laisse maintenant ce style, & prens l'ordre d'un historiographe. Je dis doncques qu'estant Pedrarias d'Auila gouverneur de Castille de l'Or, & residât pour lors à Panama, il y eut quelques habitans de ceste ville auares, ou bien conuoiteux de chercher, & descouurir nouueaux pays, desquels aucuns vouloient aller vers le Levât au fleuve du Peru, pour descouurir les regions, qui sont situées sous l'Equinoxial, s'imaginans de grandes richesses : les autres vouloient aller vers le Ponent au pays de Nicaragua, qui auoit bruit d'estre riche, & d'estre embelly de beaux iardins garnis de bons fruiçts, ainsi qu'auoit rapporté Vasco Nugnez de Valuoá, qui pour ce mesme faict auoit dressé quatre nauires. Pedrarias tendoit plus à Nicaragua que vers l'Orient, & y enuoya ces quatre nauires, comme nous dirôs cy apres. Diego d'Almagro, & François Pizarre, qui estoient riches, & qui estoient des premiers habitans de ce pays s'associerêt avec Hernand Luche seigneur de la Tauoga maistre d'escolle, qui est vne dignité en l'Eglise de la ville de Panama, c'estoit vn prebstre riche, lequel pour ceste cause on surnomme depuis Pazzo, c'est à dire fol, & insensé, par-ce qu'il ne peut se contenir en ses richesses. Ces trois iurerent de ne se departir de leur societé pour quelque despenſe, qu'il conuiendroit faire, ny pour perte quelconque, qui pourroit aduenir, & qu'ils departiroient esgalement le gain, les richesses, & pays qu'ils descouuriroient, &

conquesteroient tous ensemble, où à part. Aucuns disent que Pedrarias d'Auila entra en ceste société, mais qu'il en sortit deuant qu'on eust rien entrepris, pour les mauuaises nouuelles q̄ luy apporta vn de ses capitaines nommé François Vezerra, des pays, qui sont sous la ligne. Ceste société ainsi conclue s'accorderent que François Pizarre iroit descourir pays, & que Hernand Luche demeureroit pour auoir le soing des biens, & possessions d'vn chascun, & que Diego d'Almagro auroit la charge de fournir de soldats, d'armes, & de munitions, & autres choses requises pour Pizarre en quelque contree qu'il fust, & qu'il pourroit aussi faire quelques conquestes selon que les moyens & occasions se presenteroient. François Pizarre doncques, & Diego d'Almagro partirent avec le congé du gouverneur Pedrarias, comme aucuns veulent dire, l'an 1525. Pizarre partit le premier avec 114. hommes en vn vaisseau : il flotta iusques à 400. mil, & voulant prendre terre il fut assailly par les habitants, & blecé en sept endroits de son corps de coups de fleches : ce qu'il le feit retourner à Cianciana, qui est pres de Panama. Almagro, qui estoit demeuré derriere pour auoir vn vaisseau s'en alla avec 70. Espagnols en vn fleuve, qu'il surnomma saint Iean, où il eut deux mille pesans d'or : il meit pied à terre, & par quelques signes il eut cognoissance que les Espagnols auoient ja esté là, & puis s'en alla au lieu où fut blecé Pizarre, où il receut vne aussi mauuaise aduventure que son compagnon : car en combattant il eut vn œil poché, & par despit brusla leur ville, & s'en retourna à Panama, pensant que



Pizarre eust aussi faict là sa retraicte mais ayant entendu qu'il estoit à Cianiama, il s'y en alla aussi tost pour aduiser ensemblement du retour qu'ils deuoient faire au pays qu'ils auoient descouuert, par ce que le pays estoit beau, & enrichy de mines d'or. Ils rassemblerent là iusques à deux cens Espagnols, & quelques Indiens de sernice. Ils s'embarquerent tous en leurs deux vaisseaux, & en trois grandes Canoas qu'ils feirent faire, ils flotterent avec grande peine, & traual, & non sans grand danger des courantes, qui regnent en ce quartier là, à cause du vent de Midy, qui quasi continuellement soufflé par ces riuieres. Mais à la fin ils prindrent terre en vne coste presque toute submergee, estant couuerte de fleuues, & paluz, & si aquatique, & fangeuse qu'il estoit quasi impossible à ceux, qui mettoiét le pied à terre de se sauluer. Les habitans de ce pays vivent sur les arbres, ce sont gens guerriers, & courageux, aussi defendirent-ils brauement leurs pays, & tuerent grand nombre d'Espagnols. Ils accouroient à si grande affluence avec leurs armes que la riue estoit toute couuerte, ils crioient apres noz gens, les appellans enfans de l'escume de la mer, gens sans pere, hommes sans repos, qui ne se peuuent arrester en aucun lieu pour cultiuer la terre pour auoir à manger. Ils disoient en outre qu'ils ne vouloient receuoir en leurs pays personnes, qui eussent du poil au visage, ne qui fussent si bragards, & si mignôs, afin qu'ils ne corrompissent point leurs sainctes, & anciennes coutumes. Ces habitans estoient idolatres, & fort addonnez à la Sodomie, qui estoit cause qu'ils trai-

Estoyent mal leurs femmes. Ils sont laid de visage, ayans le nez outrageusement grand, & sont mal gracieux en leur parler, parlans du gosier. Les femmes portent sur leurs testes des cœuurechefs, & banderolles de coton, & des aneaux. Les hommes vestent vne camisole si courte qu'elle ne couure pas leurs parties honteuses, ils portent leurs cheveux comme font les moynes, sinon qu'ils couppent entierement tous les cheveux de deuât, & ceux de derriere laissant croistre ceux des costez, ils portent en leur nez, & oreilles des esmeraudes Turquoises, & autres pierres blanches, & rouges avec filets d'or. Pizarre, & Almagro desiroient conquerir ce pays pour l'apparence qu'il voyoit d'or, & de ioyaux: mais la faim, & la guerre leur ayant faict perdre beaucoup de leurs gens ne pouuoient en venir à bout sans nouveau secours. Almagro s'en retourna à Panama pour querir quatre vingts Espagnols, par le moyé desquels & de quelques prouisions qu'il apporta il feit reprendre courage à ces pauvres fameliques, & quasi morts de faim, qui estoient restez. Il s'estoyent maintenuz plusieurs iours avec des dattes ameres, & avec du poisson, & avec vn fruit, qu'ils appellent manglari, qui est sans suc, & saveur, & si on ne le garde aucunement il est amer, & salé. Ces arbres naissent sur la mer, & mesme dedans la mer, & en terre salee, le fruit est gros, & à la fueille petite & verte au possible, ils sont fort haults, droicts & forts, & pour ceste cause on en faict des arbres de nauires.

*Continuation du descouurement du Peru.*

*Chap. 109.*

y liij

Les Espagnols estoient si flagues, & si esperduz parmy ces manglari, & se sentoient si foibles au prix des habitans de ce pays, que mesme avec ces quatre vingts soldats, qui estoient freschement venuz, ils n'osoient leur faire la guerre, ains trouuerent plus expedient pour eux de desloger incontinent, & se retirer à Catamez, qui est vn pays, qui au lieu de manglari, est bien pourueu de bon maiz, & d'autres prouisions: aussi il restaura la vie à plusieurs, & fut cause de donner grande resiouissance à toute l'armee, par-ce que les habitas de là auoient leurs visages tous macquetez d'or, estant telle leur coustume de se percer le visage en plusieurs endroits, & mettre dedans les trouz des grains d'or, où des turquoises, ou esmeraudes fines. Pizarre, & Almagro voyans si bon pays pensoient veoir la fin de leurs trauaux, & se faire les plus riches Espagnols de tous ceux, qui eussent iamais esté en ces Indes, & ne se pouuoient contenir pour le grand aise qu'eux, & les leurs auoient. Mais ceste resiouissance ne dura gueres, & fut abbatue par vne grande multitude d'Indiens armez, qui sortirent contre eux, ils n'oserent les soustenir, ny moins les attendre. Parquoy s'accorderent qu'Almagro retourneroit à Panama pour leuer gens, & Pizarre l'attendroit en l'Isle du Coq. Tous les Espagnols estoient en si grande frayeur, & si mal contents, qu'ils ne songeoient tous qu'à retourner à Panama, renians le Peru, & toute la richesse de l'Equinoxial, & eussent bien voulu retourner avec Almagro. Mais on n'en voulut laisser aller aucun que ceux qu'Almagro auoit choisis pour mener avec soy, &



ne voulut-on qu'aucun de ceux, qui restoiét, escriuit à leurs amis, afin que par leurs lettres ils ne donnassent point de mauuais bruit à ce pais, & que par ce moyé ils ne destournassent le cueur de ceux, qui voudroiét y venir pour dōner secours. Mais on ne peut celer aux habitās de Panama les trauaux, & les aduersitez, qui estoiét auenues à nos gés en ce pais, par ce qu'il fut impossible d'épescher que quelques lettres ne se destrobassent, par lesquelles aucuns se plaignoient aigrement des trauaux excessifs qu'on leur faisoit endurer par delà. Entr'autres on marque Sarauia de Trusiglio, qui escriuit ces nouuelles à Pasqual d'Angoya, & enuoya ses lettres (ausquelles plusieurs auoient sous-signé) cachees dedans vne balle de cotton, feignant luy enuoyer ce cotton pour luy faire vne mante par-ce qu'il estoit nud, ayant ja consommé, tous ses habillemens. Autres disent que ce fut Antoine Quadrado, qui escriuit ces lettres, & qu'elles estoiét signees de quarante, & qu'il les enuoyoit à Pierre de Los rios. Ces lettres cōtenoient vn lōg discours de tous les maux & trauaux, qu'ils auoient soufferts en ce descouurement, & combien y auoir de soldats miserablement morts, & comme les capitaines par force les empeschoient de retourner. La conclusion de la lettre estoit qu'ils prioient que le gouuerneur commandast, qu'on ne les retint plus en ce lieu par force, & au bas de la lettre ils meirent ces vers.

*Nous tous vous prions, Monsieur nostre gouuerneur,  
Que vneille & le tout soigneusement esplucher,  
Et croire que vers vous s'en va vn amasseur,  
Pendant que par deca nous reste le boucher.*

Pour lors estoit venu à Panama pour Gouverneur, quand Almagro y arriua, Pierre de Los-Rios, lequel donna charge à vn sien domestique nommé Tafur d'aller où estoit Pizarre, & luy commander, sur griesues peines, qu'il eust à laisser reuenir librement ceux qui estoient avec luy. Aussi-tost que ceux qui estoient avec Almagro prest à retourner, eurent entendu la volonté du gouuerneur, s'escarterent tous, & abandonnerent leur capitaine: autant en firent les soldats de Pizarre, excepté Barthelemy Ruiz de Moguer son pilote, & autres douze, entre lesquels estoit Pierre de Candie Grec natif de ceste Isle. On ne pourroit dire quels desplaisirs receut Pizarre en ce faict: il promet monts & merueilles à ceux qui resterent avec luy, les louant cōme bons fidelles, & constans amis. Se voyant ainsi en si petit nombre, se retira en vne Isle toute depeuplee loing de terre 24. mil, & l'appella Gorgone. Il y auoit en icelle force fontaines, & ruisseaux d'une eau, belle, & claire, de laquelle ils se sustenterēt sans aucun pain, mangeans au lieu des cigalles de terre, & de mer, des serpens grands, & tout ce qu'ils pouuoient pescher, iusques à ce que le vaisseau d'Almagro fust reuenue de Panama, qui les rafreschist, & de gens, & de viures. Aussi tost que ce vaisseau fut arriué Pizarre s'en alla à Motupec, qui est pres de Tangarara, & de là s'en alla au fleuue de Cira, où il print quelques bestes sauuages pour manger, & quelques hommes pour se seruir de truchement parmy le peuple qu'ils appellent Pohecios: Il feit puis apres descendre à terre Pierre de Candie à Tōbez pour veoir le pays. Il reuint tout esmerueillé

des richesses, qu'il auoit veuës en la maison d'Atabalipa : qui fut vne nouuelle, qui resiouit grandement toute la compagnee. Pizarre voyant qu'il auoit decouuert vn pays, & vne richesse telle qu'il desiroit, se retira incontinent à Panama, pour de là s'en retourner en Espagne demander à l'Empereur le gouuernement du Peru. Deux Espagnols demeurèrent en ce pays, ie ne sçay si ce fut par le commandement de Pizarre, à fin qu'ils apprinsent la lāgue, & les secrets du pays, ou bien si auarice les y retint : mais ie sçay fort bien qu'ils furent tuez, & mangez par ces Indiens. François Pizarre fut plus de trois ans à faire ce descouurement, non sans endurer de grands trauaux, & se mettre en des dangers perilleux, endurant faim, & encor' au bout de tout cela receuant des broquarts, & mocqueries.

*Comme François Pizarre fut fait Gouverneur du Peru.*

*Chap. 110.*

Pizarre estant arriué à Panama communiqua à Almagro, & Luché, la bonté, & richesse de Tōbez, & du fleuve de Cira. Ils furent tres-aises de ceste nouuelle, & luy donnerent, pour fournir aux frais de son voyage mil pefans d'or. Ils empruntèrent vne bonne partie de ceste somme : car encore que ces trois fussent les plus riches habitans de ceste ville, si deuindrent ils pauvres pour les grandes despeses qu'ils auoient faites durant ces trois ans au descouurement du Peru. Pizarre estant venu en Espagne presenta au conseil des Indes le rapport de tout ce qu'il auoit descouuert, & demanda le gouuernement du Royaume du Peru, remonstrant les despeses qu'il auoit faites. L'Empereur l'esleut



Adelantado, & capitaine general, & gouuerneur, du Peru, & de la nouuelle Castille, vñant de ce nō, afin qu'il nommast de ce nom toutes les terres qu'il descouueroit. Pizarre promet a l'Empereur luy de courir de grands Royaumes, & richesses pour les títres qu'il luy donnoit. Il faisoit ces richesses plus grâdes qu'il ne sçauoit, encor qu'il ne les amplifiast pas tant comme à la verité elles estoient, afin qu'il attirast d'auantage de gēs avec soy: Il s'ēbarqua pour s'en retourner, acōpagné de quatre de ses freres qui estoient Ferdinād, Iean, Gōzalle, & Frāçois, Martin d'Alcātara frere de mere: Ferdinād estoit seul legitime, Gōzalle, & Iean estoient freres d'une autre mere. Ces Pizares entrerēt à Panama en grād' pōpe. Mais ils ne furent guere biē receuz d'Almagro, qui se cōplaignoit fort de Pizarre de ce qu'estant son ami si intime, il l'auoit exclus, & priué des hōneurs & títres, qu'il auoit prins pour luy seul, ce qu'il ne deuoit pas faire, attēdu qu'ils auoient esté cōpagnōs, en despence, & que pour ceste cause ils deuoient aussi estre compagnons au gain, entre lequel il estimoit l'honneur, duquel il se voyoit priué, puis qu'il ne luy restoit lieu où commander, ny à gouuerner. Et encores ce qui le fachoit le plus, estoit que Pizarre n'auoit point recité à l'Empereur comme en ceste execution il auoit perdu vn œil, & consommé la plus-part de son bien, & fourny la plus grand part des deniers, qu'auoient esté despendus en ceste entreprinse, & quant à luy il disoit qu'il aymeroit mieux l'honneur, que les deniers. François Pizarre se deschargeoit le mieux qu'il pouuoit, disant que l'Empereur auoit vou-

lu à luy seul departir tels honneurs, & que meſme il ne l'auoit point voulu faire grand Preuoſt de Tombez encores qu'il l'en euſt ſupplié, & au reſte il promettoit de luy moyenner vn autre gouuerneuent au meſme pays, & renoncer à ſon proffit à l'eſtat d'Adelantado, & luy promettoit ne ſe departir de la ſocieté qu'ils auoient faiſte enſemble, & luy remonſtroit que demeurás compagnons comme deuant il eſtoit luy meſme gouuerneur, & que par-ce moyen il pouuoit commander & diſpoſer de tout à ſon plaſiſr. Mais Almagro ne pouuoit ſappaiſer avec tout cela, tant eſtoit grand le courroux, & la haine qu'il penſoit auoir cõceüé avec vne iuſte occaſion, & eſtimoit le dire de Pizarre n'eſtre que des pures parolles ſimples, & ſans effet. Le peu de biẽ, qui eſtoit reſté de leur ſocieté, eſtoit être ſes mains, & n'en vouloit rien departir à Pizarre qui eſtoit cauſe que luy, & ſes freres, qui faiſoient grãde deſpence, & auoient peu de deniers eſtoient tõbez en grande neceſſité. Ferdinand Pizarre qui eſtoit l'aiſné de tous, ne pouuoit endurer patiemment eecy, & en donnoit toute la coulpe à Almagro, reprenant le Gouverneur ſon frere de ce qu'il en enduroit tant, & irritât ſes autres freres, & pluſieurs autres contre luy. De là ſourdiſt vne perpetuelle haine entre Almagro, & Ferdinand Pizarre, & nõ contre ſes autres freres, qui eſtoient doux, traittables, & amiables, François Pizarre deſiroit grandement retourner en grace avec Almagro, par-ce que ſans luy il ne pouuoit aller en ſon gouuernemẽt ſi toſt, ne ſi honorablement, ny avec telle eſperãce d'y profiter, cõme il eut bien voulu. Il cherchea les

moyës pour se recôcilier, plusieurs s'entremirent faire l'accord, principalement ceux qui estoïent freschement venus d'Espagne qui auoient desia mangé tout iusques à leur cappe. A la fin ils s'accorderent par le moyen d'Antoine de la Gama iuge de residence. Almagro donna sept cens pesans d'or, & les armes, & viures qu'il auoit, & Pizarre feit voile avec le plus de soldats, & de cheuaux qu'il peut amasser en deux vaisseaux. Il eut des vents contraires deuant qu'arriuer à Tombez. Il desbarqua en la terre du Peru, de laquelle ont prins nom ces grandes, & trefriches Prouinces, qui sont situees en ce quartier là, qui depuis ont esté descouuertes, & cōquises. Celuy, qui premier eut nouuelles du fleuue du Peru, s'appelloit François Vezerra Capitaine de Pedrarias d'Auila. Il apprint les nouuelles quand partant de Comagre, avec cent cinquante Espagnols, il arriua à la poincte de Puguas. Mais il ne voulut autremét s'en approcher, parce qu'o luy dist que le pays du Peru estoit rude, & que les habitans estoient bellicieux. Aucuns disent que Valuoá eut le premier aduertissement comme ce pays du Peru estoit bien garny d'or, & desmeraudes, soit que ce soit, si est-il bien certain qu'il y auoit desja grãd bruiët du Peru à Panama, quand Pizarre, & Almagro seirent l'entreprinse d'y aller. Le pays, où Pizarre descendit, estoit si mauuais qu'il ne voulut demeurer là. Il se mit à suiure la coste par terre: mais elle estoit si aspre que les hommes se gastiøient & rompoient les pieds à marcher, & les cheuaux se defferroient, & qui pis est, plusieurs qui ne scauoient pas nager, se noyoient en passant des fleu-



ues, qui sont fort frequens en ce pays, par ce que pour lors ils estoient fort enfléz. Pizarre, ainsi que on dict faisoit en cela office de bon Capitaine, car luy mesme passoit sur ses espaules ceux qui estoient malades, qui n'estoient pas en petit nombre, par ce qu'avec le changement d'air, vne bonne partie de la troupe estoit deuenüe malade, ioint aussi qu'ils enduroient la faim. Cheminans en ceste sorte ils arriuerét à Coaché, qui est vne ville riche, & bié pour ueuë, où ils se rafreschirent, & eurent bonne quantité d'or, & des esmeraudes, desquelles il en rôpirét quelques vnes pour essayer si elles estoient fines: car ils trouuoiet plusieurs pierres faulses de semblable couleur. A peine auoient ils mis fin à leurs malheurs quád il leur aduint vn nouueau, & vilain mal, qu'ils apelloiet des poireaux. Ce mal ainsi que il les tourmentoit, & leur faisoit vne douleur grâde estoit pire que le mal Frâçois. Ces poireaux leur venoiet sur les sourcils, & paupieres, au nez, aux oreilles, & en autres lieux du visage, & du corps, & sortoiet gros côme noix, & pleins de sang: C'estoit vn mal, auquel pour la nouueauté ils ne pouuoiet encor remedier. Se voyâs si mal traictez, ils depitoiet le pays, & celuy qui les y auoiet amenez. mais n'ayâs avec qui retourner à Panama, ils supportoient leur fortune, & calamité le mieux qu'ils pouuoient. Pizarre, encor que pour l'amour de ceste maladie il veit ses compagnôs mourir, ne voulut neantmoins abandonner son entreprinse: ains enuoya vingt mil pesâs d'or à Almagro, à fin qu'il luy enuoyast de Panama, & de Nicaragua autât de soldats, d'armes, cheuaux, & viures qu'il pourroit, & aussi afin q par

vn mesme moyen il donnast aduertissement de la bonté, & richesse de ce pays, qui autremēt auoit vn tresmauuais brui&t. Il s'achemina encores depuis ceste depesche iusques au Port Vieil, combattant quelquesfois avecques les Indiens, autresfois faisant bien ses besongnes par eschanges de ces petites denrees de merceries. Estant, Sebastian de Venalcazar, & Iean Fernandez y arriuerent, amenans avec eux de Nicaragua, gens & cheuaux, qui resiouirent grandement la compagnee, & donnerent grād secours pour pacifier la coste de ce Port vieil.

*La guerre que feit Faancois Pizarre en l'isle de la Puna.*  
Chap. 3.

**L**Es truchemens de Pizarre nommez Philippes & François qui estoient natifs du pays de Pohecios, luy dirent qu'il y auoit là aupres l'isle de la Puna, tresriche & garnie d'hommes belliqueux. Pizarre se voyant auoir bon nombre d'Espagnols delibera d'y aller, & pour cest effect, commanda aux indiens de faire deux grans vaisseaux, que nous appellons bacs, pour passer ses cheuaux, & ses gés. Ces bacs se font de cinq, sept ou neuf longues traines legieres à la forme de la main, par ce qu'il faut que le bois du milieu soit plus long que les autres pieces des costez, qui aussi doiuent estre plus courtes les vnes que les autres, ainsi que sont disposez les doigts de nostre main. Ces vaisseaux sont plats, & volontiers attachez. On se sert ordinaiement de tels vaisseaux pour passer de terre ferme en quelque isle. Les Indiens vouloient couper les cables de ces bacs pour noyer les Chrestiens, ainsi que rapportent les truchemens, & pour ceste cause Pi-

zarre cōmanda aux Espagnols qu'ils tinssent leurs espees desgainees pour donner peur aux Indiens. Pizarre fut honnestement & paisiblement receu par le gouuerneur de ceste isle: mais vn peu de iours apres il delibera de massacrer tous les Espagnols, pour ce qu'ils faisoient à leurs femmes & à leurs biens. Ceste deliberation estant descouuerte par Pizarre, il le print incontinēt sans faire aucū bruit: Ceux de l'isle faschez de voir leur gouuerneur prisonnier assiegerēt l'ost des Chrestiens, menaçans de les tuer s'ils ne leur rēdoierēt leur gouuerneur & leurs biens. Mais Pizarre ne s'estonnant aucunement de telles menaces feit ranger ses gens en bataille, & commanda à quelques cheuaux d'aller secourir les bacs que les Indiens assailloient. Les Indiens combattoierēt courageusemēt, & pour leur gouuerneur & pour leurs biens, mais ils furēt vaincus avec leur grand perte. Il y eut des leurs grand nōbre de tuez & beaucoup de blecez: il y eut quatre Espagnols tuez & quelques vns blecez, entr'autres Ferdinād Pizarre, qui fut frappé au genoil. Ceste victoire apporta grand butin d'or, & d'autres biens à nos gēs. Pizarre sur le champ departit ce butin entre ses cōpagnons qui pour lors estoient la afin que puis apres ceux qui venoient de Nicaragua, sous Ferdinand de Sotto, ne luy en demandassent point part: Apres ceste conqueste noz gens commencerent à tōber malades, à cause de l'air de ce pays. Pour ceste cause, ioinct aussi que les habitans de ceste isle se retiroierēt par le moyen de noz bacs qu'ils auoierēt gaignez dedās des māglari sans faire paix ne guerre, Pizarre conclud de se retirer à Tōbez, qui estoit



#### 4. LIVRE DE L'HIST.

là auprès. Mais auât que d'escrire ce qui luy aduint là, il fera plus conuenable de ne passer ainsi legèrement de ceste isle, sans en dire quelque chose, attêdu mesme que Pizarre eut là les premieres nouuelles du Roy Arab. Ceste isle, donc a 48. mil de tour, & est loing de Tombez autant. Elle estoit fort peuplee, & bië garnie de bestes faulues, & de cheureuls. Les habitâs s'adônoient fort à pescher, & à chasser, ils estoient courageux, & tresadextres à la guerre, & crains, & redoutez de leurs voisins. Ils combatoiêr avec des frondes, dards, haches, d'argent, & de bronze, & picques, qui au lieu de fer auoient au bout de l'or. Ils se vestent de roiles de cotton teintes en diuerses couleurs. Les hômes au lieu de bonnet portent sur leur teste certaines choses, qui ressemblent à coiffes de fil de plusieurs couleurs. Ils portêt aussi force aneaux, pendans, & autres ioyaux, d'or, & de pierres fines côme aussi font les fêmes. Ils auoient plusieurs vaisseaux d'or, & d'argêt pour leur mesnage. On trouua vne nouueauté assez inhumaine en ceste isle, c'est que le gouuerneur, côme estât ialoux faisoit coupper les nez, & les membres, & mesmes les bras aux seruiteurs, qui gardoient & seruoient les femmes.

*La guerre de Tombez, & le peuplement de S. Michel de Tangarara. Chap. 112.*

**P**izarre trouua en l'Isle de la Puna plus de six cês personnes, de Tombez qui estoient prisonniers, & à ce qu'on pouuoit veoir estoient du Roy Attabalipa, qui l'annee de deuant auoit mis son armee sus, pour enleuer ceste Isle hors de la puissance de son frere Guascar, & pour cest effect a-

uoit faict dressez grand nombre de bacs pour passer son grand exercite. Le gouuerneur, qui estoit là pour Guascar, Yuga, & Seigneur de tous ces Royaumes, feit mettre en armes tous les habitans de l'Isle, & en meit vne bonne part dedans des bacs, & les feit aller à l'encontre l'armee d'Attabalipa: il y eut vne forte, & roide bataille, en laquelle Guascar fut vainqueur, par ce que ses gens estoient plus adextres sur mer que ses ennemis, & aussi à cause qu'Attabalipa fut fort nauré en vne cuisse en combatant, & fallut qu'il se retirast de la presse, & s'en allast à Caxamalca pour se faire penser, & aussi pour ramasser ses gés, & en leuer de frais, pour les mener en la ville de Cuzco, où sō frere Guascar auoit vne grāde armee. Quand le gouuerneur de la Puna eust esté aduerty de la retraicte de ses ennemis, il s'en alla à Tôbez, laquelle il saccagea, Ces dissentions, & discordes, qui estoient entre ces deux freres Seigneurs de tout ces pais, ne despleurent gueres à Pizarre, ny à ses compagnons: car ils voyoient bien que c'estoit vn moyen d'entrer plus auāt en pays. Et pour ceste cause Pizarre se delibera de gagner la volōté, & affection de quelqu'un: & trouuāt plus à main le Roy Attabalipa pour luy gratifier: il enuoya à Tombez ces six cens prisonniers qui luy promettoiet d'estre moyen pour estre bien venu & receu par tout. Mais se voyans libres, proposerent incōtinent leur promesse, & obligation à leur liberré, & avecques grandes persuasions inciterent le peuple cōtre luy. Pizarre ne pēsant point à la trahison de ceux cy, feit embarquer ses gés en ses nauires pour aller à Tôbez. Il enuoya deuāt trois Espagnols avec

quelques Indiens dedans vn bac pour demander paix, & entree. Ceux de Tombez receurent ces Espagnols en grande deuotion, & les meirent aussi tost entre les mains de leurs Prestres, afin qu'ils les sacrifiasent à vn certain idole du Soleil nommé Guaca, pleurans non point par compassion, mais seulement suiuant la coustume qu'ils ont de pleurer deuant cest Idole Guaca, aussi Guaca en leur lāgue signifie plaincte, & gemissement, & Guay est vne voix des petis enfās, qui ne font gueres que de naistre. Quand les nauires arriuerent, il n'y auoit aucuns bacs pour sortir en terre, car les Indiens les auoient tous tirez par deuers eux. Pizarre toutesfoi les voyans en armes se ietta dedans vn bac qu'il auoit avecques six cheuaux seulement, parce que le lieu, ny le temps ne permettoient d'en pouuoir mettre à terre d'auantage, & mesme ces six cheuaux ne purent toute la nuit prendre terre, & furent fort mouillez, par-ce qu'il faisoit lors vne grande tempeste, & comme ils approchoient de terre le bac se tourna en arriere, ne sçachans le gouverner. Le iour ensuiuant tous descendirent en terre à leur aise, sans que les Indiens feissent autre chose que se monstrier, & enuoya on les nauires pour apporter les autres Espagnols, qui estoient restez en la Puna. François Pizarre courut avecques quatre cheuaux plus de six mille en pays sans pouuoir auoir communication avec quelque Indien. Il mit le siege deuant la ville de Tombez, & enuoya sa troppe au capitaine de la ville, le priant de faire paix ensemble. Mais ce capitaine ne le voulut aucunement ouyr & ne faisoit que ce moquer de nos gēs cōme



estans barbus, & en petit nombre, & tous les iours faisoit des saillies sur nos Indiens, qui alloient au fourrage pour nos gens. Pizarre trouua moyen d'auoir quelques bacs, avec lesquels il passa la nuit & le fleuve avec cinquante chevaux sans estre descouvert par ses ennemis, cheminans par chemins rudes, & par dedans des espines, & à l'albe, il arriua sur les ennemis qui estoient sans garde en leur fort, où il feit vn grand eschec, & par tout là à l'entour pour satisfaction des trois Espagnols, qu'ils auoient sacrifiez. Alors le gouuerneur vint requerir la paix, & se rendre amy, & feit vn grand present d'or, & d'argēt, & autres meubles de cotton, & de laine. Pizarre ayant acheué ceste guerre si tost, & si à son aduantage, feit peupler à S. Michel de Tāgarara sur la riuē du fleuve de Cira. Il chercha vn port bon, & seur pour les nauires, & trouua celuy de Payta tel qu'il demandoit. Il departit l'or entre ses compagnons, & puis partit pour aller à Cazamalca chercher le Roy Attabalipa.

*La prinse d'Attabalipa.**Chap. 113.*

**P**izarre voyant tant d'or, & d'argent par ce pays creut aisément ce qu'on luy auoit dict de la grandissime richesse du Roy Attabalipa. Ayant doncques mis ordre en la nouuelle ville S. Michel, partit pour aller en la Prouince de Cazamalca, & en passant attira à son amitié les peuples, qu'on appelle Pohecios, par le moyen de Philippes, & François ses truchemens, qui en estoient natifs, & scauoient ja parler la langue Espagnole. Alors il vint certains Ambassadeurs de Guascar, pour demander l'amitié, & faueur de Pizarre contre Attabalipa, qui avec vn

esprit tyrannique s'estoit rebellé, & vouloit vsurper le royaume, promettant de grandes choses s'il vouloit receuoir leur maistre, & luy donner aide. Noz Espagnols passerent vn pays depeuplé & desert, & sans eau qui duroit 60. mil, ce qui les trauail la grandement. Côme puis après ils montoient la môtagne, ils récôtrèrent vn messager d'Attabalipa, qui dit à Pizarre, qu'il s'en retournerait avec Dieu en son pays, dedés ses nauires, & qui ne fait aucú mal à ses vassaux, & s'il aymoit ses dets, & ses yeux, qu'il se gardast bié d'emporter aucune chose, & s'il vouloit ainsi faire, qu'il le laisseroient aller en toute liberté avec l'or, & autres biens, qu'il auoit pillé en autre pays que le sien: mais si au contraire il n'en vouloit rien faire, qu'il le tueroit, & tous les siens, & les dépouilleroit. Pizarre luy fait responce qu'il ne marchoit point pour faire trouble à aucú, encor moins à vn si grand prince, & qu'il s'en retourneroit vers la mer côme il luy comádoit, s'il n'estoit icy venu côme ambassadeur du Pape, & de l'empereur seigneurs du móde, & qu'il ne pouuoit, sans receuoir vne trop grande honte, retourner sans le voir, & parler à luy, & qu'il auoit plusieurs choses à luy dire, tât de Dieu, que pour son hôneur, son bien, & son proffit. Attabalipa entendit bien par ceste responce que les Espagnols auoient enuie de le veoir ou pour bien ou pour mal: mais quoy que ce fut, il ne s'en donoit pas grand peine, par-ce qu'ils estoient peu, & que Maicabelica seigneur entre les Pohecios l'auoit aduertí que ces estrangers barbus n'auoient force aucune ny aleine pour cheminer lóguemét à pied, & qu'ils ne pouuoit saillir vn fossé sans estre dessus, ou bien

sans estre attachez à certains Pacos, ainsi appeloïët ils les cheuaux, & qu'ils portoiët à leurs ceintures, certaines longues tablettes estroïttes, & deliees, qui reluysoient, & estoïët quasi semblables à celles desquelles vsent leurs femmes pour filler. Maicabelica disoit cecy par-ce qu'il n'auoit encores esproué le taillant de nos espees, & estimoit d'auantage la prouësse des nobles & courageux Indiens. Mais les blecez de Tombez, qui s'estoïët retirez en la court d'Attabalipa, chantoient bien vne autre chançon, & pour ceste cause Attabalipa renuoya vn autre messager pour scauoir si ces barbus cheminoient, & pour dire à Pizarre que sil aimoit bien sa vie, qu'il ne vint point à Caxamalca. Pizarre respondit qu'il ne laisseroit point l'entreprise qu'il auoit faite de le voir. Alors l'Indien luy donna vne paire d'escarpins, & des poignards d'or pour mettre à sa ceinture, afin qu'Attabalipa son seigneur le cogneut entré les autres quand il arriueroit deuant luy. C'estoit vn signe, ainsi qu'on peut croire, pour veritablement remarquer Pizarre: mais aussi pour ne failir à le prendre, & le mettre prisonnier, ou le tuer, sans toucher aux autres. Pizarre print ce present, & en riât dit qu'il en feroit ce qu'il disoit. En fin arriua avec son armee à Caxamalca, & à l'entree vn gétill-hôme Indien luy dit qu'il ne se logea point iusques à ce qu'Attabalipa luy eust commandé. Mais sans faire autre responce il ne laissa pas à se loger, & puis enuoya le Capitaine Ferdinand de Sotro avec quelques cheuaux sous la conduite de Philippe le truchement pour visiter Attabalipa, qui estoit à 3000. de là a des bains, & luy dire comme les Espagnols



estoyent ia arriuez, & qu'il donnaist licence, & heure certaine en laquelle Pizarre le pourroit venir voir. Le capitaine Sotto par gentillesse, & pour dōner esbahissement aux Indiens faisoit tousiours voltiger son cheual iusques à ce qu'il fut arriué bien pres de la personne d'Attabalipa, qui ne se monstra aucunement estonné, ny mesme ne fait signe aucun de changement encores qu'il fautast vn peu d'escume du cheual sur son visage: mais fait commandement de tuer ceux qui s'estoyent fuis de deuant le cheual: chose, qui estonna les siens, & fait esmerueiller les nostres: Ce Sotto descendit de son cheual, & fait vne grande reuerence à Attabalipa, & luy dict ce pourquoy il estoit venu. Attabalipa setint tousiours coy avec vne grauité Royale sans se mouuoir aucunement. Il ne fait responce à Sotto: mais parloit à vn gentilhomme, & ce gentilhomme rapportoit ses parolles à Philippes, qui les donnoit à entendre à Sotto, il disoit qu'il estoit fort mal cōtent de luy, de ce qu'il s'estoit approché si pres avec son cheual, & que c'estoit vn acte d'vne grande irreuerence considéré la maiesté d'vn si puissant Roy. Ferdinand Pizarre vint vn peu apres, & apres auoir fait la reuerence à Attabalipa luy tint propos de prendre l'amitié de leur grand Capiraine. Attabalipa pour responce à si long discours, desquels auoit vsc Ferdinand, dict en peu de parolles qu'il seroit bon amy de l'Empereur, & du Capitaine s'il rédoit tout l'or, & l'argent, & autres biens qu'il auoit pris sur ses vassaux, & amis, & s'il s'en vouloit bien tost retourner hors de son pays, & que le iour prochain il seroit avec luy à Cazamalca pour mettre ordre à

son retour, & pour ſçauoir qui eſtoient le Pape & l'Empereur, qui eſt de ſi loing pays luy enuoyent les Ambaſſades. Ferdinād Pizarre ſ'ē retourna tout eſtonné de la grandeur, & maiesté d'Attabalipa, & du grand nôbre d'hômes d'armes, & de pauillons qui eſtoient en ſon camp, & meſme de la reſponce qu'il auoit faire, qui n'eſtoit autre qu'une declaration de guerre. Pizarre feit quelques remōſtrances à nos gēs, par-ce qu'il y en auoit quelques vns, qui auoient peur pour veoir ſi grand nôbre d'Indiens pres d'eux, & preſts à combattre, & les feit prendre courage pour ſouſtenir la bataille à l'exēple des victoires obtenuēs à Tombez, & à la Puna. Toute la nuit ce paſſa en cecy, & a ſarmer, & drefſer leurs cheuaux, & aſſeoir & bracquer l'artillerie droit à la porte du Tambo, par laquelle deuoit entrer Attabalipa. Cōme il fut iour François Pizarre meit quelques arquebuziers en une petite tour de leurs idoles, qui cōmandoit à la muraille. Il departit encore en trois maiſons les capitaines Ferdinand de Sotto Sebaſtien de Venalcazar, & Ferdinand Pizarre, qui eſtoit ſon lieutenant general, & leur donna à chacun vingt cheuaux. Et quant à luy il ſe meit à une porte avec l'infanterie qui ſans les Indiens de ſeruiſſe pouuoient eſtre cent cinquante. Il commanda qu'aucun n'eũt à parler, ny à tuer aucuns des gens de Attabalipa que premierement on n'eũt ouy tirer vn coup de harquebouze, ou qu'on n'eũt veu l'enſeigne dehors. Attabalipa encouragea les ſiens, qui ne faiſoient que brauer, & faire peu de compte des Chreſtiens, & penſoient bien en faire vn ſacrifice ſolennel au Soleil ſils combattoient.

Il enuoya vn sien capitaine nommé Ruminaguy avec cinq mille soldats sur le chemin, par lequel les Espagnols estoient entrez en Caxamalca, à fin que s'ils vouloient fuir, ils fussent tous prins, ou taillez en pieces. Atabalipa fut quatre heures à faire trois mil, par ce qu'il faisoit cheminer son armee avec plusieurs reposades de peur qu'elle se lassast. Il se faisoit porter en vne lictiere d'or parée par dedans de plumes de perroquez de diuerses couleurs, & estoit assis dedans vne basse chaire toute d'or sur riche coussin de laine garny fort beaux, & precieux ioyaux. Il auoit sur le front vn grand floquet rouge de laine tres fine & delice, qui luy couuroit les sourcils, & les iouës, c'estoit la marque Royale que auoient accoustumé de porter les Roys de Cuzco. Il menoit plus de troys cens estaffiers pour seulement seruir à porter sa lictiere, & pour ietter les pailles, & ordures hors le chemin, & pour chanter au deuant de sa personne. Il auoit aussi plusieurs seigneurs, qui pour la maiesté de sa cour se faisoient pareillement porter en lictieres, & dedans des portoirs. Il entra au Tábo de Caxamalca, & ne voyant aucuns cheuaux Espagnols, ny les gens de pied se remuer, luy estoit aduis que c'estoit de peur. Lors il farresta, & dist à ses gens: Ces Chrestiens sont tous estonnez, il sont à nous. Et commanda qu'on tuast les Chrestiens, qui estoient dedans la tour. Alors frere Vincet de Valuerde Iacobin ayant en sa main vne croix avec son breuiare, ou vne bible selô aucuns, s'approcha de luy, & luy feit la reuerence, luy donnant la benediction avec la croix, & luy dict: Excellent seigneur il faut que sçachiez côme Dieu,



qui est vn en trinité a cree le monde de rien & a formé l'homme de terre, l'appellant Adam, duquel nous sommes tous descenduz, comme il a peché contre son createur par inobedience, & comme nous sommes nez tous en ce peché, excepté Iesus Christ, qui estant vray Dieu est descendu du ciel pour naistre de la vierge Marie, & rachepier le sâg humain de peché par sa mort, qu'il a soufferte en vne semblable croix, laquelle pour ceste cause nous adorons. Comme il est resuscité le troisieme iour, & est remonté au ciel quarante iours apres, laissant en terre pour son vicaire saint Pierre, & ses successeurs qu'on appelle Papes lesquels ont baillé ceste foy au trespuissant Roy d'Espagne Empereur des Romains, & Monarques du monde. Obeissez donc au Pape, & recepuez la foy de Iesus Christ: elle est sainte, & la vostre est faulse, & si ainsi vous faictes, vous ferez fort bien. Mais si faictes au contraire sçachez que nous vous ferons la guerre, & que nous vous osterons, & romperons vos idoles, à fin que quictiez la deceuante religion de vos faux Dieux. Attabalipa tout enflambé fait respōce qu'il ne vouloit point estre tributaire puis qu'il estoit libre, ny penser qu'il y eust plus grand seigneur que luy. Mais qu'il vouloit biē estre amy de l'empereur, & le cognoistre: car ce deuoit estre vn grand seigneur, puis qu'il enuoioit tât d'armees par le monde: Et ne vouloit point obeir au Pape puis qu'il dōnoit ce qui appartenoit à autrui, ny moins laisser son Royaume paternel à celuy qu'il n'auoit iamais veu. Et quand à la religion il dict que la siēne estoit fort bonne, & qu'il se trouuoit bien avec icelle,

qu'il ne vouloit point, & aussi qu'il ne luy estoit pas  
 feant, mettre en dispute, & controuerse vne chose  
 de si long temps approuuee: & disoit en outre que  
 Iesus Christ estoit mort, mais que le Soleil & la Lu-  
 ne ne mouroient point, & demandoit au moyne  
 comme il scauoit que le Dieu des Chrestiens eust  
 crée le monde, frere Vincent luy respondit que ce  
 liure le disoit, & en ce disant luy bailla son breui-  
 re. Attabalipa le print, l'ouurir, le regarda de tous  
 costez, & le fueilléta, & disant qu'il n'en disoit mot  
 le jetta en terre, frere Vincent ramassa son breui-  
 re, & s'en alla à Pizarre criant: il a iecté en terre les  
 Euangiles, vengeance Chrestiens, chargez dessus,  
 puis qu'il ne veut nostre amitié, ny recevoir nostre  
 loy. Alors Pizarre commanda qu'on meit dehors  
 l'enseigne, & qu'on deslaschast l'artillerie aussi tost,  
 craignant que les Indiens sauassent trop auant.  
 Voyans les hommes d'armes le signe qu'on leur  
 auoit baillé au commencement sortirent en toute  
 furie par trois endroits pour rompre la grosse troupe  
 qui enuironnoit le Roy Attabalipa. Ils en tue-  
 rent, & blecerent grand nombre. François Pizarre  
 arriua sur ceste meslee avec ses gés de pied, lesquels  
 firent grand eschec de leurs ennemis avec leurs  
 espées ne frappans que de l'estoc: ils tiroient droit  
 à Attabalipa, qui tousiours estoit en sa liètiere, afin  
 de le pouuoir prendre prisonnier estimant vn cha-  
 cun acquerir par là vne grande gloire. Mais ils ne  
 pouuoient le toucher, par ce qu'il estoit esleué haut  
 en sa liètiere, & pour ceste cause tuoient ceux, qui  
 la soustenoient, à fin de le faire tomber. Mais aussi  
 tost qu'il y auoit vn de ces porteurs mort, vn autre

prenoit sa place de peur que leur seigneur ne tombast à terre. Pizarre voyant cela le tira par la robe, & le feit cheoir en terre, & par ce moyen print fin ceste meslee. Il n'y eut aucun Indien qui combattir, encoré que tous fussent armez, qui est vne chose norable. Ils ne combattirent point, par ce qu'il ne leur fut point commandé, ou qu'ils n'apperceurent point le signe, duquel ils auoient ensemble conue-nu à cause du tresgrand bruiet, & de l'assaur inopi-né qu'on leur donna, ou bien par ce qu'ils s'entre-meslerent tous ensemble pour la peur qu'ils eurent de nos gens, & du tintamare qu'en vn mesme téps ils ouirent des trompettes, des arquebuzes, de l'artillerie, & des cheuaux, qui tous auoient des sonnettes pour les espouueter d'auantage. Par le moyé donc d'un tel bruiet, & d'un tel chamailliz tous s'enfuirét sans se soucier d'auantage de leur Roy. L'un iectoit son compagnon à terre pour escamper. Il y en eut tant, qui se rangerent à un costé, que pressez, ils ietterent par terre un pan de mur pour euites les coups de nos gens: mais ils furent suivis par Ferdinand Pizarre avec les gens de cheual iusques à la nuit. Le general Ruminaguy s'enfuit des premiers aussi tost qu'il ouyt l'artillerie estant desia tout effaré de ce que present il auoit veu comme ses gens auoient esté iectez par les nostres du haut en bas de la tour, qu'ils estoient allez assaillir, entre lesquels estoit celuy, qui deuoit donner le signal pour combattre. Il mourut beaucoup d'Indiens à la prinse d'Attabalipa, qui fut l'an 1533. au Tambo de Caxamalca, qui est vne grande place toute enfermée de murailles. Il y en mourut si grand nombre par ce



qu'ils ne le defendoient point, & auffi que les no-  
stres ne frappaient que de l'estoc de leurs espees,  
craignâs les rompre s'ils eussent frappé du taillant:  
Frere Vincent leur auoit baillé ce conseil. Les In-  
diens auoient des moriôs de boys doré avec beaux  
pennaches, ce qui donnoit vn beau lustre à leur ar-  
mee. Ils auoient des iuppons fort releuez en bos-  
se, des masses dorees, des picques longues, des fron-  
des, des arcs, des haches, & des halebardes d'argent,  
& de bronze, & mesme d'or, qui reluisoient à mer-  
ueilles. Il n'y eut aucû Espagnol blecé, excepté Frâ-  
çois Pizarre, qui fut blecé en la main par vn de nos  
soldats, qui cômme il prenoit Attabalipa, luy donna  
ce coup, pensant frapper Attabalipa. Et à l'occasion  
de ceste bleçure aucûs disent qu'un autre le print.

*La grande rançon que promet Attabalipa pour estre  
deliuré de prison. Chap. 114.*

**L**Es Espagnols eurent assez de quoy se resiouir  
toute ceste nuit pour vne si grande victoire, &  
pour auoir vn tel prisonnier. Aussi auoient-ils be-  
soin de se reposer pour le travail qu'ils auoient  
enduré tout le iour sans auoir repeu aucunement.  
Le lendemain matin ils feirent vne course par la  
campagne: Ils trouuerent aux baings, & au camp  
d'Attabalipa cinq mille femmes, lesquelles encor  
qu'elles fussent tristes, & melancholiques, si receu-  
rent elles plaisir avec les Chrestiens. Ils y trouue-  
rent encor grand nombre de bons pauillons, for-  
ce habillemens à leur vsage, & vtenfiles de maison,  
de grands vaisseaux d'argent, & d'or, & autres pie-  
ces de mesme matiere: entre lesquelles y en auoit  
vne qui, selon qu'on dict, pesoit deux cens soixante

sept liures d'or. En somme tout le mesnage d'Attabalipa, qui fut là trouué valloit cent mille ducats. Attabalipa deuint fort triste à cause de sa prison, & mesmement voyant qu'on le vouloit enchaîner. Il pria Pizarre de le vouloir bien traicter puis que la fortune vouloit qu'il fust tombé en tel desastre: & cognoissant l'auarice qui commandoit à ces Espagnols, il leur dict qu'il leur bailleroit pour sa rançon autant d'argent, & d'or en œuvre qu'il en faudroit pour couvrir le plancher d'une grande sale, où il estoit prisonnier, & voyant que les Espagnols, qui estoient presens tournoient leur visage, il luy estoit aduis qu'ils n'en vouloient rien croire, & leur promeit de rechef de leur fournir en brief temps tât de vaisseaux, & autres pieces d'or, & d'argent, qu'il en empliroit la sale iusques à telle haulteur que luy mesme marqua, haultant la main le plus hault qu'il peut, & feit marquer à ceste haulteur une ligne tout au tour de la sale, pouruen que ils ne rompissent ny applatissent les vases, qu'ils feroit apporter iusques à tant qu'il y en eust iusques à la marque. Pizarre le reconforta, & luy promeit qu'il seroit bien traicté, & qu'il mettroit en liberté aussi tost qu'il auroit fourny la rançon qu'il promettoit. Sur ceste assurance Attabalipa despescha de ses gens pour amener de diuers lieux l'or, & l'argent, & les pria de retourner incontinent s'il desiroient sa liberté. Aussi ces Indiens vinrent de toutes parts chargez d'or, & d'argent. Mais par ce que la sale estoit grande, & les charges petites, elle ne se remplissoit gueres, & encor moins s'emplissoient les yeux de nos gens, non pas pour le

peu d'or qu'ils voioient, mais parce qu'il leur estoit aduis qu'ils tardoiēt beaucoup à departir entr'eux ces richesses, tellement que plusieurs ennuyez de telle longueur disoient qu'Attabalipa vsoit d'astuce prolongeant le temps, afin de pouuoir ce pendant faire assembler tant de gens qu'ils fussent assez forts pour massacrer les Chrestiens où pour le deliurer. Et sur ces propos aucuns furent d'aduis que il estoit meilleur le tuer, & mesme on dit que la desfus ils l'eussent assommé n'eust esté le respect de Ferdinand Pizarre, Attabalipa, qui de son costé n'estoit point assésuré, s'imagina de peur ce que les autres pourpensoient. Et pour ceste cause il dit à Pizarre qu'il n'y auoit point d'occasion qu'il fust mal content, encor' moins de l'accuser, attēdu que les villes de Quito, Paciacama, & de Cuzco, desquelles il faillloit apporter la plus grand de sa rançon, estoient fort lointaines, & qu'ils ne se deuoient donner peine, par ce que quand à luy il s'asseuroit, & ainsi le deuoit-il croire, qu'il n'y auoit aucun, qui pressast plus sa deliurance que luy-mesme, & s'il vouloit sçauoir cōme en son Royaume il n'y auoit pas vn, qui s'assemblast que pour luy apporter de l'or, & de l'argent, qu'il y enuoyast par tout s'il luy plaisoit, & mesme à Cuzco pour faire diligenter ses gens d'auantage. Et comme il voyoit que nos Espagnols, qui y deuoient aller ne se fioient point aux Indies qu'o leur bailloit pour les guider, il se print à rire, disant qu'ils auoient peur & se desffioient de sa parolle, par-ce qu'il estoit prisonnier entre leurs mains & mesme à la cadene. Nos gens s'esmeruilerent de l'assurance de ce prisonnier, & eurent quasi



quasi honte de ce qu'il leur disoit tellement que Ferdinand de Sotto, & Pierre de Varco se delibèrèrent d'y aller plustost tous deux tous seuls. Ainsi doncques s'en allerent en la ville de Cuzco, qui estoit loing d'eux plus de deux cens lieuës. Ils se faisoient porter dedans des portoirs, & alloiēt comme ont accoustumé de courir les courriers, par ce que de certains lieux, en autre ils changeoient de porteurs, par telle subtilité que mesme en courant, la portoire se bailloit à ceux du lieu qui la deuoiēt porter sur leurs espaules sans s'arrester vn pas. C'est là la maniere, de laquelle vsent les seigneurs de ces pays quand ils veulent aller de pays en autre en diligence. Ils rencontrèrent à quelques iournées de là Guascar Yuga, que Quisquiz, & Callicucima capitaines d'Attabalipa amenoient prisonnier. Guascar les pria affectueusement de vouloir retourner avec luy, mais encor que l'autre les en priaist assez ils n'en voulurent rien faire pour l'éuie, qu'ils auoient de veoir l'or de Cuzco. Ce pendant Ferdinand Pizarre s'en alla aussi avec quelques cheuaux iusques à Paciacama, qui est loing de Caxamalca trois cens mil pour faire aussi diligenter ceux qui auoient la charge d'apporter l'or & l'argent de là. Il rencontra par le chemin pres de Guacinto Illescas, qui amenoit trois cēs mil pesans d'or, & grande quantité d'argent pour fournir la rançon excessiue qu'auoit promis son frere Attabalipa. Il trouua vn grandissime thresor à Paciacama, & appaisa quelques Indiens, qui s'estoient esleuez en armes. Il descouurit en ce voyage plusieurs secrets du pays non sans vn grand travail, &c

ramena vn tresgrande somme d'argent, & d'or. Pour lors plusieurs ferrent leurs cheuaux en ce voyage d'or, & d'argent, parce qu'il s'vsoit moins, & aussi qu'ils auoient faute de fer. Par ce moyé on assembla vne quantité infinie d'or, & d'argent à Caxamalca pour la rançon de Attabalipa.

*La mort de Guascar par le commandement d'Attabalipa.*

*Chap. 115.*

**Q**Uasi au mesme temps que fut prins Attabalipa, où vn peu deuant, Quisquiz, & Calicucima prindrent Guascar souuerain seigneur de tous les Royaumes du Peru comme nous compterons cy apres. Attabalipa pensoit au commencement qu'ils l'eussent tué, & se voyant prisonnier ne voulut qu'il fut tué. Mais ayant eu la promesse de l'assurance de sa vie, & de sa liberté pour la rançon qu'il auoit promise à Pizarre, il changea de fantasie & la feit mettre à execution quand il sceut ce que Guascar auoit dit au capitaine de Sotto, & à Pierre de Varco, qui estoit en somme, qu'il les prioit de retourner avec luy à Caxamalca, afin que ces capitaines, qui le menoient ne le tuassent point apres auoir entendu la prison de leur maistre, de laquelle iusques icy il n'auoient encor' rien ouy, & que s'ils vouloient luy faire ce bien, que non seulement il empliroit la sale iusques à la marque qu'Attabalipa auoit faite, mais qu'il l'empliroit route iusques au feste des thresors de Guaynacapa son père qui estoit trois fois plus que n'auoit offert son frere, qui ne pouuoit accóplir ce qu'il auoit promis sans piller les temples du Soleil, & en somme leur cõpta, cõme il estoit vray seigneur de tous ses Royau-

mes, & que son frere n'en estoit qu'un usurpateur comme tyran, & pour ceste cause auoit grand enuie de veoir le capitaine des Chrestiens pour le prier de le deliurer de tant de maux, & le remettre en liberté, & luy restituer ses biens, & Royaumes, par-ce que son pere Guaynacapa luy auoit commandé come il mouroit qu'il se monstast tousiours amy des gens blancs, & barbus, qui viendroient en ces pays, à raison qu'un iour ils deuoient estre seigneurs de ces pays. Ce Guaynacapa auoit esté vn riche, & puissât seigneur, prudent, & bien aduisé. Car cognoissant ce que les Espagnols auoient fait en Castille de l'or, il preuoyoit bien ce qu'ils feroiét, s'ils venoiét par deça. Atabalipa remachât souuét tous ces discours, qui estoient vrais, enuoya en secret par deuers ses capitaines Quisquiz, & Calicucima, & leur mada qu'ils feissent mourir son frere Guascar. Et pour excuser telle mort, il dit à Pizarre qu'il estoit mort de fascherie, & de melâcolie. Aucuns disent qu'Atabalipa fut l'ong temps triste ne faisant que pleurer sans manger, & sans dire pourquoy, voulant finement par là descouurir la volonté des Espagnols, & pour tromper Pizarre. En fin apres auoir esté plus que prié, il leur dit come Quisquiz auoit fait mourir Guascar son seigneur, se prenant là dessus à pleurer profondement en présence de tous, se deschargeant au mieux qu'il pouuoit de ceste mort, & mesme de la guerre qu'on luy auoit faicte, & de sa prison, disant que ce qu'il en auoit fait n'estoit que pour se deffendre de luy, qui luy vouloit oster le Royaume de Quito, & qu'ils s'estoiét acordez puis apres, & que pour confirmer cest accord il le faisoit



venir. Pizarre le consola, & luy dist qu'il ne fut plus ainsi melancolique, puis que la mort est si naturelle à tous, que telle fascherie luy seruiroit de peu, qu'il s'informerait de la verité du fait plus à plain cy apres, & que luy mesme feroit faire la punition des malfaiçteurs. Attabalipa voyant que les Espagnols se soucioient si peu de la mort de Guascar, manda pour lors, comme aucuns disent, qu'on le tuast. Mais, soit cōme on voudra, il est trescertain qu'Attabalipa fit tuer son frere Guascar, & Ferdinand de Sotto, & Pierre de Varco sont coupables de sa mort, à cause qu'ils ne voulurent l'accompagner, & le mener à Caxamalca, puis qu'ils le rencontrèrent si pres, & que mesme l'autre les en prioit si affectueusement, & ne leur sert l'excuse de ce qu'ils disoient qu'ils estoient comme messagers, & pour cette cause qu'ils ne pouuoient outrepasser le mandement de leur gouuerneur. Tous affermerent que s'ils l'eussent prins en leur sauuegarde, qu'Attabalipa ne l'eust iamais fait tuer, & si se feussent faicts vn autre bié. C'est que les Indiens n'eussent point caché l'or, ny l'argent, ioyaux, ny autres pierres precieuses qui estoient en la ville de Cuzco, & en plusieurs autres lieux, qui, selon le bruit, qui couroit des richesses de Guaynacapa, qui estoient entre les mains de Guascar, faisoient vne richesse sans comparaison bien plus grande que tout ce que les Espagnols eurent de ce pays, encor' que la rançon d'Attabalipa fut grande. Quand on tuoit Guascar il disoit: j'ay peu regné, mais mon traistre de frere regnera encor' moins, par ce qu'on le tuera, comme il me fait mourir.

*Les guerres, & differens, qui ont esté entre Guascar, & Attabalipa. Chap. 116.*

**G**uascar, qui en leur langue signifie cœur d'or, estoit fils aîné, & legitime de son pere Guaynacapa: son frere puisné fut Attabalipa, qui apres la mort de son pere eut par testament paternel la province de Quito, & Guascar eut la ville de Cuzco, & toutes les autres seigneuries de son pere, qui estoient fort grandes, il regna paisiblement quelque temps. Mais ceste paix ne luy dura gueres, par ce qu'Attabalipa occupa, & se saisit de Tumbamba, Prouince tres-opulente à raison des mines d'or, qui sont en icelle. Elle est voisine de celle de Quito. Attabalipa disoit qu'elle luy appartenoit à cause de son partage. Guascar estant bien informé de tout ce qu'auoit fait son frere, y enuoya en poste vn gentil-homme pour le prier qu'il n'eust point à gaster ainsi son pays, & qu'il luy rendit les Oreiones: & seruiteurs de son pere, & manda par le mesme gentilhomme aux Canares, ainsi appellent ils ceux de ce pays, qu'il eussent à garder la foy, & obeissance qu'ils luy auoient ia prestee. Le gentilhomme retint les Canares en obeissance, & voyant ceux de Quito en armes manda à Guascar son seigneur que il luy enuoyast deux mille Oreiones pour reprimer & chastier les rebelles. Ces homes estant arriuez les Canares, les Ciapparras, & les Paltas, qui son voisins, se ioignirent avec luy. Attabalipa estant aduertie de l'armee qui dressoit son frere, pour empêcher qu'elle ne s'assemblast ainsi aisément, se meit incontinēt aux champs avec son armée, & estant pres de ses ennemis demanda bataille. Mais auât que la

## 4. LIVRE DE L'HIST.

demander, il pria qu'on luy laissast son pays libre, qui par le testament de son pere luy estoit aduenü, & cōme on luy fait respōce que ces pays dōt estoit question appartenoiēt à Guascar cōme estant heritier vniuersel de Guaynacapa, il donna la bataille laquelle il perdit, & fut fait prisonnier au pont de Tumbamba comme il fuyoit. Aucuns disent que Guascar liura la bataille, laquelle dura trois iours, & en laquelle mourut grand nombre de personnes tant d'une part que d'autre. Pour la prinse de Attabalipa les Oreiones de Cuzco feirent toute nuit, de grandes allegresses, & banquets, où ils s'enyuroient à qui mieux mieux. Ce pendant Attabalipa feit ouuerture à la muraille avec vn pic de argent, & de bronze qu'une femme luy auoit donné, & s'enfuit en la ville de Quito, sans que ses ennemis s'en apperceurent aucunement. S'estant ainsi eschappé il assembla ses subiects, leur feit vne lo-gue harangue les persuadant de vouloir prendre la vengeance de l'iniure qu'on luy auoit faicte, & qu'ils ne deuoient douter de la guerre, attēdu que le Soleil le voulant preseruer l'auoit conuertý en serpent pour sortir de prison par vn trou, qui estoit en la chambre, où on le tenoit enfermé, & si luy auoit promis victoire si ses gens vouloient entreprendre la guerre. Ils feirent responce qu'ils estoient tous prests à le suiure, soit qu'ils fussent esmeuz par le recit d'un tel miracle, soit qu'ils fussent à ce stimulez pour l'amitié qu'ils luy portoient. Mais soit que ce soit, si assembla-il vne grande armee, avec laquelle il tira droit vers ses ennemis, & les surmonta plusieurs fois faisant tel carnage d'eux qu'encor



aujourd'huy on voit de grands monceaux des ossemens de ceux , qui moururent en ces dures batailles. Il meit alors au fil de l'espee soixante mille personnes des Canares, & ruina de fond en comble Tumbamba ville tresgrande, & tres opulente avec vne excellente beauté. Elle estoit situee sur trois grâs fleuues: par telle descōsiture il se fait craindre d'un chacun, & s'encouragea de vouloir estre Ynga de toutes les terres, qui auoient esté sous la puissance de son pere, & commença incontinent à faire la guerre sur les pays de son frere. Il ruinoit entierement, & tueoit tous ceux, qui se deffendoient, & au contraire il dōnoit de belles franchises à ceux qui le receuoient, & leur donnoit les despouilles des morts, aucuns pour l'amour de telle liberté, autres de peur de sa cruauté suiuoient son party. Ainsi par tels moyens il conquesta iusques à Tombez, & Caxamalca sans rencontrer plus grande resistance que celle qu'il trouua en l'Isle de la Puna, où comme nous auons desia recité, il fut blecé. Il enuoya vne autre grande armee sous la conduite de Quisquiz, & Calicucima capitaines sages, & vaillans contre Guascar son frere, qui sortoit de la ville de Cuzco avecques vn bel exercite. Quand les deux armees se veirent pres l'un de l'autre, les capitaines d'Attabalipa voulans assaillir leurs ennemis par le flanc quitterent le grand chemin Royal, & se meirent à costoyer Guascar, qui s'entendoit peu au faict de la guerre, s'escarta vn peu loing de son armee pour aller à la chasse, laissant ses gens aller deuant. Or comme il cheminoit tousiours sans enuoyer aucuns pour descourir deuant, ny

sans considerer aucun danger il se rencontra pres de l'armee de ses ennemis en vn lieu, d'où il ne pouuoit fuit. Il combattit avec huiët cens hommes qu'il auoit seulement avec luy iusques à ce qu'il fut enuironné, & prins. A grãd peine estoit il là arriué quand avec vne grande furie toute son armee accourut pour le secourir, il y auoit tant d'hommes en ceste armee que facilement on l'eust sauué tuant tous ceux d'Attabalipa si Calicucima, & Quisquiz ne les eussent trôpez, disans, qu'ils se teinsent coys autrement ils tueroiët Guascar, & en feirent le semblant. Alors ceux de Guascar eurent peur, & luy mesme commanda qu'ils meissent les armes bas, & que vingt seigneurs, où capitaines des principaux de l'armee veinssent par deuers luy à consulter pour trouuer les moyens de vuider les differens, qui estoient entre luy & son frere puis que ses capitaines Quisquiz, & Calicucima le vouloient bié. Mais ce n'estoit qu'une tromperie, laquelle aussi tost que ces vings seigneurs furent arriuez, ils executerent. Car ils leurs feirent à tous trencher les testes, & dirent qu'ils en feroient autant à Guascar si vn chacun ne se retiroit en sa maison. Par telle ruse, cruauté, & menaces l'armee de Guascar fut rompüe, & luy demeura prisonnier seul en la puissance de Quisquiz, & Calicucima, qui le tuerent puis apres, comme nous auons dit, par le commandement d'Attabalipa.

*Departement de l'or & argent d'Attabalipa.*

*Chap. II 7.*

**Q** Velques iours apres qu'Attabalipa fut prins les Espagnols pressioient les chefs de departir

ses despouilles, & sa rançon encor' qu'il ne l'eust fournie entiere cōme il auoit promis, par ce qu'un chacun vouloit ja auoir sa part. Car ils craignoient que les Indiens se reuoltassent, & se vinssent ietter sur eux, & les tuer, ils ne vouloient point aussi attendre qu'il vint d'autres Espagnols deuant qu'ils eussent ensemble departy ce gasteau. Pour ceste cause François Pizarre feit peser l'or, & l'argent apres qu'il fut fondu. On trouua en argent 252000. liures pesant, & en or 1326500. pesans, qui estoit vne richesse, qui iamais n'a esté depuis veüe ensemble. Il en appartenoit à l'Empereur pour son quint 400000. pesans & à chascue homme de cheual 8000. pesans d'or, & 670. liures d'argent, & à chascue soldat 4550. pesans d'or, & 280. liures d'argent, & aux capitaines 3000. & 40000. pesans d'or. François Pizarre en eut plus que pas vn, & comme capitaine general il print sur route la masse la table d'or qu'Attabalipa auoit en sa liëtiere laquelle pesoit 25000. pesans d'or. Il n'y eut iamais soldats si riches en si peu de temps ny avec si peu de danger, & n'y en eut iamais, qui iouerent si beau ieu que ceux-cy. Il y en eut plusieurs, qui perdirēt leur part aux dets, & aux cartes, & si encherirent routes choses pour la grāde quantité d'or qu'ils auoient. Vne paire de chausses de drap valoient trēte pesans d'or entr'eux: vne paire de bottines autant, vne cappe noire en valoît cēt, vn boccal de vin vingt, vn cheual valoît trois, quatre, & cinq mille ducats, auquel prix ils se vendoient bien puis apres par quelques anneés. Outre ce qu'eurent les soldats, Pizarre, encor' qu'il fust obligé, donna à vn chacun de ceux,



qui depuis estoient venuz avec Almagro cinq cens ducats, à aucuns mille, afin qu'ils n'eussent point occasion de se mutiner, il n'y estoit point tenu, parce qu'Almagro & les siens, ainsi-que quelques vns d'entr'eux auoient mandé, estoient icy arriuez avec intèrion de conquerir en ce pays pour eux mesmes seulement sans vouloir mesler leurs fortunes avecques celles de Pizarre, ains au contraire voulans luy faire tout le mal, & desplaisir qu'ils pourroier. Mais Almagro feit pendre celuy, qui auoit escrit telles nouuelles. Estant arriué en ce pays il sceut la prison, & quelle estoit la richesse d'Attabalipa, & aussi tost s'en alla à Caxamalca, & se ioignit avec Pizarre pour auoir moitié au butin suiuant les capitulations de la societé qu'ils auoient faicte ensemble. Pizarre luy feit part de tout, & en ce faisant demurent grands amis, il enuoya le quint, & tout le recit de ce qu'il auoit faict à l'Empereur par Ferdinand Pizarre son frere, avec lequel reuindrent en Espagne plusieurs soldats, riches de vingt, trente, & quarante mille ducats. En somme ils apporterét quasi tout l'or d'Attabalipa, & emplirét la maison de la negociation des Indes, qui est ordonnee à Seuille, de deniers, & tout le monde d'un grád bruit, apportât à vn chacun vn grádissime desir d'auoir la fortune telle qu'ils auoient eüe,

*La mort d'Attabalipa. Chap. 118.*

**L**A mort d'Attabalipa ce pendant se filoit par le moyen, auquel moins on pensoit, Philippes truchement de nos gens s'enmouracha si auant d'une des femmes d'Attabalipa qu'il eut affaire avec elle avec promesse de l'espouser si son Seigneur d'a-

uenture mouroit. Or pour contéter son desir il voulut mettre son entreprise à executiō à quelque prix que ce fust, & pour ceste cause il dit à Pizarre, & aux autres cōme Attabalipa faisoit secrettement assembler ses gés pour venir courir sur les Chresttiés, & les tuer en surprinse, & par ce moyen se deliurer. Ces nouuelles peu à peu furēt sceuës de tous les Espagnols qui les creurent comme veritables, & aucuns disoient qu'ils tueroient Attabalipa pour seureté de leurs vies, & de ces Royaumes. Autres disoient qu'on l'enuoyast à l'Empereur, & qu'on ne tuast point vn prince si grand, encor qu'il y eust de sa faulte c'eust esté là vne meilleure resolutiō. Mais toutesfois ils executerent l'autre à l'instance, à ce qu'on dit, de ceux qu'Almagro auoit amenez avec soy, par ce qu'ils disoient entre eux, que tant que Attabalipa viuroit, ils n'auroient parr à aucun or iusqu'à ce qu'il eust remply la sale à la mesure quil auoit marquees pour sa rançon. En fin Pizarre delibera de le tuer pour se deliurer de tous pensemens, croyant aussi qu'iceluy estant mort il auroit moins de peine à conquerir le Royaume. Il luy feit son proces sur la mort de Guascar Roy souuerain de tous ces pays, & encores luy prouua comme il auoit machiné la mort des Espaignols, mais ce fut par la malice de Philippes qui interpretoit les paroles des Indiens comme il luy plaisoit, par ce qu'il n'y auoit aucun Espagnol, qui les entendist, Attabalipa nioit rōuours fort & ferme disant qu'il n'estoit pas croyable qu'il eust voulu mettre à sus vne telle entreprise pour la garde qu'on faisoit sur luy si tressoigneusement, attendu que mesmes estant

en liberté avec tous ses gens il n'auoit peu eschapper. Il menaçoit Philippes, & prioit qu'on ne luy adioustaist point de foy. Quand il entendit la sentence, & arrest donné contre luy, il se compleignit grandement de François Pizarre, qui le faisoit mourir non-obstant qu'il luy eust promis de le deliurer pour sa rançon, & le pria de le vouloir enuoyer en Espagne, & ne point souiller ses mains, & sa renommée du sang de celuy, qui iamais ne l'auoit offensé, & qui au contraire l'auoit fait riche. Quand on le mena pour estre executé, par le conseil de ceux, qui le consoloient, il demanda le baptisme par ce qu'autrement il eust esté bruslé tout vif. Apres auoir esté baptizé ils l'attacherent à vn poteau, & l'estranglerent, & puis avec quelque magnificence l'enterrent à nostre mode. Il est permis de reprendre, & accuser ceux qui le feirét mourir puis que le temps, & leurs pechez les ont chastiez. Car tous ceux, qui consulterent sur sa mort eurent mal'heureuse fin, comme vous pourrez veoir par le progrez de l'histoire. Attabalipa mourut courageusemēt, & commanda que son corps fust porté à la ville de Quito où ses predecesseurs du costé de sa mere estoient enterrez, s'il demanda le baptisme de bon cueur, ie l'estime heureux, & s'il eut repentāce des meurtres qu'il auoit fait faire, il auoit le corps bien dispos, il estoit sage, courageux, d'un cueur noble, & franc, il auoit plusieurs femmes, & laissa quelques enfans, il vsurpa de fort grands pays sur son frere Guascar, & ne voulut onc porter le Floquet rouge qu'il ne sceust que son frere estoit prisonnier. Il ne crachoit point en terre, mais vne de ses plus fauorites rece-



uoit en sa main la saluue. Les Indiens furent bien estónez de ce qu'ainſi tost on l'auoit faict mourir, & louoient Guascar comme fils du Soleil, remetrans en memoire côme il auoit deuiné qu'en brief temps Attabalipa mourroit.

*La descente d'Attabalipa. Chap. 119.*

**L**Es plus nobles hommes, plus riches, & plus puiffans de tous les pays, qui sont au Peru sont les Yugas, lesquels se font tousiours porter en lictiere, ils portent en leurs oreilles certains ioyaux, non pas en forme de pendans, mais sont retrouffez au dedás des oreilles par telle façon qu'ils les font croistre, & eslargir, qui a esté cause que les nostres les ont surnommez Oreiones, c'est à dire grandes oreilles. Ils sont yſſu de Tiquicaca, qui est vn lac, qui n'est pas loing de la Prouince de Colao, & n'est qu'à six vingts mil de la ville de Cuzco. Tiquicaca veut dire Isle de plomb, & ce lac a esté ainſi appelé, par ce qu'entre plusieurs Isles qu'il a habitees, il y en a vne, qui fournit du plomb, qu'ils appellent Tiqui. Ce lac a de tour 240. mil, il reçoit dix, ou douze grands fleuues, & force ruiſſeaux, & les reiette tous par vn fleúue fort large, & creux, qui se va rendre en vn autre lac loing de cestuy 240. mil vers l'Orient, où il se perd non ſans grande admiration de celuy, qui y prendra garde. Le premier chef Ynga qui tira de Tiquicaca des soldats se nommoit Zapala, qui signifie ſeul ſeigneur. Aucúſ vieils Indiens diſent qu'il s'appelloit Viracocia, qui veut dire gresse de mer, & qu'il amena ſes gens par la mer. Pour conſeſſion ils afferment que Zapalla fut celuy, qui peupla, & feit ſa demeure Royale à

Cuzco d'où les Yngas puis apres commencerent à subiuguer les pays circonuoifins, & autres Prouinces plus loingtaines, & establirent tousiours là leur siege, & la court de leur Royaume, & Empire. Ceux qui ont laissé à la posterité plus grand renom d'eux à cause de leurs prouesses & vertuz, ont osté Topa, Opangui, & Guaynacapa pere ayeul, & bisayeul d'Attabalipa. Mais Guaynacapa à passé tous les autres: son nom s'interprete ieune riche. Apres qu'il eut cōquis par force d'armes le Royaume de Quito il se maria avec la Roïne, de laquelle il eut Attabalipa, & Illescas, qui mourut à Quito. Il laissa ce pays à Attabalipa, & son Empire & thresors de Cuzco à Guascar, il eut selon qu'aucuns veulent dire deux cens fils de plusieurs femmes. Son pays s'estendoit 32000. mil de pays.

*La court & richesse de Guaynacapa. Chap. 120.*

**L**Es seigneurs Yngas residioient en la ville de Cuzco comme estant capitale de leur Empire. Mais Guaynacapa feit longuement sa demeure en la ville de Quito pour-ce qu'elle est située en pays plaisant au possible, & aussi pour l'amour qu'il auoit acquise. Il auoit tousiours aupres de luy grand nombre d'Oreiones, gens de guerre, qui faisoient vne armee, c'estoit pour la garde, & pour monstrier sa maiesté plus grande. Les gés qui estoient pour ceste garde portoient des escarpins, de grands pennaches, & autres marques de homes nobles, & priuilegiez par sus les autres, pour leur expertise de guerre. Guaynacapa se seruoit des fils aînez, ou heritiers de to<sup>s</sup> les seigneurs de s<sup>on</sup> Empire, qui estoient en grād nōbre, & vn chacū se vestoit à la

mode de s<sup>on</sup> pays, par ce qu'un chacun sçauoit d'où il estoit venu. Cela estoit cause qu'on voyoit grande diuersité d'habis, de couleurs, & de façons de faire en la court, ce qu'il l'honoroit, & l'applifioit à merueilles. Il auoit encore en sa court plusieurs grands seigneurs pour seruir de cōseil, ou pour mōstrer quelle estoit la gratuité, & maiesté de sa cour. Ces seigneurs encor' qu'ils eussent tous grande famille apres eux, & grand train: si n'estoient ils pas esgaulx à l'asseoir, ny es autres honneurs, parce qu'aucuns precedoient les autres, autres se faisoient porter en lictiere, autres en portoirs, autres alloient à pied. Aucuns se seioient sur des sieges hauts, & grands, autres sur des sieges plus bas, autres à terre, mais il failloit que quelque personne que ce fust qui vint à la court, qu'il se deschaussast auant que entrer dedās le Palais, & s'il vouloit parler à Guaynacapa il haussioit les espauls, & baissioit la teste, qui est vne ceremonie entre eux pour monstrier qu'ils sont ses vassaux. Auant que parler à luy ils faisoient de grandes reuerences, avec vne humilité grande, & parloient à luy baissant la veuë contre terre de peur de le regarder. Il tenoit vne graue maiesté, ses responces estoient succeinctes, il prenoit son repas avecques vn grand apparat. . Tous les vtenfiles de sa maison, rāt pour la table que pour la cuisine, estoient d'or, & d'argent, & à faulte d'argent, il les faisoit faire de bronze pour estre plus forts. Il auoit en sa garderobbe des statues d'or en bosses si grādes qu'elles ressembloient à des geās, & les figures estoient tirees au vif. Il auoit aussi de pareille grandeur toutes sortes d'animaux de mesme matiere,



#### 4. LIVRE DE L'HIST.

comme bestes terrestres, & oiseaux. Il auoit aussi les arbres & herbes que produisoit son pays, & tous les poissons qui se procreoient, tant en la mer, qu'ès eaux douces de son Royaume. Il n'estoit pas mesme des cordes, & plusieurs autres choses semblables & panniens qu'il n'en eust d'or & d'argent: il auoit mesme iusques à des esclats d'or & d'argēt, qui sembloient estre faicts pour brusler. En somme, il n'y auoit chose en son pays qu'il n'en eust la semblace faicte ou d'or, ou d'argent. Et mesme on dict en outre que les Roys Yngas auoient vn iardin en vne isle pres celle de la Puna, où ils alloient se recreer quand ils vouloient prendre plaisir sur la mer, qui auoit d'or & d'argēt tous les choses qu'on scauroit mettre en vn iardin comme herbes, fleurs, & arbres, qui estoit vne inuention, & vne grādeur, qui depuis n'a iamais esté veüe. Outre tout ce que dessus il auoit vne infinie quantiré d'argent, & d'or, pour mettre en œuvre à Cuzco, qui se perdit par la mort de Guascar, par ce que les Indiens la cachèrent, voyans que les Espagnols la vouloient arrester, & enuoyer en Espagne. Plusieurs depuis en ça en ont cherché, mais n'en ont rien sceu trouuer. Peut estre que le bruit est plus grand que la somme, combien qu'on l'appellast ieune riche, ce que veut dire le nom de Guaynacapa. Guascar fut heritier de toutes ces richesses, & de l'Empire, & ne se parle tant de luy comme d'Attabalipa, & possible à cause qu'il ne vint point en la puissance des Espagnols comme l'autre.

*La religion, & les Dieux des Roys Yngas, & d'autres gens.* Chap. 121.

Il y a

**I**lya en ce pays autant de sortes d'Idoles, comme la personne a des fonctions, & d'actions, tellement que ie ne diray point qu'il y en ait seulement autant comme il y a de sortes de personnes. Vn chascun adore ce qu'il luy plaist: mais c'est l'ordinaire à vn pescheur d'adorer vne flammette, ou quelqu'autre poisson, à vn chasseur de reuerer vn lyon, ou bien vn ours, ou vn renard, & semblables autres animaux, comme oyseaux, & autres choses. Le villageois adore l'eau, & la terre. Il est bié vray que tous generallement adorent pour leurs Dieux principaux le Soleil, la Lune, & la Terre estimans qu'elle soit mere de toutes choses, & le Soleil avec la Lune sa femme createur de tout: aussi quand ils iurent ils touchent la terre, & regardent le Soleil. Entre leurs Guacas (ainsi appellent ils leurs Idoles) y en auoit plusieurs qui renoient des bastons, & portoient mitres pastorales, mais on ne sçait encor' la cause pourquoy. Les Indiens voyans l'Euesque mitré demandoient si c'estoit le Guaca des Chrestiens. Les Temples, specialement ceux du Soleil, sont fort amples, somptueux, & enrichis au possible. Celuy de Pacicama, celuy de Collao, & de Cuzco, & quelques autres estoient par dedans tous reuestus, & lambrisez de tables d'or, & d'argent, & tout ce qui seruoit à ces Temples estoit de mesme estoffe: qui fut vne richesse non petite pour ceux qui subiuguerent ce pays. Ils offroient à leurs Idoles force fleurs, des herbes, des fruiçts, du pain, du vin, des parfums, & la figure faicte d'or, ou d'argent de ce qu'ils leurs demandoient, ce qui estoit cause d'ainsi enrichir leurs temples: ioinct aussi que

leurs Idoles estoient d'or, & d'argēt, nō toutesfois tous. Car il y en auoit beaucoup qui n'estoient que de pierre, de croye, & de bois. Leurs Prestres se vestent de blanc, & hantent peu avec le peuple: ils ne se marient point, & ieusnēt fort souuēt, mais aucun ieufne ne passē huiēt iours, & ces ieufnes volontiers se font quand il fault semer, ou seyer, ou recueillir l'or, ou faire guerre, ou bien quand ils veulent parler au diable: D'auantage quand c'est pour ce dernier acte aucuns se creuent les yeux, ce que ie croy qu'ils font de peur: car tous se bouchent la yeuē quand ils veulent parler à luy. Ils communiquent souuentefois avec luy pour rendre response aux demandes que les Seigneurs, & autres leur font. Quand ils entrent au temple pour parler à leur Idole ils se prennent à pleurer, & braire (& c'est que veut dire ce mot Guaca) & se trainent par terre iusques à leur Idole, avec lequel ils parlent en langage incogneu à tout le peuple. Ils ne touchent point à leur Idole qu'avec des linges fort blancs, & nets. Il enterrent dedans le temple vne partie des offrandes d'or, & d'argent. Ils sacrifient des hommes, des enfans, des moutons, des oiseaux, & autres bestes sauuages que les chasseurs offrent. Ils prennent bien garde au cuer de la victime pour veoir si les signes du sacrifice sont bons, ou malheureux, car ils sont grands augures, & s'efforcent d'acquiescer, bruiēt d'estre de saints deuineurs abusans le peuple. Quand ils font tels sacrifices ils s'effrient le plus qu'ils peuent, & tout le iour, & la nuict ne font q se tourmenter specialement quand ils sont en la campagne. Ils oignent la face de leur



diable, & les portes du temple avec le sang du sacrifice, & mesme en barbouillent les tombes, & sepultures. Si le cœur; & les entrailles demonstrent quelque chose de bon, lors ils ballent, & chantent avec toute gayeté: au cōtraire s'il n'y a rien de bon, ils sont tristes, & faschez au possible: mais quoy que ce soit ils s'enyurent tousiours ioliment. Ceux qui se trouuent en ceste feste bien souuent sacrifient leurs propres enfans (ce que peu d'Indiës font encor' qu'ils soient cruels, & bestiaux en leur religion) mais ne les mangent point, & au lieu les font seicher; & les gardent dedàs de grandes casses d'argent. Il y a en ce pays des maisons grandes dediees pour les femmes, où elles sont enserrees, comme en des monasteres, & les hommes, qui sont commis pour les garder sōt chastrez, & mesme on leur coupe le nez & les leures pour en oster tout appetit aux femmes. Ils tuent celle qui deuient grosse, & a affaire avec vn homme, celuy qui l'a engrossie la peut poursuiure. En Paciacama ils la chastiet plus doucement pour sauuer le fruiet, & pendent par les pieds celuy qui a eu affaire avec elle. Quelques Espagnols ont depuis rapporté que ces femmes n'estoient point vierges, encor' moins chastes. Mais il est certain que la guerre corrompt beaucoup de bōnes meurs. Ces femmes filoient, & tissoient des robbes de cotton, & de laine pour les Idoles. Elles bruslent le corps de leur compaigne morte avec des os de moutons blancs, & puis iettent en l'air la cendre vers le Soleil.

*L'opinion qu'ils ont touchant le deluge, & les premiers hommes.*

*Chap. 122.*

**I**ls disent que deuers la partie de Septentrion vint  
 En leur pays vn certain homme qui l'appelloit  
 Con, lequel n'auoit point d'os, & cheminoit legie-  
 rement & avec vne grande vifteffe, faifant par sa  
 vertu & feule parole abbaiffer les montagnes, &  
 hauffer les valles pour abbreger son chemin. Il se  
 disoit fils du Soleil. Il remplit la terre d'hommes,  
 & de femmes, qu'il crea, & leur dóna grande abon-  
 dance de fructs, du pain, & toutes autres choses  
 necessaires a la vie humaine. Mais par ce qu'aucuns  
 l'irriterent il changea depuis le bon terroir, qu'il  
 leur auoit donné, en sablons sterilles, comme est le  
 pays qui est pres la mer, & leur osta la pluye, telle-  
 ment qu'il n'a point pleu depuis en ces pays là : ef-  
 meu toutesfois de quelque compassion il leur laif-  
 sa quelques fleuues pour s'entretenir avec vn grád  
 rtauail neantmoins. Apres cestuy-cy suruint Pa-  
 ciacama, qui estoit aussi fils du Soleil, & de la Lune.  
 Ce mot signifie createur. Ce Paciacama chassa Cō,  
 & feic deuenir en forme de chats, tous les hommes  
 qu'il auoit creéz, & puis en crea d'autres, qui sont  
 ceux, q sont pour le iourd'huy au pays, & les pour-  
 ueur de tout ce qu'ils ont maintenant. En recom-  
 pense d'vn tel bien ils le reputerét pour leur Dieu,  
 & l'ont tousiours honoré pour tel en Paciacama  
 iusques à ce que les Chrestiens l'en ont chassé, ce  
 qui les estonna grandement & s'esmerueillerent  
 fort. Le temple de Paciacama, qui estoit pres de  
 Lima estoit fort renommé par tous ces pays, & y  
 venoit on en gráde affluence de toutes parts, tant  
 pour la deuotion qu'on y auoit, que pour les ora-  
 des qui sy rendoient. Car le diable s'apparoissoit

là, & respondoit aux Prestres qui y residuoient. Les Espagnols, qui furent là avec Ferdinand Pizarre apres la mort d'Atabalipa vollèrent tout l'or, & l'argent, qui y estoit, qui fut vn riche butin. Depuis ces oracles & visions ont cessé par la presence de la Croix, & du S. Sacrement, dequoy furent fort esmerueillez les Indiens. Ils racomptent en oultre comme en vn certain temps il cheut tant d'eau du ciel que toutes les campagnes furent submergees, & toutes les personnes noiees, exceptees celles, qui se sauuerent dedés des creux, & cauernes des hautes montagnes, l'entree desquelles ils boucherent si bien que l'eau n'y pouuoit entrer, l'estés premierement garnis de bonnes provisions, & de grande quantité de bestail : & quand ils sentirent qu'il ne plouuoit plus ils feirent sortir dehors deux chiens, & voyans qu'ils estoient retourné nets, & mouillez, cogneurent par là que les eaux n'estoient point abbaissées. Mais apres en feirent encor' sortir d'auantage, & lors aucuns reuindrēt souille, & pleins de fange, par là ils iugerent que l'eau estoit abbaissée, & à lors sortirent de leurs creux pour reprapler la terre : mais ce ne fut pas sans grande peine, & travail, pour la peur qu'ils auoient de grands serpens, qui s'estoient engendrez de l'humidité, & limon, qui estoit resté du deluge, & encor' au iourd'huy on trouue quelques vns de ces serpens. En fin ils en tuerent vne grande partie, & vescuérēt depuis en plus grande seureté. Ils croient aussi la fin du monde, & disent qu'il precedera vne seicheresse nompareille, & que lors le Soleil, & la Lune se perdront. Sur ceste opinion ils iettent de grands cris,



& pleurent amerement quand il aduient vne eclipse, principalement quand elle est du Soleil. Car lors ils pensent estre perduz avec tout le monde.

*La prinse de Cuzco ville tresriche. Chap. 123.*

**F**Rançois Pizarre s'estant bien informé de la richesse, & de l'estat de Cuzco, & ayant entendu que c'estoit la ville capitale des Roys Yngas, laissa Caxamalca, & print son chemin droict à ceste ville, marchant tousiours avec bon guet, & s'estant bien fourny de tout ce qui estoit necessaire à son camp. Car ainsi luy conuenoit il faire, par ce que le capitaine Quisquiz tenoit la campagne avec vne tresgrande armee qu'il auoit dressée du reste des gens d'Attabalipa, & de plusieurs autres. Il les rencontra à Xauca, & sans combattre vint à Vilcas, ou Quisquiz, pensant bien tenir ses ennemys, & en faire à son plaisir par ce qu'il auoit les montagnes de son costé, qui luy fauorisoient, assaillit l'auantgarde que menoit le capitaine Sorto, il y eut six Espagnols tuez, & beaucoup de blecez, & ne s'en fallut gueres que ceste auantgarde ne fust rompue, & mise en routte. Mais la nuit suruint, qui les separa. Quisquiz fit sa retraicte au haut de la montagne ioyeux au possible. Ce pendant le capitaine Sorto au lieu de dormir refeit son auantgarde avec des soldats qu'amenoit Almagro. A grand peine le iour poin-  
gnoit-il quād les Indiens estoient des-ia venuz aux mains. Almagro, qui pour ceste iournee auoit prins la charge de commander se retira en la plaine pour mieux l'ayder de sa cauallerie, & pour faire de plus grandes executions sur les Indiens. Quisquiz n'entendant point encor' ceste astuce, & ne se doutant

aucunement du nouveau secours, qui estoit arriué, pensoit que ses ennemys fuissent. Ainsi rompant tout son ordre se meit à les suivre viuement. Mais la caualerie Espagnole serree en groz ost tourna incontinent bride, & d'une grande furie donna sur Quisquiz, qui pour lors apres auoir perdu grand nombre de ses gens fut contrainct fuir bien viste. Pendant tel eschec Pizarre arriua avec tout le reste de l'armee & demeura là cinq iours pour voir quelle issue prendroit ceste guerre. Comme il estoit là attendant, Mango frere d'Attabalipa se vint rendre à luy. Il le receut humainement, & le feit Roy luy mettant sur la teste le petit floquet qu'ont accoustumé porter les Roys Yngas. Il se meit puis apres en chemin estant suiuy d'un fort grand nombre d'Indiens, qui iournellement arriuoient pour venir faire seruice à leur nouveau Roy. Or comme il approchoit de Cuzco il appercent de grandes flâbes, pensant que ce fussent les habitans, qui bruslassent leurs maisons, à fin que les Chrestiens n'en eussent la iouissance, enuoya incontinent quelques cheuaux contrir iusques à là, pour empescher ce feu. Mais telles flambes ne seruoient que de signes que faisoient les habitans à quelques autres, qui estoient en embuscade, lesquels ne faillirét aussi tost de sortir contre ces gens de cheual, qui couroient droit à eux. Ils estoient en si grand nombre qu'ils feirent tourner dos à noz gés. Mais là dessus Pizarre arriua, qui rassoura noz fuiards, & cobattit contre les Indies si courageusement qu'il les meit en routte, & les feit quitter leurs armes qu'ils iettoient pour estre plus legers à fuir. Ceux qui peurét eschapper, gaignerét

la ville, & se renfermerét dedás. La nuit estât venue, ceux qui entretenoiét la guerre ne se fiás point aux Espagnols, prindrent ce qu'ils auoient le plus cher, & sortirent hors la ville. Le lendemain les Espagnols entrèrent en la ville de Cuzco sans aucun empeschement, & aussi tost aucuns commencerent à arracher les tables d'or, & d'argent, qui estoient au tēple, autres tiroient de terre les ioyaux & vaisseaux d'or, qui estoient dedás les tombeaux, autres enleuoient les idoles, qui estoient de mesmes métaux, autres saccageoient les maisons des particuliers, & mesme le chasteau, qui estoit encor' bien garny de l'argēt, & de l'or de Guaynacapa. En somme ils eurent de ceste ville, & du pays d'alentour plus grāde quātitē d'or, & d'argent qu'il n'auoient eue à Caxamalca pour la prinse d'Attabalipa. Mais par ce qu'ils estoient icy plus grād nombre de soldats qu'ils n'estoient pour lors vn chascun n'en eut pas tant pour sa part, & ainsi ne furent gueres enrichiz pour ce coup. Il y a eu tel Espagnol, qui se promenant par vn boys espez a trouué vn sepulchre tout d'argent, qui valloit plus de 65000. ducats: autres en ont trouué de moindre valeur. Ils ont rencōtré grand nombre de tels tombeaux. Car les hommes riches de ce pays auoient accoustumé de se faire ainsi enterrer par la campagne pres de quelque idole. Nos gēs en outre trauailloient fort à chercher les tresors renommez de Guaynacapa, & des Roys anciens de Cuzco. Mais ny pour lors, ny depuis ne s'en est peu rien trouuer. Encor' ne se contentoient-ils de ce qu'ils auoient desia entre leurs mains, & tourmentoient ces pauures Indiens



en les cōtraignant de changer, rechanger & brouiller tout leur mesnage pēsans trouuer quelque chose cachee & si leur faisoier mille maux, & des cruau-  
tez grâdes pour leur faire declarer leurs sepulchres.

*La qualité & les costumes de la ville de Cuzco.*

*Chap. 124.*

Ceste ville est à plus de 17. degrez de l'Equino-  
xial en comptant vers le midi. Le pays est fort  
aspre & rude, le froid & les neiges y sont grandes.  
Ils font leurs maisons de grosses bricques quarrées  
& les couurent de bruiere qui vient en abondance  
par les môtaignes, auquel lieu la terre ierte aussi de  
soymesme force naueaux, & lupins les hômes vont  
nuës testes se lians seulement les cheueux avec vne  
certaine bande. Ils se vestent d'une chemise de lai-  
ne, ou bien portent quelque chemise de toille sur  
eux. Les femmes portent de grandes cottes sans  
manches, & se ceignent par dessus de ceintures lar-  
ges, & ont encor sur leurs espaules certains petits  
manteaux qu'elles attachent avec de grosses espin-  
gles d'argēt ou de bronze, qui ont les testes larges,  
& esguisees, avec lesquelles elles coupent plusieurs  
choses. Ils mangent leur chair & leur poisson crud:  
ce qui toutesfois est plus particulier aux Oreiones,  
qui pouurent & aggrandissent les oreilles comme  
nous auons dit. Ceux cy, qui sont proprement sol-  
dats, se marient avec autant de femmes qu'ils veul-  
lent, & mesme aucuns se marient avec leurs pro-  
pres seurs. Ils chastient par mort les adulteres. Ils  
arrachēt les yeux à vn larrō, qui est vn chastiemēt à  
mon aduis qui luy est propre. En sōme ils gardent  
estroitement la iustice en toutes choses & mesme

entre les grands. Les neveux font entr'eux heritiers & non les enfans: il n'y a que les Yngas, qui succedent à leurs peres, & auant que prendre le floquer, ils ieunent premierement. On enterre en ce pays les morts tant les paoures que les Officiers mais avec peu de despence. Si c'est vn soldat on met sur sa fosse vne halebarde, ou vn morion: si c'est vn artisan on y met vn marteau: si c'est vn chasseur, on y mettra vn arc, & des flesches. Mais on faict de grandes magnificences à la mort des Rois Yngas, & autres seigneurs. Ils font vne grande fosse, ou vne voute, qu'ils parent de belles couuertures de cotton, sur lesquelles ils attachent grand nombre de beaux ioyaux, armes, & pennaches: & mettent dedans ceste voute des vaisseaux d'argent, & d'or, avec de l'eau, & du vin, & autres choses pour manger. Il y font encor' entrer quelques vnes de leurs femmes, qui estoient les plus fauorites, des pages, & autres seruiteurs qui leur seruoient, mais il n'y mettent ceux cy qu'en boys, & non en chair: & puis ils couurent le tout de terre, & ce pendant ne font que continuellemēt ietter de leurs vins dessus. Quand les Espagnols ouuroient ces sepulchres & iettoient les ossemens de ça de là, les Indiens les prioient de ne faire pas ainsi de peur qu'estans ainsi escartez ils ne peussent resusciter. Car ils croient la resurrection des corps, & l'immortalité de l'ame.

*La conqueste de Quito. Chap. 125.*

**L**E capitaine Ruminaguy, qui avec cinq mille hommes s'en estoit fuy de Caxamalca lors que Attabalipa fut prins, se retira droit à la ville de Quito, laquelle il feit incontīnēt esleuer, & mettre

en armes se persuadant que son Roy pouuoit estre mort. Estant là il feit plusieurs actes de tyrā, & pour n'estre empesché en sa tyrannie, il feit tuer Illescas comme il alloit vers les enfans d'Attabalipa son frere de pere, & de mere pour les prier de garder loyauté, d'entretenir paix, & obseruer iustice en ce Royaume, & puis le feit escorcher, & de la peau en feit faire vn tabourin, chose que le diable ne feroit pas. Deux mille soldats Indiens deterrerēt le corps d'Attabalipa, & le porterent à Quito: Ruminaguy le receut à Liribamba honorablement, & avec telle pompe, & magnificence, qu'on auoit accoustumé vser aux funerailles d'un si grand prince, & feit vn banquet à ces soldats, où il les enyura tous, & puis les voyant ainsi assomez de vin les feit esgorgeter, disant qu'il les faisoit ainsi mourir à cause qu'ils auoient laissé tuer leur bon Roy Attabalipa. Apres cela il assemble grand nombre de gēs de guerre, & courut toute la Prouince de Tumbamba. Pizarre escriuit à Sebastie Venalcazar, qui estoit son lieutenant à S. Michel qu'il marchast au deuant de Ruminaguy pour l'arrester, & pour donner secours aux Canares, qui se plaignoient, & demandoient estre secouruz. Venalcazar fut aussi tost en campagne avec 200. Espagnols, & quatre vingts cheuaux, & autant d'Indiēs de seruice qu'il pensoit estre necessaires à son expedition. Durant ce temps au bruit, qui couroit par tout le mode de la grāde quantité d'or, qu'on trouuoit au Peru, il y passa tant d'Espagnols q peu sē salut que toutes les autres villes & pays ne fussent depeuplees, cōme Panama, Nicaragua, Quahutemallan, Carthagene, & autres ter-



res, & isles: & tous venoient de bon cœur, & franche volonté principalement à ceste conquête de la ville de Quito: par-ce qu'on disoit qu'elle estoit aussi riche que celle de Cuzco, encores, qu'ils sceussent bien, qu'il leur conuenoit bien marcher plus de 400. mil deuant que d'y arriuer, & qu'il failloit combattre avec gens hardis & courageux. Rominaguy ayant eu aduertissement de l'entreprise de son ennemy attendu les Espagnols sur la frontiere de son pays avec douze mille hommes bien armez à leur mode, & fait au deuant de ses gens trâcher vn passage qu'il festoit proposé de garder, & le fait réforer de barrieres. Aussi tost que les Espagnols furent arriuez les gens de pied assaillirent ce fort, & cependant ceux de cheual tournerent à l'entour, & en fin ils trouuerent vn passage, par lequel ils leurs donnerent à doz si rudement qu'en peu de temps ils rompirent leur bataillon, & en tuerent grand nombre. Il y eut en ceste meslee beaucoup d'Espagnols blecez, & quelques vns tuez, avec trois, ou quatre cheuaux, ausquels les Indiens coupperent incontinent les testes, & en faisoient des signes de grande resiouissance, estans plus aises de tuer vn de ces animaux, qui les poursuioit, & leur faisoit tant mal, que de tuer dix hommes. Aussi en signe de victoire quand ils tenoient vne reste de cheual ils la mettoient tousiours en lieu eminent, où les Espagnols la pouuoient voir, entournee de belles fleurs, & rameaux. Ruminaguy fait incontinent reserrer ses gens, & mettre en ordre, & les fait sortir en vne plaine liurant la bataille à nos gens pour essayer encores vn coup la fortune. Mais il s'abusa: car en

cel lieu il donna l'auantage aux gens de cheual, qui lors pouuoient plus aisémēt courir, & manier leurs cheuaux: aussi perdit il encores là grand nombre de ses gens. Encores toutesfois son grand courage ne se peut refroidir: il est bien vray qu'il n'osa plus combattre en champ de bataille, & moins approcher de lieu, où elle se peut donner. Vne nuit il feit ficher en terre en vne telle plaine grande quantité de picquets pointuz par hault, & s'estant mis derriere faisoit contenance de vouloir encores combattre, afin que les Espagnols accourussent droit à luy, & que par ceste ruse leurs cheuaux se perdissent comme entre des chausses trappes. Mais Venacalzar en fut aduertiy par ses espions: ainsi tirant à costé euita ces embusches. Alors les Indiens deuant qu'il arriuaſt à eux se retirent en vne vallee, où ils feirent plusieurs fosses couuertes de fueilles, & rameaux pour faire tomber les cheuaux. Les Espagnols, qui en furent incontinent aduertiz, prindrent leur chemin par vn autre endroiēt, mais pour n'auoir trouué lieu commode ne peurent combattre. Les Indiens feirent encores vne autre ruse. Sur le mesme chemin ils feirēt vne infinité de trouz pas plus grāds que la main, ou que le pied d'vn cheual, & se camperent sur ce chemin pour donner occasion aux Espagnols de picquer contre eux, & par ceste astuce faire broncher leurs cheuaux. Mais ils ne peurent par ceste ruse non plus que par les autres precedentes tromper les Espagnols, & ainsi se retirerēt à Quito disāns que ces barbuſ estoiet̃ aussi sages, & aduisez que vaillans. Quād Rominaguy y fut arriué il dict à ses femmes qu'elles se resioiſ-

sent puis que les Chrestiens venoient, avec lesquels elles se pourroient resiouir, & se donner du bon temps. Quelques vnes, comme femmes, se prindrēt à rire ne pensans possible à aucun mal: il feit decapiter toutes celles, qui auoient rit, il feit brusler toute la garderobbe d'Attabalipa, qui estoit belle, & opulente, & puis abandonna la ville. Venalcazar entra en Quito avec son armee sans aucun empeschement. Mais il ne trouua la richesse si grande que on la faisoit, ce qui donna grand desplaisir à tous nos Espagnols. Ils deterrerent les morts, & trouverent quelques tresors. Ce qu'estant rapporté à Ruminaguy, il entra en plus grande indignation cōtre nos gens qu'il n'auoit encore faict, & se repentit de n'auoir mis le feu à la ville auant que partir. La nuit il meit ses gens en ordre, & chemina vers la ville de Quito, où estant parueniu il feit mettre le feu en plusieurs lieux de la ville, & sans attendre le iour, ny les Espagnols il sen retourna incontinent.

*De Pierre d'Aluaro. Chap. 126.*

**L**A richesse du Peru estât publicce par tout, le capitaine Pierre d'Aluaro obtint de l'Empereur permission d'aller descouuir, & peupler en ceste prouince, pourueu que ce fut en lieu, où les Espagnols n'eussent point encor' esté. Or deuant que d'y aller il y enuoya Garzia Holguin avec deux nauires pour scauoir cōme le tout alloit par delà. Garzia reuint tout estōné des richesses de ce pays, & mesme pour le grād butin, qui auoit esté fait par la prise d'Attabalipa louāt le pays au possible, adioustāt le bruiet, qui couroit par delà des grandes richesses



de Quito, & du Royaume de Cuzco, qui estoit pres le port Vieil. Aluarado pouffé de ceste bonne nouuelle se delibera d'y aller en personne, & suiuant ceste deliberation l'an 1535. leua de son gouuernemēt plus de quatre cens Espagnols, qu'il meit dedans cinq nauires, avec bon nombre de cheuaux. Il arriua de nuit à Nicaragua, où il print par force deux bōs vaisseaux, qu'ō racoustroit pour mener gēs, armes, & cheuaux à Pizarre. Ceux, qui deuoient aller dedans ces vaisseaux, furent bien aises d'aller avec luy deuant qu'attendre leurs compagnons. Par ceste rencontre il se renforça de cent soldats, & de plus grand nombre de cheuaux. Il arriua au port Vieil, où il prit terre, & feit desbarquer tous ses gēs, & avec tout son equipage print le chemin de Quito. Il se trouua en vn pays descouuert plein de petites moticules, où peu s'en fallut que tous ne mourussent de soif, si d'aventure ils n'eussent rencontré certaines grandes cannes pleines d'eau. Ils remedioient à leur faim par le moyen de leurs cheuaux qu'il tueoient encor' qu'ils vallussent plus de mille ducats. Ils eurent puis apres vne grande tempeste, & orage de cendre, qui sortoit du mont de Quito, & s'espandoit iusques à 240. mil en rond. Ceste mōtagne iecte si grande flābe, & fait si grād bruiēt quand elle boult qu'elle se veoid, & se faict ouyr à plus de 3000. mil, & ainsi qu'on dict elle estonne plus que ne faict le tōnerre. Or pour reuenir à nos gens, il se feirent la plus part de leur chemin avec leurs mains, par ce que bien souuent ils rencontroient des boscages espaiz à merueilles. Ils passerent en outre nō sans grād trauail des montaignes

toutes couuertes de neiges s'esmerueillās de ce qu'il neigeoit si fort sous l'Equinoxial. Avec les neiges le froid estoit si violent qu'il y eut septante personnes geles. Apres qu'ils eurent passé ces neiges ils remercièrent Dieu de ce qui les auoit deliurez d'icelles, & donnoient au diable la terre, & l'or, duquel toutesfois ils estoient si affamez. Ils trouuerent par les chemins quelque quantité d'esmeraudes, qui les resiouirent autant qu'ils estoient desplaisans de veoir des personnes sacrifiez par les habitans du pays, qui sont idolatres, trescruels, & viuent comme sodomites, parlent comme Mores, & semblent Indiens.

*Comme Almagro alla chercher Pierre de Aluaredo. Chap. 127.*

**Q**uiz capitaine d'Attabalipa voyant que l'Empire des Roys Yngas tomboit en grande decadence, sefforça de le remettre sus autant qu'il luy fut possible: car il estoit en grande autorité entre les Oreiones. Il donna le flocquet à Paul fils de Guaynacapa, & ramassa grand nombre de soldats, qui estoient espars çà, & là, pour la prinse de Cuzco, & les mena en la prouince de Condesuio pour endommager les Chrestiens, qui y estoient. Pizarre y enuoya le Capitaine Sotto avec cinquante cheuaux. Mais auant qu'y arriuer Quisquiz auoit desja prins le chemin de Xauxa en intèrieur de massacrer par surprinse les Espagnols, qui y estoient en petit nombre, & enleuer le tresor qu'on leur auoit baillé en garde: & de faict il les assaillit. Mais Alfonso Riquelme se deffendit brauement avec ses soldats Pizarre aussi tost qu'il en fut aduerty depe-

cha prom-

cha proprement Diego d'Almagro avec bon nombre de cheuaux. Car il luy faschoit bien de perdre ceste grâde somme d'or qu'il auoit laissée à Xauxa avec si peu de garnison. Il chargea encor' Almagro qu'après auoir donné secours à ceux de Xauxa, il s'enquist des nouuelles du capitaine Pierre d'Aluaredo qu'on disoit venir au Peru avec nombre de gens, & que s'il estoit ainsi, qu'il l'empeschast de prédre terre, ou bien qu'il achetast l'armée qu'il auoit. Almagro estant ainsi depesché se ioignit avec le capitaine Sotto, & eux deux ensemble se meirēt en campagne après Quisquiz après ils s'en allerent par Tôbez pour sçauoir si en ceste costé on n'auoit point ouy parler d'Aluaredo & de son armée. Ils sceurent là cōme il auoit prins terre au Port-vieil. Almagro oyāt ceste nouuelle s'en retourna à S. Michel pour renforcer son infanterie & sa canallerie, puis s'achemina vers Quito, où estāt arriué Venalcazar se sousmeit à luy, & lors il cōmēça à camper, & subiugua plusieurs peuples de ce Royaume, desquels on n'auoit encore peu venir à bout. Il passa la riuere de Liribāba avec grād dāger, parce qu'elle estoit cruë biē hault, & les Indies auoient bruslé le pont, & estoiet encor' de l'autre costé du fleuue en armes. Il vint aux mains avec eux, & les deffist & prit leur capitaine, qui luy dit cōme à deux iournee de là y auoit 500. Chrestiens, qui auoient assiegé une fortetesse appartenāte au seigneur Zopozapagui. Almagro y enuoya sept cheuaux pour sçauoir si le dire de cet Indié estoit veritable, afin d'y pouruoir si c'estoit d'auēture Aluaredo ou quelque autre qui voulut vsurper ce pays. Aluaredo arresta ces



sept auât coureurs, & s'informa d'eux bien au long de tout ce que Frâçois Pizarre auoit fait, & faisoit, du grand amas d'or qu'il auoit, & de ses soldats, cōbien d'Espagnols auoit Almagro: & puis les laissa aller, & s'approcha de l'armee d'Almagro en intention de le cōbattre, & de le chasser de là. Almagro en estât aduertý eut peur & pour ne perdre ainssi sa vie, & son hōneur si on fut venu aux mains, par ce qu'il auoit la moitié moins de gēs q̄ n'auoit Aluarado, feit cet accord de se retirer à Cuzco, & laisser là Venalcazar en mēme autorité qu'il estoit. Philippille de Pohecios, qui d'ailleur estoit malcōrēt se retira vers Aluarado auec vn Indien Cacique, & luy descouurit la deliberation d'Almagro, & luy conseilla, si luy auoit enuie de le faire son prisonnier, de charger sur luy ceste nuit, par ce qu'il trouueroit peu de resistāce, & luy seruiroit de guide. Il s'offrit encor à luy de faire tāt avec les seigneur, & capitaines du pais qu'ils se rendroient ses amis, & tributaires, & luy dit qu'il en auoit desia parlé, auec ceux qu'Almagro tenoit captifs. Aluarado fut fort aise de ces nouuelles, feit marcher ses gens droict à Liribambā auec les enseignes desployees, & comme s'ils eussent esté prêts à cōbattre. Almagro, qui sans sa grand honte ne pouuoit desloger, encouragea ses Espagnols, & les meit en deux esquadrons attendāt son ennemy entre certaines murailles pour se fortifier d'icelles, & prēdre quelque aduantage. Ils estoient desia vis à vis l'un de l'autre, & prests à se forcer quand plusieurs d'une part, & d'autre commencerent à crier paix, paix. Alors tous sarrestèrent coys, & feirent trefue pour ce iour, & pour la nuit, afin que ce pendant les

deux capitaines peussent se veoir, & parlementer ensemble. Le docteur Caldere de Seuille prit la charge de les accorder ainsi, que le capitaine Aluarado donneroît toute son armee telle qu'il l'auoit amenée à Pizarre, & à Almagro pour cét mil pefas d'or fin, & qu'il se retireroit hors de ce descouurement & cōqueste, iurant de n'y retourner iamais tât qu'ils viuroient. Cest accord ne se publia pas pour lors de peur de mutiner les soldats d'Aluarado, qui estoient hauts à la main, fiers, & rogues, & feist courir le bruit qu'ils s'estoient faits amis, & cōpagnons, en tout, & que Aluarado deuoit poursuiure ce descouurement par la mer, & Almagro par terre. Par ce moyē il n'y eut aucun tumulte. Aluarado accepta cest accord, parce qu'il ne voyoit point le pays si riche comme on luy auoit dit, & Almagro d'autre part gaigna beaucoup à luy donner si grande somme de deniers pour auoir vne si belle armee, & pour euitier vne guerre ciuile.

*La mort de Quisquiz.*

*Chap. 128.*

**E**N tout ce, qui fut trouué en ceste cōqueste Almagro n'auoit pas de quoy payer les cent mille pefans d'or qu'il auoit promis à Pierre d'Aluarado pour son armee, encor' qu'il eust eu vn grand butin d'vn tēple, qui estoit tout reuestu par dedās d'argēt. Mais ie croy qu'il ne vouloit pas payer ceste somme sans le cōsentemēt de Pizarre, ou biē qu'il vouloit dilayer ce payemēt iusqs à ce qu'il eust deuāt tiré Almagro en tel lieu, ou il eust esté contrainct entrerenir son accord. Ils s'en allerēt tous deux ensemble à saint Michel de Tagarara. Aluarado laissa plusieurs de ses gens pour peupler à Quito avec Venalca-

zar, & emmena avec soy la plus grande partie, & les meilleurs hōmes. Venalcazar endura de grās travaux à ceste conquēste, à cause que le pays est rude & mauuais, & les habitans belliqueux au possible: il n'est pas mēmes les femmes, qui ne combattent avecques leurs mariz. Or Almagro, & Aluarado sceurent à Tumbamba que Quisquiz s'enfuyoit de deuant le Capitaine Sotto, & Iean, & Gonzalle Pizarre, qui le poursuiuoient à cheual, & qu'il emmenoit avec soy vne grande foule de personnes, de bestes, & plus de quinze mille soldats. Almagro n'en voulut rien croire, & ne voulut mener les Canares, qui s'offroiēt luy mettre être les mains Quisquiz avec toute son armee. En chemināt tousiours ils rencōtrèrent à Ciaparra Sotaurco, qui avecques deux mille combattans marchoit deuant pour decouvrir le chemin à Quisquiz. Se Sotaurco fut defait, & prins, & enquis de l'armee de Quisquiz, dit qu'il venoit vne grande iournee apres avec le fort de la bataille, & qu'il auoit sous les ailles, & derriere deux mille hommes de chascue costé pour ramasser les viures des environs selon leur vieille ordonnance de guēre. Almagro, & Aluarado firent incontinent desloger en haste toute la cauallerie pour aborder Quisquiz deuant qu'il eue les nouvelles. Le chemin estoit si rude, & si pierreux que quasi tous les cheuaux furent deferrez, & furent cōtraints les ferrer à minuiēt avec de la lumiere, nō sans auoir grand peur d'estre chargez par les ennemis ce pendant qu'ils estoient ainsi empeschez. Le iour d'apres ils arriuerēt sur le soir à la veuē de l'armee de Quisquiz, qui les ayant apperceuz deslo-



gea incontinent par vn costé avecques ses femmes, & feit emporter avec soy tout son or, & puis tra-uerſa par vn autre chemin rude ayant avecques soy Guaypalcon frere d'Attrabalipa. Guaypalcon se for-tilisa entre certains grâs rochers d'où il laissoit rou-ler de gros cailloux, qui endômageoient grâdemêt les nostres, mais il se retira ceste nuict, parce qu'il se voyoit sans aucune prouision. Quelques troupes de chevaux coururent apres luy, mais ils ne le peu-rent rompre. Il se ioignit avec Quisquiz, & s'en al-lerent ensemble à Quito pensans qu'il n'y fut resté aucun Espagnol, par-ce qu'ils en voyoient tant de-uant eux. Mais ils rencontrèrent Sebastien de Ve-nalcazar : alors les Capitaines conseillerent à Quisquiz de demâder paix aux Espagnols, puis que c'estoient gens inuincibles, & l'asseuroient qu'ils garderoient vne amitié entr'eux estants si gens de bien: & luy remonstrerent encor' de ne tenter plus la fortune, qui les poursuiuoit si asprement. Au cê-traire il les menaça de ce que par cela ils se decla-roient auoir peur, & commanda qu'on eust à le suiure. Ils repliquerent qu'il dônaſt donc la batail-le puis que ce luy seroit vn hôneur, & vn repos plus grand de mourir en cōbatant avec ses ennemis, que perir ainsi de faim par les desers. Quisquiz là des-sus se meit en colere leur disant mille vilainies iu-rant de chastier ceux, qui estoient autheurs de ce tumulte. Alors Guaypalcon luy lança vn coup de picque en l'estomach, & aussi tost plusieurs autres luy coururent à sus avec haches & picques, & l'as-sommerent. Voila cômêt fut deffait Quisquiz, qui entre les Oreiones auoit acquis par ses guerres la

reputation d'estre vn des vaillans capitaines qui fust deuant luy.

*Aluarado donne son armee & recoit cent mille  
pesant d'or. Chap. 129.*

**A**Ptes que Quisquiz se fut mis en fuitte noz Espagnols n'auoient guere cheminé quād ils recōtrèrent son arriere garde qu'il auoit laissée pour defendre le passage d'une riuere. Aucū d'entr'eux s'arrestērēt sur la riuē pour empeschē le passage, autres passerēt la riuere pensans surprendre nos gēs à l'impourneu cōme ils arriuerōient, & les charger aussitost deuant qu'ils eussent le loisir de se mettre en ordre: mais pour euitē la furie des cheuaux ils furent contraincts se sauuer, & se camper sur le hault d'un collicule roide & fâcheux, & de là combattirent vaillāment avec l'aduātage qu'ils auoient: ils tuerent quelques cheuaux: car pour la difficulté du lieu on ne les pouuoit manier aisement, ils blessèrent plusieurs Espagnols, entre autres Alfonse de Aluarado de Burgos en vne cuisse, & peu s'en fallut qu'ils ne tuerent Diego d'Almagro. Deuant que se retirer au plus hault des montaignes ils bruslerent tout ce qu'ils ne peurent emporter, abandonnerent qu'inze mille moutons, & quatre mille personnes qu'ils emmenoient par force. Ces moutons estoient au Soleil: car les temples du Soleil ont chacun au pays, où ils sont bastiz, grande quantité de ces bestes qui tousiours multiplient sans qu'aucun en ose tuer sur peine de sacrilege, & n'est seulement permis qu'aux Roys lors qu'ils veulent chasser, ou qu'ils font la guerre. Les Roys de Cuzco ont trouué ceste inuention pour auoir

touſſours de la chair en temps de guerre. Nos gens ſe retirerent puis apres à ſainct Michel, d'où Aluara do manda à Guarzia Holguin, qui eſtoit encor au port Vieil, de liurer les vaiſſeaux de ſon armee à Diego de More capitaine d'Almagro, qui pour lors ſeit de grands preſens, tant en deniers, armes, qu'en che uaux à ſes ſoldats, & à ceux d'Aluarado. Il fonda, ſuiuant le mandement de Pizarre, la ville de Trufi. glio, & y laiſſa pour lieutenant Michel d'Aſtelle, & puis ſ'en vint à Paciacama, où François Pizarre receut honorablement Pierre d'Aluarado, & luy paya contant cent mille peſans d'or, qu'Almagro auoit promis. Il n'y eut point faute de quelques meſchans ſlagourneurs, qui conſeillerent à Pizarre d'arreſter priſonnier Aluarado, & ne luy payer rien pour eſtre entré avec main forte en ſon gouuernement, & l'enuoyer en Eſpagne, & encor qu'il vouluſt luy payer quelque choſe que c'eſtoit aſſez de luy dōner cinquāte mil peſant d'or, puis que les vaiſſeaux ne valloiet pas d'auantage, entre leſquels meſme y en auoit des ſiens. Pizarre ne voulut ouir ces bons aduertiffemens, ains au contraire donna à Aluarado pluſieurs autres choſes, & le laiſſa aller librement apres qu'il eut eſté acerteiné que ſes nauires eſtoiet à Saint Michel, & en la uiſſance de Diego de More. Ainſi Aluarado ſe retira à Quahutem. allan quaſi ſeul, & les ſiens demeurerēt au Peru, qui depuis pour eſtre vaillans, & hardis paruinrent iuſques à eſtre des principaux du pays.

*Nouvelles capitulations entre Pizarro & Al-*  
*magro.* Chap. 130.

. C. iiij



FRançois Pizarre fonda puis apres la ville des Rois sur la riuere de Lima, qui est plaisante au possible, & qui apporte à la ville vn grand refreshissement. Elle est située à douze mil de Paciacama & pres de la mer. Le iour des Rois l'an 1535. les habitans de Xauxa, par-ce que leur demeure n'estoit si bonne, vindrent se loger en ceste ville, il enuoya Diego d'Almagro avecques bon nombre d'Espagnols pour gouverner la ville de Cuzco, & puis s'en alla à Trusiglio pour departir les terres, & les Indies entre les habitas qu'on y auoit laissés pour peupler. Diego d'Almagro estant en la ville de Cuzco eut lettres par lesquelles on luy mandoit que l'Empereur l'auoit fait Mareschal du Peru, & luy donnoit en gouvernement trois cents mille de pays par de là l'estenduë du gouvernement de Pizarre. Sur ces nouuelles sans autrement attendre les parentes de l'Empereur voulut entreprendre cest estat, & disant que Cuzco n'estoit point au dedans du gouvernement de Pizarre & qu'elle deuoit estre du sien, commença comme Gouverneur absolu de departir les terres, & commander de par soy renonçant aux commissions qu'il auoit de la part de son compagnon, & amy. Il eut des conseillers assez pour ce fait, entre lesquels on marque Ferdinand de Sotto. Pizarre ayant ouy ceste nouuelle depescha en haste Verdugo pour porter nouuelle commission à Iean Pizarre, & pour reuoquer celle qu'auoit Almagro, Iean, & Gonzalle Pizarres avec la plus part du conseil s'opposèrent hardiement aux entreprinſes d'Almagro, qui pour ceste cause ne peut pas executer ce qu'il vouloit.

Ce pendant Pizarre arriua en poste, & pacifia le tout amiablement, & de nouveau Pizarre, & Almagro confirmerent par serment fait sur l'hostie cōsacrée leur société, & amitié, & s'accorderēt qu'Almagro s'en iroit descouurir la coste, & pays, qui tendent vers le destroiēt de Magellan, par-ce que les Indiens asseuroient que le pays de Chili, qui estoit vers ce climat, estoit tres-riche, & opulent, & que si ce pays se trouuoit bon & riche, qu'il pourroit en demander le gouuernement pour soy seul; mais si au contraire il se trouuoit ne valoir rien qu'ils départiroient ensemble le gouuernement qu'auoit ia Pizarre, comme ils auoient fait les autres choses. C'estoit là vn bon accord sil n'y eust eu de la tromperie. Ils iurerent tous deux de n'estre iamais l'vn contre l'autre pour quelque bonne, ou mauuaise occasion que ce fust. Il y en a plusieurs, qui afferment qu'Almagro disoit, quand il iuroit, que Dieu abymast son corps & son ame sil rompoit cest accord, ne sil approchoit cent mil pres de Cuzco, encor' que l'Empereur luy donnast. Autres disent qu'il ne dit autre chose sinon que Dieu abymast le corps, & l'ame de celuy, qui fauseroit son serment.

*L'entree que Diego d'Almagro feit en Chili.*

*Chap. 131.*

**A**lmagro donc s'appareilla pour aller faire son descouurement de Chili, ainsi qu'il auoit esté accordé, il donna, & presta beaucoup de deniers à ceux, qui alloient avec luy, afin qu'ils se garnissent de meilleures armes, & cheuaux. Par ce moyen il assembla 530. Espagnols bons soldats, & de bōs cœur

foffrās de l'accompagner par tous pays loingrains  
 pour sa liberalité, ionct aussi le bruit, qui couroit  
 des richesses de ce pays, q allecha mesme plusieurs  
 de laisser leurs maisons, & departemens pour aller  
 avec luy pensans se faire plus gras, D'auantage Al-  
 magro laissa à Cuzco vn de ses gens nommé Iean  
 de Rada, pour leuer encor' des soldats, & feit des-  
 loger deuant Iean Saiauedre de Seuille avec cent  
 soldats, & partit apres avec 430. menant avec soy  
 Paul, & Villaoma grand prestre, Philippille, & plu-  
 sieurs autres Indiens tant pour la guerre que pour  
 faire seruice, & pour porter la somme. Il sortit de  
 Cuzco au moys d'April l'an 1535. Saiauedre ren-  
 contra à Ciarcas certains Chilesiens, qui appor-  
 toient à Cuzco, sans sçauoir tout ce qui y estoit ad-  
 uenu, leur tribut en tuilles d'or fin, qui pesoient  
 cent cinquāte mille pefans d'or. Ce fut vn tresbon  
 commencement s'il eust eu bonne yssue, il vouloit  
 faire prisonnier le capitaine Gabriël de Roias, qui  
 estoit là pour Pizarre, mais il s'en garda, & l'autre  
 s'en reuint avec ses gens à Cuzco. Depuis Ciarcas  
 iusques à Chili Almagro endura beaucoup tant  
 pour la faim que pour le froid, & aussi qu'il failloit  
 qu'il combattit avec hommes de grande corpu-  
 lence, & fort adextres à tirer de l'arc. Plusieurs de  
 ses gens, & de ses cheuaulx furent gelez en passant  
 par certaines montagnes plaines de neiges, où en-  
 cor' il perdit son bagage. Il trouua des fleuues, qui  
 couroient le iour, & non la nuit, à raison que les  
 neiges se fondent le iour à la chaleur du Soleil, &  
 se congelent à la lueur de la Lune. Les habitans de  
 Chili se vestent de peaux de loups marins, sont



grands, & beaux, & vsent constumierement del'arc en guerre, & pour la chasse. Le pais est fort peuplé, & est de mesme temperature que l'Andelouzie, prouince d'Espagne. Ils sont en ce differens que quand il faict iour par delà, il faict nuit par deça: & quand ils ont leur esté, les Espagnols ont leur hyuer. En somme nous pouuons dire qu'ils sont noz vrais Antipodes. Ils ont en ce pays force moutons semblables à ceux de Cuzco, & des austruches q les Espagnols tuent à force de cheuaux les poursuuians de poste en poste: car vn cheual seul n'y pourroit fournir à l'occasion que ces bestes trottent plus viste qu'un cheual ne scauroit courir.

*Comme Ferdinand Pizarre retourna au Peru.*

*Chap.*

*132.*

**V**N peu apres qu'Almagro fut party pour aller à Chili Ferdinand Pizarre arriua à Lima, autrement dicté la ville des Roys, & apporta à François Pizarre le tiltre de Marquis des Atanillos, & à Diego d'Almagro le gouuernemēt du nouveau Royaume de Toledé contenant 300. mil de pays, en comptant depuis les confins de la nouuelle Castille, qui estoit sous la iurisdiction de Pizarre, vers le Midy, & le Leuant. Il requist vn chascun d'obeir à l'Empereur, qui demandoit toute la rançon qu'auoit fourny Attabalipa, disant qu'elle luy appartenoit comme à Roy, à cause que le prisonnier estoit Roy. Ils feirent tous responce qu'ils auoient baillé à l'Empereur son Quint, qui de raison luy appartenoit. Peu s'en fallut qu'il ne s'esmeust vne dangereuse mutinerie: Car ils remettoient deuant leurs yeulx comme en Espagne, & mesme en la

court du Roy, on les appelloit villains, qui ne meritoit pas auoir tant de richesse. Ce n'estoit pas pour lors qu'on auoit commencé de se mocquer ainsi d'eux: mais beaucoup deuant on souloit ainsi parler d'eux. Et moy au contraire: ie dis que ceux qui ne vont point aux Idoles ne meritent pas iouir du bié qu'ils tiennét. François Pizarre appaisa tout disant, que pour leurs vertus, & prouës ils meritoiét bié tout ce qu'ils auoient eu d'Attabalipa, & iouyr d'autant de franchises, & préeminances que ceux, qui auoient donné secours au Roy d'Espagne Dom Pelage, & à autres Rois pour recouurer l'Espagne d'entre les mains des Mores. Il dict à son frere qu'il cherchast autre voye pour fournir ce qu'il auoit promis à l'Empereur, puis que pas vn ne vouloit rié dōner, & que de sa part il leur vouloit encores moins oster ce qu'il leur auoit desia ordonné. Alors Ferdinand Pizarre print tāt pour cēt de tout l'or, & argent qu'on fondoit. Cela luy feit acquerrir vne grande haine de tous, si ne desista-il point pourtant de son entreprise, ains passant outre s'en alla à la ville de Cuzco en faire autant, & s'efforça de gaigner le cœur de Mango Ynga, pour tirer de luy quelque grande quantité d'or pour l'Empereur, qui auoit despensé beaucoup à son couronnement, & à la ville de Vienne contre le Turc, & aussi à Tunes.

*La rebellion de Mango Ynga contre les Espagnols.*

*Chap. 133.*

**M**Ango fils de Guaynacapa, auquel François Pizarre auoit donné le floquet à Vilcas, faisoit

plus du vaillant, & de l'enflé qu'il ne deuoit : pour ceste cause on le meit prisonnier en vne prison de fer, en la forteresse de Cuzco. Mais estant là detenu, & mesme deuant qu'il y fut, il machina de tuer les Espagnols, & se faire Roy, comme auoit fait son pere. Il feit faire grande quantité d'armes secrettement, & feit semer grande abondance de maiz pour auoir par tout du pain à suffisance, pour entretenir la guerre qu'il vouloit encommencer. Il accorda avec son frere Paul, avec Villaoma, & Philippil, que ils tueroient Diego d'Almagro, avec tous les siens, qui estoient aux Ciarças, & qu'ils en feroient le semblable à Pizarre, & à tous ceux qui estoient à Lima, à Cuzco, & autres lieux. Il ne pouuoit toutefois executer sa deliberation, à cause de sa prison. Si pria Iean Pizarre, qui auoit la charge de conquerir les prouinces de Collao, qu'il luy pleust le deliurer auant que Ferdinand Pizarre arriuaft, luy promettât prester toute fidelité, & obeyssance au gouuerneur. Estant en liberté, il se rendit fort familier à Ferdinád Pizarre, qui luy demâdoit deniers pour le laisser sortir de Cuzco à son plaisir, avec son amitié. Vn iour il demanda congé à Ferdinand Pizarre pour aller à vne feste solennelle qui se faisoit à Hinçay, & luy promit d'apporter de là vne statue d'or massiue, qui estoit faicte au propre naturel, & selon la grandeur de son pere. Il sy en alla en la sepmaine saincte, l'an 1536. mais quand il se veit libre à Hinçay, il se moquoit des Espagnols, & les despiroit. Il assembla incontînét beaucoup de seigneurs & autres personnes, & conclurent ensemblement la rebellion qu'il auoit pourpensée. Il feit tuer des



Espagnols qui alloient aux mines, & tous les Indiens, qui les seruoient. Il enuoya vn Capitaine à Cuzco avec vne bonne armee qui y entra si soudain, qu'il print le chasteau, sans que les Espagnols le peussent empescher, & soustint dedás six ou sept iours, au bout desquels les nostres le reprindrent, combattans vaillâment. Aucuns de nos gens moururent en la reprinse, & entre autres, Jean Pizarre d'un coup de Pierre qu'on luy donna la nuit en la teste. Ce pendât suruint Mango qui assigea la ville avec cét mille hommes, & y meit le feu, & la combattit tout de long que la Lune estoit pleine.

*Almagro print par force Cuzco, sur les Pizarres.*

*Chap. 134.*

**A**lmagro maniant la guerre à Chili, receut à Coyaco par Iean de Rada, les lettres patentes de l'Emperêur, que Ferdinand Pizarre auoit apportees rouchant son gouuernement. Ces lettres, encor que depuis luy ayent cōsté la vie, luy apporterent plus de cōtētement que tout l'or & argēt, qu'il auoit gaigné: car il estoit très-cupide d'honneur. Il entra en conseil avec ses Capitaines, sur ce qu'y estoit besoin de faire: la resolutiō fut par l'aduīs de la plus grand part qu'il failloit retourner à Cuzco, & s'en saisir comme estât du gouuernemēt d'Almagro. Il y en eut plusieurs qui luy conseillerēt qu'il peuplast, où il estoit premierement, ou aux Ciarcas, qui est vn pays tres-opulēt, & que ce pendant il enuoyast vers Pizarre pour sçauoir son intention, & celle de la communauté de Cuzco: car il n'estoit pas raisonnable de perdre ainsi son amitié. Ceux, qui inciterēt le plus Almagro à telle en-

repreinse, fut ét Gomez d'Aluaro, & Roderic Ordognes d'Oropesa son amy intime, & secret. Almagro, donc, conclud de retourner à Cuzco, & en prendre le gouuernement par force, si les Pizarres ne luy bailloient de bonne volonté, ioinct aussi qu'on disoit que l'Ynga s'estoit mis en armes. Cela estant publié, Paul & Villaoma ne trouuans gens, & ne voyans aucune commode occasion de tuer les Chrestiens comme ils auoient pourpensé s'enfuirent du camp. Almagro enuoya apres Philippille, qui, à cause qu'il participoit à la coniuration, s'en estoit fuy, & estant prins, fut mis en quatre quartiers, condamné de ce qu'il ne l'en auoit point aduertty, & à cause qu'il s'estoit vne autrefois retiré vers Pierre d'Aluaro à Linibamba. Ce traistre confessà à l'heure de la mort que faulsemēt il auoit accusé son bon Roy Atabalipa, pour plus seurement iouir d'une de ses femmes. Ce Philippille de Pothecios estoit vn meschant hōme, tres-leger, instant, menteur, fort cupide de changemens, & sitibond de nostre sang: il estoit peu Chrestien, encor qu'il fust baptisé. Almagro endura autāt à retourner, qu'il auoit fait à aller. Ils veirēt vne chose merueilleuse à leur retour. Car au bout de quatre mois & demy, & d'auātage, ils trouuerēt les cheuaux, qui moururēt de froid à l'aller, aussi frais, cōme s'ils ne eussent fait q mourir à l'heure presente, & les corps des Espagnols de mesme, q estoiet appuyez debout cōtre les roches, tenās encor les reines de leurs cheuaux. Par les desers Almagro feit pourueoir d'eau son cāp par le moyē des grāds moutōs de ce pays q la portoiēt dedās des peaux de cuir, mesme plusieurs

Espagnols montoient dessus ces bestes, encor' que ce ne soient montures propres à leur colere. Quand les Almagristres furent arriuez à Cuzco, ils s'esmerueillèrent de la veoir assiegee par les Indiens. Almagro traicta incontinent de paix avec l'Ynga, disant, que comme Gouverneur, il luy pardonneroit se il leuoit le siege, mais sil n'en vouloit rien faire qu'il le ruinerait entierement, & qu'il n'estoit venu pour autre occasion. Māgo fait responce qu'il auoit bonne enuie de le veoir, & qu'il estoit bien aise de sa venue, & du gouuernement qu'il auoit. Almagro sans penser à autre malice s'en alla capituler de peur d'autre inconuenient, laissant son armee en garde à Iean de Sajauedre. Ferdinand Pizarre ayant entendu ces venuës sortit pour parler à Sajauedre, luy offrant cinquante mille castillans d'or sil vouloit rentrer avec luy dedans Cuzco; Sajauedre reffusa ceste condition, & l'autre ne luy osa faire aucun desplaisir, par ce qu'il estoit bien acompagné. Ainsi Ferdinand s'en retourna tout fâché, & cōme n'attendans plus aucun secours. Mari-go d'autre part veid bien qu'il ne pouuoit plus prendre Almagro, & ayant encor' moins d'esperance de prendre Cuzco, de peur d'estre prins, tant par les Pizarres, que par les Almagristes, il leua le siege, & se retira aux Andes qui sont des hautes montagnes au dessus de Guamanga. Almagro approcha son cāp pres Cuzco les enseignes desployées sommant les freres de François Pizarre de le recevoir incontinent en paix, pour gouuerneur suiuant le vouloir de l'Empereur. Ferdinand Pizarre, qui commandoit à la ville, fait responce que sans la volōté



lonté de François Pizarre gouverneur de ce pays, & par le commandement duquel il estoit là, il ne pouuoit, & qu'encor' moins deuoit il pour son honneur, & sa conscience, le receuoir pour gouverneur mais s'il vouloit entrer priuement, & comme particulier, qu'il le logeroit tresbien avec toutes ses troupes, & que ce pendant il aduertiroit son frere, qui estoit à la ville des Roys, de son arriuee, & de sa demande, & qu'il l'asseuroit que lors pour la bonne, & ancienne amitié, qui estoit entr'eux deux, ils l'accorderoient en declarant les confins de chasque gouvernement selon l'opinion des doctes Cosmographes. Almagro estimoit que ceste responce n'estoit que pour dilayer, tellement qu'il insista à sa demande, & voyant que Ferdinād resistoit vne nuit, qui estoit fort obscure, entra en la ville, & enuironna la maison, où les Pizarres, & ceux du conseil s'estoient fortifiez, & y meit le feu, par-ce qu'ils ne vouloient point se rendre. Mais, en fin, de peur d'estre bruslez se rendirēt: Almagro meit Ferdinād, & Gonzalle Pizarres en prison, & autres qui gouuernoient, & les autres habitans dès le lendemain matin le receurent pour gouverneur. Aucuns disent qu'Almagro rōpit les trefues qui auoient esté accordees iusques à ce que la responce de François Pizarre eut esté apportee. Autres disent qu'il n'y eut point de trefues: car on ne le vouloit point receuoir que par force. Autres disent qu'il eut la faueur des habitans pour entrer. Mais par-ce que ce faict touche vne partialité, chasque partie en compte à son aduan tage. Il est pour le moins bien vray qu'Almagro entra par force, & qu'il y eust vn Espa-

4. LIVRE DE L'HIST.

agnol tué de chasque costé, & Almagro eust tué Ferdinand Pizarre suiuant la volonté quasi de tous, si ce n'eust esté Diego d'Auarado. La rebellion Ynga, & ce commencement de guerre ciuile aduint l'an 1536. sans que François Pizarre en sceut rien.  
*Comme plusieurs Espagnols, voulant secourir la ville de Cuzco, furent deffaits par les Indiens.*

Chap 135.

Pizarre estant aduerti comme l'Ynga s'estoit reuolté, eut grand peur, & mesme quand on luy dict qu'il auoit assiegé Cuzco. Il ne pouuoit croire au commencement qu'il fut vray, ny qu'il eust tant de gens, & là dessus y enuoya incontinent Diego, Pizarre, avec septante Espagnols seulement, encore la plus part estoient à pied. Mais tous ceux cy furent assommez, par les Indiens, à la descente du mont de Parcos, cent cinquante mil loing de Cuzco. Ils tuerent aussi avec bon nombre d'Espagnols le capitaine Morgonieto, qui menoit du secours, quelques vns eschapperent par l'obscurité de la nuit, mais ils ne peurēt gagner Cuzco, ny retourner à la ville des Roys. Pizarre y enuoya encore Gonzalle de Tapia avec quatre-vingts Espagnols: ceux cy furent aussi tuez par les Indiens, qui les assaillirent lors qu'ils estoient tous las du chemin. Ils deffirent aussi à Xauxa le capitaine Gaete avec quarante Espagnols. Pizarre estoit fort estonné de ce que ses freres ne luy mandoient rien, ny les autres capitaines, alors songeant à ce qui estoit enuoya quarante cheuaux sous la conduite de François de Godoy pour luy apporter nouuelles de tout. Cestuy cy s'en reuint la queue entre les iâbes, comme

on dict, amenant avec soy deux de la cōpagnie du Capitaine Guete, qui s'estoient sauuez à course de cheual. Ces deux racomptèrent à Pizarre tout ce qui leur estoit aduenu, ce qui estonna grandement Pizarre, & le fut encore plus quand il veid arriuer Diego d'Aguero qui s'enfuyoit, disant que tous les Indiens s'estoient reuoltez, & mis en armes, & que ils l'auoient voulu brusler, comme il estoit entre ses vassaux, & qu'une grande armee le suiuiot pas à pas. Ce fut vne nouuelle, qui meit toute la ville en vne peur extreme d'autāt que pour lors elle estoit fort mal garnie d'Espagnols. Pizarte enuoya Pierre de Lerme de Burgos, avec septante cheuaux, & bon nombre d'Indiens amis, & qui estoient desja Chrestiens, pour donner quelque empeschement aux ennemis, afin qu'ils approchassēt si pres de la ville des Rois, & puis il sortist avec tout le reste d'Espagnols qui estoient là. Pierre de Lerme feit bien son deuoir à combattre, & contraignit les Indiens de se retirer en vn petit fort au haut d'une mōtagne, & en ce lieu ils eussēt esté du tout vaicuz, si Pizarre n'eust point faict sonner la retraicte. En ceste rencontre il y eut vn Espagnol de cheual tué, & plusieurs autres blesez, & le capitaine de Lerme eut les dēts rompues. Les Indiens rendirent de grandes graces au Soleil de ce qu'ils auoient eschappé vn peril si eminent, & luy feirent des sacrifices magnifiques, & des offrādes riches, & puis passerent leur cāp en vne autre mōtagne pres la ville des Roys, & n'y auoir que la riuiera entredeux, ou ils furent dix iours escarmouchās cōtinuellemēt avec les Espagnols seulement: car ils n'en vouloiēt point aux autres Indies. Aussi



4. LIVRE DE L'HIST.

plusieurs Indiens Chrestiens, seruiteurs des Espagnols, alloient manger sur iour avec les ennemis, & mesme combattoient avec eux contre leurs maistres, & s'en retournoint de nuit coucher en la ville.

*Le secours qui vint de plusieurs parts, à Francois Pizarre. Chap. 136.*

**P**izarre se voyant assiegé, & auoir perdu quatre cens Espagnols, & deux cens cheuaux eut vne merueilleuse peur de furie, & du grand nombre d'Indiens, & encore pensoit qu'ils eussent tué à Chili Diego d'Almagro, & ses freres en la ville de Cuzco. Il enuoya dire à Alphonse d'Aluarado que il laissast la conqueste des Ciaciapoias, & qu'il s'en vint avecques ses gens le secourir. Il enuoya à la ville de Trusiglio vn nauire, afin que les femmes & enfans, se meissent dedans avec leurs biens, commandant aux hommes abandonner la ville, & se retirer en celle des Roys. Il depeſcha Diego d'Ayala, avec des vaisseaux pour aller à Panama, Nicaragua & Quahutemallan, & de là amener secours. Il escriuit aux isles de Saint Dominique, & Cuba, & à tous les autres gouuerneurs des Indes, touchant le danger où il estoit. Alphonse de Puen Major, Presidēt & Euesque de S. Dominique, enuoya sous la charge de son frere Dom Diego, bon nombre d'Espagnols arquebuziers, qui ne faisoient qu'arriuer avec Pierre de Veragua. Ferdinand Cortes enuoya de la nouuelle Espagne en vn nauire, roderic de Grijalua avec force armes, artillerie, & autres choses necessaires. Le Docteur Gaspar de Spinosa amena de Panama, du Nom de Dieu, & de terre ferme beau-

coup d'Espagnols. Diego d'Ayala reuint avec grád nombre de gens, qu'il print à Nicaragua, & Quahutemallan. Il vint grand nóbtre d'hómes de plusieurs parts, & parce moyen Pizarre eut en fin vne belle armee, & eut plus d'arquebuziers que iamais. Encore qu'il n'eust eu grand besoin de tant de gés pour marcher contre les Indiens, si luy seruirent ils bien contre Diego d'Almagro, comme nous dirons si apres, & ainsi il deuina bien à demander tel secours combien qu'aucuns pour lors repouterent cela à pu-ssillanimité.

*Deux batailles que donna Alphonse d'Aluorado contre les Indiens, & en fut victorieux. Chap. 137.*

**A**Vssi tost que le Capitaine Alphonse d'Aluorado eut receu les lettres de Pizarre, par lesquelles il luy mandoit qu'il le vint secourir, il laissa sa conqueste des Ciaciapoias, encores qu'elle fut ja bien encómmencee, & s'en vint à la ville de Trusiglio qui estoit le droict chemin pour venir à celle des Roys. Il feit demeurer les habitans qui auoiét desja enuoyé leurs femmes, & leurs biens dehors, & vouloient se retirer vers Pizarre, abandonnans ceste ville. Il arriua puis apres à la ville des Roys, resjouissant vn chacun, par-ce que c'estoit le premier, qui venoit au secours. Pizarre le feit son capitaine general, & en osta la charge à Pierre de Lerne, qui, pour estre vaillant & s'estre bien porté en ces guerres, reputa cela à son grand deshonneur, & ne peut contenir sa langue de parler vn peu trop auant. Le capitaine Aluorado se reposa quelques iours, & puis meit en ordre trois cés Espagnols, tát de pied, q de cheual pour deschasser les Indiéés où ils estoiet

& se delibera de ne reposer iusques à ce qu'il les eust deffaits, ruinez, & contrainsts de leuer le siege de deuant Cuzco, ne sçachant encor rien de ce qui estoit suruenü entre les Espagnols de par dela. Il donna vne bataille pres de Paciacama avec Tizoyo capitaine general de Mango Ynga, & encor dict-on que Mango mesme y estoit. Ce fut vne iournee rude, & sanglante: car les Indiens combattoient comme victorieux, & les Espagnols pour vaincre. Gomez de Tordoya de Barcarote que Pizarre luy enuoyoit le vint trouuer avec 200, Espagnols à Xauca. De la ils marcherent sans aucun empeschement, iusques'à Lumiciaca, & au pont de pierre, & la chargerent sur vn grand nombre d'Indiens, qui a ce passage pensoient bien tuer les Chrestiens, ou pour le moins les rōpre. Mais Aluarado, & ses cōpagnons, encor qu'ils fussent enuironnez de tous costez combattirent de telle vigueur qu'ils demurerent victorieux, & feirent vne grande boucherie des autres. Ces deux iournees cousterēt la vie à plusieurs Espagnols, & à grand nombre d'Indiēs amis, qui leur donnoient secours en ces guerres. De Lumiciaca iusques au pont d'Auançay, qui est à soixāte mil, ils feirent plusieurs escarmouches, mais elles ne sont dignes d'estre recitees plus amplement. Là Aluarado entēdit les reuoltes, & tumultes de Cuzco, & l'emprisonnement de Ferdinand, & Gonzalle Pizarre, & s'arresta là, iusqs à ce qu'il eust nouueau commandemēt de Pizarre, sur tel faict, puis que les Indiens qui auoient assiegé Cuzco, s'estoient retirez. Il fortifia ce pendant son camp, pour mieux se tenir sur ces gardes, contre Tizoyo, & Mango, qui



couroient là à l'étour, & aussi se deffiait d'Almagro.

*Comme Almagro fait prisonnier le Capitaine Aluarado,*

*& refuse le parti que luy offroient les Pizarres.*

*Chap.*

138.

**A**lmagro voyant qu'Aluarado estoit en si bon nombre de gens à Auacay, cōiectura qu'il estoit venu là, non pour autre occasion, que pour l'assailir, à ceste cause il se met en ordre. Et ce pendāt enuoya par deuers luy pour le sōmer, & requerir que il eust à sortir hors de son gouuernement, ou bien, qu'il luy obeist. Aluarado arresta prisonnier Diego d'Aluarado, avec autres huit Espagnols, qui auoit la charge de ceste sōmation, ne faisant autre responce sinō, que ceste requeste se deuoit faire à François Pizarre, & non à luy. Almagro voyant que ces gēs ne reuenoiēt point, prēd vn autre chemin avec son armee, pour aller garder Cuzco, parce q̄ il scauoit biē qu'il estoit loisible à Aluarado d'aller par vn autre costé à ceste ville là. Mais cōme il estoit sur tel departement, il eut aduertissemēt, & lettres cōme Pierre de Lerme vouloit se retirer avec plus de 60. soldats de sō costé, pour vn desdain qu'il auoit cōceu cōtre Pizarre, à raison qu'il luy auoit osté la charge de capitaine general, & l'auoit dōnée à Alfōse d'Aluarado. Aluarado estāt de ce aduerti, le voulut arrester prisonnier: mais il eschappa, & s'ēfui du cāp sur la minuit, portāt sur soy les promesses de ses amis, soub-signees de leur main n'ayāt peu pour lors les mener avec soy, parce qu'ō le pressoit de trop pres. Almagro scachāt q̄ Gomez de Tordia, & Vigliua & autres l'atēdoiēt au Pōt, s'y achemina en haste tellement qu'il y arriua à telle heure, qu'il faisoit toute

nuict, & enuoya vne bonne partie des siens par le fleuve, où estoient ceux, qui deuoient se renger de son party. Le Capitaine Aluarado ayât aperceu les ennemis en son camp, commença à combattre, faisant sonner l'alarme: mais ayant mis plusieurs de ses gens à garder les passages, qui tendoient à son fort, & n'ayant gueres du reste de ses gens en armes, par-ce que les amis de Pierre de Lerne auoient iecté dedans la riuiera leurs picques, il ne peut soustenir la charge de son ennemy, & fut prins sans aucune effusion de sang. Il n'y eut que Roderic Ordognez, blessé d'un coup de pierre, qui luy rompit les dents. Cela faict, Almagro rassembla son armee, & s'en retourna à Cuzco. Tous ses gens estoient si braues, & hautains de ceste defaictte, qu'ils se vantoient de ne laisser au Peru aucun Pizarre, & qu'ils enuoyeroient François Pizarre gouverner les Manglars de la coste. Almagro vſa de sa victoire courtoisemēt, cōbié qu'on vucille dire qu'il traitta mal les prisonniers. François Pizarre, qui s'en alloit avec six cens Espagnols, pour leuer le siege de deuant la ville de Cuzco, receut à Nasca les nouuelles de tout ce que nous auōs dict cy dessus, & en eut vn grandissime plaisir. Il s'en retourna à la ville des Rois pour se pourueoir, & se mettre en meilleur equippage, s'il faillloit d'aucture par vne bataille mettre fin à ses guerres ciuiles. Car il voyoit son cōpetiteur, & aduersaire, hardi & courageux, & accompagné de grand nombre d'Espagnols. Ce pédāt qu'il dresseoit son armee, il tascha à faire quelque acord par quelque bōne voye, disant qu'un meschāt acord estoit encor' meilleur qu'une

bataille heureuse, & prospere, & pour cest effect enuoya vers Almagro le docteur Gaspar de Spinoza, qui les accorda en ceste façon: qu'en premier lieu ils fussent amis & qu'Almagro deliurast de prison Ferdinand, & Gonzalle Pizarres, & Alphonse d'Aluaro, & qu'il demeurast gouverneur de Cuzco, iusqu'à ce que l'Empereur eust limité les gouuernemens de l'un & de l'autre. Mais le docteur de Spinoza mourut en negotiant cest accord, pronosticant à sa mort la destructiō, & perte de ces gouuerneurs: qui fut cause qu'Almagro s'appuyant sur ses forces, refusa par le conseil de ceux qu'il auoit à l'entour de luy, ce party, disant que c'estoit à luy de donner la loy ce pendant qu'il auoit l'heur par deuers luy, & non pas de la receuoir d'aucun. Il laissa Gabriel de Roias pour garder Cuzco, & luy laissa en garde les prisonniers: & quand à luy, menant avec soy Ferdinand Pizarre, s'en alla avec son armee, emportant avec soy le quint du reuenue de l'Empereur, sur la coste de la mer, où il bastit vne ville, & la peupla au dedans de la iurisdiction de la ville des Roys, comme prenant possession d'icelle par ce moyen, & feit camper toute son armee à Cinca.

*Comme Almagro, & Pizarre se veirent à Mala, & parlementerent ensemble sur le fait d'accord.*

*Chap. 139.*

Pizarre ayant entédu tout ce que dessus, feit sonner le tabourin en la ville des Roys, doubra la paye à ses soldats, & leur feit de grands aduātages, & par ce moyen assēbla plus de sept cens Espagnols avec bō nōbre de cheuaux, & d'arquebuziers, qui faisoient plus estimer son armee. Vne grande



partie de ces soldats estoient venuz là, estans appelez de plusieurs endroicts pour secourir la ville de Cuzco contre les Indiens, & l'autre estoit de ceste mesme ville des Rois. Il feit capitaines des arquebuziers Nugno de Castro, & Pierre de Veragara qu'il auoit amené de Fladres, où il festoit marié, & des pi quiers Diego de Urbina, & des cheuaux Diego de Roias, & Peranzures, & Diego de Mercadiglio, & pour sergent maieur il feit Antoine de Viglialua. Comme il estoit sur cest aprest Gonzalle Pizarre, & Alphonse d'Aluarado arriuerent, lesquels il feit capitaines generaux, son frere de l'infanterie, & l'autre de la cauallerie. Ces deux cy auoiét esté pris par Almagro. Mais estans mis prisonniers à Cuzco subornerent enuiron cinquâte soldats de leur garde avec leur ayde sortirent de la prison, & puis osterent les cordes des cloches, affin qu'on ne sonnast point l'alarme pour courir apres eux, & s'enfuyrent avecques ces cinquante à course de cheual, amenans avecques eux prisonnier Gabriel de Roias. Pizarre publoit qu'il faisoit ceste assemblee pour se defendre seulement comme estant prouoqué. Il voulut bien encore accorder par le conseil de plusieurs Almagro aussi de sa part fut content de rôber d'accord, & pour en venir à bout, enuoya avec procuration ample Dom Alphonse Enriquez. Diego de Mercado son facteur, & Jean de Cuzman, lesquels parlerent à Pizarre, qui remeit tout son differend en l'arbitre de François de Bouadiglia Provincial de l'ordre de la Pieté, & eux aussi se rapporterent de tout à frere François Lusando. Ces deux resolurent qu'Almagro deliurast Ferdinand

Pizarre, & rendit la ville de Cuzco, que tous deux rôpissent leurs armées & enuoyassent leurs soldats aux nouuelles conquestes, & qu'ils escriussent à l'Empereur de leur different & qu'ils se veissent, & parlassent ensemble à Mala entre la ville des Rois & celle de Cinca, n'estant chacun d'eux acôpagné que de douze cheuaux, & que les deux religieux fussent presens. Almagro dict qu'il estoit bien aise de se voir avecques Pizarre, encore que la resolution de ces deux moines luy semblast dure. Suiuât cest accord avec douze cheuaux seulement, & deuant que partir il commanda à son capitaine general Roderic Ordognez de se tenir prest avec son armée, & s'il voyoit que François Pizarre voulust faire quelque force qu'il tuast Ferdinand son frere, le quel pour ceste cause il laissoit en sa puissance. Pizarre s'en alla au lieu deputé en mesme equipage, laissant derriere tout son camp avecques Gonzalle son frere. Ce Gonzalle se cacha bien pres de Mala, & commanda au capitaine Nugno de Castro de s'embusquer avec ses quarante arcbufiers dedans des hautes cannes, qui estoient pres le chemin par où Almagro deuoit passer. Si ceste entreprise fut faicte avec la volonté de François, ou sans icelle ie croy qu'on n'en sçait rien. François Pizarre arriua le premier à Mala, & aussi tost qu'Almagro y fut arriué ils s'embrasserent l'un l'autre monstrans signes de grande ioye, se gaudiſſans l'un l'autre avec parolles de plaisir, mais deuât qu'ils vinssent à pour parler de leurs affaires vn quidam de la cōpagnie de Pizarre s'approcha d'Almagro, & luy dit en l'oreille qu'il se retirast incontinent de là autant qu'il

aymoit sa vie, Almagro montant aussi tost à cheual s'en partit, & s'en retourna sans parler aucun mot depuis. En s'en retournant il apperceut l'embuche de ces arquebuziers, & lors creut que ce q' l'autre luy auoit dict estoit vray. Il se compleigna grandement de Frâçoys Pizarre, & de ses freres, & tous les siens disoient que depuis Pilate en ça ne s'estoit prononcee vne sentence plus iniuste. Pizarre, encor' qu'on le conseillast del'arrester prisonnier, le lascia toutesfoys aller, disant qu'il estoit venu sur sa parole, & se deschargea le plus qu'il peut, qu'il n'auoit point commandé à son frere de dresser vne telle embuscade, & qu'encor' moins auoit il suborné ses freres.

*La prinse d'Almagro. Chap. 140.*

**E**Ncor' que ceste veuë, & ces accollades eussent esté faictes en vain, & qu'elles eussent causé tât d'vne part que d'autre plus grande indignation, si est-ce toutesfoys qu'il n'y eut point faulte d'autres personnes qui incontinent sans passion aucune s'employèrent de les accorder. En fin Diego d'Aluarado les accorda en ceste façon, qu'Almagro deliureroit Ferdinand Pizarre, & que François Pizarre luy donneroit quelques vaisseaux, & vn port seur pour enuoyer librement en Espagne ce que bon luy sembleroit, qu'il ne feissent rien l'vn contre l'autre iusques à ce qu'on eust receu nouveau mandement de l'Empereur. Almagro suiuant cest accord deliura aussi tost Ferdinand Pizarre sur son serment, & sur sa parole, à la priere & requeste du capitaine Diego d'Aluarado, encor' qu'Ordognez l'empeschast fort, par ce pu'il auoit conceu en son



esprit vne meschante opinion du naturel selon de Ferdinand Pizarre, & mesme Almagro s'en repentit, & l'eust bien voulu retenir. Mais c'estoit trop tard, & tous disoient que cestuy-cy renouuelleroit toutes les dissentions & renuerferoit tout sans dessus dessous. Ils ne furent point menteurs; car aussi tost qu'il fut mis en liberté on vid de grâds, & nouueaux remuemens. Mesme François Pizarre, n'alloit point droictement en ces appoinctemens, par ce qu'ayant ia receu des lettres patentes de l'Empereur, par lesquelles il commandoit qu'un chacun eust à s'arrestier aux lieux de leur gouuernemēt sans entreprendre rien l'un sur l'autre, se voyant auoir en liberté son frere (par le conseil mesme duquel il faisoit cecy) requist Almagro que suiuant ces lettres il eust à vider le pays qu'il auoit descouuert, & peuplé, puis-que ce nouueau mandement de l'Empereur estoit venu. Almagro feit responce, apres auoir leu ces patentes, qu'il accomplissoit le contenu d'icelles, en demeurant paisible à Cuzco, & autres villes que pour le present il possedoit suiuant le commandement, & volonté de l'Empereur portee par ces lettres, suiuant mesme lesquelles, il requeroit, protestoit, & prioit Pizarre qu'il le laissast demeurer en paix, & qu'il ne le brouillast en sa iouissance. Pizarre repliquoit qu'apres auoir peuplé, & rendu paisible Cuzco, l'autre luy auoit enleuee par force, & que ceste ville estoit en sa iurisdiction, & du gouuernement du nouueau Royaume de Toledé, & que partant il luy laissast, & se retirast, & sil n'en vouloit rié faire, qu'il l'en deschasseroit sans autremēt rompre le serment qu'il auoit

fait puis q le téps de l'appoinctemēt estoit finy par le moyē du nouueau mandemēt qu'ō auoit apporté de l'Empereur. Almagro fut resolu en sa premiere respōce. Pizarre voyāt cela faiēt marcher tout son ost vers Cinca sous couleur de vouloir chasser seulemēt ses aduersaires de ce lieu, qui notoiremēt estoit de son gouuernement, menant pour son conseil, & pour capitaine son frere Ferdinand. Almagro ne voulant combattre prend le chemin de Cuzco, & commande qu'on le suiue. Pour abreger son chemin il passe, & trauese de mauuais passages, & s'arreste à Guaytara, qui est vne montagne fort haute, roide, & aspre. Pizarre ayant plus grand nombre d'hommes, & meilleurs soldats le poursuit viuement. Ferdinand avec les arquebuziers gaigne de nuit ceste montagne ayant forcé le passage. Almagro, qui pour lors estoit malade se met en fuite, & laisse derriere Ordognez avec commandement de se retirer le mieux, & le plus sagemēt qu'il pourroit sans combattre aucunement. Il fait comme on luy auoit commandé encores que Christofle de Sotto, & autres disoient qu'il eüst mieux fait de liurer la bataille aux Pizarres, qui se refroidirent en la montagne, par-ce que c'est vn accident ordinaire aux Espagnols, qui de nouueau estans sortiz des villes, & campagnes chaudes, & vont de là aux montagnes froides, & couuertes de neiges, se gelent, & enfroidurent incontinent, tant est grande la mutation, qui se fait en si peu de distance de pays. Ce mal, qui aduint aussi aux Pizarres fut cause que Almagro eut loisir de se retirer avecques tous ses gens à Cuzco, où il fait aussi tost rompre les

ponts, faire battre des armes d'argent, & de bronze, faire fondre des arquebuzes, & autres canons, fait enuillailler, & munir la ville, & la fortiffia de quelques fosses. Pizarre pour l'inconuenient, qui aduint à ses gens, comme i'ay dict, fut contrainct de reprendre la plaine, & de là s'en alla en deux mois à la ville des Rois, sous pretexte de vouloir restablir, & remettre en leurs biens quelques habitants de là, & autres voisins, qui auoient esté pillés par Almagro, & de leur faire quelques nouveaux departemens pour leur donner moyen de plus aisément se rauoir, & ce pendant enuoya son camp deuant Cuzco sous la conduicte de Ferdinand Pizarre, grand Preuost estant son frere Gonzalle capitaine general. Ferdinand doncques s'en alla, à Cuzco, par vn autre chemin que celuy qu'auoit tenu Almagro, & y arriua le 26. d'Auril 1538. Almagro voyât venir ses ennemis avec vne telle resolution, mit tous ceux, qui estoient affectiōnez au party de Pizarre, dedās deux fosses, où quelques vns s'estouferent pour estre trop presseés, & enuoya au deuant Roderic Ordognez avec tous ses gens, & grād nōbre d'Indiēs par-ce qu'il n'y pouuoit estre estāt deuenu trop foible à cause de sa maladie. Ordognèz se campa sur le grand chemin Royal entre la ville, & les montaignes à la riuē d'vn petit lac, ou paluz, & fait asséoir son Artillerie en lieu propre, & renga ses cheualx en vn autre lieu sous les capitaines François de Ciaues, Vasco de Gueuara, & Iean Tello, & enuoya vers les montaignes grand nombre d'Indiens accompagnez de quelques pictons Espagnols, qui deuoient donner secours à la



partie la plus foible, & qui seroit en danger: Ferdinand apres que la Messe fut dicte se retira de la campagne marchant tousiours en ordre de bataille, avec deliberation d'aller prendre vn hurt, & costau, qui commandoit à la ville, pensant que ses ennemys ne l'attendroient, ayant en son camp si grand nombre d'hommes comme il auoit, mais voyant qu'ils ne bougeoient, & ne s'esbranloient aucunement, & qu'ils faisoient contenance de ne vouloir refuser le choc, enuoya dire au capitaine Mercadiglio qu'avec ses cheuaux il gaignast le dessus, où bien qu'il tirast contre les Indiens de l'ennemy, où qu'il se tint prest à donner secours en quelque endroit, & dit à ses Indiens qu'ils tirassent contre les autres Indiens, & ainsi se commença la bataille, qu'on surnóme des Salines, à deux mil de Cuzco. Les arquebuziers de Pierre de Vergara entrerent dedás le paluz, & deffeirét, & meirent en route vne compagnee de gés de cheual des ennemys, qui apporta vn grandissime detrimement au camp d'Ordognez. Lequel voyant le danger si eminent fait à propos dela schervne piece d'artillerie, qui tua cinq Espagnols, & intimida les autres. Mais Ferdinand les encourageoit avec belles paroles honestes, & selon les occasiós, qui se presentoient, & comanda aux arquebuziers de tirer contre les picquiers, qui auoiét leurs picques enuenimees, qui par ce moyé furent ouüers, & y eut plus de cinquante de leurs picques rompuës, ce qui esbríala fort la partie d'Almagro. Ordognez fait signe que tous choquassent ensemble pour rompre l'ennemy de force, mais comme les siens famusoient trop, il picqua deuant

avec son esquadron seulement, tirant droit à Ferdinand, qui pour lors menoit le costé gauche de son camp avec le capitaine Alphonse d'Alvarado, il enfonça avec sa lance deux Espagnols, & puis tira vne estocade cõtre vn seruiteur de Pizarre, pensant que ce fust le maistre, & luy meit l'estoc par la bouche. Ordognez faisoit merueilles de sa personne, mais cela dura peu, par ce que, comme il couroit deuant tous autres de sa troupe, il fut frappé au frõt d'un coup d'arquebuze, qui en fin luy feit perdre la force, & la veüe. Ferdinand, & Alphonse assaillirent les ennemys en flanc, & en ietterēt par terre cinquante, & la plus grand part avec les cheualx. Ce pendant que ceux-cy combattoient les autres troupes d'Almagro chargerent par vn autre costé sur Gonzalle Pizarre, & ainsi tous ensemble combattirent, comme Espagnols brauemēt, & d'un grand courage. Mais les Pizarres furent les victorieux, & vserent cruellement de leur victoire, reietrans toutesfoys la coulpe sur les vaincuz, qui au pont d'Avançay, encor qu'ils fussent en petit nombre, neantmoins se vouloient venger. Ordognez estant reduict à si petit nombre qu'il ne luy restoit plus à l'entour de luy que deux hommes de cheual, il vint vn, qui le ietta en terre, & le tua. Le capitaine Ruy Diaz print l'autre, & le monta en grophe derriere soy, mais vn autre luy donna vn coup de lance dõt il mourut sur le champ. Il y en eut ainsi beaucoup d'autres tuez apres n'auoir plus d'armes. Samaniego tua de nuit, & en son liēt le capitaine Pierre de Lerme, les capitaines qui moururent en combattant furent, Mascofo, Salinas, Fernand Alvarado, &

tant d'Espagnols : que si les Indiens , comme ils auoient bien pourpensé , eussent donné sur le peu d'hommes qui restoit quasi tous blesez , il en fussent aisément venuz à bout. Mais ils s'amuserét à despouiller les morts , & ceux qui estoient tombez en terre , les laissant aussi nuds comme quand ils naquirent , & puis se ietterent sur les tentes pour les enleuer , & tout ce qui estoit dedās , n'estans gardées de personnes , par ce q̄ les vaincuz s'enfuoient , & les victorieux poursuiuoient . Almagro pour son indisposition ne se trouua point au combat , il regardoit la bataille d'un lieu hault , & quād il veid les siens vaincuz , il se retira dedans la forteresse. Gózalle Pizarre , & Alphonse d'Aluarado le poursuiurent , le prirent , & le mirent prisonnier en la mesme prison , en laquelle il les auoit mis.

*La mort d'Almagro. Chap. 141.*

**P**Ar le moyen de ceste victoire , & de la prinse d'Almagro aucuns s'enrichirent , & les autres s'appauvrirent , par ce que telle est l'vsance de la guerre , mesmement quand elle est ciuile , par ce qu'elle se faict entre mesmes bourgeois , voisins , & parens. Ferdinand Pizarre se fit maistre de la ville de Cuzco sans contredit , non sans toutefois quelque murmure , il fit presens seulement à quelques vns , par ce qu'il luy estoit impossible de donner à rous , mais encor' ce qu'il donnoit estoit petit au pris de ce qu'un chascun , qui auoit esté en la bataille , pretendoit. Et pour ceste cause voulant preuenir à quelque mutinatiō qui se pourroit ensuiure , il enuoya la plus grād part de ses soldats pour conquerir nouueaux pays , esquels ils se peussent tous



enrichir, & entre autres n'oublia à y enuoyer ceux qu'il pensoit fauoriser à Almagro, pour foster de tout danger. Ce pendant il feit instruire le proces cōtre Almagro, dōnant à entendre que ce qu'il en faisoit n'estoit que pour l'enuoyer prisonnier à la ville des Roys, & de là en Espagne, & que mesme il se cōstituroit prisonnier avec luy, mais ayāt entēdu que Messa, & plusieurs autres se deuoient trouuer sur le chemin pour l'enleuer quand on l'emmeneroit, pour se deliurer de tels rumeurs, soit qu'aparaūēt il en eust la volōté, il le iugea à mort. Les charges, & crimes, desquels on le chargeoit, estoient: qu'il estoit entré en la ville de Cuzco avec main forte, q fut cause de la mort de plusieurs espagnols, qu'il auoit comploté avec Mango Ynga contre les Espagnols, que sans auoir puissance de l'Empereur il auoit departy des terres à aucuns, & en auoit spolié les autres, qu'il auoit rompu les trefues, & faulsé son serment, qu'il auoit osé resister à la iustice de l'Empereur à Auañay, & aux Salines. Il y auoit encor' beaucoup d'autres causes que ie tais, par ce qu'elles n'estoient pas si criminelles. Almagro fut touché griefuement au cueur par ceste sentence, & dit quelques paroles de tresgrāde compassion, qui faisoient pleurer les yeux mesmes des plus durs. Il appella à l'Empereur: mais Ferdinand, encor' que plusieurs l'en prièrent, ne voulut acquiescer à l'appel. Almagro mesme le pria que pour l'amour de Dieu il ne le feit point mourir luy remōstrāt cōme il n'auoit esté si rigoureux en son endroit lors qu'il estoit en sa puissance, qu'il n'auoit voulu espādre le sang de son parēt, & amy, qu'en outre il cōsiderast

## 4. LIVRE DE L'HIST.

côme il estoit cause que son frere ttescher François Pizarre estoit parueniu à tel degré d'honneur, & à telles richesses, qu'il eust pitié de sa vieillesse, de son imbécillité, & de sa maladie, qu'il reuoquast sa sentence par le moyé de l'appel, & qu'il le laissast viure, ce peu de téps qu'il luy restoit, en quelque prison honeste, où il pourroit pleurer ses pechez. Ferdinand fut totalement dur à ces parolles, qui eussent faict plier vn cueur d'acier, & disoit qu'il se fmerueilloit côme vn homme si courageux auoit tant de peur de mourir. Almagro repliqua que puis que Iesus Christ, en auoit eu peur qu'õ ne deuoit trouuer estrange si il en auoit peur, mais qu'à la fin il se conforteroit sur le peu de iours que son aage aussi bien luy laissoit. Il fut longuement sans vouloir entendre à se confesser, pensant par là prolonger sa vie, puis que par autre moyen il ne pouuoit. Mais en fin voyant que pitié aucune ne pouuoit trouuer place en cest homme si cruel se confessa comme vn bon Chrestien, & feit courageusement son testament, laissant ses heritiers le Roy, & son fils dom Diego. Il ne vouloit aucunement consentir à la sentence de peur de l'exécution. Ferdinand aussi vouloit encor' moins admettre son appel, craignãt qu'elle fust cassee par le conseil des Indes, & aussi que son frere François luy auoit mandé d'ainsi faire. A la fin Almagro aquiesça à la sentence avec vn courage grãd, disant : qu'on me deliure de ceste prison, & que ce cruel, & second Neron se soule de mō sang. Il fut estranglé en la prison par la priere de plusieurs, & puis on le decapita publiquemēt en la place de Cuzco l'an 1538. Plusieurs Espagnols

receurent vn grandissime desplaisir par sa mort, & leur feit grād faulte. Apres le fils il n'y en eut point, qui eust plus grand desplaisir de sa mort que le capitaine Diego d'Aluorado, qui s'estoit obligé de parole à luy pour celuy, qui l'auoit faict mourir, & auoit esté cause qu'il auoit deliuré de prison, & de mort Ferdinand, duquel toutefois iamais pour ce faict ne peut tirer aucune douceur encor' qu'il l'en priaist trefaffectueusement. Estant ainsi, non sans cause fâché, l'en alla incontinent en Espagne se plaindre de François Pizarre, & de ses freres, & redemander la parole, & le sermēt qu'il luy auoit baillee, & aussi pour obtenir congé de l'Empereur de le desier, & le combattre. Mais ce pendant qu'il poursuiuoit ceste affaire il mourut à Valladolid, où pour lors estoit la court, & parce qu'il mourut en trois iours, aucūs veulēt dire qu'il fut empoisonné. Diego d'Almagro estoit natif d'Almagro, iamais on ne peut sçauoir à la verité, q fut son pere, encor' qu'on aye faict grande diligence. On disoit qu'il estoit prestre, il ne scauoit lire, il estoit courageux, fort diligent, ayment sur tout l'honneur, & estre en reputation, il estoit tref-liberal, mais estoit accompagné d'une vaine gloire: car il vouloit qu'un chacun sceust ce qu'il donnoit, & à cause de sa liberalité il estoit aimé des soldats, quelquefois il les chassioit aigrement, tantost avec paroles rigoureuses, tantost avec la main, il quitta à quelques debteurs qu'il auoit, qui le suiuirent en la prouince de Chili plus de cent mille ducats, rompant leurs obligations, & scedule: qui fut vne liberalité plustost digne d'un Prince q d'un soldat. Mais quand il mou-



#### 4. LIVRE DE L'HIST.

rut il n'y eut aucun, qui daignast mettre sous ses genouls vn drap pour recevoir sa teste, tellement qu'il sembla à sa mort aussi meschant qu'il auoit esté durant sa vie doux & gracieux, n'ayant iamais voulu faire mourir aucun, qui fut des Pizarres. Il ne fut iamis marié, mais eut vn fils d'une Indienne, de Panama, qui eut vn mesme nom, & fut bien instruit, mais finit mal, comme nous dirons cy apres.

*Les conquestes, qui furent faictes depuis la mort  
d'Almagro. Chap. 142.*

**P**ierre de Valdiuia s'en alla avec bon nombre de Espagnols continuer la conqueste de Chili qu'Almagro auoit encommencee, il peupla en ce pays, & commença à negotier avec les habitans Indiens, qui l'auoit receu paisiblement avec vne ruse, & finesse toutefois. Car aussi tost qu'ils eurent recueilly leur grain & leurs autres provisions s'armerent, & chargerent sur les Chrestiens, & en tuerent quatorze, qui alloient dehors au fourrage. Valdiuia sort dehors pour donner secours laissant en la ville la moitié de ses gens sous François de Villagran, & Alphonse de Monroy. Ce pendant huit mille Chilesiens viennent assaillir la ville, la voulant forcer, & contraindre Villagran, & Monroy de sortir avec trente cheualx seulement, & quelques gens de pied. Là fut combattu d'une part, & d'autre asprement depuis le matin iusques à ce que la nuit les eust separez. Tous deux estoient contens d'une telle bataille, les Indiens de ce qu'ils auoient rendu les nostres foibles par vn si long combat, & en auoient blessé beaucoup avec leurs

flèches : les Espagnols aussi se resiouissoient de la grande boucherie qu'ils auoient faicte de ces Indiens. Ny pour cela toutefois n'abandonnerent-ils leurs armes, ains faisoient continuellement la guerre aux Espagnols, & ne leurs laissoient aucun Indien de seruice, tellement que noz gens estoient contraincts eux mesmes labourer la terre, semer, & faire toutes telles autres choses necessaires. Auec telle peine, & fatigue si ne laisserent ils pourtant à descouurir plusieurs pays le long de la coste de la mer, & par tels descouuremens entendirent qu'il y auoit bien pres de là vn Roy, nommé Leucengolma, qui mettoit ordinairement en bataille contre vn autre Roy son voisin, & ennemy, deux cens mille combattans, & que ce Leucengolma auoit vne Isle non trop loing de son pays, en laquelle y auoit vn tres-grand temple seruy par deux mille prebstres, & qu'un peu plus auant estoit le Royaume des Amazones, desquelles la Royne s'appelloit Guanomilla, c'est à dire, ciel d'or, qui donnoit vn argument à quelques vns de penser que ce Royaume estoit opulent, & riche, mais toutefois, puis qu'il estoit situé, comme on dit, à 40. degrez, qu'il n'estoit gueres pourueu d'or. Mais quant à moy ie croy que ce n'est qu'une fable controuuee à plaisir, puis que depuis le temps on n'a encor' sceu veoir ces Amazones, ny aucun or de ce pays, encor' moins Leucengolma, aussi peu son Isle qu'ils surnommoient de Salomon, pour sa grādissime richesse. En mesme tēps q̄ Valdiuia feit ceste cōqueste, le capitaine Gomez d'Aluarado s'en alla cōquerir la prouince de Gua-

nuco, & François de Ciaues alla guerroyer les Con-  
 cinquiens, qui molestoient la ville de Trusiglio, &  
 les autres peuples de là à l'entour, qui auoient de  
 coustume de porter tousiours en leur armee vn I-  
 dole, auquel ils offroient les despouilles de leurs  
 ennemys, & mesme du sang des Chrestiens. Pierre  
 de Vergara s'en alla en Bracamorie, qui est vn pays  
 pres Quito vers la Tramótane. Iean Perez de Ver-  
 gara s'en alla vers les Ciaciapoians, Alphonse de  
 Mercadiglio à Mulubamba, & Pierre de Candie au  
 deffoubs de Collao. Mais cestuy-cy ne peut entrer  
 au pays, où il alloit pour la meschanceté du pays,  
 où bien à cause de ses gens, desquels la plus part se  
 mutina l'un contre l'autre, par ce qu'il y en auoit  
 aucuns amis d'Almagro, entre autres Messa, qui a-  
 uoit esté autrefois maistre de l'artillerie de Pizarre.  
 A cause de ce tumulte Ferdinand Pizarre fut con-  
 trainct y aller, il feit decapiter le capitaine Messa  
 comme auteur de la mutinerie, & aussi par ce que  
 il auoit mal parlé de luy, & de ses freres, & qu'il a-  
 uoit voulu deliurer Almagro si on l'eust mené à la  
 ville des Roys. Il donna les trois cens soldats de  
 Pierre de Candie au capitaine Peranzures, & l'en-  
 uoya au mesme pays. Voila cómo les Espagnols  
 pour lors se despartirent, & conquererent plus de  
 2200. mil de pays en longueur de Leuant en Po-  
 nent avec vne admirable diligence, & promptitu-  
 de, non sans toutefois endurer de grands trauaux,  
 & perte de plusieurs soldats. Ferdinand, & Gon-  
 zalle Pizarre subiuguerent alors Collao, qui est vn  
 pays fort abondant en or, aussi par dedans reuestent  
 ils leurs temples d'or depuis le hault iusques en



bas, & est bien pourueu de grands moutons qui ressembloit toute fois aux chameaux de la croix, aussi diriez vous que ce fussent plustost cerfs. Ceux qu'ils appellent Vacos, portent vne laine fort fine: ils peuuent porter sur le dos vne somme de cinquante à cent liures, & mesme ils portent les personnes, qui vont par pays, mais ils vont trop pesamment, chose possible contraire à l'impatience cholere des Espagnols: quand ils se lassent, ils tournent la teste vers celuy, qui est monté dessus, & iettent vne eau puante, & s'ils se lassent par trop, ils se laissent tomber en terre, & ne se veulent leuer, encor' qu'on les tuaist à coup de bastons, iusques à ce qu'on les ayt deschargez entierement. Les habitans de Collan viuent plus de cent ans, ils ont faulte de mays, & au lieu mangent certaines racines, qui ressemblent à des truffes, ils les appellent papas. Ferdinand Pizarre de là s'en retourna en la ville de Cuzco, où il veid François son frere qu'il n'auoit encor' veu depuis le temps qu'ils seveirent vn peu deuant qu'Almagro fut prisonnier. Ils communiquerent là ensemble de tout ce qu'ils auoient fait, & particuliere. ment des affaires du gouuernement, ils resolurent que Ferdinand pour tous deux iroit, en Espagne rendre raison à l'Empereur de tout, portant le proces d'Almagro, & le reuenu des quints Royaux, & le rapport de toutes les conquestes qu'ils auoient faictes, & combien elles pouuoient fournir de reuenu. Leurs amis, qui sçauoient la verité de tout ce qui s'estoit passé, conseillerent à Ferdinand de n'aller en Espagne, disans qu'ils ne sçauoiét en quel le part, bonne ou mauuaise, l'Empereur prendroit

la mort d'Almagro, mesmement que le capitaine Diego d'Aluaro estoit allé en court pour se plaindre d'eux, & qu'ils pouuoient plus seurement, & mieux negotier leur affaire ne bougeât, qu'en Espagne. Ferdinand au contraire disoit que l'Empereur luy deuoit rendre grandes graces pour les infinis seruices qu'il auoit faits à sa maiesté, & specialement pour auoir appaisé ce pays en chastiant par iustice celuy qui l'auoit mis en trouble. A son departement il pria son frere François Pizarre qu'il ne se fiasst à aucun Almagriste, nommément à ceux qui allerent avec luy à Chili, par ce qu'il les auoit trouuez fort constans en l'amour qu'ils auoient tousiours porté à Almagro, & l'admonesta de prédre garde qu'ils ne fussent iamais ensemble par ce qu'ils le tueroiënt comme il auoit sceu de cinq qu'il auoit trouuez ensemble, delibérans par quels moyens ils le pourroient tuer. Sur cela il print congé de son frere, & s'en vint en Espagne, à la court avec vne grande pompe, monstrant vne grande richesse, mais il ne fut gueres là qu'aussi tost on ne le menast de Valladolid prisonnier à la forteresse de Medine du chāp, d'où il n'est point encor' sorti.

*L'entree que feit Gonzalle Pizarre au pays de la Canelle.*

*Chap. 143.*

**E**Ntre autres affaires, desquelles Ferdinād auoit charge de traiter avec l'Empereur, estoit d'impetrer le gouuernement de Quito pour son frere Gonzalle. Et sur vne assurance qu'auoit François Pizarre que l'Empereur ne le refuseroit point il feit ledict Gonzalle gouuerneur de ladicte Prouince. Aussi tost qu'il eut ce gouuernement il arma à

ses despens, & de ses cōpagnons 200. soldats Espagnols, & cent cheuaux pour s'y en aller, & de là gagner le pays, qu'ils surnommoient la Canelle. Ils emploierent à ceste despenſe iusques à cinquante mille caſtillans, deſquels ils emprunterent la plus grād ſomme. En exploictār ſon chemin il eut quelques rencontres avec les Indiens, & apres arriua à la ville de Quito, & là reforma quelques choſes, qui touchoient ſon gouuernement, & amassa des prouiſions pour ſon camp, il ſe fournit d'Indiens de ſeruiſe pour porter la ſomme, & autres choſes neceſſaires à ſes gēs, & ſ'en alla faire la cōqueſte des la Canelle, laiſſant à Quito pour ſon lieutenant Pierre de Puellas avec plus de 200. Eſpagnols. Il mena avec ſoy cent cinquante cheuaux avec 4000 Indiens, & faiſoit mener pour la prouiſion de ſon cāp trois mille moutōs vaches, & porceaux. Il chemina iusques à Quixos, qui eſt vers la Tramontāne & eſt la derniere ville que Guaynacapa poſſedoit, il y eut grand nōbre d'Indiens, qui comparurent deuant luy avec cōtenance de cōbattre, mais auſſi toſt ſ'eſuanouiſſoient. Ce pendant qu'il eſtoit là, il ſuruint vn grand tremblement de terre, qui engloutit plus de 60. maiſons, & la terre ſ'ouurit en pluſieurs lieux. Il aduint auſſi tant de tōnerres, & deſclairs, & ſi grande abondance d'eau celeſte, & de greſle que nos gens en eſtoient tous eſtonnez. Gonzalle puis apres paſſa certaines mōragnes, où pluſieurs de ſes Indiens demeurerent gelez de froid, & encore outre le froid, la famine les tourmētoit, il cōtinua ſon chemin en grande diligēce iusques à Cumaco, qui eſt ſitué ſous vne mōragne qui iette le feu à ſō ſom-



met. Celieu est bié pourueu de toutes prouisiōs, il demeura là deux mois, durant lesquels ne se passa iour qu'il ne pleut tellement que leurs habillemēs deuinrent quasi tous pourris d'humidité. En ce lieu de Cumaco, & à ses enuiron, qui est sous, ou bien presde l'Equinoxial, est la canelle qu'ils cherchoiēt. L'arbre, qui la porte, est grand, & a ses fueilles cōme celle de laurier, & porte de petits goblets, comme sont ceux, qui couurēt le gland. Ses fueilles, ses coupeaux, son elcorce, & racine, & son fruiēt ont le goust de canelle, mais ces goblets sont les meilleurs. Il y a de grandes montaignes couuertes de ces arbres, & les habitans de ce pays en plantent grād nombre en leurs iardins, & cloz, & à l'entour de leurs maisons pour vendre ceste espicerie, de laquelle se faiēt grand trafic en ce pays. Les habitans vont tous nuds, & se lient leur membre avec vne corde, laquelle ils ceignent à l'entour du corps. Les femmes sont pareillement toutes nuēs, sinon qu'elles couurent leur nature avec vn petit drapeau. De Cumaco ils s'en allerent à Coca, où ils reposerent cinquante iours, & prindrent amitié avecques le seigneur de là. Ils suiurent le courant de la riuere, qui passe par là, & feirent bien cent cinquante mil de chemin sans trouuer pont, ne passage, ils veirēt comme ce fleuue faisoit vn sault de deux cents stades de haut avec vn tel bruit qu'il rendoit les personnes sourdes, ce qui estonna grandement nos gens. Ils trouuerent au dessus de ce sault vn canal faict de pierre large de vingts pieds par lequel passoit ce fleuue, qui auoit bien en profondeur 200. autres stades. Les Espagnols feirent vn pont dessus

ce canal, & passerent de l'autre costé, par ce qu'on leur disoit que c'estoit vn meilleur pays, ils trouuerent quelque resistance en ce pays, mais de peu de vertu, & arriuerent à Guema ville/pauvre, où les habitans ne mangent que fruits, herbes, entre lesquels y en a vn, qui a le goust d'vn aux. En fin ils arriuerent en vn pays, où les personnes estoient plus raisonnables, ils mangent du pain, & se vestent d'abits faits de toile de cotton, mais il pleuuoit si fort, & si continuellement que nos gens ne pouuoient faire essuyer leur robbe. A laquelle occasion, & aussi parce que ce pays estoit quasi tout couuert de paluz, & marets, ils furent contraints faire vn brigantin, encores qu'ils n'en fussent ouuriers: mais la necessité les rendit maistres. Au lieu de poix, ils faidoient de resine, & au lieu d'estoupes ils se seruoient de leurs vieilles chemises, & de cotton: & au lieu de fer, ils battoient les fers des cheuaux qu'ils auoient mangez, car telle estoit leur disette, & mesme furent contraints manger leurs chiens. Gonzalle Pizarre meit en son brigantin tout l'or, ioyaux, vestemens, & leurs merceries, d'eschange, & en donna la charge à François d'Oregliane, avec quelques canoas, où estoient les malades, & quelques autres personnes saines, qui cherchoient des prouisiôs. Ils firent à leur aduis plus de huit cens mille de pays. Oregliane par eau, & Pizarre par terre, suiuant & costoyant tousiours l'eau, se faisans en plusieurs lieux faire voye par force de main, & de fer. Pizarre passoient souuent d'vn costé & d'autre du fleuve pour trouuer meilleur chemin, mais tousiours il faisoit arrester le brigantin, où il se reposoit. Or cō-

me en vn si grád pays ils ne trouuoier̃t aucune prouision, ny richesses quelcôques semblables à celles de Cuzco, Colao, Xaxa, & Paciacama, ils renioient, de despit. Ils s'enquirēt, si il n'y auoit point quelque bone ville aual le fleuue qui fust bien pourueüe, ou ils se peussēt repaistre. On leur dit qu'à dix soleils de là il y auoit vne fort bõne ville, & q̃ ils la recognoistroient à vn autre grád fleuue, qui au pied d'icelle entroit dedans cestui-cy. Suiuāt cest aduertissemēt Gõzalle enuoya Oregliane là pour en apporter des viures, où que pour le moins il l'attēdist là. Mais il ne retourna, ny attendit, ains passa outre comme nous auons recité en vn autre lieu. Ce pendāt Gõzalle chemina tousiours sans s'arrester en aucū lieu endurant de gradissimes trauaux, & pressé de famine, ayāt cuidé par plusieurs fois se noyer en passant des fleuues qu'il rencontroit, & estāt arriué au lieu, où ces deux grands fleuues se ioingnoier̃t sans veoir le brigantin, auquel gisoit toute leur esperance, & qui portoit tout leur biē, il pēsa luy & tous les siens perdre tout entendement & deuenir fols, & insensēz, parce qu'ils n'auoient plus de pieds, ny de santé pour aller plus auāt, & auoier̃t peur des chemins, & montagnes par où ils auoient passé, où ils auoient perdu 50. de leurs compagnons, & grand nombre de leurs Indiens. En fin ils se resolurent de retourner à Quito prenans vn autre chemin à l'aduenture, lequel, encor' qu'il fut fascheux si est ce neantmoins qu'il ne se trouua point si insupportable cōme celuy qu'ils auoient ia faict. Ils employerent à aller, & reuenir vn an & demy, ils feirēt 1200. mil de chemin, ils endurerent des peines infinies, avec les



pluyes continues. Ils ne trouuerent point de sel en la plus grand part des lieux ou ils allerent. Ils ne reuindrēt pas cent Espagnols de plus de deux cens, qui y estoient allez, il ne retourna aucun Indien de tous ceux qu'ils auoient menez, encor' moins retourna il aucun cheual, & les mangerēt tous, mesme peu s'en faillut qu'ils ne mangerent les Espagnols, qui se mouroient, suiuant la coustume, qui est entre les peuples de ce grand fleuue. Quand ils arriuerent où estoient les Espagnols ils baisoient la terre : ils entrerent à Quito tous nuds ayans les espauls & les pieds tous vlceres, afin qu'on veid quels ils estoient deuenuz par ce voyage, tellemēt que ceux mesme, qui encore auoient des collets, bonnets, & soulliers de cuir de cheure à la façon des pasteurs, les auoient ostes à leur entree pour se monstrier ainsi tous nuds. Ils estoient si debiles, si desfigurez qu'o ne les pouuoit cognoistre, & auoiet l'estomach si gasté de manger peu, que non seulement le trop māger les molestoit, mais aussi se sentoient greuez d'vn manger moderé.

*La mort de Francois Pizarre. Chap. 144.*

**A** Pres que François Pizarre fut de retour à la ville des Rois, il s'efforça d'attirer à son amitié Dom Diego d'Almagro, qui de sa part n'en vouloit aucunement, & n'en monstroit aucun signe: car tant par le conseil de Iean de Rada, à qui le pere l'auoit recommandé, que du sien propre il auoit resolu de se venger. Pizarre luy osta les Indiens qu'il auoit afin qu'il n'eust plus de moyen d'entretenir, ny de fournir de prouisions, ceux de Chili, qui se rangeoient de son costé, pensant par là l'a-

pauvrit, & ainsi le reduire à telle necessité, qu'il fut contrainct venir soy-mesme à sa maison le prier de ce qui luy eust peu estre necessaire, & par telle voye rompre les assemblees & monopoles, qu'il eust peu faire contre luy. Mais luy, Jean de Rada, & ses autres amis, s'irriterent d'avantage de ceste façon de faire & porterent des armes en la maison de Dom Diego, tant qu'ils peurent en secret. On aduertit Pizarre de tout, mais il n'en fit cas, disant qu'ils auoient eu assez de fortunes, sans en chercher d'avantage. Vne nuit on attacha trois cordes au lieu patibulaire, qu'estoit au meillieu de la place de la ville, l'une vis à vis de la maison de Pizarre, l'autre deuant la maison du Lieutenant, & Docteur Jean Velasquez, & la troisieme au deuant de celle du secretaire Antoine Piccado. Pizarre ne fit aucune inquisition de tout cela, ce qu'il haussa la hardiesse des Almagristes, en telle sorte, qu'ils s'assembloient de plus de six cens mil loing, pour deliberer auecques Dó Diego, de la mort de Pizarre: car en eauë trouble les pescheurs font leur profit. Ils ne uoient pas le faire mourir, encor que sa mort fut ia cōiuree par entre eux, que iusques à tant qu'ils eussent eu responce du Capitaine Diego d'Auarado, lequel, comme i'ay desia dict, estoit allé en Espagne pour accuser les trois freres Pizarre. Mais ils aduancerent leur entreprinse par la nouuelle qu'ils receurent comme le docteur Vacca de Castro venu d'Espagne, & aussi qu'on leur dict que Pizarre les vouloit tous faire mourir. Si cela n'estoit veritable, c'estoit la malice d'aucuns, qui desirans la mort de Pizarre cachotent la main, de laquelle ils iettoient la pierre.

Pierre. On donna encor aduertissement à Pizarre comme sans doute aucun ils vouloient le tuer, & que partât il se donnaſt garde. Il feit reſponce que les teſtes des autres garderoient la ſienne, & qu'il ne vouloit point auoir autre garde, afin que Vacca de Caſtro ne diſt point qu'il l'armaſt cōtre luy. Vn iour Iean de Rada accompagné de quatre ſoldats, ſ'en alla en la maiſon de Pizarre, pour ſçauoir la verité de ce qui ſ'y faiſoit. Il luy demanda pourquoy il vouloit faire mourir Dom Diego, & les ſiens, Pizarre luy iura qu'il n'auoit iamais penſé telle choſe & qu'encor' moins il l'euſt voulu faire: mais qu'au contraire, on luy auoit diſt que Dom Diego, & les ſiens, le vouloient tuer, & que pluſieurs l'auoient acertené que pour ce faire ils auoient acheté forces armes. Iean de Rada luy reſpondit que ce n'eſtoit pas beaucoup qu'ils achetaſſent des cuirafſes, puis qu'il achetoit des lances. Ce fut vne reſponce trop braue & hardie, & vne puſſilanimité, & imprudence trop grande à Pizarre, de quoy ſur ces parolles, & pour pluſieurs autres choſes, il ne l'arreſta priſonnier. Rada luy demanda permiſſiō pour Dom Diego de pouuoir ſe retirer de la ville, avec tous les ſiens. Pizarre, qui n'entendoit point ceſte diſſimulation, n'en feit aucun compte, & comme n'y penſant point il ſ'amuſoit à cueillir des citrons, eſtant pour lors en ſon iardin, & les donna à Rada luy diſant que c'eſtoient les premiers, qui eſtoient venus en ceſte ville, & que ſ'il auoit neceſſité de quelque choſe qu'il y remedieroit, & la deſſus donna congé à Rada, qui ſ'en alla auſſi toſt rapporter aux cōiurez tout ce que il auoit fait. Ils reſolurent tous



de tuer Pizarre apres la Messe le iour de Saint Iean. Vn des coniurez descourrit toute l'entreprinse à Alphonse de Heuao, chappellain de la grande Eglise, qui la nuit communiqua le tout à Piccado, & à Pizarre, luy declarant entierement toute la trahison, laquelle vn des coniurez luy auoit reuelee en secret, & que pour ceste cause de peur d'estre recogneu, il s'estoit deguisé en cest habit d'homme lay. Pizarre pour lors souppoit avecques ses enfans, il se troubla aucunement à ceste nouuelle: mais vn peu apres estant reuenu à soy, il dict qu'il n'en croyoit rien, par-ce qu'un peu deuant Iean de Rada l'estoit venu veoir, & que celuy qui disoit auoir descouuert telle trahison, ne la mettoit en auant que pour charger ledict de Rada d'une telle meschanceté. Si est ce toutesfois que pour ceste affaire il enuoya querir Iean Velasquez son lieutenant, qui n'y peut venir pour estre couché en son liect malade, & pour ceste cause s'en alla par deuers luy, accompagné seulement d'Antoine Piccado, & de quelques pages qui portoient les torches. Estant là, il dict au docteur qu'il remediait à ceste affaire, l'autre luy fait responce qu'il pouoit demeurer en seurté s'il vouloit, puis qu'il auoit en main le glauiue de iustice, Quant à moy ie m'esmerueille de Piccado, qui ne reschaufa autremét la froidure du gouuerneur, & du lieutenant pour mettre ordre à vn danger si eminent. Pizarre ne s'en soucioit se fiant sur son lieutenant. Le iour de S. Iean venu, il n'allast point à l'Eglise, de peur de ces cōiurez, qui auoiēt deliberé de le massacrer à la Messe, & la fait chanter en sa maison. Le lieutenant François de

Ciaues & autres gētilshōmes, apres la grād Messe s'ē allerēt disner avec luy, & les autres en leurs maifōs. Les coniurateurs voyans que Pizarre n'estoit sorty de sa maison pour aller à la Messe penserent estre descouuers, & mesme d'estre prins s'ils n'exécutoiēt bien tost ce qu'ils auoient deliberé. Entre ceux qui fauorisoient le party de Dom Diego, & qui pour lors estoient prests à executer: le plus grād nombre estoit de ceux de Chili, & y en auoit bien peu de ceux qui s'estoient offerts des autres endroicts, parce qu'ils ne vouloient point encor' se declarer iusques à ce qu'ils eussent veu quelle issue eust pris ceste entreprinse que Iean de Rada vouloit mettre à sus. Ce Rada estant fort cault & rusé, & courageux tout ensemble choisit vnze soldats bien armez lesquels furēt Martin de Vilua, Diego Mendez, Christofle de Sose, Martin Carillo, Arbolācie, Hinojeros Naruaez, Saint Millā, Porras, Velasquez, & François Nugnez, & cōme tous disnoiēt s'en allerēt droit où estoit Pizarre ayans leurs espees nues, & crians au meillieu de la place: tue ce tyran, tue ce traistre, qui a faict mourir Vacca de Castro. Ils disoiēt cecy pour irriter le peuple. Pizarre oyant tel bruit & tels cris cogneut alors ce qui estoit: il feit fermer la porte de la sale, & dit à François de Ciaues qu'il la gardast avec vingt hommes, qu'il auoit pour lors en sa maison, ce pendant qu'il yroit s'armer. Iean de Rada laissa vn homme à la premiere porte de la ruē, qui auoit charge de dire que Pizarre estoit desia mort, afin que tous ceux de Chili vinssent plus hardiement luy donner secours, qui incontinent s'assemblerēt iusques à deux cens. Ce pendant il monte en

haut avec ses dix autres compagnons, François de Ciaux luy ouure la porte, pēsans le retenir, & l'apaiser tāt par sō autorité, que par belles parolles. Mais eux pour entrer auāt qu'ō refermast la porte, luy dōnerent pour responce vne estocade: il meit la main à l'espee, & disant ces mots: cōment seigneurs & amis ? luy donnerent vn grand coup, qui luy fendit la teste si auant, qu'il cheut mort iusques en bas des degrez. Les autres voyans leur chef mort, se jetterent par les fenestres dedās le iardin, & le Docteur Velasquez le premier, tenant avec les dents, le sceptre de iustice, afin q'il ne luy empeschast les mains. Il en demeura seulement sept en la salle qui combattirent, desquels deux furent blecez, & les cinq autres tuez. François Martin d'Alcantara, qui estoit frere de Pizarre, Vargas, & Scandon, pages, vn Nègre, & vn Espagnol seruiteur de Ciaux, defendirēt la porte de la chambre où s'armoīt Pizarre: les pages furent tuez. François Pizarre apres sortit fort bien armé, avec vn courage inuincible, & semblable à vn Cæsar, & quand il eust veu qu'il n'estoit resté seulement que François Martin, il luy dict avec parcelles courageuses: Or sus, mōn frere, chargeōs, nous sommes tous deux seulement assez suffisans pour combattre ces meschans traistres. Mais François Martin ne dura gueres, & ainsi François Pizarre demeura seul, qui manioit son espee avec vne force de lyon, & si dextrement, qu'il ny auoit homme si vaillāt fut-il, qui osast s'approcher de luy. Ieā de Rada en combattant poussa Naruaez, & comme Pizarre sauāgoit pour tuer ledict Naruaez, qui estoit tōbé, tous l'assaillirent ensemble, & le pour-



fuirent iusques à la chambre, où il tomba d'un coup d'estocade qu'on luy donna en la gorge. Le vaillant Pizarre mourut, demandant confession, & faisant le signe de la croix, sans qu'aucun luy dir, Dieu te pardonne : Il mourut le 24. de Iuin. 1541. Ce Pizarre estoit fils bastard de Gonzalle Pizarre, qui auoit esté Capitaine au Royaume de Nauarre. Il nasquit en la ville de Trufiglio, & le porta on deuant la porte de l'Eglise. Il fut par quelqs iours alaité d'une truie, n'ayât personne qui luy voulust dōner de son lait, depuis le pere le recogneut, & estāt grâdet l'enuoya garder ses porcs, & par ce moyen n'apprit aucunemēt à lire. Vn iour ses pourceaux s'esgarerēt, & les perdit, il n'osa retourner à la maison de peur, & s'en alla avec quelqs passans à Seuille, & de là passa aux Indes. Il demeura quelque tēps à S. Dominique, & puis s'en alla à Vraba avec Alfonso d'Hojeda, & avec Vasco Nugnez de Valuo au descouuement de la mer de Midy, & depuis à Panama avec Pedrarias, Il descouurit, & cōquist ce Royaume qu'on appelle Peru, aux despēs de la societé qu'il auoit faite avec Diego d'Almagro, & Fernand Lucque. Il trouua & eut plus d'or, & argent qu'aucū Espagnol n'eust aux Indes, ny qu'aucun capitaine eut iamais voiaagéāt par le mōde. Il n'estoit liberal, ny chiche, il n'estimoit point ce qu'il dōnoit: il auoit grād soing de ce qui appartenoit au Roy. Il estoit grād ioueur avec vn chacun, sans mettre differēce entre les bōs, & mauuais. Il ne s'habilloit pas opulemment, il est bien vray qu'il portoit souuēt vn manteau de martres que Ferdinand Cortes luy auoit enuoyé. Il se plaisoit à porter des souliers blancs, & le chappeau

de mesme, imitant en cela le grand capitaine. Il n'é-  
têdoit pas bien comme il falloit cōmander en paix:  
mais en guerre, il gouuernoit fort bien ses soldats.  
Il estoit d'entendement gros, robuste, courageux,  
vaillât, & honorable: mais avec tout cela, il fut tref-  
negligent à garder sa vie.

*Ce que feut dom Diego d'Almagro, apres la mort  
de Pizarre. Chap. 145.*

**A**V bruiet qu'on tueoit le gouuerneur Pizarre,  
ses amis accoururēt, & au bruiet qu'il estoit des-  
ja mort, les Almagristes venoient, tellement qu'il  
y eut vne grosse meslee, & tuerie entre ceux de Pi-  
zarre, & ceux d'Almagro: mais elle ne dura gueres,  
car les homicides feirent incontineēt monter à che-  
ual Dom Diego, & le menerent par la ville, crians  
qu'il n'y auoit point autre gouuerneur, ny mesme  
autre Roy que luy en Peru. Ils saccagerent la mai-  
son de Pizarre, qui estoit trefriche, & celle d'Antoi-  
ne Piccado, & de plusieurs autres riches personnes.  
Ils se faissiſſoiēt de toutes les armes qu'auoiēt les ha-  
bitans, qui ne vouloiēt dire: viue dō Diego d'Alma-  
gro. Il est vray qu'il y en eut biē peu, qui oserēt cō-  
tredire le vainqueur. Ils feirent en outre que les of-  
ficiers du Roy, & du gouuernement receurēt pour  
gouuerneur dom Diego iusques à ce que l'Empe-  
reur eut commandé autre chose. Ils pouuoient faire  
tout ce qu'ils vouloient, par ce que Ferdinand Pi-  
zarre estoit en Espagne, & Gonzalle son frere au  
pays de la canelle, & si ils eussent esté tous deux  
presens, ou l'un d'eux, ils n'eussent possible pas tué  
leur frere. Cependant le corps de François Pi-  
zarre gisoit là, sans estre enterré, & n'oyoit on

en la ville que plainctes de femmes, qui auoiēt perdu leurs maris, ou qui estoient blēcez, & nul n'osoit toucher au corps de Pizarre sans la volunté de dom Diego, ou de ceux, qui l'auoient massacré. En fin par la permission de dom Diego Iean de Babarao, & la femme feirent enleuer par leurs esclauues Negres les corps de Frāçois Pizarre, & Frāçois Martin, & les feirent porter à l'Eglise, où ils furēt enterrez, fournissans à leurs despens de luminaire, & de tout ce qu'on a accoustumé offrir à tel seruice. Ils cacherent aussi leurs enfans de peur qu'ils ne fussent tuez par telles personnes, qui desia s'estoient baignez au sang de leurs peres, dom Diego disposa du glaue de iustice ainsi que bon luy sembla, & constitua prisonnier le docteur Velasquez, Antoine Piccado, Diego d'Aguero, Guillaume Xuarez, le docteur Caruaial, Barrios, Herrera, & autres. Il feit son capitaine general Iean de Rada, & donna les charges de son armee, & places de capitaines à Garzia d'Aluarado, à Iean Tello, à vn autre François de Ciaues & à quelques autres. Il assembla bien iusques à 800. Espagnols. Il print tous les biens, & meubles de ceux, qui auoient esté tuez par les siens en ceste meslee, & de tous ses ennemis absens, & mesme le quint du Roy: Le tout faisoit vne somme assez grande pour contenter les soldats, & capitaines. Il sourdit incontinent entre eux des dissensions pour le commandemēt, & voulurent tuer Iean de Rada, qui commadoit, & gouernoit tout. Pour ce tumulte dom Diego feit estrangler Frāçois de Ciaues, & en chastia plusieurs autres, il feit trācher la teste à Antoine d'Origuele,



qui vn peu deuant estoit venu d'Espagne, par-ce qu'il auoit dit en la ville de Trusiglio que tous ces gouuerneurs n'estoient que tyrans. Il escriuit par tout à ce qu'on l'eust à receuoir pour gouuerneur. Plusieurs le receurent pour la memoire de son pere, autres pour la peur. Mais le capitaine Alonse d'Aluarado, qui estoit avec cét Espagnols à Ciacia pois arresta prisonniers les messagers, qui luy apportoiēt telles lettres. Ce qu'ayant entēdu dō Diego, il despescha incōtinēt Garzia d'Aluarado pour aller par mer à Trusiglio, & à S. Michel, avec charge de se saisir des armes, & cheuaux des habitans, qui fauorisoient à Alonse d'Aluarado, & que s'estant saisy d'icelles il cheminaſt contre luy. Garzia print en la ville d'Arequipa grand nombre d'or, & d'argent, que les habitans de saint Dominique y auoient, & le dispersa à ses soldats. Il feit pendre Montnegre, & en meit plusieurs prisonniers, il osta la charge de lieutenāt qu'auoit Diego de More à Trusiglio, par ce qu'il aduertissoit de tout Alonse d'Aluarado. Il feit à S. Michel decapiter Villegas, François de Vosmedian, & Alōse de Cabrete grād maistre d'hostel de Pizarre, qui avec les Espagnols de Guanuco sēfuyoit de dō Diego, & Diego Mendez, qui s'en alloit à la ville de l'Argent avec vingt cheuaux. Il prit en la ville de Porco 11070. liures d'argent affinē, & persuada à dō Diego de prendre les mines, reuenus, meubles, & autres biens de François, Ferdinand, & Gonzalle Pizarres, qui estoient riches infiniemēt, & ceux de Peranzures, Diego de Roias, & d'autres.

*Ce qu'on feit en la ville de Cuzco contre dom  
Diego. Chap. 146.*

Sur les lettres que dom Diego auoit enuoyé par tout. Diego de Selus, Roderic, & François de Caranaial preuosts de Cuzco vserent d'une astuce. Car ils requierent dom Diego qu'il luy pleut, auant que le receuoir pour gouuerneur, leur enuoyer mandemens plus amples, & suffisans que n'estoiét ceux qu'ils auoient receuz, & ce pendant assemblerent gens de tous les lieux circonuoisins. Gomez de Tor doia allant à la chasse entendit les nouuelles de la mort de Pizarre, & ce que demandoit dom Diego. Alors il print son faulcon, & luy tordit le col : disant : il est maintenant vn temps plus propre à combattre qu'à chasser, & rentra dedans la ville de nuit, où il communiqua avec le conseil secret de ce qu'il conuenoit faire, & s'en alla deuant iour, où estoit Nugno de Castro, & aduertirent de leurs affaires Peranzures, qui demouroit à Ciarcas, & Pierre Aluarez, qui estoit empesché à la conqueste de Cioquiapo, & Diego de Roias, qui estoit en la ville de l'Argent, & les habitans de Arequipa, & d'autres lieux : Ils manioient bien secrettement toutes ces affaires à Cuzco, parce qu'il y auoit en la ville beaucoup d'Almagristes, qui procuroient l'aduancement de dom Diego. Ils meirent donc ordre à leur faict sous le nom du Roy en ceste sorte. Ils feirent capitaine, & grand Preuost Pierre Aluarez, & s'obligerent de rendre les deniers du Roy, qu'ils prenoient pour soustenir la guerre, si l'Empereur ne les alouyt pour bien despendus. Pierre Aluarez feit Gomez de Tordoya son maistre de camp, pour capitaines de sa cauallerie il esleut Perázures, & Garcilasso de la Vega, & pour l'Infanterie Nugno de Castro,

& donna l'estendard Royal à Martin de Robles. Il fit faire monstre generale, & trouua cent cinquante cheuaux, nonante arquebuziers, & plus de deux cens autres soldats. Quand ceux qui estoient du parti de Dom Diego veirent tel aprest, eurent grād peur, & y en eut plus de cinquante, qui s'enfuirent, apres lesquels Nugno de castro, & Ferdinand Bacciao coururent avec quelques arquebuziers, & les amenerent prisonniers. Pierre Aluarez, qui estoit desja aduerti de l'intention de Dom Diego, sortit de la ville pour rassembler ceux, qui s'estoient tous espars de peur de dō Diego, & pour se ioindre avec Alphōse d'Aluarado pour aller ensēble vers la ville des Rois dōner la bataille à Dom Diego: car il faiseuroit qu'approchant de son ennemy plusieurs soldats de Dom Diego se retireroient de son costé, Dom Diego sçachant la venuē de Pierre Aluarez enuoye deuant Garzia d'Aluarado, & puis part apres avec cent arquebuziers, 150. picquiers, & 300. cheuaux, avec vn grand nombre d'Indiens de seruite: & à fin qu'en son absence il n'y eut quelque rebellio en la ville, il fit sortir dehors les enfans de François Pizarre, & donna la question à Piccado pour sçauoir où estoit le tresor de son maistre, & puis le tua. Il arriua à Xauxa, & s'arresta là, par ce que Iean de Rada tomba malade dont il mourut. Il estoit venu iusques en ce lieu à cause qu'il auoit enuie de rōpre Aluarez deuant qu'il se peult ioindre avec Alphōse d'Aluarado, & avec Vacca de Castro, qui estoit desia arriuē en la ville de Quito, & auoit escrit à Hierome d'Aliaga, Frāçois de Barrio Nouo, & à frere Thomas de S. Martin Prouincial de là.



Du camp de dom Diego se retirerent vers son ennemy Gomez d'Aluarado, Guillaume Xuarez, de Caruajal, Diego de Aguero, Iean de Sajaedre, & plusieurs autres. Ceux-cy auoient esté mis prisonniers apres la mort de Pizarre. Ce pendant Pierre Aluarez luy print quelques espies, qui l'informerent de tout: il en feit pèdre troys, & promet troys mille ducats à vn autre pour espier diligemment tout ce que dom Diego feroit, disant qu'il vouloit l'assaillir par vn certain chemin trauerfant, esgaré, & plein de neiges, mais c'estoit vne ruse pour le deceuoir. Dom Diego print cet espió ayant suspicion de luy pour ce qu'il auoit trop demeuré, luy donna la question, & ayant confessé la verité le feit pendre comme estant double. Aussi tost suiuant la cōfession de cet espie il faict tourner son camp, & le faict mettre en ce chemin trauerfant plein de neges, où il demeura troys iours endurât vn grandissime froid. Ce pendant Pierre Aluarez sans aucun empeschement passe, & se ioinct avec Alphonse d'Auarado à Guarayz, qui est vne ville de Guaylas. De là ils escriuent tous deux à Vacca de Castro, & qu'il vint prédre la charge de l'armee, & du païs pour l'Empereur, dom Diego suiuit Pierre Aluarez trente mil, mais ne le pouuant ioindre, il tourna vers Cuzco pillant tout ce qu'il rencontroit.

*Comme Vacca de Castro s'en alla au Peru.*

*Chap. 147.*

**Q**Vand l'empereur eut entendu les tumultes & guerres ciuilles du Peru, & la mort d'Almagro, & de plusieurs autres Espagnols, il voulut scauoir, qui en estoit cause, pour chastier les sedirieux,

afin qu'après vn chascú se tint en paix, & en vnion. Pour cet effect il enuoya là auec mandemens, & lettres patentes bien amples le docteur Vacca de Castro natif de Maiorcque: & à fin qu'il eust meilleur courage d'entreprendre ce voyage il le feit de son conseil Royal, & luy donna l'habit de cheualier de S. Iacques, & luy feit autres graces, le tout par le moyé du Cardinal Garzia de Loaysa Archeuesque de Seuille, & president des Indes, qui le fauorisoit grandement pour l'amour du Comte de Siruele son amy. Ainsi Vacca de Castro s'en alla au Peru. Il eut à Panama des tourmentes, qui le contraignirent se ietter au port de Bonaventure du gouuernement de Venalcazar, vn pays desesperé, comme les Manglares où fut Pizarre. Il ne voulut ou ne peut de là aller par mer à Lima & print son chemin à la ville de Quito, & peu s'en fallut que par le chemin il ne mourust de faim, & de maladie Pierre de Puellas, par ce que Gonzalle Pizarre n'estoit encor' de retour de son voyage de la canelle, le receut amiablement, & donna aduertissement à plusieurs de sa venue. Vacca de Castro reposa en ceste ville quelque temps, & ce pendát feit ses provisions, qui luy estoient necessaires. Il partit puis apres pour aller à la ville de Trusiglio prendre la charge de l'armee qu'auoient Pierre Aluarez, & Aluorado pour resister à dom Diego. Quand il arriva là il auoit auec luy plus de deux cés Espagnols auec Pierre de Puellas, Laurent d'Aldene, Pierre de Vergara, Gomez de Tordoia, Garcilasso de la Vega; & autres, qui se meirent du costé de l'Empereur. Il presenta ses lettres de l'Empereur au Cónseil,

& toute l'armee. Il fut receu pour gouuerneur, & iuge du Peru. Il rendit tous les estats & offices du gouvernement à ceux, qui les luy remettoient en main. Autant en feit-il des enseignes, & compagnes, reseruât seulement l'estandard Royal pour soy. Il enuoya à Xauxa avec route l'armee Pierre Aluarez qu'il auoit faict maistre de camp general, & laissa à Trusiglio pour son lieutenant Diego de More, & luy s'en alla à la ville des Roys pour leuer gens, & amasser des armes, à fin de croistre son câp, & aussi pour leuer deniers pour payer ses soldats. Il emprunta des habitans cent mille pesans d'or, qui puis apres se payerent sur le reuenue de l'Empereur. Il laissa pour son lieutenant François de Barrio nouuo de Sturie, & pour capitaine des vaisseaux il choisit Iean Perez de Gueuare, leur commandant si dom Diego reuenoit en ceste ville qu'ils s'embarquassent avec tous les habitans, & se iettassent en pleine mer: & puis s'en alla prenant le chemin de Xauxa avec les soldats qu'il auoit leuez, entre lesquels y auoit bon nombre d'arquebuziers. Il emmenoit aussi avec soy grande quantité de poudre. Quand il fut arriné il feit faire la monstre, & trouua six cens Espagnols, autres disent neuf cens, il y auoit 170. arquebuziers, & 350. cheuaux. Il nomma pour capitaines de la cauallerie le maistre de camp Pierre Aluarez, Alfonse d'Aluarado, Gomez d'Aluarado, Pierre de Puellas, & autres, & feit capitaines des arquebuziers Pierre de Vergara, Nugno de Castro, & Iean Perez de Gueuare, & feit grand portenseigne François de Caruaial, par l'industrie, & conseil duquel il manioit ceste guerre. Sur ces entrefai-



Etas on apporta lettres de Quito comme Gózalle Pizarre estoit de retour, & vouloit venir voir Vacca de Castro : mais il luy escriuit aussi tost qu'il ne vint point iusques à ce qu'il luy eust mādé, de peur qu'il fust cause de rompre les appoinctemēs qu'on traictoit avec dom Diego, où de peur que les soldats ne l'eussent pour capitaine general, & gouverneur pour l'amour de son frere François Pizarre, l'amour duquel estoit encor' bien auant enraciné aux cœurs de la plus grand part des capitaines, & soldats.

*L'appareil de guerre que feit dom Diego en la ville de Cuzco. Chap. 148.*

**A**V temps que dom Diego arriua à Cuzco, les habitās estoient en dissention, & pour l'amour d'icelle Christophle Sotelle s'en estoit party desia deuant, & n'estoit resté que Gomez, & Roias, qui tenoit pour Vacca de Castro, mais à l'arriuee de dom Diego personne ne se remua, & ainsi se faist paisiblement de la ville, où il feit incontinent faire de la pouldre, fondre de l'artillerie, battre des armes de bronze, & d'argent, & donna tout ce qu'il peut à ses capitaines, & soldats. Cependant il s'esmeut vne querelle entre Garzia d'Aluarado, & Christophle Sotelle, Garzia tua Christophle avec deux estocades, & puis voulut encor' tuer dom diego, voller la ville, & se retirer à Chili avec ses amys. Pour venir à bout de ceste entreprinse plus aisément, & à son hōneur il faict vne ruse. Il prie dom Diego à venir disner en sa maison, mais scachant desia la trahison, il feignit d'estre malade ce iour là, & feit mettre secrettement en son arriere cham-

bre Iean Balze, Diego Mendez, Alphonse de Saja-  
uedre, Iean Tello , & quelques autres amis de So-  
relle. Garzia d'Aluarado part de sa maison avec de  
ses amys pour aller querir dom Diego pensans l'a-  
mener chez soy, & ne voulut iamais retourner en-  
cor' que Martin Carrille, & Salade l'aduertissent  
de l'embusche qu'on luy auoit dressee. Il pria dom  
Diego de venir disner puis q l'heure estoit venuë,  
& que tout estoit prest. Le me sens tout maldisposé,  
Seigneur Aluarado, dict dô Diego, allôs toutesfois.  
Il se leua de son liêt, & print sa cappe. Ceux d'Alua-  
rado voyâs qu'il s'acheminoit, sortët hors la cham-  
bre, mais aussi tost qu'ils furent sortiz, vn quidâ de  
dom Diego ferma la porte, laissant dedans Garzia  
d'Aluarado tout seul, où il fut tué. Aucûs disent que  
dom Diego le frappa le premier. Ceste mort estât  
cogneuë, les soldats cômencerent à s'esmouuoir: car  
il auoit beaucoup d'amis, mais dom Diego pacifia  
tout incontinent. Il y en eut toutesfoys quelques  
vns qui se retirerët à Xauxa, il meit en ordre toute  
son armee, qui montoit iusques à sept cens Espa-  
gnols. Il y auoit 200. arcbufiers, & 250. cheuaux,  
& le reste estoiet picquiers, & halebardiers, & tous  
auoiet la cuirasse, ou iacque de maille, & les hômes  
de cheual auoiet quasi tous le corselet: C'estoient  
les gens les mieux armez qu'eut onques son pere,  
& mesme Pizarre. Il estoit en outre bië muny de  
bône artillerie, en laquelle il fasseroit grâdemët.  
Il estoit suiuy d'un grand nombre d'Indiens sous  
la conduicte de Paul que son pere auoit faict Ynga  
des Indies. Il partit de Cuzco en grâd triomphe, &  
ne s'arresta q iusques à ce qu'il fut arriué à Vilcas, q

est à 150. mil loing de Cuzco . Il auoit pour son capitaine general lean Balse, & pour maistre de camp Pierre d'Ognate, par ce que lean de Rada estoit ia mort.

*La bataille de Cuzpas, entre Vacca de Castro, & Dom Diego. Chap. 149.*

**V**acca de Castro sen alla de Xauxa à grâde iournee, avec toute son armee à Guamanga, pour entrer le premier en ceste ville, par ce qu'il auoit eu aduertissement que les ennemis s'approchoient pour se mettre dedans. Guamanga est vne ville bié forte, pour estre sur vn haut, & enuironnee de hauts precipices, & estoit de grande importance pour donner la bataille. De là Vacca de Castro escriuit à Dó Diego par Lope d'Ydiacaiz, & Diego de Mercado qu'il luy pardonneroit tous les meurtres, voleries, courses, enuahissemens & autres crimes qu'il auoit faicts: fil vouloit consigner, & mettre entre ses mains son armee, qu'il luy donneroit dix mille Indiens, où il voudroit, & qu'il ne poursuiuroit aucun de ses amis. Diego luy fait respóce qu'il feroit tout ce qu'il luy mandoit fil luy donnoit le gouuernement du nouueau Royaume de Toledé, & les mines, & departement d'Indiens qu'auoit eu son pere. Sur ce arriua à Guaraguaci vn prestre, qui dict à Dom Diego qu'il venoit de Panama, & que l'Empereur luy auoit pardonné, & l'auoit faict gouuerneur du nouueau Royaume de Toledé, & que pour ceste bonne nouuelle il luy donnast quelque chose pour remuneration. Il luy dict d'auantage que Vacca de Castro auoit peu d'Espagnols, encor' mal armez, & mal contens. Ces nouuelles encor' qu'elles



les fussent faulſes, & non creuës, ſi donnerent elles grand courage aux ſoldats. Durant auſſi qu'on traitoit cet accord quelques coureurs prindrent en la campagne Alphonſe Garzia deguiſé en Indien qui portoit des lettres de l'Empereur, & de vacca de Caſtro à pluſieurs capitaines, & gentilshommes, par leſquelles ils leur promettoient de grandes choſes, ſ'ils vouloient ſe retirer deuers eux. Dom Diego ſeit pendre ce porteur de lettres, & ſe complaignit de Vacca de Caſtro, qui ſous couleur de faire vne paix ſubornoit ſes gens. Mais la conſtance, où bien l'indignation fut grande de ſes ſoldats deſquels n'y en eut pas vn qui l'abandonnaſt. Il eſcriuit des lettres aux capitaines, & ſoldats de l'Empereur pleines de propos hautains & deſhonneſtes, leur remonſtrant en outre qu'ils ne ſe fiaſſent point à Vacca de Caſtro, encor' moins au Cardinal de Loaiſa qui l'auoit enuoyé, puis qu'il n'auoit aucune prouiſion de l'Empereur, & ſ'il en auoit, qu'elle ne ualoit rien pour eſtre contre les loix, par ce qu'elle le faiſoit gouverneur au cas que Pizarre mouruſt. Dom Diego ſe fuſt rendu ſi on luy euſt pardonné tout & que l'Empereur euſt ſigné ſa remiſſion, & auſſi qu'on luy euſt donné le gouvernement de ſon pere, ainſi qu'on diſt. Mais deſpité, où ſe conſiant trop ſur ſes forces il publiâ la bataille en preſence de Lope Ydiacaiz, & Mercado, & promeit à ſes ſoldats les biens, & les femmes des ennemis que ils tueroient. Ce fut vne promeſſe de tyran. Auſſi toſt il ſeit retirer plus loing de Vilcas ſon armée, & artillerie, & ſ'alla planter ſur vn couſtau au pied de vne haute montagne à ſix mil loing de Guamanga.

Quand Vacca de Castro eut entendu la resolution  
 de dom Diego, & qu'il eust veu comme il auoit re-  
 mué son camp, il se campa en vne plaine haute nō-  
 mée Ciupas le 15. de Septembre 1542. Les deux ar-  
 mees estoient bien pres l'vne del'autre, mais les  
 cœurs estoient loing, par ce que ceux de dom Die-  
 go desiroient donner la bataille, & les autres recu-  
 loient, disans que Ferdinand Pizarre auoit esté ar-  
 resté prisonnier pour auoir donné la bataille des  
 Salines, encor' qu'il fut enuoié de l'Empereur pour  
 chastier les autres. Vacca de Castro voyât les cœurs  
 des siens refroidiz pour vne peur, leur feit vne belle  
 harâgue les encourageât à la bataille: & afin qu'ils  
 combattissent de meilleure volonté, il condamna  
 à mort dom Diego d'Almagro, & tous ceux, qui le  
 suiuiotent. Il signa ceste sentence, & la feit publier.  
 Le lendemain avec la volonté, & opinion d'vn  
 chacun, il departit sa cauallerie en six esquadrons,  
 feit aduancer deuant Nugno de Castro avec 50. ar-  
 quebuziers pour attaquer l'escarmouche, & luy a-  
 uec vne grande peine monta avec le reste de l'ar-  
 mee sur vn lieu haut, où le Capitaine Martin de  
 Valence bracquâ l'artillerie. Si dom Diego eust def-  
 fendu ce passage, il les eut tous rompus estans des-  
 ia contrains pour gaigner ce coustau marcher en  
 desordre, & se presser. Il n'y auoit entre les deux  
 armées qu'une petite vallee, & s'escarmouchoient  
 desia legerement se frappans seulement du plat de  
 la langue. Dom Diego estoit campé en vn lieu ad-  
 uantageux, & tenoit ses gens en bon ordre, s'il ne se  
 fust changé. Il auoit son infanterie au meillieu, sa  
 cauallerie aux ailles, & son artillerie deuant en vne

longue plaine pour tirer à visée contre ses ennemis, qui l'eussent voulu affronter. Il mit encor à main droite Paul Ynga avecques ses Indiens garnis de frondes, de dards, & de piques. Vacca de Castro fit encor vne longue harangue aux siens, & se mit deuant tous la lance sur la cuisse leur disant qu'il falloit à ceste heure combattre, puis que Dom Diego en vouloit manger. Ils luy respondirent tous que la fidelité, ny le courage ne leur māqueroiēt point, & le prierent, & le forcerent de se tenir derriere, & ainsi demeura à l'arrieregarde avec trente cheuaux. Il mit à main droite la moitié de sa caualerie sous Alphonse d'Aluarado, & avecques l'estādard Royal que portoit Christophle de Barrientos, & les autres à main gauche sous Pierre Alvarez, & autres capitaines, & au meillieu fit ranger son infanterie. Il commanda à Nugno de Castro qu'il se tint à part avec cinquante arcubuziers, & qu'il donnast secours au lieu qui en auoit besoing. Il estoit desia tard, & l'artillerie de dom Diego tiroit furieusement, qui faisoit peur à plusieurs: vn ieune garçon pour se garder d'icelle se cacha derriere vne grosse pierre de roche, le boulet frappa contre, & en fit vller vn esclat qui le tua. Vacca de Castro eut bien voulu remettre la bataille au lendemain pour la nuict: qui s'approchoit, & plusieurs capitaines estoient de cest aduis. Mais Alphonse d'Aluarado, & Nugno de Castro estoient d'opinion qu'il la faillloit donner, encores qu'il conuint combattre de nuict, disans qu'en la dilayant les soldats se refroidiroient, & passeroient du costé de Dom Diego pensans qu'on la refuseroit de peur,



à raison que les ennemis se môstroient en plus grâd nombre. Il y auoit encor' vn autre incôuenient qui les empeschoit de venir au combat, c'est qu'ils ne pouuoient aller droict assaillir leur ennemy sans estre grandement offencez par l'artillerie. Mais François de Carnajal, & Alphonse d'Aluarado guiderent l'armee par vne vallee qu'ils trouuerēt à main gauche, par laquelle ils remonterent du costé de dom Diego sans auoir receu aucun detrimēt de l'artillerie, par ce qu'elle passoit par dessus, & mesme furent contraincts laisser la leur à cause de la montee, qui estoit trop roide, & aussi que les canoniers n'estoient pas trop experts, comme ils le demonstrerēt en vne piece, qui tua cinq de leur compagnons. Dô Diego se meit à marcher vers ses ennemis sans rompre son ordre pour ne se môstrer pour lasche, ne refroidy. Il fut conseillé de faire ain si par ses capitaines. Mais ce conseil fut contre l'opinion de Pierre Xuarez sergent maieur, qui entendoit mieux la guerre que tous les autres, & on dit pour certain que s'il n'eust bougé, qu'il eust gaigné la bataille. Mais il se vint mettre sur la croupe de la montee, & ne peut plus s'ayder de son artillerie. Les Indiens de Paul Yngas commencerent à desbander leurs fiordes, & lancer leurs dards iettans force cris. Nugno de Castro meit ses arquebuziers au deuant qui les feirent retirer. Marticote vint donner secours à ses Indiens, & ain si commença l'escarmouche. Ce pendant les Esquadrons de Vacca de Castro gaignent le hault, & la plaine. L'artillerie tire contre eux, & emporte vn rang de gens de pied, & les fait ouir. Mais les Capitaines les feirent incontinent

referret, & aduancer le pas, qui fut vn mauuais conseil, car ils eussent esté tous mis en pieces, si François de Carnajal qui gouuernoit ces escadrons ne les eust retenuz iusques à ce que l'artillerie eust cessé de tirer. Durant ces escarmouches les arquebuziers de dom Diego tuerent Pierre Aluaez, & blecesserēt Gomez de Tordoya, qui tōba mort en terre. Pour laquelle chose, & pour le grād eschech que faisoit l'artillerie sur l'infanterie, le capitaine Pierre de Vergura, qui estoit aussi blecé, comença à crier apres la cauallrrie qu'elle eust à donner dedans. Les trompettes, & clairons sonnerent l'alarme, & aussi tost la cauallerie descocha sur l'ennemy, dom Diego avec vne grande furie picque à l'encontre, & à la premiere rencontre des lances il en tomba par terre beaucoup d'vne part, & d'autre, & d'auantage encore quand on vint de plus pres aux mains avecques les haches, & espees. La bataille fut pour vn temps en grand doubte sans pouuoir dire de quel costé s'inclinoit la victoire, encore que l'infanterie de Vacca de Castro eust gaigné l'artillerie: aussi ceux de dom Diego auoiēt mis à mort grand nombre de leurs ennemis, & auoient encor' deux cornettes entieres. Il faisoit déjà nuict, & l'vn & l'autre vouloit dormir la victoire en la main, & pour ceste cause le combat se rechauffa plus ardemment, & tous combattoient hardiment comme lyons, ou pour mieux comme vrayz Espagnols, considerans que le vaincu deuoit perdre la vie, l'honneur, les biens, le gouuernement du pays, & le vainqueur estre maistre de tout. Vacca de Castro avec ses trente cheuaux fōça vers la

main gauche de son ennemy, où il brauoit desia, & se tenoit comme vainqueur. Il se renouuella encore là vne tierce bataille, où Vacca fut vainqueur, encor qu'on luy eust tué le capitaine Ximenez, Mercado de Medine, & autres. dom Diego voyant les siens vaincuz se ietta dedás ses ennemis, afin qu'en combattant on le tuaist, mais aucun ne le blessa, ou par ce qu'on ne le cognoissoit poit, où à cause qu'il combattoit courageusement. A la fin il s'enfuit avec Diego Mendez. Iean Roderiguez Varragan, Iean de Guzman, & trois autres, & s'en alla vers la ville de Cuzco, où il arriua en cinq iours. Il restoit encore Christophle de Sose, & Martin de Viluaa, qui hardiment, où temerairement crioient que c'estoient eux, qui auoient tué François Pizarre: ils furent mis en pieces combattans valeureusement, plusieurs se sauuerent pour estre desia nuit, & autres prindrent les escharpes rouges des soldats de Vaca, qui gisoient morts. Les Indiens, qui comme gardans les arres attendoient l'issuë de la bataille, tuerent Iean Balse, & vn commandeur de Rhodes, & plusieurs autres qui s'enfuyoient vers vn autre Ynga. Il mourut trois cés Espagnols de la part du Roy, & grand nombre de l'autre part, mais non pas tant. Ce fut vne bataille bien sanguinolente, & peu de capitaines eschapperent vifs, par ce qu'ils combattoient avec la plus grande constance du monde, il en demeura de blessez plus de quatre cens, la plus part desquels mourut ceste nuit de froid.

*La iustice que feit Vacca de Castro de Dom Diego d'Almagro & de plusieurs autres.* Chap. 150.



Vacca de Castro employa la plus grand part de la nuit à haranguer, & louer ses capitaines, & gentilshommes. Les plus grands venoient par deuers luy le congratuler de ceste victoire qu'il auoit gaignee. A la verité tous meritoient d'estre louez, & luy d'estre esleué iusques au ciel. Ils saccagerent apres, les tentes de dom Diego, où ils trouuerent bon nombre d'or, & d'argent, & tuerent tous ceux qu'ils y trouuerent. Aucun ne se desarma de peur d'une surprinse de l'ennemy: car ils ne sçauoiēt pas bien s'il y en auoit de restez, & cōme ils s'en estoient fuis. Ils endurerent grand froid ceste nuit & faim, & auoient grande pitié, & compassion des cris & plainctes que faisoient les blesez se sentans mourir de froid, & estre despoillez par les Indiens, lesquels mesme les acheuoient de tuer avec des massés, leur couppans les testes pour les despoiller. Mais le iour estant venu Vacca de Castro enuoya quelque cheuaux courir la campagne, fait habiller les blesez, & enterrer les morts. Il fait porter à Guamāga les corps de Pierre Aluarez, Gomez de Tordoya, & de quelques autres. Il fait trainer le corps de Martin de Viluoā par ce qu'il auoit tué François Pizarre. On fait le semblable à Martin Carille, Arbolancie, Hinojeros, Velasquez, & autres. Ils employerent ce iour à telles choses, & le lendemain ils arriuerent à Guamanga où Vacca de Castro commença à chastier les Almagristes, qui estoient prins & blesez: on en recouura en ceste ville plus de 160. On bailla en garde leur armes aux habitās. Le docteur de Gama eut la charge de faire leurs proces, il fait en peu de iours leur arrest, & par iceluy on

meit en quatre quartiers les capitaines Iean Telo. Diego de Hores, François Perez, Ieá Perez Iean Diéte, Marticote, Basille, Cardenas, Pierre Ognate maitre de camp, & autres trente que ie ne nomme point pour euiter prolixité. Vacca en confina quelques vns, & pardonna aux autres. Il renuoya à leurs maisons tous ceux, qui auoient departement d'Indiens, & charges de villes. Il enuoya le capitaine Pierre de Vergara peupler les Bracamores qu'il auoit ja subiuguez, & s'en alla à Cuzco, de peur que Dom Diego luy fust osté par quelques vns, qui luy vouloient du bien. Dó Diego, qui s'en estoit fuy en ceste ville pensant ramasser quelques forces ne peut seulemēt assembler quatre personnes, ains au contraire son lieutenant Roderic de Salazar de Toledé, & Antoine Ruiz de Gueuare preuost, & autres habitans le prindrent, & meirent prisonnier le voyás vaincu, & seul. Vacca de Castro luy feit trancher la teste, & feit pendre Iean Roderiguez, Varragan, & Henry portenseigne, & autres. Diego Mendez eschappa de la prison, & se retira vers vn Ynga, qui demeueroit aux montagnes, & fut depuis tué par les Indiens. Par la mort de dó Diego le Royaume du Peru deuint aussi paisible qu'il estoit deuant qu'il suruint aucune inimitié entre son pere & Pizarre, & pouuoit Vacca de Castro gouerner tout en toute iustice, & equité, & cōmander à tous les Espagnols sans aucun contredit. On louoit grandement l'esprit de dom Diego, mais non pas l'intention, ny le peu de respect qu'il eut du Roy. Car estant si ieune il végea par le conseil de Iean de Rada la mort de son pere, sans auoir voulu prédre

chose aucune des biens de Pizarre, encor' qu'il fut en grande necessité. Il sçauoit cōme il failloit conseruer ses amis, & gouverner le peuple, qui volontiers le receuoit, encor' qu'aucune fois il vst de rigueur, & permit quelque sac pour cōtenter les soldats, il combattit vaillamment, & mourut catholiquement. Il estoit fils d'une Indienne de Panama, & estoit plus vertueux que n'ont accoustumé d'estre tels enfans yssus d'Indienne, & Espagnols. Ce fut le premier, qui print les armes, & cōbattit contre son Roy. On s'esmerueille de la cōstāte amitie que les siens luy portoient : car iamais ne l'abandonnerent iusques à ce qu'ils fussent du tout vaincuz, encor' qu'on leur offrist pardon de tout le passé, tant a de force le premier amour, la premiere affection, les picques, & indignations qui s'impriment vne fois en l'esprit del'homme. Apres ceste bataille il resta beaucoup de soldats, qui n'auoient guerres vaillant, & auoient encor' moins à faire. Vacca de Castro craignant qu'ils ne suscitassent de nouveau quelques tumultes semblables aux passez tant pour preuenir à cest inconuenient, qu'aussi pour conquerir, & conuertir les Indiens, enuoya plusieurs capitaines en diuers endroits. Entre autres Diego de Roias, Philippe Gutierrez de Madrid, & Nicolas d'Heredia, qui emmenerent avec eux grosse troupe de soldats. Il enuoya Monroy donner secours à Valdiuia, qui en auoit bon besoing à Chili, & Jean Perez de Gueuare à Mulubamba, qui est vne ville, & pays, qui ja estoient commencez à subiuguier. Ce pays est riche en mines d'or, & est situé entre les deux fleuues de Maragnon, & del'Ar-



gent, où pour mieux dire ces deux fleuves naissent en iceluy, lesquels en cest endroit nourrissent certains poissons de la grandeur, & semblance d'un chien, & mordent les hommes comme un chien. Les gens de ce pays vont tous nuds, vsent de l'arc, mangent chair humaine. On dit que pres de là vers la Tramontane on veoid des chameaux, des coqs, comme ceux de Mexique, & du bestail fourché plus petit que celui du Peru, & qu'aussi là aupres sont les Amazones d'Oregliane. Vacca de Castro enuoya querir Gonzalle Pizarre, & luy donna permission d'aller aux pays qu'il auoit peuplez, & au departement qu'on luy auoit donné des Ciarcas. Il distribua les Indiens, qui estoient vacquans par ceste guerre: plusieurs se pleignirent de ceste distribution, à cause qu'ils n'y auoient point eu part. Il feit plusieurs ordonnances au grand profit des Indies, qui pour lors commencerent à estre en repos, & à cultiuer la terre: car par les guerres passees, ils auoient esté fort mal traictez, & dit-on que durât ce temps il en mourut plus de 1500000. & plus de 1000. Espagnols. Vacca de Castro demeura en la ville de Cuzco un an & demy, durant lequel temps on descouurit des mines d'or, & d'argent riches au possible.

*La visitation du conseil des Indes Chap. 151.*

**D**Es dissentiōs du Peru, desquelles no<sup>9</sup> auōs traicté cy dessus, aduint qu'il faillut, pour y metre meilleur ordre pour l'aduenir, qu'on feit vne recherche sur le conseil des Indes, & y establir nouvelles loix, qui furent neātmoins cause de la mort d'un grand nombre de personnes, & susciterent

beaucoup de maux, non pas par-ce qu'elles estoient meschantes, mais à cause qu'elles estoient par trop rigoureuses, comme nous dirons. Le docteur Iean de Figueroe Auditeur du conseil Royal fut cōmis pour faire ceste informatiō. Les Auditeurs de ce cōseil estoient le docteur Bertrād, le docteur Gutierrez Velasquez, le docteur Iean Vernal de Lugo, & le licentié Iean Xuarez de Carauajal Euesque de Lugo. Le procureur fiscal estoit le docteur Villalobos, le Secrettaire Iean de Samagno, & le President frere Garzia de Loaisa Cardinal, & Archeuesque de Seuille, l'Empereur ayant veu quelques informations priua du conseil le docteur Bertrand, & l'Euesque de Lugo. L'Euesque demeura tousiours à la suite de la court, & de là à quatre, où cinq ans, l'empereur le feit cōmissaire general de la Cruciade. Le docteur Bertrād se retira à nostre Dame de Graces de Medine des champs, où il auoit vne maison. Il remercioit Dieu de ce qui luy permettoit finir le reste de ses iours sans se meller d'affaires, sans ieuz, & sans troubles. C'estoit vn homme subtil, & fort resolu, estant Aduocat il gaigna de grands salaires, & laissa ceste pratique pour entrer au conseil Royal, d'où depuis on l'osta. Ie l'ay veu pleurer ses disgraces se pleignant de soy mesme, de ce qu'il auoit laissé son aduocasserie pour tenir l'audience, il auoit fort aymé le ieu: sa femme, & ses enfans iouyoient aussi, qui le ruinerent. A toute personne le ieu ne vault rien, mesme à ceux, qui ont des faciendes, & qui maniét les affaires d'un Roy, & d'un royaume. Le Cardinal ne fut pas aussi sans auoir vn calomniateur, qui par ce moyen pensoit succeder

en son estat de Presidēt. Mais il fut tousiours trouué net, il estoit aussi grandement fauorisé de l'Empereur, & estoit amy du secretaire François de los Couos, qui auoit la superintendance de tous les affaires du Royaume.

*Ceux qui ferrent les loix & ordonnances des Indes.*

*Chap. 152.*

L'Empereur ayant entēda le desordre, qui estoit au Peru, & les mauuais traictemens qu'on faisoit aux Indiens, voulut remedier à tout, comme Roy iuste, & ialous du seruice de Dieu, & de l'auantage des hommes. Il commanda au docteur Figueroe, qu'apres auoir prins le sermēt il examinast les gouuerneurs, conquesteurs, & religieux, qui auoient esté aux Indes, tant sur la qualité des Indies, que sur le traictement qu'on leur faisoit, & si l'opinion, de quelques moynes estoit veritable, qui disoient qu'il ne pouuoit conquerir ces pays. Il chercha en outre personnes de sçauoir, & de bōne conscience, qui feissent des loix pour bien, & sainctement gouuerner les Indes. Il esleut le Cardinal frere Garzia de Loaisa, Sebastien Ramirez Euesque de Cuenca, & president de Valladolid, qui auoit esté president à S. Dominique, & à Mexique, Dom Iean de Zuniga gouuerneur du ieune Prince Dom Philippe, & grand commandeur de Castille, le secretaire Couos grand commādeur de Leon: Dom Garzia Manrique, comte d'Osorne, & president des ordres des Cheualiers, qui auoit de lōg temps manié les affaires de l'Indie en l'absence du Cardinal Loaisa: le Docteur Fernand de Gueuare, & le Docteur Iean de Figueroe, qui estoiet de la cham-



bre du Roy: le Docteur Mercado auditeur du conseil Royal: le Docteur Vernal: le Docteur Gutierrez Velasquez: le Docteur Salmeron: le Docteur Gregoire Lopez, qui estoient auditeurs des Indes: & le Docteur Jaques d'Aiteaga. Ils s'assembloient pour traicter & aduiser ensemble chez le Cardinal, & feirent, encor' que ce ne fut avec la volonté de tous, quarante loix qu'ils appellerent Ordonnances, lesquelles l'Empereur signa de sa main, à Barcellone, le 20. de Novembre 1542.

*Les grandes esmotions qui aduindrent au Peru, à cause  
des Ordonnances. Chap. 153.*

**A**Vssi tost que les Ordonnances, & nouvelles Loix furent faictes pour les Indes, ceux, qui de là estoient en Espagne, les enuoyerent en diuers quartiers de l'Indie à leurs amis, & furent cause de faire esmouuoir troubles par tout. La plus grande esmotion aduint au Peru, par ce qu'il n'y auoit si petite ville en iceluy, qui n'eust eue copie des Ordonnances. Ils commencerent à sonner le toczin par tout, & s'assembler, se mettans en furie oyans lire telles Loix, aucuns se malcõrentoient de l'exécution d'icelles, autres renioient, & tous mauldissoient frere Barthelemy de la Case, qui les auoit procurees: les hommes ne mangeoient point de fescherie, les femmes, & les enfans ne faisoient que pleurer: les Indiens s'en-oi guailloient, qui estoit vne chose grandemét à craindre. Tous les peuples escruiuent les vns aux autres, & consultoient de ce qui estoit à faire sur ces Ordonnances. Ils trouuerent expedient d'enuoyer à l'Empereur quelque grand, & riche present d'or, pour la despence qu'il

auoit faicte à l'entreprinse d'Alger, & à la guerre de Parpignan. Aucuns en escriuirent à Gonzalle Pizarre, autres à Vacca de Castro, qui trouuoient leur requeste bonne, pensans par ceste voye exclurre Blasco Nugnez, & demeurer seuls au gouuernement du Royaume. Ie ne dis pas eux deux tous seuls ensemble; mais chascū pensoit seulement pour soy: car s'ils y fussent demeurez seuls ensemble, c'eust esté encores pis. Tous les pays, donc, espluchoient entr'eux la vertu, force, & equité, de ces nouuelles Loix, & avec personnes doctes, qui ja demouroient en ces pays, pour eux suiuant l'avis, en escrire au roy, & le remonstrer au Vice Roy, qui venoit pour les executer. Il y eut aucuns de ces gens doctes, qui conseillèrent qu'ils ne tomberoient point en desobeissance, ny en crime aucun n'obeissant point à telles Ordonnâces, & q̄ c'estoit encor' moins presenter requeste à l'encôtre, disans qu'ils ne les rompoient point, puis qu'ils ne les auoient iamais accordées, encor' moins obseruées. & qu'elles ne deuoient point auoir lieu de Loix, & qu'elles n'obligeoient, puis qu'elles auoient esté faictes sans le consentement de la communauté des Royaumes, qui a accoustumé dōner autorité, & qu'encor' moins l'Empereur pouuoit faire telles Loix, sans premier les auoir faict entendre à ceux, qui representoient tous les Royaumes du Peru. Ils disoient d'auantage que toutes ces Loix estoient iniustes, excepté celle qui defendoit qu'aucun peut charger les Indiens, & s'en servir pour porter la somme, & celle qui commandoit de taxer les tributs, celle aussi qui vouloit qu'on chastiaist ceux qui traicteroient mal & cruel-

lement les Indiens, & celle qui commādoit d'auoir soing de faire instruire les Indîes en la foy, & quelques autres, & qu'on auoit mal conseill   l'Empereur de signer les autres, qui ne meritent point d'estre appellees Loix, comme celle qui commandoit que les auditeurs, & officiers s'employassent certaines heures du iour    aduiser c  me le reuenu de Roy pourroit croistre, & celle qui nommoit pour president le Docteur Maldonado, & autres qui estoient plustost Instru  ti  s, que Loix, & ne sentoient rien qu'inuention de Moynes. Par telles raisons vn chascun prenoit courage, & les Capitaines, principalement ceux qui s'estoient employez aux c  quetes, & les soldats prenoient plus grande hardiesse de dresser requestes    l'enc  tre de ces Ordonn  ces, & m  me y contredire. Il y auoit d'auantage, qui les rendoit plus fiers, c'est qu'ils auoient deux part  tes de l'Empereur, par l'une desquelles il leur donnoit &    leurs f  mes, &    f  as les departem  s qu'ils auoient, afin qu'ils se maria  ssent, commandant expressement se marier, par l'autre il ne vouloit qu'aucun fust spoli   de ses Indiens, & de son departement, sans que premier il fut appell   en iugem  nt, & c  demn  .

*Comme Blas  o Nugne  z Vela, & autres quatre Auditeurs s'en allerent au Peru. Chap. 154.*

**A** Pres q   les Loix, & Ordonn  ces pour les Indes eurent est   faites, on c  seilla    l'Empereur d'enuoyer avec icelles au Peru h  mes capables, & suffisans, par ce qu'elles sembloient    la verit   vn peu rudes, & que les Espagnols, qui estoient l  , estoient ja accoustumez    remuemens, & nouueautez. Sa maiest  , qui cognoissoit bi   cela, esleut & enuoya,



avec tiltre de Vice Roy, & quarante ducats d'estat  
 par iour, Blasco Nugnez Vela grand cheualier, &  
 Capitaine des gardes, homme hault à la main, &  
 tel qu'il failloit pour executer entieremēt ces loix.  
 Il feit aussi vn Parlement au Peru, car deuant on re-  
 leuoit les appellations à Panama. Il nomma pour  
 Auditeurs le Docteur Diego de Cepede de Tor-  
 desglas : le Docteur Lifon de Tejada: le Docteur  
 Pierre Ortiz de Zarate, & le Docteur Pierre Alua-  
 rez. Et par ce que depuis que le Peru auoit esté des-  
 couuert, on n'auoit point ouy les comptes des Of-  
 ficiers, il enuoya pour les ouir Augustin de Zaratte  
 qui estoit secretaire du Conseil Royal. Ainsi, donc,  
 Blasco Nugnez. partit avec ces quatre Auditeurs,  
 & arriua à la ville du Nō de Dieu le 10. de Ianuier,  
 1544. Il trouua là Christophle de Barrientos, & au-  
 tres du Peru, qui vouloient faire voile en Espagne  
 avec bonne quantité d'or, & d'argent. Il requist les  
 Preuosts q̄ par l'autorité de iustice, qu'ils auoiēt,  
 ils feissent arrester cest or, iusques à ce qu'il fut ve-  
 rifié d'où, & cōme ils l'auoiēt leué. Car on luy auoit  
 dit qu'ils auoiēt v̄edu des Indières, & qu'ils en auoit  
 fait traualier d'autres aux mines. Cecy fut cause  
 de ce q̄ s'esmeurent, & se pleignerēt les habitans, &  
 ceux, à qui appartenoit l'or, tant pour leur dōmage  
 particulier, que par ce qu'ils voyoient que Blasco  
 vouloit entreprēdre en vne ville, qui n'estoit point  
 de son gouuernement: & n'eust esté l'aduis des au-  
 diteurs, qui ne vouloient rien faire, qu'en leur iu-  
 risdiction, il eust tout confisqué suiuant les ordon-  
 nances qu'il portoit, faictes contre ceux, qui par  
 force faisoient traualier aux mines les Indiens. De

là il s'en alla à Panama, où il mit en liberté tous les Indiens du Peru qu'il peut recouurer, & les renuoya en leur possession: il y en eut aucuns qui se cachereut de peur d'estre renuoyez, disans que c'estoit leur meilleur d'auoir vn maistre, que d'estre sans: autres demeurerēt au Port Vieil, où il feit débarquer tout l'or, qui estoit à ceux de la ville du Nom de Dieu. Et afin q̃ les Espagnols de ces deux villes ne murmurassent plus, il dict qu'il vouloit pour le present seulement proceder à l'encontre de Vacca de Castro, qui permettoit, & mesme commandoit qu'on feit traualier les Indies aux mines, & pour ceste cause luy, & les quatre Auditeurs commencerent à tenir en surseance beaucoup de choses. Ce pendāt ces quatre Auditeurs tombent malades, & sont retenuz au liēt. Blasco Nugnez ne laissa à partir sans les vouloir attendre, encor' qu'ils l'en priaissent, & le cōseillassent de n'aller seul, pour les tumultes qu'il sçauoit ja estre esmeuz au Peru. Il arriua à Tombez le 4. de Mars. Il met en liberté tous les Indies, & oste toutes les Indiennes que les Espagnols tenoient pour concubines, & commanda aux Indiens de ne donner aucun viure aux Espagnols sans payemēt, & qu'ils ne portassent plus sur leur dos la somme contre leur volonté. Cela donna aux Espagnols autant de desplaisir, & fascherie, que de plaisir & allegresse aux Indiens. Entrant en la ville de saint Michel, il commanda à certains Espagnols qu'ils payassent les Indies, qui avec eux portoient leurs hardes sur leur doz. Il feit là publier à cry public les Ordonnances. Il feit depeupler les Tambos, il donna liberté aux Indiens es-

claves, & aux forçats: il taxa les impôts: il osta les Indiens, qui estoient soubz le département qu'auoit eu Alphōse Palomine, qui auoit esté là Lieutenant du gouuerneur, & ce suiuant ces nouuelles Loix, où il estoit comprins particulièrement: pour ceste cause on ne le conuersoit plus, & ne luy donnoit on à manger, comme s'il eust esté excommunié. Apres Blasco Nugnez s'en alla, en sortant de la ville, les femmes Espagnolles, se mocquās, crioient apres luy, disant qu'il menoit avec soy l'ire de dieu, & le maudissoiēt, & prioient que Dieu le feit bien tost finir mal. Il disoit qu'il feroit pendre en effigie ceux qui auoient appellé, ou présenté requeste contre ses commandemens, signez seulement par vn sien seruiteur, qui n'estoit notaire, ny secretaire du Roy. Les habitans de ceste ville se scandalisoient encor' plus de ses paroles, & de sa rudesse, que des Ordonnances.

*Ce que feu Blasco Nugnez avec ceux de Trusiglio.*

*Chap. 155.*

**B**lasco Nugnez entra avec vn grandissime des-  
plaisir des Espagnols, dedās Trusiglio, où il feit  
publier les Ordonnances, taxer les tributs, mettre  
en liberté les Indiens, & defendre qu'aucun les peut  
cōtraindre à porter la somme sur le dos, sans payer.  
Il osta aussi à yn chascū les vassaux, & les mit sous  
le nom du Roy, suiuant ces Ordonnances. Le peu-  
ple, & chapitre appella de ces nouuelles Loix, excep-  
té de celle qui commandoit de taxer les tributs,  
& impôts, & de l'autre qui defendoit de contrain-  
dre les Indiens, les approuuans comme bonnes, &  
iustes. Blasco ne voulut receuoir leur appel, ains



ordonna grosses peines contre les iuges, qui viendroient au cōtraire, disant qu'il auoit expres commandement de l'Empereur, pour les faire executer, sans ouir aucun, & sans auoir esgard à aucū appel: mais leur disoit que s'ils pensoient auoir raison de se plaindre qu'ils se retirassent vers l'Empereur, & que luy-mesme escriroit que sa maiesté auoit esté mal informee pour ordonner telles Loix. Les habitans ayans veu telle rigueur en cest homme, couuerte toutesfois de quelques bonnes paroles, commencerent à se despiter, iurer & blasphemer. Aucuns disoient qu'ils laisseroient leurs femmes: & de faict, les eussent abādōnees, si on ne les eust menacez de les spolier de tout ce qu'ils auoiēt. Autres disoient qu'il leur estoit meilleur n'auoir ne fēme, ny enfans, si on leur ostoit les esclauues, & les nourrissoient par le traual qu'ils faisoient aux mines, au labour des terres, & autres œuures. Autres demandoiēt qu'il leur payast les esclauues qu'il leur ostoit, puis qu'ils les auoiēt achetez mesmes du Quint du Roy, comme il apparoiſſoit par les marques, qu'ils auoient au frōt, qui estoient du Roy. Autres disoiēt qu'ils prenoient leurs trauaux & seruices pour playes & maux, si en leur vieillesse ils n'auoiēt, qui les seruiſſent: Ceux-cy mōſtroient leurs dērs cheutes, pour auoir mágé du maiz roſty, en la conqueste. du Peru. Autres mōſtroient les blessures qu'ils y auoient receuës: autres les dētees que les crocodilles leur auoient donnees. Ceux qui auoient entrepris les conquestes, se complaignoient de ce qu'apres auoir despēdu tout leur patrimoine, sās espargner leur sang, pour acquerir le Royaume

#### 4. LIVRE DE L'HIST.

du Peru à l'Empereur, on leur ostoit ce peu de vassaux, que luy mesme leur auoit donné de grace. Les soldats disoient qu'il en failloit chercher d'autres, si on vouloit faire d'autres conquestes, puis qu'on leur ostoit l'esperance de tenir vassaux, & qu'ils s'employeroient plustost à volder tout ce que ils pourroient. Les Lieutenans & Officiers du Roy se sentoient greuez grandement de ce qu'on les priuoit de leurs departemens, sans auoir mal traité les Indiens, puis qu'ils ne les auoient point pour raison de leurs estats : mais seulement en remuneration de leurs peines, & seruices. Les Prestres mesme, & les Moynes, se plaignoient, disans qu'ils ne pourroient se substenter, encor' moins seruir à l'Eglise, si on leur ostoit le peuple que on leur auoit donné. Celuy, qui fut plus hardy, & eut moins de respect du Vice Roy, & du Roy meisme, fut frere Pierre Mugnoz, disant que sa maiesté payoit mal ceux qui l'auoient si bien serui, & que ces Loix sentoient plus son interest, & profit particulier qu'aucune sainteté, puis qu'il retiroit les esclaves, qu'il auoit venduz, sans rendre les deniers, & de ce qu'il prenoit les terres pour le Roy, les ostât aux Monasteres, Eglises, Hospitaux, & à ceux qui par leurs conquestes estoient cause de ce profit: & ce qui estoit pis, qu'il imposoit double tribut, & seruice aux Indiens qu'ils mettoit sous le nom de l'Empereur, dequoy eux mesme n'estoient pas trop cõtens. Le Vice Roy vouloit grãd mal à ce Moynes, & luy aussi luy en vouloit iusques à la mort par ce qu'une fois de nuit il l'auoit battu en la ville de Malaga en Espagne cõme il en estoit gouuerneur.

*Le serment de Blasco Nugnez, & de l'emprisonnement  
de Vacca de Castro. Chap. 156.*

Vacca de Castro ayant veu à Cuzco, où pour lors il demeueroit, les Ordonnances, se meit en ordre pour aller en la ville des Roys receuoir Blasco Nugnez, mais bien accompagné de bon nombre d'Espagnols, ce qui feir douter de sa volôré. Pour ceste cause les Citoiens de la ville des Roys, ayans entendu qu'il venoit avec main forte, luy manderent qu'il ne s'approchast point plus pres, puis que le gouuerneur n'y estoit point encor' venu: car ils auoient peur d'estre par luy chastiez de ce que quelque temps deuant ils n'auoient voulu receuoir vn Lieutenant qu'il leur enuoyoit. Quelques particuliers escriuirent aussi à Blasco Nugnez qu'il se hastast pour entrer en la ville deuant Vacca de Castro, de peur que s'il retardoit trop, on ne le receut possible point en ce gouuernement. Vacca de Castro scachant la volonté des habitâs, laissa les armes, & quasi tous ceux, desquels il s'estoit accôpagné. Il fut conseillé des siens, de s'en retourner à Cuzco, & tenir la ville pour le Rôy appellant de l'exécution des Ordonnances: mais iamais ne voulut. Il arriua à Lima, où il trouua les habitâs en volonte diuerfes, les vns vouloient le Vice Roy, autres non. Gaspart Roderiguez voyant approcher Blasco Nugnez laissa Vacca de Castro, & ce retira à Cuzco ramenant avec soy force habitans de ceste ville, & les armes que Vacca auoit fait laisser en chemin, pour defendre ceste ville côme on pourroit. Blasco Nugnez partit de la ville de Trusiglio en grande furie. Il arriua au Tambo, qu'on nomme



la Barranca, où il ne trouua que mager, mais trouua seulement vn mot escrit, qui disoit, celui qui viendra m'oster mon bien, qu'il se garde s'il est sage, il pourra perdre la vie. Il festōna de ceste esécriture, & demanda si on sçauoit qui l'auoit escrit. On luy dict, qu'vn peu deuant y estoient venus quelques meschīs avec Xuarez de Caruajal facteur du Roy. A ce Tambō arriua Gomez Perez avec lettres de Ynga Mango, & de Diego Mendez, & autres six Espagnols du party de dom Diego d'Almagro, par lesquelles ils demandoient congé, & sauf conduict de venir vers Blasco Nugnez, avec Mango Ynga. Il leur pardonna tout le passé, afin que plus volontiers ils veinssent. Mais ils furent tuez par l'ignorāce de Gomez mesme. Ils souloient iouer ensemble avec Mango Ynga à vn certain ieu du pays auquel Gomez Perez auoit accoustumé de tromper. Quand il fut de retour ils se meirent tous à iouer, & comme Gomez trompoit, Mango dict à vn sien domestique qu'il le tuast la premiere fois qu'il le verroit tromper. Vne Indienne aduertit Gomez de ce que Mango auoit dict à son seruiteur. Gomez sans considerer plus auant donne vn coup d'estoc en la poictrine à Mango. Quand les Indiens veirent leur seigneur mort, ils tuerent Gomez, & tous les autres Espagnols, & prindrent pour Ynga le fils du defunct, avec lequel ils se sont retirez en certaines montagnes hautes, & rudes sans plus vouloir l'amitié des Chrestiens. Or, pour reuenir d'où'estois fort, Blasco Nugnez auant qa'arriuer à Lima sceut comme ceux de ceste ville auoient deliberé de ne luy donner ęntree si premier il ne leur accorderoit

l'appel qu'ils interiectoient sur ces Ordonnances iurât qu'il ne les mettroit à executiō, & s'il ne vouloit faire leur deliberation, qu'ils l'enuoyeroiēt lié, & garrotté hors le Peru. Il sceut d'auantage comme tous estoient enflambez contre luy de ce qu'il faisoit ainsi executer de faict ces Ordonâces, & qu'ils disoient mille maux de luy. Il enuoya deuant Diego d'Agüero regent de la mesme ville pour appaiser la cholere des citoyens, disant que Nugnez auoit du tout changé sa fureur en douceur pour auoir veu à l'œil le dommage, & le mescontentement qu'un chascun auoit de l'executiō de ces nouuelles Loix. Auant, donc, que Blasco Nugnez entraist en ceste ville de Lima, autrement sur-nommee des Roys, le facteur Guillaume Xuarez au nom de tous print le serment de luy qu'il garderoit les priuileges, franchises, & graces que ceux qui auoient conquis & peuplé le Peru, auoient de l'Empereur, & qu'il acquiesceroit à l'appel, qu'ils proposoient sur l'execution des Ordonnances. Il iura de faire tout ce qui seroit au seruice de l'Empereur, & à la conseruation de ces Royaumes, habitans, & Espagnols. Ceux, qui estoient presens, dirent incontinent qu'il auoit iuré avec vne finesse, entendant l'execution des Ordonnances estre pour le bien des Indiens, & pour le seruice de l'Empereur. Il entra en ceste ville avec vn grand silence, & facherie de tout le peuple. Iamais ne fut vn hōme en si grād horreur ny si hay que cestuy-cy, en quelque ville, où il arriuaist pour porter ces Loix: lesquelles il publia publiquement sur peine de bannissement, & commença à les executer, encores qu'on

le priaist de n'en rien faire, de peur que le Espagnols se reuollassent, & voulsissent cōseruer leurs departemēs. Mais il feit le sourd à tout ce qu'on luy dict, pour faire la volonté & commandement del'Empereur. Il voulut sçauoir la volonté de Vacca de Castro, qui s'entendoit avec Gonzalle Pizarre, & qui estoient ceux, & cōbien ils pouuoient estre, qui se manifestoient contraires aux Ordonnances. Il appaisa les Indîés, qui se mutinoient, & se vouloiēt rebeller sans plus cultiuier leurs terres, & les ense-mencer. Il meit en prison Vacca de Castro, disant, qu'il auoit signé des lettres de quelque departemēs comme gouuerneur lors qu'il estoit ja arriué au Peru, & qu'il incitoit le peuple à parler mal des Ordonnances, & qu'il auoit laissé retourner 'a Cuzco, Gaspar Roderiguez, & autres. Il aduint incontinent vn grand murmure, & dissention pour l'em-prisonnement de Vacca de Castro, de Dom Louys de Cabrere, & autres qu'il print avec luy.

*Ce que feit Gonzalle Pizarre à Cuzco contre les Ordonnances.*

*Chap. 157.*

**P**Lusieurs Capitaines des conquestes du Peru escriuirent tant de lettres à Gōzalle Pizarae qu'ils le resuelllerent de la où il estoit en la Prouince des Ciarcas, & le feirent venir en la ville de Cuzco depuis q̄ Vacca de Castro en fut party pour aller à la ville des Roys. Quand il y fut, plusieurs se vindrēt ré-ger vers luy par ce qu'ils auoient peur d'estre pri-uez de leurs vassaux, & de leurs esclauēs. Plusieurs autres aussi y venoient, qui ne demandoient que des nouuelletez pour s'enrichir, Tous le prierent qu'il s'opposast aux Ordonnances qu'auoit ap-



porté Blasco Nugnez, & qu'il executoit sans aucun respect. Qu'il en appellast, & que mesme il les empeschast par force s'il en estoit besoin, que pour ce faict ils le prenoient tous desja pour capitaine, ils le defendroient, & le suiuroient. Pizarre pour les esprouuer, ou pour se iustifier leur dict, qu'il ne luy commandassent point telle chose. Car de contredire aux ordonnances, encore que ce fust par requeste, c'estoit contredire à l'Empereur qui vouloit resolument qu'elles fussent executees, & qu'ils considerassent bien comme legierement les guerres se commençoient, comme leur cours estoit penible, & dur à entretenir, comme leur fin estoit tousiours douteuse, & que pour chose aucune, il ne vouloit s'accorder à eux contre le service qu'il deuoit à son Roy, & qu'il ne vouloit recevoir la charge d'estre Procureur pour eux en ceste affaire, encores moins d'en estre Capitaine. Alors tous pour luy persuader, luy alleguerent plusieurs choses pour la iustification de leur entreprinse. Aucuns disoient que puis que la conqueste des Indes leur estoit permise, ils pouuoient à bon droit retenir pour esclaves les Indiens qu'ils auroient prins en guerre. Les autres disoient que l'Empereur, ne pouuoit oster les vassaux qu'une fois il leur auoit donnez, spécialement durant le temps de la donation, parce qu'il en auoit donné à plusieurs comme pour dot, afin que plustost ils se mariaissent. Autres disoient qu'ils pouuoient deffendre par armes leurs vassaux, & leurs priuileges avec une impunité telle qu'est celle, avec laquelle les nobles Seigneurs, qui ont sief en Espagne, defendent leur liberté, qui

leur a este octroyee pour auoir donné secours, & aide à leurs Rois pour oster les Royaumes de la puissance, & tyrannie des Mores, puis qu'aussi eux s'estoiēt employez à cōquerir les Royaumes du Peru, & les arracher des mains des idolares, & que pour recompense de leurs trauaux, on leur auoit donné, comme aux autres, ces vassaux, & priuileges. Finablement tous disoient qu'ils ne meritoiēt aucune peine procedans par voye de requeste, ou d'appel de l'exécution. Plusieurs passoient outre: & disoient qu'ils estoient iustement exempts de toute peine, encor' qu'ils contredissent à ces Ordonnances puis qu'aparauiant on ne les auoit point obligez d'y prester leur consentement, ny de les recevoir pour Loix. Il ny eust pas faute de quelqu'un qui dict, qui c'estoit vne chose difficile & vn cōseil enragé de faire la guerre à son Roy sous couleur de defendre son biē, & proposer telles choses, qui n'estoient point de leur art, encor' moins de la fidelité qu'ils denoient. Mais en fin ils proffiterent peu à vouloir gagner, & practiquer celuy, qui ne vouloit point escouter, par ce qu'ils disoient non seulement ce, qui en quelque chose touchoit leur faueur, mais aussi parloiet comme soldats, disans mal de l'Empereur leur Roy, & seigneur, pēsans luy tor dre le bras, & l'esponuenter par brauades. Ils disoient en oultre que Blasco Nugnez estoit trop terrible, qu'il estoit grand ennemy des riches, qu'il estoit Almagriste, qui auoit faict pendre vn prestre à Tombez, & faict mettre en quatre quartiers vn seruiteur de Gonzalle Pizarre, par ce qu'il alloit cōtre Diego d'Almagro, qui auoit expres comman-

dement de tuer Pizarre, & de punir tous ceux, qui auoient esté avec luy en la bataille des Salines. Pour conclusion, ils disoient qu'il estoit de meschant naturel, qu'il deffendoit de boire vin, manger des escpices, & du sucre, de se vestir de soye, de se faire porter en portoirs. En fin, avec toutes ces choses parrie feinctes, partie vrayes, Gonzalle Pizarre se condescendit à estre leur Capitaine general, & Procureur, pensant comme il desiroit entrer par la manche, & sortir par le collet. Le chapitre, c'est à dire la communauté de Cuzco, qui est chef du Peru, esleut pour Procureur general, & les autres chapitres de Guamangua de l'Argent, & d'autres lieux, & les soldats l'esleurent pour Capitaine luy donnans tous vne procuration fort ample. Pizarre iura de garder & faire tout ce que portoit sa procuration. Il met l'enseigne au vent, faict sonner le tabourin, prend le tresor de la maison du Roy, & par ce qu'il y auoit en ceste ville bonne quantité d'armes de la bataille de Ciupas, il arma incontinent iusques à quatre cés hommes de cheual, & de pied. Plusieurs se scandalizerent de cela, & ceux, qui manioient les affaires du gouuernement de la ville se repentirent de ce qu'ils auoient faict, voyans Gonzalle Pizarre prendre la main entiere luy ayans donné seulement le doigt. Mais il ne reuocquerent le mandement que ils auoient ia donné, encor' que plusieurs secretement protesterent du mandement qu'on luy auoit donné, entre lesquels furent Altaminaro Maldonado, & Garcilasso de la Vega.

*L'appareil de guerre que feit Blasco Nugne & Vela.*

*Chap.*

158.



**B**lasco Nugnez voyant le peuple de la ville des Rois esmeu par ce qu'il ne vouloit acquiescer à leur appel & de ce qu'il auoit mis prisonnier Vacca de Castro, & autres, leua cinquante arqbuziers pour sa garde, & en fit capitaine Diego d'Urbi-ne. Apres ayant entendu les assemblees, qui se faisoient à Cuzco, y enuoya le Prouincial frere Thomas de S. Martin, & apres luy F. Hierosme de Loaysa premier Euesque, & Archeuesque de la ville des Roys, pour asseurer Pizarre, que il n'auoit apporté d'Espagne aucunes lettres patentés à son detrimēt, mais au contraire qu'il scauoit bien que sa maiesté auoit bonne enuie de luy gratifier en tout & par tout, pour les seruices qu'il luy auoit faicts, & pour les trauaux qu'il auoit soufferts pour accroistre la gloire de sa renommee, & que partant il le prioit de ne le troubler en son gouuernement, & de ne se vouloir meller en ces brouilleries, qu'il vint en toute liberté, & comme amy domestique le veoir, & qu'ils parleroient ensemble de ces affaires. Gonzalle ne vouloit point laisser entrer l'Euesque, encor moins luy donner audience apres qu'il fut entré. Ains au lieu d'entendre au conseil de l'Euesque procura d'estre esleu gouuerneur. Ce qu'ayant obtenu, il enuoya incontinent à Guamangua vingt pieces d'artillerie, & mit ordre à tout ce qui estoit besoing pour la guerre. Quand Blasco eut ouy la mauuaise intention de Gonzalle, & que le peuple cōmençoit ia à auoir peur il fit assembler ses gens, qui se trouuerent iusques à mille, par ce que les Almagristes se ioingnirēt de son costé, & autres peuples specialement les Septentrionaux. Il fit faire

monstre à son armee, & paya vn chacun. Il feit tout cecy avec la volonté de tous, & par l'aduis des Auditeurs, & officiers du Roy, qui soubfignerent à la guerre au liure des Resolutiōs. Il feit capitaine general son frere Vela Nugnez, & François Louis de Alcantara grand port-enseigne, & pour capitaines de la cauallerie il feit dom Alphonse de Grandmont, & Diego de Cucto son cousin, & capitaines de l'infanterie Paul de Meneses, Martin de Robles, & Gonzalle Diez, & esleut pour maistre de camp Diego d'Vrbine, qui auoit 50. arquebuziers. En ceste armee y auoit 200. cheuaux, & bien autant d'arquebuziers. La ville des Roys estoit bien munie, & fortifiee, & en estat de soustenir vaillamment l'ennemy. Blasco haulsa la paye aux soldats. Il despensit tous les reuenus du Roy, & tout l'or que Vacca de Castro auoit prest pour enuoyer en Espagne, encor' emprunta il des marchans grand nombre de deniers. Durāt qu'il dresseoit ainsi son equipage Alphonse de Caceres, & Hierosime de la Serne arriuerent en deux vaisseaux d'Arequippa. La Serne venoit de la ville de Cuzco, & s'estoit embarqué à Arequippa. Gaspar Roderiguez l'auoit enuoyé Blasco Nugnez pour l'aduertir de tout ce qu'il se faisoit par delà, & pour rapporter de luy vn mandement de tuer Gonzalle, ou de l'arrester prisonnier par ce que le moyen s'offroit biē aisé pour ce faire Roderiguez par le moyen de ses amis auoit persuadé à Caceres de se retirer avec ces deux vaisseaux vers le parti du Vice-roy, & nō avec Pizarre comme il vouloit. Blasco fut fort aise de leur venue, & bien marri d'ouir dire que Gonzalle estoit si

muny d'armes & d'artillerie, & qu'il auoit le peuple de ce quartier si fauorable. Il suspendit les ordonnances pour deux ans, & iusques à ce que l'Empereur eust commadé autre chose faisant des protestions, qui furent escrites au liure des Resolutiōs, comme la suspension estoit faicte par force, & que l'exécution de ces ordonnances estoit à tous trop odieuse pour pacifier le Royaume. Il feit des proscriptions cōtre Gonzalle faisant publier qu'il estoit permis à vn chacun de le tuer impunement, & tous ceux qui le suiuoient, promettant à ceux, qui les tueroient leurs biens, & les departemens qu'ils auoient: chose qui irrita d'auantage ceux de Cuzco, & qui mesme ne pleut gueres aux habitans de Lima. Suiuāt sa proscription il distribua incontinent quelques departemens, qui appartenoient à ceux qui s'estoient retirez vers Pizarre. Il disoit publiquement que tous estoient traistres, excepté ceux de Chili, & qu'il les failloit chastier tous. Il commanda à ses gens de tuer Diego d'Vrbine, & Martin Robles, quand ils viendroient à sa maison s'il leur faisoit signe du doigt: mais par ce que Robles, qui estoit bien aduisé, & cault par son beau parler l'auoit addoucy, il ne feit point le signe, & ainsi ne furēt point tuez. Il leur dict à eux mesme ce qu'il auoit proposé ne pouuant rien tenir secret: qui fut cause qu'eux, & quelques autres n'osoient se retirer la nuit en leurs maisons pour reposer.

*La mort du facteur Guillaume Xuarez de Caruaial.*

Chap. 159.

**B**lasco Nugnez ayant peur que ses affaires succe-  
dassent mal à cause du grand nombre d'hom-



mes, qu'auoit Gonzalle Pizarre, ennoya en diuers lieux de ses gens pour leuer des Espagnols, comme Fernād d'Aluaredo à la ville de Trusiglio, & Villiegas à Guañuco. Il vint de diuers lieux bon nombre d'hommes, & entr'autres Gonzalle Dias de Finere, qui amena de bons hommes de Quito, & Pierre de Puellas de Guanuco, d'où il estoit gouuerneur, qui emmena avec soy, quinze de ses amis, entr'autres François de Spinosa. De Ciapiapias vint Gomez de Solis de Caceres avec Diego Boniface, Vilalobos & autres braues hommes. Avec tout cela, si est ce que Blasco Nugnez se deffioit de donner bataille, & ne pouuoit s'asseurer de la gaigner. Il eut encor' plus grande frayeur, & n'osoit mettre son armee aux champs. Il feit clorre toutes les entrees de la ville laissant seulement des canonnières. Cela fut cause de faire perdre le courage à tous les siens, & aux habitans, & depuis ne fut tant estimé comme deuâr. Vn peu deuant cecy (ce qui luy seruit bien d'excuse) Louis Garzia de S. Mamer, qui estoit Courtier à Xauxa, luy apporta certaines lettres escrites en chiffres du docteur Benoist de Carnal pour le facteur Xuarez sō frere. Ce chiffre luy donna du soupçon, mesme qu'il y auoit ja quelque temps qu'il auoit conceu vne hayne contre ce facteur. Il monstra ces lettres aux Auditeurs demandant s'il pouuoit le tuer: il luy respondirent que non sans sçauoir premierement le contenu des lettres, & pour en sçauoir la verité l'ennoyrēt querir, il vint aussi tost, il ne chagea aucunement de contenance pour tout ce qu'on luy dict, encore que les menaces, desquelles on vsoit en sō endroit,

fussent assez hautaines. Il leur la lettre, & le docteur Jean Alvarez meit en escrit sommairement le contenu, qui estoit des armes, des gens, & de l'intention qu'auoit Pizarre, qui, & combien y auoit de mal contens avec luy, & que quant à luy il viendrait incontinent offrir son seruice au Vice-Roy, aussi tost qu'il pourroit partir sans danger de sa personne, ainsi comme le mesme facteur luy mandoit. Benoit enuoya vn peu apres le contrechifre, & trouua on estre vray ce que le facteur auoit leu: & suiuant ceste lettre le docteur Caruaial vint à Lima deux ou trois iours apres que Blasco Nugnez fut prisonnier sans auoir rien entendu de la mort du facteur. A quelques iours de là Gonzalle Diaz s'enfuyoit vers Pizarre, aussi feirent Hierosmes de Caruaial, & Escobedo neueux du facteur, avec Diego de Caruaial le braue, qui tous demeuroient en la maison du facteur, & furent cause de sa mort. Autres aussi s'en allerent avec eux comme Balthasar de Castille, Pierre de Caruaial, & Royas d'Antechere, Gaspar Mexia de Meride, Pierre Martin de Sicile, Roderic de Salaza, & le bossu de Toledé, & plusieurs autres bons soldats, qui feirent grand' faulte à l'armee. Le Vice roy ayant entendu come ceux cy s'estoient retirez fut fort fasché, & entra en grand cholere, mesme à cause qu'ils estoient partis de la maison du facteur, & en la compaignee de ses neueux. Il enuoya apres eux le capitaine dom Alphonse de grand-mont avec cinquante cheuaux, qui fut prins par ceux qu'il vouloit prendre, mais ce fut par la meschanceté des siens. Il enuoya querir le facteur ceste mesme nuit, & estant venu luy dict :

Qu'elle

Qu'elle trahison est ce cecy? Aucús disent qu'il luy dict: En la malheure soyez vous venu traistre. Le facteur luy feit responce: Je suis aussi bon seruiteur du Roy que vous, & autres parolles. Le Vice-Roy, estoit en colere repliqua: Ne sont ce pastrahisons, & villannies d'enuoyer ses neueux avec tant de bõs soldats à Pizarre? d'escire au Tambo tout ce que vous sçaez? & n'auoir point voulu bailler monture à Balthasar de Loaysa pour porter mes pacquets à la ville de Cuzco? & puis vostre frere le docteur veut iustifier la cause de Gonzalle Pizarre: n'a on pas priué du conseil des Indes l'Euesque vostre frere pour semblables choses? Apres cela comme le facteur repliquoit pour se descharger, Blasco luy donna deux coups de poignard crians tuez le, tuez le. Ses gens estans venuz aussi tost l'acheuerét de tuer, aucuns toutesfois iettoient leurs cappes sur luy, afin qu'on ne le blessast point. Il feit mettre les corps dedans vne gallerie basse. Alphonse de Castro lieutenant d'Aguzail pour Vela Nugnez le feit enterer, & luy donna vn tombeau, sur lequel estoit grauee sa pourtraicture. Ceste histoire m'a esté airée si recitee par Laurent Mexia de Figueroc, Laurent d'Estopignano, Riba de Veyra, & autres gentils-hommes, qui s'y trouuerent presens, encores que Blasco Nugnez iurast qu'il ne l'auoit touché, & qu'il ne vouloit point qu'il mourust. La mort du facteur fut cause de grand tumulte, par ce que c'estoit vn homme de grande reputation. Elle fut cause aussi d'intimider les habitans si fort qu'ils n'osoient de nuict demeurer en leurs maisons. Blasco Nugnez sentant sa conscience, disoit souuét aux Auditeurs,



& à plusieurs autres que la mort du facteur deuoit estre cause de la sienne, cognoissant la faulte qu'il auoit faicte.

*Comme le Vice-roy Blasco Nugnez Vela fut mis prisonnier. Chap. 160.*

**O**N murmuroit fort à Lima pour la mort du facteur, disant que chasque fois qu'il plaisoit au Viceroy il tueoit qui bon luy sembloit, & tous desiroient Pizarre. Blasco, Nugnez oyoit bien tout, & estoit en grande peine. A ceste cause pour n'estre plus en vn lieu, où il estoit si mal voulu, delibera de s'en aller à la ville de Trusiglio avec le parlement, & les finances du Roy. Pour emmener les biens, & les femmes il feit equipper deux ou trois vaisseaux, desquels il feit capitaine Hierosme de ZurbaráBiscain. Il feit armer aussi ces vaisseaux pour garder la coste à cause qu'on disoit q Pizarre armoit deux nauires à Arequipa pour comâder sur la mer, & en estre maistre. Il meit en ces vaisseaux le docteur Vacca de Castro, & les enfans du Marquis dom François Pizarre avec dom Antoine de Riuiere, qui les auoit en charge avec sa femme dame Agnes, & donna tout le reste en garde à Diego Aluarez. Il cõmuniqua aux Auditeurs trois iours apres la mort du facteur, de son entreprise leur persuadât d'aller à Trusiglio, emmenât leurs femmes, & tout l'or, & le fer qu'il auoit. Il emmenoit les fêmes pour obliger les mariz à les suiure, & emportoit l'or, & l'argët pour entretenir son camp, & le fer, affin qu'il ne tōbast entre les mains de Pizarre, qui en auoit faulte tant pour ferrer ses cheuaux, que pour faire des arquebuzes. Les Auditeurs ne trouuerent pas sa delibera-

tion bõne disans, qu'ils ne partiroyét point, & qu'encor' moins pouuoient ils sortir de la ville des Rois, par-ce que l'Empereur leur auoit ainsi commandé par les ordonnances dernieres, & aussi afin qu'ils ne dõnassent point à cognoistre qu'ils eussent peur de Gonzalle, qui estoit encor' à plus de 200. mil loing de là, & que par ce moyen ils feissent perdre courage aux habitans, & à ceux qui estoient là pour faire seruice à l'Empereur. Par telles raisons & autres qu'ils luy dirent, il leur promeit de ne bouger. Mais apres qu'ils furent sortis de sa maison, il enuoya querir les officiers du Roy, & les capitaines de l'armee, Alphonse Riquelme Thresorier, Iean de Caceres maistre des comptes, Carzia de Sanzedo contrerolleur, Diego Aluarez, Vela Nugnez, dom Alphonse de Grand mont, Diego d'Vrbine, Paul Meneses, Martin de Robles, Hierosime de la Serne, qui auoit l'enseigne de Gózalle Dias, & Pierre de Vergara, qui n'auoit point encor' de compagnie. Il leur declara son intention, & les causes, & raisons qui le mouuoient de laisser la ville des Rois & se retirer en la ville de Trusiglio, & leur commanda d'estre prests pour le lendemain, par ce que sans doute il s'é vouloit aller par mer emmenât avec soy les femmes, & les biens, Vela Nugnez conduiroit par terre le reste des soldats. Il n'y eut aucun d'eux qui luy contredit estans tous garnys de peu de cuer. S'ils luy eussent resisté comme firent les Auditeurs, il ne se fut pas resolu si promptémét, & eussent esté cause qu'il n'eust pas esté arresté prisonnier, & encor moins l'eut on depuis tué. Ils allerét toutefois en aduertir les Auditeurs, lesq̃ls

l'assemblerent en la maison du docteur Cepeda, & apres auoir bien consulté de cest affaire resolurent de ne partir point de là, & de ne laisser point sortir les habitans, croyans que Pizarre n'auoit point l'esprit si malin, cōme depuis il le demonstra. Ils dressèrent vne requeste pour le Vice-roy, affin qu'il ne s'en allast point, & feirent des lettres qu'ils feirent publier, par lesquelles ils deffendoient aux habitās de ne laisser embarquer leurs femmes, croyans que demeurans tous en la ville des Roys, le Vice-roy se voyant seul de son opinion seroit contrainct de s'en retourner en Espagne rendre cōpte de sa charge à l'Empereur, & que Gonzalle Pizarre romproit puis apres son armee en luy accordant la requeste qu'il presentoit contre les ordonnances: Mais si le Vice-roy ne vouloit rien faire de leur conseil, que facilement ils l'arresteroient prisonnier, où le feroient mourir, & puis resteroient seuls avec le manniement de toutes choses. Cepeda, & Diego Aluarez meirent ce conseil en auant. Azenedo le meit par escrit, & Bernard de saint Pierre, qui estoit Chancelier le scella avec les deux seaux & fut signé par Tejada, qui se rengea de leur opinion: ils estoient tous amis, & natifs de la ville de Logrogne. Les Auditeurs passerent tout le iour en ceste affaire, ce pēdāt que le Viceroy faisoit charger ses nauires, & mettre en ordre sa cauallerie. Cepeda toute la nuit feit prouision d'armes, & de viures avec douze de ses amis & seruiteurs. Tejada, qui auoit peur, demanda pour vn autre affaire au Vice-roy douze arquebuziers: & le lendemain matin les Auditeurs se rassemblerent en la maison de Cepeda, & comme



il y auoit plus d'apparence de munitions que d'audience en ceste maison vn des arquebuziers de Tadjada courut dire au Vice-roy que les Auditeurs s'ar-  
moient contre luy. Sur ceste nouuelle Blasco se le-  
ue aussi tost, & faict sonner l'alarme par la ville.  
Vela Nugnez, Meneses, & la Serne avec leurs com-  
pagnes de gens de pied, & François Louis d'Al-  
cantara avec sa cauallerie viennent à sa maison, de  
façon qu'en peu d'heure s'assèblerent plus de 400.  
Espagnols des principaux, & bien armez. Aucuns  
d'iceux ne trouuans pas bon les façons de faire du  
Vice-roy, & sa demeure au Peru le prièrent qu'il ré-  
traist dedans sa maison, & qu'il ne se meit en dâger.  
Blasco sans considerer plus auant se retira dedans sa  
maison avecques cinquante cheuaux, cè qu'il ne de-  
uoit pas faire. Aucuns furent bien aises de ceste re-  
traicte, autres perdirent courage. Il est certain que  
sil ne se fust retiré en sa maison (qui fut vn signe  
de grande couardise) il n'eust esté prisonnier, par ce  
que sa presence eust donné courage à ses gens, &  
les eust retenuz. Vela Nugnez estoit demeuré de  
hors avec son esquadron attendant ce qu'il aduien-  
droit. Ce pendant il sembloit que touté la ville  
d'eut fondre pour les plâinctes, & pleurs accom-  
paignez de haults cris que iettoient les femmes.  
Les Auditeurs qui n'auoient pas trente hommes se  
voyoient perdus, & neantmoins feirent publier  
la deffence que nous auons dictes. Estants en si  
pauvre estat François de Scobar leur dit alors : sor-  
tons dehors en la ruë, & mourons, combattans  
comme hommes de bien, & nō point enfermez icy  
comme poulles. Avecques vn si noble courage

les Auditeurs saillient dehors, & marcherēt droict vers la place. Martin de Robles, & Pierre de Vergara se ietrent incontinent du costé des Auditeurs, où pour n'aller point avec le Vice-roy, où pour obeyr à ce que les Auditeurs auoient faict publier, où par ce que, cōme on dit, ils estoient d'accord avec eux. Il y en eut aussi plusieurs tant de pied que de cheual, qui les suiuerent crians liberté pour attirer le peuple. Ils commencerēt à tirer quelques coups d'arquebuzes l'un contre l'autre du bout de la rue en la place. Vela Nugnez les attacquoit de pres, & en print quelques vns. Ramitez le hardy enseigne de Martin de Robles pousse d'une grande hardiesse, & plante son enseigne au meillieu de la place. Le capitaine Vergara avec son espee, & rōdelle passe bien auant. Les capitaines du Vice-roy se retirēt en sa maison, & la plus part des soldats se mettēt du costé des Auditeurs, qui estoient à la porte del'Eglise. Il n'y eut pas tant de sang espandu comme on pensoit. On iettoit la faulte sur les capitaines, qui s'en estoient fuys n'ayants pas grande volonté de combattre. Autres disoient que la faute estoit des soldats, & habitans, qui tournoient leurs piques, & arquebuzes derriere eux. Ils assaillirēt la maison de Blasco, qui se defendoit courageusement. Aucuns ne luy vouloient faire mal, autres n'auoient pas grand enuie de luy pardonner, comme tresbien ils demonstroient disans ce mot de la passio : son sang soit sur nous, & sur nos enfans, & autres telles parolles autāt vrayes que plaisantes. Bonauéture Bertrand, & autres disoient au combat qu'ils se gardoiēt pour ce iour là. Antoine Robles entra seul en

la maison, & feit ouurir les portes, difât au Viceroy qu'il se rendit: lequel voiant qu'il ne pouuoit faire autre chose se rendit à Martin de Robles, Pierre de Vergara, Laurent de Aldene, & Hierosme d'Aliaga, les prians qu'ils le menassent à l'Auditeur Cepeda. Aucuns disent qu'il ayroit mieux mourir que se rendre, mais qu'il se rendit à la priere de quelques religieux, & gentils-hommes, qui l'assurerent de n'auoir aucun mal s'il s'en alloit hors le Peru. Aucuns de ceux qui menoient Blasco Nugnez disoient en allant viue le Roy, tue moy donc disoit Blasco. Alors Pardanes seruiteur du facteur Guillaume Xuarez chargea son arquebuz pour le tuer, & l'eust tué si la poudre eut print feu. On luy feit plusieurs telles moqueries ce pendant qu'on le menoit. Quand il se veid deuant les Auditeurs, qui estoient bien accompagnés il se changea du tout, & dit prenez gar de seigneur Cepeda qu'on ne me tue. Cepeda luy feit responce qu'il n'eust point de peur, & qu'on ne luy toucheroit non plus à sa vie qu'à la sienne propre. Ainsi on le mena en la maison de cepeda, ou on luy donna seure garde, on dit toutesfois qu'on ne luy osta point ses armes.

*Comme les Auditeurs departirent entr'eux les affaires. Chap. 161.*

**L**ES Auditeurs demonstroient à Blasco vne grande fuscherie à l'occasion de son emprisonnement proferants des mots plains de douleur, s'ils n'estoient point feints, se complaignans de la fortune, qui luy estoit aduenüe, & iuroient qu'ils n'auoient point esté cause de sa prinse, & que moins l'auoient ils commandé. Ils ne sçauoient,



ce disoient ils, cōtre quel arbre plus s'appuyer, puis qu'ils ne l'auoient plus : ils iettoient autres telles plainctes: mais ils ne parloient point de sa deliurâce, ains au contraire Cepeda luy dit en presence de Alphonse Riquelme, Martin de Robles, & autres ie vous iure monsieur que ma pensee ne fut iamais de vous faire prendre, mais puis que vous estes prins, sçachez qu'il fault pour nostre deuoir, que nous vous enuoyons vers l'Empereur auecques les informatiōs de tout ce qui s'est fait: & si essayez à faire quelque tumulte, & inciter le peuple, où faire quelque autre remuement, tenez pour tout certain que ie vous bailleray de ce poignard dans le sein, encore que ie sçache bien que c'est ma ruine. Si au contraire vous vouliez demeurer en repos ie vous seruirois à genoux & en vous offrant tout mon bien, & ma personne vous donneroie ce qui est vostre. Blasco luy respondit: par le vray Dieu ie vous tiens pour homme de bien, comme ie vous ay tousiours estimé, & non ces autres, qui ayans entre eux tissu ceste trahison la pleureront en fin auecques moy: & le pria de vendre tout ce qu'il auoit, qui valloit bonne somme de deniers, pour faire sa despense en chemin. Diego d'Aguero, & les autres luy dirent des choses, qui ne luy pleurent gueres. Mais laissant cela ie diz que les Auditeurs pour despescher en plus grande diligence les affaires publiques, & aussi pour embrasser tous departirent entre-eux les charges en ceste façon: Le docteur Cepeda comme plus capable auoit le maniement des choses, qui touchent le gouvernement, & la guerre, pour ceste cause aucuns disoient,

qu'il s'appelloit presidēt, gouuerneur, & capitaine. Tejada, & Xarate auoient l'administration de la iustice, & Iean Aluarez auoit la charge de faire les despeschés qu'il conuenoit enuoyer en Espagne, & de faire les informations cōtre le Vice-Roy. Apres cela Iean Aluarez mena Blasco à la mer pour l'embarquer dedans vn vaisseau, & se saisir des nauires, qui estoient au port, & les retenir sous sa main, afin qu'aucun n'enuoyast en Espagne des nouuelles deuant eux. Ils menerent aussi Vela Nugnez, qui ne pouuant entrer pour la presse en la maison de son frere, s'estoit sauué en l'Eglise de S. Dominique, mais il ne reuint pas, & trouua moyen de se ietter dedans les vaisseaux, où il fut prins. Le Vice-Roy dōna à Iean Aluarez vne esmerauue de grand pris, qu'il luy auoit demandee, par ce qu'il sçauoit qu'il auoit la charge de le mener en Espagne. Cucto, & Zurbanan meirent en liberté les enfans du marquis dom François Pizarre, avec tous les autres prisonniers, excepté Vacca de Castro, qui ne voulut sortir, mais ils ne voulurent receuoir le Vice-Roy, encor' moins bailler leurs nauires, ainsi comme ils auoient ensemble eux deux machiné. On crioit apres eux qu'ils eussent à les bailler, où bien qu'on tueroit le Vice Roy. On feit tant que Zurbanan vint avec son batteau bien muni d'hommes & d'artillerie, & demanda ce qu'ils vouloient, ils luy dirēt qu'ils vouloient ses nauires où la mort de Blasco. Il leur dit qu'il n'en feroit riē, mais qu'ils feissent du Vice Roy ce qu'ils voudroient, & aussi tost tirant vn coup d'artillerie, & quelques arquebuzades retourne à ses vaisseaux. Les soldars de ce

batteau delaschans les arquebuzades croient mille villainies contre Blasco, disans:ô le meschant homme, qui nous à apporté des loix semblables à foy, il a merité ce qu'il souffre, & encor' pis: si luy fut venu sans ceste commission on l'eust adoré: ja la patrie est deliuree puis que le tirant est prins. On le ramena à l'Auditeur Cepeda, en la maison duquel on le tenoit sans armes avec garde sous la charge du docteur Nigno. Il mangeoit avec Cepeda, & couchoit en son liect. Ayant peur d'estre empoisonné il dit à Cepeda la premiere fois qu'ils magerent ensemble en presence de Christophle de Barietos, Martin de Robles, le docteur Nigno, & d'autres: puis-je manger seurement avec vous seigneur Cepeda? prenez garde que vous estes gentil'homme. L'autre luy fait responce: Comment mōsieur pensez vous que ie sois de si peu de courage, que, si i'auois enuie de vous faire mourir, ie cherchasse vne voye occulte, & cachee pour ce faire? vous pouuez mager avec madame Brianga d'Acugual (qui estoit sa femme) & afin que vous le croyez, ie vous feray l'essay de tout. Depuis tant qu'il fut là prisonnier, Cepeda fait tousiours cest essay. Vn iour frere Gaspar de Caruajal le fut veoir & luy dit qu'il se confessast, & que les Auditeurs l'auoient ainsi cōmandé: il demanda si Cepeda auoit esté present quād on luy donna ceste charge. Le moyne dit que non, & que c'estoit seulement par le commandement des trois autres. Il feir appeller Cepeda, auquel il se pleignit aigrement des autres. Cepeda le reconforta, & l'aussoura, disant qu'aucun n'auoit l'autorité de faire ce commandement que luy. Il disoit cecy



pour raison du departement des affaires qu'ils auoient fait entre-eux. Alors Blasco Nugnez l'embrassa, & le baïsa en presence du mesme religieux.

*Comme les Auditeurs feirent embarquer le Vice Roy pour l'enuoyer en Espagne. Chap. 162.*

**A**Vec le Vice Roy on print aussi plusieurs Espagnols comme dom Alphonse de Grandmont, Paul de Meneses, Hierosime de la Serne, & autres. Ces prisonniers vouloient faire vn tumulte pour sortir de la prison, & puis deliurer le Vice Roy. Les Auditeurs en furent aduertis, & y donnerét ordre. Il y auoit plusieurs de Chili, qui importunoient les Auditeurs pour tuer le Vice Roy. Cepeda print les plus coupables pour demonstrier qu'il ne le vouloit tuer, mais ils les meit incontinent en liberté de peur que Pizarre quand il seroit venu ne s'en vengeast, par ce qu'ils estoient ses grands amys, encor' mesme donna il escorte à Iean de Guzman, Sajaedre, & autres comme ils passaient. Les affaires se portoient mal en la ville des Roys par l'emprisonnement de Blasco Nugnez, & au bruit de la venuë de Gonzalle Pizarre, par ce qu'aucuns vouloient que Pizarre vint, autres non. Plusieurs vouloient tuer, où enuoyer dehors la ville le Vice Roy, autres le vouloient deliurer. Il y auoit mesme aucuns des Auditeurs, qui le vouloiét mettre hors de prison. Blasco sur ces diuersitez d'opinions auoit peur de sa vie, & ses souspirs n'estoient qu'apres Espagne. Les Auditeurs ne scauoient que faire, spécialement trois, qui ne se soucioient gueres de la mort du Vice Roy. Mais en fin ils delibererét de l'enuoyer en Espagne, suiuant leur premier aduis,

se confiâs sur leur dexterité de pouuoir si bien ordonner de toutes les affaires que l'Empereur se tiendroit pour bien, & prudemment seruy d'eux: aussi q̃ le Vice Roy estoit luy mesme cause de son emprisonnement suiuant l'information qu'ils enuoyent. Ils delibererent, qui auroit la charge de le mener où le docteur Roderic Nigno, où Antoine de Robles, où bien Hierosme d'Aliaga habitans de la ville des Roys. Mais le docteur Cepeda voulut qu'il fut mené par l'Auditeur Ieá Aluarez, qu'il reputoit estre son amy, & aussi qu'il estoit plus lettré pour sçauoir parler & bien informer au long l'Empereur. Les deux autres Auditeurs luy contredirent hardiment, & le docteur Xarate luy dit en presence des Auditeurs, d'Alphóse Riquelme, Iean de Carceres, & de Garzia de Sanzedo qui estoient au conseil, qu'il fasseroit trop legieremēt, & qu'il ne cognoissoit point comme luy Iean Aluarez, & qu'il le deuoit vendre, & trahir. Aluarez se complaignant la dessus, Xarate repliqua: ie iure q̃ vous le vendrez, & si vous ne demeuriez icy, Cepeda le deuroit mener luy mesme. Comme ils estoient sur ceste opinion Aguirre grand amy du facteur Guillaume Xuarez arriua à Lima, & dit beaucoup de meschantes parolles au Vice Roy, lequel sentant que le docteur Benoist Caruajal arriuoit eut grand peur qu'on le tuast, & pour ceste cause, ainsi qu'on dit, il pria instamment Cepeda qu'il l'enuoyast en Espagne. Cepeda, qui ne demandoit pas autre chose l'enuoya en l'Isle, qui est vis à vis de Lima, commandant au docteur Nigno y prendre songneuse garde auec certains habitâs de la ville. Quand Bla-

ſco Nugnez veid qu'on l'embarquoit il dit à Simô d'Alcate notaire qu'il feit acte comme ſes propres Auditeurs l'enuoyoit en vne Isle deſerte dedans vne barquerolle faiçte ſeulement de ioncs, afin que elle ſ'enfondraſt, & le noyaſt, & qu'ils le mettoient hors des terres du Roy pour le donner à Gonzalle Pizarre. Cepeda commada au meſme notaire qu'il eſcriuit comme on emmenoit le Vice Roy ſuyuant ce qu'il auoit requis, de peur que ſes ennemys le tuaſſent pour les choſes qu'il auoit faiçtes, & comme ces barques de paille eſtoient vaiſſeaux deſquels on auoit accouſtumé vſer au pays, & comme lean de Salas frere de Ferdinand Valdes preſident du conſeil Royal de Caſtille, le docteur Nigno, & pluſieurs autres habitans de Lima alloient avec luy. Ainſi fut il emmené en ceſte Isle, ou on le tint plus de huit iours. Cepeda eſtoit en grand peine, par ce qu'il n'auoit des nauires pour l'enuoyer en Eſpagne, & auſſi de ce qu'il n'eſtoit pas maiſtre de la mer. Il auoit peur que Zurbanan, Cueto, & Vela Nugnez ne vinſſent enleuer le Vice Roy de ceſte Isle, & apres auoir rasſemblé des gens ne le vinſſent tuer. Il donna charge au Capitaine Pierre de Vergara qu'avec cinquante bons ſoldats il taſchaſt à prendre les nauires de Zurbanan, qui eſtoient à Gaura 54. mil loing de Lima. Vergara choiſit cinquante ſoldats, & vouloit avec les barques prendre ſon chemin, mais Hieroſme Zurbanan les auoit toutes bruſſees. Il ſ'en retourna ſans rien faire, ou par ce qu'il n'auoit pas trouué ce qu'il penſoit, ou qu'il ne ſçauoit quel autre chemin il pourroit prendre, ou à cauſe qu'il auoit cinq nauires à com-



## 4. LIVRE DE L'HIST.

battre, disât qu'il ne trouuoit personne, qui vouldut aller avec luy à ceste entreprinse. Cepeda feit porter en ces charrettes des aiz, & autres matieres de la maison de Garzia de Sanzedo. Il feit incontinent faire des barques, & commanda à son maistre de camp Antoine de Robles, qu'il enuoyast des soldats pour prendre les nauires. Le soir comme Cepeda souppoit, Antoine de Robles luy dit qu'il ne pouuoit trouuer soldats, qui voulussent aller à vne entreprinse si hazardeuse, & dangereuse. Cepeda respondit, qu'il n'y auoit pas grand peine de se saisir de cinq vaisseaux, dedâs lesquels y auoit 300000 ducats de Vacca de Castro, du Vice-roy, & d'autres, qui n'estoiét gardez que par 20. hômes: mais qu'il trouueroit, qui iroit & q'ils ny en iroiét aucuns que ceux qu'il vouloit enrichir. Au bruiët de tât de ducats il se trouua incontinent plus de cinquante soldats, qui s'offrirent à y aller. Cepeda alors donna la charge à Garzia d'Alfaro, qui estoit homme expérimenté, & adroict sur la mer. Il s'en alla à Gaura avec 24. cōpagnons seulement, par ce que les barques n'en pouuoient porter d'auantage, & arriuant de nuit se cacha entre certains petits rochers en attendant ses autres compagnons, qui alloient par terre, qui estoient conduicts par Bonauenture Bertrand seigneur de Gaura, & par dom Iean de Mendozze. Ils feirent signe à ceux, qui estoient dedans les nauires, lesquels penserent que ce fussent quelques vns de leurs amis, & Vela Nugnez avec la plus grand part des soldats qu'il eust, sortit en deux barques pour les receuoir, mais aussi tost qu'il passa par ces rochers Garzia d'Alfaro le ioingnit de tel-

le sorte qu'il fut contrainct se rendre pour sauuer sa vie, encor' qu'il feist son deuoir pour se defendre. Il y eut vn Biscain nommé Pinga, qui feist tout ce qu'il luy fut possible pour deffendre la barque que il conduisoit. Ainsi par la prinse de Nugnez Alfaro print quatre vaisseaux. Il ne peut auoir le cinquieme, par ce qu'un peu deuant Zurbanan l'auoit emmené. Cela executé on mena le Vice-roy à Gaura, & le meit on dedans vn de ces vaisseaux avec bonnes munitions. Le docteur Aluarez s'y en alla incotinét pour le garder, & pour le mener en Espagnes avec amples informations. On luy donna pour ce voyage 6000. ducats prins sur les habitans de Lima, & ses gages entieres d'un an, Avec cela, & quelques autres choses q'il védit il feist iusques à 10000 castillans d'or, qui estoit vne richesse, laquelle iamais il ne pensa auoir. On dōna encor' aux soldats & mariniers deux mille ducats, afin qu'ils ne partissent point malcontens. Voila comment fut prins, & chassé le Viceroy Blasco Nugnez Vela, sept mois apres qu'il fut arriué au Peru.

*Ce que feist Cepeda depuis la prise du Viceroy.*

*Chap. 163.*

**A**Vssi tost que le Viceroy fut prins les Auditeurs cōme nous auons desia dit, departirent entre eux les affaires. Cepeda, qui gouuernoit feist rompre toutes les barrieres, & canonieres qu'auoit fait faire Blasco, paya les soldats, cōfirma à chasque habitāt le departemēt qu'il auoit, & feist fōdre des arc-buzes, & faire puiſſiō d'autres armes. Il nōma pour capitaines de l'infanterie Paul Meneses, Martin de

Robles, Matthieu Ramirez, Emmanuel Stario, & Hierosme d'Aliga pour les gens de cheual, & pour maistre de camp Antoine de Robles, & Bonaventure Bertrand pour sergēt major. Il depeſcha deux lettres par l'aduis des autres Auditeurs & officiers du Roy, par lesquelles il commandoit à Gonzalle Pizarre de donner congé à ſes ſoldats, & rompre ſon armee ſur peine d'eſtre déclaré traître: ſ'il vouloit venir à la ville des Roys qu'il ſeroit le bien receu, & ſ'il ne vouloit venir qu'il enuoyaſt des procureurs pour luy avec amplex inſtructions pour preſenter ſa requête contre les ordonnances, parce que le parlement luy donneroit audience, & luy feroit iuſtice, puis que le Vice-roy, duquel il auoit peur, ny eſtoit plus. Il en enuoya vne part Laurent d'Aldene, lequel la mangea en chemin deuant que la preſenter, par ce que ſ'il euſt preſentee en l'armée de Pizarre, où gardée en ſon ſein François de Caruajal maistre de camp l'eueſt pendu, & encore le voulut il pendre ſans Pizarre, qui le ſecourut par ce qu'ils eſtoient amis, & auoient eſté enſemble priſonniers d'Almagro. L'autre fut enuoyee par Auguſtin de Xarate ſuperintendant des comptes du Roy, ayant pour compagnon dom Antoine de Riuiere, amy, & couſin de Pizarre par ce qu'il auoit eſpouſé dame Agnez veſue de François Martin frere de mere du Marquis François Pizarre. Quand ces lettres arriuerent Pizarre auoit deſia fait mourir Philippe Gutierrez, & pour ceſte cauſe n'oſa, où ne ſe voulut fier aux Auditeurs, ny ſe deſſaire de ſes gens. Il enuoya Hierosme de Villegas au deuant de Xarate pour le retenir, & luy faire peur, afin que  
quand



quand il arriueroit au camp il n'osast faire autre chose que ce que luy & ses capitaines voudroient: & pour ceste ruse Xarate ne peut faire autre diligence, ny rapporter autre chose que ce que les autres luy auoient dit eux mesmes: qui estoit que les Auditeurs feirent Gonzalle gouverneur, où autrement il les tueroit, & les feroit tous mourir.

*Comme Gonzalle Pizarre se fait Gouverneur du Peru. Chap. 163.*

**D**Vrant le temps que ce, que nous auons dit de Blasco Nugnez, & des Auditeurs, aduint en la ville des Roys, Gonzalle Pizarre se preparoit en la ville de Cuzco, & donnoit ordre à tout ce qui luy estoit necessaire pour vne guerre. Il partit pour aller chercher le Viceroy, publiant neantmoins que il s'en alloit pour presenter requeste contre l'execution des nouuelles loix comme Procureur general du Peru. Mais son cueur couuoit aurre chose, & le declaroit assez par les soldats, gens de guerre, & artillerie qu'il menoit, & pour n'auoir voulu accepter les offres que le Viceroy luy auoit faites, & que le Prouincial luy auoit proposees, desquelles l'une estoit que pour acquiescer à l'apel de l'execution des ordonnances on fait vn riche present à l'Empereur, & l'autre qu'on payast les despēs que l'Empereur auoit ia faits pour la publication de ces ordonnances. De Xaquixaguana aucuns se retirerent du party de Pizarre, comme Gabriel de Roias, Pierre du Barc, Martin de Florence, Iean de Sajauedre, Roderic Nugnez, & autres. Mais quād ils arriuerent à la ville des Roys, le Viceroy estoit desia pris. Il y eut vne grand esmotion parmy le camp de Pi-

zarre pour la retraicte qu'auoient faict ceux cy, par ce qu'ils estoient des principaux, Pizarre mesme eut grand peur, & cela le feit retourner à la ville de Cuzco pour se renforcer d'hommes, & pour payer ses gens, & pour ce faire print l'argent, & les cheuaux des habitans qui estoient demeurez. Il y laissa pour son Lieutenant Diego Maldonado, & puis s'achemina vers la ville des Roys. Il rencontra Pierre de Puelle, & Gomez de Solis, lesquels luy donnerent grand courage, & esperance de bonne issue avec le bon nombre d'hômes qu'ils menoiêr. Il veid les despeschés du Viceroy que portoit Balthassar de Loaisa Prestre de Madril, Gaspar Roderiguez, & autres, qui auoiêr esté detrousséz par les Caruajals en s'enfuyans de la ville des Rois. Loaisa estoit venu par deuers le Viceroy pour auoir vn pardô pour plusieurs, qui vouloiêr bié se retirer vers le parti du Viceroy: mais autremêr ne vouloient, ayâs peur d'estre punis, & aussi pour l'aduertir du chemin que tenoient ses ennemis, & quels soldats, & intention auoit Pizarre. Le Viceroy luy auoit donné ce pardon pour tous en general, exceptez Pizarre, François de Caruajal, le Docteur Benoist de Caruajal, & autres semblables. Gonzalle voyât ce pardon se despita grandement, & son maistre de camp aussi, qui par vn despit feirent estrangler Gaspar Roderiguez, Philippe Guitierrez, & Arias Maldonado, par ce qu'ils enuoyoit des lettres au Viceroy. Ce fut là le commencement de la tyrannie, & cruauté de Gonzalle Pizarre. Il feit brusler deux Caciques pres de Parcos, & print iusques à 8000.

Indiens pour se seruir à porter la somme, & à faire autre chose de seruice. Il en demeura bien peu en vie de ce grand nombre, pour le trop grand travail qu'on leur faisoit supporter. Il espouuenta Xarate & Laurent d'Aldene comme nous disions tantost, & menaça les Auditeurs s'ils ne le faisoient Gouverneur. Qui estoit vne chose fort contraire au serment qu'un peu deuant il leur auoit fait par le Prouincial F. Thomas de Saint Martin accompagné de son Chappellain mesme nommé Diego Martin, par lequel il iuroit & protestoit que sa volonté & celles des siens estoit seulement d'appeller de l'exécution des nouvelles Loix, & obeyer aux Auditeurs comme à ses superieurs, ne voulât autre chose qu'informe l'Empereur, de tout ce qui importoit à sa Maiesté, luy recitât la verité de tout ce qui estoit aduenü, depuis l'entree de Blasco au Peru : Et neantmoins si l'Empereur commandoit de garder, & executer ses Ordonnances protestoit d'ainsi le faire en toute modestie, & ciuilité, encore qu'il veid le pays se perdre, & les Espagnols se ruiner par cela, & disoit qu'il auoit seulement peur du Viceroy pour estre un homme trop rigoureux, & à cause qu'il fauorisoit les Almagristes. Plusieurs disoient bien que ce serment n'estoit qu'une tromperie. En fin Pizarre arriua pres la ville des Roys, & assiegea son camp à deux mille pres de la ville, comme s'il l'eust voulu assieger, & combattre. Il demanda le gouuernement, menaçant autrement les habitans : La plus part estoient d'aduis de luy accorder ayans peur de la mort, ou du sac, ou par ce qu'ils desiroient par ce moyen deschasser du tour ces Ordonnances



nouvelles. Cepeda vouloit donner la bataille, puis que ses astuces ne luy seruoient plus de rien, & aussi qu'il voyoit le Viceroy en liberté: il en requist ses soldats, & capitaines. Mais ils feirent responce que ils ne pouuoient, par ce qu'il y auoit plusieurs de ses gens, qui s'estoient retirez vers Pizarre, & aussi que il n'estoit pas expedient pour le seruice du Roy, encore moins pour la seurte de la ville, à raisõ de la grande tuerie, qui se pourroit faire. La dessus François de Carnajal entre de nuit en la ville, sans aucune capitulation, il prend Martin de Florence, Pierre du Barc, & Jean de Sajanedre, & les pend, par ce qu'ils s'en estoient fuis de Pizarre, & aussi pour auoir leurs biens, & leurs departemens qui estoient bons & riches: & dict qu'il feroit le semblable à tous ceux qui ne voudroient receuoir Gonzalle Pizarre pour Gouverneur. Ceste cruauté donna grand espouuentement à plusieurs: en meit plusieurs en soupçon: elle feit souhaitter à autres le Viceroy Blasco. En fin tous dirent qu'ils receuroient Pizarre pour gouverneur. Le Docteur Cepeda ne le vouloit point, ayant tousiours enuie de demeurer seul au gouvernement, & aussi qu'il ne scauoit comme Pizarre le traiteroit. Mais ne pouuant l'offencer, ny luy nuire, ny mesme luy resister, & ayant plus de peur du Vice-roy, qui estoit desia en liberté, que de pas vn autre: fut de l'aduis de tous les autres. Adonc Gonzalle entra en la ville en ordonnance de guerre avec plus de six cens Espagnols bien armez, faisant marcher deuant son artillerie avec plus de 10000. Indiens. Il feit arrester son artillerie en la place, & là avec tous ses gens

fait alte, & puis enuoya querir les Auditeurs, ausq̃ls il presenta vne requeste signee par Diego Céteno, & de tous les procureurs du Peru, qui le suiuoient, par laquelle ils demandoiēt qu'ils feissent Gózalle gouverneur, puis que le seruice du Roy, le repos des Espagnols, & le bien public des Indiens le requeroit. Alors ils luy dōnerent lettres de gouverneur, sceelées du scel Royal, & en feirēt d'autres adressantes aux communautez & chapitres des villes pour le receuoir, & luy obeir, par le conseil des officiers du Roy, des Euesques de Quito, Cuzco, & des Rois & du prouincial des Iacobins. Et puis prindrent le serment de luy qu'il laisseroit le gouuernemēt quād l'Empereur l'auroit commandé, & que ce pendant l'exerceroit ceste charge biē & fidellemēt au seruice de Dieu, & du Roy, & au proffit des Indiens, & des Espagnols selō la forme des Loix, & statuts Roiaux. Pizarre iura tout cela, & en donna assurance. En mesce de Hierome d'Aliaga q̃ les Auditeurs Cepeda, & Xarate, protesterent de ceste nomination, & election, disants ce qu'ils en auoient fait, estoit de leur, & ainsi le redigerent par escrit au liure des resolutions. Tejada dit qu'il l'auoit esleu de sa propre volonté, & non par force, disant cela, parce qu'il auoit peur qu'on le tuast s'il disoit autrement. Auant toutesfois ont eu soupçon que ces Auditeurs parloient en secret avecques Pizarre, & que tout ce qu'ils faisoient avecques leurs protestatiōs n'estoit que feintise.

*Ce que Pizarre fait estant gouverneur. Chap. 165.*

Gonzalle Pizarre pouruoyoit aux offices, & despechoit les affaires par le moyē, & sous le nom

du Parlement . Mais il auoit tousiours soupçon sur Cepeda , par-ce qu'il estimoit que la prise du Vice-Roy auoit esté faite de propos deliberé pour brasser & executer quelque trahison puis qu'il estoit en liberté, & amassoit gés à Tôbez avec l'Auditeur Ieā Aluarez. Ioint aussi q Ieā de Salas, le docteur Nigno, & autres pour luy congratuler luy disoient que Cepeda estoit cault, fin, bien entendant, & hardy, qu'il failloit qu'il s'en donnast garde, ou bien lors que moins il y penseroit, il le prendroit, ou le tueroit, & qu'il n'auoit pas tant leuë ses gens contre le Vice-Roy qu'il auoit ja prisonnier, que pour ce faire, & que mesme il auoit voulu vn peu deuant luy liurer la bataille . Aussi disoient ils que de tous les capitaines, qui estoient au Peru, il n'y en auoit point qui entendit mieux la guerre que luy, & comme il failloit gouverner . D'auantage on dit que François Caruajal, qui possedoit entierement le gouuerneur, & autres Capitaines delibererent de massacrer les Auditeurs, & particulièrement Cepeda . Toutesfois Pizarre ayant peur de quelque inconuenient leur dit qu'il reputoit Cepeda pour son amy, & que les autres ne valoient rien, mais qu'à la premiere consultation qu'il feroit il luy demanderoit son auis de quelque chose, qui luy toucheroit, & à eux aussi, & s'il respondoit à son goust qu'ils se fiasent à luy, sinon, qu'ils le tuassent. Cepeda en fut aduerty par Christoffe de Vargas, & Antoine de Riuiere cousin de Pizarre, tellement qu'en ce conseil il ne dict chose, qui ne fut à leur souhait, & en tous autres lieux . Par ce moyen il eut la grace du gouuerneur, telle qu'il luy commandoit, & ne fai-



soit ce qu'il vouloit. Soubs vn tel heur il acquist 150000. ducats de reuenu par an. Pizarre ne se gouuernoit pas fort bien pour contenter ses soldats, qui fut cause que Ynigo Cardo, Pierre Anatoine, Pierre Vello, Jean de Rosas, & autres se retirerent avecques vne barcque vers le Vice-Roy, qui amassoit gens à Tombez. Ceux-cy furent cause que François de Caruajal estrangla le capitaine Diego de Gumiel de nuit en sa maison, & puis le tira dehors pour luy couper la teste, disant, qu'il donneroit exéple aux autres, & luy meit sous les pieds vn escriteau, qui l'accusoit d'auoir esté mutin. La cause de sa mort estoit qu'il auoit parlé trop librement contre le gouuerneur, & le maistre de camp, & auoit chastié vn soldat, qui entrant en la ville des Roys auoit tué avecques vn coup d'arquebuze pour son passetemps vn seigneur Indien, qui estoit en vne fenestre du logis de Diego de Agüero pour voir passer l'entree de Pizarre. Pizarre prit 40000. ducats de la maison du Roy avec la permission des Auditeurs, officiers du Roy, & capitaines pour payer ses soldats, disant qu'il les rendroit de son reuenu, & pour les retenir en obeysance.

Encores dict on qu'il leua vne emprunt sur ceux, qui auoient des Indiens, pour soustenir l'armee. Il pourueut aux places ceux desquels il se fioit, cōme Alphonse de Toro, qu'il enuoya à Cuzco, François d'Almandras aux Ciarcas, Pierre de Fuente, à Arequipa, Fernand d'Aluarado à Trusiglio, Hierosime de Villegas à Piura, Gonzalle Diaz à Quito, & autres en d'autres lieux. Mais tous ceux cy en allant feirent par les chemins de grandes volleries,

& assassinats. Il arma le nauire, où estoit prisonnier Vacca de Castro pour l'enuoyer à Tombez contre le Vice-Roy. Mais Vacca de Castro fait voile droit à Panama, & de là escriuit à Pizarre, par vn nommé Hurtado, comme il auoit mal faict de se faire Gouverneur, & d'auoir tourmenté ses seruiteurs Bouadiglia, & Perez, pour luy enseigner vn tresor qui n'estoit point. Pizarre retira encores de toutes les villes qu'il peut, des procurations, par lesquelles elles constituoient leurs Procureurs les Docteurs Tejada, & François Maldonado, lesquelles il enuoioit vers l'Empereur pour faire reuoker les Ordonnances, & pour le confirmer en estat de Gouverneur, & aussi pour informer sa Majesté comme tout ce qui estoit aduenü en ces Royaumes auoit esté par la faulte du Vice Roy.

*Comme Blasco Nugnez se deliura de prison & de ce qu'il feit depuis.*

*Chap. 166.*

L'Auditeur Iean Aluarez, qui, cōme nous auons cy dessus recité, auoit prins la charge de mener prisonnier en Espagne le Vice Roy, le meit en liberté à Gaura, ensemble Vela Nugnez, & Diego de Cueto. Il luy pardonna pour gaigner la grace du Roy, & par ce qu'il estoit desja riche il pésoit gaigner encores avec luy, comme avec vne teste de loup. Blasco Nugnez se voyant en liberté pensoit iouir d'un souuerain bien, & auoir ce qu'il souhaitoit le plus. Mais apres il s'en repētit plusieurs fois, disant que Iean Aluarez l'auoit ruiné par sa deliurance, par ce que s'il eust mené en Espagne, l'Empereur se fut tenu pour bien seruy de luy, & le Peru fut demeuré en paix, par ce que Cepeda se fut ac-

cordé avec Pizarre d'une autre façon si on n'eust deliuré le Viceroy, & Pizarre fut demeuré seruiteur du Roy, si le Viceroy fut allé en Espagne, de façon que la liberté du Viceroy n'apporta que mal à tous, & plus à luy mesme qu'à pas un autre, & apres luy à Jean Alvarez, qui mourut pour ce faict. Le mal fut veu par le progres. Il est bien vray que le commencement, & l'intention estoit bonne. Le Viceroy donc se voyant libre s'en alla à Tombez, où il leua gens, & fit un nouveau Parlement, appellans tous les peuples circonuoisins. Il prit tous les deniers du Roy, & des marchés qu'il peut, tant à Tombez qu'au port Vieil, Piura, Guayaquil, & autres lieux. Enuoya par ce mesme faict Vela Nunez à Chita, qui se comporta mal avec ses gens par le chemin, & Bracamore son compagnon pendit un soldat. Il enuoya Jean de Guzman à Panama pour leuer gens, & cheuaux. Il enuoya en Espagne Diego Alvarez avec une lettre à l'Empereur, qui contenoit tout ce qui estoit passé entre luy, & les Auditeurs, & Gonzalle Pizarre iusques à l'heure presente. Plusieurs l'allerent trouuer au bruit de sa deliurance, & des gens qu'il amassoit, autres y allerent pour auoir esté appelez. Diego de Ocampo s'y en alla de Quito avec bon nombre d'hommes. Dom Alphonse de Grandmôt avec ceux, qui s'enfuoient de Pizarre, & Gonzalle Pereira avec ceux, qui estoient és Bracamores. Ce dernier fut assailly de nuit par Hierosme de Villegas, Gonzalle Diaz de Pinere, & Fernand d'Aluarado, qui le prindrent, & le pendirent emmenans prisonniers ces Bracamores. Ceste prinse estonna ceux de Tombez, qui



eurent encor' grand peur par la venue inopinée, de Fernand Bacicao, qui les assaillit par mer plus par vne grande hardiesse, que pour le nombre d'hommes qu'il eust. Pour ceste cause Blasco Nugnez fensuit, & aussi qu'il se desioit de ceux, qui estoient a l'entour de luy, par ce que quelques vns d'entre eux luy auoient fait, & faisoient tous les iours des traicts, qui estoient doubles. Il arriua à Quito fort trauaillé, par ce que par plus de 3000. mil de chemin, qui est depuis Tombez iusques là, il n'auoit trouué que manger. Mais il fut là bien receu, & pourueu de deniers, armes & cheuaux. A ceste cause il promeit de n'exercuter les Ordonnances. Il feit foudre des arquebuzes, & battre de la pouldre. Il enuoya querir Sebastien de Venalcazar, & Jean Caurera, qui luy amenerét grand nombre d'Espagnols, de façõ qu'il assembla en peu de temps plus de 400. Espagnols, & force gens de cheual. Il feit Vela Nugnez son frere general, Diego de Ocápo, & dom Alphonse de Grandmont capitaines de la cauallerie, & Jean Perez de Gueuare. Hierosme de la Serne, & François Hernandez d'Aldenes capitaines de l'infanterie, & feit Roderic de Ocampo maistre de camp. Là dessus arriuerent à Quito certains soldats de Pizarre, qui dirent à Blasco, comme Pizarre estoit mal voulu de tous ceux de Lima, & que fil alloit là il verroit la plus grand part de l'armée de Pizarre se retirer par deuers luy. Pour dire vray au commencement que Pizarre entra au gouuernemét il estoit ainsi que ces soldats disoiér: mais pour l'heure presente c'estoit bien au cõtraire. Blasco Nugnez les creut, & voulant esprouuer

la fortune, marcha vers la ville des Roys à grandes iournees. Il sceut comme Hierosme de Villegas, Fernand d'Aluarado, & Gonzalle Diaz Capitaines de Pizarre estoient és môtagnes de Piura avec force gens, mais non pas ensemble. Il feit marcher ses gens toute la nuict, & les feit approcher si doucement qu'ils ne furent descouuers, & le matin à l'aube du iour assaillit les autres à l'impourueu, les deffait, & rompit aisément. Il usa de clemence enuers les soldats pour acquerir bon bruit, & gagner l'amour des autres. Il leur rendit leurs biens, leurs armes & cheuaux, à la charge de porter les armes pour luy. Il fut bien aise de ceste defaicté, & tous les siens en estoient plus fiers, & orgueilleux, qui est vn vice qu'apporte la guerre. Il entra puis apres à sainct Michel, où il feit faire iustice de quelques Pizarristes, mais n'osa en faire des siés encor' qu'ils eussent vilainemēt saccagé la ville. Il se renforça là d'armes, & feit faire des cuirasses de peaux de beufs, & assembla d'auātage de soldats, tellemēt qu'il pouuoit lors se defendre de son ennemy, & l'assaillir.

*Ce que Fernand Bacicao feit sur mer. Chap. 167.*

Gonzalle Pizarre ne se pensoit pas bien asseuré voyant Blasco Nugnez Vela en liberté assembler gens, & armes à Tombez, & pour l'asseurer du Parlement, duquel il auoit tousiours peur, aduisa comme il pourroit le rompre, & le rompir par ce moyen. Il enuoya en Espagne le docteur Alifon de Tejada sous couleur d'auoir esté esleu procureur, & à fin qu'il y allast, il luy donna 5500. castillans d'or, & le departement de Mesa citoyen de Cuzco, qui estoit avec Blasco Nugnez. Il maria son

frere de mere nommé Blaise de Sotto avec damoiselle Anne de Salazar fille du docteur Xarate pour l'attirer de son party, encor' qu'il n'eust pas grand peur de luy, par ce qu'il estoit debile & maladif: quand à Cepeda, il le menoit tousiours avec soy. Pizarre voulut encor' estre maistre de la mer, pour asseurer la terre, & par ce qu'il n'auoit aucuns grâds vaisseaux qui fussent à luy, encor' moins des particuliers, il arma seulement deux brigantins avec 50. bons soldats, & en feit capitaine Fernand Bacicao, homme vaillant, & hardy, & tel que d'entre mille hommes on n'eust sceu trouuer vn plus volontaire à faire tout ce qu'on eust voulu, que luy. C'estoit vn homme vilainement nay, de meschâtes meurs, ruffien, audacieux, blasphemateur, & qui s'estoit donné au diable, comme luy mesme confessoit: il n'aymoit que meschante canaille, il estoit grand mutin, bon larró, & voleur tât pour soy que pour autre ne faisant difference entre amys, & ennemys: Voila comme on depeint Bacicao. Au reste comme Capitaine tref-hardy, & courageux feit vn bel acte: car partant de Lima avec ces deux brigantins & 50. soldats seulement entra en Panama, où il y auoit vingt-huict nauires, & 400. soldats. De là s'en reuint à Trusiglio, où il pilla trois nauires, puis à Tombez, où il meit à terre cent hommes, qui donnerent l'assault à la ville si courageusement qu'ils feirent fuir le Viceroy, qui auoit deux fois plus de gens q̃ luy, & mieux armez. Le Viceroy pésoit que Bacicao eut 300. soldats, & se desioit de quelques vns des siens, lesquels il feit puis apres mourir. Bacicao pilla la ville, & ne tua personne, mais on dict



qu'il auoit charge de tuer le Viceroy. Il print à Alphonse de S. Pierre natif de Medellin 8000. pefans d'or. Il print vn nauire, & Bartelemy Perez, qui en estoit capitaine pour le Viceroy. Il pillà à Guayaquil tout le bien du docteur Iean Aluarez, qui se sauua par vne bõne fuite. Il fut courir au port Vieil, où il arresta tous les nauires, qui y estoient, saccagea la ville, & deliura de prison Iean d'Almos, & ses freres, print Santillan, lieutenant de Blasco. Il assailloit tous ceux, qui ne luy vouloient donner prouisions & luy obeyr. Il estoit si cruel qu'un chacun auoit peur de luy. Ils eurent grand peur de luy à Panama par ce que Ieã de Lanes, qui fuyoit deuant luy leur racompta ses cruantez, & encore ne les scauoit il pas toutes. Iean de Guzman, qui leuoit là gés pour le Viceroy, & plusieurs autres ne vouloient pas le receuoir au port, mais les habitans, & marchans ne vouloient pas se mettre en armes de peur de perdre leurs marchandises qu'ils auoient là, & au Peru. Cependant qu'ils estoient sur ce different Bacicao leur enuoya dire qu'il ne vouloit que mettre en terre les Procureurs du Peru, qui alloient vers l'Empereur, & qu'aussi tost il s'en retourneroit sans leur faire aucun dõmage. Pierre de Casaos, qui gouernoit la ville fait responce qu'ils ne vouloient empêcher le passage aux Procureurs, ny dõner occasion d'esmouoir la guerre en ceste ville. Ieã de Guzmã entendant cela s'en alla vistement dedans vn brigantin, & Iean de Lanes en son vaisseau voyans approcher Bacicao, lequel entra dedans le port avec six, ou sept nauires, en l'une desquelles estoit pendu aux antennes Pierre Gallego de Seuille, par ce qu'il

n'auoit calé la voile quand on luy cria Viue Pizarre, & encor' tua deux hommes en combattant son vaisseau. Il se fit maistre de vingt nauires, qui estoient là. Vne bonne partie des habitans s'enfuirent, voyans tels commencemens. Il mit en terre ses soldats, & entra à Panama marchant en ordonnance de guerre avec tabourins, & fifres. Frâçoys de Torres cōme il regardoit par sa fenestre ceste monstre, il eut vn braz percé d'une arquebuzade, par ce moyen Bacicao se fit maistre de l'artillerie, & attira à soy les soldats, que Iean de Guzman auoit leuez, leur donnant bouche franche aux despens de la ville, & leur offrant passage iusques au Peru sans qu'il leur coustast rien. Ainsi il eut en peu de temps plus de 400. soldats, & 28. nauires. Il prenoit l'argent, & les meubles à tels habitans, & marchans qu'il luy plaisoit. Il vendoit les congez pour aller au Peru. Il prenoit ses prouisions à sa discretion. En somme il faisoit toutes choses qui n'appartenoient qu'à vn capitaine de Tyrannie. Le docteur Tejada, qui voyoit ces beaux actes, & Frâçoys Maldonado s'en allerent à la ville du Nom de Dieu, & de là feirēt voile en Espagne. Mais Tejada mourut deuant qu'y arriuer. Plusieurs de la compagnee mesme de Bacicao, voyans ses façons de faire si dissolues, & dommageables à tout le public delibèrent de le tuer. Barthelemy Perez pour en auoir l'honneur, ou par ce qu'il l'auoit voulu faire pendre à Tôbez se voulut aduancer des premiers, & pour ce faire s'associa avec le capitaine Antoine Fernád, & le port-enseigne Caxero : ces deux n'estans assez hardiz, requist encor' vn nommé Marmolecio,

qui descouvrit tout le secret. Quand Bacicao le sceut il les feit decapiter tous trois le mesme iour qu'ils le deuoient tuer, & encor eust aussi fait decapiter dom Louys de Toledé, dom Pierre de Cabrere, Christophle de Pegne, Fernand Mexia, & autres, qu'il trouuoit chargez, s'ils ne s'en fussent fuis. Apres cela il s'en retourna au Peru au bout de quatre mois qu'il n'auoit bougé de Panama aux despens, & perte des habitás. Il print port à Guayaquil, où il se mit à terre avec 400. hommes pour aller contre le Viceroy suiuant des lettres qu'il receut de Pizarre.

*Comme Gonzalle Pizarre donna la chasse à Blasco,  
Nugnez Vela. Chap. 168.*

**A** Pres que Bacicao fut party Gonzalle delibera de marcher contre le Viceroy, par ce q c'estoit l'importance de sa vie, ou la fin de Blasco. Il mit des lieutenans par toutes les villes, à fin qu'elles tinssent pour luy, & manda aux principaux habitás de chasque ville de le suiure, pour les mettre en la bourbe avec luy. Ceux qui partirent à ce mandement furent Pizarre de Hinoiose, Christophle Pizarre, Iean d'Acoste, Paul de Meneses, Oregliane & autres habitans des Ciarcas. De Guamaga vint Vasca Xuarez, Garci Martinez, Garay, & Sose: d'Arequipa partit Lucas Martinez, avec d'autres: de Cuzco deslogerent Diego Maldonado le riche, Pierre de Los-Rios, Frácoys de Caruajal, qui estoit maistre de camp, Garcilasso de la Vega, Martin de Robles, Iean de Siluere, Benoist de Caruajal, Garzia de Herezuelo, Iean Diez, Antoine de Quignones, Porras: & plusieurs autres de Lima,



Ganuco, Ciaciapoias, & d'autres villes. Pierre Nugnez moyne fort bon arquebuzier, duquel nous auons ja parlé en autre lieu, vint à la ville des Roys sollicitant vn chascun de prendre le party de Pizarre apportant la nouuelle de la defaïcte des Bracamores que menoit Gonzalle Pereira pour le Viceroy par Fernand d'Aluarado Gonzalle Dias, & Hierosme de Villegas. Pizarre ayant entendu ces nouuelles d'eslogea incontinent laissant pour lieutenant à Lima Laurét d'Aldene. Il sen alla par mer iusques à Sainte, en vn brigantin avec les docteur Cepeda, Nigno, Leon, Caruajal, & Gueuare, & avec Pierre de Hinoiose, Blaise de Sotto, & quelques seruiteurs domestiques. Le mesme iour qu'il arriua à Trusiglio Diego Velasquez natif d'Auile y arriua aussi apportât la nouuelle que Blasco Nugnez auoit rompu Gonzalle Dias, Fernand d'Aluarado, & Hierosme de Villegas pres de Piura, & qu'il auoit prins la plus part des soldats: que Gonzalle Dias errant dans les montagnes estoit depuis mort de faim, & qu'Aluarado auoit esté tué par les Indiés, comme il fuioit de ceste defaïcte. Cela despleut grandement à Pizarre, voyant que par ce moyen les forces, & la reputatiõ du Viceroy croissoient. Il assembla en conseil ses gens, & capitaines plus experimentez pour sçauoir ce qui estoit besoin de faire. Ils arrestèrent de marcher droit vers le Viceroy, qui estoit à S. Michel, nonobstant le peu de gens, qu'ils auoient. Et à fin qu'ils ne fussent descouuers, ils enuoyerent deuant le capitaine Iean Alphonse Palomin avec douze bons soldats pour se tenir sur le chemin, & prendre garde aux passans.

passans. Il y auoit plusieurs riches, qui de peur disoient que c'estoit vne grande folie d'aller assaillir Blasco avec si peu d'hommes, & qu'il estoit plus seur d'enuoyer premierement querir Bacicao. Mais François de Caruajal, qui arriva le lendemain, confirma tout ce qui auoit esté resolu. Côme ils partoiêr de Trufiglio, Gomez d'Aluorado, & Iean de Sajauedre se vindrêt ioindre à eux avec les soldats qu'ils emmenoiêr de Ganuco de Ciaciapojas, & du Leuant. Pizarre enuoya de Motupe Iean d'Acoste avec 24. cheuaux, gens d'assurance par le chemin des Xagucies, qui est le grâd chemin Royal, mais sans eau, & luy avec toute l'armee s'en alla par Ceran, qui est vn autre chemin pour aller à Piura vers les montaignes, & ce faisoit il, afin que Blasco Nugnez, voyant Iean d'Acoste pensast que tout l'armee suiuiſt. Mais ceste ruse fut descouuerte par vn Yanacona Indien, qui estoit à Iean Ruuio, qui suiuiſtoit Acoste. Cest Indien fut prins par l'ennemy comme il trauersoit pour gaigner Piura, & dit tout ce que faisoit Pizarre. Blasco eut si grand peur qu'il s'en fuit à Quito par le chemin de Caxas. Alors les citoyens de S. Michel, qui s'estoient retirez aux montaignes, se ietterent sur luy, & arresterent la plus grand part de son bagage, disans qu'ils se payoient du sac qu'il auoit faict en leur ville. Pizarre dict ceste nuit à François de Caruajal en presence de Hinoiose, & Cepeda qu'il vouloit enuoyer apres le Vice-Roy Iean de Acoste avec 80. bōs arqbuziers, & en demâda son aduis. Caruajal luy dit qu'il trouuoit cest aduis si bon qu'il l'eust voulu faire : & cōme Pizarre luy demâdoit cōmēt il pēsoit l'executer

il respondit : que vostre seigneurie me le die (qui estoit sa façon de parler) ie les vous prendray tous comme dedans vn rers. Alors Pizarre luy dict qu'il auoit gaigne le ieu, s'il le pouuoit ioindre, & pour tât qu'il cheminaست toute nuit, par ce que s'il pouuoit trouuer les ennemys sans sentinelles, il en pourroit tuer autant qu'il voudroit, & s'il les rencontroit dedans les montagnes, qu'il sefforçast de les arrester aux passages estroicts iusques au iour. Adoncques François de Caruajal se meit en chemin avec plus de 50. cheuaux, & à troys heures de nuit se ioingnit aux ennemys, qui dormoient si profondement avec si peu de soucy de leurs vies que certainement il les eust tous tuez, ou prins s'il eust voulu : mais il ne vouloit pas mettre fin à la guerre, voulant tousiours l'entretenir pour par le moyen d'icelle pouuoir commander. Il feit dōner l'alarme par vn trompette qu'il auoit mené contre l'aduis de tous les siens, qui le vouloient tuer si les ennemys ne se fussent incontinent esueillez. Blasco Nugnez sentit bié le murmure, qui estoit entre ses ennemis, mais il disoit q'c'estoit vne astuce de Caruajal. Si se meit en defense comme homme vaillant prenāt aupres de soy son cousin Sancio Sancies de Auile, & Figueroe de Zamore, qui estoient personnages belliqueux. Mais voyāt que ses aduersaires se tiroient sagement, il n'osa les poursuiure craignāt vne embuscade, & aymant mieux se retirer aussi doucement marchāt en ordre. Quand Caruajal veid son ennemy retiré il en surprint quelques soldats, qui estoient paresseux à se retirer, lesquels il feit pendre, & attēdit là son armee. Les siens parloient fort



mal de luy de ce qu'il n'auoit cōbattu le Viceroy, & par sur tout Pizarre mesme, qui luy vouloit faire trācher la teste; n'eust esté le docteur Cepeda, & Benoist de Caruajal, qui requirēt pour luy. Pizarre commanda au docteur Caruajal de poursuiure le Viceroy avec deux cens hōmes, par ce que c'estoit son grand ennemy, & s'asseuroit que cestuy-cy feroit son deuoir. Le docteur fut fort ioyeux de ceste charge tant par ce qu'il se voyoit par là rentré en la bonne grace de Pizarre, que pour venger la mort du facteur son frere, & aussi pour se véger soy-mesme, par ce que Blasco luy auoit osté le departemēt qu'il auoit des Indiens, & luy auoit mis la corde au col commandant qu'il se confessast. Il demanda à Frāçois de Caruajal, vn bel estoc qu'il auoit, & iura qu'il en tueroit le Viceroy s'il le pouuoit rencontrer. Il feit vn long, & rude chemin, & deuant qu'arriuier à Ayabaca, qui est à 42. mil de Caxas, il print beaucoup de soldats du Viceroy, qui lors eschappa avec 70. soldats seulement. Le maistre de camp Caruajal pendit à Ayacaba Mōtoye qui portoit lettres du Viceroy à Pizarre, & Raphael Vela Mulat parēt de Nugnez, & autres troys, & là Pizarre leur les lettres de Blasco publiquement: la somme estoit qu'il e rembourfast, & l'Empereur des frais qu'il auoit fait tant à ses despens qu'à ceux du Roy, & de quelques particuliers, & que puis il s'en retourneroit en Espagne. Pour cela, & pour quelques autres causes portees par les mesmes lettres il commanda de tuer Montoye. Il enuoya encor' apres Blasco Iean d'Acoste avec 60. cheuaux legiers, à fin qu'il le poursuiuit plus diligēment. Blasco gagna en

grand haste Tumebamba endurent autant de travail & de faim qu'il auoit de peur. Il tua Hierosme de la Serne, & Gaspar les capitaines ayant soupçon qu'ils communiquoient par lettres avec Pizarre. Ce qui estoit neantmoins faux. Car Pizarre ne receut iamais aucunes lettres d'eux durant ceste derniere guerre. Il feit encor tuer pour mesme soupçon Roderic d'Ocampo son maistre de camp, qui selon l'opinion de tous, n'estoit coupable aucunement, & qui ne meritoit telle fin l'ayât nourry, & tousiours fuiuy. Estant arriué à Quito il commanda au docteur Alvarez, qu'il feit perdre Gomez Statio, & Aluarado de Caruajal habitans de Guayaquil, parce qu'ils auoient coniuré de le tuer: ce qu'ils eussent executé par ce que c'estoient hommes vaillans, & & hardis, & n'auoient pas faute de la faueur de plusieurs. Mais Sarmento cousin de Gomez descourrit la trahison. Ce Gomez, sans cela, meritoit bien, telle, où plus rigoureuse punition. Car il se retira à Tombez vers Bacicao, & voyant qu'il auoit peu d'hommes, & que mesme ce n'estoient que meschantes canailles, s'en retourna vers le Viceroy disant qu'il n'estoit allé là que pour pourueoir à ses cheuaux, qui y estoient. Quand le Viceroy sceut que Bacicao s'estoit ioinct à Pizarre à Muliambarto, & qu'ils prenoient le chemin de Quito pour le poursuiure, s'en alla à Pasto, qui est à 120. mil de Quito en la prouince de Popajan, croyant qu'ils ne passeroient point plus outre, & ne le poursuiuroient plus. Mais Pizarre le deceut de son opinion. Car il s'en alla avec son armee à Pasto, d'où estoit desia parti Blasco pour aller à Popaian avec peu de gens.

Il enuoya le docteur Caruajal pour le pourſuiure. François de Caruajal auoit grand enuie d'y aller pour corriger la faute de l'autre fois. Le docteur ſen revint avec quelques priſonniers, & beſtail, qu'il auoit prins ſur le Viceroy. Sur cela Pizarre ſe retourna à la ville de Quito, apres auoir pourſuiuy Blaſco Nugnez par tout le Peru. En ce temps meſme Blaſco cuida eſtre tué par vn nommé Oliuere, qui auoit eſté ſon page, & ce par le ſubornement de Pizarre, ainſi qu'on diſt. Mais ce page n'eſtant encor' aſſez aduiſé, ny hardy ſe deſcouurit à Diego d'Ocampo pour luy aider à executer ceſte entreprinſe diſant, que par ce moyen il ſe végeroit auſſi de la mort de ſon oncle Roderic d'Ocampo. Le Viceroy le ſeit mourir, encore qu'il luy promeit de tuer Gonzalle Pizarre.

*Ce que ſeit Pierre de Hinoioſe avec ſon armee.*

*Chap. 169.*

**L**Es plainctes qu'on faiſoit iournellement à Pizarre pour les meurtres, & volleries faiçtes par Bacicao eſtoiét ſi grâdes qu'il fut cōtrainct y mettre ordre, & pour ce faire aſſembla le conſeil, où il fut arreſté qu'il failloit enuoyer vn autre capitaine hōme de bien pour y ſatiffaire, ou en rendant leurs biens, où bien les payer des deniers de Pizarre meſme. La plus grande difficulté, qui aduint la deſſus fut à nommer celuy, qui auroit ceſte charge. Pizarre, & la plus grand part vouloiét que Pierre de Hinoioſe homme de bien, & vaillant de ſa perſonne, y allaſt. Mais François de Caruajal, & Gueuare capitaines d'arçbuziers & Bacicao meſme, qui auoit la faueur de la plus grand part des ſoldats, & des



principaux, vouloïent que Bacicao y retournast. Par là vous voyez que Pizarre ne faisoit pas à chascun foys tout ce qu'il vouloit, mais seulement ce qu'il pouuoit. Il dict à Martin de Robles, & Pierre de Puellas, qui auoient sous eux la plus grande part des soldats, & qui n'aymoient guerres Caruajal, & Bacicao, qu'au premier conseil ils fussent de son opinion, & de celle de Cepeda, qui estoit q̃ Bacicao n'y deuoit point aller. Cepeda ayant eu leur parole, & estant assuré qu'ils seroient de son aduis, remonstra par bonnes raisons, qu'il n'estoit pas bon que Bacicao y retournast, mais qu'il estoit meilleur que ce fut Hinoiose, & ainsi fut esleu. Bacicao, qui s'estoit trouué à toutes ces deliberations ne dict mot, mais Caruajal dict seulement qu'il ne s'en soucioit point. Pierre de Hinoiose print l'armee pour aller à Panama, & payer ce que Bacicao auoit enleué, & aussi pour empescher que tout le long de la coste deux vaisseaux ne se peussent assembler, par ce qu'ils tenoient pour tout certain, & aussi estoit-il ainsi, qu'estans maistres de la mer, ils seroient aussi maistres de tout le pays. Arriuant au port de Bonaventure il print Vela Nugnez, qui leuoit gens pour son frere, & plusieurs autres: il recourrit vn des enfans de Gonzalle Pizarre qu'ils tenoient là prisonnier, & si eut 20000. castillans d'or, avec lesquels ils achetoient cheuaux, & armes pour le Viceroy. Deuant qu'arriuer à Panama il enuoya vne lettre par Roderic de Caruajal à la communauté de la ville, par laquelle il madoit quelle estoit son intention. Mais ils ne le voulurent croire, Jean de Lanes, Jean Fernandez de Rebelledo, Jean Vendrel Ca-

talán, Balthasar Diez, Arias d'Azevedo, & Mugnos d'Auile citoyens de la ville enuoyerent incontinct querir Pierre de Casaos, & luy manderent qu'il amenaſt gens de la ville du Nom de Dieu, où pour lors il eſtoit. Il vint, & ſe mit en deſenſe avec les ſoldats qu'il auoit amenez, & avec ceux de la ville, & lors feirét reſpōce à Hinoioſe qu'après auoir eſté ainſi mal traictez par Bacicao ils ne vouloiét le recevoir avec tous ſes gens, mais laiſſant à l'ancre ſes vaiſſeaux en l'Iſle de Tauoga, & venant ſeulement accompagné de 40. hōmes qu'ils le receuroient, & traicteroient honneſtement iuſques à ce qu'il euſt ſatisfait aux meutres, & volleries faiçtes par Bacicao. Hinoioſe ne voulant accepter ceſte condition ſe fait maĩſtre de tous les nauires, qui eſtoient au port, & requiſt ceux de la ville par vn moyne qu'ils le receurent en paix puis qu'il venoit pour leur bien faire, & non pour les mal traicter. Eux ſe conſians au moyne demāderent des gentils-hommes, & gens d'honneur, avec leſquels ils peuſſent negocier de cet affaire. Il leur enuoya Paul de Menefes, & le meſme Roderic de Caruajal, mais luy eſtant aduis qu'ils demeūroient trop à reuenir ſ'aduança vers la ville, & les rencontra. Il ſceut par eux comme ceux de Panama ſe mettoient en armes. Il deſbarqua à trois mil au de ſoubs de la ville, & mit tous ſes gens à terre les faiſant marcher en eſquadrōn contre la ville, & ſe faiſant coſtoyer le long de la marine par ces barques, dedans leſquelles eſtoit ſon artillerie. Pierre de Casaos, Iean de Lanes & autres Capitaines feirent ſortir leurs ſoldats, & artillerie contre Hinoioſe, & comme ils ſ'appro-

cherent pres l'un de l'autre se rangerent tous en bataille. Les Panamiens estoient en plus grand nombre, mais Hinoiose auoit plus d'arquebuziers, & auoit l'aduantage pour la situation du lieu, & pour la commodité de ses barques, ja les bataillons se vouloient atraquer quand dô Pierre de Cabrere, & André d'Areyza crierent paix, paix. Ils allerent demander trefues à Hinoiose à fin que ce pendât on peut trouuer quelque bone issue pour cet affaire. L'accord fut tel q' Hinoiose enuoyroit ses vaisseaux, & tous ses soldars à Tauoga, qu'il entreroit en la ville avec 50. soldats seulement. Hinoiose feit selon cet accord, & le lendemain entra avec le contentemēt de tous, & commença à traicter de l'affaire, pour laquelle il estoit allé là. Ce pendant enuoya à Lima prisonniers Vela Nugnez, Roderic Mexia, Lerme, & Sajauedre, ausquels depuis Pizarre feit trancher les testes. Il faisoit en cesteville, ou disoit telles choses qu'incontinent il attira les soldars pour le parti de Pizarre, & s'e alloient à Teuoga avec les autres. Lanes se pleignoit de cela, mais voyant que pour ses plainctes, il ne pouuoit arrester ses gēs, il remeit entre les mains de la communauté, & du docteur Riuere iuge de la ville les armes, munitions, & artillerie qu'il auoit, & se retira à S. Marthe, avec quelques vns, qui le voulurēt suiure. Il y auoit pour lors à Nicaragua Melchior Verdugo, qui leuoit gens de guerre pour le Viceroy. Iceluy auoit prins des deniers, & vn nauire aux habitans de Trusiglio par le cōmandemēt du Viceroy. Hinoiose y enuoya Ican, Alfōse Palomin avec vn nauire biē muni d'hōmes, & d'artillerie, avec charge d'enfoncer tous les vais-



seaux de Nicaragua fils ne se vouloient rendre. Palomin sy en alla , & ne faillit à prendre tous les vaisseaux qu'il trouua, mais Verdugo s'en estoit desja allé tachant à gagner la ville du nom de Dieu. Et pour ce faire meit en certaines barques 80. Espagnols, & s'en alla par le fleuve Xuaguator, qui entre dedans le lac de Nicaragua, en intention de faire par là tout ce qu'il pourroit contre Pizarre, & François de Carnajal, lequel il hayoit à mort. Il entra donc en ceste ville quasi sans estre apperceu, & meit le feu aux maisons de Fernád Mexia, & de son beau-pere dom Pierre de Cabrere, qui estoient là avec gens pour Hinoiose, & Pizarre, mais ils s'enfuirent à Panama, ainsi il se fit maistre de la ville, & fit tout ce qu'il voulut avec 300. soldats qu'il assembla. Les habitans du Nom de Dieu se plainquirent au docteur Riuiere des dommages, griefs, torts, & iniures qu'ils receuoient de Verdugo en sa iurisdiction. Riuiere demanda secours à Hinoiose, qui luy donna 140. arquebuziers, & s'en alla avec luy: ils prindrent en chemin les sentinelles de Verdugo, & ayants entendu qu'il estoit trop fort, & puissant, le docteur Riuiere le requist de se retirer de là satisfaisant aux despences, & dommages qu'il auoit faits, mais ayant fait responce trop hautaine, & superbe, les arquebuziers d'Hinoiose aduancerent le pas, & tirans sans cesse le feirent reculer, iusques à la mer, où il auoit vn nauire, & barques attachees à terre. Il eut beaucoup de ses gens tuez, & blesez, & encores qu'il combatist vaillamment si fut il contraint se ietter vistemement en ses barques, & s'enfuir. Hinoiose laissa là dom Pierre de Cabre-

re, & Fernand de Mexia, comme ils estoient deuant, & s'en retourna à Panama.

*Les cruantez & meurtres faits par Francois de Carvajal contre ceux du party du Roy. Chap. 170.*

**L**Ope de Médozze fâché de ce qu'on luy auoit osté son département meit en la teste de Diego Centeno preuost de la ville de l'Argent de tuer François d'Almendras lieutenant de Pizarre, & de s'esleuer pour le Roy. Centeno, qui d'ailleurs estoit assez mal cōtent, fut lors contrēt d'exccuter ceste entreprinse pour n'estre point noté par cy apres de trahison à son Prince: car c'estoit vn homme de bō cueur. Il assembla donc secrettement en sa maison Lope de Mendozze, Louis de Leon, Diego de Ribadeneyre. Alphonse Perez d'Esquiuel Louis Perdomo, François Negral, & quatre, ou cinq autres, & leur dit comme il vouloit tuer François d'Almandras, par ce qu'il auoit osté les departemēs à plusieurs, & fait mourir dom Gomez de la Lune, & puis s'esleuer pour le Roy. Ils luy promeirent tous de luy aider louās son entreprinse. Alors il s'en alla chez François d'Almendras son voisin, & amy, & luy dit comme il auoit entendu que le Viceroy auoit prins Gonzalle Pizarre en la ville de Quito: & cōme l'autre fut tout estonné, & troublé en soy-mesme de ceste nouuelle, l'ébrassā luy disant: vous estes prisonnier, là dessus les autres dix compagnōs l'empoingnerent, & le tuerent avecques vn sien seruiteur, & quelques autres, qui louoient l'emprionnement du Viceroy. Apres ils meirent l'enseigne de l'Empereur au vent, & feirent capitaine general Diego Centeno, qui assembla incontinent

gés, lesquels il paya du sien, & des deniers du Roy. Il feit maistre de camp Lope de Mendozze, & Fernand Nugnez sergent maieur. Il publia la guerre contre Pizarre, & se meit en chemin vers Cuzco avec 200, Espagnols tant de pied que de cheual péfiant en faire là autant. Mais Alphonse de Tore lieutenant pour Pizarre en ceste ville sortit au deuant avec trois cens soldats. Centeno tourna bride, & voyât que ses soldats ne le suiuoient point, gaigna les montaignes ne trouuant pas seur d'attendre à Ciarcas. Alphonse le pourfuiuit, & en passant pillâ la ville de Ciarcas, meit dedans la ville de l'Argent Alphonse de Mendozze avec quantité de soldats, & puis s'en retourna à Cuzco, où il feit pédre Loys Aluarez, & decapiter Martin de Candie, parce qu'ils parloient mal de Pizarre. Quand Centeno sceut ce qu'auoit fait Alphonse de Tore, s'en retourna vers la ville de l'Argent, & pria Alphonse de Mendozze que puis qu'il estoit gentilhomme de bonne part, il voulur suiure le party du Roy, & comme l'autre n'y vouloit entendre, il reprint la ville, remeit le peuple en son obeyssance, refeit son armee, & se meit aux champs. Alphonse de Mendozze se retira avec trente hommes de guerre seulement, & feit plus de trois cents mil sans perdre aucun de ses gens. Cest Alphonse de Mendozze est vn des capitaines le plus renommé, qui ayt esté au Peru, & ne luy doit on accôparer Céteno, ny Caruajal. Gózalle Pizarre ayant entendu par les lettres d'Alfóse de Tore, que luy porta Martin de Vergara, la mort de François d'Almédras, & la rebellion de Céteno enuoia de Quito à la ville de l'Argét, qui en est loin



## 4. LIVRE DE L'HIST.

1500. mil, François de Carjaua avec gens de guerre pour chastier Centeno, & les autres, qui s'estoient esleuez contre luy. Caruajal pilloir par tout où il passoit sous couleur que c'estoit pour payer les gés, & rembourser les despens faits par Pizarre en ceste guerre contre Blasco Nugnez. Il feit pendre à Guamanga quatre Espagnols sans estre chargez de rien, & à Cuzco cinq autres, entre lesquels furent Diego de Naruaez, Fernand d'Aldene, & Gregoire Setiel, personnages tres-riches, & honorables. Il prit leurs departemens, & les donna à ses soldats, & l'achemina vers où estoit Centeno, faisant courir le bruiet qu'il ne luy vouloit faire mal, & qu'il ne vouloit que le remettre en grace avec Pizarre. Mais Céteno ne voulut ny le voir, ny parler à luy, ny entendre à ses raisons : & laissant à Ciayan Loppe de Mendozze avec l'infanterie, sortit avec 100 cheuaux au deuant de luy, & luy donna l'assault de nuit criant: viue le Roy, pensant qu'à ceste voix plusieurs de ses ennemis deussent passer de son costé deuant qu'on eust sonné l'alarme. Mais ne voyant personne se jeter de son costé, donna à la pointe du iour vne escarmouche pour ce mesme effect : & voyant encores les soldats de son ennemy si fermes s'en retourna à Ciayan se desiant de pouuoir garder la ville pour le Roy. Caruajal le poursuiuit, & le rōpit, & fut tousiours apres iusques à Arequipa, qui est loing 250. mil. Il prit en chemin douze de ses soldats qu'il feit pendre, & qui plus est sans permettre qu'ils se confessassent. Diego Centeno encore qu'il fust en fuite, si esleuoit il le pays, par où il passoit, contre Pizarre, disant qu'ils se dōnassent garde du cruel Car-

uajal. Il feit eſcrite à quelques vns de Cuzco par dō Martin d'Vtrere comme Diego Centeno auoit tué François de Caruajal, & qu'il ſ'acheminoit vers eux. Alphonſe de Tore creut aiſémēt ces nouuelles, par ce que dom Martin eſtoit citoyen du Cuzco, & ſ'ēfuit de là avec ceux qu'il peut emmener. Mais la verité eſtant cogneuē il ſ'en reuint incontinent, & feit pendre Martin de Salas, qui auoit deſployé vne enſeigne au nom du Roy, & Martin Manzano, Ferdinand Diez, Martin Fernandez, Baptiſte le Galand, & Sotto Maieur, & autres, qui ſ'eſtoient declarez contre Pizarre. Quand Centeno ſe veid pourſuiuy de ſi pres par Caruajal, & qu'il n'auoit pas plus de cinquante hommes avec luy, il en enuoya quinze avec Diego de Ribadeuere pour prendre vn vaiſſeau, par le moyē duquel ils ſe peuſſent ſauuer, mais ſon ennemy ne luy dōna pas ſi long terme. Se voiant donc perdu, & quaſi és mains de Caruajal, commēça à ſe plaindre avec ſeſ trente compagnons de leur commune infortune, les embrallant tous, & les priant d'euitier la main d'vn ſi cruel tyran. Ainſi il ſe departit d'avec eux, & ſ'en alla ſe cacher avecques vn ſien ſerviteur, & Louys de Riuiere en certaines petites caſes d'Indiens, qui eſtoient à Coruegio habitant d'Arequipa. Les autres ſ'en allerent par autres chemins, qui leur ſembloient bons, accompagnez touſiours d'vne peur de mourir ou du glaue, ou de faim. Quant à Loppe de Mendozze il ſe retira avec douze ou quinze des ſiens, parmy quelques Indiens ſes vaſſaux, & rāſſembla là iuſques à quarāte Eſpagnols, & voulans ſe mettre avec iceux dedans les Andes, qui ſont montaignes hautes, & ru-

des, il sceut de Nicolas d'Heredia, qui amenoit 140 soldats, le long chemin qu'auoient faict Diego de Roias, & Philippe Gutierrez par le fleuue del'Argent au temps de Vacca de Castro, & se ioingnit avec luy, & tous deux se feirēt forts ensemble cōtre les Pizarristes. Le maistre de cāp Caruajal marcha contre eux avec 400. soldats, & se campa deuant eux, comme voulant assieger le lieu où ils estoient. Lope de Mandozze se fiant sur la cauallerie qu'il auoit laissé le lieu fort, où il estoit, par ce que le contour estoit trop rude pour ses cheuaulx, ou de peur d'y estre assiegé, & prins par famine, & alla logger ses gens en vne plaine. Caruajal au contraire s'alla mettre incontinent dedans la forteresse blasmant la grande ignorāce de ses ennemys. Lope de Mendozze voulant amender ceste faute avec vne grande animosité la mesme nuit alla donner l'assault à ceste forteresse, mettant son infanterie deuant vne porte, & la cauallerie à l'autre sous Heredia. Les gens de pied combattirent vaillamment, entrèrent dedans, tuans, & mourās de mesme vaillance. Ceux de cheual à cause de l'obscurité de la nuit ne peurent veoir l'endroit, où estoit la porte, & furent contraincts se retirer & fuir. Caruajal fut fort blessé d'une arquebuzade en la fesse, mais il n'en dit pour lors riē, & encor' moins l'en ouït-on plaindre iusques à ce qu'il eust vaincu, & repoussé ses ennemys. Il se fait penser sa playe, & puis pourfuiuit les ennemys. Il se ioingnit à eux à quinze mil de là sur la riuē d'un grand fleuue, & par ce qu'ils estoient las & harassés, il les rompit facilement. Il en print plusieurs, & en fait pendre quelques vns,



il feit decapiter Lope de Mendozze, & Nicolas de Heredie, il pillà ceux de Ciarcas, saccagea la ville de l'Argent, où il feit pendre dix ou douze Espagnols de Mendozze qu'il trouua là. De là il alla à Arcuipa, laquelle il pillà, où il feit encor' pendre quatre autres soldats. Et puis vint à Cuzco, où il en feit pendre autant. Il faisoit tant de cruantez & vilainies qu'aucun n'osoit luy contredire, ny comparer deuant luy.

*La bataille, en laquelle mourut Blasco Nugnez Vela.*

*Chap.*

*171.*

**A** Pres que le Viceroy eut esté ainsi deschassé du Peru, & Hinoiose fut enuoyé à Panamá, & Caruajal contre Centeno, Pizarre ne bougea de Quito ne faisant autre chose q̃ festoyer les dames, & prendre son plaisir à la chasse, encor dit-on qu'il feit tuer vn Espagnol pour iouir de sa femme. François de Caruajal prenant congé de luy, luy dit, que s'il vouloit demeurer en seureté, & se deliurer de toute crainte, il se feist, & s'appellast Roy. Il luy donna ce conseil pour le confirmer d'auantage en ceste opinion de poutsuiure tousiours en son absence le Viceroy iusques à ce qu'il l'eust entierement defaict comme il auoit bien commencé en l'assault donné à Caxas, craignant qu'en son absence son cœur samollist par le conseil de quelque autre. Pizarre en fin se resueillant eut aduertissement de ce que faisoit Blasco Nugnez à Popayan. Il songea comme il pourroit le tromper, & s'aduisa de mettre des gens sur tous les chemins, afin qu'aucun ne passast pour aller à Popayan sans sa mercy, faisant au reste courir le bruiet qu'il

ſ'en alloit à Lima : & afin qu'on le creut à Popayá,  
 feit eſcrire de Quito par certaines femmes à leurs  
 maris, qui eſtoient là, comme Pizarre ſ'en eſtoit re-  
 tourné. Puellles manioit toute ceſté entrepriſe, eſ-  
 tant maistre de camp en l'abſence de Caruajal. Vn  
 eſpion du Vice-Roy, qu'on auoit prins, eſcriuit le  
 ſemblable. Blasco voyant tant de lettres creut que  
 Pizarre ſ'en eſtoit veritablement retourné contre  
 Centeno, ſ'imaginant en foy meſme les raiſons, qui  
 l'auoient meu à ce faire, qui eſtoient pour ne laiſſer  
 point perdre la richeſſe, & grandeur du Peru que  
 Centeno pouuoit enuahir durant telles querelles,  
 & partialitez, auſſi pour garder la frontiere de Qui-  
 to. Blasco Nugnez eſtoit arriué à Popayan fort deſ-  
 fait, ayant mangé de ſes cheuaux par les chemins,  
 il maudiſſoit l'heure qu'il eſtoit iamais venu au Pe-  
 ru, & les hommes qu'il y auoit trouuez. Il auoit bõ-  
 ne enuie de ſe venger, mais ſa puiffance eſtoit peti-  
 te. Il eſtoit grandement faſché de la prinſe de ſon  
 frere Vela Nugnez, & d'auoir perdu 20000. caſtil-  
 lans d'or qu'auoit pris Hinoioſe. Il ne ſe fioit point  
 de pas vn des ſiens: mais pour toutes ces aduerſitez  
 il ne perdoit point courage, encores moins l'eſpe-  
 rance d'eſtre vn iour le plus grand au Peru, ſ'il pou-  
 uoit entrer en Quito, & en Trufiglio. Ainſi, donc,  
 croyant que Pizarre ſ'en fur retourné à la ville des  
 Rois ſe meit en ordre pour aller à la ville de Quito  
 avec quatre cents ſoldats, qui eſtoient aſſez pour  
 combattre les trois cents, qu'on diſoit eſtre ſeule-  
 ment reſtez là. Nonobſtant qu'on luy diſſuadast ce  
 ſte entrepriſe, ſi ne voulut il attendre plus grande  
 certitude, parce que le temps, diſoit il, deſcouuroit  
 toutes

toutes entreprises. Iean Marques estoit à 72. mil de Quito, avec quelques soldats en vne sienne casine, d'où il espioit par le moyen de ses Indiens tout ce que faisoit Blasco, & tous les iours en aduertissoit Pizarre. Au contraire, Blasco ne sceut iamais aucunes nouvelles de Pizarre, qui estoit vne negligence bien grande, iusques à ce qu'il fut à Otatabalo, à 27. mil de Quito, où il sceut la verité de tout par André Gomez son espie. Pizarre laissant Quito alla camper 12. mil, à costé de la ville, vis à vis du fleuve de Guaylababa en vn lieu fort, tant pour sa seureté, que pour vaincre son ennemy. Blasco ayant entendu l'intention de son aduersaire, fut recognoistre la situation du lieu, feit semblant de faillir, commandant à quelques vns de se monstrier sur le fleuve. Puis feit faire plusieurs feuz pour tromper Pizarre, & ce pendant s'en alla de nuict par lieux aspres, & rudes, sans tenir voye ne sentier, & chemina ainsi route la nuict en grande diligence, & à midy entra dedans Quito, où il n'y auoit aucune garnison, & là s'estant informé des gens, & de la force qu'auoit Pizarre eut peur, & tous les siés aussi. Sebastien de Venalcazar Adelantado, l'Auditeur Iean Aluarez, & autres luy conseillerent qu'il se rendit à Pizarre, avec quelques bonnes pactions. Mais il leur respondit: j'ayme mieux plustost mourir en combattant, que me rendre par couardise à vn tyran, & si ie meurs au champ de bataille, nostre Roy est viuant en Espagne, qui nous vengera tous: & donnât bon courage, & bonne esperance de victoire marcha contre Pizarre avecques plus grand cœur, qu'avec prudence: car sil se fut fortifié



en la ville il eust peu se deffendre, ainsi qu'on dit: mais il ne vouloit point estre assiegé, de peur d'estre prins, & aimoit mieux combattre en la campagne, pour se sauuer s'il estoit vaincu, ou mourir en combatant vaillamment. Il meit, donc, tous ses gens en ordre en ceste façon: Toute son infanterie estoit en vn bataillon, exceptez quelques arquebuziers, qui estoient à part comme enfans perdus pour attaquer l'escarmouche, leur Capitaine estoit Iean Caurere maistre de camp, de l'infanterie estoient Capitaines Sancio d'Auille, François Hernandez de Carceres, Pierre de Heredie, Roderic Nugnez de Bouille tresorier. Il feit deux esquadrons de ses gens de cheual, il print le plus grand, & le meilleur pour luy, & donna l'autre à Cepeda de Plaifance, à Venalcazar & à Bazá. Pizarre suiuit cest ordre, par ce qu'il auoit recogneu deuant. Il auoit 700. Espagnols. Il y en auoit 200. arquebuziers, & 140. de cheual. Il meit à main gauche le Capitaine Gueuare, avec ses arquebuziers, & les piquiers apres derriere lesquels marchoient le docteur Cepeda, Gomez d'Aluarado & Martin de Robles avec 100. cheuaux des meilleurs. Au flac droit estoit le capitaine Ieá d'Acofte avec ses arquebuziers, & des picquiers apres, & pour l'arrieregarde estoient le docteur Caruajal, Diego d'Urbine, & Pierre de Puellas avec la cauallerie. Par ceste ruse Pizarre couvrit toute la cauallerie par le moyé des piquiers, qui renoiét leurs piques leuees, & ainsi demeura ferme, sans bransler, ny se mouuoir. Blasco qui bouilloit de colere vint à la chaude assaillir Pizarre, & se commença la bataille. Ceux de Pizarre dès la premiere scopeterie tuerent beaucoup

de leurs aduersaires, & entre autres Iean Caure-  
re, Sancio Sancies, & le Capitaine Cepeda. Les  
gens de cheual se voyans ainsi molestez de telles  
arquebuzades se ioignirent tous avecques le Vice-  
Roy, & ensemble vindrent donner sur l'esquadron  
du Docteur Caruajal, lequel ils rompirent, & en  
iecterent quelques vns par terre, Blasco mesme  
meit par terre Alphonse de Montaluo. Le docteur  
Cepeda voyant cela donne avecques tout son es-  
quadron dedans le flanc des gens du Vice-Roy, &  
le met en routte. Se voyans perdus, commence-  
rent à fuir. Cepeda, Aluarado, & Robles les pour-  
suiuent si viuement, qu'il n'en eschappe pas vn, ex-  
cepté Ynigo Cardo, & vn nommé Cisneros. Mais  
depuis ce Cisneros fut amené de Pasto, & fut pen-  
du, & Ynigo Cardo tua le Docteur Polo en la vil-  
le des Ciarcas. Pizarre se comporta en grand cle-  
mence avecques les vaincuz. Il ne feit mourir  
que Pierre de Heredie, Pierre Vello, Pierre An-  
ton, & Ynigo Cardo. Quand à l'Auditeur Iean  
Aluarez on dict que les siens mesmes l'empoi-  
sonnerent, par-ce qu'il mourut avecques tous les  
signes de poison. Il meit prisonniers tous ceux qui  
luy pouuoient estre contraires ne les voulant fai-  
re mourir, comme aucuns luy conseilleroient, mais  
il sen repentit depuis. Il en meit plusieurs en li-  
berté, il remonta les autres d'armes & de deniers  
pour les renuoyer à leurs gouuernemens, entre  
autres Sebastien de Venalcazar, ne prenant point  
d'esgard à ce qu'il auoit faict contre son frere Fran-  
çois Pizarre se rebellant contre luy. Ainsi la ba-  
taille, ny la victoire ne furent pas gueres cruelles.

Car il n'y mourut pas plus de cinq ou six des gens de Pizarre. Fernand de Torres, demeurant pres Arequipa, ietta par terre le Viceroy Blasco Nugnez en le poursuivant, & sans le cognoistre, ainsi qu'on dict. Car il auoit caché ses armes tout expres avec vne chemise Indienne. Estant cheu à terre, Herrera confesseur de Pizarre accourut pour le cōfesser: Il luy demanda qui il estoit, le Viceroy luy respondit: Vous n'avez que faire de sçauoir qui ie suis, faites vostre office. Il ne se vouloit point donner à cognoistre craignant sentir quelque cruauté de son ennemy. Son cheual auoit quatorze cloux à chasque fer: ce qui fait croire qu'il auoit bonne enuie de fuir sil se voyoit rompu. Vn soldat, qui autresfois auoit esté des siés, le recogneur, & le dict à Pierre de Puellas, & au Docteur Caruajal, afin qu'il se vengeast. Caruajal y enuoya vn Negre, pour luy couper la teste: car Puellas ne voulut point qu'il descendit de cheual pour faire cest acte, disant que il ne conuenoit point à sa grandeur de s'abbaisser si bas. Puellas mesme print la teste, & la porta au lieu patibulaire, la monstrant à tous. On dict que quelques Capitaines luy arracherent toute la barbe, & la gardoient, & la portoient à leurs bonnets pour montrer leur vaillantise. Pizarre commanda qu'on portast le corps à la maison de Vasco Xuarez & la teste, quand il sceut qu'elle estoit sur le gibet, dequoy il se colera grandement, & le lendemain on l'enterra aussi honorablement qu'il fut possible.

*Ce que Blasco Nugnez disoit, & escrinoit des Auditeurs. Chap. 172.*



**B**ien souuent Blasco Nugnez disoit que l'Empereur & son conseil luy auoient baillé pour Auditeurs vn ieune, vn fol, vn ignorant, & vn sot: aussi se fôr ils gouuernez en ceste sorte: Cepeda estoit le ieune, Iean Aluarez le fol, Tejada l'ignorant, qui ne sçauoit pas vn mot de Latin. Ce fut à Panama, où les Auditeurs commencerêt à estre mal voulus du Viceroy, & à entrer en different les vns avec les autres, pour sçauoir qui seroit superieur, ou non, & sur la maniere de depescher les affaires, & lettres, qui touchoient le faict de iustice, & du gouuernement, par-ce qu'on voyoit quelques lettres donnees par les Presidens, & Auditeurs, autres par le Viceroy seulement. Iean Aluarez amena sa femme d'Espagne, & depuis la ville du nom de Dieu, iusques à Panama la feit porter sur le dos des Indiens dâs vne portoire, ou horte qu'ils apellent Hamaca. Le Viceroy s'en mocquoit, & blasmoit sa femme. Cela feit inimitié entre eux deux. Ils ingèrent des proces, constituerent quelques vns prisonniers, autres deliurerent deuant que d'estre receuz Auditeurs, & Iean Aluarez feit monter vn Gentil-homme sur vn asne, & l'eust faict fouetter, sans les prieres de quelques vns, & que c'estoit contre les Loix d'Espagne. Il faisoit porter aux Indiens ses hardes sans les payer, qui estoit contre les Ordonnances qu'ils portoient. Par-ce qu'Alphonse Palomin Preuost ordinaire de saint Michel ne se-toit descendu de son cheual, & n'auoit accompagné Iean Aluarez fut reprins par quelques parolles aigres. Ils mangerent par plusieurs iours aux despens de leurs hostes, hommes trefriches, & opu-

lens, & toutesfois deuoient reformer les trop grãd departemens, & richesses: Christophle de Burgos en estoit entre autres: & si deuoit chasser hors le Peru tous les nouueaux Chrestiens suiuant l'Edit del'Empereur. Ils disoiēt par où ils passoient que les Ordonnances n'estoient point iustes, & que le Roy n'auoit peu par raison les faire, & qu'encore moins le Viceroy les pouuoit il executer, & que tout ce qu'il faisoit sans eux ne valloit rien, encore qu'il l'autorizast du nom de l'Empereur. Ils alloient souuent se pourmener aux champs, & là commniquoient ensemble, & s'accordoient contre le Viceroy, & ainsi faisoient ils de peur qu'il ne eust empesché leurs assemblees, s'ils les eussent faites chez eux, Iamais ne furent contens qu'il y eust accord entre Blasco, & Gonzalle, & ne subsignerent de bonne volonté au pardon, & sauf-conduict que porta le Prouincial des Iacobins pour ceux, qui voudroient se retirer du party: encore moins à celuy que demanda Balthasar de Loaysa, par-ce qu'il exceptoit Pizarre, le docteur Caruajal & trop peu d'autres, disans qu'il appartenoit au Roy seulement de pardonner tels delicts. Ils louoient Dó Diego d'Almagro, par-ce qu'il auoit fait comme Gonzalle Pizarre, le party duquel ils iustificoient le plus qu'ils pouuoient. Ils se laisserent suborner par Benoist Martin chappellain de Pizarre. Ils demanderent pour lors gages 6000. castillans d'or pour chacun tous les ans, & qu'autrement ils ne tiendroient plus l'audience tant que dureroit l'an mil cinq cens quarante quatre. Ils haïssoient au commencement les procès qu'on faisoit touchant les

Indiës, mais depuis que le Viceroy fut prins ils faisoient bien le contraire contre l'Ordonnance, & volonté de l'Empereur, disans qu'ils ne pouuoient denier iustice à qui la demandoit. Ils prindrent à Blasco Nugnez tous ses papiers pour sayder de ceux qui parloient pour les Presidés, & Auditeurs. Quand Blasco fut prins il demanda le guidon Royal, par ce qu'il ne pouuoit estre porté que par un Viceroy, & capitaine general. Cepeda luy dict qu'il en auoit affaire puis qu'il estoit gouverneur, President, & Capitaine general. Blasco escriuit tout ce que nous auons cy dessus recité à l'Empereur. Les Auditeurs mesme ont confirmé beaucoup de ces choses par les fautes qu'ils ont faictes, comme contient l'histoire. Ils disoient qu'ils ne pouuoient supporter le naturel terrible de Blasco Nugnez, qui tousiours ne se pouuoit cōtenir, qu'il ne s'attaquast à eux de parolles hautaines, & superbes. Ils s'excusoient assez de ne l'auoir iamais faict prisonnier, & qu'aussi ils ne l'auoient mis en liberté pensans que l'Empereur seroit mieux seruy par ce moyen, & aussi qu'ils n'auoiēt peu mieux faire avec Pizarre, qui autrement les eust tuez. Mais ils ne furent point creus pour l'euenemēt, & la fin qu'eurent les affaires, comme au contraire on adiousta foy à la lettre de Blasco qu'il enuoya de Tombez à l'Empereur par son cousin Diego Aluarez Cueto.

*Comme Gonzalle Pizarre se voulut appeller Roy.*

*Chap. 173.*

**I**Amas Pizarre en l'absence de François de Caruajal, son maistre de cāp, ne tua, ny permit tuer aucun Espagnol, sans que tous, ou la plus grād part



de son conseil l'eust trouué bon, encor' vouloit-il que son proces fut fait en bonne forme, & qu'il fust confessé deuant que mourir. Commanda par lettres patentes qu'il feist publier par tout, qu'on n'eust à se seruir d'Indiens pour les faire porter la somme sur le dos, qui estoit vn article des Ordonnances, ny les rançonner, c'est à dire, prendre leurs biens par force sans payer, sur peine de la vie. Il commanda aussi que tous ceux, qui auoient des Indiens en leurs departemés, eussent en leurs maisons des personnes d'Eglise, & prestres pour les endoctriner en la foy, & religion Crestienne, sur peine d'estre priuez d'iceux departemés. Il prit grâd peine à amasser le Quint du Roy, & les biens qui luy pouuoient appartenir, disant que son frere François Pizarre auoit ainsi fait. Il commanda qu'on neust à payer aucú tribut, excepté le dixiesme, & puis que les guerres estoient finies, & Blasco Nugnez mort, qu'un chascun seruist le roy, afin qu'il reuokaist les Ordonnances, confirmast leurs departemens, & leur pardónast tout le passé. Alors tous louoient son gouuernement, mesme Lagasca, apres qu'il eut veu les Ordonnances qu'il auoit faictes, dict qu'il gouuernoit bien, & assez modestement pour vn tyran. Ce bon gouuernement dura, comme i'ay dict au commencement, iusques à ce que Pierre de Hinoiose meit entre les mains de Lagasca son armee, qui fut peu de temps apres. Car depuis tout fut renuersé: car François de Caruajal, & Pierre de Puellas escriuirét à Pizarre qu'il se feist Roy, puis qu'aussi bien à la verité il l'estoit, & qu'il ne se souciaist d'enuoyer à l'Empereur des

procureurs du pays : qu'il meit peine, & diligence à recouurer force cheuaux, corselets, artillerie, arquebuzes, & autres armes, qui estoient les vrayz procureurs, & qu'il print pour soy les quintz, vassaux, villes & reuenus royaux, & les daces qu'auoit en ce pays le secretaire Couos, sans les auoir meritees. Cela ne despleut gueres à Pizarre, car vn chascun voudroit estre Roy : mais il n'osa toutefois se declarer tel, encor' que plusieurs l'incitassent à ce faire, par ce qu'aucuns de ses plus grands amys le blasmoient s'il le vouloit entreprendre, ou bien à cause qu'il vouloit attendre que Caruajal fut venu des Ciarcas, & Puellas de Quito. Quand ceux-cy furent venus, alors aucū ne pouuoit sortir du Peru, ny tirer de l'or, ou de l'argent, sur peine de perdre la vie. Ils tuoient sans iustice, & sans confession, tous ceux qu'ils vouloient. Ils faisoient mourir les riches pour auoir leurs biens : ils osterent les daces qu'auoit Couos, qui luy valloient 30000. castillās d'or par an. Aucuns disoient qu'ils ne dōneroient point le Royaume à l'Empereur, s'il ne leur donnoit à perpetuité leurs departemens : autres disoient, qu'ils feroient Roy qui bon leur sembleroit, puis qu'ainsi autre-fois auoient fait, apres la ruine d'Espagne, l'infant Dom Pelage, & Garzia Ximenez : autres qu'ils appelleroient les Turcs si on ne donnoit le gouuernemēt à Pizarre, & si on ne deliuroit son frere Ferdinand. En somme tous disoient que ces Royaumes leur appartenoiēt, & qu'ils les pouuoient departir entr'eux, puis qu'ils les auoient gaignez à leurs despens, ayant espendu leur propre sang, à la conqueste d'iceux.

**P**izarre feit faire iustice de trois habitâs de Quiro, qui auoient esté cōdemnez par le Licencié Leó il y auoit ja six moys, les departemés desquels, leurs femmes aussi, il donna à d'autres, selon aucuns, autres qui louent sa clemence le nient. Il meit ordre aux affaires de ceste ville, & puis s'en alla à la ville des Roys, qui est le chef du Peru, pour faire là sa residence, & gouuerner tout le reste, douze mil au deça de Lima, où il fut festoyé magnifiquement par Dom Antoine de Riuiere. Diego Velasquez grand maistre de Ferdinand Pizarre l'y vint trouuer avec lettres de Pierre de Hinoiose, & d'autres Capitaines de l'armee, qui estoient à Panama, par lesquelles ils l'aduertissoient de la defaïcte de Verdugo, & de la venue du presidēt Lagasca. Hinoiose par deux lettres louoit grandement Lagasca, & asseuroit de pouuoir descouurir ce pourquoy il estoit venu, encor' qu'il fut biē fin, rusé & secret par le bō ordre qu'il y mettroit, & si luy cognoissoit qu'il n'apportast ce qui estoit bon à tous, qu'il le feroit bien-tost mourir. Ces lettres ruinerent Pizarre, qui s'asseuroit sur icelles, & estoit au demeurant negligent, tenant son affaire pour toute faïcte. Car il est tout certain que, si Hinoiose luy eust escrit qu'il eust à obeïr à Lagasca, il eust faïct: l'ayāt aussi bien desia deliberé de faire par le conseil de ces Capitaines, & autres gēs de sçauoir, qui auoient beaucoup de puissance sur luy en l'absence de François de Caruajal. Ainsi se confiant sur Hinoiose, n'auoit peur d'aucun sinistre aduenémēt, ny d'aucune



disgrace de fortune, ne faisant compte, ny estime aucune de Lagasca, & n'entendoit qu'à faire festes, à courir la canne à cheual à la mode d'Espagne, & autres passetemps, faisant tousiours toutesfois bié son deuoir quant au gounernement. Durant ce temps on accusa Vela Nugnez frere du Viceroy, & eut la teste tranchee, Iean de la Torre en fut cause. Ce Iean de la Torre auoit plus de 100000. castillans d'or, & force lingots d'or pur, & vne petite cassette pleine d'esmeraudes fines qu'il auoit eüe par son astuce des Indières sans leur faire aucun mal, par ce qu'il les trouua en vne de leurs sepultures. Il auoit grand enuie de s'en retourner en Espagne avec ce tresor: mais il n'osoit de peur de Pizarre, ou à cause qu'il ne se confioit à personne. Il communiqua avec Vela Nugnez, afin qu'ils s'en allassent eux deux ensemble en vn nauire de Pizarre. Là dessus vint nouuelles, comme Lagasca auoit enuoyé Pierre Hernandez Paniagua vers Pizarre, & le faisoit gouuerneur. Iean de la Torre croyant ceste nouuelle, delibera trahir Vela Nugnez, pour gagner la grace de Pizarre. Pour le mieux tromper, comme il poursuiuoit tousiours son entreprinse de leur en aller donna 25000. castillans d'or au Gardien des Cordeliers, present Vela, & luy iura sur l'Hostie consacree, en presence du mesme Moyne, de ne descouurir rien: car Vela auoit peur de quiconque fut. De là à trois ou quatre iours, il dit à Pizarre comme Vela se vouloit desrobber. Pizarre luy dict qu'il feist bonne mine pour scauoir ceux qui s'en voudroient aller avec Vela. On en print quelques vns, qui par le moyen

de la torture confesserét le tout, & Vela Nugnez eut la teste tranchée, sans estre mis à la questio, ce qu'il estima à grand grace. Il fut decapité plustost que plusieurs n'eussent voulu: mais il fut hasté à la persuasion du docteur Caruajal, qui en auoit peur, pour auoir vsé de cruauté contre son frere Blasco Nugnez.

*Comme le Docteur Pierre de Lagasca s'en alla  
au Peru. Chap. 175.*

L'Empereur ayant entendu les rebellions, & tumultes qui s'estoient esmeuës au Peru, à l'occasion de ses nouvelles ordonnances, & l'emprisonnement du Vice-roy Blasco Nugnez, fut fort mal content de la desobeissance, & de la hardiesse des Auditeurs, qui l'auoient mis prisonnier, ensemble la rebellion de Gonzalle Pizarre. Mais il modera vn peu son courroux considerant que le tout estoit aduenu pour n'auoir cédé à l'appel qu'on faisoit de l'exécution des ordonnances, & par-ce qu'il voioit par les lettres, qu'on apportoit du Peru, & mesme par le recit de Maldonado, que le Viceroy auoit le tort, par-ce qu'il executoit les loix trop rigoureusement sans vouloir acquiescer à l'appel. Il excusoit aussi le Vice-Roy, par-ce que luy mesme luy auoit commande de les executer nonobstant appel, estât informé, ou bien trompé, qu'en ce faisant il faisoit seruice à Dieu, & que c'estoit le bien, & la conseruation des Indiens, que par là il satisfaisoit à sa conscience, & si c'estoit l'augmétation de son reuenue. Ces nouvelles luy redoublerent la fâcherie, & soucy qu'il auoit des guerres d'Alemagne, & des Luthe riens, où il estoit fort embrouillé, & les tourmen-

roient grandement, tellement qu'à grande peine pouuoit il songer à celles-cy. Mais cognoissant quel le importance ce luy estoit de remedier à ses vassaux, & à ses Royaumes du Peru si riches, & profitables à sa couronne, aduisa d'y enuoyer vn homme paisible, secret, peu parlant, & sçachât demesler tels affaires, qui peut remedier aux maux aduenus par la trop grâde hauteſſe de Blasco Nugnez, qui ne pouoit tenir son secret, & qui estoit de petite affaire. En somme voulut y enuoyer vn regnard, puis qu'il n'auoit rien gaigné d'y auoir enuoyé vn Lyon, il esleut, donc, le docteur Pierre de Lagasca, qui estoit du conseil de l'inquisition, homme cault & rusé, de petite corpulence, mais de grand esprit, & d'une mesme prudence accompagnée de bon cueur, il valloit plus que trois hommes. L'Empereur l'auoit ja expérimenté en affaires ardues, & de grande importance, pour les Mores du Royaume de Valence. Il luy donna l'autorité, & mandemens tels qu'il demandoit, & lettres missiues, & blancſignez de sa maieſté comme il vouloit. Il reuqua ses ordonnances, & escriuit à Gonzalle Pizarre, d'Alemagne au mois de Feurier mille cinq cens quarante siz. Lagasca partit d'Espagne avecques peu de gens, & à petite despence, encores qu'il eust desia le tiltre de President, mais avecques grande esperance, & reputation. Il despendit peu pour faire son chemin pour ne mettre l'Empereur en despense, & pour monſtrer cauteleusemēt sa paisible douceur à quelques vns du Peru, qui alloient avec luy. Il mena avec soy pour auditeurs les deux docteurs André de Cianca, & Renterio homme de bien, auxquels il



se fioit assez. Il arriua au Nom de Dieu, sans dire l'occasion qui l'amenoit. Quand on luy parloit de sa venue pour tirer quelque chose de luy, il respondoit suiuant l'affection de celuy, à qui il parloit, & par ceste pouruoyance il les deceuoit tous. Il disoit finement que si Pizarre ne le vouloit receuoir, il s'en rerourneroit vers l'Empereur incontinent, n'estant point venu pour faire la guerre, par ce qu'elle ne conuenoit à sa profession, ny à son habit, estant prestre, & qu'il n'estoit venu que pour mettre paix par tout en reuokant les Ordonnances, & presidant seulement en l'Audience suiuant l'estat, & officice que l'Empereur luy auoit baillé. Il manda à Melchior Verdugo, qui venoit vers luy avec quelques soldats pour l'accompagner, & luy faire seruiue, qu'il ne passast point outre: mais qu'il demeurast là, attendant ce qui en aduiendroit. Il meit ordre à quelques choses, & puis s'en alla à Panama, laissant au Nom de Dieu pour Capitaine Garzia de Paredes, avec des soldats que Ferdinand de Mexia, & Dom Pierre de Cabrere Capitaines de Pizarre, luy donnerent pour defendre ceste coste de quelques corsaires François, qui vouloient venir assaillir ceste ville: Mais ils furēt enfoncez par le Gouverneur de sainte Marthe.

*Ce que Lagasca escriuit à Gonzalle Pizarre.*

*Chap. 176.*

**Q** Vand Lagasca fut arriué à Panama, il entendit mieux en quel estat estoit l'armee, & ce qu'on disoit de Pizarre. Il faisoit des practiques le plus secrettement qu'il pouuoit, & voyant les forces de Pizarre, il discouroit en soy mesme qu'il les falloit

rompre ou par plus grâdes, ou par astuce. Il escriuit à Quito, Nicaragua Mexique, à S. Dominique, & autres lieux pour auoir hômes, cheuaux, & armes, & enuoya au Peru Pierre Fernandez avec lettres pour les chapitres des villes, par lesquelles il donnoit à entendre comme il estoit venu pour reuocquer les Ordonnances. Il luy bailla aussi vne lettre de creance de l'Empereur pour Pizarre, par laquelle l'Empereur sous couleur d'escrire autre chose, dissimuloit tout ce pour quoy il auoit enuoyé, & en escriuit à luy mesme vn autre longue, & ample, pleine de bonnes raisons tendantes à fin qu'il meit les armes bas, qu'il se demeit de son gouuernemēt, & se meit entre les mains de l'Empereur, qu'il apportoit la renocation des Ordonnances, pardon pour tout le passé, commissiō pour disposer, & ordōner des vassaux, & peuples avec l'aduis des gouuerneurs des villes au proffit des Espagnols, & Indiens, permission de faire nouuelles conquestes, à fin que ceux, qui n'auoient aucuns departemēs, ny offices, en peussent auoir, pour se maintenir. Pour conclusion il luy remonstroit qu'il ne se fiast point à ceux, qui iusques à l'heure presente l'auoient fuiuy, par ce qu'ils l'abandoneroient par le moyen du pardon general que le Roy leur enuoyoit, & le tueroient pour faire seruice à l'Empereur, & luy faisoit dextremement trouuer bonne la paix, en desprisant la guerre.

*Cōme Pizarre se cōseilla sur les lettres de Lagasca. Ch. 177.*

**P**ierre Fernādez arriva à la ville des Roys, & presenta ses lettres à Pizarre à l'heure qu'il le veid seul. Pizarre luy tint quelques paroles rudes, & ne

luy dict qu'il l'asseid, dequoy Pierre Fernandez se cholera. Pizarre enuoya querir Cepeda, par ce que François de Caruajal n'estoit encore de retour des Ciarcas, pour luy communiquer les lettres. Cepeda ayant trouué l'un despité, & l'autre en colere, feit asseoir Pierre Fernádez, & reprit Pizarre qui luy res pôdit en riât: le vous iure que ie me suis courroucé ie ne sçay comment, parce qu'il me disoit que ce que nous auons encommencé ne pourra pas reüssir aisément. Cepeda, apres auoir communiqué quelque espace de temps ensemble sur plusieurs affaires s'en alla, & emmena avec soy Fernandez, & le logea, en la maison de la Riuiere, où il fut bien festoyé. Il luy donna des cheuaux pour picquer parce qu'il aymoît fort aller à cheual, & courir souuēt dessus. Il se faisoit plusieurs assemblees pour sa venue, & vn chacun disoit ce qu'il desiroit. Pizarre n'adiousta foy aucune aux lettres du docteur Lagasca, encores moins aux patolles de Fernandez, croyant pour certain que ce n'estoient que tromperies pour le deceuoir. Il appella les plus principaux, & leur leut ses lettres, il demanda l'opinion de tous, & iura sur l'Image de la Vierge Marie qu'un chacun pouuoit librement dire son auis: Ils ne sy fioient point tous, routesfois de sorte que plusieurs d'entr'eux ne parlerét en toute liberté cōme ils eussent bien voulu: Ce que s'ils eussent fait, ou si on n'eust point encores apporté les lettres de Hinojose, Pizarre se fut mis entre les mains de Lagasca sans doute aucun. Car François de Caruajal, qui estoit ce luy, qui luy conseilloit de se faire Roy & ne se soucier de l'Empereur, n'estoit point encores



res là. Ce surquoy ils consulterent le plus, fut, à sçavoir si les fils laisseroient entrer Lagasca ou non, & comme ils le tueroient, si ce seroit apres qu'il seroit entré, & n'auroit voulu faire ce qu'ils voudroient, où bien si ce seroit à Panama. La plus grande opinion fut qu'on ne le laissast entrer, ny approcher, parce que telle estoit la volonté de Pizarre, qui avoit force, & esperance sur Hinoiose. Aucuns disent qu'il seroit bon donner le degast à tout le pays de Panama, & du nom de Dieu, afin que les habitas de ces villes, qui favorisoient le parti du Roy, n'eussent moitié de recueillir aucunes provisions, & qu'il failloit se saisir de tous les vaisseaux, qui estoient en la mer de Midy, afin qu'aucun ne peut entrer au Peru: qu'il falloit aussi enuoyer plus de 500. arquebuziers vers Nicaragua, Guatimalla, Tecoantepee, & Xalisco pour esmouvoir toute la nouvelle Espagne, & les autres provinces à prendre le party de Pizarre, s'asseurans de trouver là beaucoup de souffreteux, & malcontents, & si l'aduenoit, comme ils esperoient, que pour le moins en se retirant on pilleroit, & brusleroit on tous les peuples de la marine, de sorte qu'il ne faudroit plus defendre que soy mesme, sans avoir soin de s'assurer d'avantage sur ses voisins. Ce fut vne entreprise plus mal heureuse que celle que on avoit desia encommencee. Estants donc tous d'accord, ils firent responce ensemble par vne lettre seule, le voulant ainsi Pizarre pour s'autoriser d'avantage, afin que Lagasca veid comme tout le pays le favorisoit, & aussi pour estre plus assuré d'eux, s'obligeans tacitement à luy en soussignants tous ceste lettre: Elle fut signee par plus de soixante per-

sonnes des pl<sup>rs</sup> notables, & par Cepeda le premier, comme lieutenant general de Pizarre tant en guerre, qu'en iustice.

*La lettre.*

N<sup>ostre</sup> honoré seigneur, par les lettres de Pierre de Hinoiose capitaine de l'armée nous auons entendu vostre venue, & le bon zele que portez au seruice de Dieu, de l'Empereur, & au bien cōmū de ce pays. Si fussiez venu en vn temps, auquel ne fut aduenü tant d'affaires, comme il en a esté veu en ces pays depuis la venue de Blasco Nugnez Vela, nous eussions esté trefaies, & eussions estimé que le tout se fut encor mieux porté. Mais estans suruenus tāt de meurtres, & de batailles entre nous autres, qui sommes encor viüans, & ceux, qui sont morts, nous ne pensons point que vostre venue en ces Royaumes soit seure pour le pays, ains au contraire estimons qu'elle pourroit estre la cause seule de ruiner tout le reste. Pour ceste cause aucun n'est d'aduis que vous entriez plus auant, & ne sçauons comme nous pourrions sauuer la vie à celuy, qui voudroit dire du contraire encore que nostre gouverneur Pizarre fut de sa part. Suiuant la deliberatiō, & accord de tous, tous ces Royaumes enuoient procureurs vers l'Empereur nostre Roy, & seigneur avec entiere information de tout ce, qui s'est fait iusques à aujourd'huy depuis que Blasco Nugnez arriua. Par là ils demonstrent euidemmēt leur innocence, & iustification, & la faute, & orgueil de Blasco, qui iamais ne voulut acquiescer à l'appel qu'on luy presentoit sur l'execution des ordonnances, les executant avec toute rigueur, fai-

sant guerre, & vsant de force au lieu de iustice. Ils supplient l'Empereur de confirmer le seigneur Gó-zalle Pizarre au gouuernement du Peru, cômme il le tient maintenant, puis que par ses vertus, & seruices il le merite, estant aimé de tous, & estimé pour pere de la patrie. Il maintient les Royaumes en paix, & iustice, prend garde aux Quints, & daces du Roy, il entend fort bien les affaires, & gouuerne avecques vne longue experience qu'il a. Ce qu'un autre ne pourroit pas de long temps entendre, & ce pendant que le peuple, & pays souffriroit de grands dommages, & pertes. Nous nous asseurons que l'Empereur nous fera ceste grace, par ce que iamais no<sup>r</sup> n'auôs failli à luy faire seruice quelques desordres, rebelliôs, & guerres furieuses soiét aduenues par ses iuges, & gouuerneurs, qui ont pillé ses biens, & prins, & consommé ses reuenuz. Nous esperons aussi qu'il approuuera tout ce que nous auons faict pour nostre deffence, & qu'il ne trouuera mauuais si nous auons persisté en nostre appel. Il n'y a pas vn de nous autres, qui luy demande grace, ou pardon. Aussi n'auons nous point failli, mais au contraire nous auons faict seruice à sa maiesté en conseruant nostre droict comme ses loix le permettent. Nous vous asseurons de nostre part que si Ferdinand Pizarre, que nous aimons grandement fut aussi bien reuenu par deça comme vous, nous ne l'eussions enduré entrer plus auant, non plus que vous, ou nous fussions deuant tous morts: car en ces pays nous ne nous souciôs d'auenturer nos vies pour conseruer l'honneur, encor' que ce soit pour choses legieres, tellemét q<sup>u</sup> bié plustost



nous les auanturerons en cest affaire, où il ne va rié moins que de nos biens, de l'honneur, & de la vie mesme. Nous supplions dont vostre seigneurie que pour le bon zele, & vray amour que tousiours aués eu, & auez encor au seruice de Dieu, & du Roy que vous retourniez en Espagne, & informez l'Empereur de ce, qui est propre à ces Royaumes, comme vostre prudence peut voir, & que ne donniez occasion que nous mouririons tous en guerre, & que nous acheuions de tuer les Indiens, qui sont restez des autres guerres passées, puisque par la deliberation de tous il ne peut venir autre fruit. Le capitaine Laurent d'Aldene s'en va pour traicter avecques vous des affaires, qui touchent ces Royaumes, vous adiousteray foy, s'il vous plaist, à tout ce qu'il vous dira: De la ville des Roys ce quatorzieme d'Octobre mil cinq cens quarante six.

*Hinojose met l'armee de Pizarre entre les mains  
de Lagasca. Chap. 178.*

**P**izarre fut long temps à mettre ordre à ses procureurs qu'il vouloit enuoyer en Espagne. Les procurations de tous les chapitres des villes estoient ja faictes pour enuoyer avec icelles Laurent d'Aldene. Mais iamais ne pouuoit venir à bout de le despêcher, par-ce qu'il estoit tousiours empesché par François de Caruajal, qui ne vouloit point de repos, ny de paix, & se soucioit encor moins d'Espagne. Il fut neantmoins en fin despêché avec ceste lettre vers Lagasca, & luy bailla on pour cōpagnon Gomez de Solis. On y enuoya encores avecques luy Pierre Lopez, en presence duquel toutes les consultations auoient esté faites. Pizarre pria frere Hie.

rosme de Loaysa Euesque de la ville, & frere Thomas de Saint Martin Prouincial des Iacobins de sen aller avec eux, afin que par ceste ruse ils abandonnassent son party, & se meissent du costé de Lagasca, ou bien pour les chasser hors du Peru se desiant d'eux. Pizarre offroit à l'Empereur grande somme de deniers, luy demandant le gouuernemēt, & le priant de ne leuer point le quint, & se cōtenter seulement du dixieme pour certaines annees. C'estoit vn des articles que portoit son argent. Il escriuit par luy mesme à Hinoiose qu'il donnast 50000 castillans d'or, ou plus à Lagasca, afin qu'il s'en retournast, ou bien qu'il le tuast le mieux qu'il pourroit. Ainsi il depescha Laurent d'Aldene, & ses cōpagnons qui s'en allerent à Panama. Ils presenterent la lettre à Lagasca, & l'aduertirent comme on le vouloit tuer, & que partant il y print garde. Ils le feirēt aussi certain que Pizarre ne le receuroit point & qu'il y en auoit plusieurs au Peru, qui desiroiēt grandement sa venuë pour se ioindre de son costé au seruice du Roy. Le president Lagasca qui ne pensoit point deuant qu'on l'eust voulu tuer, eut grand peur, voyant les lettres des Pizarristes, & les nouuelles qu'on luy disoit. Alors il declara entierement à celuy, qui estoit allé par deuers luy, l'occasion, pour laquelle l'Empereur l'auoit enuoié & tout ce qu'il auoit enuie de faire. Le capitaine Hinoiose l'ayant sceu meit aussi tost de sa bōne volonté, par-ce qu'aucun ne l'eust peu contraindre, son armee entre les mains de Lagasca, qui finement l'auoit tousiours sollicité à ce faire par subtils moyens, & cautelles, luy faisant de grādes pro-

meſſes . Par là commença la ruine de Gonzalle Pizarre . Lagafca ayant l'armée en fait capitaine general le meſme Hinoioſe , & rendit la charge des nauires , & les enſeignes aux Capitaines , qui les tenoient nagueres pour Pizarre . Ce fut faire de neceſſité vertu , d'un traître en faire un fidelle , & loyal . Il eſtoit aiſe au poſſible de ſe veoir une armee entre les mains , croyant deſia auoir bien commencee ſon affaire . Auſſi , à dire vray , iamais , où bien tard euſt peu faire reuſſir ſon entreprinſe , par ce que iamais il n'eſt peu aller au Peru par mer , & ſi il y euſt voulu aller par terre , comme il penſoit au commencement , il euſt enduré de grands travaux , la famine le froid , & autres dangers deuant qu'y arriuer . Incontinent doncques que Lagafca fut maïſtre de ceſte armee il enuoya l'Auditeur Cianza pour auoir l'artillerie , qui eſtoit au Nom de Dieu , pour en garnir ſes nauires , & ſon armee . Il enuoya és Iſles prochaines Paul de Menefes , Ieã de Lanes , & Iean Alphonſe Palomin avecques quelques vaiſſeaux pour garder la coſte , afin qu'on ne peut aduertir Pizarre , cômme Hinoioſe luy auoit baillé ſon armee , & des preparatifs de guerre qu'il faiſoit contre luy . Ces trois prindrent Gomez de Solis , qui ſ'en venoit cherchant le capitaine Aldene , ceſtuy cy declara encore mieux au long l'intention de Pizarre . Lagafca pour auoir d'auantage de gens de guerre , & de munitions enuoya à Nicaragua , la nouuelle Eſpagne , au nouveau Royaume de Grenade , à ſainct Dominique , & autres lieux des Indes donnant à entendre à un chacun comme il auoir deſia en ſa puiſſance l'armee de Pizarre , qui



estoit la principale force du tyran . Il ordonna vn hospital à la mode de la court, avec son medecin, & apoticaire, qui fut vn grand remede pour ceux, qui estoient malades, & qui seroient blesez en la guerre. Il en dóna la charge à F. François de la Roque, Mathurin . Il chercha deniers pour payer les soldats, & entretenir les gentils-hommes, & se mōstroir courtois, liberal, & courageux, tellement que ceux, qui auoient esté du party de Pizarre, l'estimoient plus qu'ils n'auoient faict par cy-deuant, specialement considerans sa prudence, qui estoit grande en vn corps si petit, & fluet. Il depescha aussi Laurent d'Aldene, Iean Alphonse Palomin, Iean de Lanes, & Ferdinand Mexia avec quatre nauires pour porter lettres au Peru, commandant à Laurét d'Aldene, qui estoit general, de n'aborder en lieu quelconque deuant qu'arriuer à Lima, & en donnant aux habitans de ceste ville le pardon general, & la reuocatiō des ordónances, criassent tousiours le nom du Roy, & de là courussent la coste, & qu'il enuoyast quelques vns à Arequipa, & autres à Trufiglio . On dit que pour auoir couleur de mouuoir la guerre il feit vne information contre Pizarre, & ses adherans, comme ils auoient prins Paniagua, & de leur meschante intention, & rebellion, de facon, qu'ils s'entendoient tous deux bien en leurs affaires, par ce que si l'vn estoit corsaire, l'autre n'estoit pas moins diligent, & aduisé que s'il eust esté luy mesme corsaire.

*Comme plusieurs se rebellerent contre Pizarre sachans que Lagasca auoit eu l'armee.*

*Chap. 179.*

N iiij

**L**aduint vn grand trouble, & changement entre ceux du Peru, apres qu'ils eurent entendu ce qu'auoit faict le president Lagasca, & la bonne façon, de laquelle il vsoit enuers vn chacun. Ce changement commença sur les lettres qu'apporta Paniagua, & fut fort aduancé quand on sceut que Hinoiose auoit mis son armee entre les mains de Lagasca. De ceux qui se rebellerent contre Pizarre, on compte Diego de Mora en la ville de Trufiglio, qui de là s'en alla à Caxamalca, où il assembla tous ceux, qui s'enfuyoient de Pizarre, & enuoya les lettres de Lagasca, & d'autres que luy auoit baillé Aldene, à plusieurs peuples, afin qu'ils demeurassent fermes au seruice du Roy. Gomez d'Aluaredo se rebella en Leuant aux Ciaciapoias, & leá de Sajauedre de Guanuco, Iean Porzel de Ciquimayos, ceux de Guamanga, & autres s'assemblerent tous ensemble, avec Diego de Mora à Caxamalca. Alphonse Mercadiglio laissa le party de Pizarre à Xarza, & François d'Olmos à Guayaquil, où il tua Emanuel Stario, qui estoit pour Pizarre. Roderic de Salazar abandona Pizarre à Quito apres auoir tué Puelles, qui pensoit se declarer pour le Roy le lendemain, ainsi que deuant il auoit dit à Diego d'Urbine. Diego Aluarez en feit autant à Arequipa avecques vingt autres, qui appellerent Diego Centeno, qui estoit encores caché parmy des Indiens, qui estoient à Cornejo, comme nous auons escrit cy deuant. Centeno oyant ceste nouuelle aise au possible sortit de sa tanniere, & s'en alla avecques Loys de Riuiere à Diego Aluarez. Ils assemblerent en peu de temps plus de quarante Espagnols, & en-

treiceux y auoit quelques vns de cheual, qui estoient esleuez, quand ils ouyrent nouuelles que Centeno comparoissoit. Ils s'en allerent tous à la ville de Cuzco pour la faire esleuer pour le Roy.

Quand Antoine de Robles le sceut, il se meit en la place avec trois cens hommes, qu'il deuoit bié tost mener à Pizarre, pensent que Centeno amenast avecques soy plus de gens, puis qu'il entreprenoit de prendre ceste ville. Diego Centeno entra dedans secrettement, & assaillit les ennemis: il en mourut sept en combattant, & luy fut blessé.

L'Euesque frere Iean Solano accourut à ceste meslee, & sur peine de des-obeissance à Dieu, & au Roy, & d'estre excommuniez, les fait cesser, & qui voulut se meit du party du Roy. Le lendemain Centeno fait trancher la teste à Antoine de Robles, & tous les autres se rangerent de son costé au seruice du Roy. Il fait attacher l'enseigne du Roy, & puis laissa la ville à la deuotion du Roy, & s'en alla en la prouince des Ciarcas contre Alphonse de Mendozze, & Iehan de Siluere, qui estoient avec 400. combatans en la ville de l'Argent pour aller vers Pizarre. Mais Mendozze, & Siluere vindrent au deuant de luy pour faire seruice au Roy, suiuant vne lettre qu'il leur auoit escrit, & aussi à cause qu'ils voyoient que Centeno menoit avecques soy pres de cinq cents hommes. Quand Centeno eut ce renfort il alla se loger à l'entree du lac de Tiquicaca, pour attendre là ce que le President Lagasca luy commanderoit.

*Comme Pizarre laisse le Peru.*

*Chap. 180.*



ON ne ſçauoit dire le dueil que print Pizarre, & les ſiens quand ils ſceurent que leur armee eſtoit en la puiffance de Lagasca ſe complaignans de la fiance & amitié qu'ils auoient portee à Pierre de Hinoioſe, non ſans ſe repentir de n'y auoir enuoyé pluſtoſt Bacicao en ſon lieu; & encor' diſoit-il, en ſe moquant, qu'il ne pouuoit ſortir autre choſe de la bonté, & animoſité d'Hinoioſe, que les chiens, qui abbayoient eſtoient meilleurs, & non ſi dangereux que ceux qui mordoient ſans iapper, par ce qu'on ne ſ'approche pas d'eux. Ils mōſtroiet̃ toutefois bō courage, par ce qu'ils eſtoient grands ſeigneurs au pays. Pizarre voyant qu'on ne faiſoit point cōtenance de le vouloir aſſaillir par mer, enuoya à la ville de Quito pour faire haſter les ſoldats qu'auoit Puelles, & à Trufiglio pour auoir ceux de Diego de Mora, à Cuzco, pour faire venir Antoine de Robles avec les ſiens, à Arequipa pour amener ceux de Lucas Martin, aux Ciarcas, pour diligēter Iean de Siluere avec ſes troupes, aux Ciapijas pour faire depēſcher Gomez d'Aluarado avec ſes gens, à Guanuco pour preſſer Iean de Sajaudre de faire marcher ce qu'il auoit de gens de guerre, & ainſi en tous autres lieux. Il commanda à Iean d'Acoſte qu'il ſ'en allaſt courir le long de la coſte avec trente cheuaulx. Ce qu'il feit, & fut iuſques à la ville de Trufiglio, laquelle il print, par ce que tout le peuple ſ'en eſtoit fuy dedans les montagnes avec Diego de Mora, & ſ'il euſt eu 200. cheuaux, il fuſt allé iuſques là, & les euſt defaict̃s. Il print à Sainte trente hommes de Laurent d'Aldene, ſe moquant de l'embuſche qu'on luy auoit

dressée, & les mena à Lima. Aucuns disent que ce n'estoient point soldats d'Aldene, mais seulement mariniers, qui puisoient de l'eau. Pizarre s'informa particulièrement de ceux-cy des preparatifs, & du courage de Lagasca. Il renuoya le mesme Acofte avec plus de deux cents cheuaulx apres Aldene, & Diego de Mora, mais il estoit trop tard: car de Mora estoit ja puissant, & estoit asseuré des affections de ceux qu'il menoit pour le seruice du Roy. Diego de Sturie, Raodone, & autres s'enfuirent d'Acofte à Mora. Roderic Mexia en vouloit autât faire, mais il fut arresté, & eut la teste tréchee. Pizarre rappella Iehan d'Acofte, luy donna d'auantage de gens, & l'enuoya contre Centeno, qui apres auoir pillé la ville de Cuzco s'en alloit à celle de l'Argét. Aussi tost Laurent d'Aldene arriua au port avec quatre nauires, & fut cause de troubler, & changer les esprits des habitans, & affections des soldats, & amis de Pizarre, par ce qu'il enuoya en la ville le capitaine Pegna avec les lettres de Lagasca, & les copies de la commission qu'auoit ledict Lagasca de la part de l'Empereur. Pizarre voulut suborner Aldene par vn nommé Fernandez, mais il ne peut. Il leur les lettres & se conseilla de ce qu'il deuoit faire. Il trouua que plusieurs estoient bien changez depuis la derniere consultation. Alors il perdit vn peu de courage, encor' que tousiours il dit qu'avec dix de ses amys, qui luy resteroiét, il pourroit se conseruer, & conquerir de nouveau le Peru, tant estoit grande sa cupidité de regner, où plustost à vray dire son orgueil. La dessus Alphonse Maldonado le riche, Vasco, & Iean Perez de Gue-

4. LIVRE DE L'HIST.

uare, Gabriel, & Gomez de Roias, le docteur Ni-  
gno, François d'Ampuero, Hierosme Aliaga, Frâ-  
çois Louys, Martin de Robles, Alphonse de Carceres,  
Bonauenture Bertrand, Frâçois de Retamose, & plu-  
sieurs autres s'enfuirēt de l'armee de Pizarre. Alors  
Frâçois de Caruajal chantoit ces deux vers tirez d'v  
ne chanson Espagnolle.

*Ces miens cheueux vn espoir air, & sombre*

*Par esquadron petit on verra rompre.*

Comme il vouloit dire que luy seul avec peu  
de gens pourroit rompre vne grosse armee, & que  
par tant ne se soucioit de ceux qui s'enfuyoient. Pi-  
zarre entra en grand desespoir voyans ses amis de-  
uenir ses ennemis. Aucuns se rangeoiēt au port vers  
Aldene, autres demeuroient en leurs maisons. Il  
ne sçauoit plus sur qui se fier ayant peur de tous, sui-  
uant la malediction de tous les tyrans. Il ne sçauoit  
où se retirer, à cause que Diego de Mora estoit à  
Caxamalca, Diego Cêreno à Cuzco, & que toutes  
les villes estoient contre luy. Il s'en alla à Arequi-  
pa ayant tousiours grand soing qu'aucun ne l'a-  
bandônast, si est-ce toutesfois que le docteur Car-  
uajal, & ses parens, & amis se retirerent encor' d'a-  
uecluy. Il enuoya contremander Iean d'Acoste, à  
fin qu'il fust mieux accompagné. Acoste, qui estoit  
à Guamanga voyant la necessité de Pizarre, vint en  
grande diligence, & perdit en chemin Paez de Sor-  
to Mayor son maistre de camp, Martin d'Olmos a-  
uec vne bōne partie de sa compagnee, Garzia Gu-  
tierrez de Scobar, Gaspar de Toledo, & plusieurs  
autres, par ce que le bruiēt couroit que Pizarre s'en-  
fuyoit. Voila comment Pizarre abādonna la belle



ville de Lima, chef du Peru, & arriua en la ville d'Arequipa avec propos de se retirer du tout hors de ce qu'il auoit conquis. Aldene se meit dedás Lima, & Iean Alfonse Palomin, & Ferdinand Mexia s'en allerent à Xauxa, pour rassembler gens, & attendre Lagasca & son armee:

*La victoire de Pizarre contre Centeno. Chap. 181.*

**Q**Vand Iean d'Acoste fut arriué à Arequipa, Pizarre consulta avec les siens ce qui estoit besoin de faire pour sauuer leurs vies, & leurs biens, c'est à dire leurs deniers, puis qu'ils ne pouuoient sauuer le pays: car ils n'estoiét desia plus q̄ 480. & les autres du Peru estoient contre eux. Aians, d'oc conclud entr'eux de se retirer en quelque lieu de la province de Chili, où iamais Espagnol n'eust esté, où pour conquerir nouueaux pays, ou bien pour se remonter contre Lagasca, aduiserent de se faire chemin par où estoit Centeno: car il falloit par force passer par entre ses ennemis, & si Pizarre vouloit se mettre en seurté, & sçauoir combien, & quels demeureroient fermes avec luy, & si auoit bonne enuie de pratiquer quelque accord avec Lagasca suivant le conseil de Cepeda. Il enuoya François de Spinosa avec trente cheuaux par le chemin, qui conduisit à l'entree du lac de Tiquicaca, & luy dict qu'il commandast aux Indiens de faire prouisions de viures, afin que Centeno pensast qu'ils deussent passer par là, & s'en alla avec tous ses gens par Vicosuyo costoyant les montagnes. Il prit quelques vns, qui s'estoient trop escartez, & vn prestre, qui portoit vne lettre de Centeno à Aldene: François de Caruajal le pendist. Centeno eut aduertissement

de l'intention de Pizarre par le moyen des seruiteurs de Paul Ynga, qui estoit avec luy, & aussi par le moyen du capitaine Olea, qui se vint rendre de son costé. Par le conseil de quelques ieunes il feir coupper le pont de l'entree du lac, & laissa ce lieu fort, s'en allant à Pucaran de Collao pour là attendre son ennemy, & luy donner la bataille, croyant auoir la victoire en sa main, & voulât auoir l'honneur de tuer, ou vaincre Pizarre. Il meit ses gens en ordre, comme prests à combattre, & les feit approcher pour estre plus pres de l'ennemy, q̄ estoit à Guarine 15. mil de Pucaran, où pour auoir l'eau de son costé. Il planta son camp au meillieu d'un chemin, en vne plaine, & si estoit le lieu assez aduantageux pour luy, & le lendemain, qui estoit le iour des 11000. Vierges l'an 1547. il departit ses 1200. hommes qu'il auoit en ceste façon : il feir deux escuadrôs de toute sa cauallerie, qui montoit à deux cents soixante cheuaulx. Il meit le plus gros à main droite, & en donna la charge à Louys de Riuiere son maistre de camp, & à Alphonse de Mendozze, & Hierosme de Villegas. Il donna l'autre à Pierre de los Rios, Antoine d'Vlloa, & Diego Aluares. L'infanterie fut mise tout ensemble, & en estoient capitaines Ieã de Siluere, Diego Lope de Zuniga, Roderic de Pátaye, François de Reramose, & Iean de Vargas frere de Garcilasso de la Vega, qui estoit avec Pizarre. Centeno, qui estoit malade de pleuresie, ainsi qu'on dit, se tint à part à regarder la bataille avec l'Euesque de Cusco, frere Hierosme Solano, recômandant son armee, & la victoire à Iean de Siluere, & à Alphonse de Mendozze. Pizarre,

qui sçauoit par ces espies tout, sortit de Guarine avec 480. Espagnols, il donna la charge de 80. cheualx qu'il auoit seulement, à Cepeda, & à Iean d'Acoste, qui depuis changea de place avec Gueuare capitaine d'arquebuziers, qui estoit bossu. De l'infanterie furent capitaines, outre Iean d'Acoste, Diego Guillaume, Iean de la Torre, & Ferdinand Bacicao, qui s'enfuit à l'heure qu'il faillloit combattre. Aussi au commencement des escarmouches la plus grand part se retira de la cōpagnee de Cepeda. Alors Gueuare, & Cepeda meurent enuiron vingt harquebuziers entre les premiers rangs des cheualx, & se teindrēt fermes sans bransler. Les capitaines de l'infanterie en feirent de mesme. Alphonse de Mendozze, & ceux de son esquadron picquerent de roideur cōtre la cauallerie de Pizarre. Mais ils furent mis en desordre par ces vingts arquebuziers, & rompuz par Cepeda. L'autre esquadron vint donner sur l'infanterie, mais ayant perdu Pierre de los Rios, & quelques autres, qui estoient deuant, par le moyē des arquebuziers, il tourna bride, & s'en alla donner secours à ses compagnons. Estans ainsi tous ensemble ils meirēt en route toute la cauallerie de Pizarre n'en laissant quasi pas vn en vie, où sans estre blessé, où estre contrainct de se rendre. Les soldats de Centeno baissērēt leurs piques de loing, & alloient à grand pas, ainsi par la persuasiō d'un prestre pensans par là vaincre plus tost: les arq̄busiers aussi pēsans tirer sur leurs ennemis deslacherēt leurs harq̄buzes sans propos, ny à rēps, de façō qu'à l'heure du cōbat, & lors qu'il faillloit biē faire ils estoient las, & à demy rōpus. Au cō-



traire ceux de Pizarre tirerent bien à propos, & à temps par deux, ou trois fois. Iean d'Acoſte ſ'aduança deuant avec trente arquebuziers penſant rôpre ce gros eſquadron de gens de pied, mais il fut renuerſé par terre à coups de picques, & fort bleſſé. Iean de la Torre avec ſeptante autres arquebuziers luy fut donner ſecours, & tua Iean Siluere, & bon nombre d'autres. Diego Guillaume ſuruint par vn autre coſté, & en peu de temps tuerent quatre cêts des ennemis, & rompirent le reſte. Apres cela aiâs veu leur cauallerie en route Iean de la Torre y courut pour les ſecourir avecques force arquebuziers. Il faiſoit tirer ſes gens à pluſieurs fois ſuiuant le cōſeil de Caruajal, par-ce que la cauallerie de l'vne, & l'autre part eſtoient meſlez enſemble. En deux charges qu'ils feirent ils rompirent, & feirent eſcarter leurs ennemis, ayans tué quelques vns, de leurs amis auſſi bien que leurs ennemis. Auſſi ceux, qui penſoient eſtre vaincus furent victorieux. Il n'y eut que cent morts de la part de Pizarre, entre autres Gomez de Leon, & Pierre de Fuentes capitaines. Cepeda, Acoſte, Diego Guillaume, & autres furent bleſſez. Pizarre fut en grand danger, ayant perdu ſon cheual, mais il en fut ſecouru d'vn autre par Garcilaſſo. Il y eut plus de quatre cens cinquante tuez de la part de Céteno, il perdit être autres, les capitaines Loys de Riuiere, Iean de Siluere, Pierre de los Rios, Diego Lopez de Zunigua, Iean de Vargas, & François Negral. Diego Centeno ſ'enfuyt ſans attendre ſon Eueſque, & tous les autres, qui voulurent fuir, par-ce que les victorieux ne voulurent ſuiure autrement leur yictoire, à cauſe qu'ils eſtoient

estoyent trop las & foibles.

*Ce que feit Pizarre apres ceste victoire.*

*Chap. 182.*

**L**E iour d'apres la victoire Pizarre enuoya Iean de la Torre avec trente arquebuziers à cheual à la ville de Cuzco apres les vaincuz, & Diego de Caruajal le galant avec autant d'autres arquebuziers à Arequipa, & Denis de Bouadiglia avec mesme compagnee à Ciarcas pour leuer gens, & occuper les chemins. Quant à luy apres auoir prins les despouilles chemina vers Cuzco avec le reste de ses gens. Mais deuant il feit trencher la teste au capitaine Olea, par ce qu'il auoit quité son party, & s'estoit retiré vers Centeno, & en feit executer encor' quatre, où cinq. François de Caruajal se louoit d'auoir tué le iour de la bataille pour contenter seulement son esprit 100. hommes, & entre autres vn sien frere: c'estoit vne cruauté, qui luy estoit particuliere, si d'auenture il ne le disoit pour gloire de la victoire qu'il s'attribuoit à soy. Cela se peut croire puis que la guerre estoit ciuile, & qu'un frere cōbattoit l'autre, l'amy contre l'amy, & le parent contre parent. A Pucaran Pizarre, & Cepeda se courroucerent ensemble, sur la question s'il failloit praticquer vn accord avec Lagasca: disant Cepeda, qu'il estoit à ceste heure temps de mettre les fers au feu, & que ceste victoire pourroit adoucir le cœur de Lagasca, & le faire venir à vn accord plus honeste, & gracieux, & aussi il disoit qu'il se remettoit en memoire que il luy auoit promis à Arequipa d'y penser. Pizarre suiuant plustost l'opinion des autres, & son propre desastre, qu'il ne pouuoit euitier, dit qu'il ne luy cō-

uenoit point pour le present, par-ce que fil en faisoit parler apres ceste victoire ses ennemis estimeroyent, & reputeroient cela à foiblesse, & debilité de courage, & si les siens en oyoient le vent, ils l'abandonneroyent incontinent, & les amis qu'il pensoit tousiours auoir au camp de Lagasca luy faudroient au besoing. Garcilasso de la Vega avec quelques autres estoient de l'aduis de Cepeda. Ce pendât qu'on disputoit de cecy Bacicao fut tué à Luli, ville qui tenoit le party du Roy, & François de Caruajal s'en alla à Arequipa, le long de la marine ayant entendu que Diego Centeno auoit prins ceste route, & aussi pour emmener toutes les femmes à Cuzco, afin que par le moyen de leurs Indiens, elles ne donnassent aucun aduertissement à leurs maris qui estoient avecques Lagasca, & pour contraindre lesdits maris reuenir vers elles. Pizarre entra à Cuzco avec grande admiration du peuple. Il feit pendre Herrezuelo, le docteur Martel, Iean Vasquez, & autres, par l'aduis de quelques personnes de lettre qu'il auoit avec luy. Il meit bonne garnison par tout, & voulut enuoyer Iean d'Acoste avecques 200. arquebuziers à cheual assaillir Lagasca, faisant courir le bruit que tout le reste marcheroit apres, afin qu'aucun ne s'enfuit. Il creut grandement ses arquebuziers, & feit fondre six pieces d'artillerie, feit faire forces armes de fer, & de picques, en somme il songeoit plustost à faire faire des armes qu'à gaigner le cueur des hommes. Caruajal emmena d'Arequippa en ceste ville toutes les femmes, & autres hommes, tout l'or, argent, & ioyaux qu'il peut trouuer : car il aymoit autant voler que tuer :



aussi dit on qu'il pillà tout le pays sans que Pizarre en dit mot : mais le loup, & le regnard estoient tous deux d'accord.

*Ce que Lagasca fait arriuant au Peru. Chap. 183.*

**L**E president Lagasca partit de Panama, long temps apres Aldenc, avec tous les vaisseaux, & hommes qu'il peut amasser. Ce qui le feit tant arrester estoient les vés contraires, qui auoient tousiours soufflé. De là à Tombez il eut vne meschante, & dangereuse navigation, & fallut que pour vn long & roide courant de la mer il donnast en l'isle de Gorgone. En fin il arriua à Tombez fort trauail-  
lé, il receut là bonnes nouuelles comme certains soldats de Blasco Nugnez festoient faits maistres du port Vieil, ayans tué le capitaine Morales, que Bacicao y auoit laissé, & mis prisonnier Lope d'Ayala lieutenant pour Pizarre, & comme François d'Olmos estoit pour le Roy à Guayaquil, & Roderic de Salazar à Quito. Aussi tost qu'il fut arriué il vint par deuers luy des messagers de la part de Diego de Mora, Ieá Porzel, Ieá Sajaucedre, & de Gomez d'Aluarado, qui estoient accompagnez de grand nōbre de soldats à Caxamalca, desquels estoit maistre de camp Iean Gonzalez. Il leur feit responce en loüiāt leur fidelité, & leur courage. Il sceut aussi quelles forces auoit Centeno, & comme Pizarre se retiroit. Toutes ces nouuelles le cōtenterēt fort, & croioit q̄ sō jeu estoit si biē tablé qu'il ne l'eust sceu perdre. Il escruiit à Céteno, qu'il ne dōnast bataille iusques à ce qu'ils fussent ioints ensēble. Ce pendant il meit ordre à ferrer les armes, & arq̄buzes qu'ō apportoit tous les iours des gens de Pizarre, qu'on defaisoit

deça delà. Il enuoya dom Iean de Sandoual pour assembler à S. Michel ceux, qui quittoient le party de Pizarre, & se retiroient là. Il manda à Mercadiglio qu'il amenast les Bracamores, & enuoya querir plusieurs autres capitaines. A son commandement, & au bruit de son arriuee au Peru chacun accourut de tous costez, entre autres Sebastie de Venalcazar, François d'Olmos, Roderic de Salazar, & autres capitaines. Voyant d'oc qu'un chacun venoit faire seruice à l'Empereur, il enuoya un homme avec lettres à la nouvelle Espagne, par lesquelles il mandoit au Viceroy dom François qu'il ne luy enuoyast point son fils avec les 600. hommes, qu'il auoit prests, puis qu'il n'en estoit point besoin. Pour ceste cause dom François de Mendozze ne bougea. Mais vindrent Gomez Arias, & l'Auditeur Ramirez, avec les autres de Nicaragua, & Quahutemallan. Lagasca ayant tous ces gens s'en alla avec vne partie d'iceux de Tombez à Trusiglio, & enuoya l'autre partie à Caxamalca par les montagnes sous la charge de l'Adelantado Pasqual d'Andogoye, & Pierre d'Hinoiose son general, pour prendre avec eux, ceux qui estoient là, & de là s'en aller à Xauxa, où ils s'assemblerent tous, pour ce que la ville est riche, & bien prouisionnée. L'un, & l'autre souffrirent fort par les neiges & montagnes iusques à ce qu'ils arriuerent là. Lagasca arriua le premier, & sceut là la deffaicte de Centeno qui luy causa vne grande fâcherie. Il enuoya incontinent Marcial Alphonse d'Aluarado à la ville des Roys avec deniers empruntez pour payer les soldats d'Aldene, & fait fourbir tous ses harnois, defrouiller arque-

buzes, remonter ses pieces d'artilleries, faire boulets, battre de la poudre, & forger toutes autres armes necessaires avec vn soing, & vne diligence admirable. Il enuoya Alphonse de Mercadiglio courir sur le chemin de Cuzco, & apres luy Lope Martin qui aduança son compaignon, & alla courir iusques au pays d'Andagoalas, où il donna de nuit sur quelques gens de Pizarre, qui venoient fourrager, & apporter quelques aduertissemens aux Caciques du pays. Il les combattit, encor<sup>e</sup> qu'il eust moins de gens, & les deffit: il en péndit quelques vns, & en emmena plusieurs prisonniers, qui informerent Lagasca de l'estat, du courage, & de ce que pensoit faire Gonzalle Pizarre. Suiuant le rapport de ses prisonniers Lagasca manda à Mercadiglio, & à Palomin qu'ils se saisissent, & deffendissent avec leurs arquebuziers ceste vallee d'Andagoalas, qui estoit de grande importance pour la guerre, à raison des viures, esquels elle abonde. Alphonse de Mendozze, Hierosme de Villegas, Antoine d'Vlloa, l'Euesque de Cuzco, & autres, qui sestoient auueç de la defaictte de Ceteño, arriuerent les premiers en ceste premiere statiō, & vn peu apres Hinoiose, & Andagoye, avec to<sup>us</sup> les soldats de Caxamalca. Aluarado y arriua aussi tost avec les gens de guerre de la ville des Roys. Lagasca ayant là tous les gens nomma pour capitaines ceux qui desia estoient: Hinoiose estoit general, Marcial Aluarado maistre de camp: le docteur Benoist Xuarez de Carnajal auoit l'estendard Royal: & Gabriel de Roias estoit maistre de l'artillerie. Il paya plusieurs soldats qui se malcontentoient, & vouloient desia se



mutiner pour la victoire qu'auoit eüe Pizarre iugeés par là qu'il estoit inuincible, & deuoit estre seigneur de tout le Peru. Pour esteindre telles mutineries, il feit pendre le capiraine Pierre de Butica, & autres Pizarristes, & amateurs de nouuelletez. Il feit faire monstre, & trouua qu'il auoit plus de 2000. Espagnols bragarts, & bien armez. Aucuns en comptēt moins, les autres plus. Il auoit 500 cheuaux, & 950. arquebuziers. De Xauxa ils s'en allerent à Guamāga, où ils commencerent auoir faute de viures, & fallut à Vilcās departir les viures: le docteur Cianca eut la charge de les distribuer par iour, & par ordre. Quand ils furent arriuez à Andagoalas ils eurent abondance de viures: mais par-ce que le maiz estoit encor verd, la quarte partie de l'armee deuint malade, & alors on experimenta le bien que c'estoit d'auoir fait vn Hospital. Il pleut tant, & si continuellement par trente iours, sans iamais cesser, que les tentes se pourrissoiēt, & les hommes deuenoiēt estropiés pour la trop grande humidité, & froidure. Diego Centeno, & Pierre de Valdiuia se trouuerent là venans de Chili, pour demander secours. La gasca, & tout le camp se resiouyt de leur venuë, & feirent en signe de ioye vn jeu de canne à cheual, & coururent l'aneau avec la lance. Lagasca feit Valdiuia colonel de toute l'infanterie. Tous auoient grand enuië de combattre & Lagasca mesme qui vouloit veoir la fin de ceste guerre, & ainsi marcherent droict, où ils pensoient que leurs ennemis fussent.

*Comme Lagasca passa le fleuue Apurima sans  
empeschement. Chap. 184.*

**L**Agasca avec vne allegresse grande de toutel'armee, deslogea d'Andagoalas au mois de Mars, & passa le pont d'Auançay. Ils marchoiert en bonne ordonnance de guerre, avec conseil, & seures espies. Les Euesques du Peru suiuiert ce camp. Lagasca eut aduertissemēt comme les ennemis auoiet rompu le pont d'Apurima, qui n'est qu'à 60. mil. de Cuzco. Estant venu desja iusques à ce fleuue, il feit abatre, & apporter bois & rameaux pour faire vn autre pont. Les Indiens avec vne grande diligence & affection, s'employert à cest œuure, nonobstant les pluyes. Ce fleuue auoit 300. pieds de largeur, & estoit si profond queles arbres n'estoiet asscz hauts pour les sicer au fond. Il feit faire au lieu de pont force cordes, qu'il appellēt criznegas, lesquelles ils font de certaines plantes, qu'ils nomment Vergaza, qui est comme la viorne. Ces cordes sont lōgues & grosses commeles cables, qui seruent aux plus gros vaisseaux. Ils les entraissent les vnes dedās les autres en forme de rets, & les font aussi lōgues qu'ō veut, & s'en seruent coustumierement au lieu de pont. Lagasca trouua ceste façon de pont, bōne: & pour tromper les ennemis, voulut qu'on feit trois de ces ponts en diuers lieux, l-vn au chemin Royal, l'autre à Cotabamba 40. mil. au dessus, & le tiers vn peu plus haut en certaines villetes, qui appartenoient à Pierre Carrero. Ils s'en allerent à Cotabāba pour passer par là. Sur le chemin il y eut quelques vns, qui perdirent la venē par les montagnes pour la trop grande splēdeur, & reuerberatiō des rayōs du soleil sur la neige. Quelques capitaines, spēcialement Lope martin, remonstrent qu'il n'estoit pas bon

passer en cest endroict, & qu'il valloit mieux chercher vn passage plus haut. Pierre de Valdiuia, Diego de Mora, Gabriel de Roias, François Hernandez, & Aldene, s'en allerent chercher vn autre passage, & l'ayans trouué meilleur, commencerent à dresser leur pont. On auoit enuoyé Lope Martin deuant, pour garder les riués, & les cordes : quand il ouit que l'armée approchoit, il feit incontinent porter les cordes de là l'eau sans aucun commadement, & en auoit desia faict attacher trois à l'autre bord : les Indiés & sentinelles de Pizarre suruindrét la dessus, & coupperent, ou bruslerent deux de ces cordes, sans trouuer aucune resistance, & puis furét aduertir Pizarre de ce qu'ils auoient fait, luy portás tête testés d'Espagnols qu'ils auoiét tuez, ainsi que on dict. Lagasca, & tous les autres, furent fort desplaisans de ceste nouuelle. Ils marcherét avec toute l'infanterie pour remedier à ceste faute, & aussi tost qu'ils y furent arriuez Lagasca feit passer les Capitaines des arquebuziers, avecques les soldats, dedans des petites barques, & les piquiers apres, & quelques cheuaux. Il y en eut assez qui passerent à nage, & mesme sur leurs cheuaux. Côme ils passoiét par mesme moyen ils attachoient leurs cordes, & ainsi en ceste nuit le pont fut acheué. Vn peu deuant l'aube du iour Lagasca passa avec toute son armée : plusieurs passoiient par dessus de grosses rames qu'ils faisoient, & se tenans couchez dessus le ventre se tiroiét par les cordes du pôt, tant estoit grâde la presse pour passer, & fut vn cas estrâge qu'il n'en tomba aucun de dessus le pôt, encor qu'il feist obscur, mais l'obscurité au contraire leur aydoit.



Car ils ne pouuoient veoir le courant du fleuve, qui leur eust faict chanceler la teste. Les riués d'une part & d'autre estoient fort incommodés, & pour la haste qu'on auoit de passer, furent cause de ce que plusieurs tomberent dedans l'eau se pouffans trop rudement l'un l'autre. Ceux, qui ne scauoient nager, ou ne pouuoient resister à la violence du fleuve demurerent là noyez. Il y eut aussi beaucoup de cheuaux perdus par mesme accident, qui fat vne grande perte pour l'armee de Lagasca, mais aussi la victoire consistoit entierement à passer ce fleuve diligemment. On ne scauroit reciter la ioye que tous eurent pour auoir passé ce fleuve, qui seruoit de muraille à leurs ennemys, & de ce qu'ils ne voyoient aucunes gens de guerre de Pizarre. Dom Iean de Sandoual alla recognoistre vne haute montagne, & roide, & la voyant creuse, & par ce moyé propre pour embusches, il s'en saisit, & alors Hinoiose, & Valdiuia y menerent bone troupe de soldats. Si Ieã d'Acofte, qui y venoit avec cinquãte arquebuziers à cheual se fut hasté plustost, & eut amené plus de gens, ils les eust tous facilement rompus sur le haut de la montagne, par-ce qu'ils estoient las d'auoir monté cinq mil. Mais il s'en retourna avec moins de gens qu'il n'auoit amené. Ainsi toute l'armee passa puis apres & douze pieces d'artillerie, & se camperent tous sur le hault de ceste montagne.

*La iournee de Xaquisaguana, en laquelle fut prins Gonzalle Pizarre. Chap. 185.*

**P**izarre ayant entendu que Lagasca venoit passer le fleuve d'Apurima par Cotabamba sortit

de Cuzco. Au bruit, qui couroit par la ville, de la puissance, & force du president Lagasca, vn chacun parloit hardiment, & damoiselle Marie Calderon, femme de Hierome de Villegas, disoit que bié tost, ou tard les tyrans deuoient prendre fin. Ceste parolle ayant esté rapportee à Caruajal, il la feit estrangler en son liét, ce qui estonna les autres, tellement que pas vn n'osoit plus ainsi parler. Pizarre partit avec plus de 1000. Espagnols, desquels y en auoit 200. de cheual, & 550. arquebusiers, mais il ne se fioit pas à tous: car il y en auoit 400. qui auoient esté ramassez de la deffaiète de Centeno, pour ceste cause il faisoit bõ guer sur ceux-là, afin qu'ils ne l'abandonnassent point, où s'ils vouloient fuir, qu'on les meit en pieces. Il enuoya deux prestres avec des lettres, par lesquelles il demandoit à Lagasca, qu'il leur monstast la commission qu'il auoit de l'Empereur, & si elle portoit de luy commander, qu'il eust à se deporter du gouuernement, par ce que s'il mōstroit qu'elle estoit telle, il seroit prest à y obeyr, & laisser ceste charge, iusques à abandonner le pays: mais aussi s'il ne leur monstroit, qu'il protestoit luy donner la bataille, & que ce seroit par sa faute. Lagasca arresta prisonniers ces deux prestres, par ce qu'il fut aduerty qu'ils auoient charge de suborner Hinoiose, & autres, & feit responce à Pizarre qu'il se rendit à luy, qu'il luy enuoyeroit vn pardon pour luy, & pour tous les siens, luy remontrant le grãd honneur qu'il gaigneroit d'auoir faict reuocquer à l'Empereur ses ordonnances, demeurant neantmoins en sa grace comme seruiteur de sa maiesté, & luy remettant deuant les yeux, com-

me il s'obligerait vn chacun en se rendant, sans donner bataille, par-ce qu'aucuns auroient pardonné de tout le passé, autres demeureroient riches, & beaucoup resteroient viuans, qui par vn combat pourroient mourir. Mais c'estoit prescher au desert, pour sa trop grande obstination, & de ceux qui le conseilloyent, Ceste obstination leur venoit par-ce qu'ils estoient comme desesperez, ou à cause qu'ils s'estimoient inuincibles. Aussi, à dire le vray ils estoient campez en vn lieu fort, & auoient grand secours des Indiens, & si estoient bien garnis de toutes munitions. Pizarre s'estoit logé en vn lieu qui par vn costé estoit fermé de hautes roches, qui ne se pouuoient franchir ny à pied, ny à cheual, l'entree estoit estroicte, & forte, au deuant de laquelle il braqua son artillerie: de façon, qu'il ne pouuoit estre prins de force, ny par famine, par-ce qu'il s'estoit bien aprouisionné par le moyen des Indiens comme j'ay dict: Il sortit dehors, & mit ses gens en belle ordonnance, faisant deslacher son artillerie, & toute l'arquebouzerie en signe d'assurance. Quelques cheuaux commençoient desja à s'escarmoucher d'une part, & d'autre: mais ils ne faisoient encores que s'iniurier l'un l'autre: Les nostres les appelloient trahystres, & cruels, & les ennemis nous appelloient esclaves, gens de petit cuer, pauures, & sans regle, par-ce que Lagasca, les Euesques, & Moines combattoient mais pour ceste soiree on ne se cognoissoit point l'un l'autre, par-ce que le temps estoit trop nebleux. Lagasca, & quelques autres vouloient différer la bataille, afin qu'il ne mourut point tât de Chre-



stiens, & pensoient que tous, où la plus grand part de ceux de Pizarre passeroient de leur costé, & que par ce moyen il seroit contrainct se rendre. Mais entrans en conseil ils conclurent de donner la bataille, par ce qu'ils n'estoiét point bié garnis d'eau, de pain, encor' moins de boys en vn temps, où il faisoit excessiuement froid, & aduiserent que telle defaillâce pourroit inciter les soldats se retirer vers l'ennemy, qui estoit garny de tout cela. Ainsi vn chascun fut en armes toute ceste nuit sans se tenir sous les tentes. Le froid fut si grand que les lances tóboient des mains à plusieurs. Iean d'Acoste voulut aller ceste nuit avec 600. hommes la chemise blanche sur le dos assaillir, & mettre en routte Lagasca, fassurant qu'il le deferoit aisément à cause du froid, qui estoit si horrible, & que l'assaillât ainsi de nuit il seroit peur aux siés. Mais Pizarre l'empescha, luy disant : Iean d'Acoste puis-que nous auons gaigné le ieu, ne nous mettez point en hazard de le perdre : qui fut vne audace, ou plustost vne cecité, qui le feit perdre. Quand l'aube du iour fut venue les tabourins, & trompettes de Lagasca commencerent à sonner, & vn chascun crioit arme : bataille, bataille : à cheual, à cheual : que les ennemys viennent. Quelques harquebuziers de Pizarre vouloient monter à mont, mais Iean Alphonse Palomin, & Ferdinand Mexia avec 300. arquebuziers se meirent au deuant, & les escarmoucherent si rudement qu'ils les contraignirent retourner d'où ils estoient venus, Lagasca enuoya Valdiuia, & Aluarado pour prédre garde à l'artillerie, & feit descendre toute son armee en la plaine de la vallee de Xa-

quisaguana par le derriere de la montagne. La descente estoit si meschante, & si roide qu'ils estoient contraincts mener leurs cheuaux par la bride, & à mesure qu'ils descendoient à la file, ils se rangeoient sous leurs enseignes, ainsi que Diego Villauencio de Xeres sergent maieur les dispoisoit. On feit deux esquadrons de l'infanterie, desquels estoient capitaines le docteur Ramirez, dom Balthasar de Castille, Paul de Meneses, Diego d'Urbine, Gomez de Solis, dom Fernand de Cardenas, Christophle Moschere, Hierosme d'Aliaga, François d'Olmos, Michel de Serne, Martin de Roblez, Gomez d'Arias, & autres. On feit aussi deux bataillons de la Cauallerie, au milieu desquels on mit l'infanterie. De celuy, qui estoit à gauche, estoient capitaines Sebastien de Venalcazar, Roderic de Salazar, Diego de Mora, Iean de Sajauedre, & François Fernandez d'Aldene. Les capitaines du bataillon droit estoient dom Pierre de Cabrere, Gomez d'Aluarado, Alphonse de Mercadiglio, l'Auditeur Cianca, & Pierre d'Hinoiose, qui estoit general de tous: le docteur Caruajal y estoit aussi, qui portoit l'estendard Royal. De ce mesme costé marchoient vn peu à l'escart Alphonse de Mendozze, & Diego Centeno pour donner secours où il seroit besoing. Lagasca, les Euesques, & les moynes se retirerent avec Pardauee vers l'artillerie que menoient Gabriel de Rojas, Aluarado, Valdiuia, Mexia, & Palomin. Apres que l'artillerie fut conduite où il falloit Fernand Mexia, & Pardauee se mirent à dextre vers le fleuve avec 150. arquebuziers, & Palomin avec autant de gens à fenestre vers la monta-

gne. Les esquadrons estans ainſi arangez, comme l'ay dict, Hinoioſe les fait marcher lentement iuſques à vn traiçt d'arquebuze pres le camp de l'ennemy, en vn lieu bas, où l'artillerie de l'ennemy ne le pouuoit offencer. Pizarre dit à Cepeda qu'il meit l'armee en ordre. Cepeda qui auoit enuie de ſe retirer vers Lagasca ſans eſtre tué, veid alors qu'il eſtoit temps, & donna à entendre à Pizarre que le lieu, où ils eſtoient n'eſtoit pas propre par ce que le canon de l'ennemy les offençoit ſans perdre coup. Il paſſa ces foſſez qui enuironnoient leur camp, comme pour aller choiſir vn lieu plus bas où l'artillerie ne fait aucun dommage, quand il ſe veid là, il picque ſon cheual pour ſe ietter dedans les gens de Lagasca, mais eſtant troublé d'entendement, & eſtant ſaiſi d'une grand peur, tomba en chemin de dans vne mare, où il euſt eſté tué par ceux de Pizarre, qui incontinent ſe meirent à le pourſuiure, ſil n'eſt point eſté ſecouru, & retiré de là par quelqs ſiens eſclaues Negres qu'il auoit enuoyez deuant. L'armee de Pizarre fut bien eſbranlee par la retraite de Cepeda, & encor d'auantage qu'ad apres luy Garcilaffo de la Vega, & autres des principaux en firent autant. Lagasca embrassa, & baiſa Cepeda, encor qu'il euſt la ioue toute barbouillee de ſa cheute, eſtimant Pizarre vaincu pour ſon default, par ce que, ſelon qu'on veid depuis. Cepeda l'auoit aduertiy par frere Antoine de Caſtro prieur des Iacobins d'Arequipa, qu'ou Pizarre ne voudroit entédré à aucun accord, il ſe retireroit de ſon coſté au ſeruiſe de l'Empereur à vn téps, & à vne heure ſi ppre qu'il ſeroit cauſe de le ruiner entierement par la re-



traicte. Pizarre fut desplaisât au possible d'auoir perdu ces capitaines, & de veoir la peur, qui faisoit le cueur des siens. Mais avec vn courage fort, & coûtât il ne fait semblant de s'estonner, & voyant les ennemis si preuenus d'un bon nombre d'arquebuziers pour essayer leur contenance. Il auoit mis grand nombre d'Indiens en vne vallee, il auoit baillé la charge de l'artillerie à Pierre de Sturie. Il auoit fait deux escadrons de tous ses gens, vn de l'infanterie sous la charge de François de Caruajal, les capitaines estoient Iean Velez de Gueuare, François Maldonado, Iean de la Torre, Sebastien de Vergara de Toledo, & Diego Guillaume. L'autre estoit la cavallerie, duquel luy mesme estoit chef, les capitaines estoient l'auditeur Cepeda, & Iean d'Acoste. Les deux armées estoient fermes en contenance de vouloir combattre, l'artillerie de part, & d'autre tiroit, celle de Pizarre ne faisoit que passer par dessus. Mais celle de Lagasca tiroit si à propos qu'à la premiere vollee vn coup passa à trauers la tente de Pizarre, où y eut vn page tué. Pour ceste cause les Indiens par l'aduis de Caruajal abbattirent incontinent toutes les tentes. Caruajal commençoit ja à escarmoucher avecques ses arquebuziers quand il enuoya dire à Pizarre qu'il se meit en ordre pour combattre, & qu'il voyoit bien que les ennemis l'assailloient bien tost avec vne grande furie, & vn desordre, comme auoient fait ceux de Centeno, & ceux de Blasco Nugnez. Mais Hinoiose sage, & aduisé s'arrestoit plus fort, & ne faisoit contenance de branler, ayant esté ainsi conseillé par ceux, qui du camp de Pizarre se retiroient vers Lagasca, s'asseurés que sans

combattre il demeueroit victorieux. Les deux armées estoient à vn trait d'arquebuzes l'une de l'autre. Mendozze, & Centeno estoient vn peu aduancez plus auant tout expres pour receuoir ceux, qui se retireroient du camp de leur ennemy. Cependant que les arquebuziers se saluoient l'un l'autre à belles arquebuzades, Pierre Martin de Sicile faisoit le guet sur ceux, qui s'enfuoient vers Lagasca, & en tueoit autant qu'il en rencôtroit ne pouuant les arrester, il en passa pour vn coup trente-trois arquebuziers, qui ne peurent estre blesez. Plusieurs autres voyans cela jetterent leurs armes à terre, disans qu'ils ne combattroient point contre leur Roy. Ainsi en peu de temps les esquadrons se desfirent eux mesmes, & Pizarre, & ses capitaines demeurèrent tous esperduz ne pouuans plus combattre, ne voulans aussi fuir. Ils furent prins, comme on dict, à main sauee. Alors Pizarre demanda à Jean d'Acofte: Que ferons nous nous autres? Allors nous-en aussi respondit Acofte, vers Lagasca. Allons donc, dict Pizarre, allors mourir comme vrais Chrestiens. C'estoit vne parolle de Chrestien, & d'un cœur inuincible: car il ayma mieux se rendre que fuir: aussi iamais ses ennemys ne veirent ses espaulles. Voyant aupres de soy Villaucencio il luy demanda qui il estoit, & comme l'autre luy respondoit qu'il estoit sergent maieur du camp imperial. Et moy ie suis dit-il, l'infortuné Gonzalle Pizarre, & luy donna son estoc. Il marchoit en braue cheualier avec vne contenance royale. Il estoit monté sur vn puissant cheual baye, armé d'un iacque de maille, & d'un cuirasse à l'espreuue & fort riche, &

par dessus auoit vne casacque de velours ras, & portoit sur la teste vne bourguignote d'or, qui estoit vn œuure non moins beau que riche. Villaucécio fut fort aise de se veoir entre les mains vn tel prisonnier, il le mena incontinent deuant Lagasca, qui entre autres choses luy dict fil trouuoit bõ d'auoir excité tout ce Royaume cõtre l'Empereur son naturel seigneur, & Roy. Pizarre luy respondit: Monsieur, moy, & mes freres auons gaigné à nos despés ce pays, & ne pẽsois point faillir en les voulãt gouverner, & retenir. Alors Lagasca dit par deux fois qu'on l'ostast de deuant luy, & en bailla la charge à Diego Centeno. Voila cõment fut vaincu, & prins Gonzalle Pizarre: Il n'y eut que dix ou douze des siens tuez, & vn de la part de Lagasca. Iamais n'y eut armee où il y eust tant de Capitaines lettrez, & de sçauoir, aucũs, encor' qu'ils ne combattissent, gouvernoient l'artillerie, les autres donnoient courage aux soldats pour poursuiure ceux, qui fuioient. Le Moyne la Rocque Mathurin accompagnoit tousiours Lagasca avec vne halebarde en sa main, & les Euesques estoient entre les arquebuziers pour les animer contre ces tyrans, & traistrès. Apres la prise de Pizarre on pillã tout son camp. Il y eut plusieurs soldats, qui eurent chascun plus de cinq, ou six mille pefans d'or, & mulets, & cheuaulx, vn soldat de Pizarre rencontra vn mulet chargé d'or, il ietta par terre ce qu'il portoit & mōra dessus, pour s'enfuir, sans regarder à ce qu'il auoit ietté.

*La mort de Gonzalle Pizarre par iustice. Chap. 186.*

Lagasca depescha incontinẽt Martin de Robles pour aller avec sa compagnee à Cuzco prendre



les fuiards, & empescher que la ville ne fut saccagee, & bruslee. Il cōmeit la cause de Pizarre, & des autres prisonniers au docteur Cianca, & Marcial Aluarado. Le procès fait, & conclud, ils en condempnerent treize comme traistres, & criminels de lese maiesté. Ce fut le iour mesme de la prinse, & le lendemain Gonzalle Pizarre pour estre decapité fut mené sur vne mulle, les mains liees, & ayant vne cappe sur ses espaulles. Il mourut catholicquemēt, & cōme vn bon Chrestien, sans parler vn seul mor, retenant au reste vne autorité grande, & vne contenance seuerre. Sa teste fut portee en la ville des Roys, où elle fut mise sur vn pilier de marbre enfermee d'vn treillis de fer avec ce tiltre: Icy est la teste du traistre Gonzalle Pizarre, qui donna bataille en la vallee de Xaquisaguana cōtre l'estédard Royal de l'Empereur, son seigneur, le Lūdy 9. iour d'Auril 1548. Voila la fin de Gonzalle Pizarre, homme qui ne fut iamais veincu en bataille qu'il aye donnee, encor' qu'il en aye donné plusieurs. Diego Centeno paya au bourreau ses habillemens, qui estoient riches, à fin qu'il ne le despouillast point, le faisant enterrer avec iceux en la ville de Cuzco, non obstant qu'il eust esté son ennemy capital, disant que ce n'estoit point acte de Cheualier d'iniurier vn mort. On pendit, & meit-on en quatre quartiers François de Caruajal de Ramaga, Iean d'Acoste, François Maldonado, Iean Velez de Gueuare, Denys de Bouadiglia, Gonzalle Morales d'Amajano, Iean de Torre, Pierre de Sturie Gonzalle de Los Nidos, & autres quatre. Il y en eut plusieurs autres, qui furent fouëttez, & condempnez aux galeres, &

estre enuoyez au pays de Chili. François de Caruajal fut fort dur à se cōfesser. Quand on luy leut la sentence, par laquelle il estoit cōdemné à estre pendu, & mis en quatre quartiers, & sa teste estre mise avec celle de Pizarre, il dict : c'est assez tu ne me scaurois tuer qu'une fois. La nuit de deuant qu'il fut exécuté, Cêteno le fut veoir: Caruajal faisoit semblant de ne le recognoistre point, & quād l'autre luy eut dict qui il estoit, il respondit que ne l'ayant iamais veu que par derriere il ne l'auoit peu cognoistre: voulant donner à entendre que l'autre auoit tousiours fuy. Ce seroit vne chose trop longue de vouloir reciter ses responces argues, & subtilles, & ses actes cruels, & inhumains: Ceux que nous auons recitez seront suffisans pour démonstrer sa subtilité, son auarice, & inhumanité. Il estoit aagé de quatre vingts quatre ans. Il auoit esté enseigne en la iournee de Rauenne, & soldat du grand capitaine. C'estoit le plus fameux guerrier de tous les Espagnols, qui ayent passé aux Indes. Ce proverbe est demeuré de luy: il est aussi cruel qu'un Caruajal, par ce que de 400. Espagnols que Pizarre a faict mourir hors la bataille depuis q̄ Blasco Nugnez entra au Peru, cestuy-cy les auoit quasi tous tuez de sa main avec quelques Mores qu'il menoit avec soy pour ceste fin. Oultre ces 400. il en est encor' mort plus de 1000. pour les Ordonnances, & plus de 10000. Indiens en portant la somme, où bien à cause de la raiſte qu'ils faisoient aux montagnes de peur de la porter, où ils mouroient de faim, & de soif, & fin qu'ils n'eschappassent on les lioit plusieurs ensemble par la ceinture, & celuy qui se destachoit,

ou deuenoit malade pour demeurer, auoit la teste tranchee, qui estoit vne chose que les bons pouuoient veoir, mais non pas corriger.

*Le departement des Indiens que feit Lagasca entre les  
Espagnols. Chap. 187.*

**L**Agasca ayant faict decapiter Gonzalle Pizarre s'en alla à la ville de Cuzco avec toute l'armee, pour donner ordre aux affaires, qui touchoient le repos, & contentement des Espagnols, & des Indiens, le bié public, & le seruice du Roy, & de Dieu, qui estoit le principal. Quand il fut arriué il feit raser la maison de Pizarre, & celles des autres traistres, & y feit semer du sel, & mettre vne grande pierre sur laquelle estoit escript : Ceste maison appartenoit au traistre Gonzalle Pizarre. Il enuoya puis apres le capitaine Alphonse de Mendozze avec ses soldats aux Ciarcas pour arrester prisonniers ceux, qui estoient du party de Pizarre, qui s'en estoient fuis là, & aussi pour apporter les Quints & triburs du Roy. Il enuoya aussi Diego de Roias & Diego de Mora, & autres par tout le Royaume pour recueillir le reuenu, & quint Royal. Il feit bastir, & peupler vne ville entre Cuzco, & Collao qu'on appelle Ville-neufue. Il depescha Pierre de Valdiuia avec gés, qui le voulurent suiure pour aller à Chili, & le capitaine Bonauenture à sa conqueste du pays de Quito, qui est riche en bestail, & mine d'or. Il enuoya semblablement Diego Centeno aux mines de Potosi, qui sont vers la Prouince de Ciarcas, ce sont les meilleures du Peru, & mesme de tout le monde, par ce que cent liures, qu'on tire de la mine, rendent cinquante liures d'argent pur.



& fin, & encor' plus: & fil y a vne montagne outre les autres, qui a deux mille de haut, & plus de trois mil de tour, de laquelle on tire des piéces d'argent pur, n'ayans besoing que d'une bien petite purification. Il donna en outre congé à tous de se retirer en leurs maisons principalement à ceux, qui auoient demeuré aux villes, ou qui auoient des vassaux, & des terres. Ce qu'il feit pour les enuoyer loing de luy, & s'en descharger par ce qu'ils estoient tousiours apres luy pour demander des departemens, & de quoy viure. Il s'en alla puis apres à Apurima, 36. mil loing de Cuzco, & là il departit des terres, & vassaux à plusieurs suiuant la deliberation qu'il en feit avec l'Archeuesque de la ville des Roys, & avec le secretaire Lopez. Il donna par ces departemens à diuerses personnes plus de quinze cés mille Castillans d'or de reuenue par an, & si distribua d'argent comptant plus de 150000. ducats qu'il auoit desja receu de ceux, qui auoient des terres recommandees, c'est à dire, des departemens. Il maria plusieurs riches vesues à des personnes pauures, qui auoient seruy le Roy fidelement. Il y eut tel qui eut 100000. ducats de reuenue par an: C'estoit le reuenue d'un prince, si cet heritage eust esté perpetuel, & fut tombé aux enfans, ou autres heritiers: mais l'Empereur ne baille ces terres qu'à vie. Celuy, qui en eut le plus fut le capitaine Hinoiose. Lagasca de là s'en alla à la ville des Roys pour n'ouïr les plaintes, blasphemés, & maledictions des soldats, & pour la peur qu'il en auoit, par ce qu'il estoit impossible de contenter vn chascun. Il enuoya l'Archeuesque à la ville de Cuzco pour publier les de-

partemens, & appaïser de parole ceux, qui n'auoient rien eu, leur faisant de grâdes promesses pour l'aduenir. Mais il ne sceut si bien prescher qu'il peut refroidir les feuz des soldats, qui n'auoient rien eu du tout, ou q̄ en auoient eu trop peu. Aucûs se plainignoient de Lagasca de ce qu'il ne leur auoit faict part d'aucunes terres : autres, de ce que leur part estoit trop petite : & autres, par ce qu'il en auoit pluſtost donné à ceux, qui auoient esté contre le Roy, protestans de l'accuser en Espagne au Conseil des Indes. Et ainsi il y en eut quelques vns, entre autres Marcial Aluarado, & Melchior Verdugo, qui depuis en forme d'accusation enuoyerent des lettres au procureur fiscal de ce Conseil, par lesquelles ils mandoient beaucoup de mal de Lagasca. Finalement ils faisoient des menees pour se mutiner l'un l'autre voulans mettre prisonniers l'Archeuesque, l'Auditeur Ciâca, le Capitaine Hinoïose, Centeno, & Aluarado mesme, & prier le president Lagasca de reformer ses departemens, & en faire part à tous en faisant plusieurs parts, & portions de ceux, qui estoient trop amples, ou les charger de pensions : & où il n'en vouldroit rien faire conclurét de se faire eux mesmes maistres, & seigneurs d'iceux. Mais ceste mutinerie fut incontinent decouuerte : & l'Auditeur Cianca print, & chastia les chefs, & par ce moyen le reste s'appaisa.

*La taxe que feit Lagasca pour le tribut.*

*Chap.*

188.

**L**Agasca remeit sus le Parlement en la ville des Roys, & y presidoit comme en estant presidét, decidant tous procès, & affaires du gouuernemét,

Les Auditeurs estoient les docteurs André de Cianca, Pierre Maldonado, Santillane, & Melchior Bravio de Sarauia gentil-homme de sçauoir, & de bonne conscience. Ce Parlement mit ordre pour la conuersion des Indiens, qui n'auoient point encor esté baptizez, à ce qu'ils fussent instruits en la doctrine Chrétienne par les Euesques, Moynes, & prestres, par ce que par les guerres passees on ne s'en estoit guere soucié, & defendit sur grieues peines qu'on ne fait porter la somme aux Indiens contre leur volonté, & qu'on ne les tint pour esclaves, puis que le Pape, & l'Empereur le commandoient ainsi. Mais pour la grande necessité qu'on a de sommiers soient cheuaux, ou autres bestes, desquelles le defaut est grand en ce pays, ordonna qu'en plusieurs lieux les Indiens porteroient la somme comme ils auoient accoustumé de faire au tēps de leur Idolatrie lors qu'ils seruoient à leurs Yngas, & seigneurs, qui estoit vn deuoir personnel. Pour laquelle chose on diminua d'un tiers le tribut qu'ils souloient payer. D'auantage il commanda sur grosses peines qu'on ne les tirast point hors leur pays naturel, de peur que par changement d'air, & par diuerse temperature ils ne mourussent. Partant il ordonna que ceux, qui estoient nourris es plaines, qui sont chaudes, seruissent là, & que les montagnards, qui estoient accoustumez au froid, ne descendissent point en la campagne, & qu'on les changeast par quartiers, de peur que les vns portassent tousiours la somme, & les autres non. Il en laissa plusieurs autres, qui sont esclaves nommez Mitimaes, en la façon que Guaynacapa les tenoit, & commanda à tous les autres



qu'ils eussent à s'en retourner aux pays d'où ils estoient; plusieurs toutesfoys n'y voulurent aller, & aimerét mieux demeurer avec leurs maistres disans, qu'ils s'y trouuoient bien, & qu'ils aprenoient mieux avec eux la religion Chrestienne, allas avec eux à la messe, & aux sermons, & qu'ils gaignoient sous eux quelque peu d'argent en vendant, achetant, ou seruant. On dict que des pays du Peru, qui furent conquis il y auoit plus de la moitié des Indiens morts pour auoir esté rompus à porter trop grosse somme, & trop souvent: & ceux à qui ils estoient recommandez, & les auoient en leurs departemens ne les en pouuoient exempter, par ce que les soldats sans aucune pitié les prenoient de force, ou les rucioient s'ils ne vouloient marcher, mesme ils prenoient ceste hardiesse en presence de Lagasca durant la guerre, Lagasca choisit quelques personages gens de bien pour aller les vns deça, les autres delà visiter le pays, & leur donna certaines instructions, desquelles il chargea leurs consciences, & les feit iurer sur les saintes Euangiles entre les mains d'un prebste, qui leur auoit chanté vne Messe du saint Esprit, qu'ils feroient bien, & fidelement leur office. Ces visiteurs furent par toutes les villes du Peru, qui sont iusques à aujourdhuy subiette à l'Empereur, les vns par vn costé, les autres par l'autre. Ils prenoient le serment de ceulx, qui auoient des departemens, & Indiens sous eux, mesmes de ceux, qui en tenoient pour le Roy, à fin qu'ils declarassent combien d'Indiens, sans les vieils, & les enfans, ils auoient en leurs terres, & ce qu'ils leur payoient

de tribut, & combien: & cela entendu d'eux, ils les enuoyoiēt hors de leurs departemens, & puis examinoiēt leurs Indiens, & Caciques des vexatiōs, couruees, & peines qu'ils enduroiēt de leurs maistres, & quelles choses portoiēt leurs terres, quel tribut ils souloient payer à leurs Roys Yngas, où ils le portoiēt, pour- quoy ils payoiēt tribut à leurs Roys de lezardes, de grenouilles, & d'autres choses semblables, s'ils n'auoiēt rien autre chose que ce qu'ils payoiēt pour ceste heure, & ce qu'ils pourroient payer pour l'aduenir, leur donnans à encores à entendre la grace, de laquelle l'Empereur vouloit tousiours vser enuers eux en moderant le tribut qu'ils souloiēt payer, & les laissant libres, & francs, & seigneurs de leur biens, & de tout ce qu'ils pourroient acquerir par leur industrie, & labeur. Ils les asseuroiēt de ceste grace le plus qu'ils pouuoient pour faire reuenir grand nombre d'entr'eux, qui n'ayans aucunes maisons ny vassaux estoient retirez des campagnes parmy les montagnes, quand ils ouyrent qu'on les venoit visiter, pensans que les visiteurs imposeroient moindre tribut où ils trouueroient moins d'habitans, & que par ce moyen ils demeureroiēt libres en leurs biens comme en leurs personnes. Ces visiteurs estans de retour Lagasca se deschargea de la taxe du tribut sur l'Archeuesque Loaysa, frere Thomas de Sainct Martin, & frere Dominique de sainct Thomas Iacobins. Iceux apres auoir prins l'opinion des visiteurs, & consideré ce que disoient les seigneurs, & vassaux, taxerent le tribut beaucoup moindre que celuy, que les Indiens mesmes disoient pouuoir ai-

fément payer. Lagasca commanda que ceste imposition fut gardee, & que chascue contree ne fut tenuë payer son tribut en autre chose, qu'en ce, que produisoit le terroir, sil y auoit de l'or, qu'o payast en or: si de l'argent, en argent, ou en cotton, sel, bestail, & en toutes autres choses que le pays produire. Il commanda toutesfois à plusieurs pays de payer en or, ou argent, encor' qu'ils n'eussent aucunes mines de ces metaux, à fin qu'ils trouuassent, & employassent leur esprit à gagner cet or, en nourrissant des oyseaux, ou cheures, ou porcs, ou autre bestail, ou bien s'employant à faire de la soye, & puis vendre leurs nourritures, & labeur, en les transportant aux autres villes, foires, ou marchez, menas aussi ou du boys, herbes, grain, ou autres telles choses: voulant par cela Lagasca, qu'un chacun s'accoustumast à gagner sa iournee en trouuillant, & seruant aux maisons, & boutiques des Espagnols, à fin que peu à peu par ceste voye ils apprinsent leurs coutumes, & changeassent leur rudesse, & austerité à vne vie humaine, douce, & chrestienne, oublias leur idolatrie, leur yurongnerie, & vie brutalle, à laquelle ils s'employoient du tout, & de corps, & d'esprit, demeuras au reste en perpetuelle oisiveté mere de tous maux. Lagasca feit donc publier ceste taxe au grand contentement des Indiens, qui auparauant ne dormoient, ny reposoient aucunement pensans tousiours à leurs rançonneurs: ou s'ils dormoient, ils ne faisoient qu'y resuer. Quant à la peine, il la feit telle, que si les Indiens dedans certain tēps de l'annee, & vingt iours apres ne payoient leur tribut & imposition, ou si ceux, qui auoient quelque departement



à la charge de payer à l'Empereur quelque pension ou rente suiuant la coustume, estoient negligens à payer, ou si ceux, qui ont des vassaux, ou sont commis à leuer le tribut, receuoient plus que ne monte le tribut, ou la peine, ils payeroient pour la premiere fois quatrefois autant: & pour la seconde, ils perdroient leur bien, leur sief, leur estat, & departement qu'ils auroient.

*Cōbien despendit Lagasca, & le tresor qu'il rassembla. Ch. 189*

**Q**uand Lagasca arriua aux Indes, & qu'il entra en la ville du Nom de Dieu il n'auoit pas plus de 400. ducats. Mais il emprunta tous les deniers, desquels il eut affaire pour la guerre qu'il eut contre Pizarre, de ces deniers il achepta armes, artilleries, & cheuaux, il paya ses soldats, & feit plusieurs autres despenfes, esquelles il despēdit 900000. pefans d'or depuis le premier iour qu'il arriua au Peru iusques au dernier qu'il en partit. Ceste despēce fut grande à raison qu'il falloir qu'il se mōstrast liberal aux soldats, & toutes les marchādises qu'on apportoit d'Espagne estoient fort cheres, non seulement les viures, & habillemens, mais aussi toutes autres choses de guerre, cōme cheuaux, arquebuzes, & corselets: & si il faut noter que, encor' que ce pays soit loing, on y trouue toutesfois de fort bōs cheuaux, & bonnes armes, & en grand nōbre: car vn chacun sçait que les marchandises sont portees en lieux où elles valent de l'argēt, & n'y a pays, où il y eust deniers pour en achepter, plus qu'en cestuy cy. Lagasca assembla les reuenuz, & quints du Roy, & tout l'or & argēt, qui appartenoit à ceux, qui auoient esté condemnez. La somme fut si grande que d'icelle

il paya les neuf cens mille pesans d'or, & en resta de bon pour porter à l'Empereur treize cens mille tant en or, qu'en argent. Vn chacun fut esmerueillé de ce thresor, non pas pour la somme, mais pour la maniere, de laquelle il l'assembla. Iamais ne print pour soy la paye d'aucun soldat: & si dis, & l'assure, que iamais Espagnol ne passa au Peru avec charge, où sans charge, qui ne prit quelque chose pour soy, excepté cestuy-cy, auquel on n'a sceu remarquer aucun signe d'avarice, n'ayant fait son profit d'aucune chose: aussi auoit il derriere luy plusieurs yeux, qui attentiuement regardoient ce qu'il feroit, pour l'accuser puis apres s'il eust versé mal en sa charge. Ainsi il euita ceste note d'avarice, pour laquelle se sont perduz, & sont morts tous ceux, desquels nous auôs parlé: i'en mets hors Blasco Nugnez Vela, par ce qu'il a iustement serui l'Empereur, & a esté exempt de ce vice. Gabriel de Roias sous couleur qu'il estoit pour le Roy print sur les Indiens grande quantité de Vacos, & sur les Espagnols, qui auoient porté faueur à Pizarre, & mesme sur ceux, qui ne l'auoient point fauorisé, mais luy estoient suspects, disant: qu'il estoit bien vray qu'ils n'auoient point donné secours à Pizarre, mais estoient attendans l'issüe des guerres, pour selon icelle se ranger d'une part où d'autre. Ceste leuee qu'il feit montoit à plus d'un million d'or, & parce qu'il mourut soudainement en chemin, on dit que ce fut par le iugement de Dieu, & que depuis il apparut en vision espouventable à certains Iacobins en la ville de Lima. Mais puis que nous sommes sur ce point de parler de tresors, il ne sera point

hors de propos de dire la richesse, qui iusques au-  
iourd'huy a esté tirée du Peru par nos Espagnols,  
tant de l'or, qui a esté trouué tout affiné, & en œu-  
re entre les Indiës, que de celuy, qui a esté tiré des  
mines. Mais à vouloir compter cecy ce seroit vne  
chose autant impossible, comme elle seroit incre-  
dible si elle estoit possible à compter: ie diray seu-  
lemēt qu'Augustin de Zarate maistre des Comptes  
du Roy à trouué que les Officiers, & Thresoriers  
sont demeurez en *debet* aux liures des comptes, qui  
auoient ja esté calculez, & arrestez, de dixhuiēt cēs  
mille pesans d'or, & de six cens mille liures d'argēt  
sur les quintes, & reuenuz Royaux qu'il auoit char-  
ge de receuoir: Et tout cest or, & argēt a depuis esté  
apporté en Espagne par vn moyē, où par vn autre:  
& encor' que Dō Diego d'Almagro, Vacca de Ca-  
stro, Blasco Nugnez, Gonzalle Pizarre, Lagasca, &  
autres capitaines en ayent despendu grande som-  
me és guerres, si en fin a il esté tout apporté, com-  
me i'ay dit, en Espagne, & est vne quantité incredi-  
ble, trefcertaine toutesfois.

*Considerations. Chap. 190.*

**D**E tous les Espagnols, qui ont gouuerné le Pe-  
ru il n'en est eschappé aucun excepté Lagasca,  
qui n'y soit mort, ou mis prisonnier, qui n'est pas  
vne chose qu'il faille oublier. François Pizarre, qui  
le descouurit, & ses freres, ont estranglé dom Die-  
go d'Almagro, dom Diego son fils à faiēt tuer Frā-  
çois Pizarre. Le docteur Vacca de Castro à faiēt de-  
capiter dom Diego. Blasco Nugnez Vela à mis pri-  
sonnier Vacca de Castro, lequel est encores prison-  
nier. Gonzalle Pizarre tua en bataille Blasco Nug-



nez. Lagasca feit mourir par iustice Gonzalle Pizarre, & meit en prison l'Auditeur Cepeda, qui auoit desia perdu par mort ses trois autres compagnons. Les Contreras, desquels nous parlerons tantost, tascherent à tuer Lagasca. Encor' trouuera-on plus de cent cinquante capitaines, & autres personnes ayans charge de iudicature morts, ou par la main des Indiens, où en combattât entre-eux mesmes, où pour auoir esté penduz, & massacrez. Les Indiens, & mesme les Espagnols attribuent tous ces meurtres, dissentions, & guerres ciuiles aux planettes, qui dominant sur le pays, & à la richesse: Quant à moy i'impute cela à la malice, & auarice des hommes. Les Indiens disent que iamais d'autant loing qu'ils se peuuent souuenir, & si y en a aucuns qui ont 100. ans, les guerres n'ont failli au Peru. Car Guaynacapa, ce disent-ils, & Opaynga son pere ont tousiours eu des guerres cruelles avec leurs voisins, & autres Caciques, pour estre seuls seigneurs de ces pays. Guascar, & Attabalipa freres ont combattu à qui seroit d'eux deux Ynga, & monarque. Attabalipa pour ce faict feit tuer son frere aîné, & François Pizarre tua, & priua du Royatme Attabalipa comme traistre, mais tous ceux, qui conseilлерent de le tuer, & qui y consentirent ont finy malheureusement, qui est vne autre consideration, comme vous auez desia leu de Diego d'Almagro, de François, & Gonzalles Pizarres: en reste encor' plusieurs autres, qui estoient presens, qui seroient trop long à reciter, seulement i'en nommeray quelques vns: Iean Pizarre, qui de tous ses freres estoit le plus vaillant, fut tué en la ville de

Cuzco par les Indiens, Iean de Rada, & ses complices tuerent François Martin d'Alcantara, ceux de l'Isle de Puna tuerent à coups de bastons l'Euefque frere Vincent de Valuerde comme il fuyoit de dom Diego d'Almagro, & le docteur Velasquez son cousin, & le capitaine Iean de Valdiuieso avecques plusieurs autres. Almagro feit pendre à Chili Philippes le truchement: Fernand de Sotto mourut en la Floride, & plusieurs autres en diuers lieux. Aucuns sont encores viuans comme Ferdinand Pizarre, qui, encor' qu'il n'eust esté à la mort d'Attabalipa, si est-il prisonnier au chasteau de Medine du Champ, pour la mort de dom Diego d'Almagro, & à cause de la bataille des Salines, & de plusieurs autres choses.

*Autres considerations. Chap. 191.*

**L**Es differens d'entre Pizarre, & Almagro ont commencé par ambition, & pour le gouuernement de la ville, & Royaume de Cuzco. Mais depuis ils se sont augmentez par auarice, & sont venus iusques à exercer vne grâde cruauté par ire, & enuie. La partialité à suiui, par ce qu'Almagro donnoit liberalement aux soldats, & François Pizarre cōme gouuerneur pouuoit iustemēt dōner. Apres la mort d'eux deux, vn chacun à suiui celuy, duquel il esperoit auoir plus de proffit, & ainsi plusieurs abandonnoient le seruice du Roy, par ce qu'il ne leur donnoit que la soulde ordinaire: & le nōbre de ceux qui sont tousiours demeurez loyaux, & fidelles ést bien petit, par ce que l'or auiegne le sens naturel, & ce metal est si abōdāt au Peru qu'il met vn chacun en admiration. Comme donc tous suiuiοient partis

differeñs, aulli tous auoient les affections doubles, & mesmes leurs langues, tellement que iamais on n'oyoit verité si ce n'estoit pour malice, & meschâceté. On corrompoit les hommes par deniers pour iurer vne faulseté, on s'accusoit l'un l'autre malicieusement vers l'Empereur pour auoir le commandement, pour gouuerner, tantost par vengeance, tantost par enuie, aucunesfois seulement par passe-temps. On faisoit mourir les personnes par iustice, & sans iustice, & le tout pour estre trop riches, de façõ que plusieurs choses ont esté cachees, qui deuoient estre verifiees, mais elles ne pouuoient estre cogneuës en iugement, par ce qu'un chacun prouuoit son faict. Il y a encor' plusieurs personnes, qui ont serui le Roy, desquels on ne parle point pour estre hommes priuez, & sans charge, & coustumierement ne se parle que des gouuerneurs, capitaines & personnes notables, par ce qu'il seroit impossible de discourir du fait de tous: ioint aussi qu'il est aucunesfois meilleur les retenir sons silence que de les donner à cognoistre. S'il y a donc quelqu'un qui soit fasché de ce que l'ay mis en oubly ie luy conseille de s'appaiser, & se contenter de se veoir libre de mes escrits, & enuironné des richesses du Peru, & qu'il ne recherche son mal: si l'a faict quelque chose de bon, & qu'il ne soit loué comme il le pense meriter, qu'il en reiecte la faute sur ses compagnons: si au contraire il a mal faict & qu'il soit nommé par moy, qu'il ne s'en prenne à autre qu'à soy mesme.

*Ce que les Contreras vollerent à Lagasca comme il s'en retournoit en Espagne.* Chap. 192.

Lagasca



**L** Agasca, apres qu'il eust faict executer Pizarre & les autres seditieux, se diligenta avec grande ruse d'asseoir les tributs, de receuoir deniers, & de laisser ce peuple, & pays paisible, en repos, & le rendre plus profitable à l'Empereur qu'il n'auoit esté durant ces guerres, afin qu'il s'en peut retourner en Espagne, laquelle il desiroit grandement reueoir. Ainsi donc ayant faict toutes ses diligences meit en ses nauires quinze cents mille pesans d'or pout le Roy, & encores autant, voire d'auantage pour des particuliers, & fait voile à Panama, où il laissa six cents mille pesans, ne pouuant à faute de sommiers faire transporter tout son or de là, & s'en alla au Nom de Dieu. Aussi tost qu'il fut party deux fils de Roderic de Contreras gouuerneur de Nicaragua arriuerent à Panama avec deux cents bons soldats, & vollèrent les six cents mille pesans d'or, que Lagasca auoit laissez, & tout l'argent & l'or, & meubles des habitans qu'ils peurent enleuer ayants entré par force dedans la ville. L'un d'eux se retira en mer avec deux, ou trois vaisseaux pleins de butin, & l'autre s'en alla apres Lagasca pour luy voller tout l'or, & argent qu'il menoit, & luy oster la vie, tant il estoit aueuglé, & superbe. Ces Contreras auoient fait mourir frere Antoine de Valdiuesa Euesque de Nicaragua par-ce qu'il auoit mal escrit en Espagne de leur pere comme il alloit vers l'Empereur pour ses affaires: & sur les plainctes qu'on auoit faict de luy, fut spolié de son gouuernement, tellement que ses fils apres la mort de cest Euesque tomberent en grande indigence, & ne s'osoient plus trouuer en public, & vagoient deçà de là comme voleurs. Ils

receurent, & assemblerent des soldats de Pizarre, qui s'en fuioient, & se sauuoient, & autres enfans perdus, & s'accorderent ensemble de faire ce vol, disans, que ce thresor, & tout le Peru leur appartenoit comme estans nepueuz de Pierre Arias d'Auile, qui s'estoit mis en société avec Pizarre, Almagro, & Lucque, & ainsi se meirēt aux champs. Cela leur parloit bien d'une humeur meschante, & leur couleur n'estoit gueres meilleure: elle estoit, toutefois, assez suffisante pour attirer à leur cordelle les plus meschans. En somme, ils feirent un vol notable, & d'importance, s'ils se fussent contentez d'iceluy: encor' ne se fussent-ils pas eschapez des mains du Roy, qui serrent de loing. Lagasca, par quelques habitans de Panama, sceut l'un & l'autre: Il meit le tresor en seure garde, & marcha avec bon nombre de soldats au deuant d'eux: il les combattit, les vainquit, les print, & en feit executer autant qu'il voulut. Contreras eschappa, & en fuyant se noya en un fleuve pres de là. Lagasca enuoya soudainement des nauires bien armez contre l'autre frere. Ils feirent si bonne diligence qu'ils l'attraperent, le combattirent, prindrent ses vaisseaux, & les deniers qui estoient dedans, & tuerent tous ceux qu'ils trouuerent dedans, exceptez dix, ou douze. Par ce moyen Lagasca recouurit ce qu'on luy auoit vollé, & chastia les voleurs, qui est une chose autāt pour luy remarquable, cōme aduenteuse, pour son hōneur, sa renommee, & pour sa memoire perpetuelle. En fin, il s'embarqua au port de la ville du Nom de Dieu, & arriva en Espagne au moys de Iuillet 1550. amenant avec soy grande richesse pour autrui, &

plus grâde reputation pour soy mesme. Il employa à aller, & reuenir, & faire tout ce que vous auez leu vn peu plus de quatre ans. L'Empereur le feit Euefque de Paléce, qui vaut plus de 2000. ducats de reuenue par an: & le feit venir à Ausbourg en Alemaigne, afin d'ouïr de sa bouche & entendre mieux de luy toutes les affaires du pays du Peru.

*La qualité & temperature du Peru. Chap. 193.*

**S**ous ce nom du Peru, on comprend tous les pays, qui sont depuis le fleuve nommé Peru, iusques à Chili, desquels nous auons souuentefois parlé en escriuant les conquestes, & les guerres ciuiles, cōme sont Quito, Cuzco, Ciarcas, Port-vieil, Tôbez, Arequipa, Lima, & Chili. On diuise le Peru en trois parties en campagnes ou plaines, montagnes, & andes. La campagne est toute sablonneuse, & est fort chaude, elle est situee vers les riuies de la mer, elle entre peu dedans terre, mais elle s'estend fort pres de la mer. De Tombez en de là iamais ne pleut, ne tonne, ne gresle: & telle temperature de l'air s'estend le long de la coste plus de 1600. mil, & enuiron 40. ou 60. mil dedans terre, tant ces plaines sont longues. Les Indiens habitans de ce pays, viuent le long des riuieres qui viennent des montagnes, arrousans plusieurs vallees, qui sont abondantes en fruiçts, & en beaux arbres, sous l'ombre & frescheur, desquels ils reposent, & demeurent, & ne bastissent point autres maisons, ny n'vissent d'autres liçts: Il est bien vray que ceulx qui veulent coucher plus mollement font des liçts de cannes, ioncs, spadanas, & d'autres semblables herbes, qu'ils ont tousiours verdes. Ils en font



aussi de fueilles de certains arbrisseaux, qu'ils font secher incontinent en les maniant seulement. Ils sement le cotton, qui de sa nature sort de terre avec diuerses couleurs, tellement que vous y en voyez d'azuré, de verd, de iaulne, de roux, & d'autres couleurs. Ils sement le mais, & battatas, & autres semences, & racines qu'ils ont accoustumé de manger. Ils arrousent leurs labourages par le moyen de petits fossez, & ruisseaux qu'ils font venir des fleues. Il tombe encore vne roussee, qui leur fait grâd bien. Ils sement aussi vne herbe appelée Cocca, laquelle ils estiment plus qu'or, & que leur pain, elle demande vne terre fort chaude, tous en ont tousiours en leur bouche, & disent qu'elle esteinct la soif, & la faim: ils disent choses admirables de ceste herbe: ils la sement, & la recueillent tout le lóg de l'an. Il n'y a point és riuieres de ces plaines depuis Lima en de là de grands laifards, ou crocodilles, & ainsi peschent en toute assurance sans peur aucune. Ils mágent le poisson crud, & en font pour la plus part le semblable de la chair. Ils prennent force loups marins qu'ils trouuent bons à manger, & se nettoient les dents avec leur poil disans qu'il est bô pour cōregarder les dents, & si disent que si on touche de leurs dents vne dét, qui fait mal qu'elles osteront incontinent la douleur. Ces loups mágent des cailloux, peut estre que c'est pour faire fôdement en l'estomach. Les aultours tuét ces loups quand ils sortent en terre, qui est vne chose fort belle à voir, & les mangent. Plusieurs aultours assaillerôrt vn loup, & mesme deux seuls prendrôrt la hardiessse de l'assaillir, les vns le piquêt à la queue, & aux

pieds, autres aux yeux iusques à ce qu'ils les ayent arrachez ou creuez, & puis le tuët. Les autours sont grands en ce pays, & aucuns ont dix, douze, quinze, & dixhuiet palmes de la teste à la queue. On voit en en ce pays des cigongnes toutes blanches, & autres de couleur chageante, des perroquets, des ciuettes, des rossignols, des cailles, des turtherelles, des oyes, des pigeons, des perdrix, & autres oyseaux que nous auons accoustumé de manger: ils n'ot point routesfois de coqs, & poulles. De Cira, où Tombez, en deça on trouue des aigles, faulcons & autres oyseaux de proye, qui sont de fort belle couleur. Ils ont vn certain petit oiseller, qui n'est pas plus grand qu'un grillon, qui est reuestu d'un plumage menu, & delié, beau, & diuersifié à perfectiō, & sa couleur, & petitesse fait esmerueiller grandement ceux, qui le contemplent. Il y a vne autre sorte d'oiseaux grands comme oyes, qui sont sans plumes, & iamais n'abandonnent la mer: ils ont toutesfois vn duuet par tout le corps doux, & subtil au possible. On void encor en ce pays des cōnils, des regnards, des moutōs, des cerfs, & autres bestes, apres lesquelles les habitans chassēt avec les filers, toilles, & arcs. Les Indiens, qui habitent ces plaines, sont grossiers, brutaux, n'ayans point de cuer, ny aucune habilité ils sont peu, & mal vestus: ils ont des cheueux, mais ils n'ont point de barbe: & à raison de l'estendue de ces pays, ils parlent diuerses langues. Quant aux montaignes, elles sont fort hautes, & ont en hauteur plus de deux mille, & 300. mil de longueur & ne s'esloignent de la mer pas plus de 50. ou 60. mille. En icelles il pleut, & neige abondamment,

& fait froid de mesme. Ceux, qui demeurent entre ce froid, & ce chaut sont pour la plus part louches, ou aueugles, & est de merueille si de deux personnes, qui serôt ensemble, il n'y en a aucun louche. Ils ont leurs testes enuolopees de certaines toiles de cotton, qu'ils lient sur leurs testes, & nō pour couvrir, cōme aucuns vouloiēt dire, de petites queues, qui leur naissoient derriere la teste. En plusieurs endroits de ces mōragnes froides il n'y a point d'arbres, & au lieu d'iceux ils se chauffent d'une certaine terre, & de fouches, qui brulent fort bien. Il y a des mōragnes de couleur, cōme es Prouinces de Parmega, & Guarimey, où il y en a aucunes, qui sont rouges, autres noires, verdes, bleuës, & turquines, & de loing on les distingue toutes aisément de l'œil, & les fait beau veoir. On trouue en ces pays montagneux des cheureuls, des loups, des ours noirs, & certains chats qui ressemblēt à des Mores. Il y a icy deux sortes de vacos, que nous appellons moutons: les vns, comme nous dirōs en autre lieu, sont domestiques, les autres sauuages, la laine de l'un est grosse, & celle de l'autre est fine, de laquelle on fait des habillemēs, des chaulses, materaz, couuertes, draps, cordes, du fil, & le petit floquet que portent les Roys Yngas. Ils font grād amaz de ces marchandises à Cinca, à Caxamalca, & en plusieurs autres villes, & les portoient pour vendre en pays loingtains, qu'est Syrie de la ville de Scremadure en Espagne. Ils ont des raues, ressorts, lupins, de l'ozeille, & plusieurs autres herbes bonnes à manger. Ils en ont vne qui ressemble au persil, & porte vne fleur ianne, elle guarist toutes les playes, qui sont



pourries, & si on l'applique sur vn endroiët, où il n'y ayt point de mal, elle mangera la chair, iusques à l'os: & ainsi elle est bonne contre le mal, & mauuaise contre vn endroit sain. Je n'ay que dire de l'or, encor' moins de l'argent, puis qu'on en trouue en tous lieux. Aux valles de ces montagnes, qui sont fort profondes, la chaleur est grande, & là vient la coca, & autres choses, qui ne demandent terre froide. Les hommes portent des chemises de laine, & serrent leur teste par dessus leurs cheueux avec vne sangle. Ils sont plus forts, plus courageux, plus corpulens, plus raisonnables, & humains que ceux, qui habitent és plaines sabloneuses. Les femmes portent vn long habit sans manches, elles se fardent quasi routes: elles portent de petits manteaux sur leurs espaules attachez avec des espingles d'or, & d'argent, ainsi que portent celles de la ville de Cuzco: Elles trauaillët fort, & secourent grandement leurs mariz. Ils bastissent en ce pays leurs maisõs de gros quartiers de pierre, & de bois. Ces montagnes sont fort rudes, si l'y en a au monde, & viennent de la nouuelle Espagne: & encor' plus au delà, passans entre Panama, & le Nom de Dieu, & vont iusques au destroit de Magellan. D'icelles naissent de grands fleuues, qui tombent en la mer de Midy, & autres plus grands, qui coullent en celle de Tramontane, comme les fleuues de l'Argent, de Maragnon, & d'Oregliane, duquel encor' on doubte si c'est le mesme Maragnon. Les Andes sont montagnes, & valles fort peuplées, & riches en mines, & bestail: mais on n'en a point encor' si grande cognoissance que des autres.

**L**y a de l'or, & de l'argent par toutes les terres des Indes, mais non pas tant comme au Péru. Ils le fondent en des fourneaux avec de la fiente de brebis.

2 Le ne sçache que l'air, les rochers, & les montagnes de couleur, soient telles ailleurs, comme icy.

3 Les oyseaux de ce pays, sont differents de ceux des autres pays, tant ceux, qui sont chargez de plumes, que ceux qui n'ont que le duuet, comme ie les ay desia depeincts.

4 Les ours, les brebis, & les chats qui ressemblent à des Mores, sont animaux particuliers à ce pays.

5 Les Indiens disent, qu'au temps passé on a veu des geans en ce pays. François Pizarre trouua leurs statues au port Vieil, & dix, ou douze ans apres, nō loing de Trusiglio, on a trouué de gros os, & des restes d'hommes, avec leurs dents qui estoient grosses comme trois doigts ensemble, & en auoient quatre de long, elles estoient noires, ce qui fait confirmer ce qu'en disent ces Indiens.

6 A Colli pres Trusiglio, il y a vn lac d'eau douce, qui au fond à du sel blanc.

7 Aux Andes derriere Xauxa, il y a vn fleuve duquel l'eau est douce, & toutefois les cailloux, & pierres qu'on trouue dedans, sont de sel.

8 Il y a vne fontaine à Cinca, qui conuertit la terre en pierre, & la croye en gros cailloux.

9 En la coste de Sainct Michel on voit dedans la mer de grands rochers de sel couuers d'Ouas,

10 Il y a d'autres fontaines, ou mines, à la poincte de Sainte Helene, desquelles coule vne liqueur, de laquelle on se sert au lieu de poix, & brusle comme feu gregeois.

11 Il n'y auoit point de cheuaux en cepais, ny beufs ny mulets, ny asnes, ny cheures, ny brebis semblables aux nostres, ny chiens : & pour ceste cause aucun n'enrage en toutes les Indes. Il n'y auoit point aussi de souris, iusques au temps de Blasco Nugnez Vela. Mais lors on en veid tât ensemble à S. Michel & en autres endroits qu'elles rôgeoiēt to<sup>us</sup> les arbres, les cânes de sucre, les maiz, les iardins, & les habillements, sans y pouuoir trouuer remede aucun, & mesme ne laissoient dormir les Espagnols, & espouuantoient les Indiens.

12 En ce mesme temps de petits grillons s'engendrèrent en ce pays, qui n'auoiēt iamais esté veus au Peru, & rongerent toutes les semences.

13 Il vint aussi vne certaine rongne sur les brebis, & autres bestes des champs, qui en fait mourir, comme la peste, la plus grand part és campagnes, encores les oyseaux ne les vouloient point manger. De telles venues les habitans, & estrangers receurent grand detrimēt ayants peu de pain, & estants tourmentez d'ailleurs de cruelles guerres.

14 On dict qu'en ce pays on n'a point veu de peste, qui est vn argument pour prouuer que l'air est tressain.

15 On n'y void point de poux, dequoy ie m'esmerueille: mais nos gens en sont bien garnis.

16 Ils n'vsoient point de monnoye, encores qu'ils eussēt tât d'or, d'argēt & autres metaux: ny de lettres



aussi, qui leur estoit vn grand deffaut, & vne bestise lourde: prouenante d'ignorance. Mais maintenant ils sçauent en vser, & l'apprennent de nous: ce qui leur vaut plus que toutes leurs richesses, desquelles ils ne sçauoient s'aider, ny en retirer profit.

17 Il ne faut pas mettre en oubly la maniere, de laquelle ils vsent à bastir leurs temples, forteresses, & ponts. Ils trainét leurs pierres, ou les roulent à force de bras iusques au lieu, où ils veulent bastir, parce qu'ils n'ont point de bestes pour fayder d'elles à tels œuures. Les pierres sont de dix pieds en quarré & encore d'auantage: ils les asseoient avec de la chaux, & autre mortier. Or pour monter leurs pierres, ils apportent de la terre contre le mur, & autât que croist l'edifice, autât haussent-ils leur terre. Car ils n'ont point d'autres engins à bastir, & ainsi sont long temps deuant qu'acheuer telles entreprinse, & leur faut vne infinité de personnes. La forteresse de Cuzco estoit de mesme structure, & estoit fort belle, & magnifique. Quant aux ponts, ce sont choses dignes de rite, & encores plus propres pour tōber. S'ils veulent donc, faire vn pōt sur vn fleue, qui soit si creux, qu'ils n'y puissent ficher aucuns pillotiz, ils mettront aux riues, qu'ils trouueront les plus hautes, vne corde faiçte de laine, qui trauersera l'eau, à icelle pendront, avec vn neud coullant, vne hotte semblable à celles, desquelles on se sert à faire vendanges en Espagne, ou vn panier faiçt à la façon des anses, ausquels on porte la vendange en Touraine. Ce panier a deux oreilles, à chacune desquelles ils atrachent vne corde aussi longue que tout le trauers de l'eau. & attachent l'autre bout de

ceste corde au pau, qui tient la grosse corde. Si quel-  
qu'un veut passer, ils le mettent dedans ce panier,  
& font tirer la corde, qui est attachee à la rive, où il  
veult aller par ceux, qui sont delà. Sur d'autres fleu-  
ues, ils font des ponts sur piloris : mais ils n'ont la  
largeur que d'un aiz, comme ceux qu'on faiet en  
Espagne sur le fleuve Tago, pour faire passer les  
moutons. Les Indiens passent par dessus ces ponts  
sans tomber, ny se troubler. par ce qu'ils les ont ac-  
coustumez. Mais les Espagnols y trespuchent sou-  
uent se troublans la veüe & la teste en regardant le  
courant de l'eau, qui coule roide, & aussi à cause que  
ils les font coustumierement hauts, & que les aiz  
pour estre longs tremblent tousiours : pour ceste  
cause nos Espagnols quand ils veulent passer se  
mettent à quatre pattes. Ils font encore d'autres  
ponts des cordes dessus des pilliers, par dessus les-  
quelles ils iettent des rets faiets de mesme corde:  
par dessus ces ponts, les chevaux passent, encor' que  
ils tremblent. La premiere fois que nos Espagnols  
passerent par dessus tels ponts fut entré Yminga, &  
Guailasmarca. Ce pont estoit separé en deux, par  
l'une moitié passoient les Roys Yngas, Orejons, &  
Soldats seulement; par l'autre, les autres passans: &  
falloit payer un certain peage par to<sup>r</sup> ceux qui pas-  
soient, pour entretenir le pont, nonobstant que les  
peuples voisins fussent obligez à l'entretenir. Aux  
endroits où il n'y auoit nul pont, ils faisoient de  
petits bacs, ou autres barquerolles cōme les equifs  
de vendangeurs de Rome, mais le courant de l'eau,  
les emportoit biē souuēt, & ainsi estoient cōtraints  
passer à nage : mais tous les Indiens sont bons na-

geurs. Autres passét par dessus vn rets de corde soustenu de coucourdes creuses, & le font nager de telle façon que l'un le fait tousiours tourner, & l'autre le pousse. A faute de ponts, ou pour estre mal seurs plusieurs Espagnols, & cheuaux ont esté noyez, beaucoup d'or, & d'argent a esté perdu.

28. Il y a en ce pays deux grands chemins royaux depuis la ville de Quito iusques à celle de Cusco, qui est vn œuvre d'aussi grád coust comme il est remarquable. L'un est par les montaignes, & l'autre par les plaines, tous deux durent plus de 2000. mil. Celuy qui est en la campagne est reuestu de muraille des deux costez, & est large de vingt cinq pieds : il a en dedás des fossez, ou petis ruisseaux pleins d'eau coulante perpetuellement, & dessus iceux ont esté plantez force arbres, qu'ils appellent Molli. L'autre qui est en la montaigne, est de mesme largeur, entaillé par dedans les rochers, & aux endroicts où il y auoit des vallons trop creux, pour esgaller le chemin on les remplissoit de pierres massonnées, avec de la chaux. En somme, c'est vn œuvre, qui mesme au dire de tous ceux, qui ont veu l'un, & l'autre, surpasse les Pyramides d'Egypte, & les grands chemins pauez des anciens Romains, & tous les edifices anciens. Guaynacapa les fait refaire, & eslargir : mais il ne fut pas le premier autheur d'iceux, comme aucuns veulent dire : car la massonnerie se móstre bié plus ácienne, & si ne les eust peu acheuer durt sa vie. Ces chemins vót tous droits sans auoir par dessus aucune colline, ny montaigne, & sans s'aboutir à aucun lac, ou estang : & dessus de iournee, en iournee, on void de beaux gráds



Palais bastis, qu'ils appellent Tambos, où se logeoit la court, & les armées des Roys Yngas. Ces Palais estoient garnis d'armes, de prouisions, de vestemens, & de souliers pour les soldats : les pays d'environ estoient tenus de fournir tous ces chasteaux de telles choses. Nos Espagnols, par leurs guerres ciuiles, ont ruiné ces chemins, les ayants coupeez en plusieurs lieux, pour empescher le passage l'un à l'autre. Les Indiens mesme en ont rompu leur part quand on leur faisoit la guerre, & quād on assiegea la ville de Cuzco.

*Conclusion des choses du Peru. Chap. 195.*

**L**Es armes, desquelles les Indiens du Peru vsent communement, sont frondes, fleches, picques faictes de palmiers, dards, haches, & hallebardes, le fer de ces bastons est de bronze, d'argent, & d'or. Ils portent des cabassers de metal, & de bois, & des hallecrez rembourrez de cotton.

2 Ils comptent vn, dix, cent, mille, dix mille, dix cents mille, & ainsi multiplians tousiours. Ils gertent leurs comptes avec des pierres, ou avec des neuds qu'ils font à des petites cordes de couleur, & leur compte est si certain, & si bien accordant que nos gens s'en esmerueilloient.

3 Ils iouent avec vn dé seul, qui a cinq carres, & n'en ont point d'autre sorte:

4 Leur pain se faict de maiz, & leur boisson aussi qui les enyure iolyement. Ils font encores autres breuages de fruiets, & d'herbes, cōme de molles, qui sont arbres fruietiers, desquels aussi ils font certain miel qui est bon pour guarir les playes d'un cheual, & les fucilles seruent aux hômes pour oster

la douleur d'une playe, & la guarir, & pour lauer les iambes, aussi les barbiers scauent bien s'en seruir pour guarir les playes.

5. Leurs viandes sont fruiçts, racines, poisson, & chair, spécialement de mouton. Ils ont grande quantité de cheureaux, tant es pays peuplez, qu'es deserts, de propres, & de communes: mais ils estoient sainçts, & sacrez au Soleil. Les Roys Yngas inuenterent ceste sainçteré, afin qu'en temps de guerre il n'y eust point faute de chair, deffendās de les chasser, & de les tuer, & commandans que ceux qui en auoient de propres à eux, en portassent tousiours la disme à leur Paciacama, & autres Guaches.

6 Ils s'en-yurent si fort, qu'ils perdent tout iugement.

7 En mariere de mariage, ils n'ont gueres d'esgard à la parété, & les femmes moins à la loyauté qu'elles doiuent garder en mariage. Ils se marient avec autant de femmes qu'ils leur plaist: quelques Orejons espouzent leurs sœurs.

8 Les neueuz succedent à leurs oncles, & non les enfās excepté entre les Rois Yngas, & les seigneurs. Mais dictes moy, qui seront deormais les heritiers puis que le vulgaire n'a, & ne veut-on permettre qu'il aye aucun patrimoine?

9 Ils sont menteurs, larrons, cruels, sodomites, ingrats, sans honneur, sans honte, sans charité, & sans vertu.

10 Ils mettent les morts en terre, ils en embaulment quelques vns leur iettans par le gosier vne liqueur qu'ils tirent de certains arbres odoriferans, ou bien les oignans avec vne gomme. Ils se gardēt

fort long temps és montagnes, à cause du froict, & pour ceste cause on trouue par deça force momie.

11 Plusieurs viuent plus de cent ans, en la Prouince de Colao, & en autres lieux du Peru, qui sont froids.

12 Les terres & pays ou ils sement leur maiz, & nostre blé, & orge, sont si fertiles qu'un seul grain d'orge en a rendu deux cens, & un autre trois cens: ce furent des premiers, qui furent semez. A S. Jean, qui est au gouuernement de Pascal d'Andagoye: ils semerent vne escuellee de bled, & en recueillerent neuf cens. En plusieurs autres lieux on a cueilly deux cens pois, & plus, pour un qui auoit esté semé, & ainsi les semences multiplioiét grandemēt au commencement par deça. Les racines deuenoient grosses comme la cuisse, & aucunes cōme le corps de l'homme: mais depuis elles sont diminuees, autant en ont fait toutes les semences qu'on auoit apporté d'Espagne. Les fruits, qui ont le iuz doux, ou aigre, ont fort multiplié en ce pays, cōme les citrons, & les cannes, desquelles on fait le sucre. Le bestail s'est grandemēt aussi multiplié: car vne cheure rendra cinq cheureaux, & pour le moins trois: & n'eust esté les guerres ciuiles, il y auroit desia par deça force bestes cheualines, moutons, vaches, asnes, & mulets, qui porteroiét la somme au lieu des Indiens. Mais deuāt qu'il soit peu de temps il y en aura abondamment, s'il plaist à Dieu: & les Indiens seront traduits à vne vie plus politicque, par le moyen de la paix, qu'ils ont maintenant, & des prediatiōs qu'on leur fait, ausquelles par vne sainte



charité, sont fort attirés les Espagnols, tant Ecclesiastiques, que seculiers, qui ont des vassaux: les Auditeurs aussi commandent tousiours expressément sur grosses peines qu'elles soient entretenues, autāt en fait le Viceroy Dom Antoine de Mendozze, qui auoit des-jà bien aduancé la cōuersion des Indiens de la nouuelle Espagne, d'où il fut enuoyé par l'Empereur pour gouuerner ce Peru. Ce qui a fait demeurer ces Indiens en leur Idolatrie, & vices abominables, a esté par ce que les Euesques, Religieux, & Prestres, festoient meslez parmy ces guerres ciuiles abandonnans leur troupeau, & ceux, qui festoient des-jà conuertis facilement renouoient à la religion Chrestienne, voyans comme les affaires se portoyent: plusieurs aussi la renioient par malice, & par la persuation du diable. Aussi plusieurs ne vouloient enterrer leurs corps morts en nos Eglises: mais les portoient en leurs Temples, & Guaches, & bien souuent ils se moquoient de nos Prestres, mettans dedans la biere, au lieu d'un corps mort, vn bouchon de paille, ou de cotton. Autres disoient quand on leur preschoit Iesus Christ, & sa foy, & religion, que c'estoit pour Espagne, & non pour eux, qu'ils se contentoient d'adorer leur Paciacama createur de toutes choses, & celuy, qui donne clarté au monde.


13 On ne prent point de disme sur leurs biens, sinon ce qu'ils offrent volontairement, de peur que vne telle leuee ne les fasche, & par cela n'estiment mal de nostre religion, laquelle ils n'entendent pas encor bien.

14 Frere Hierosme de Loaysa est Archeuesque des Rois. Il y a en outre trois Eueschez, Cuzco, que est entre les mains de frere Jean Solano: Quito, qui tient Garzia Diez Arias: & Ciarcas, qui est à frere Thomas de S. Martin.

# LIVRE CINQUIESME

## DE L'HISTOIRE GÉNÉRALE des Indes.

*Panama Chap. 196.*



Depuis le fleuve du Peru iusques au cap Blanc, qu'on appelle autrement le port de la Ferraille, on compte, suivant le long de la coste 1560. mil, en ceste façon: du Peru, qui est à 2. degrez au deça de l'Equinoxial, y a 240. mil iusques au goulfe de S. Michel, qui est à 6. degrez, & n'est qu'à 100. mil de l'autre goulfe d'Vraba, ou Darien, & a de tour 200. mil. Vasco Nugnez de Valuoale descouvrit l'an 1513. comme il cherchoit la mer de Sur, autrement, Midy, ainsi que nous auôs recité en autre lieu, & trouua en iceluy force perles. De ce goulfe iusques à Panama il y a plus de 200. mil. Gaspar de Morales, capitaine de Pierre Arias d'Auile descouvrit ceste coste. De Panama à la pointe de Guera passant par Paris, & Natan on cõpte 280. mil. de Guera, qui est

vn peu pl<sup>9</sup> qu'à 6. degrez, on met 400. mil iusques à Borica, qui est vne poincte de terre à 8. degrez, de laquelle on cõpte encore 400. mil iusques au cap Blanc, qui fait la figure d'un ongle d'aigle, & est à 8. degrez, & demy au deçà de l'Equinoxial. Ces 1080. mil ont esté descouuerts par le docteur Gaspar de Spinosa de Medine du Champ, grand preuost de Pedrarias l'an 1515. ou 16. & par Diego Arias d'Auile fils du gouuerneur. Il est vray qu'un peu deuant Gonzalle de Vadaioz, & Louys de Mercado auoient couru par terre la coste de Paris, & Natan bien enuiron 200. mil. Pierre Arias d'Auile enuoya plusieurs capitaines descourir, & peupler en diuers pays, cõme i'ay desia dict en autre lieu. Entre ceux-cy fut Gonzalle de Vadaioz, lequel partit de Darien au moys de Mars 1515. avec 80. soldats, & s'en alla au Nom de Dieu, où il demeura quelques iours tafchant par vne paix attirer les habitãs, mais il ne peut, par ce que le Cacique ne voulut aucunemẽt prendre amitiẽ avec luy, ny negocier. Alors arriua encor' là Louis de Mercado avec 50. Espagnols de Pedrarias mesme, & s'accorderent tous deux d'aller ensemble à la coste de la mer de Midy, qui auoir bruiet d'estre vn pays plus riche. Ils menerẽt quelques Indiens pour les guider, & pour porter leurs hardes. Ils monterent au haut des montagnes, à la cime desquelles estoit Yuana seigneur de Coyua qu'ils nommerent la riche, par ce qu'ils trouuerent l'or où ils vouloient. Le Cacique s'enfuit de peur qu'il eut de ces nouueaux hommes barbus & ne voulut iamais venir pour quelques messages qu'on luy enuoyast, pour ceste cause ils saccagerẽt,



& bruslerent le pays, & puis passerent plus auant emmenans grand nombre d'esclaves. Quand ie dis esclaves, ie n'entends pas que ce fussent Indiens libres qu'ils rendirent tels : mais cela se doit entendre de vrayes esclaves desia faits, desquels ils vsent fort en ce pays pour faire leurs semences, pour tirer l'or des mines, & pour faire autre seruice. Ils les marquent au visage de noir, & de rouge avec vn fer chauld, ou avec vn os, ou espine de poisson : ils leur font des rayes dedans les iouës, & mettent dedans certaine pouldre noire, ou rouge si forte que par quelques iours ils ne peuuent mâger, & depuis que cela est sec iamaïs ne perdét couleur. De Coyua nos gens ne firent autre chemin que suivre l'eau, par ce qu'ils n'en sçauoient point d'autre ne rencontrans pas vn village, ny maison. En fin ils trouuerent deux hommes, qui portoient chacun vn sac plein de pain. Iceux les guiderent vers leur Cacique nommé Togoua, qui estoit auetgle, & les receut amiablement, & leur donna 6000. pesans d'or en grains, vases, & ioyaux. Il leur donna encor' nouuelles de la coste, & de la richesse qu'ils cherchoient. Ils partirent d'avec luy bié ioyeux, & contens, & prindrent leur chemin vers ponent. Ils arriuerent à vne ville de Taracuru, qui estoit vn Roy, qui auoit peu d'estendue de pays, mais tresriche : il leur dōna enuiron huit mille pesans d'or. Ils ruinerent Pananome par ce, qu'il ne voulut point les receuoir. De Taracuru ils s'en allerēt à Taur, où ils furent fort bié receuz par Ceru, qui leur feit vn present de 4000. pesans d'or. Ils estoient riche pour le trafic de sel, qu'il tiroit de son pays. Le lendemain

ils furent à la ville de Natan, où ils eurent du seigneur 15000. pesans d'or. Ils seiournerent en ceste ville quelque espace pour la bonne chere que leurs faisoient les habitans. Ceste ville est bien approuuisionnee de toutes choses, & a de bonnes maisons, qui ne sont couuertes que de paille. Vadaioz, & Mercado auoiēt desia 80000. pesans d'or en grains colliers, pendans, accoustremēs de teste, vaisseaux, & autres piēces, qu'on leur auoit donnees, & qu'ils auoient prinſes, ou changees à autres choses. Ils auoiēt en outre 400. esclauēs pour porter leurs hardes, & ceux, qui estoient malades. Au partir delà ils cheminoient sans ordre, & sans prendre garde à eux, par ce qu'ils n'auoient encore trouuē aucune resistance. Ils cherchoient le Roy Pariza, ou Paris comme aucuns veulēt dire, qui auoit le bruiēt d'estre le plus riche seigneur de toute ceste coste. Paris en eut aduertissement par les espions, il feir armer ses gens, & se meit au passage en embuscade. Quand nos Espagnols furent tombez en telle embusche, ils furent plustost chargez, bleſsez, & tuez que d'ē apperceuoir quelque chose. Il demeura 80. Espagnols, & les autres s'enfuyrent. Paris eut les 80000. pesās d'or, les 400. esclauēs, & toutes leurs hardes qu'ils emportèrent chez eux. Mais il ne iouyt pas long temps de telles despouilles, par ce que depuis par plusieurs fois il perdit tout cet or, & deux fois d'auantage, avec tout son pays. Pedrarias ne peut pas aller venger la mort des siens à cause de sa maladie, il y enuoya Gaspar de Spinosa son grand preuost, qui cōquesta tout ce pays, descourrit toute la coste, & peupla Panama. Panama est vne peti-

te ville, mal fondee, & mal saine, mais a grãd bruiet, à raison que c'est le passage pour aller au Peru, & à Nicaragua, & que le parlement y a esté quelque tēps, & que c'estoit vn des premiers Eueschez: c'est vne ville de grande trafficque. L'air y est bon quād le vent vient de la mer, mais sil souffle de la terre il est fort mauuais, ainsi ce qui est bon icy est mauuais en la ville du Nom de Dieu, & au contraire. Le pays est fertile, & abondant, il produict del'or, il y a force bestes, & oyseaux de chasse: le long de la coste on trouue des pēles, des baleines, & crocodilles, qui ne passent point Tombez. On y en a tué quelques vns, qui auoient cent pieds de long, & a on trouué en leur estomach force cailloux, si ils les digerent ils ont vne grande chaleur naturelle. Les habitans de Panama se vestent, & parlent ne plus ne moins que ceux de Darien: & du pays de Cueua, qu'on appelle Castille de l'or. Leurs dances, ceremonies, & religion sont vn peu differentes, & ressemblent mieux à celles de l'isle de Hayti. & de Cuba. Ils taillent, & peignent, & accoustrent leur Taurira, qui est le diable, en la forme qu'il s'apparoist, & parle à eux, ils le iettent encore en or. Ils sont fort addonnez au ieu, au plaisir de la chair, au l'arrecin, & à oyfueré. Il y a en ce pays plusieurs esprits, qui de nuit succent les mammelles aux femmes. Il y a vn grand nombre d'hommes qui estiment que nous n'auons rien que naistre, & mourir, aussi ne se soucient ils de se faire enterrer avec du pain, & du vin, & moins encore avecques des femmes, & seruiteurs. Mais ceux, qui croient l'immortalité de l'ame, s'ils sont seigneurs, ils serōt enterrez



avec leur or, armes, plumes & pennaches, & si ce sont autres on mettra en leur sépulture avec leurs corps du mays, du vin, & des couuertures: si ce sont Cacicques on fait seicher leurs corps au feu, qui est leur façon d'embaulmer, & puis on les met dedans leurs tombeaux faicts en voulte où on met avecques eux quelques vns de leurs seruiteurs, pour les seruir en enfer, & celle de leurs femmes qu'ils auront mieux aimees. Ce pendant qu'on met le corps en terre, celles qui doiuent accompagner le mort dansent, font cuire leur boisson, & puis la boient, & aucunes fois vous en verrez cinquante. Il y en a plusieurs autres, qui se sentans malades à la mort, s'en iront mourir au milieu d'un champ, où les oyseaux, les rygres, & autres animaux les mangent. Les Cacicques estans au lit de la mort baissent les piedz à leurs enfans, ou neueuz, qui sont leurs heritiers, qui vaut autant à l'enfant comme s'il estoit ia couronné. Mais tout ce que nous auons recité est allé à neant par leur conuersion, & vivent maintenant selon la religion Chrestienne. Il est bien vray qu'ils ne sont demeurez gueres à causes des premieres guerres, & pour le peu de iustice qu'on a faict au commencement.

*Tararequi, Isle des Perles. Chap. 197.*

**G**Aspar de Morales s'en alla l'an 1515. au goulfe de S. Michel avec 150. Espagnols par le commandement de Pedrarias, cherchant l'Isle de Tararequi, que les soldats de Valuoia disoient estre tresriche en perles. Il sceut qu'elle estoit pres de terre, il assemble grand nombre de Canoas, & d'Indiens que luy baillerent Ciapé, & Tumaco amis de Vasco, & passa

en ceste Isle avec 60. Espagnols. Le seigneur sortit au deuant pour empescher la descente, il combattit par trois fois avec noz gens avec vn heur esgal: mais à la quatrieme il fut rompu, & vouloir encore se reioindre, & deffendre son Isle, mais il quitta les armes, & fit paix avec Morales par le conseil, & prieres des Indiens du goulfe, qui luy remonstrerent que ces barbus estoient inuincibles, amis des amis, & ennemis extremes à leurs ennemis, cōme ils auoient bien demonstré à Ponca, Pocorose, Quereca, Ciape, & Tumaco, & à autres grands Cacicques, qui s'estoient vouluz attaquer à eux. Apres donc auoir conclud l'amitié avec nos Espagnols il les mena en sa maison, qui estoit belle, & grande: il leur fit vn festin à leur mode, & leur dōna vne cassette pleine de perles, qui pesoient 110. liures. Noz gens pour recompense luy dōnerent quelques miroirs, des couronnes de verre, des sonnettes, des ciseaux, des haches, & autres petites merceries, qu'il estima encor' plus, que ne faisoient les Espagnols leurs perles. Il les fit monter en hault d'vne petite tour, & leur monstra des autres Isles tresriches en perles, & en or aussi, disant qu'elles estoient toutes à leur deuotion. Il cōfirma de rechef l'amitié entre eux, & se fit baptiser, on le nomma Pierre Arias du nom du gouuerneur, & promeit de payer à l'Empereur, en la sauuegarde duquel il se mettoit, pour tribut 100. liures de perles par an: Noz gens puis apres se retirerent au goulfe de S. Michel, & de là s'en retournerent à Darien, Tararequi est à 5. degrez de l'Equinoxial, elle est fort abōdante en poisson, oiseaux, & connils, desquels y en a telle quantité

tant aux lieux habitez qu'inhabitez, qu'on les prée  
 avec la main. Il y a en ceste Isle des arbres odorife-  
 rans approchās à l'espicerie, qui fut cause que quel-  
 ques vns pēserent que l'espicerie n'estoit pas loing  
 de là, & suuant ceste opinion il y en eut, qui de-  
 manderent à faire le descouuremēt à leurs propres  
 despens. La pescherie de perles estoit icy grande, &  
 estoient les plus grosses, & les meilleures qu'o eust  
 trouué en ce nouueau monde. Des perles que don-  
 na le Cacique de ceste Isle, y en auoit plusieurs de  
 la grosseur de noisetes, autres comme noix musca-  
 des, & si en trouua vne qui pesoit 26. carats, & vne  
 autre 31. elle auoit la forme d'vne poire muscadel-  
 le, elle estoit bien Orientale, & parfaicte: Pierre du  
 port marchant l'achepta de Gaspar de Morales  
 1200. Castillans d'or. Depuis qu'il l'eut acheptee, il  
 ne peut dormir de melācholie & de fascherie qu'il  
 print d'auoir baillé tant d'argent pour vne pierre,  
 & des le lendemain la reuendit pour le mesme pris  
 à Pedrarias d'Auile pour sa femme Dame Isabelle  
 de Bouadillia, & puis Bouadillia la vendit à l'Impe-  
 ratrice Dame Isabelle.

*Des perles.*

*Chap. 195.*

**L**E Cacique Pedrarias feit pescher des perles à  
 ses ouuriers en presence des Espagnols, qui l'en  
 prierent, & prindrent grand plaisir à telle pesche.  
 Ceux, qui se meirent en la mer pour les pescher  
 estoient gēs bien experts à nager entre deux eaux,  
 aussi sont ils nourris toute leur vie à ce mestier.  
 Quand la mer est calme ils vont dedans des petites  
 barquerolles bien auant sur mer, & au lieu d'vn an-  
 cre pour tenir leur naselle ils iettent en mer vne



Pierre attachée à vne corde faite d'escorce d'arbre ressemblant au coudre, & puis ils se iettent dedans la mer pour chercher les coquilles qu'on appelle merres perles, ayans chacun vn sachet pendu au col. Ils sortirēt plusieurs fois de l'eau chargez d'icelles. Ils vōt sous l'eau plus de quatre, six, & dix stades loin, par ce que d'autāt que la coquille est grande, d'autant plus se tient elle auant en la mer, & si quelquefois elle se trouue plus pres des riuēs, cela auīēt par la tempeste de la mer, aussi qu'elles se coulent deçā de là pour chercher leur nourriture, & l'ayans trouuee elles s'y arrestent iusques à ce qu'elles ayēt tout mangé, alors si elles sentent qu'on les cherche elles s'attachent si fort aux roches, & pierres, & l'vne contre l'autre qu'il faut auoir grand force pour les tirer, & bien souuent ne les peut on auoir, aucunefois on les laisse pensant que ce soient pierres. Plusieurs se noyent en ceste pesche, ou à faute de prendre vent en s'efforçant trop à arracher ces coquilles, ou s'encheuestrant parmy la corde, ou estans renuersez par la rencontre de quelque gros poisson. Les sachets qu'ils pendent à leur col, sont pour mettre les coquilles. Ils s'attachēt encore vne corde au dessus de la hanche, & au deux bouts ils y pēdent deux pierres, qui portent iusques en terre, elles leur seruent de contrepoix de peur que la force de l'eau les reiecte au dessus, ou les pousse deçā, de là. Voila comment par toutes les Indes on pesche les perles: & à cause que plusieurs mouroient en les peschāt pour les dangers susdicts, & pour les grāds, & continuels trauaux qu'ils enduroient, & pour le mauuais traictement qu'ils receuoient des Espa-

gnols, l'Empereur feit vne loy entre celles que Blasco Nugnez apporta, par laquelle il defendit sur peine de mort qu'aucun n'eust à forcer les Indiens à faire telle pesche, estimant plus la vie des homes, que le profit, qui luy venoit de ces perles, encor qu'il fut grand. Ce fut vne loy digne d'un tel Prince, & d'une memoire perpetuelle. Les anciens escriuent pour chose merueilleuse auoir trouué dedans vne coquille où mere, perle quatre ou cinq perles. Mais quant à moy ie ne trouue cela si admirable, attédu que par noz Espagnols il s'en est trouué en ces Indes, qui auoient dix, vingt, & trente perles, & aucunes en auoient plus de 100. mais elles estoient menuës. Quand il n'y en a point plus d'une, elle en est plus grosse, & meilleure. On dit que les perles sont en leur coquille, comme les œufs sont dedans vne poulle, & que la mere perle les iette dehors comme la poulle fait les œufs: ce que ie ne croy, par ce que si elle les iettoit, elles ne deuiendroient pas si grosses, si ce n'estoit qu'elle fut tousiours pleine. Il est bien vray qu'en vn certain temps de l'an la mer se teint à Cubagua, où on a le plus pesché de perles, & de là on prenoit argument que les meres perles en certain temps iettoient leurs perles, & que, lors que la mer se changeoit ainsi, c'estoit vne purgation, qui leur aduenoit, comme aux femmes. Les perles iaulnes, celestes, verdes, & d'autre couleur, qu'on trouue en ce pays, doiuent estre artificielles, encor que nature les puisse diuersifier aussi bien qu'elle fait les pierreries, & les hommes, qui estans tous d'une mesme chair, sont neantmoins de diuerse couleur. Les Indiens mettoient sur le feu

les coquilles pour manger ce qui estoit dedans, & alors les perles deuenoient noires, tellement que la nacre ne valloit rien. Ils n'auoient pas l'esprit d'ou-  
rir autremēt ces coquilles, aussi n'auoient ils per-  
les, qui vallussent. La meilleure façon de perle est  
celle, qui est ronde: celle qui est en façon de poire,  
ou de gland n'est pas pire, on met puis apres celle,  
qui est comme vne noisete, encor' ne iette on celle  
qui est tortue, & bossue, ny la petite, toutes se por-  
tēt, les vnes sont pour les riches, les autres pour les  
pauures: il n'y a celuy, qui n'en porte, hommes, &  
femmes, tant elles sont deuenües communes: aussi  
ie ne sçache Prouince, où on ayt porté plus de per-  
les qu'en Espagne, & en peu de temps, ce qui me  
fait admirer d'auantage. En fin les perles ont sur-  
passé la richesse de l'or, & l'argent, & des esmera-  
udes que nous auons apportees des Indes: & toute-  
fois ie voudrois bien sçauoir la raison pourquoy  
les anciens, & les modernes ont tant estimé les per-  
les, veu qu'elles n'ont aucune vertu medicinale, &  
qu'elles s'enuieillissent assez aisément, comme on  
peut veoir quand elles ont perdu leur lustre clair,  
& naïfue blancheur. Quant à moy ie ne puis ima-  
giner qu'elle peut estre ceste raison, si ce n'est pour  
l'amour de la blancheur, qui n'est cōmune aux au-  
tres pierres precieuses, car ie voy qu'on ne tient  
compte de celles, qui ont autre couleur, encor' que  
elles ayent vne mesme substāce. Je pense encor' vne  
autre raison, c'est par ce qu'on les apporte de ce  
nouveau mōde, & qu'au temps passé on les appor-  
toit aussi de loingtains pays, & volōtiers nous esti-  
mons ce qui vient de loing, où bien on les estime



cheres par ce que bien souuent elles coustent la vie del'homme, qui veut entreprendre de les pescher, comme nous auons recité.

*Nicaragua.* Chap. 199.

**D**V cap Blanc surnommé Ciorotega on compte 520. mil de coste que descouurit Gilgonzalez d'Auile l'an 1522. En ce long espace on comprend le goulfre de Papagalli, Nicaragua la Possession, & la plage de Fonseca. Au deça du cap Blanc est le goulfe d'Ortega, qu'on appelle encor' Guetares, lequel Gaspar de Spinoza veid, sans en approcher autrement: mais Gilgonzalez y passa, & le comprenoit avec les pays qu'il auoit descouuers. Pedrarias d'autre part disoit que ce goulfe luy appartenoit, & que c'estoit assez de ce que son capitaine Gaspar l'auoit veu. Gilgonzalez pour faire ce descouurement equippa quatre caruelles à Tararequi, & les garnit de tout ce, qui luy estoit necessaire, comme pain, armes, & de la mercerie. Il mit dedans quelques cheuaulx, & plusieurs Indiens avec ses Espagnols. Il mena pour pilote André Nigno, & partit de là le 26. de Ianuier l'an susdict. Il costoya tout le pays que j'ay dit, & ce qu'il cherchoit le plus estoit vn destroit pour passer en la mer de la Tramôtane, ayant receu ceste charge du conseil des Indes. Car pour lors le differét, qui estoit entre le Roy de Portugal, & l'Empereur touchât l'espicerie estoit fort enflambé, & pour oster toute dispute la resolution estoit qu'on ne faisoit point de tort aux Portugalois si on pouuoit passer aux Moluques sans aller par la route del'Afrique, & pour ceste cause on cherchoit tresardamment vn destroit par ces Indes, & auoit-

on asseuré à l'Empereur selon le iugement des pilotes qu'il y en auoit vn en ce quartier. Ainsi Gilgonzalez, qui auoit la charge de le trouuer, recherchoit par tout soigneusement, & y fut si long temps qu'il consumma toutes ses prouisions, & mesme ses vaisseaux furent tous rôgez par les vers, qui ont accoustumé s'engendrer entre les aiz, qui sont dedans l'eau, quand le vaisseau est trop long temps en mer. Il print possessiõ de ce pays au nom du Roy d'Espagne, en signe de quoy il nomma vn fleuve, qu'il trouua, le fleuve de la possessiõ, & pour l'amour de l'Euesque de Burgos president des Indes, qui le fauorisoit, il surnomma la plage de Fonsaca, & nomma vne Isle, qui est au dedans de ceste plage, Petrouille, à cause de sa niepce, qui s'appelloit ainsi. Du port de saint Vincent André Nigro s'en alla descouurir par mer, & Gilgonzalez se meit à terre avec 100. Espagnols & 4. cheualx, entrant auant en pays. Il rencõtra Nicoyan homme riche, & puissant, avec lequel il fit paix, le prescha, & le cõuertit: il le baptiza avec toute sa famille, & à son exemple se conuertirent, & se feirent Chrestiens en 17. iours quasi tous ses vassaulx. Il donna à Gilgonzalez 14000. pesans d'or, & 6. Idoles d'or pur de la hauteur de la main chascun, disant, qu'il les emportast, puis qu'il n'auoit plus que faire de parler à eux, ny de les prier comme il auoit accoustumé. Gilgonzalez luy donna de ses petites merceries, & simforma de luy de l'estat du pays, & d'un grand Roy nommé Nicaragua, qui estoit à 200. mil de là. Il se meit en chemin pour l'aller trouuer, & estant pres de luy, y enuoya deuant vn messager, par lequel

il luy madoit qu'il estoit son amy, puis qu'il ne venoit point pour luy faire aucun mal, & qu'il ne demandoit de luy autre chose sinon qu'il se fait amy, & vassal de l'Empereur, qui estoit Chrestien, & grand seigneur, & que son amitié luy apporteroit grand profit, luy denonçant la guerre s'il ne vouloit accepter ceste amitié. Nicaragua entendant la façon de faire de ces nouueaux hommes, leur resolution, la force de leurs espees, la brauerie des cheualx, enuoya faire sa responce par quatre gentils-hommes de sa court, laquelle estoit telle que pour le bien, que coustumierement apporte vne paix, il acceptoit son amitié, & promettoit receuoir la foy Chrestienne si il la trouuoit aussi bonne, comme on la loüoit. Ainsi il receut humainement les Espagnols en sa ville & en son palais, leur dōna 25000. pefans d'or, & autres meubles, & pennaches. Gilgonzalez pour recompense d'un tel present luy donna vne chemise de lin, vn saye de soye vn bonnet d'escarlate, & autres choses. Il le fait prescher, & annoncer la parolle de Dieu par vn religieux de l'ordre de la Mercē, qui entre autres poincts confuta si clairement leur idolatrie, yrongnerie, dances, sodomie, sacrifices de sang humain, qu'incontinent Nicaragua avec sa famille, & toute sa court se fait baptizer. A son exemple 9000. personnes de son Royaume receurent le baptesme, qui fut vne grande conuersion encor' qu'on die qu'elle ne fut pas biē faicte, mais ce leur estoit assez pour le commencement de croire de cuer seulement. De tout ce que leur dit Gilgonzalez ils se cōtenterent fort, excepté de deux choses : l'une estoit de ce qu'ō leur



defendoit la guerre, l'autre de ce qu'on leur ostoit les danfes, & leur defendoit-on l'iurongnerie. Car ils trouuoient cela rude de laisser les armes, & de perdre le plaisir qu'ils prenoient à s'enyurer, & danser, disans, qu'ils ne faisoient tort à personne en dansant & en prenant leur plaisir, & qu'ils ne vouloient point cacher leurs enseignes en lieux obscurs, ny leurs arcs, leurs morions & pennaches, & qu'ils ne vouloient point laisser le maniement de la guerre, ny de leurs armes à leurs femmes, pour filer au lieu, & labourer la terre comme font les femmes, & les esclaves. Gilgonzalez n'osa repliquer à cela par ce qu'il les voyoit enflambez. Il feit incontinent ietter hors de leur grand temple toutes les Idoles, & au lieu y feit mettre vne croix. Il feit dresser hors la ville vne autre croix afin qu'à l'entree, & sortie de la ville ils s'humiliaissent tousiours, & puis il feit fai revne procession, où tous pleuroient en grande deuotion, & chantoient en musique comme on a accoustumé loüans tous dieu. Nicaragua avec tous ses Indiens suiuit, qui fut vne chose fort belle à veoir.

*Les demandes de Nicaragua. Chap. 200.*

**C**E pendant que noz Espagnols estoient avec Nicarauagua il feit plusieurs disputes avec Gilgonzalez, & les religieux. Car c'estoit vn homme accort, sage, aduisé, & bien entendu en leurs ceremonies, & religion, & sçauoit beaucoup de choses de leur antiquité. Il demanda si les Chrestiens auoient cognoissance du deluge, qui noya toute la terre, les hommes & bestes, & si il en deuoit venir vn autre: Si la terre se deuoit renuerser sans dessus

deffous: Si le ciel deuoit tomber: quand le Soleil, la Lune, & les estoilles deuoient perdre leur clarté, & leur cours: quelle estoit la cause, qui rendoit la nuit obscure: qui caufoit le froid. Il reprenoit nature en ces deux choses de ce qu'elle n'auoit faict la clarté, & la chaleur perpetuelle, puis qu'elles estoient meilleures que l'obscurité, & froidure. Il demanda en oultre quelles graces il falloit rendre, & quel honneur il falloit porter au Dieu des Chrestiens, qui auoit faict les cieux, le Soleil (que entre eux ils souloient adorer pour Dieu) la mer, la terre, & l'homme, qui est maistre des oiseaux, des poissons, & de tout le reste du monde: où se retiroient les ames, & ce qu'elles faisoient apres estre sorties du corps. Il demanda semblablement si le Pontife Romain Vicaire de Iesus Christ, & Dieu des Chrestiens en terre mouroit, & vouloit sçauoir comment Iesus Christ estoit Dieu, & homme, & comme ayant tousiours esté Dieu il auoit esté mortel, comment sa benoïste mere estoit vierge ayant enfanté: comment l'Empereur, & Roy d'Espagne, duquel on luy recitoit tant de prouesses & de vertus, estoit mortel: & demandoit encor' pourquoy si peu de gens qu'ils estoient vouloient auoir tant d'or qu'ils cherchoient. Gilgonzalez, & tous les siens furēt fort esmerueillez oyans telles demandes sortir de la bouche d'un homme demy nud, barbare, & sans lettres, aussi à la verité telles demandes estoient admirables en la personne de ce Nicaragua, & iamais Indien, que ie sçache, ne parla à noz Espagnols de la façon que feir cestui-cy. Gilgonzalez luy respōdit cōme Chrestien,

& le contenta de tout ce, qui luy auoit demandé, par raisons tirees de philosophie, & de theologie. Il ne descriz point icy les raisons: car ce seroit vne chose trop longue, & mesme possible ennuyeuse au lecteur, puis que chasque Chrestien les scait, & les peut aisément considerer. Apres la response, de Nicaragua, qui escoutoit attentiusment, le conuertit: Il demanda en l'oreille au truchement si ces hommes Espagnols, qui estoient si subtils, & si prudents estoient descendus du ciel, & incontinent demanda le baptisme consentant de ietter hors, & rompre tous ces Idoles.

*Ce que Gilgonzalez fit depuis en ces pays. Chap. 201.*

**G**ilgonzalez voyant qu'on le traictoit si amiablement voulut sçauoir dextremēt les secrets, & quelles estoient les richesses du pays, & veoir sil touchoit à celuy que Cortes auoit conquis: car il en pensoit quelque chose, à cause qu'il voyoit les habitas de ce pays ressembler en beaucoup de choses à ceux de Mexique selon les nouuelles qu'il en auoit ouy. Ainsi il s'achemina vers ce quartier là, il rencontra plusieurs villes, qui n'estoient pas grandes, mais toutefois estoient bonnes, & bien peuples, ils ne pouuoient compter par les ruës la grande foule d'Indiens, qui sortoient dehors pour les veoir, & contempler leurs vestemens, leurs barbes, & leurs cheuaux. Le plus grand seigneur qu'ils rencontrerent apres Nicaragua, fur vn nommé Diriangén, qui estoit vn Cacique bellicieux, & vaillant. Il vint accompagné de cinq cents hommes, & 20. femmes, marchans tous en ordonnance de guerre, encores qu'ils n'eussent point d'armes, portans dix



enseignes, & cinq cornets, desquels ils sonnoient comme si ils eussent esté en guerre. Quand ils arriuerent les cornets cesserent, & plierent leurs enseignes. Diriangen toucha en la main de Gilgonzalez, aussi feirent tous les 500. luy presentans chascun vn coq, où deux. Les 20. femmes luy presenterent 20. haches d'or chascune, la piece pesoit 18. pesans d'or, & quelques vnes plus. Ce present fut plus beau que riche : car l'or n'estoit que de 16. carats, ils vsent de ces haches à la guerre, & à bastir. Diriangen dit qu'il estoit venu veoir ces hommes si nouueaux, & si estranges suiuant le bruit qu'il en auoit entëdu. Gilgonzalez le remercia grandemët de tout, & luy donna autres choses qu'il estimoit beaucoup, & le pria qu'il se fist Chrestien. L'autre respondit qu'il estoit content, demandant seulement trois iours de terme pour en communiquer avec ses femmes, & ses prebstres. Mais ce n'estoit que pour ce pendant assembler gens, & voler les Chrestiens, desprisant le peu d'hommes qu'ils estoient, & disant qu'ils estoient seulement hommes comme luy. Ainsi il s'en alla, & retourna en bon equipage secretemët, sans estre descouuert, & puis tout d'un coup avec grands cris vint donner à l'impourueu sur noz gens pensans les estonner, & les rompre, & puis les manger. Mais Gilgonzalez ayant esté aduertty par ses sentinelles comme ses ennemis approchoient se meit incontinent en point, & en ordre de combattre. Diriangen assaillit noz gens vaillamment, & fut receu aussi courageusement : le combat dura vn iour, & vne nuit, & puis Diriangen se retira avec perte de plusieurs des siens, fai-

fant autre compte de ces barbus qu'il n'auoit faict,  
& les estimoit plus qu'hômes. Il appella ses amis,  
& voisins au secours se disant estre iniurié de ce  
qu'il n'auoit esté le victorieux. Gilgonzalez remer-  
cia Dieu seigneur des batailles de ce qu'auec si peu  
d'Espagnols il l'auoit deliuré d'entre tant d'Indiës,  
& ayant entendu que son ennemy le vouloit venir  
encor' vn coup choquer ayant peur de ce, ou vou-  
lant seulement sauuer l'or qu'il auoit il se retira du  
chemin de ce Cacique, & en print vn autre à l'es-  
cart tirant vers la mer. Il endura de grands trauaux  
à son retour comme la faim, où estre en danger d'es-  
tre noyé. Il feit plus de 600000. mil de chemin  
allant de ville en ville: il baptisa 32000. personnes,  
& eut 200000. pesans d'or, vne quantité estoit de  
bas or: on luy en auoit donné vne partie, & auoit  
pris l'autre: aucuns en comptent d'auantage, au-  
tres moins. Mais pour le moins il en rapporta vne  
grande richesse, & telle qu'il n'eust iamais pensé, ce  
qui le feit deuenir incontinent fier, & hautain. Il  
retrouua à saint Vincent André Nigno, qui auoit,  
selon qu'il affermoit, nauigué plus de 1200. mil de  
coste vers Ponent sans auoir peu trouuer aucun  
destroit. Gilgonzalez s'en retourna à Panama, &  
de là s'en alla en l'Isle de saint Dominique pour  
rendre compte de son voyage, & pour equipper,  
& appareiller autres vaisseaux pour retourner à Ni-  
caragua par les Hôdures, pour sçauoir en quel en-  
droit s'escouloit le lac. Mais nous auons des-ja dit  
en autre lieu quand, & comme il sy en alla, & com-  
me il se perdit, & comme Christophle d'Olid le  
feit prisonnier.

**L**Es Espagnols, qui allerent avec Gilgonzalez, retournerent si cõtens de la beauté, frescheur, bõrté & richesse du pays de Nicaragua que Pedrarias d'Auile postposa le descouuement du Peru, que vouloient entreprendre Pizarre, & Almagro, à cestui-cy. Ainsi il enuoya des gens sous la charge de François Hernandez à Nicaragua, qui en peu de temps conquirent grande estendue de pays, & amasserent grande quantité d'or. Ils bastirent sur le lac la ville de Grenade, & la ville de Leon, où est le siege Episcopal, & le parlement: ils fonderent encores autres lieux: mais ces deux sont les principaux. Le port où se faict le traffic de marchandise est au fleuve de la possession. Gilgonzalez estant aux Hôdques, ou au cap d'Higuetas sceut les nouvelles de ce que faisoit Hernandez à Nicaragua, de quoy fâché au possible voyant qu'on luy toliissoit le fruiet, de ces travaux, feit voile à Nicaragua, & ayant pris terre marcha contre Hernandez, avecques lequel il combatit par trois fois, mais l'autre en fin demeura au pais victorieux, & Gilgõzalez fut cõtraint se retirer vers ses vaisseaux, où Christofle d'Olid le prit. Pedrarias estât debouté de Castille de l'Or s'en alla à Nicaragua, qu'il luy auoit au lieu de l'autre baillé pour gouverneur, & feit trêcher la teste à François de Hernandez, disants qu'il machinoit de se rebeller avecques le pays, & s'en faire gouverneur par quelques pratiques qu'il auoit avecques Ferdinãd Cortes, mais ce n'estoit qu'un faux pretexte pour le faire mourir, & iouyr seul de ce pays. Quant au lac de Nicaragua, c'estvne chose notable pour sa grãdeur,



pour estre bien peuplé tour autour, & pour les belles isles qu'il a : il croist, & decroist. il n'est qu'à dix ou douze mil loing de la mer de Midy, & ierre son eau vers la mer de Tramontane par vn canal, où fleuve, qui en sort, par lequel, ainsi que i'ay recité en autre lieu Melchior Verdugo descendit de Nicaragua, avecques des barques à la ville du Nom de Dieu. Ce canal à plus de trois cents mille de longueur.

*De la montagne Masaya. Chap. 203.*

**D**ix mille loing de la ville de Grenade, & à 30. de celle de Leon, il y a vne montagne rase, & ronde qu'ils appellēt Masaya, qui ierre du feu. C'est vne chose autant admirable qu'autre, qui soit au monde. Sa bouche, par laquelle elle ierre son feu, est ronde, & à de tour bien deux millé, on y descend plus de 250. brasses, & par dehors, & par dedans n'y croist aucun arbre, ny herbe : les oyseaux tousfois y fond leurs nids sans auoir peur du feu. Près de ceste bouche : il y en a encores vne autre, qui est large autant que peut porter vne arquebuse, iusques au feu on compte coustumièrenent 150. stades, vn peu plus ou moins, selon qu'il boult, & aucunes fois ceste masse de feu s'esleue plus hault, & ierre dehors si grande clarté qu'on la void ien de 60. & 90. mille. Ce feu va d'une bouche en autre, & quelques fois on oit sortir de là des gemissements grands, qui font peur aux plus asseurez. Mais iamais ne ierre tisons, pierres, ny cendre, cōme ont les autres montagnes qui iettent feu. Pour cecy cause & pour-ce qu'elle boult tousiours, plusieurs ont estimé que c'estoit vne veine d'or fōdue.

Vn iour F. Blaise d'Ynneſta Iacobin, & deux autres Eſpagnols, voulurent ſçauoir que c'eſtoit, & quel metal ce pouuoit eſtre. Ils ſe feirent deualer en trois panners en la premiere bouche le plus bas qu'ils peurent, & puis de là deſcendirent iuſques au fond vn chauldron attaché à vne chaine de fer, dedans lequel ils meirét vn boulet d'artillerie pour le faire enfoncer. La chaine coulla 140. braſſees, & le chauldron eſtant au feu, ſe fondit incontinent avec quelques anneaux de la chaine. Ainſi ils ne peurent auoir cognoiſſance de ce qu'ils vouloient ſçauoir. Ils furent là toute la nuit ſans auoir beſoyn de chandelle. Ils remonterent en leurs panners bien trauaillez pourneant, & eſtonnez d'un tel œuure de Dieu. L'an 1551. on donna permiſſion au Docteur & Doyen Iean Aluarez pour ouurir ceſte mōtagne, & en tirer le metal qui eſt dedans.

*La qualité du pays de Nicaragua. Chap. 204.*

**L**A prouince de Nicaragua eſt grāde, & eſt plus ſaine, & fertile, que riche, encor' qu'on y trouue quelques perles, & vn peu d'or. Elle eſtoit embellie de fort beaux iardins, & d'arbres touſiours verdoyans. Mais aujourd'huy il n'y en a plus tant. Les arbres y croiſſent hauts, il y en a vn qu'on appelle Cerba, qui groſſit ſi fort que quinze hommes ne le ſçauoient embrasser. Il y en a d'autres qui viennent en forme de croix, autres deſquels la fueille ſeiche quand on y touche. Il y a en ce pays vne herbe, qui faiet creuer les beſtes, laquelle eſt auſſi aſſez commune au Nom de Dieu. Ils ont pluſieurs arbres, qui portent fruiet comme prunes rouges, avec lequel ils font du vin : ils en font auſſi

d'autres fruiçts, & de maiz. Nos gens en font de miel qui est en ce pays en grande abondance, & cōserue leur bonne couleur. Les coucourdes & calabasses meurissent en quarâte iours, & en font grosse marchandise, par ce que ceux, qui vont par pays, ne feront pas vn pas, sans en porter vne, pour le defect d'eauë qui est par les champs: aussi n'y pleut il gueres. Les serpens sont fort grands, & conçoient par la bouche, comme on dict, des viperes ou aspicz. Par toutes les Indes on a veu beaucoup de ces grands serpens, les plus grands estoient au Peru: mais ils n'estoient si hardis, ny si veneneux que les nostres, ou ceux de l'Afrique. Il y a en ce pays des porcs, qui ont le nombril en l'eschine, & si on les tue, ils se corrompent, & sentent mal incontinent, si premierement on ne leur couppe ce nombril. En la mer de Nicaragua on veoid coustumierement des balaines, & autres poissons monstrueux, qui eslançant hors de l'eauë la moitié de leurs corps, fegallent quasi à la hauteur des maz des nauires. Ils ont la teste grosse comme vn tonneau, & leurs ailerons longs comme gros cheurons de 25. pieds. Auec iceux ils battent l'eau si rudement, & auec vn si grand bruit, qu'ils estourdissent les nauigeans, & n'y a celuy qui n'en ayt peur, croyant qu'ils doiuent mettre en fond, ou brizer le vaisseau. Il y a encor' vne autre sorte de poissō q̃ porte escaille, q̃ ressemble à celuy qu'on appelle à Marseille, Mendola. Ce poisson estât en poëlle, grongne cōme vn porceau, & rôfle en la mer: pour ceste cause, ils l'appellēt rôfleur. Vne fois cōme Frāçois Brauo, & Diego Daza soldats de Frāçois Hernandez par vn naufrage s'en



alloient perdus à la fortune du vent, & de l'eau sur vne piece de bois, sur laquelle ils nauiguerent, ou pour mieux dire, nageoient, par l'espace de neuf ou dix iours sans boire, & sans manger que des câcres qu'ils prenoient sur leurs cuysses, & en leurs heines, ils eurent la moitié de leur membre mangé, & rongé par ces cancre, ainsi qu'ils reciterent, & monstrent à Tuenqué, où ils aborderent. Ces poissons ne les mangeoient, ny mordoient en autre lieu, qu'au membre, & aux couillons.

*Costumes de Nicaragua. Chap. 205.*

**L**es villes de ce pays ne sont pas grandes, mais sont en grand nombre, & en leur situation, & bastiment ont vn ordre certain, vous y verrez les maisons des seigneurs différentes de celles de leurs vassaux. Mais es villages, qui sont fort frequents en ce pays, toutes les maisons sont esgalles. Leurs Palais & Temples ont au deuant de grandes places enuironnées des maisons des nobles, & au milieu y a vne maison pour les orfeures, qui sont bons ouuriers à merueilles. En aucunes Isles, & sur les fleuves ils font leurs maisons dedans les arbres comme les singes, & dorment là dedans, & y aprestent leur manger. Les habitans de ce pays sont de bonne stature ils sont plus blancs qu'oliuastres. Ils ont vne fossette au milieu de la teste qu'ils se font en ieunesse pour beauré. Pour porter la somme à leur mort de plus aisément, ils se rasent la moitié des cheveux de deuant: mais les autres, qui s'estiment bragards, & vaillans, rasent tout, excepté le sommet de la teste. Ils se percent le nez, les lèvres, & les oreilles, & s'habillent quasi à la maniere de ceux de Mexique.

Les femmes portent des colliers, & brasselets d'or & escarpins de mesme. Elles vont aux foires, & aux marchez, & les hommes nettoient la maison, font le feu, & autres choses, & mesme à Duraca, & à Caniores ils filent. Ils pissent où ils veulent, cōme font nos femmes par deçà, & les femmes de ce pays pissent tout debout. A Orotina les hommes vōt tous nuds, & se peignent les bras. Aucuns lient leurs cheveux derriere la teste sur le col, autres les lient en poincte au sommet. Ils lient tous leur membre par entre les fesses, tant pour le bien de la generation, ce disent-ils, que pour l'honesteté. disans que c'est aux bestes brutes de le porter pendant. Les hōmes seulement portent des braves, & les cheveux longs entrelassez en deux cordōs. Tous prennēt plusieurs femmes: mais il n'y en a qu'une legitime, qui se prend avec ceste ceremonie. Le prestre prend l'espoux, & l'espouze par leurs petits doigts, & les meine en vne petite chambrette, où il y a vn feu allumé, & tandis qu'il dure, le prestre leur fait certaines admonitions: mais apres qu'il est estaint, le mariage est consommé. Si l'espoux prend, son espouse pour vierge, & qu'il la trouue corrompue, il la peut repudier: mais non autrement. Aucuns baillent leurs filles aux Caciques pour les despucceller, pensans les honorer d'avantage: ce qu'ils font aussi pour oster tout le soupçon qu'on pourroit auoir d'ailleurs. Quand les femmes ont leurs mois, les maris ne couchent point avec elles, ny aussi au temps qu'ils font leurs semailles, ou qu'ils ieusnent, en ce temps là aussi ils ne mangēt point de sel, ny de vinaigre, & ne boiuent chose, qui les puisse

enyurer. Les femmes quand elles ont leurs moyz n'entrent point au Temple. Ils confinent en perpetuelle prison celuy, qui prend deux femmes legitimes avecques la ceremonie susdicte, & on donne tout son bien à la premiere femme. Si la femme commet adultere, on la repudie en luy rendant ce qu'elle a apporté, & ne se peut plus marier. Quant à celuy, qui commet l'adultere, on luy donne des coups de baston: mais on ne le peut pas tuer impunément, & si n'y a que les parés de la femme, & celuy qui se veut venger des cornes qu'on luy faict, qui soient deshonoréz. Aussi vne femme qui va prendre la compagnee d'un autre n'est point autrement recherchée de son mary, si l'aime bien, & n'é reçoit aucune peine ny deshonneur pour cela: mesme les maris consentent que leur femmes couchét avec d'autres en certaines festes de l'an. Deuant qu'elles soient mariees elles sont communement mauuaises: mais apres elles s'ont bônes. En plusieurs villages, qu'ils appellent Beetrie, les filles parmi les assemblees qu'on fait aux festes eslisent leurs maris entre grand nombre de iouuêceaux, avec lesquels elles banquettent toutes pesse mesle. Celuy qui force vne fille, si l'y en a plainte, est faict esclau ou paye le dot. Si c'est vn esclau, ou seruiteur, qui couche avec la fille de son maistre il est enterré tout vif avec elle. Ils ont des bordeaux & putains publiques qui ne coustent que dix cacaos, qui sont côme noisettes. Où ils ont de ces putains, ils lapident les sodomites. Quand les Espagnols arriuerét en ce pays les habitans ne voulurent plus coucher avec leurs femmes, afin qu'ils n'engédraissent point des esclaves.



ues pour les Espagnols. Pedrarias voyât qu'ẽ deux  
ans aucun enfant n'estoit venu au monde leur pro-  
meit qu'il seroient bien traictez. Ainsi ils enfante-  
rent comme de coustume, & ne suffoquoient plus  
leur part, comme ils auoient encõmencé. Ils requi-  
rent à leurs Idoles qu'ils chassassent les Espagnols  
dehors, le diable leur respondit qu'il ne les pou-  
uoit chasser qu'en mettât la mer sur leur dos : mais  
qu'il failloit qu'ils demeurassẽt, par ce qu'ẽ les cui-  
dant par ce moyẽ chasser, il noyeroit tout le pays.  
Les pauvres ne demandent point pour l'amour de  
Dieu, & ne demandent qu'aux riches, disans, ie  
ne demande que par necessitẽ. ou par maladie. Ce-  
luy qui va demeurer d'une ville en l'autre, ne peut  
vendre ses possessions, ny les maisons qu'il a : mais  
les peut laisser à son plus proche parent. Ils gar-  
dent iustice en beaucoup de choses : les ministres  
d'icelles portent des esuientaux, & petites baguettes  
pour signe & marque de magistrat. Ils coupẽt tous  
les cheveux à vn larron, & demeure esclauẽ à celuy,  
à qui il a fait le larcin, iusques à ce qu'il ait satisfait,  
& le peut on vendre, & iouier: mais non pas le chã-  
ger, & mettre à rançõ, sans la volonté du Cacique,  
ou du gouuerneur, & s'il est long tẽps à payer, on le  
sacrifie. Il n'y a aucune peine establie contre celuy,  
qui auroit tué le Cacique, par ce que, ce disent ils  
il n'y a aucun vassal qui voulust entreprendre, ny  
excogiter vn si meschant acte. Il n'y aussi aucune  
peine cõtre ceux qui auroient tué vn esclauẽ : mais  
celuy qui auroit tué vn homme libre, en doit payer  
vn de mesme qualité à ses enfans, ou à ses parẽs. Ils  
ne peuent faire aucune assemblée sans les Cacic-

ques, spécialement touchant la guerre, ou sans le capitaine de leur république. La guerre qu'ils font avec leurs voisins, est touchant leurs limites, leur chasse, & seulement pour qui est le meilleur, & encores pour moins. Ceste facilité de se guerroyer l'un l'autre s'estend par toutes les Indes. Ils font aussi la guerre icy pour enleuer quelques vns de leurs voisins, pour les sacrifier. Chaque Cacique en guerre, & en paix a des enseignes, & marques particulieres pour distinguer ses gés d'avec les autres. Les villes franches, & libres eslisent pour capitaine general le plus expert, & le plus habille d'entr'eux, & luy donnent puissance de commander, & chastier absolument sans appel. La peine d'un couard, est de luy ôster ses armes, & le chasser du cam. Chasque soldat fait sien tout ce qu'il préd sur son ennemy, excepté les homes, lesquels on amene en public pour estre sacrifiez, sans pouuoir estre racheprez. Ils sont courageux, caults, & fins en guerre pour attraper leur ennemy. Ils ont entre eux force esprits qui s'apparoissent à eux, ainsi qu'eux mesme racomptent, en forme de chiens, & de cingés. Les vieilles ont le soing des malades, & non seulement en ce pays, mais aussi en plusieurs isles, & par toutes les Indes. Quand elles veulent faire prendre vne medecine à leur patient, elles prennent en leur bouche la decoction, & par vn entonnoir la soufflent dedás la bouche du malade. Nos Espagnols se moquent d'elles & en se mocquans pettent quand ils les voient ainsi souffler, & leur font cent mille autres mocqueries.

Il y a en Nicaragua cinq langages bien differens, le premier est celuy, duquel vsent les Coribiciës, qu'on louë fort: le second s'appelle Ciorotega, qui est le naturel du pays, & l'ancien, & ceux qui en vsent ont entr'eux droit de succession, & se seruent de cacaos qui est leur monnoye & richesse du pais. Ceux cy sont hommes vaillants, cruels, & subiets à leurs femmes, ce que ne sont pas les autres. Le tiers est Ciondale, qui est grossier, & duquel vsent les villageois. Le quart s'appelle Oroiegua, qui est pour les petis enfans. Le quint est Mexicquain cestuy cy est le principal, & ceux qui en vsent ont vne conformité d'habillemens, de religion, & de langage avec les Mexiquains, encor qu'ils soient loing de la ville de Mexicque plus 1000. mil. Ils disent que la cause de ce langage est vne grande & generale seichereffe, qui dura fort l'og temps à Auanac, qu'aujourd'huy on appelle nouvelle Espagne, à l'occasion de laquelle plusieurs Mexicquains sortirrent de leurs pays, & vindrent par la mer Australe s'habituier à Nicaragua. Or soit comme ce soit, si est il bien certain que ceux, qui parlent ce langage Mexicquain, ont pour lettres les mesmes figures qu'ot ceux de Culhua, & ont leurs liures de peaux de mouton larges d'un palme, & longues de douze redoublées, & pliees l'une dedans l'autre, où ils peignent des deux costez avec de l'azur, du rouge, & autre couleur les choses memorables, qui aduiennent en leur pays, & dedans tels liures estoient decrites leurs loix, & leurs ceremonies fort semblables à celles des Mexicquains, comme on pourra voir, si on confronte ces liures avec ceux de Mexiq.



Mais tous les habitans de Nicaragua n'vsent pas de telles façons de ceremonies. Car les Ciorotegas font leurs sacrifices à leurs idoles aussi differens de ceux cy, comme ils sont differens en langage, & autant des autres. Nous en reciterôs quelques particularitez, qui ne sont aux autres endroiets. Tous les prestres se marient, hors mis ceux, qui escoutent les pechez des autres, & commandent la penitence selon le delict, & n'oseroient reueler la confession sur peine de chastiment. Ces prestres leur annoncent les festes, qui sont en nombre 18. & sont au commencement de leurs moys. Quand ils font leur sacrifice, ils se tiennent deuant le tēple de leurs dieux, & là on leur ameine l'hostie, laquelle ils ouurent avec vn cousteau de pierre, ou caillou. Ils aduerriſſent aussi combien d'hommes il faut sacrifier, si ce doiuent estre fēmes, ou esclaves prins en guerre, ou non, comme là feste se doit celebrer, & quelles prieres il faut faire, & ce qu'il conuient offrir. Le prestre, qui faict l'office, fait trois tours à l'entour de celuy qu'on veut sacrifier, chantant pesamment comme pleurant, & apres, luy ouvre la poitrine, luy brouille le visage avec son sang, luy arrache le cœur, & desmembre tout son corps. Il donne le cœur au prelat, les pieds, & les mains au Roy, les cuisses à celuy, qui l'a prins, les trippes aux trompettes, & le reste au peuple, à fin que chacun en mange sa part. Il fiche la teste dedās certains arbres que on plante là aupres pout seruir expressement à ce mestier. En chasque de ses arbres est escript le nom d'une des prouinces, contre laquelle ils font guerre, & ne pendent la teste du sacrifice à autre arbre

qu'à celuy, qui portera le nom de la prouince où il aura esté prins. Mais si celuy qu'on sacrifie n'est pas prins, mais achepté, ils en vsent autrement. Car ils enterrēt toutes les entrailles, & parties interieures, avecques les mains, & les pieds mettans le tout en vne coucourde ou calbasse, & brûlent le cœur & tout le reste du corps, excepté la teste qu'ils pendent à ces arbres. Plusieurs fois ils sacrifient des hommes, & enfans d'entre-eux mesmes, quand ils sont acheptez. Car il est permis au pere vendre ses enfans, & mesme vn chacun se peut vendre. Quand ils font sacrifice de tels gēs ils ne les māgent point. Ce pendant qu'ils mangēt la chair des sacrifiez, ils dansent, & ballent tant que leurs iambes les peuēt supporter, & s'enyurent avec leur vin, & avec vne fumee qu'ils font expres. Mais deuāt que s'enyurer ainsi le prestre frotte les iouēs, & la bouche de l'Idole du sang de l'hostie, & ce pendant les autres chantent, & le peuple en grāde deuotion avec l'armes fait sa priere. Ils vont puis apres en procession les prestres portēt certains accoustremēs de cottō blanc faits comme les aulbes de nos prestres, & ont plusieurs autres choses, qui leurs pendēt depuis les espaulles iusques aux talōs, & au bout ont des bourses au lieu de houppes, dedans lesquelles ils portēt des rasoirs de pierre noire, des poinçons de quelque metal, des cartes, du charbō en pouldre, & certaines herbes. Quāt au peuple, chacun porte des bādelettes, avec l'idole qu'il aime mieux, & des petits sachets pleīs de pouldre, & des poinçōs. Les ieunes garçōs portent des arcs, fleches, dards, & boucliers. Pour banniere ils portēt l'image du diable fīschee

en vne picque, le plus vieil & honorable prestre la porte. Tous les prestres vont en rang châtans tousiours iusques au lieu de l'idolatrie, estans là arriuez ils estendent vne couuerture, & iettent forces roses, & fleurs dessus, à fin que l'image du diable ne touche point à terre, puis aussi tost leur chant cesse, & font vne priere: puis le prelat frappe vn coup de sa main, au son duquel vn chacun incontinent tire de son sang, aucuns en tirent de la langue, autres des oreilles, autres de leur membre, vn chacun en tire selon sa deuotion. Ils prennent ce sang sur de la carte, ou sur leur doigt, & quand l'offerte se fait ils pinssent avec ceste carte, ou le doigt la face de leur image diabolicque, & ce pendant que ceste offerte dure les ieunes garçons en l'honneur de la feste dansent, & escarmouchent l'un contre l'autre. Apres vn chacun pense sa playe avec de la pouldre, des herbes ou charbon qu'ils portent pour cest effet. En quelques vnes de ces processions ils font certaines benedictiōs sur du mays, & l'arrousent avec du sang de leurs parties honteuses, & puis le distribuent & mangent entr'eux comme nous faisons nostre pain benist.

*Quahutemalan.*

*Chap. 108.*

**C**E pendant que Gilgonzalez d'Auille estoit au pays de Nicaragua, ainsi que i'ay recité cy dessus le pilote André Nigno courut la coste iusques à Tecoantepec pensant trouuer le destroiēt l'an mille cinq cents vingt-deux. Ferdinand Cortes enuoia incontinent apres de la ville de Mexique quelques vns de ses capitaines vers ceste prouince pour la conquerir, & la peupler. Cortes en eut les nouuel-  
les



les par ce moyen: Ayant en sa puissance le Roy Motecuzma, il voulut sçauoir des nouuelles de la mer de Midy pour enuoyer ses gens peupler en ce quartier là, pensant qu'on y trouueroit de grandes richesses tant en espicerie, qu'en or, argent, & perles: mais il ne peut executer son entreprinse si tost pour l'amour du siege qu'il meit lors deuant Mexique. Mais apres qu'il eut gaigné ceste ville, & quelques autres il commença ce qu'il auoit delibere. Il enuoya quatre Espagnols avec des guides du pays par deux chemins vers ceste prouince, où, estans arriuez, ils prindrent possession pour l'Empereur, & s'en retournerent emmenans, avec eux des habitans du pays, & apportans quelque monstre de l'or, l'argent, & autres richesses qui estoient en ce pays. Cortes feit grand chere à ces Indiens, leur donna en contre-eschange de leur or de petites merceries, & les pria qu'ils feissent tant avec les seigneurs de leurs pays, qu'ils se feissent amys des Chrestiens, desquels à l'aduenir ils receuroient de grands biens, & qu'ils vinssent à Mexique ou bien qu'ils receussent humainement les Espagnols qu'il leur enuoyroit. Le seigneur de Tecoâtepec fut fort ioyeux d'entendre ce message, & accepta l'amitié des Chrestiens: En signe dequoy il enuoia 200. gentils-hômes, & autres avec vn present à Cortes, & à peude réps de là luy enuoya demander secours cõtre ceux de Tututepec, disât que ceux cy luy faisoient la guerre, parce qu'il s'estoit fait amy des Chrestiens. Cortes y enuoia pour lors le capitaine Pierre d'Aluaro avec 200. Espagnols à pied & 40. à cheual avec deux petites pieces de cãpaigne. Aluaro étra à Tututepec

au moys de Mars 1523. il trouua au commencement quelque resistance, mais il fut receu incontinent en la ville, où il eut quelque quantité d'or, d'argent de perles, & autres meubles, & vn fils du seigneur. De là il enuoya deux Espagnols à Quahutemallā pour parler au seigneur de ce pays, & luy offrir son amitié, & la religion Chrestienne. Quand ils furent deuant le seigneur, il leur demanda s'ils venoient de la part de Malinxe, ainsi les Indiens appelloient-ils Cortes, & ce mot en leur langue signifie Dieu tombé du ciel, s'ils venoient par mer, ou par terre, & si en tout ce qu'ils diroient, ils ne parleroient qu'à la verité: ils feirent responce qu'ils disoient tousiours verité, & qu'ils estoient venuz par terre à pied, & qu'ils venoient de la part de Cortes Capitaine inuincible de l'Empereur du monde, homme mortel, & nō Dieu, mais qu'il estoit venu en ces pays pour enseigner le chemin qui conduit à la vie immortelle. Il leur demanda derechef si leur capitaine auoit certains grands monstres marins, qui auoient passé par ceste coste l'annee de deuant, ce qu'il disoit pour les vaisseaux d'André Nigno, qui auoient flotté en ce quartier. Ils respondirent qu'ouïy, & en auoit encor' de plus grands. Vn de ces deux Espagnols, qui s'appelloit Tribigno, & se mesloit de bastir des nauires, leur feit en peinture vn grand carracon avec six maz. Les Indiens furent fort estonnez de la grādeur de ce vaisseau, des voiles, des hunes, & de tout l'equippage. Il leur demanda en outre, qui estoit cause que les Espagnols estoient si vaillans qu'aucun ne les pouuoit vaincre, encor' qu'ils ne fussent pas plus grands que les autres. Ils

respondirent qu'ils demeueroient victorieux par l'aide de Dieu, la loy duquel ils preschoient en ces pays, & par le moyen de certains animaux, sur lesquels ils se portoiēt, & figurerent incontinent vn grand cheual, & dessus vn hōme armé, ce qui espo- uentoit tous les Indières qui le venoient veoir. Alors le seignr leur dit qu'il estoit tres-aise d'estreamy de telles gēs, & qu'il leur fourniroit de 50000. soldats pour l'accager quelqs seigneurs ses voisins, qui rui- noient son pays. Là dessus ces deux Espagnols luy dirēt qu'ils le feroiēt entēdre à Pierre d'Aluarnado, qui estoit vn des capitaines de Cortes. Ainsi ils fu- rent depefchez, & ce seigneur leur dōna 5000. hō- mes chargez de biens, de cacao, de mayz, d'axi, d'oiseaux, & d'autres choses pour manger: en outre il leur dōna 20000. pesans d'or en vases, & iōyaux, qui resioüirent grandement le cœur de ces deux compagnons, & furēt toutefois cause de faire mal à l'vn d'eux. Car en ayant desrobé quelques pieces, il fut puis apres fouëté pour ce larrecin, & cōdēné à ne sortir iamais de la Nouvelle Espagne. Voila cōme premieremēt fut descouuerte la prouince de Quahutemallan. Cortes ayāt entēdu cōme ce pays estoit peuplé, & cōme il estoit riche, & qu'il auoit la mer bien à propos pour descouurir nouueaux pays, & illes enuoya 40. Espagnols la pl<sup>e</sup> parr char- pentiers, & gens de mer pour bastir des vaisseaux à Zagatula, qui est aupres de Tututepec, autrement dict Tuantepec, & incontinent enuoya apres eux, gēs pour peupler à Colima à la riuere de ceste mer. Il enuoya encor' deux autres Espagnols avec quel- ques vns de Mexicque, & de Xochnuxco, qui estoit



ja peuplé à Quahutemallan, pour attirer à son amitié le Roy, & les autres voisins. Tous receurent humainement ses ambassadeurs, & son amitié, & enuoyerent 200. hommes pour la confirmer avec vn present honneste. Ils faisoient pour lors la guerre contre ceux de Xochnuxco, ils s'y eschaufferent d'auantage pensans que les Chrestiens leur dōneroiēt secours, ou que pour le moins ils ne seroiēt point contre eux à raison de la nouuelle aliance faicte ensemble. Mais voyans que les habitans de Xochnuxco estoient deuant eux en la sauuegarde des Espagnols, ils enuoyerent des Ambassadeurs par deuers les Espagnols, qui peuploient à Xochnuxco pour se decharger de ceste guerre, disans que ce n'estoiēt point eux, qui la faisoient, mais quelques meschās, qui estoient en leur pays. Ceux de Xochnuxco se pleignirent d'autre part à Cortes, qui à ceste occasion y enuoya Pierre d'Aluorado avec 420. Espagnols, entre lesquels y auoit 160. cheuaux, quatre pieces d'artillerie, & force mercerie. Avec ses Espagnols plusieurs gentilshommes de Mexique y allerent, & grand nombre d'Indiens. Pierre d'Aluorado partit de Mexique au mois de Decembre 1523. feir long chemin, conquesta par force Vrlatlan, & se feir maistre par amitié de Quahutemallā au mois d'Auril 1524. De là sen alla conquerir le pays, & la coste de la mer, qui est vers Nicaragua, & estant de retour de ceste conqueste, edifia à Quahutemallan la ville de S. Iaqs, & plusieurs autres lieux. Il cōquesta de grās pais, parce que Corres luy enuoioit tousiours des Espagnols frais, des cheuaux, du fer, des meubles de la mercerie, & autres choses sēblables. Il

le fauorisoit le plus qu'il pouuoit, , par-ce qu'il luy auoit promis de luy dōner en mariage Sicilia Vafquez sa cousine:& le feit son lieutenant en ceste province. Quelque tēps apres avec la volōté de Cortes Pierre d'Aluorado vint en Espagne, où il se maria avec damoiselle François de la Cueva pour auoir faueur de Couos secretaire de l'Empereur, par le moien duquel il fut faict gouuerneur de Quahutemallā, & puis s'en retourna à la nouuelle Espagne avec plusieurs de ses parens, & quelques gens de guerre. Il assembla à Mexique le plus d'hōmes qu'il peut, & s'en alla à Quahutemallan, où il commença incontinent à faire nouuelles conquestes, & peupler en son nom comme gouuerneur, & Adelantado. Il feit là plusieurs choses contre les Indiens, & aussi contre les Espagnols, qui eussent bien cousté cher à vn autre.

*Declaration de ce nom Quahutemallan. Chap. 208.*

**Q**uahutemallan, que communement on appelle Guatimala, vult dire arbre pourry, par-ce que Quahu signifie arbre & temalli pourry: encores pourra on dire qu'il signifie lieu d'arbres, par ce que temi, d'où aussi ce nō peut estre cōposé, signifie lieu. La ville de Quahutemallan est entre deux montagnes, qui iettent feu, l'vne n'est qu'à six mil loing de l'autre. Ceste montagne est haute, & ronde en son circuit, elle a tout au haut vne grande ouerture, par laquelle elle iette de la flamme, de la fumee, de la cendre, & de grosses pierres. La ville très-ble fort, & souuent, à cause de ces deux montagnes. Ceste montagne fait souuent vn bruiet grand cōme vn tonnerre, & iette ses flammes quelques fois

iufques fur les couuertures. Quant au pays il eft treflain, fertile, riche, & a de fort belles paftures, auffi y a il def-ja force beftail. Vn grain de maiz en rendra 100, 200. & mefme iufques à 500. Ils le femēt en la campagne, laquelle ils arroufent : elle eft fort belle, & plaifante pour le grand nombre d'arbres fructiers, qui l'embelliffent: elle porte le grain du maiz plus gros que ne faiēt autre pays, & la canne auffi. Ce pays porte force cacaos, qui eft vne grande richeffe, & fert de monoye, qui a cours par toute la nouuelle Efpagne, & en plufieurs autres pays. Le cotton y croift en abondāce. On y trouue vn baulme excellent & vne certaine liqueur, qui coulle d'vne montagne, comme huile: ils ont auffi de l'allun, & vne forte de foudre, qui fans l'affiner autrement fert de poudte à canon. Les femmes travaillent, & prennent grande peine. Les hōmes font guerriers, & fort bons archers. Ils mangent de la chair humaine, & idolatrent comme ceux de Mexique. Cefte prouince du temps du capitaine Aluarado a eſté tref-heureufe, mais auourd'huy elle eft toute ruinee, & y a peu d'Eſpagnols qui l'habitent: la cauſe eft, ſelon l'opinion de plufieurs, pour auoir changé le gouuernement.

*La mort inopinée de Pierre d'Aluarado. Chap. 209.*

**P**ierre d'Aluarado ſe voyant pacifique de ſon gouuernement de Quahutemallan, & de celuy, de Ciapa, qu'il auoit eu de François de Montejo pour celuy de Honduras, demanda permiſſion à l'Empereur d'aller deſcouurir nouueaux pays vers Quiro, qui eft vne prouince du Peru, riche, & de grande eſperāce, pour le grand bruit, qui pour lors



couroit de ses richesses, ou aucun Espagnol n'auoit point encor' esté. Suiuant la permission de l'Empereur il arma cinq grands vaisseaux l'an 1535. & en print encor deux autres à Nicaragua. Il mena avec soy 500. Espagnols, & plusieurs cheuaux. Il arriua au Port-vieil, où il print terre, & s'en alla par le pl<sup>r</sup> droict chemin à Quito. Il endura de grád froid par le chemin, la soif, & la faim. Son arriuee fut suspecte à Fráçois Pizarre, & à Diego d'Almagro. En fin voyant la furie des vens estre par trop gráde en ce pays, & les lieux par où il passoit si steriles qu'ils ne luy pouuoient fournir d'aucune chose, de laquelle il auoit affaire, il vendit ses vaisseaux, & son artillerie 100000. castillans d'or, ainsi que plus à plein on peut veoir par l'histoire du Peru, & s'en retourna ioyeux, & riche avec vn tel tresor à Quahutemallá, ou de ces deniers il feit faire dix ou douze nauires, vne galere, & quelques fustes à rame pour s'en aller au pays, ou on disoit qu'estoit l'espicerie, ou pour aller descouurir par la poincte des balenes, qu'autres appellét Califurnia, quelques nouuelles terres, où les Espagnols n'eussent poit encor' esté. F. Marc de Nize, & autres Cordeliers entrerent de leur bon gré en ces vaisseaux, & l'an 1538. s'en allerét au pays de Culhuacan, & flotterent vers Pónent plus de 1200. mil, & passerent plus auant q' n'auoient faict les Espagnols de Xalisco, & puis s'en reueindrent rapportans nouuelles de tous les pays par où ils auoient passé. Ils loüoient grádement la richesse, & bonté de Siuola, & d'autres villes: ce qui donna gráde esperáce aux Espagnols de pouuoir bien tost s'enrichir, & en outre d'auoir ce bien de retourne

en Espagne glorieux pour auoir encores trouué de nouveaux pays au grand proffit de l'Empereur, auquel tous les Espagnols, qui font voile par toutes les Indes occidentalles, ont seulemēt esgard, & non à eux mesmes, esperans tous par-ce moyen s'agrandir, & receuoir de leur seigneur, quelque dignité, & preeminence, comme il à accoustumé de doner largement à ceux, qui font quelque notable entrepriſe en ces pays de delà: & au cōtraire puniſt, ou pour le moins faiſt infames ceux, qui ſ'y portent mal, ou demonſtrent vn courage vil, & abieſt n'aimans autrement leur prince. Suiuſſant le rapport de ces religieux dō Antoine de Médozze Vice-Roy de la nouuelle Espagne, & dom Ferdinand Cortes Marquis de la Val capitaine general de la meſme nouuelle Espagne, & chef des deſcouurements de la mer de Midy, voulurent aller, ou enuoyer en ces pays vne armee par terre, & par mer. Mais par la diuerſité des pouuoirs, qu'ils auoient ſur vne telle armee, ils ne peurent ſ'accorder enſemble ſeulement par l'aduiſ de ces moyens, ains ſ'irriterent là deſſus l'vn contre l'autre, & fallut pour ce different, & autres que Cortes ſ'en vint en Espagne, où il ſe preſenta à l'Empereur, qui le receut avec ſignes de grād amour cōme veritablemēt ſa fidelité meritoit, & ſes entrepriſes, & executions, telles, qu'aucun autre capitaine à peu faire de ſemblables en ces pays, où les habitās ſont ſi diſſemblables de la nation Eſpagnolle qui'l n'eſt poſſible de plus. Cependant le Vice-Roy enuoya vers le capitaine Pierre d'Aluorado, qui auoit vne belle armee, comme i'ay diſt, pour accorder avec luy. Aluorado ſ'en vint avec ſon armee ſurgit

au port de Noël, ce me semble, & de là s'en vint par terre à Mexicque, où il s'accorda avec le Vice-roy d'aller à Siuola, sans considerer de quelle ingratitude, de il vsoit par-ce moyen enuers Cortes, à qui il deuoit tout ce qu'il auoit de biens, & d'honneur. Or s'en retournant de ce voyage à Mexicque il passa par Xalisco pour appaiser quelques contrées de ce Royaume, qui s'estoient rebelles contre les Espagnols. Il arriua premierement à Ezatlan où estoit Diego Lopez de Zunigua, qui faisoit ja la guerre aux rebelles. Ils s'en allerent ensemble assaillir vne forteresse, ou s'estoient fortifiez plusieurs Indiens. Mais ils l'assaillirent si malheureusemēt qu'ils y perdirent 30. des leurs, & furent contraincts sonner la retraite: en se retirant ainsi hastiuement, parce que le lieu estoit haut, & roide, & fort aspre, plusieurs cheuaux culbuterent du haut en bas. Pierre d'Aluado pour se sauuer d'un cheual, qui venoit roullât droit à luy, se iette incōtinēt de dessus son cheual à terre, & se retire à costé où il pésoit estre en grande sauueté: mais ce cheual vint à rouller si roidement, que, dōnant de grād force cōtre vne grosse pierre, il la poussa contre luy de telle violence qu'elle le tua, & l'emmena iusques au bas du roc le iour de S. Jean l'an 1541. Il fut porté demi mort à Ezatlā, qui est loin de Quahutemallan 900. mil, où deux iours apres il rendit l'esprit, faisant les signes d'un bon Chrestien. On luy demandoit, qui luy faisoit mal, il respōdoit tousiours que c'estoit l'ame. C'estoit vn hōme dispos, allegre, & grand parleur, qui est vn vice propre aux menteurs. Il gardoit peu sa foy à ses amis, & fut noté d'ingratitude, & de cruauté enuers les In-



ners les Indiens. Il passa aux Indes estant encor fort ieune. Plusieurs l'appelloient le commandeur parce qu'ordinairement il porroit vn saye, & vne cappe qu'un sié oncle cheualier de S. Iacques luy auoit donné en la ville de Vadagios deuant que partir: & afin que ce nom ne fut sans effect, quand il vint en Espagne il procura d'auoir l'habit de cet ordre. Quand il fut aux Indes, il demeura premierement à l'Isle de Cuba, & puis suuit Iean de Grijalua, & apres s'en alla avec Ferdinand Cortes en la nouuelle Espagne, en la cōqueste de laquelle, & aux guerres, qui y furent faictes il eut charge ainsi qu'on peut veoir en l'histoire de Mexique. Il fut meilleur soldat que gouuerneur. Il espousa avec dispense du Pape les deux sœurs, qui furent damoyelles Françoisse, & Beatrix de la Cueva, il n'eut aucun enfant d'elles, & les prefera à Sicilia Vasquez dame tres-honorable, & vertueuse, pour gaigner, comme de faict il gaigna la faueur de François de Los Couos secretaire, & fauorit de l'Empereur. Peu souuent telles nopces viennent à proffit. Il n'est demeuré de luy aucun patrimoine, ny autre memoire que ceste-cy. Il eut yne fille d'une Indienne, qui fut mariee à dom François de la Cueva.

*D'un espouuentable deluge qui aduint à Quahutemalan  
qui suffoqua damoyelle Beatrix de la Cueva.*

*Chap. 210.*

Quand damoyelle Beatrix de la Cueva eut entendu la mort de son cher mary elle comença à se douloir amerement, ietter abondance de pleurs, faire des plainctes grandes, & mesme proferer des parolles entre-lassees de sanglots, qui n'estoient

propres qu'à vne sottise, & non à vne femme de vertu telle qu'on l'auoit iusques à lors estimé. Elle feit peindre de noir toute sa maison tant dehors que dedans, ne faisoit que pleurer, ne mangeoit point, dormoit encor' moins, ne vouloit receuoir consolation aucune, & si quelqu'un s'aduançoit de luy en dire quelque mot, elle respondoit que Dieu ne luy pouuoit plus enuoyer plus grád mal, qui estoit vne parolle d'une personne insensee, & vn blasphemé grád, & proferee, à ce que ie croy, sans cœur, & sans cerueau, ou iugement naturel, aussi vn chacun la trouua fort mauuaise, comme il estoit de raison. Elle feit faire les obseques, & funerailles le plus honorablement, & pompeusement qu'elle peut. Mais durant ce grand, & extreme ducil elle ne laissa point d'entrer au conseil du gouuernement, où elle se feit eslire, & confirmer par serment prins de tous les officiers, gouuernante du pays, qui fut vne follie, & presumption de femme, & chose nouuelle entre les Espagnols des Indes. Ce pendant il commença à plouuoir le iour de la nostre Dame de Septembre furieusement, & les deux iours ensuiuans, apres lesquels sur les deux heures apres minuit il sort d'une de ces montagnes à feu, desquelles nous auons parlé, si grande abondance d'eau qu'avec vne impetuosité furieuse elle iecte par terre plusieurs maisons de la ville, & la premiere, qui fut réuersee fut celle de l'Adelantado son mary. Au bruit & clameurs du peuple damoysselle Beatrix se leue de son liét, & pour faire ses prieres, ou pour peur qu'elle eust, elle entré dedans son oratoire avec onze de ses damoysselles, & seruanres, elle monte sur

l'autel, embrasse vne image, & se recomande à Dieu. Cependant la force de l'eau croist, & iette en terre ceste chambre, & chappelle, & engloutist Beatrix, & ses damoïselles. Ce fut vne grande fortune pour elle. Car si elle n'eust bougé de la chambre, ou elle reposoit, elle ne fust pas morte, parce qu'elle ne fut point renuersee estât bastie sur meilleur fondement. Mais on rapporta ce malheur au iugement de Dieu, pour ce qu'elle auoit dit & fait. Ce sont des secrets de nostre Dieu. Aucuns eschaperent de ceste tempeste, autres y moururent comme feist ceste dame. Le nombre des morts fut iusques à 600. il y auoit telle maison, où il en mourut quarante. Plusieurs autres maisons demeurèrent saines, & debout. L'eau menoit quelques corps d'une maison en l'autre, elle estoit si forte, & si impetueuse qu'elle éportoit des pierres aussi grosses que tonneaux, & avec icelles réuersoit par terre tout ce qu'elle rencontroit. On a laissé par les ruës ces gros cailloux pour seruir de memoire à la posterité de ceste tempeste. On veid parmy l'eau vne vache ayant vne corne rompue, & trainant vne corde par par l'autre, qui couroit contre ceux, qui alloïent donner secours à la maison de Damoïse Beatrix. Vn Espagnol, qui nonobstant s'efforçoit d'y aller, fut ietté par elle sous l'eau, & à grand peine peult il s'eschapper de dessus ses pieds, & de la fange, & bourbe. Vn autre Espagnol estant cheu avec sa femme sous vne grosse traine, veid passer vn More qu'il ne cognoïssoit point, il le pria d'oster de dessus luy ceste traine, & de luy aider à se leuer. Ce More luy demanda s'il estoit Morales, & l'autre luy



ayant respondu qu'ouy, il leua la poutre, osta le mary de là, & laissa noyer la femme, & puis s'en alla courant par l'eau, & par dedés la bourbe. On dict aussi qu'ô veid, & qu'ô ouyt en l'air plusieurs choses de grâd espouuêtemêr, ce qui peut estre. Mais pour la peur qu'on a, on remarque biê souuêt au rebours tout ce qu'on veoid. Plusieurs ont estimé que ce More estoit le Diable, & la vache vne Augustine femme du capitaine François Canna, fille d'une, qui pour estre ruffienne & forcierre, auoit esté fouëttee en la ville de Cordube. Ceste Augustine auoit enforcelé, & faict en fin mourir à Quahutemallan dom Pierre Porto Carrero, par ce qu'estant sa femme neantmoins il l'auoit abandonnee. Il estoit aduis à ce Pierre Porto Carrero quand il alloit à cheual, qu'il portoit tousiours en croupe vne femme, & disoit qu'il ne pouuoit chasser ce fantosme, & estant malade il s'asseuroit qu'il guariroit si Augustine le voioit. Mais elle ne le voulut iamais voir pour la grande inimitié qu'elle auoit conceue en son cueur cõtre luy, ou bien pour oster le meschât bruiet qu'elle auoit.

*Xalisco.**Chap. 211.*

**D**E Tecoaitepec on cõpte 3620. mil iusq̃s au cap de Tróperie costoiant la mer rouge. Ceste grãde estendue de pais à esté descouuerte par Ferdinãd Cortes, & ses capiraines en diuers temps, & à diuerses fois, excepté 600. mil que descouurit Nugno de Guzman en la coste de Xalisco. Nugno de Guzman à esté gouuerneur de Panuco, & president de Mexique, d'où, apres qu'il fut dechassé de ceste charge pour les pleinctes qu'on faisoit de luy à

l'Empereur. il s'en alla l'an 1531. conquerir Xalisco, avec 250. cheuaux, & 500. soldats, la plus part desquels estoient souldoyez. Il passa par Mezuacan, où il print au Roy Cazoncin 10000. liures d'argët, grande quantité d'or, & 6000. Indiens pour porter la somme, & seruir à son armee, & son voyage, & encor' le feit brusler avec plusieurs Indiens des principaux de sa court, afin qu'ils ne peussent se plaindre. Il entra puis apres en la prouince de Xalisco, & conquesta Centiliquipac, Ciametlan, Toualla, Cuixco, Ciamolla, Culhuacan, & autres villes, ou il perdit beaucoup de ses gens, par ce que les hommes de ce pays sont vaillans, & en grand nombre. Il combattit quelque fois contre 20000. Il appella Centiliquipac la grande Espagne, & Xelisco la nouvelle Galice, à cause que le pays estoit aspre, & rude, & les habitans belliqueux: il y bastit vne ville nommee Compostelle afin qu'e nom elle ressemblast à celle, qui est en Espagne. Il en edifia vne autre à Toualla qu'il nomma Guadalagiara, par ce qu'il estoit natif de celle qui s'appelle ainsi en Espagne. Il feit peupler les autres villes de saint Esprit, de la Conception, & de saint Michel, qui est à 34. degrez. A Ciametlan les femmes se vestent depuis le hault iusques aux pieds, & les hommes portent des manteaux courts, & des souilliers de cuir. Ceux, qui portent la somme, la portent entre certains bastons dessus leurs espauls, & les Indiens se rebellerent vne fois par ce qu'on les chargeoit comme les autres sans l'aide de ces bastons. Les femmes quasi par tout ce Royaume sont dispostes, & fort belles, & les hommes brusques, gaillards, & belli-

queux. Leurs armes sont semblables à ceux de Mexique. Mais les seigneurs, & capitaines ne portent point d'armes à la guerre, sinon certains bastons, avec lesquels ils frappent ceux, qui ne combattent point, ou qui rompent leur ordre. Quand ils n'ont point de guerre ils s'exercent à la chasse, & sont tresbons archers. Le pays est fertile, & riche en argent, en cire, & miel. Ils adorent les Idoles, mangēt chair humaine, & sont adonnez à autres meschans vices. On meit prisonnier Nugno de Guzmā pour les plainctes que continuellemēt on faisoit de luy à cause des torts, & griefts qu'il faisoit à vn chacun: & puis pour rendre iustice à tous on y feit vn parlement de quatre Auditeurs à la façon de celuy, qui est en nostre Galice d'Espagne. Pierre Gomez de Malauer fut premier Euesque de Xalisco.

*Sinola. Chap. 212.*

**D**V cap de tromperie on compte 1300. mil iusques à celuy des montagnes de neige, qui est le dernier, duquel nous ayons pour le iourd'huy cognoissance. Ce pays fut descouuert par les capitaines, & pilotes du Viceroy dom Antoine de Médozze l'an 1542, Encor' aucuns dient, qu'ils coururent la coste iusques à 45. degrez, & plusieurs estiment que là noz Indes se ioignent au pays de la Sina, par lequel les Portugais ont flotté iusques à quarante degrez, & encore par delà. De ce cap à l'autre y peut auoir au compte des mariniers 4000 mil. Si la coste de la nouuelle Espagne se ioignoit à la prouince de la Sina ce seroit vne bonne chose pour le traffic, & apport de l'espicerie, & pour ceste cause on la deueroit costoyer soingneusement



pour en sçauoir la verité, encor que ce fust aux despés de nostre Roy, puis qu'il luy importe de beaucoup desçauoir s'il est certain, ou nō. Mais iene croy point que ceste coste se ioingne ainsi; si les autres trois parties du môde, Asie, Afrique, & Europe sont isles cōme nous auons dit au commencement de ce liure. Ces môtagnes de neige sont de Leuant en Ponent loing du fleuue de saint Antoine, que descouurit Estienne Gomez, 4000. mil, & à 6800. mille du cap de Labeur, par lequel j'ay commencé à mesurer les degrez des Indes. Par ceste distance on peut iuger combien est grand le pays de la nouuelle Espagne, & de la nouuelle Galice. Plusieurs religieux s'espadirent deçà delà pour aller prescher, & conuertir les Indîes, qui n'auoiēt point encor esté subiuguez. frere Marc de Nize, & vn autre Cordelier s'en alierent à Culhuacál l'an 1538. De là frere Marc passa outre tout seul, par ce que son compagnon demeura malade, ayant seulement son guide, & son truchement. Il suiuoit tousiours la route du Soleil, pour n'entrer point en pays froid, & pour ne s'eslongner de la mer. Il feit en plusieurs iournees plus de 1200. mil de pays. En fin il arriua à Siuola, d'où estant retourné, il racontoit choses merueilleuses de sept villes qu'il auoit veues en ce pays, cōme il n'y auoit point de chef, que le pays se trouuoit plus peuplé d'autant qu'il s'estendoit vers l'Occident, & qu'il estoit riche en or, turcquoises, & bestail de laine. Ferdinand Cortes, & dom Antoine de Médozze vouloiēt bien faire la cōqueste de ce pais de Siuola, mais chacun la vouloit faire à part soy, dom Antoine, cōme Viceroy de la nouuelle Espagne, &  
Cortes

Cortes comme capitaine general & chef des descouuremens de la mer de Midy. Sur ce different ils tascherent de la faire emsemblement mais se desfiās l'un de l'autre, entrerent tous deux en colere. Cortes s'en vint en Espagne, & dom Antoine enuoya de Mexicque à Culhuacan, qui en est loing 600. mil, François Vasquez de Coronado natif de la ville de Salamanque avec vne bonne armee d'Espagnols, & d'Indiens, & avec 400. cheuaux. De là iusques à Siuola on compte plus de 900. mil. A faire ce long chemin ils endurerent beaucoup, plusieurs Indiens y moururent de faim, & y perdirent quelques cheuaux. Ils récontrerēt de belles femmes toutes nuës encore qu'elles ayent du lin en ce pays pour pouoir faire du linge. Ils endurerent grād froid, à cause des neiges, qui durent longuemēt parmi ces montagnes. Quand ils furent à Siuola, ils requirēt ceux de la ville de paix, disāns qu'ils n'estoient point venuz vers eux pour leur mal faire, ains plustost pour leur apporter grand bien, & proffit, demandans en outre des prouisions pour leur armee. Les habitās respondirent qu'ils ne vouloient rien leur donner, puis qu'ils venoient armez vers eux, cōme s'ils vouloient leur faire guerre. Ainsi les nostres ne pouuās riē gaigner d'eux assaillirēt la ville, qui fut par quelque espace de temps vertueusement deffenduē par 800. hōmes, qui estoient dedans, & blecerent Vasquez chef de l'armee, & plusieurs autres Espagnols, mais ils furent contraints quitter la place, & s'enfuir. Les nostres estans entrez dedans, la nommerent Granade, pour l'amour du Viceroy, qui estoit natif de la ville de Granade en Espagne: Siuola est vne

ville, qui contient environ 200. maisons, qui sont faictes de terre, & de boys, & sont hautes de quatre où cinq estages. Ils sont leurs portes, cōme les couuercles des nauires, par lesquels on charge la marchandise. Ils y montent avec des eschelles de boys, qu'ils tirēt de nuict apres eux, & en temps de guerre. Chasque maison à deuant soy vne grotte, ou ils demeurent l'hyuer cōme en des estuues. L'hyuer est long en ce pays, & fort subiect aux neiges encōre qu'il ne soit de l'Equinoxial qu'à 37. degrez & de my. Si ce n'estoient les montagnes il seroit de mesme temperature qu'est Seuille en Espagne. Les sept villes renōmees que frere Marc disoit estre en l'espace de 20. mil, pouuoient auoir 400. personnes, les richesses de ce Royaume qu'il exaltoit si fort, sont de n'auoir que manger, ne de quoy se vestir, encor' que la neige y dure sept mois. Pour tous habillemens ils portent certaines mantilles faictes de peaux de cōnils, de lieures, & de cheureuls, ils n'ont point de cotton pour en faire d'autre sorte: ils portent des souliers de cuir, & l'hyuer ils portent des housseaux, qui leur vont iusques au genoil. Les femmes sont vestues depuis la ceinture iusques au genoil, elles entrelassent en cordons leurs cheveux, & les tournent à l'entour de leur teste par dessus les oreilles. Le pays est sablonneux, & rapporte peu, ie croy que ce n'est que par la paresse des habitans. Car le maiz y vient en quelque endroit que vous le voudrez semer, les coucourdes aussi, & autres fruiçts y viennent bien, & y peut on esleuer, & nourrir la poulaille, ce qu'on ne scauroit faire en tous les autres lieux.



Les soldats voyans ce pays si peu habit  , & la richesse si petite ne rendirent pas grands graces    ces Moines, qui le leur auoient lou   si fort, & pour ne retourner    Mexicque les mains vuides, & sans faire quelque chose, ils prindr  t resolution de passer outre, par ce qu'on leur disoit que le pays estoit meilleur. Ainsi ils s'en allerent    Acuco, qui est vn lieu haut, & fort: & de l   Dom Garzia Lopez de Cardenas s'en alla avec sa compagnie de cheual vers la mer, & Fran  ois Vasquez avec le reste s'en alla    Tiguez, qui est situ   sur vn grand fleuve. Ils eurent l   nouuelles d'Axa, & de Quijira, o   on disoit qu'il y auoit vn Roy nomm   Tarrax, homme barbu, blanc & riche, qui portoit    son cost   vn oracmart, qui faisoit ses prieres en vne petite chapelle, qui adoroit vne croix, & vne image de la Royne du Ciel. Toute l'armee fut grandement resioie de ceste nouuelle, encor' quelques vns la reuotoient fauce, & ne la tenoient que pour parole de Moines. Ils delibererent d'y aller avec intention d'y hyuerner en ce pa  s si riche comme on disoit. Les Indiens en vne nu  t se retirerent tous, & moururent trente cheuaux, ce qui donna grand peur    toute l'armee. En passant leur chemin ils brusler  t vne ville, & en assaillirent vne autre, o   les habit  s tu  rent quelques Espagnols, blecerent 50. cheuaux, & tirerent dedans la ville Fran  ois d'Ouando blec  , ou mort, pour le manger, ou le sacrifier, ainsi qu'on pensoit, ou possible pour mieux veoir quels hommes estoient les Espagnols: car en tout ce pays il ne s'est trouu   aucun signe qui puisse monst  rer qu'ils facent sacrifice d'hommes. Nos gens meirant le

siege deuant ceste ville: mais ils ne la peurent prendre que 45. iours apres. Les habitans à faute d'eau beuuoient la neige, & se voyans perduz, feirent vn grand feu, dedans lequel ils ietterent leurs manteaux, leurs turquoises, & leurs richesses, afin que l'estranger n'en iouist point, & puis pour se faire chemin à force, sortirent en bataillon quarré, ayā mis au milieu les femmes, & petits enfans: mais peu eschapperent le trenchant de l'espee, & la furie des cheuaux: d'auantage plusieurs ce noyerent dedans vn fleuve, qui estoit là aupres estans pressez de trop pres. En ceste meslee y eust sept Espagnols tuez, & 80. blecez, & plusieurs cheuaux. Par là on peut veoir quel est le courage, & la deliberation humaine en necessité. De ceste defaite de ces pauures gens, plusieurs se retirerent encor dedans la ville, & se deffendirent vaillamment, iusques à ce que les Espagnols y meirent le feu. Le fleuve qui estoit aupres de ceste ville, se gela si fort encor qu'il ne soit qu'à 37. degrez del'Equinoxial, que les hommes passoient par dessus à cheual. La neige dure en ce pays demy an. Il y a icy de bon melōs, du cotton blanc, & rouge, duquel ils font des manteaux plus amples, qu'en pas vn autre endroit des Indes. De Tiguez, nos gens s'en allerent en quatre iournees à Cicuic, qui est vn lieu petit, & à 12. mil de là, ils rencontrerēt vne nouuelle espece de vaches fieres, & cruelles, desquelles ils en tuerent la premiere iournee 80. qui feirēt grād biē à toute l'armee. De Cicuic feirēt selō leur compte, enuiron 900. mil iusques à Quiuira passans par grandes plaines, & sablons si steriles, & si vniz qu'on n'y pouuoit pas

trouuer vne pierre, ny herbe, ny arbre, & nos gens ne faisoïent leurs môt-ioues que des bouzes de ces vaches, au lieu de pierre, ne pouuans autrement remarquer leur chemin pour ne se perdre point au retour: & dès l'entree de ces plaines ils perdirent trois cheuaux, & vn Espagnol, comme ils s'estoient escartez à costé pour chasser. Toutes ces plaines sont couuertes de ces vaches bossues, comme est la Serene en Espagne plaine de moutons: mais il n'y a icy personne à les garder. Elles seruirent de grand remede contre la faim, qui les pressoit, n'ayans plus de pain. Vn iour il cheut forces pierres du ciel, qui estoient grosses comme citrons, ce qui estonna bié les nostres, qui se meirent à pleurer, & gémir profondement, faisant chascun quelque vœu pour eschapper de tel fleau de Dieu. En fin ils arriuerent à Quijira, & trouuerent Tatarraz qu'ils cherchoïent: c'estoit vn homme tout blanc, & tout nud, ayant à son col vn ioyau de bronze pèdu, c'estoit sa richesse. Les Espagnols ayans veu la mocquerie de la richesse qu'on leur auoit donné à entendre s'en retournerent incontinct à Tiguez, sans veoir la croix ny aucuns autres vestiges de religion Chrestienne, desquels on leur auoit parlé, & puis arriuerent à Mexique au moys de Mars, l'an 1542. François Vaquez cheut de dessus son cheual à Tiguez, & du coup qu'il se donna contre la teste deuint fol, & insensé: aucuns en furent bien marris, autres n'en faisoient que rire, & mesme en parler mal, disans que ce n'estoit qu'une feintise pour ne point peupler, ny s'arrester d'auantage en ceste ville. Quijira est à 40. degrez, & est vn pays temperé, garny de bones



eaux, & enrichy de grands pasturages. On y trouue des prunes, des meures, des noix, des melons, des raisins, qui viennent à maturité. Il n'y a point de cotté, & pour ceste cause ne se vestét que de peaux de vaches, & de cheureaux. Nos gens veirent de sur la coste de la mer des nauires, qui auoient les verges d'or, & les prouës argentees, chargees de marchandises: on pensoit qu'elles fussent de Catay, ou de la Sina, par ce que ceux de dedans faisoient signe d'auoir ia flotté par l'espace de 30. iours. Frere Iean de Padille demeura à Tiguez avec vn autre Cordelier, & s'en retourna à Qûjuita avec autres douze Indiens de Mechuacan: vn André d'Ocampo Portugays, iardinier de François de Solis, s'en alla aussi avec luy. Il mena avec soy du bestail, des bestes cheualines avec prouisions pour viure, des moutons, & des poulles d'Espagne, & feit porter des ornemens à dire la Messe. Mais les Quijiriens tuerét ces pauures moynes, & le Portugais eschappa avec quelques autres de Mechuacan: encor que il se fust lors deliuré de la mort, si ne peut-il eschapper sa captiuité: car il fut aussi tost prins, & fait esclau: mais à dix moys de là, il s'enfuit avec des chiens. Il faisoit le signe de la croix avec vne croix de boys qu'il portoit en la main, à tous ceux qu'il rencontroit. Ne faisant autre signe, il eut ce bõ heur qu'on le receuoit humainemét par tout, & luy donnoit on l'aumosne, & le couchoit on. Il vint au pais de Cicimecas, & de là à Panuco. Quand il arriva à Mexique, il portoit les cheueux fort longs, & la barbe luy estoit toute grisonnette. Il racõptoit des choses estranges de ce pays, des fleues, & des mō-

ragues, par où il auoit passé. Dom Antoine de Médozze fut fort déplaisant de ce que ses gens estoient reuenus sans faire autre chose, par ce qu'il auoit despendu plus de 60000. pesans d'or, à ceste entreprinse, sans veoir aucune monstre ny d'or, ny d'argent, ny d'autre richesse. Plusieurs voulurent bien demeurer par delà: mais François Vasquez de Coronado, qui estoit ia riche, & nouuellement marié avec vne fort belle femme, ne voulut point, leur remontrant qu'ils ne pourroient s'entretenir, ny se deffendre en vn si pauvre pays, & estans si loin de secours. Ils firent en ce voyage plus de 3000. mil.

*Des vaches bossues, qui sont à Quiuira. Chap. 214.*

**T**out ce qui est depuis Cicuic, iusques à Quiuira, est vn pays plat sans arbre, & sans pierre, peu habité, & encore ceux, qui l'habitent, sont tous pauvres gens. Les hommes se vestent, & chaulsent de cuir, & les femmes prennent grand peine à faire venir leur cheueux si longs, qu'elles en puissent couvrir leurs testes, & leurs parties honteuses. Ils n'ont aucun grain pour faire du pain, leur principale nourriture est chair, & si la mangent crüe, ou par vrance, ou par faute de boys. Ils mangent la graisse toute telle qu'ils la tirent de la vache, ou du bœuf, & en boient le sang chault, & si ne meurent point: nonobstant que les anciens ayent escrit qu'il faisoit mourir la personne, comme il fait Empedocles & autres. Ils le boient aussi tout froid detrempé en eau. Ils ne cuisent point leur chair, à faute de pot: mais ils la rotissent quelqsfois, ou pour mieux dire, ils l'eschauffent seulement à la flamme, ou brasier qu'ils sont avec leurs bouzes de vaches, qu'ils trou-

uent toutes seches parmy les champs. Quand ils prennent leur repas, ils maschent peu, mais deuor-  
rent. Ils prennent la chair avec les dets, & la depart-  
tissent avec des cousteaux de caillou, qui est vne be-  
stialité, & vilannie grande: mais telle est leur façon  
de viure. Ils sont tousiours par troupes, & changent  
de lieu, comme les Arabes de Barbarie, suiuaus la  
temperature du temps, & les pastures pour leurs  
bœufs. Ces bœufs sont de la grandeur, & couleur  
des nostres, mais ils n'ont pas les cornes si grosses:  
ils ont vne grosse bosse sur l'eschine pres des deux  
espaules, & ont depuis le milieu du corps, le poil  
plus long deuant que derriere, & si ce poil est laine.  
ils ont le long de l'eschine des longs crins comme  
les cheuaux, & ont les iambes, depuis le genoil ius-  
ques à bas, couuertes de poil long & espaiz: il leur  
pend d'entre les cornes de grands floquets de poil,  
& les iugeriez estre barbuz, pour les lōgs crins qui  
leur pendent dessous la gorge. Les masses ont la  
queuë fort lōgue, avec vn grand floquet au bout,  
de façon qu'ils ressembtent en quelque chose au lyō,  
& au chameau. Ils cōbattent avec la corne, ils cou-  
rent fort, ils se joindront bien avec vn cheual, & le  
tueront, quand ils sont prouoquez, & se mettēt en  
furie. En somme, c'est vne beste treslaide: & d'un re-  
gard cruel: les cheuaux n'ē veulēt approcher pour  
leur vilain regard, ou bien pour n'en auoir iamais  
veuz. Leurs maistres n'ont point d'autres richesses,  
ny autre patrimoine. Ces bestes leur seruent pour  
māger, pour boire, pour se vestir, pour se chauffer,  
& pour faire plusieurs autres choses. Ils font de  
leurs peaux leurs maifōs, leurs fouliers, vestemēs &



cordes : des os ils font des poinçons : des nerfs ils font du fillet : de la corne ils font des trompes : des vessies, ils en font des vases : des bouzes ils font du feu : & des peaux des veaux ils s'en seruēt pour porter, & garder leur eauë dedās, comme on porte par deça l'huylle d'oliue en peaux de cheures : En somme, ils font de ces bestes tout ce dequoy ils ont besoing. Il y a encor' en ce pays autres animaux grāds comme cheuaux, qui portent corne, & laine fine, ils les appellēr chastrez, & disent que chasque corne peze deux arroüë, qui est vn poix d'Espagne, qui font 25. liures, en comptant 16. onces pour liure. On veoid encor' en ce pays de grāds mastins, qui sont si hardis qu'ils combattent contre vn tauureau. Quand les habitās de ce pays vont à la chasse, ou qu'ils changent de demeure, ils font porter à ces mastins pesant deux arroüë.

*Du pain des Indiens.*

*Chap. 215.*

**L**A commune prouision de tous les hommes du monde est le pain, & n'est pas commun pour estre de meilleur entretien, & de meilleure nourriture : mais par ce qu'il nourrist plus, & à cause qu'il est plus facile à auoir, & à garder, combien qu'aucuns soient d'opinion contraire, par ce qu'on veoid des hommes viure seulement de pain, & d'eau. Mais ie dis que c'est aussi vne chose certaine qu'ils viuroient ne mangeans que de la chair, s'ils l'auoient accoustumé, & mesme ne mangeans que des herbes, ou du fruiçt. Car nostre estomach, & nostre nature se contenteroit de peu de chose, si nous voulions ne manger rien que par necessité, & non par friandise : toute viande peut soustenir la

perſonne, meſme le laiët ſeul. On appelle icy proprement pain celuy qui ſe faiët de grain mollar, ou concasë, & puis ſe paiſtriſt, & veut eſtre cuiët : ils appellent auſſi pain celuy, qui ſe faiët de racines, de racleurs d'arbres, & de poiſſons ſecs. En Europe on mange generalement du pain de bled, en quelques endroiëtſ toutesſois ils font leur pain d'eſpeaultre, & de mil, & meſme de chaſtaigne. La plus grand part d'Aſricque mäge du pain de riz, & d'orge, ce qui monſtre clairement que pluſieurs hommes viuent ſans manger bled. Meſme ils n'auoient aucū bled en toutes les Indes, qui eſt vn autre mode: c'eſtoit vne defaillance grande, ſi nous voulons iuger leur naturel au noſtre. Mais ils n'ont aperceü, ny n'aperçoient encor' entr'eux tel defaut, ſe ſuſtentans auſſi bien de leur pain de maiz, comme nous faiſons de noſtre bled. Quäd à leur maiz, i'en d'eſcſiray la façon : Ils beſchent la terre avec des paelles de bois, à faute de beſtes pour labourer leur champs. Ils ſement leur maiz, comme nous faiſons les ſebues : ils le font tremper quelques iours deuant, & en mettent quatre grains pour le moins en chaſque trou : d'vn grain ſort ſeulement vn tuyau, ou canne, & la cāne rapporte deux, ou trois eſpics, & chaſque eſpic rend 100. 200. quelqueſois 400. grains, il ſ'en eſt trouué tel, qui en a rendu 600. La canne croiſt à la hauteur de l'homme, & plus, & eſt groſſe, & iette ſes fueilles comme nos cannes, qui viennent aux maraiz : mais elles ſont plus larges, plus longues, plus verdes, & plus douces. L'eſpic eſt comme vne pomme de pin ſauuage : le grain eſt gros, & n'eſt pas ſi rond que pois, ny ſi long

comme nostre grain, aussi n'est-il pas quarré. Il se meurist en quatre moys, & en aucus pays en trois. Au pays, où le terroir s'arrouse par le moyé des petits ruisseaux, qui y passent, il meurist en vn moys & demy: mais il n'est pas si bon q̃ l'autre. En plusieurs contrees on le seme deux & trois fois l'an, en quelques lieux il rend 300. & 500. pour vn. Les Indiens mangent l'espic cuiët en laiët au lieu de fruiët: ils le mangent encor' apres estre esgrené, crud, cuiët, & rosty, qui est la meilleure façon. Ils mangent aussi le grain sec, & rosty: mais en quelque façon que vous le voudrez prendre, il est dur à mascher, & gaste les genciues, & les dents. Pour le manger en pain, ils font bouillir premierement le grain en eauë, & puis l'essuyët, & font seicher quelque peu, apres ils le broyent, & le paistrissent, & le font cuire sous la cendre, le courrans de fueilles: car ils n'ont point d'autres fours, ou bié le font rostir sur le brasier. Autres ne le font point bouillir, mais le concassent entre deux pierres, comme nous faisons la moustarde, par ce qu'ils n'ont point d'autres moullins. Mais ceste façon est fort penible, à cause q̃ le grain est dur: aussi ce pain apporte vn grád travail cōtinuel: car il faut cuire tous les iours par ce q̃ ce pain ne se garde pas cōme le nre. Il s'endurcist incontinet, & quand il est dur il perd sa saueur: il se moisist en trois iours, & mesme se pourrist. Les femmes ont la charge de le faire. Il gaste fort les dents, & pour ceste cause ils prēnēt grád peine à les tenir nettes. La farine de maiz corrige l'eau corrompue, & luy fait pdre sō mauuais goust, & sa puâte odeur, & pour ceste cause on en porte aujourd'huy sur la



mer. Ce pain est de tres grande substance, & encor dict-on qu'il rassasie plus, & soustient mieux la personne que ne fait nostre pain : car nous auons veu les hommes s'entretenir en bon point ne mangeans que du maiz & de l'axi, mesme les cheuaux ne mangeans que du maiz verd, & trauaillâs iournellement n'amaigrissoient point comme ils font par deça au trauail. On faict encor du breuage avec du maiz, qui est fort ordinaire aux Indes. En somme, le maiz est fort bõne chose, & les Indiens, ainsi que j'ay entendu d'eux, ne le voudroient laisser pour nostre grain : les raisons, qu'ils dient sont grandes, & sont telles, qu'ils sont ja accoustumez à ce pain, & qu'ils s'en trouuēt bien, que le maiz leur fert de pain, & de vin, qu'il multiplie plus que le bled, qu'il ne craint point beaucoup de hasards, qui aduiennent à nostre bled, comme l'eau, le soleil, les oiseaux, & les bestes, qu'il se seme avec moins de trauail. Car vn homme seul en semera, & cueillera plus, que ne fera vn homme & deux bestes de nostre bled. Les Indiens ont encor vne autre sorte de pain qu'ils font avec certaines racines, qu'ils appellent en la lague de l'Isle Espagnolle, Yuca, & Ayes, desquelles nous auons parlé en autre lieu.

*De la couleur des Indiens. Chap. 216.*

**V**Ne des merueilles, desquelles Dieu a vsé en la composition de l'homme, est la couleur, tellement que nous sommes ravis en grande admiration, & en contemplation pareille, voyans deuant nous vn homme blanc, & vn autre noir, qui sont deux couleurs entierement contraires d'entre toutes les autres, comme vn chascū peut veoir sil met

vne chose rouge entre blanc, & noir. Et autant que ces couleurs sont esmerueillables pour leur contrarieté, & difference, d'autant sont elles aussi dignes d'estre exactement considerees l'une apres l'autre pour la difference, qui sort mesme d'une chascune, comme par degrez. Car nous voyons les hommes blancs auoir plusieurs sortes de blâcheur, & rousseaux plusieurs sortes de rouffeur, nous voyôs aussi des noirs de plusieurs façons. Des blâcs, aucuns tirent sur le roux, autres sur le blond: des noirs semblablement, aucuns tirent sur la couleur de cendre, autres sur le brun, autres sont oliuâstres, & autres tirêt sur le poil de lyô, côme nos Indiens, lesquels en general sont lionâstres, ou de couleur de pommes de coings cuites, ou de chastaigne. Ceste couleur leur est naturelle, & nō accidentale, pour estre tousiours nuds, côme plusieurs ont creu: le pēse bien toutesfois q̄ cela y ayde vn peu. Côme dōc les hômes sont en Europe communemēt blancs, & en Africque noirs, ainsi sont-ils en nos Indes communement lionâstres, où ils s'esmerueillent de veoir des hommes blancs, ou noirs autāt, que nous faisons d'en voir de leur couleur, ou de noirs. C'est encor' vne chose grandement remarquable, qu'en Seuille les hommes sont blancs, au cap de Bonne-espérance noirs, & au fleuve de l'Argent chastaigniers, & neantmoins sont tous à mesme distance de l'Equinoxial. De mesme, ceux qui en Afrique, & en Asie, viuēt sous la Zone torride, sont noirs, toutesfois ceux de Mexicque, d'Yucatan, de Quahuremallā, de Nicaragua, de Panama, de S. Dominique, de Paria, du cap de S. Augustin, de Lima, de

Quito, & d'autres villes, & pays du Peru, qui sont sous la mesme Zone, & mesme sous l'Equinoxial, ne sont point noirs. Il s'est trouué seulement certains negres à Careca, quand Vasco Nugnez de Valuoá descouurit la mer de Midy. Suiuant ces considerations aucuns ont opinion que ces couleurs viennent par la composition & nature des hommes, & non à cause du pays. Et toutefois nous sommes tous descenduz d'Adam, & Eue, qui n'auoient point tant de couleurs, ce qui me fait conclure, que nous ne sçauons point la cause, qui a meu Dieu d'ainsi nous diuersifier, & que nous pouuons bien penser seulement, mais non pas exprimer, & demonstrier au doigt la toute-puissance de Dieu, & sa sapience, qui est cachée sous ceste variété de couleurs, desquelles il a voulu peindre l'homme. Il y a encor vne autre chose à noter en ces Indes, c'est qu'on dit, qu'o n'y a point veu de rousseaux, & bié peu de personnes chaulues, qui est vn subiect pour les Philosophes, qui voudrôt rechercher les secrets de nature, & espelucher les nouveautez de ce nouveau monde, & les complexions de l'homme.

*De la liberté des Indiens. Chap. 217.*

**A**V commencement les Roys Catholiques laissoient en liberté tous les Indiens, les soldats toutesfoys, & ceux qui estoient enuoyez pour peupler, se seruoient d'eux, comme d'esclaves, pour labourer, pour traualler aux mines, pour porter la somme, pour suiure les armées, & faire tout ce que la guerre requeroit. Mais l'an 1504. les Caribes furent abandonnez pour esclaves, pour leurs pechez de sodomie, d'idolatrie, & à cause qu'ils ne s'abste-



noient de mager les hōmes. Et combien que ceste permission ne comprint point tous les Indîés, mais seulement les Caribes, apres qu'ils eurent tué des Espagnols à Cumana, & laccagé, & ruiné deux monasteres, qui estoient là, l'un des Iacobins, & l'autte des Cordeliers, ainsi que nous auons escrit en son lieu : si est-ce que par tout on les prenoit pour esclaves, sans aucune peine, ny chastiemēt, par ce que Thomas Ortiz Iacobin, & autres moynes de son ordre, & les Cordeliers aussi conseilloyent la seruitude des Indiens: & pour persuader qu'ils ne meritoient point estre en liberté, il presenta au Conseil des Indes, où pour lors presidoit F. Garzia Loaysa cōfesseur de l'Empereur, vn papier plein de ses raisons, & feit vn lōg discours de la vie de nos Indîés, la subitāce duquel estoit telle: Les habitās de la terre ferme des Indes, magent chair humaine, & sont addōnez au peché de sodomie plus qu'aucune autre nation: ils n'y a iustice aucune entr'eux, ils sont ro<sup>s</sup> nuds, n'ont aucū amour à psonne, sont du tout eshōtez, sont cōme bestes, ignorāts, fots, insensez, ne se souciās de seruer eux mēsmes, ny les autres: ils ne tiēnt cōpte de verité, si ce n'est pour leur profit: ils sont incōstās, ne sçauēt q̄ c'est q̄ cōseil: ils sont ingrats, & aymās toutes nouuelletez : Ils estiment l'yurōgnerie, & pour cest effect sont plusieurs sortes de bruuages avec des herbes, fruiets, racines, & du grain, & s'en yurent de la fumee qu'ils font expres de certaines herbes, qui leur oste toute cognoissāce: ils sōt vrayes bestes brutes pour leurs vices, n'ayās aucune obeissāce, ny courtoisie entr'eux, cōme les ieunes enuers les vieils, les enfans enuers

leurs peres: ils ne sont capables d'aucune doctrine, ny mesme de recevoir aucun chastiment: ils sont traistres, cruels, & vindicatifs, ne pardonnâs iamais, ils sont tresapres ennemys de religion, larrôs, menteurs, de petit ingement, & de peu de chose: ils ne gardent aucune foy, ny n'ont aucun ordre entre eux, les marys ne gardent loyauté à leurs femmes, ny les femmes, à leurs marys: ils sont sorciers, deuineurs, & negromanciens: ils sont couards & timides cōme lieures, salles comme pourceaux: ils mangent poux, areignes, & verds cruds ainsi qu'ils les trouuent: ils n'ont aucune contenāce, ny façon d'homme. Quand on leur veult apprendre ce qui concerne nostre sainte foy, ils disent que c'est pour Espagne, & non pour eux, & qu'ils ne veuillent changer leurs Dieux, & leurs coustumes, à des estrangeres: ils sont sans barbe, & si quelque poil leur vient au menton, ils l'arrachent incontinent: ils n'vsent d'aucune pieté enuers les malades, & encor' qu'ils soient leurs voisins, & parens: ils les abandonent toutesfois à l'heure de la mort, on les porte au haut d'une mōtagne pour les faire mourir là, leur laissant seulement vn peu de pain, & d'eau. Tant plus ils croissent, & tant plus deuiennent-ils meschans: iusques à dix, ou douze ans, ils semblent tels qu'on doïue auoir quelque bonne esperance d'eux: mais croissans plus fort, ils deuiennent comme bestes brutes. En somme, ie dis que Dieu iamais ne crea nation que ceste-cy plus confite en tous vices, sans auoir aucune chose de bō, ou de police, & honnesteté meslee parmy. Qu'un chascun maintenant iuge de quoy pourra seruir vne souche si meschan-

meschante comme nous auons dit, nous auons congneu tout cecy d'eux par experience, spécialement frere Pierre de Cordube nostre pere, de la main duquel est l'escriit que ie vous ay presenté: & nous l'auons practiqué plusieurs fois ensemble, avec plusieurs autres choses que ie rais: voilà le discours de ce Iacobi. Frere Garzia de Loaysa adiousta grande foy à frere Thomas Ortiz, & aux autres moines de son ordre. Pour ceste cause l'Empereur, avec la deliberation de son conseil des Indes, declara que les Indiens seroient esclaués, par vne ordonnance faicte à Madril, l'an mil cinq cens vingt cinq. Depuis les Iacobins changerent d'opinion reprenans en leurs chaires, & escolles, la seruitude des Indiens. Là dessus il fallut l'an mil cinq cens trente vn, informer de nouueau sur telle matiere. F. Roderic Minaye procura grandement la liberté des Indiens, & fit expedier vne bulle du Pape Paul troisieme, par laquelle il declaroit que les Indiens estoient hommes, & non bestes, & partant libres, & non esclaués. Frere Barthelemy de la Case insista fort sur ceste liberté, & lors l'Empereur comanda au docteur Figueroe de s'informer plus à plein des religieux, gens de sçauoir, & des gouuerneurs, qui auoient esté aux Indes, qui pour ceste heure estoient à la cour ce qui leur en sembloit. Par l'opinion de ceux-cy, & par plusieurs autres bonnes raisons, qui meurent les treize (qui feirent les ordonnances des Indes, desquelles nous auons parlé en autre lieu) d'estre de semblable aduis, l'Empereur mit les Indiens en liberté, commandant sous grieues peines qu'aucun n'eust à les tenir esclaués. Depuis ceste ordonnance



c'est tousiours obseruee, & entretenue iusques à aujourd'huy. Ce fut vne loy tres-saincte, & conuenable à vn Empereur tresclement. C'est plus grand gloire à vn Roy d'establi de bonnes loix, que vaincre, & mettre en routte des grandes armées. C'est vne chose iuste que les hommes qui naissent libres, ne soient point esclaués d'autres personnes, mesme quand ils sortent hors de la captiuité du diable, par le saint Baptisme, encores que la seruitude leur aduienne pour la coulpe, & pour la peine de leur peché, selon qu'ont déclaré les saints docteurs Augustin, & Chrysostome, comme certainement ie croy que Dieu n'a enuoyé à ces pauures malheureux ceste seruitude & traual que pour punitiō de leurs meschacetez, Car ie pense que Cam n'a point tant peché contre son pere Noë, que ces Indiens ont offensé Dieu, aussi ie croy qu'ils sont descēdus de luy, & ont esté ses successeurs en la malediction que Dieu luy donna.

*Du conseil des Indes. Chap. 218.*

**Q**Vand les Indes furent trouuees, & la terre ferme commença à se descouurir on cogneut bien incontinent que c'estoit vne affaire de grande importance, encor qu'elle ne fut tant comme elle est du iourd'huy. Les Rois de glorieuse mémoire dom Ferdinand, & dame Isabelle, qui estoient tres-prudens en matiere de gouuerner, tascherent à ne mettre les affaires, & questions, qui venoiēt de ces nouueaux pays, en autres mains que de personnes de bonne conscience, & sur lesquels ils se fioient que bien, & diligemment ils expedieroient tout ce, qui s'offriroit à eux. Mais ceux-cy ne faisoient pas

encores vn parlement. Celuy, qui gouuernoit pour lors toutes les affaires d'Espagne s'appelloit lehan Roderiguez de Fonseca, iceluy commença aussi à entendre sur le faict des Indes; il estoit Doyen de la ville de Seuille, & à la fin fut Euesque de Burgos, & eut esté Archeuesque de Toledé s'il n'eust esté miserable. Ferdinand de Vega seigneur de Grajales & grãd commandeur de Castille, qui manioit tout le Royaume, eut longuement la superintendance des affaires des Indes. Mercure Catinara grand chancelier l'eut aussi, & Monsieur de Nansau qui estoit de la chambre de l'Empereur, & le docteur François de Vargas thresorier general de Castille, & autres grands personnages de lettres, & de sçauoir. Mais pour le maniement de cés affaires les personnes n'estoient point asseurees, & y en auoit tous les iours de nouueaux tel qu'il plaisoit au Roy de nōmer, ou à ceux, qui gouuernoient, & toutesfois il estoit necessaire pour l'importance des affaires, qu'ils fussent asseurez, & residents. Pour ceste cause l'Empereur dō Charles nostre seigneur & Roy, erigea l'an 1524 vn cōseil Roial des Indes pour depescher les causes, graces, & toutes autres affaires qui viēdroiēt de ceste part, avec vn seel, & greffe, suiuant la forme des autres ieges, & Parlemēs, où il y a vn seul. Il feit president de ce cōseil frere Garzia de Loaysa, qui estoit general de l'ordre des Iacobins, & l'auoit pris pour son cōfesseur. Iceluy mourut Cardinal, & Archeuesque de Seuille, grãd inquisiteur commissaire general de la Cruicade, & présidēt des Indes, encor que (quand fut recherché suiuant la coustume obseruee contre tous les Officiers d'Espagne) quelques vns

ne luy voulussent faire quicter ceste charge. Les auditeurs de ce Parlement furent l'Euesque de Canarie, le docteur Bertrand, le docteur Maldonado, & Pierre Martir Milannois. En l'absence du Cardinal qui s'en alla à Rome, on meit en son lieu dom Garzia Manriche comte d'Osorne, president du cōseil des ordres des Cheualiers, & eut ceste charge par l'espace de quatre ans tant que l'autre fut abient. Le secretaire François de Los Couos grand commandeur de Leon eut le secretarial des Indes avec grandissimes proffits. Ce seroit vne chose trop longue de reciter tous les auditeurs, & les personnes, qui ont euz le maniement des affaires des Indes: Je diray seulement qu'ils ont esté personnages singuliers en leurs estats. Apres la mort de Loaysa on feist president dom Louis Hortado de Mendozze Marquis de Mondejar, qui auoit esté Vice-Roy en Grenade, & au Royaume de Nauarre, cheualier tresuertueux, & qui auoit en soy toutes les qualitez requises en vne personne genereuse, c'estoit vn homme prudent, & aduisé en affaire de guerre, & d'estat. Les Auditeurs du iourd'huy sont le docteur Gregoire Lopez, le docteur François Tello de Sádoual, le docteur Hernand Perez Belon, le docteur Gonzalle Perez de Ribadencire, le docteur Garzia de Biruiesque, & le docteur dom Iean Sariment. Le docteur Martin d'Agrede est procureur fiscal: Ce sont tous seigneurs graues, qui veritablement meritent tels offices, & la charge de gouuerner les Indes, aussi sont elles gouuernées par bon iugement & grande prudence. Le secretaire est Iean de Samano cheualier de Saint Iacques, homme prudent



& de faciende. Il y a encor aux Indes plusieurs autres parlemens, & gouverneurs, mais cestuy cy est le supreme, & reçoit les appels de tous les autres es cas, où l'appel est permis. A Saint Dominique y a vn parlement, & en l'Isle du Cuba y a vn gouverneur, ce sont les deux plus grandes Isles, & les principales. Il y a encores vn autre parlement pour toute la nouvelle Espagne à Mexicque, où preside le Vice-Roy d'icelle, nommé Dom Louis de Velasco. La nouvelle Galice à aussi vn autre Parlement de quatre grands preuosts. Les provinces de Guatimala, & de Nicaragua en ont aussi chacune vn, & le nouveau Royaume de Grenade vn autre. Il y en a vn en la ville des Roys, qui est souuerain pour toutes les provinces du Peru, où est auourd'huy Vice-roy dom Antoine Mendozze, qui deuant estoit Viceroy de la nouvelle Espagne. Il y a aussi d'autres gouverneurs en plusieurs lieux, cōme à Boriquen, à Panama, Carthagena, & à Venezuela. Outre ces gouverneurs il y a encores des Adelantados, qui gouvernent comme generaux, comme est Frâçois de Montejo, à Yucatan. Et pour iuges ordinaires, & subalternes y a en chasque ville des preuosts, & des Correcteurs, qui sont mis pour les Vice-roys selon l'estendue de leurs gouvèrnemens. Les Euesques ont aussi iustice en ce qui concerne l'estat Ecclesiastique. Ils sont desja plusieurs. Saint Dominique est Archeuesché, & à pour ses suffragans les Euesques de Cuba, Boriquen, des Hondures, de Panama, Carthagena, & de Sainte Marthe. Mexicque est Archeuesché, & à soubs luy les Euesques de Xalisco, Mechuacan, Guaxaca, Tascala, Guatimala, &

de Nicaragua. La ville des Roys au Peru est aussi Archeuesché, & à pour suffragans les Euesques de Cuzco, Quito, & de Ciarcas. Le Roy d'Espagne est patrô de toutes les Archeueschez, Eueschez, dignitez, benefices des Indes, & ainsi luy seul en porueoit & y presente, de façon qu'il est seigneur absolu des Indes, qui contiennent vn pays si grand comme nous auons declaré, ce qui me faict affermer, & dire en pure verité que le Roy d'Espagne est le plus grand seigneur du monde.

*En dire de Senecque touchant le nouveau monde qui semble  
vne Prophetie. Chap. 219.*

**D**ire ce qui doit aduenir deuant qu'il aduienne, c'est deuiner, & appelle on diuinatiô ce qui aduiêt de faict apres qu'il a este predict. Plusieurs fois ceux, qui disent quelque chose deuinent par coniectures, ou par sciëce, ou par raison naturelle: mais ceux, qui parlent par reuelation, & par l'esprit de Dieu sôt propheres, ausquels i'adiouste foy en tout ce qu'ils ont escrit: mais ie ne croy aucunement aux autres, & aussi n'y faut-il croire pour quelques apparences, semblans, raisons, & demonstrations qu'ils ayêt, encore que ce soit vne chose esmerueillable cômme aucunes fois ils deuinent: mais cômme on dict, qui parle beaucoup, en quelque chose diuine. I'ay faict ce petit discours en consideration de ce qu'à dict le poëte Senecque en sa tragedie de Medée touchant ce nouveau monde, que nous appelons les Indes. Car il me semble que ce descouurement respôd de poinct en poinct à son dire, & que nos Espagnols, & Christofle Colomb l'ont practiqué au vray. Voicy ce que dict Senecque.

*D'icy à long temps nos enfans verront  
Des ans s'approcher, ou veoir ils pourront  
Le grand Ocean ouvrir tout d'un coup  
Ce, qui cachoit son secret à beaucoup.  
Alors la terre abondamment croistra.  
Et de Thyphis nouveau pays naistra.  
Alors Thylé dernière ne sera,  
Et plus le monde ne terminera.*

*D*e l'isle que Platon appelle Atlantide. Chap. 220.

**P**latō en ses Dialogues de Timee, & de Critias recite qu'anciennement il y eut en la mer Atlantique, & Ocean de grands pays, & vne isle nommée Atlantide plus grande qu'Afrique, & Asie, assurant que ces terres estoient véritablement fermes, & de grande estendue, & que les Roys de ceste isle auoient dominé sur la plus grand part d'Afrique, & d'Europe, mais que par vn grand tremblement & par pluyes continuelles ceste isle s'estoit noyée, & que les hommes auoient esté tous engloutiz: & & qu'il n'en estoit resté qu'un grand marécage, où à cause de la bourbe, & fange on ne pouuoit plus nauiguer. Aucuns tiennēt cecy pour fable, plusieurs autres l'estimēt estre vne histoire tresueritable. Proclus mesme, selon que recite Marcilius, le confirme par certaines histoires qu'il allegue des Ethiopiés, cōposées par vn, qu'il nome marcellus. Mais aujour d'huy il ne faut pl<sup>us</sup> disputer, ny douter de ceste isle Atlantide, puisque le descouurement, & la conqueste de nos Indes esclaireissent entierement ce q<sup>ue</sup> Platō a escrit. Les Mexiquains mesme apellēt l'eau Atl, qui est vn mot, qui respond au nom de ceste



isle Atlantide. Ainsi nous pouuons dire que nos Indes sont l'isle, & terre ferme de Platon, & non les Hesperides ny Ofir, ny Tarsis comme aucuns modernes ont voulu interpreter. Car les Hesperides sont les isles du cap Verd, & les Gorgones, d'où Hannon Carthaginois apporta des cinges, encores qu'on en puisse faire quelque doute pour la navigation de 40. iours qu'y mer Solin. L'isle de Cuba, ou de Hayti, ou bien quelques autres isles des Indes peuvent estre celles, qui furent trouuees par les Carthaginois, qui puis après defendirent à leurs citoyens d'y aller, ainsi qu'escriit Aristote, ou Theophraste es merueilles de nature. Quant à Ofir, & Tharsis on ne sçait où ils sont, encore que plusieurs personnages doctes, comme dict Saint Augustin, se soient efforcez de les chercher, & trouuer. Saint Hierosme, qui entendoit fort bien la langue Hebraïque dict en beaucoup de lieux sur les Prophetes que Tharsis veut dire mer, & ainsi quand le Prophete Ionas s'enfuit à Tharsis, il interprete qu'il s'enfuit sur la mer: car elle a plusieurs chemins pour fuir & celuy qui fuit sur icelles ne laisse aucun vestige, ny marque après soy. Ce ne fut point aussi à nos Indes où les armées de Salomon feirent voile: car pour y aller il falloit sortant de la mer rouge tourner les prouës vers Ponent, & non vers Levant comme ils feirent: ioint aussi qu'il n'y a point en ces pais de Licornes, d'Elephans, de diamans, n'y des autres choses qu'ils apportèrent de ceste navigation.

*Le chemin pour aller aux Indes.*

*Chap. 225.*

**P**uisque nous auons remarque la situation des Indes, il est conuenable de descrire le chemin pour y aller, tant pour rendre cet œuure parfait, que pour contéter les lecteurs specialement ceux, qui sont d'estrange pays, & qui en ont bien peu de cognoissance. Ceux donc, qui veullent voyager aux Indes, partent du port de S. Lucar de Barrameda, qui est à l'emboucheure du fleuue de Guadalquivir, à 37. degrez de l'Equinoxial, & en huit, ou douze iours arriuent en vne des Isles de Canaries, qui sont à 27. degrez, & à 1000. mil d'Espagne, comptant iusques à celle de Fer qui est la plus occidentale. De là coustumierement on arriue à l'isle de saint Dominique qui en'est loing 4000. mil, en trente iours. En passant ils touchent, où voient la premiere Isle des Desirees, ou quelque vne des autres, qui sont en grád nombre sous ce parallele. De S. Dominique, qui est l'abord general pour l'aller, on fait 2400. mil pour aller à la nouuelle Espagne, ou 1400. quand on veult aller à Yucatan, & aux Hódures. Ceux, qui vôt au nom de Dieu, n'en font que 1000. ou que 600. pour entrer à sainte Marthe, d'où on prend son chemin pour aller au nouveau Royaume de Granade. Ceux, qui veullent aller à Cubagua, où on pèche les perles, prennent leurs chemin dès l'Isle Desiree à main gauche. Pour tirer au fleuue de Maragnon, où à celuy de l'Argér, ou au destroit de Magellá, qui est 16000. mil loing d'Espagne, ou aux Isles du cap Verd, q. sont à quatorze, & quinze degrez, & à 2000. mil loing du destroit de Gibaltar, préneht vn autre chemin des les Canaries, & recognoissent la terre ferme des Indes

au cap de S. Augustin, ou non loing de là. Selon le cōpte des pillotes il y a depuis le cap Verd iusques à celui de S. Augustin 2000. mil. Si on veult aller au Peru il fault prédre port de S. Dominique au nom de Dieu, & de là aller par terre iusques à Panama, qui est sur l'autre mer à 50. mil seulement, & là il fault prendre vn autre vaisseau, & attēdre le temps commode: car on ne peut pas tousiours flotter sur ceste mer de Midy. Mais quād ce vient au retour il fault que tous, s'ils ne se veullent perdre, viennent surgir au port d'Hauana en l'Isle de Cuba, qui est sous le tropicque de Cancér, & de là tirent vers la Tramontane pour s'aider du vent. Ils ont accoustumé en passant toucher la Vermude, qui est vne Isle deserte, & depeuplee, sans mesme aucuns Satyres, qu'aucuns auoient voulu controuuer. Ceste Isle est à 33. degrez, d'icelle ils passent par les Azores, & en fin retournent en Espagne d'oū ils estoient partis. Quand ils reuiennent il font 1200. mil de chemin, voire aucunes fois 1600. mil plus qu'ils n'auoient fait à aller: ce qu'ils font pour plus grande seurété, & mesme pour vne promptitude plus legiere. Toute ceste nauigation aux Indes tant à l'allee qu'au retour est tres-seure, par ce que la mer est fort ample, & large, combien qu'il y ayt bien peu, qui en reuiennent sans conter des fortunes qui leur sont aduenues. Le plus dangereux passage, qui soit à aller, est le goulfe de las Yegas, qui est entre les Isles de Canaries, & Espagne: pour le retour le canal de Cahama, qui est pres de la Floride, est aussi dāgereux. Aucun hōme s'il n'est Espagnol ne peult passer aux Indes sans la permission du Roy: & tous



les Espagnols, qui y veulent aller, se doiuent faire enregistrer en la maison de la negociation des Indes, qui est en la ville de Seuille, avec to<sup>9</sup> leurs biës, & marchandises, qu'ils veulent transporter, sur peine de les perdre, & mesme au retour doiuent venir en la mesme maison se monstrier, sur la mesme peine quelque temps qu'il face, mais ils desbarquent en quelque port d'Espagne qu'ils veulent.

*La conqueste des Isles de Canarie. Chap. 222.*

**A**Raison que les Isles de Canarie sont au che-  
min, qui est pour aller aux Indes, & qu'il n'y a  
pas long tēps qu'elles sont acquises, il ne sera point  
hors de propos d'escrire, qui est celuy, qui les a sub-  
iuguees. Ces Isles ont tousiours esté fort cogneuës,  
& louees, ainsi qu'il appert par les Autheurs tant  
Grecs, Latins, Afriquains, qu'autres Gentils. Mais  
quant à moy ie ne sçache point qu'elles ayent esté  
aux Chrestiens deuant que d'estre conquises par  
les Espagnols. Dom Pierre Roy d'Aragō quatries-  
me du nom racompte en son histoire, que dom  
Louys, nepueu de Iean de la Zerde, qui s'appelloit  
Prince de la Fortune, par la faueur à ce que ie pēse,  
du Pape Clement 6. François, vint l'an 1344. luy  
demander secours pour conquerir les Isles per-  
duës de Canarie. Peut estre qu'alors les Maior-  
quains y allerent: car les Canariens se vantent de  
les auoir vne fois vaincuz & en auoir faiët vne  
grande boucherie comme ils les estoient venuz  
chercher, & auoir prins en leur armee vne Im-  
age antique, qu'ils ont encor. Les premiers Es-  
pagnols, qui commencerent à les subiuguer fu-  
rent les Seuillians, & Biscains l'an 1393. Ils feirent

ensemble vne armee de mer, en laquelle mesme ils auoient des cheuaux, & feirent voile droict vers ces Isles. Ce fut le troisieme an du regne de dom Henry 3. selon que recite son histoire. Mais on ne sçauoit direaux despens de qui ils y allerent, encor' qu'il semble que ce fust aux leurs. On sçait aussi peu si ce fut par le commandement du Roy, ou de leur propre mouuement. Mais ie sçay pour certain qu'ils chocquerēt avec ceux de l'Isle de Lāzarote, & qu'ils eurent de riche butin, & qu'ils amenèrent en Espagne le Roy, & la Royne de ceste Isle prisonniers, & 170. autres personnes, avec grande quantité de peaux de cheure, de cire, & autres choses riches, & prisees pour ce temps là. Depuis le Roy Henry les donna à certains gentils-hommes pour les conquerir pour eux, retenant seulement la souueraineté, & recognoissance. Entre autres Iean de Ventacourt ou Betancourt gentil-homme François en estoit vn, qui par la supplicatiō de Robin de Bracamont Admiral de France son parent, eut l'an 1417. luy seul toute la côqueste de ces isles avec tiltre de Roy. Pour subiuguer son Royaume il vendit tout son bien qu'il auoit en France, & équippa quelques vaisseaux, & s'en alla aux Canaries menāt avec soy bon nombre d'Espagnols parmi ses François, & pour Euesque de toutes les Isles qu'il subiugueroit il mena vn moyne nommé Mende pour endoctriner, & conuertir, suiuant le commandement du Pape Martin cinquieme, les habitans, qui estoient encore Gentils. Il se feit incontinent maistre des Isles de Lanzarote, de Fortuentura, de Gomere, & de celle de Fer, qui sont

les plus petites. Aucuns disent qu'il print aussi celle de Palme. Mais il fut chassé de la grande Canarie, ou les habitans auoient mis 10000. hommes en armes. Ainsi il se retira à Lanzarote, & y feit bastir vn chasteau de Pierre, ou il faisoit sa demeure, & commença là à peupler, à regner, & gouuerner les autres Isles qu'il auoit subiuguées. Il enuoyoit en France, & en Espagne des Esclaues, de la cire, du cuir, du suif, de l'orseille, du sang de Dragon, des fiques, & autres choses, desquelles il faisoit de grands deniers. Au bruit, qui couroit de la richesse de ces Isles, ou pour acquerir honneur en conquerant l'Isle de Tenerifé, qu'on appelle l'Isle d'Enfer, & la grand Canarie, qui se deffendoit tousiours courageusement, l'Infant de Portugal dom Henry demanda la conqueste d'icelles au Roy de Castille Dom Iean second, qui ne luy voulut donner. Mais son pere le Roy Dom Iean de Portugal l'obtint du Pape, & l'à mil quatre cens vingt cinq, y enuoya Ferdinand de Castro avec vne armee. Les Canariens se defendirent vaillamment: il print tourefois de Maderé, & quelques autres. Les Roys dom Iean, dom Edouard, & l'Infant dom Henry poursuiuirent ceste guerre. Mais en fin il se meut vn different sur ces Isles, qui fut discuté deuant le Pape Eugene 4. Venicien, estant pour lors à Rome pour la sollicitatiō de ce fait le docteur Louis Aluarez de Paz. Le Pape adiugea la conqueste, & la conuersion de ces Isles au Roy de Castille dom Iean 2. l'an mil quatre cens trente-vn. Ainsi la contention, qui estoit entre les Roys de Castille, & de Portugal touchant ces Isles fut terminée. Or



retournant à Iean de Ventacourt, ie dis que quand il mourut il laissa la seigneurie des quatre Isles, que il auoit cōquises, à vn sien parent nommé Menaut. Cestuy-cy continuant le gouuernement de ces isles comme l'auoit commencé Ventacourt, eut quelque desbat, & fascherie avecque l'Euesque frere Mende, qui par despit escriuit au Roy comme les habitans de ces Isles estoient mal affectionnez enuers Menaut pour les mauuais traictemens qu'il leur faisoit, & qu'ils desiroient grandement estre ses subiects, & que mesme ils en monstroient desia quelque chose. Le Roy suiuant les lettres de cest Euesque y enuoya avec trois nauires Pierre barbe des Champs avec charge de se saisir de ces Isles en son nom. Ce Pierre estoit homme riche, cault, & rusé, & qui scauoit cōme il faillloit entretenir Menaut de parolles, & de faict si d'auenture il faillloit venir aux mains. En somme ils s'accorderent ensemble. & Menaut laissa, & vendit ces isles à Pierre Barbe, qui depuis les vendit à Ferdinand Peraza gétil-homme de Seuille. Autres disent que Ventacour les vendit à dom Iean Alphonse Comte de Nieble, qui depuis les chāgea contre quelques petites villes, & bourgades qu'auoit Ferdinand Peraza son seruiteur: Or soit que ce soit, si est-il donc pour le moins certain que Peraza les eut, & qu'il feit guerre pour subinguer les autres Isles, durant lesquelles il perdit son fils vniue Guillaume Peraza en l'Isle de Palme, il s'appelloit Roy de Canarie. Il donna en mariage sa fille aînée damoysele Agnes à Diego de Herera frere du Marechal d'Empudie. Ferdinand Peraza mourant laissa ses

heritiers Diego d'Herrera, & dame Agnes Peraza, qui se faisoient appeller Roys, ce qu'ils ne deuoient pas faire. Ils trauaillerent assez pour conquerir les Isles de Canarie, & Tenerifé & de Palme, mais iamais ne peurent. Ils laisserent cinq enfans Pierre Garzia d'Herrera, Ferdinand Peraza, Sancio d'Herrera, dame Marie d'Ayala mariee en Portugal avec dom Diego de Selue Comte de Portalegre, & vne autre, qui fut mariee avec Pierre Fernandez de Sajaedre fils du Marechal de Zahara. Pour lors le Roy dom Ferdinand, & dame Isabelle nouvellement heritiers du Royaume de Castille estans à Seuille l'an 1478. & ayans entendu que Diego de Herrera ne pouuoit venir à bout des Canariens enuoyerent Iean de Reion, & Pierre d'Algane avec vne armee pour se saisir de la grand Canarie. Ces deux Capitaines allans executer leur charge se prirent de parolles, & Reion tua Pierre d'Algane. Mais la vengeance ne fut pas longue à venir: car incontinent apres Ferdinand Peraza fils de Diego d'Herrera tua Reion, la mort duquel apporta grand dommage à Herrera. Car le Roy Ferdinand poursuiuant ceste guerre eut depuis mauuaise volonté contre Diego de ce qu'il se faisoit appeller Roy sans l'estre. D'autre part Diego esmeut vn proces deuant le Pape contre Ferdinand voulant qu'il laissast ceste conquiste des Canaries, ou bien qu'il en fust chef, disant, qu'elle luy appartenoit, & à sa femme par le don qu'en auoit faict le Roy Dom Iehan à Iehan de Ventacourt, duquel ils estoient successeurs, & qu'il estoit en possession de ceste

conqueste, laquelle iusques à l'heure presente il auoit continuee avec grand frais sans y auoir esparagné le sang de ses freres, parens, & amys. Il y eut sur ce different plusieurs demandes, & responcez proposees de part, & d'autre, & mises par escrit par gens doctes. Mais apres il se feit vn accord, par lequel le Roy donna à Diego d'Herrera 15000. ducats contens pour les despés, & frais par luy faicts, & l'Isle de Gomere, & celle de Fer en tiltre de Comté, à la charge que luy, & sa femme renonceroient à tout le droit qu'ils pretendoient aux autres Isles. Apres que cest accord fut conclud, & arresté entr'eux le Roy Ferdinand enuiron l'an 1480. enuoya en ces Isles Pierre de Vere avec vne armee. Il fut trois ans à subiuguer la grand Canarie, par ce qu'elle se defendoit tousiours vertueusement, & y eust encor' esté d'auantage, & possible n'en eust secuevenir à bout, si Guauarteme Roy naturel de Galdar ne luy eust donné secours pour defaire Doramas, homme de basse condition, mais qui par sa vaillantise, & industrie festoit faict Roy de Telde. Mais l'vn voulant defaire l'autre, se defeat aussi par mesme moyen. Il y eut beaucoup de Canariens renommez pour ceste guerre, entre autres Iean de Gado, qui ainsi fut nommé quand il se feit Chrestien, & vn Mauinigrá, qui fut vaillant par dessus tous. Cestuy estant vne fois reprins par vn autre de ce qu'il auoit peur, par vne subtile responce cacha sa peur, disant la chair veritablement me tremble, mais c'est pour le danger ou le grand courage que j'ay la veult mettre. Avec ces deux-cy on remarque encor' vn nommé Alphonse de Lugo vaillant



lant soldat, & capitaine. Pierre de Vere conqueſta puis apres l'ifle de Palme, & Tenerifé, de laquelle il fut Adelâtado, l'an 1494. Depuis ces Iſles de Canarie ont touſiours eſté poſſedees paiſiblement par les Roys de Caſtille, auxquels le Pape Innocent 8. donna la preſentation del'Eſueſché, benefices, & dignitez, qui ſont en icelles l'an 1486.

*Coſtumes des Canariens.* Chap. 223.

**L**es iſles de Canarie ſont ſept, c'eſt aſçauoir, Lâzarote, Forteuentura, Canarie, Tenerifé, Gomere, Palme, & Fer. Elles ſont à la fille l'vne apres l'autre de Leuant en Ponent, ſituees à 27. degrez & demy de l'Equinoxial, & ſont 60. mil loing du cap de Boiador, qui eſt en Afrique, & 800. mil d'Eſpagne ne comprât que iuſques à Lanzarote, qui eſt la premiere de toutes. Les anciens autheurs les ont nommees Fortunees, & heureuſes, les eſtimans treſſaines, & ſi abondantes de toutes choſes neceſſaires à la vie humaine, que les hômes viuoient en icelles longuement ſans trauailler aucunement, ny de corps ny d'eſprit. Solin touteſois, quand il en parle, il diminue fort le bruit de leur bonté & fertilité, & ſon dire conuient mieux à ce qu'on y voit pour le preſent. Outre ces ſept iſles ils recitent qu'il en fut veü encor vne quelque temps vers la partie de Septentrion, qui doiſt eſtre celle que Ptolomee appelle inacceſſible. Pluſieurs l'ont recherchee avec grand ſoing & diligence faiſans voguer ſur mer en cet endroit quatre carauelles routes de front, & aucunesfois ſept, mais iamais perſonne ne l'a peu rencontrer, & ne ſçait-on ce qu'ils veulent dire. L'ifle de Canarie eſt ronde, & la meilleure

5. LIVRE DE L'HIST.

de toutes. A l'endroit, où elle est fertile, elle l'est au possible, & ou elle est sterile, elle l'est aussi entièrement: & encor ce, qui est bon, est petit, & bié trempé, & arrousé d'eaux. Pierre de Vere n'y trouua point les chiés que disoit le Roy Iuba, encor qu'on die qu'elle ait prins son nom de là. Aucuns pensent qu'on l'ait appelée Canarie, & les habitans Canariens par ce qu'ils mangeoient cōme chiens, beaucoup, & tout crud. Car vn Canarié mâgeoit vingt connils en vn repas, ou vn grand bouc, qui est d'auantage. Tenerifé qui doit estre la Niuarria des Anciens, est faicte en triangle, c'est la plus grande, & la mieux fournie de grain. Il y a en icelle vne montagne, qu'on appelle le Pico de Teyda, qui est la chose la plus haulte de quoy ayent cognoissance tous les mariniers. Ceste montagne est verde au pied, & au milieu est tousiours couuerte de neige, & la cime est toute rase, & iettant des fumees. L'Isle de Fer est la Pluitiua selon l'opinion de plusieurs. En icelle il n'y a, ny n'y tombe autre eau que celle, qui distille d'un arbre quand il est couuert d'une nuee, & est ainsi couuert tous les matins, qui est vne chose fort estrange, & vn secret de nature tref-admirable. Tous les habitans de ces Isles n'auoient point d'autres maisons que des grottes, & des ramees. La grotte du Roy de Galdat estoit taillee dedans vne roche viue, & estoit toute lambrissée d'aiz de pin, qui est vn bois fort bon, & de longue duree. Ils se tenoient nuds, ou s'ils se vestoient, ce n'estoit que avec deux peaux de cheure velues. Ils s'oinignoient la peau avec du suif pour l'endurcir, messans le suif avec du ius de certaines herbes. Ils ne mangeoient

que de l'orge à faute d'autre grain. Ils mangeoient la chair crue à faulte de feu, ainsi qu'eux-mesmes confessoient : Mais ie ne croy point qu'ils en eussent faite estant vne chose si necessaire, & si vile pour la vie de l'homme, & si facile à auoir & garder. Ils n'auoient point aussi de fer, qui estoit encor vn autre grand default, & pour labourer leurs terres ils vsoient de cornes au lieu de fer. Chasque isle auoit son langage particulier, & l'une n'entendoit point l'autre. Ils estoient courageux en la guerre, & pensifs, mais en temps de paix ils estoient tout dissoluz. Ils vsoient d'arbalestres de bois, de dards, & iauelots, qui auoient vne corne au lieu de fer. Ils iettoient vne pierre avec la main aussi seurement, & aussi droit, qu'on scauroit tirer d'un trait avec vne arbalestre. Ils ne faisoient gueres leurs escarmouches que de nuict pour tromper leurs ennemis. Ils se peindoient de diuerses couleurs quand ils alloient à la guerre, ou à la feste. Ils se marioient avec plusieurs femmes, & les seigneurs, & Capitaines tant pour honneur que par tyrannie, qu'ils auoient vsurpee, despuceloient premierement la fiancee. Ils adoroient des idoles, & chacun adoroit ce qu'il vouloit. Le Diable pour estre pere d'idolatrie, s'adrescoit souuentefois à eux. Aucuns se precipitoient du hault d'une montagne nommee Ayatirma iusques en bas, & se faisoient mourir au choïs du seigneur avec grande pompe & solennité, & avec grande affluence du peuple, pensans par cela acquerir vn honneur pour soy, & consacrer ses biens aux siens. Ils baignoient les corps morts dedans la mer, & puis les ayans faict secher à



l'ombre, les lioient de petites bandes estroites faites de peau de lieure, & par ce moyen s'endurcissent, & duroient ainsi longuement sans se corrompre. Le m'esmerueille de ce qu'estans si pres des Africains, ils estoient neantmoins differents de coustumes, d'habillemens, de couleur, & de religion. Quant au langage ie ne sçay s'ils en estoient differens, pour le moins ces mots Gomere, Telde, & autres semblables sont du royaume de Fez, & de Benamarin. Quant à ce qu'ils n'auoient point de feu, ny de fer, ny lettres, ny aucunes bestes pour porter la somme, cela monstre bien qu'aucuns Chrestiens ne les estoient allez veoir deuât Ventacourt, & noz Espagnols. Depuis qu'ils ont esté annexez au royaume d'Espagne, ils ont esté Chrestiens, & se sont vestuz à l'Espagnole. Ils viennent en cause d'appel plaider en Espagne: Ils ont plus grande abondance de succe qu'ils n'auoient au parauât, ce qui a enrichy grandement leur pays entre autres choses qu'ils ont depuis eues. Ils ont des poires, qui profitent si fort en l'Isle de Palme que chacune pèse de seize à 30. onces. Il y a deux choses, qui par le monde anoblissent ces Isles, les oiseaux nommez Canariens tant estimez pour leur doux, & plaisant chant, qui ne se trouuent en aucun autre pays: l'autre est le bal Canarien si gentil, & si artificiel.

*Louange des Espagnols.*

*Chap. 224.*

**N**Oz Espagnols ont descouuert, cheminé, conuert, & conquis en 60. ans tout ce pays, & nouveau monde que j'ay descrit. Iamais Roy, ny nation aucune n'en subiugua tant en si peu de temps: aussi n'y a il peuple, qui merite tant de louange par

tout le monde comme font noz Espagnols, soit pour les armes, soit pour la nauigation, soit pour la predication du saint Euangile, & pour la conuersion des Idolatres. Benoist & loué soit Dieu, qui leur a donné tant de puissance, & tant de grace. C'est vne tresgrande louange, & vne gloire comparable à noz Roys, & à noz Espagnols d'auoir imprimé au cœur des Indiens nostre croyance, & les auoir fait adorer, & croire vn seul Dieu, vne foy, & vn baptesme, de leur auoir osté l'idolatrie, les sacrifices humains, la sodomie, la coustume de manger chair humaine, & autres grands & enormes pechez que nostre Dieu tout puissant a en horreur, & lesquels il chastie. Ils leur ont encore osté la multitude de femmes, qui est vne vieille vsance & delictation entre les hommes charnels. Ils leurs ont monstré les lettres, qui est vne chose si necessaire aux homes que sans icelles ils sont comme vrayes bestes. Ils leurs ont semblablement, enseigné plusieurs bonnes coustumes, arts, & police pour passer plus honestement, & plus à l'aise ceste vie: lesquelles choses, mesme l'une d'icelles, vault sans point de doute beaucoup plus que leurs plumes, perles, or, & argent que noz gens leurs ont osté, mesmemēt à cause qu'ils ne se seruoient point de ces metaux en aucune monnoye, qui est leur propre vsage, il est bien vray que c'eust esté encor mieux fait, de ne leur auoir rien osté de leurs biens, & de se contenter de celuy qu'on a depuis tiré des mines, & du creux de leurs sepultures, & de dedās les fleuves, qui mōte à plus de soixante millions d'or, sans les perles & esmeraudes qu'on a tiré de la mer, & de terre,

laquelle somme est sans comparaison plus grande beaucoup que celle qu'on a prise sur eux. Mais le plus grand mal qu'on leur a fait c'est de les auoir fait trop traualler aux mines & à la pesche des perles, & à porter les sommes. Et là dessus i'ose bien dire, que tous ceux, quelque couleur qu'ils ayent, qui ont fait mourir les Indiens par vn tel traual, qui ont esté plusieurs, & quasi tous, ont finy malheureusement. Mais quant au reste il me semble que Dieu a voulu par tel moyen chastier leurs pechez enormes: & en faisant fin à cet œuvre nous le prions qu'il nous vueille donner la grace de finir nostre vie en son saint seruice.

*Fin de l'histoire generale des Indes.*



TABLE DES PRINCIPAUX  
NOMS, SURNOMS, ET CHOSES  
plus remarquables, contenues en  
cette histoire generale  
des Indes.

a signifie la premiere page, b la seconde.

A

vir.

217.b



Age des Indes

137.b

Abenamaquey

Cacique. 87 a

Abibeiba fleuve. 86.b

Abibeiba cacique. 87.a

Abraibe cacique. 87.a

Abrigo pointe. 138.b

Acuzamil isle. 66.b.70.b

Aethiopie dicte Indie. 25.b

Afrique cedee au Portugais

par l'Espagnol. 161.b

Acuco fort. 338.b

Aqueibana Cacique. 55.b

Almagro comence la guerre

contre Pizarre. 207.b

Almagro fait prisonnier

Alphonse d'Aluarado. 212.a

Almagro et Pizarre se voient

ensemble. 213.a

Almagro ne veut aucun ac-

cord. 212.213.a

Almagro condamné à mou-

Almagro fils de prestre.

219.a

Almagro s'accorde avec Pi-

zarre.

214.b

Almagro perd la bataille  
des Salines, & est prins.

217.b

Almagro & Pizarre enne-

mis cōme deuant. 215.a.b

Almagro comence à se plain-

dre de Pizarre. 174.b

Almagro & Ferdinand Pi-

zarre se font ennemis

mortels.

174.a

Almagro entreprend contre

Pizarre.

204.a

Almagro enuoyé cōtre Pier-

re d'Aluarado. 200.b

Almagro va au pays de Chi-

li.

205.a.b

Almansor Roy de Tidore.

153.b

Alphonse de Quintauil le

R iij

grand Tresorier. 21.a	Alphonse de Hoieda Capitaine. 106.a
Alphonse d'Aluarado hors de prison. 213.b	Alphonse de Hoieda. 73.b
Alphonse de Medoz & capitaine renommé. 270.a	Alvaro Nugnez Cabeza capitaine. 137.a
Alphonse d'Ogeda Capitaine. 24.a	Amazones. 220.a
Alphonse Roy de Portugal. 161.b	Amazones faulses. 134.b
Alphonse Roy de Portugal entreprend le descouurement des espices. 166.a.b	Ambroise d'Alfinger capitaine Alemand. 112.b
Alphonse d'Aluarado defait les Indiens rebelles. 214.b	Americ Vespuce pilote. 164.a
Alphonse de Hoieda capitaine. 107.a.b	Americ Vespuce. 136.a
Alphonse de Lugo gouverneur de s. Marthe. 107.a	Americ Vespuce Florentin. 135.b
Alphonse de Hoieda de despi se rend Cordelier. 79.b	Andes montagnes. 208.b
Alphonse de Hoieda capitaine. 77.b	André de Cerezede. 73.a
Alphonse de Castille faisant miracles. 61.a	Anté, ville. 59.a
Alphonse de Mendoz & abandonne Gonzalle. 285.a	Antequas. 8.a
Alphonse d'Aluarado s'oppose à Diego d'Almagro. 228.b	Antipodes. 7.a. 8.b
Alphonse Maso premier Euesque de Boriquen. 56.b	Antipodes des vns, & des autres. 7.8.a
	Antique ville mal saine & depuelee. 81.b. 100.b
	Anroine de Mendoz & enuoie descouvrir les espieries. 164.a
	Antoine de la Garma Syndic de la Castille de Lor. 100.b
	s. Antoine, port. 65.b
	Aplacen ville. 82.a
	Aragnees des Indes. 124.b

T A B L E.

- Aranata* beste de chasse. 123.a  
*Arbre* merueilleusement gros 86.87.a  
*Archeuesque* premier des Indes. 46.a  
*Areca* fruit qui fait les dëss & la bouche rouges. 150.b  
*Arctos* chansons. 39.a  
*Argent*, port en Espagnol. 29.b  
*Argent* fleuve. 136.a  
*Armes* de l'Empereur aux Moluques. 162.163.a  
*Armes* des Indiens. 311.a  
*Armee* de dō Diego. 228.a  
*Armes* des Indiens. 103.b  
*Armes* des Indiens. 70.a  
*Armes* des Indiens. 38.39.a  
*Armes* des Indiens. 113.  
*Atlantide* isle. 348.a  
*Atomes*. 1.a  
*Attabalipa* cōdemnë à mourir. 189.190.  
*Attabalipa* fait tuer son frere Guascar. 185.b  
*Attabalipa* Roy du Peru fait guerre contre son frere. 167.178.a  
*Attabalipa* promet vne rancon inestimable. 43.b  
*Attabalipa* Roy du Peru ri-
- che & puissant prins par Piçarre. 197.a  
*S. Augustin*, cap. 135.a  
*S. Augustin*, cap. 132.b  
*Anaia* fleuve. 99.a  
*Austruches* vistes à la cour-  
 se. 206.a  
*Axies* herbe. 24.a.108.a
- B
- Bacaleos* pays. 49.a  
*Barbosa* capitaine esleu apres la mort de Magellan. 148.b  
*Bartelemy* de la case prestre Docteur & Capitaine des Paysans qui allerent aux Indes. 119.a  
*Bartelemy* de la Case se rend moyne. 120.a  
*Bartelemy* Colomb. 22.a  
*Barucoa*, port. 22.b  
*Basse* cap. 13.138.b  
*Bataille* des Salines entre Ferdinand Piçarre & Ordognez lieutenant de Almagro. 216.217.a  
*Bataille* entre Centeno, & Gonzalle. 287.a  
*Bataille* de Ciupas entre Vacca de Castro, & dom Diego d'Almagro. 232.b



- Bataille de Quito entre Blas-  
co & Gonzalle. 269.b  
Bataille de Xaquisaguana.  
293.a  
Batares, racines. 24.a  
Baulme des Indes. 47.b  
Baulmes. 135.a  
Beatrice de la Cueva femme  
de Pierre d'Alvarado  
noyée par un deluge.  
334.a  
Bethecio Cacique. 35.a  
Belxeres marchans riches.  
113.a  
Bernardin de Talavera. 79.a  
Beste es Indes iectant des ser-  
pens avec son excrement.  
123.b  
Beste sauvage cruelle. 123.b  
Betancourt subingue les Ca-  
naries. 350.b  
Bintadel idole. 36.b  
Bise fruit. 39.a  
Blasco redresse la guerre cõ-  
tre Gonzalle. 246.b  
Blasco enuoyé hors le Peru.  
256.a  
Blasco baillé en garde à Ican  
Alvarez. 256.a  
Blasco se met en armes con-  
tre Gonzalle. 146.b  
Blasco arreste prisonier Pac-  
ca de Castro. 243.a  
Blasco fuit de Tombez.  
261.a  
Blasco tue Guillaume Xua-  
rez de Caruaial. 249.a  
Blasco iniurié d'un chacun.  
253.a.b  
Blasco comme il fut embar-  
qué pour aller en Espa-  
gne. 254.a  
Blasco amasse son armee à  
Quito. 261.b  
Blasco chassé hors le Peru.  
267.a  
Blasco Nugnez Vela en-  
uoyé au Peru Viceroy pour  
executer les ordonnances.  
240.a.b  
Blasco prisonnier. 249.b  
Blasco s'enfuit de deuât Gõ-  
zable. 265.b  
Blasco tué en vne bataille.  
274.b  
Blasco brouille le Peru. 240.  
241.a  
Blasco mis en liberté par Ica  
Alvarez. 260.b  
Blasco fait serment d'ac-  
quiescer à l'appel de ceux  
du Peru sur les ordonnan-  
ces. 243.244.a  
Bogota Cacique. 110.

T A B L E.

Bobiti prrstre du Diable.	37.a	Canocotto idole.	36.b
Bombon pays.	138.b	Canfre gomme.	152.b
Bon signe, isle.	146.a	Capa beste de chasse.	125.a
Bordeaux d'hommes.	103.a	Cap des femmes.	68.b
Bordeaux d'enfant.	63.a	Cap de labeur.	49.a
Boriquen isle.	55.a	Capara ville.	55.b
Borney isle.	150.a.152.b	Caribana pays.	78.b
Bouadilla gouverneur en l'Espagnole.	42.a	Caraimairi port.	80.b
Bracamorie pays.	220.b	Caribes belliqueux et cruels.	109.a.74.a
Bresil pays.	160.b	Carette Cacique.	84.a
Bruuages des Indiens.	311.a.b	Caribes, Indiens, qui mangent les hommes.	30.a
Bruuoge de Palmier.	149.b	Caribes declarez serfs.	77.b
Bueil Catalan moine enuoie premier pour prescher aux Indes.	29.a	Caribes surmontez par Heredia.	106.b
Bulaya, fort.	147.b	Carpintero oiseau.	102.a
Buquebucac Cacique.	94.a	Carthagena pays.	73.b.78.a.105.b
C		Carola Roy.	154.a
CAcaos.	331.a	Cartier françois.	49.b
Calennado, isle.	150.a	Casse des Indes fort excellente.	47.a.87.b
Calicucima Capitaine Indien.	188.a	CasameX pays.	172.b
Caliz ville.	120.b	Castille de Lor pays.	97.a
CampeXe, ville.	69.b.71.a	Caxamalca pays & ville.	179.a
Canaries isles et leur descriptions.	350.a	Caxinas port.	72.b
Candiga isle.	163.b	Caxoncincacique.	335.b
Canelle pays.	155.a	Cedres aux Indes.	145.b

T A B L E.

Centeno rompu par Gonzalle.	187.a	Zalle	259.b
Centeno rompu par François Caruaial.	270.a	Cepeda blessé en la bataille donnee contre Centeno.	288.b
Centeno tue en trahison Al-mãdras Capitaine de Gonzalle.	269.b	Cepeda fait embarquer Blasco pour aller en Espagne.	254.255.a
Centeno reprend Cusco sur Gonzalle.	285.a	Cepeda riche en reuenu de cent cinquante mille ducats.	295.a
Centeno s'arme contre Gonzalle Pizarre.	270.a	Cepeda amasse vne armee.	256.a
Centeno sauué au camp de Lagasca.	291.a	Cepeda en la bataille de Quito pour Pizarre.	273.274.a
Centeno prend la ville de l'Argent.	270.a	Cepeda reçoit Gonzalle pour gouverneur du Peru.	264.265.
Centiliquipac pays.	335.b	Cepeda enuoyé avec Blasco au Peru.	240.a
Cenusucia pays.	111.a	Cepeda mande à Gonzalle Pizarre de rompre son armee.	256.a.b
Cepeda & les autres Auditeurs se bandent contre Blasco.	250.b	Cepeda lieutenant de Gonzalle.	281.b
Cepeda assiégé en la ville des Roys par Gonzalle.	264.b	Cepeda fait prendre les vaisseaux de Zurbanã.	255.a
Cepeda & les autres Auditeurs departent entre eux les charges du Peru.	252.b	Cepeda tient prisonnier Blasco.	252.a
Cepeda conseille Gonzalle de s'accorder avec Lagasca.	289.a	Cerba herbe.	323.b
Cepeda abandonne Gonzalle.	295.b	Ceremonies des Chicorays.	53.a
Cepeda d'accord avec Gonzalle.			



T A B L E.

Ceremonies des Indiens.	Ciarcas ville.	205.b
37.a.b	Cicnic ville.	338.b
Ceremal.	Ciel en cinq Zones.	34.a
68.a	Cilapulapo Roy de Mausan.	
Ceru Cacique.	147.b	
314.a	Cimaco, cacique.	81.b
Chaleur grande.	Cinca a vne fontaine qui cõ- uertit la pierre en cail- loux.	308.b
130.b	Cinges infinis.	100.a
Chansons des Indiens.	Cimitao pays.	106.b
38. a	Cimbubon isle.	153.a
Chats sauvages des Indes.	Cipango, isle estimee riche.	
102.a. 123.b	21.a. 25.b	
Chauue-souris dangereuse.	Cira fleuve.	179.a
124.a	Circuit du monde.	9.b
Chauue-souris veneneuse.	Ciribici port.	117.b
102.a	Cloux de girofle.	155.a
Chemins du Peru magnifi- ques.	Coaché ville.	176.a
310.b	Coänabo, cacique.	34.a.
Chemin pour aller aux In- des.	Coca ville.	222.b
348. 349.a	Coco fruit merueilleux.	
Chiens en combat.	149.b.	
90.b	Cocodrilles.	102.a
Chien receuant paye.	Codego isle.	105.a
56.a	Cohoba herbe propre pour les deuins.	37.a
Chicorans & leurs constu- mes.	Cohol isle.	150.a
53.a	Colao pays.	191.a. 207.a.
Chili pays.	220.b	
205.a	Colima ville.	330.a
Christophle de Bonadilla.	Colomb Geneuois.	19.a.b.
33.a		
Christophle Colomb prison- nier.		
33.b		
Christophle de Pegna.		
77.a		
Ciagrè, fleuve.		
74.a		
Ciametlan pays.		
335.b		
Ciamolla pays.		
335.b		
Ciampoton ville,		
69.b		
Ciampoton, port.		
66.a		
Cape Cacique.		
90 a		

# T A B L E.

se marie en Portugal.	Comptes des Indiens.
au mes. ignorant. au	311.a
mesm. pauvre. 20. a.	Conception ville. 335.b
sollicite les Roys, &	Concinquiens peuple.
Princes au mes. a re-	220.b
refuge à Pinzon pi-	Conclusion des choses du
lote. 20. b. receu par	Peru. 311.a
le Roy de Castille.	Couleur des Indiens.
21. a. presente au Roy	342. 343. a
des nouveautez des	Coniuration d'Indiens
Indes. 24. a. grand	contre les Espagnols.
Admiral. 25. b.	87. b
va pour la seconde	Connils aux Indes de
fois aux Indes. 29. a.	trois sortes. 46. a
pour la troisieme.	Conseil des Indiens.
31. a	245. b
Colomb Astrologique.	Conzota pays. 111. a
34. a.	Copei arbre. 152. b
Colomb descouvre les	Coq Isle. 172. b
perles. 114. a	Coqs d'Indes. 102. a
Colomb en disgrace du	Coquera Cacique.
Roy. 115. b	21. a
Colomb meurt. 34. b	Coquille d'où est sortie la
Comagre Cacique.	mer. 37. a
84. b	Coral isle. 164. a
Compostelle ville.	Coral blanc aux Indes.
335. b	146. a

# T A B L E.

Corbeaux des Indes.	Croix de saint André
124.a	entre les Indiens.
Cordeliers massacrez par	128.a
les Indiens.	117.b
Corizo Cacique enuoyé	Cuba isle.
vers les Espagnols.	66.b
94.b	Cubagua isle.
Corquin fort.	33.a. 114.
Cortes Reales isles.	a.b. 120.a.b
48.b	Culhuacan, pays.
Cortes.	335.
66.b	336.a
Cotohé, cap.	Cumaco ville.
69.a	222.a
Couleur des Indes.	Cumana reconquise.
36.a	120.a.b
Costume d'Espagne.	Cumana pays.
25.a	112.b.
Couil ville.	117.a
71.a	Cumana Cacique.
Couleur des Indiens.	114.b
342.b	Curiana pays.
Costumes de Cumana.	112.b.
121.a	116.b
Costumes des Indiens	Cuixco pays.
Orientaux pour con-	335.b
fermer une paix.	Cuzco ville.
150.a.b	195.b
Coyua pays.	Cuzco assiegee par les
313.b	Indiens.
Croix de Colomb en esti-	207.a.b
me.	Cuzco assiegee par Al-
45.a	magro & prinse.
30.a	208. 209.a
S <sup>r</sup> Croix isle.	Cuzco reprins par Gon-
	zalle.
	289.b
	Cuzco soppose aux Al-
	magristes.
	229.a



**D** Abaida Cacique. 86.a  
Dances des Indiens.  
126.b

Darien pays. 76.a.77.a

Datha Cacique Geant. 53.a

Deffaite d'Espagnols. 82.a

Degré que vault. 9.a.b

Deluge aduenü à Quahu-  
temahan. 333.b

Desconuement de la mer de  
Midy. 88.a.b

Desiré, port. 64.b

Desiree, isle. 29.b

Desolation des Indiens. 43.  
a.b

Destroict de Magellan. 141.  
b.145.a

Deuineurs Indiens. 36.37.a

Diable se monstre aux In-  
diens. 71.72.a

Diable reueré des Indiens.  
104.a.b

le Diable se mue en diuerses  
especes. 36.a

Dianco & François de Por-  
rus. 34.a

Diego d'Almagro s'appreste  
à la guerre contre Vacca  
de Castro. 231.b

Diego d'Almagro prins des

siens mesme & puis de-  
capité. 236.b

Diego d'Almagro se fait ap-  
peller gouuerneur & roy  
du Peru. 227.b

Diego d'Almagro vaincu  
par Vacca de Castro.  
236.b

Diego d'Almagro, Francois  
Pizarre & Hernād Lu-  
che s'associent pour des-  
couvrir le Peru. 170.a.b

Diego d'Almagro en dan-  
ger d'estre tué par trahi-  
son. 232.a

Diego d'Almagro bastard.  
219.b

Diego d'Almagro veult vë-  
ger la mort de son pere  
Almagro. 224.a.b

Diego d'Almagro. 219.a

Dom Diego d'Almagro pre-  
mier qui se soit remué au  
Peru contre le Roy d'E-  
spagne. 236.237.a

Diego d'Albitez. 73.a

Diego Cacique. 119.a

Diego de Niquesa capitaine.  
78.a

Diego de Niquesa gouuer-  
neur de Veragua. 111.b

Diego Colöb Admiral. 111.a

Dom

T A B L E.

Dom Diego Colomb gou-  
uerneur des Indes. 43.a

Diego Velasquez gouver-  
neur de Cuba. 65.b

Diego Pizarre capitaine.  
209.b

Diego d'Ordas gouverneur  
de Maragnon. 135.b

Diego de Salazar redouté  
des Indiens. 56.a

Diego d'Ocampo s'enterre  
vif. 76.77.a

Dieu des Indiens. 36.b

Different entre le Roy d'Es-  
pagne & celui de Por-  
tugal touchant l'espicerie

& isle de Moluques.  
157.158.a

Diriagen Cacique. 321.a.b

Dissention entre Valua &  
Pedrarias. 99.b

Dissention entre les Espa-  
gnols. 33.34.a.b

Diuision entre les Espagnols.  
82.a

Donation faite par le Pape  
au Roy de Castille tou-  
chant les Indes. 26.a.b

S. Dominique, ville. 31.a  
35.b.46.a

Dorables Indiens. 111.112.a

Du fiancelin Cacique. 59.a

E

E lement de la terre. 7.b

Emanuel Roy de Por-  
tugal. 168.a

Encen aux Indes. 135.a

Enfans ne sont heritiers de  
leurs peres. 111.a

Enciso docteur & capitaine  
80.b.104.b

Enciso fait prisonnier par  
Valua. 83.84.a

Enciso preuost de Hoieda.  
75.b

Enotes peuples. 113.a

Epilquantit idole. 36.b

Eschine bois propre à guarir  
la verole. 40.a

Escorce noire herbe singulie-  
re contre la poison. 109.b

Esguille marine. 10.a

Esmeraudes trouuees en grã  
de quantite. 111.a

Esmeraudes nompareilles.  
135.a

Espagnole isle. 35.b

Espagnols deffaits par les  
Indiens en plusieurs en-  
droits. 209.b

Espagnols deffaits. 119.a  
314.b

Espagnols deffaits. 117.118.a

Z

Espagnols. 800. en guerre.	tre Magellan.	145.a
22.a	Espagnols massacz par	
Espagnols comme ont trouué	trahison.	148.b
les Indes.	Espicerie adiugee au Roy	
47.b	d'Espagne.	160.a
Espagnols deffaiets à la Flo-	Espiceries.	155.a
ride.	57.a.b	
Espagnols battus.	69.70.a	
Espagnols riches au Peru	Espicerie entre les mains de	
par la prinse du Roy.	qui elle a esté.	168.a.b
189.	Espicerie engagée au Roy de	
a.b	Portugal.	165.b
Espagnols en neceſſité vou-	Espicerie anciennement estoit	
lant deſcouvrir le Peru.	entre les mains des Espa-	
172.173.a	gnols.	168.a.b
Espagnols deffaiets à Pa-	Esposée depucelee par vn	
nucó.	autre que par son espoux.	
63.a	67.a	
Espagnols deffaiets en la co-	Estiène Gomez pilote.	49.b
ſte des Palmes.	62.a	
Espagnols eſtimez immor-	Estoile pour vn monde.	5.b
tels.	56.a	
Espagnol mägé par ſes com-	Euesques au camp de Laga-	
pagnons.	sca.	297.a
76.b	Euesque premier aux Indes.	
Espagnols deffaiets aux Mo-	44.b	
luques par les Portugais.	Euesche des Indes.	347.
163.a	a.b	
Espagnols vont ſeuls aux	Eude isle.	156.b
Indes.	113.a	
Espagnols ne veulent gou-	EZailan pays.	332.a
ſter des trauaulx de Ma-		
gellan.		
144.b		
Espagnols entre les mains		
des Portugais.		
164.a.b		
Espagnols en diſſention con-		

## F

Famine grande entre les	
Espagnols.	76.a
Femmes vont à la guerre.	
103.a	



T A B L E.

Femmes belles aux Lucaies.	ge tout.	261.b
50.b	Fernand Bacicao tué	289.b
Ferdinand Pizarre retour-	Fernandine isle.	66.b
né au Peru sollicite des	Fins du monde.	9.a
deniers pour l'Empereur.	Fleciado port.	115.a
206.a	Fleuve courant le iour &	
Ferdinand Pizarre prins à	congelé la nuit.	205.b
Cuzco par Almagro.	Floride cimetiere des Espa-	
208.209.a	gnols.	57.a
Ferdinand Pizarre.	Floride descouuete.	56.b
174.a	Fonseca Baye.	318.b
Ferdinand Pizarre prison-	Fontaine Admiral.	121.a
nier en Espagne.	Fortune de Niquesa.	74.a.
Ferdinand Pizarre deliuré	83.a	
par accord.	S. Roy Monastere.	117.b
214.b	Francois Caruaial pille les	
Ferdinand Pizarre victo-	viles de Ciarcas, de l'Ar-	
rieux en la bataille des Sa-	gent et d'Arequipa.	272.a
lines.	Forte isle.	78.b
217.a.b	Francois de Caruaial persua-	
Ferdinand Pizarre poursuit	de Gonçalle se faire Roy.	
Almagro.	272.a	
215.216.a	Francois de Caruaial se loue	
Ferdinand Cortes.63.a.66.b	de sa cruauté.	289.a.b
Ferdinand Cortes enuoye	Francois de Caruaial cruel.	
chercher les Moluques.	270.a.b	
163.b	Francois de Caruaial estran-	
Ferdinand Cortes capitaine.	gle Diego de Gumiel.	
329 a.331.b	260.a	
Ferdinand de Sotte gouver-	François de Caruaial entre en	
neur de la Floride.	la ville des Roys & esträ-	
57.a	gle 3.Espagnols.	263.b
Ferdinand Magellan capi-		
taine & pilote.		
139.b		
Ferdinand Bacicao capitaine		
de Gonçalle enuoyé con-		
t. Blasco Vole & sacca-		

T A B L E.

François de Caruaial, capitaine de Gonzalle Pizarre	257.a	nal gouverneur de Castille.	139.b
François de Caruaial menacé de sa teste par Gonzalle.	266.a	François Corsaires enfoncés aux Indes.	279.b
François de Caruaial donne la chasse à Centeno.	270.a.b	François d'Oregliane capitaine.	223.a
François de Caruaial prolonge la guerre.	265.a.b	Frâçois d'Oreillan capitaine.	
François de Caruaial possède Gonzalle Pizarre.	259.b	François Martin d'Alcantara tué avec Pizarre.	226.a
François de Caruaial défait par iustice & de ses meurs.	297.298.a	François de Monteio gouverneur de Yucatan.	70.b
Frâçois Hernandez de Cordube.	68.a	François de Monteio.	73.a
François de Haray, gouverneur de Panuco.	262.b	François Vexera capitaine.	99.a
Frâçois de Haray pilote.	58.a	S.François monastere.	117.b
François Pizarre capitaine.	79.b	S.François ville.	71.a
François Cartier pilote Frâçois.	49.b	François de Barrio Nuevo gouverneur de Castille de l'Or.	100.b
François Pizarre gouverneur du Peru.	174.a	Frio cap.	138.b
François Pizarre comme il descouurit le Peru, lisez Pizarre.	171.a	Froid sous l'Equinoxial.	200.a.b
François de la Case.	72.b	Froidure extreme au Peru.	208.a
François de Zisueros Cardinal		François Martin d'Alcantara.	174.b

G  
Arde, ville. 81.a  
G Garçi Loffre de Quaisa capitaine enuoyé aux

T A B L E.

Lucques.	162.b	s'opposer à l'exécution
Garzia de Loaisa Card. prest-		des ordonnances du Pe-
sident du Conseil des In-		ru.
des.	238.a	244.b
Gaspar de Moralles capitaine.		Gonzalle Pizarre commen-
99.a		ce à tyranniser les Perus.
Gaueto pilote Venitien.	49.a	257.b
Gayra Ville.	108.a.	Gonzalle Pizarre se fait
Gaytara Montagne.	215.b	eslire gouverneur du
Geants en Indie.	143.a	Peru.
George de Spire capitaine A-		146.a.b
mand.	112.b	Gonzalle Pizarre fait du
S. George, ville.	73.a	Roy.
S. Gloire port.	34.b	276.a
Gonzalle Pizarre.	174.a.b	Gonzalle Pizarre assiege
Gonzalle Pizarre s'arme cõ-		la ville des Roys contre
tre Blasco.	245.246.a	Cepeda.
Gonzalle Pizarre marche cõ-		257.a.b
tre Blasco.	264.a	Gonzalle s'assurant sur
Gonzalle Pizarre gagne la		la promesse de Pierre de
bataille contre Blasco.	273.	Hinoiose ne s'oppose à
274.a		Lagasca.
Gonzalle Pizarre fait tren-		277.b
cher les testes à des capitai-		Gonzalle Pizarre, doux
nes de Blasco.	268.b	de son naturel.
Gonzalle fait decapiter Vela		276.
Nugnez frere de Blasco.		277.a
278.a		Gonzalle delibere sur l'as-
Gonzalle Pizarre receu gou-		sassinat de Lagasca.
verneur en la ville des Roys.		280.281.a
258.b		Gonzalle respond aux let-
Gonzalle Pizarre sollicité de		tres de Lagasca.
		281.a.b
		Gonzalle defait par La-
		gasca sans coups frapper
		295.b
		Gonzalle abandonné de
		plusieurs des siens.
		284.
		b.286.a.b



T A B L E.

Gonz alle prins.	297.a	ne.	99.a
Gonz alle Pizarre fort du Peru.	286. 287.a	Gonz alle Ximenez capitaine.	110.a
Gonz alle Pizarre deliuré de prison.	213.a b	Gorgone isle.	173.b
Gonz alle Pizarre deffait par iustice.	297.a b	Goulse quarré.	48.b
Gonz alle Pizarre soubz ombre de parlement dresse vne embusche à Almagro.	213.b	Goulse de saint Michel.	91.a
Gonz alle Pizarre se veut ioindre à Vacca de Castro.	231.b	Grain d'or nompareil.	42.a
Gonz alle Pizarre prins à Cuzco par Almagro.	209.a	Grande Espagne.	335.b
Gonz alle Pizarre va au pays de la Canelle de Quito.	221.b	Grand fleuve.	110.a
Gonz alle Pizarre met Blasco hors le Peru.	266. 267.a	S. Gregoire Ville.	110.a
Gonz alle rompt l'armee de Ceneno.	287.a	Grenade Ville.	322.b. 337.a
Gonz alle d'Ocampo capitaine enuoié contre les Indiens qui s'estoient reuoltez.	118.b	Griualua riuiera.	64.b
Gonz alle de Mendozé Cardinal.	21.a	Grunland, pays.	12.b
Gonz alle de Badiox capitai-		Guabiniquinazes bestes.	67.b
		Guaca Idole.	178.b. 193.a
		Guadalagiara Ville.	335.b
		Guaiabos arbre.	101.a
		Guai herbes propre à faire vomir la cholere.	53.a
		Guaiacan, autrement dict le bois saint.	40.a
		Guanabanos arbre.	101.a
		Guanahan premiere terre descouuerte.	20.b
		Guanigua, Ville.	55.b
		Guaorecuia Cacique pendu.	42.b
		Guanuco pais.	185.a
		Guarcima arbre.	125.b
		Guarays Ville.	30.a
		Guarionex, Cacique.	22.b

T A B L E.

- Guascar Roy du Peru pri-  
sonnier. 185.a
- Guascar tué par Attabalipa  
son frere. 185.b
- Guarionex Cacique predict  
la ruine des Indiens par les  
Chrestiens. 43.a.b
- Guaynacapa Roy du Peru.  
186.a
- Guaynacapa sumptueux.  
191.192.a
- Guaynacapa Inga & de sa  
court. 191.b
- Guaypalcon Indien. 203.a
- Guacanayati, Cacique. 21.a
- Guema Ville. 223.a
- Guerre ciuile commence au  
Peru entre les Espagnols.  
175.a
- Guerre premiere ciuile aux  
Indes entre les Espagnols  
34.a.b
- Guerres ciuiles recommen-  
cent au Peru. 251.a.b
- Guerres ciuiles commencent  
au Peru. 210.a
- Guerre entre Attabalipa &  
Guascar freres Rois du  
Peru. 186.b
- Guillaume Xuarez de Car-  
uial tué par Blasco Nu-  
gnez. 247.b
- Gumangua Ville. 232.b
- Gynzembre. 155.a

H

- H Amabat Roy de Ze-  
but. 147.a
- Hay arbre. 121.b
- Hayti isle. 20.b.35.b
- Hemisphère superieur. 11.a
- Henry de Cuzman duc de  
Medine. 20.b
- Heritiers entre les Indiens.  
111.a
- Hernand Luche prestre ri-  
che. 171.a
- Hernand de Messa premier  
Euesque de Cuba. 68.a
- Hernand Arias mangé par  
ses cōpagnons Espagnols.  
76.b
- Hierosme Attal capitaine.  
135.b
- Hommes Indiens vestuz en  
femmes 89.a.b
- Hommes impuissans mariez  
à autres. 61.b
- Hommes mourans pour a-  
uoir mangé de la chair.  
51.a
- Homme s'enterre soy mesme.  
76.b
- Honduras, cap. 72.a

T A B L E.

Honneur qu'on fait à vn	né.	274.a
Cacique mort.	113.b	Iehan Alvarez, cōmis pour
Houos arbre.	101.a	emmener Blasco. 254.b
Hamos pointe de mer.		Iehan DiaZ de solis grand
136.a		voyageur. 135.136.a
Hutias bestes.	24.a	Iehan Serran pilote. 141.b
Hyberbaton herbe.	109.b	Iehan Serran abandonné de
Hyperbores.	10.a	ses soldats. 150.a
Hypernocques.	10.a	Iehan Serran succede à Ma-
		gellan. 148.a
		Iehan Serran mort. 155.b
		Iehan de QuiZedo. 88.a
		Iehan Cabedo Euesque de
		l'Anticque. 98.b
		Iehā Sebastie de Cauo tour-
		ne toui le monde. 156.b
		Iehan 2. Roy de Portugal.
		167.b
		Iehan Piz arre. 174.a.b
		Iehan Piz arre tué à la def-
		fence de Cuzco contre les
		Indiens. 207.208.a
		Iehan Vespuce pilote. 98.b
		Iehan de Sanabria capitaine.
		137.b
		Iehan PereZ cosmographe.
		20.b
		Iehan de la Cossa pilote. 77.
		a.104.b
		Iehan de la Cosa tué. 78.a
		Iehan de Ayora pour son
		auarice fait rebeller les

I

Iacobins mangex, par les  
Indiens. 117.b  
Iacques Castellon capitaine.  
120.b  
S.Iacque isle. 63.b.156.b  
S.Iacque ville. 68.a.  
Iaguarri ville. 60.b  
Iaharo cacique. 107.a  
Iamaique, isle. 63.b  
Iamaia fort. 73.a  
Iassemin fait rougir les dēts  
et la bouche. 249.a  
Idoles des Indies. 65.b.68.a  
Iehan de Figueroe commis  
pour informer sur le con-  
seil des Indes. 238.a  
Iehan de Griialua. 64.b  
Iehan Aluarez met en li-  
berté Blasco. 260.a  
Iehan Aluarez empoison-



T A B L E.

Indiens.	99.a	Indiens portent en guerre les
Iehan Ponce gouuerneur de		corps des vaillants capi-
Boriquen.	55.b	taines pour dōner courage
Iehan Ponce gouuerneur de		aux soldats. 112.a
la floride.	56.b	Indiens croient la resurrectiō
Iehan Ponce vaillant.	57.a	des morts. 197.b
Iehan Fernandez capitaine.		Indiens baillent leurs filles à
176.b		depuceler à leurs prestres.
S.Iehan isle.	55.b	122.a
S.Iehan fleuve.	171.a	Indiens craignēt les eclipses.
S.Iehan de Vlhua.	65.a	127.b
Ieusnes des Indiens.	110.b	Indiēs croient l'ame immor-
Indie	25.a	telle. 130.b
l'Indie sans fer.	39.a.b	Indiens idolatres. 36.a.b.
Indes secondes.	46.a	127.b
Indes premierelement descou-		Indiens iurongnes. 39.a
uertes.	18.b	Indiens baptisez. 24.b
Indienne Vierge peut tuer ce-		Indiens obeissans. 39.a
luy qui la requiert de son		Indiens assiegent la ville des
honneur.	109.a	Roy. 210.a
Indiens rebelles deffaicts par		Indiens legiers à la course.
Aluarado.	211.a.b	59.a.137.b
Indiens sodomites.	109.a.	Indiens māgez par les Espa-
113.a.b		gnols. 76.a
Indiens ieusnent.	110.b	Indiens se delectent à danser
Indiens en Ethiopie.	22.a.b	& à boire 126.b
Indiens bons nageurs.	104.a	Indiens croient le deluge.
Indiens courageux.	78.b.	194.b
108.b		Indiens parlent au diable.
Indiens portent les dents noi-		193.a
res.	121.a.b	Indiens assiegent Cuzco.
Indiens grands.	54.b	207.b

T A B L E.

Indiens n'ont pour histoires que des chansons. 39.a	Lunagaua isle. 146.a
Indiens vivent longuement. 72.a. 221.a	Lurögnerie des Indies. 127.a
Indiens redoubtent les Eccli- pses. 195.a	L
Indiens croient l'immortalité de l'ame. 54.a	Abeur pays. 48.a
Indiens n'ont point de poil. 102.a	Lagane oyseau ennemy mortel de la baleine. 150.a
Indiens sans barbe. 106.b	Lagasca fin et aduisé. 279.a
Indiens sodomites. 63.a	Lagasca escript à Gonzalle. 24. 280.a
Indiens se reuoltēt au Peru. 206. 207.a	Lagasca dresse son armee cō- tre Gonzalle. 283.b
Indies declarez esclaves & pays libres. 345.a.b	Lagasca fait monstre de son armee. 291.a
Infortunees isles. 146.a	Lagasca attire les capitaines soldats de Pizarre. 284. a.b
Information sur le cōseil des Indes. 237.b	Lagasca enuoie au Peru pre- sident de l'Empereur. 279.a.b
Inondation grāde aduenue à Quahutemallan. 333. 334.a	Lagasca fait dresser des ponts pour passer contre son ennemy. 292.a
Iop herbe. 110.b	Lagasca arrive au Peru. 289. 290.a
Island isle. 12.a	Lagasca prestre. 279.b
Isles vogantes sur l'eau. 73 a b	Larrecin chastie rigoureux- ment entre les Indiens. 104.a
Isabelle, ville premiere ba- stie es Indes. 30.a	Larrö puni aux Indes, & le genre du supplice. 38.b
Iuge pour vider le differēt d'entre les Portugais & Espagnols touchant l'Es- picerie. 158.b	Larrons isle. 146.a
S. Iulien port. 144.b	Lazarre ville. 69.

T A B L E.

Leon ville.	322.b	Magellan guarit yn muet.	
Leopards timides.	102.b		147.a
Liberté des Indiens.	343.b	Magellan tué.	148.a
Libres entre les Indiens.		Magiciens entre les Espa-	
	300.a	gnols.	128.a
List des Indiens.	135.a	Maicabellica, Roy de Pohe-	
Lima riuere et ville.	204.b	cios.	248.a
Liribamba fleuve.	201.a	Magnificence des Indiens	
L'isle Espagnole.	34.a	Orientaux.	151.a
Lopez de Sosa gouverneur		Magnificence du Roy Aita-	
de Castille de l'Or.	100.b	balipa.	181.183.a
Lopez de Salcede gouver-		Malhado, isle.	59.b
neur de Honduras.	73.a	Mahometistes par tout a-	
Lopez de Olano.	74.a	rient.	152.b
Louys de la Cerde duc de		Mal'heureuse isle.	146.a
Medine.	20.b	Mai & bled des Indes.	341.b
Louis guerra capitaine.	106.a	Mamucos oiseaux viuas seu-	
Louis Colomb Admiral duc		lement en l'air.	154.b
de Veragua & Marquis		Manati poisson.	41.a
de Jamaïque.	76.77.a	Mango Ynga.	243.1.b
Luz, Roy ayant six cens fils.		Mago Ynga se rebelle.	206.b
	154.b	Mauian isle.	147.a.b
Lucaies isles.	50.a	Manglars fruits.	172.a
Lyons aux Indes.	93.b	Maracaibo lac.	113.a
Lyons ne sont si cruels aux		Maragnon fleuve.	135.a
Indes qu'aillieurs.	102.b	Marcapana pais.	117.a
		Marguerite isle.	120.b
M		Mariages des Indiens.	38.a
Macian isle.	155.a		103.a. 121. 122.a. 188.a
Magellan Capitaine.		Marida ville.	71.a
	104.a	S. Marie de la Victoire ville.	
Magellan endure beaucoup			71.a
en son voiage.	145.a		



T A B L E.

Marmol, cap.	71.a	Indiens.	44.b.68.a
Marobe idole.	36.b	Misſines crainctes par les In-	
s. Marthe.	107.a	diens.	95.b
Martin Fernandez d'Enci-		Mochi ville.	71.a
ſo.	77.78.a	Moines martyriſez à la Flo-	
Mafana iſle ſaiſte Chreſtien-		ride.	57.b
ne.	147.a	Moluques adingees au Roy	
Mafaya mont.	323.a	d'Eſpagne.	160.a.b
Mate, iſle.	155.a	Moluques engages au Roy	
Matil iſle.	155.a.b	de Portugal par l'Empe-	
Mamais, arbre.	101.a	reur Charles 5. 165. 166.a	
Medecins des Indiens.	113.b	Moluques iſle.	153.a. 155.a
Medecins Indiens peuuent		Monde ſeul.	3.a
auoir pluſieurs femmes.		Monde rond.	3.a
60.a		Monde en forme de poire.	
Mer rouge.	121.a	131.a	
Mer de Midy deſcouuerte.		Monde du tout habitable.	3.b
88.a		Monde inhabitable.	4.a
Mer magellanicque.	141.b	Mondes pluſieurs.	1.a
MeXuacan pays.	335.b	Mont qui iette feu.	222.a
Mexicque ville.	66.b	Montagne iettant feu.	200.a
S. Michel, ville & port.	62.a	Mort d'Attabalipa.	189.b
S. Michel goulſe.	91.a	Moscouie ſollicitée par vn Ge-	
S. Michel de Neueri ville.		neuois de prendre ſur les	
135.b		Portugais le trafic de l'e-	
S. Michel ville.	179.a	ſpicerie.	169.a.b
Mil que vault.	9.a	Moteczuma, Roy.	66.b
Mindanao iſle.	164.a	Motupec pays.	173.b
Mine d'eſmeraudes.	111.a	Mouches des Indes.	124.a
Mine d'or en Guinee.	161.a	Mouches facheuſes en l'Eſ-	
Mines de Cibao.	30.a	pagnole.	40.b
Miracles en la conuerſion des		Moutons reſeruez pour vn	

temps de guerre. 203.b  
 Meynes gouverneurs en l'E-  
 spagnole. 43.a  
 Molubaba Ville, & pays. 237.a

## N

Naissance d'un enfant  
 Indien. 38.b  
 Natan Ville. 314.b  
 Nauire qui tourne tout le  
 monde. 156.b

Neiges grandes & froides  
 sous l'Equinoxial. 200.  
 a.b

Nepueu heritier & non les  
 enfans. 111.a

Nicaragua Ville, pays &  
 Cacique. 319.a. 323.b

Nicolas d'Ouando gouver-  
 neur en l'Espagnole. 42.a

Nicoyan Cacique. 319.a  
 Niquesa esgaré. 74.b

Nigua beste dangereuse qui  
 ne mord qu'es pieds. 40.b

Noel port. 332.a

Noir fleuve. 87.a

Noirs trouvez aux Indes.  
 90.a

Noix muscates. 155.a

Nom de Dieu pillé par Ver-

dugo. 168.169.a

Nourriture meschante des  
 Indiens. 122.123.a

Nouvelle Granade pays.

111.b

Nouvelle Galice. 335.b

Nouvelle Espagne. 64.a

Nugno de Guzman gouver-  
 neur de Panuco. 63.b

prisonnier. 335.a.b. 336.a

## O

Oiseaux viuans seule-  
 ment en l'air & non  
 suiets à corruption. 155.a

Oisons d'Indes. 101.a

Opangui Ynga 191.b

L'or se trouue pur aux In-  
 des en grains gros. 104.b

Or aisé à recueillir aux In-  
 des. 95.96.a

Ordonnances du Peru cause  
 des seditions. 238.b

Ordonnances du Roy catho-  
 licque touchant la cõque-

ste des Indiens. 77.a.b

Oreillan fleuve. 133.a

Oreiones. 191.a

Origuara prophete Indien.

139.a

Origines des guerres civiles

T A B L E.

du Peru.	174.a.b	Pedraza Euesque de Ho-	
Ortegua goulfe.	318.b	duras.	73.a
Oſca herbe.	110.b	Perles & de leur peſche.	
		316.b	

P

Acra ietté aux chiens.		Perroquets blancs & rou-	
93.b		ges.	156.b
Palmes aux Indes.	102.a	Peru païs deſcouuert.	170 a
Pamphile de Naruaez gou-		Peru combien eſt large &	
uerneur des Palmes.	38.b	long.	191.a.19.20.a
Panama pillée par Fernand		Peronille iſle.	319.a
Bacicao.	263.a.b	Philippe Gutierrez gouuer-	
Pances peuples.	111.b	neur de Veragua.	76.b
Panquiao Indien qui donna		Philippe Indien truchement	
les premieres nouuelles de		deſſaiët par inſtice,	208.a
la mer de Midy.	84.a	Piaces prebſtres.	122.a
Paraguazu fleuve.	176.b	Pierre d'Aluarado capitaine	
Paradis terreſtre.	131.b	va au Peru.	199.b
Parcos mont.	219.b	Pierre d'Aluarado ſe reire	
Porcs d'Indes.	102.a	du Peru.	204 a
Paria païs.	31.a	Pierre d'Aluarado de re-	
Parlement inſtitué au Peru.		tour du Peru va deſcou-	
43.b.en l'Eſpagnole.	240.a	urir nouueaux païs.	331.b
Paſſages pour aller aux Mo-		Pierre Xuarez premier E-	
luques.	165.b	ueſque aux Indes.	44.b
Pattos port.	139.a	Pierre martyr abbé premier	
Paul Ynga.	200.b	à ſeuile des Indes.	63.b
Payra port.	179.a	Pierrre de Hinoioſe promet	
Pedrarias priué de ſon gou-		à Gonçalle tuer Lagasca.	
uernement.	100.a	deuant Panama.	277.b
Pedrarias d'Auila gouuer-		267.a	
neur de Darien.	107.b	Pierre de Hinoioſe capitaine	
		de PiZarre met ſon arme	



T A B L E.

- entre les mains de Lagas. 283.a  
 Pierre d'Heredia gouverneur de Carth:gena Vi-  
 Etorienx des Caribes. 106.a  
 Pierre Marguerite, capitaine. 30.a  
 Pierre Aluarez dresse vne armee contre Diego d'Almagro. 229.a  
 Pierre de los Rios gouverneur de Castille de l'Or. 175.b  
 Pierre de Mendozze capitaine. 137.a  
 Pierre de Lugo gouverneur de S. Marthe. 107.a  
 S. Pierre ville. 73.a  
 Pigeonneaux sentans le musc. 30.b  
 Pinzon pilote. 115.b. 132. 133. 134. 135.a  
 Piritu port. 117.b  
 Pizarre prend Attabalipa Roy du Peru. 179.a  
 Pizarre dresse son armee contre Almagro. 213.a.b  
 Pizarre recoit Pierre d'Alvarado & luy paye 100000. pesans d'or pour son armee. 204.a  
 Pizarre et Almagro renou-  
 uellent les guerres. 215.a  
 Pizarre tue par les Almagristes. 225.a.b  
 Plage de l'Ascension. 64.a.b  
 Plata fleuve. 136.a  
 Poireaux maladie aduenue aux Espagnols. 176.a  
 Poison des Indiens. 125.a  
 Poissons en l'isle de l'Espagne. 41.a  
 Poissons ressemblans à l'homme. 121.a  
 Pole, ville. 71.a  
 Pommes veneneuses. 109.b  
 Popain pays. 266.b  
 Ports Indiens. 80.b  
 Porcelaine qui ne peult endurer venin. 149.a  
 Porto ville. 89.b  
 Port beau. 75.a  
 Portuguais querellēt la couronne de Castille. 101.a.b  
 Portuguais descouurent l'espicerie. 167.a  
 Possession fleuve. 319.a  
 Postes des Indiens. 185.a  
 Prestres des Indiens. 113.b  
 Premiere espicerie trouuee par les Espagnols. 152.a  
 Proscription contre les rebelles du Peru. 246. 247.a  
 Puna isle. 176.b

Punition d'un Cacique.

93.94.a

Pyuerds Indiens. 101.b

Q

Quahutemallan ville.

331.a

Quahutemallan pays. 328.b

Quemis beste. 46.b

Quinira pays. 247.a

Quirandies pais. 137.b

Quisquicia isle. 35.b

Quisquiz capitaine Indien.

200.b

Quisquiz poursuivi par les

Espagnols. 202.a

Quisquiz capitaine Indien

s'efforce de remettre sus

l'Empire des Incas. 201.a

Quisquiz tué par les siens.

203.a. 137.b

Quito pays. 202.a

Quito ville. 197.b

Quito prinse par les Espa-

gnols. 199.a.b

Quixos ville. 222.a

R

Raggia poisson vene-

neux. 109.b

Rançon inestimable du Roy

Attabalipa. 283.b

Raxamira Roy de Tidore.

163.a.

Rebellion grande de tous les

Indiens contre tous les E-

spagnols. 206.b

Recepte contre la lassitude.

103.b

Religion des Perusiens. 193.

a.b

Religion des Indiens. 328.a.

b. 37.a

Remede pour guarir la ve-

role.

40.a

Remonstrance graue d'un

Indien.

85.a

Revenu des Moluques &amp;

de l'espicerie. 166.a.b

Richesse de l'isle Espagnole.

37.a.b

Richesse merueilleuse par la

prinse d'Attabalipa Roy

du Peru.

189.a

Roderic de Bastidas gouver-

neur de S. Marthe. 107.

a. Euesque de Venezue-

la. 112.b. assassiné en son

liet par les siens. 107.a.

prisonnier. 77.a

Roderic Enriquez de Col-

menares capitaine. 75.b

82. a. 108. a. enuoyé en

Espagne. 88.a

Roderic

- Roderic d'Arene premier de-  
meurant aux Indes. 23.b  
Roderic de Fonseca Presi-  
dent du conseil des Indes.  
29.a.  
Roldan Ximenez grand pre-  
nost. 34.a. noyé. 42.b  
Roy de Portugal a part aux  
Indes Occidentales. 138.b  
Rois ville assiegee par les In-  
diens. 210.a  
Rubis aux Lucaies. 51.a  
Ruminaguy braue capitaine  
Indien. 181.b  
Ruminaguy fait expertises  
de guerre contre les Espa-  
gnols. 198.b  
Ruy Falero pilote. 139.b  
S.  
Sacrifice des Indiens.  
11.b. 112.a. 193.b. d'hö-  
mes. 111.b  
Salle belle en Indie. 84.b  
Salmandre. 124.b  
Salamanque ville. 71.a  
Samotra isle. 156.b  
Saragan isle. 153.a  
Sebastien de Cauo retourne  
aux Moluques. 163.a  
Sebastien de Penalcazar ca-  
pitaine. 176.b  
Sebastien Gauoto homme ex-  
pert en la marine. 161.a.  
137.a  
Second voyage de Colomb.  
29.a.  
Sel d'urine d'höme. 112.a.b  
Senecque a predit le descou-  
urement des Indes. 347.b  
Sepulchre riche. 106.b  
Sepulture des Indiens. 111.b  
38. 39.a. 104.a. 197.b  
Serpens sans venin. 67.b.  
Seuille, ville. 63 b. 71.a  
Siola pays. 337.a  
Soleil Dieu des Indiens.  
104.a  
Solyman Turc en vain s'es-  
force contre les Portuguais  
169.b  
Songe du Roy Almanfor.  
154.a  
Subo isle. 146.b  
Tumptuosité admirable de  
Guaynacapa Roy du Peru.  
191.b  
Syripada Roy de Borney en  
Orient magnifique. 150.a  
T  
Tabuncho gomme.  
55.a  
Taibo ville. 107.a  
Tararequi isle. 315.b  
Taracuru Cacique. 314.a  
Ta



T A B L E.

Tatarrax Cacique.	339.a	Tumaco Cacique.	92.a
Tauor Ville.	314.a	Tumebamba pays.	187.a.
Tauoga isle.	268.a		188.a
Tauasco Ville.	66.b	Turmeque pays.	III.a
Tecoantepec pays.	328.b	Tututepec Ville.	329.a
Temples magnifiques au Peru.	193.a	Tygres & Lyons aux Indes.	93.b.97.a.b
Teoca Cacique.	93.a		
Terre de labour.	48.a		V
Themistitan, ville.	66.b		
S. Thomas de Cibao, forteref- se.	33.b	Vacca de Castro gaigne la bataille de Cumpas.	
Tidoré isle des Molucques.	153.a		235.a.b
Tiguez, ville.	338.a	Vacca de Castro mis en pri- son par Blasco.	244.b
Tumor isle.	156.b	Vacca de Castro eschappe de prison.	260.a
Tiripi Ville où les Indiens feirent fuir les Espagnols.	78.b	Vaches des Indiens.	240.a.
Togoua Cacique.	314.a		102.a.b
Toledo, ville.	119.a	Vacos bestes.	221.a
Tombe Ville. 180.a. Pays.	173.b. pillée par Fernand Bacicao.	Valdiuia perdu en mer.	86.a
	262.a	Valladolid Ville.	71.a
Tordecia Cacique.	89.a	Vallee du S. esprit pays.	III.a
Tous les saints ville.	94.a.	Valleio capitaine deffait à Caribana.	99.a
goulfe.	138.b	Vasco de Gama Portugais arriné en Calecut.	167.b
Tramontane habitable.	5.a	Vasco de Herrera gouver- neur de Honduras.	73.a
Triane Espag. Void premier les Indes.	20.b	Valuoa executé par iustice.	99.b
Trinité isle.	131.a		
Trusilio Ville.	72.b	Veragua & Vraba pays	

T A B L E.


- doutez par les Espagnols  
98.a  
Verdugo en suite par Pierre  
de Hinoiose. 269.a  
Venezuela Ville & Eues-  
ché. 112.b  
Verolle venue des Indes.  
39.b  
Vespuce florétin pilote. 98.b  
Vezirilo chien. 56.a  
Viceya isle. 163.a  
Vices des Indiens. 343.a.b  
Vigne trouuee és Indes. 46.b  
Vimini port. 56.57.a  
Vraye Croix, ville. 66.b  
Vraioa Cacique. 56.a  
Vtilatlan pays & ville.  
330.b
- X  
Xalisco pays. 332.a.  
335.a  
Xauxa ville despeuplee.  
195.b.204.b  
Ximenez docteur & capi-  
taine descouure les esme-
- rauldes. 111.a  
Xochnuxco ville & pays.  
330.a.b
- Y  
Yaguana petite beste.  
124.a  
Yuga herbe bonne. & mau-  
uaise selon la diuersité des  
pays. 108.a  
Yuga racine. 39.a  
Yucatan pays & ville. 68.a  
Yuana cacique. 313.b
- Z  
Zagatula port. 330.a  
Zapula Indien premier  
Yuga. 179.a  
Zebur isle. 146.b.149.a  
Zebut reçoit le christianis-  
me. 147.a  
Zenu fleuve ville & port.  
104.b  
Zompaciay pays. 111.b  
Zopo Zapagui Cacique.  
201.a

FIN DE LA TABLE.









B572  
L864h



